

孤本元明雜劇

貧富興衰

村樂堂

下西洋

漁樵閑話

雷澤遇仙

渭塘奇遇

勘金環

誤失金環

南牢記

蘇九淫奔

雙林坐化

魚籃記

那吒三變

拔宅飛昇

三化邯鄲

度黃龍

洞玄昇仙

李雲卿

桃符記

鎖白猿

齊天大聖

斬健蛟

寶光殿

獻蟠桃

慶長生

賀元宵

八仙過海

開鍾馗

紫微宮

五龍朝聖

長生會

羣仙祝壽

廣成子

羣仙朝聖

萬國來朝

慶千秋

太平宴

黃眉翁

VISIT...

LANZAROTE
Caliente.COM



孤本元明雜劇

四



孤本元明雜劇

精裝一至四冊
定價十六元

出版者

中國戲劇出版社

北京王府井大街六四號
北京市書刊出版業營業許可證出字第〇九六號

發行者

新華書店

一九五八年一月據商務印書館紙型重印三千部
白報紙大三十二開一百二十四又八分之一印張

徐伯株貧富興衰記

闕名

楔子

〔正末扮徐伯株上〕〔云〕君子時乖志有餘。腹中背記五車書。吾日三省朝聞道。自古寒儒陋巷居。小生姓徐名林字伯株。祖貫山西蒲州在城人也。年長二十有五。自幼攻書。小生空習就滿腹文章。不能遂志。先父在日。頗有家財。自先父棄世。家業陵替。止有老母在堂。小生聞的來年春榜動。選場開。小生意要上朝取應去。爭奈路途遙遠。缺少盤纏。不能前進。小生想來。有俺叔父徐員外。家有萬貫錢財。榮華大富。見在城南居住。我去那裡借些東西。不知如何。我一會家想起來。好是貧難也呵。〔唱〕

〔賞花時〕俺本是狀貌堂堂大丈夫。志氣昂昂膽量粗。胸隱好規模。青雲有路。何日踐鵬途。

〔么〕聖人道君子時乖德不孤。便做道陋巷簞瓢義不疎。非我羨榮枯。但將本務。志不在貧乎。〔云〕便要去呵。須索與母說知好去。〔下〕

第一折

孤本元明雜劇 貧富興衰

一 涵芬樓藏版

〔卜上〕〔云〕老身徐伯株之母是也。今日正值暮冬天氣。好生寒冷。不知孩兒在那裡。〔末上〕
〔云〕母親孩兒在這裡。正有一句話。要與母親說。〔卜云〕孩兒你說。〔末云〕母親。你孩兒空有滿
腹文章。不能遂志。何日是了。〔卜云〕孩兒時運未至。怎生遂得心也。〔末云〕孩兒要上朝取應。一
遭去。不知母親意下如何。〔卜云〕你就去呵。把甚麼做盤費。〔末云〕孩兒去城南叔叔徐員外家。
借些使用。〔卜云〕便休想也。他不肯借與你。〔末云〕不妨事。與不與。借一遭去者。〔卜云〕你既要
去。也當不住你。只是天冷。借遠路程。早些回來。〔卜下〕〔末行科〕〔云〕我出門時。天晴日朗。一會
兒就天陰了。下這等大雪。又刮大風。身上又冷。無箇躲避的去處。好大雪也。〔唱〕

〔仙呂點絳脣〕四野雲迷。雪花飄墜。長空內。柳絮紛飛。裁剪的鵝毛碎。〔云〕這等
大雪。是好冷也。〔唱〕

〔混江龍〕嚴凝天氣。風吹雪打好傷悲。我則見漁翁罷釣。樵子尋歸。正應着閉
戶寒儒窗下苦。歸窰貧士洞中棲。似這雪買臣受冷。顏子擔飢。袁安高臥。孟浩
尋梅。你則看南嶺雲埋蘇武廟。北邙雪擁李陵碑。隨風亂舞。和月爭輝。〔云〕兀的
不凍殺人也。〔唱〕

〔油葫蘆〕我將這百結欄衫手內提。扯過東。露着西。我這裡寒打顫。怎支持。身

軀倒偃行無力。低頭聳背難存立。身上又無甚衣。腹中又無甚食。我正好與顏曾伊尹爲交契。受苦楚。自家知。

〔天下樂〕怎不教撥盡寒爐一夜灰。傷悲。那裡討火伴煨。我比那呂蒙正。則少箇瓦罐提。撲面的雪又飄。風又吹。也是俺窮漢每命運低。〔云〕這一會越發下的大了也。〔唱〕

〔那吒令〕觀長空萬里。布彤雲甚密。望前村色輝。鋪瓊瑤路迷。疎林似綻梅。淺山如畫幃。漁翁每釣不垂。渡口下舟橫住。都潛身在草舍茅籬。

〔鵲踏枝〕官道上路人稀。旅店內掩柴扉。富貴的鼓腹謳歌。貧窮的乞丐悲啼。也是咱命分裏。無些兒靠倚。受艱難。身體尪羸。〔云〕怎了。迷了路也。走了這一會。不知是何處。兀那一叢樹木。怕敢是村舍人家。我去那裡問一聲者。這雪一發不住了。打緊路又不通。怎生是好。〔唱〕

〔寄生草〕堆擁了藍關道。平鋪了楊柳堤。把一箇韓退之阻隔難行騎。凍蘇秦歸路難尋覓。窮孫康也把柴門閉。我則見乾坤萬里一壺冰。蓬萊三島寒潭內。〔云〕不覺早來到村裏也。卻怎生不見雞鳴犬吠。也不見煙籠霧鎖。入的林來。只見青松長短侵

雲漢。檜柏參差長碧霄。雪竇低藏狐兔穴。枝上高呼鳥鵲巢。龜背石碑存古代。朱牌金字寫前朝。槐榆密置栽前後。蓬蒿棘刺繞週遭。殿宇巍峨雲霧鍵。鐘樓高聳勢迢峣。粉牆八字磨磚砌。甬道方堦整石條。風吹窗紙如呼哨。竹擊檐鈴韻自敲。修蓋魯般機意巧。丹青道子用心描。原來是一座廟。不知是何聖像。我試看者。〔做入廟科〕〔唱〕

〔么〕入的這神堂廟。助詩人吟咏題。〔云〕看了這蒼松上積雪呵。〔唱〕恰便似玉龍探爪臨凡世。〔云〕看了這龜背上積雪呵。〔唱〕恰便似崖前白虎施威勢。〔云〕看了這石鼎上積雪呵。〔唱〕恰便似銀盤捧定瓊瑤器。周遭一色粉妝成。乾坤上下琉璃砌。〔云〕是好一座廟宇呀。元來是劉關張之廟。〔唱〕

〔後庭花〕這廟是魯般修。廟整齊。八字牆。磨磚砌。聖像是劉鑾塑。畫工是吳道筆。我這裡觀端的。元來是關張劉備。這三人有志氣。貫乾坤天下知。留芳名史記題。廟堂中影像威。〔云〕想劉關張兄弟三人。當初也受艱窘。何人得似他也。〔唱〕

〔青哥兒〕想着他當初一日。聚會在桃園結義。先主在獨樹樓桑受困危。織履編席。缺食無衣。到處尋覓。挽菜挑壘。誰想他運至時來。立漢基。將心遂。〔云〕這雪越發不住了。卻怎生是好。常記的王口積雪詩一首。我試誦一徧者。滕六司權綴玉葩。滿空飛舞。

影橫斜。銀妝枝葉千千樹。玉作樓臺萬萬家。光映蓬窗堪讀史。清添石鼎稱煎茶。明時喜見豐年瑞。隔歲多呈六出花。兀的不看看晚上來了。只得趨行。遠遠的望見一箇村兒。怕敢是我叔父家了。(唱)

〔賺煞〕看看日影西。漸漸金烏墜。盼孤村心忙意急。途路艱難訴與誰。昏慘慘霧鎖烟迷。白傷悲四望人稀。數點寒雅□待飛。思量泪垂。正逢今日。這早晚敢倚門望歸期。(下)

第二折

〔李老扮徐員外貼扮徐夫人引淨徐金瑣上〕(云)富貴榮華樂有餘。寬懷無慮少躊躇。放錢舉債家私盛。有子何勞教讀書。老夫姓徐名榮字景華。祖居蒲州在城人氏。老夫今年五十有五。頗有家財。止生一子。名喚徐金瑣。別無營運。專靠於些錢債。因此上人都叫我徐員外。今日正值暮冬天氣。下着這等大雪。婆婆安排酒來。俺賞雪飲一盃者。(貼云)我安排去。(淨云)父親似這等大雪。一連下上十四五日。有那等艱難人家。無柴無米。又來俺家借也。但有來借的。問他要三倍利錢纔與他。(李老云)孩兒。正是這等說。(貼安排酒上)(做飲科)(淨云)我去關了門。則怕有乞化的來。(做關門科)(正末上)(云)小生徐伯株是也。從早晨走了這一日。纔來到叔父門首。

呀。關着門哩。我試叫門者。〔做叫科〕〔淨云〕父親。你聽外邊不知是甚麼人叫門哩。〔李老云〕你試看去。〔淨開門見末問科〕〔云〕你是誰。〔末云〕叔父在家麼。我是徐員外的姪兒。今日特來探望叔父。〔淨云〕你等着。我與俺父親說。〔做見李老科〕〔云〕外邊不知那裡來的一箇窮子。穿着一領布衫。上面有一二百箇疙疸。帶着箇破氈帽子。他說是父親的姪兒。我不曾放他進來。〔李老云〕這厮窮斷脊筋哩。孩兒不要開門。咱每吃酒。〔貼云〕員外不中。不凍壞了他。着他進來。〔李老云〕你休管他。〔淨云〕我去看他去了。不曾。〔淨出見末科〕〔云〕俺父親說來。不認的你。快走過一邊去。〔末云〕大哥。你去說。我是他親姪兒。〔淨云〕我那裡耐煩。我只關了門。去不去隨你。〔淨關門科〕〔末云〕天也。好是艱難人也呵。〔唱〕

〔正宮端正好〕泪淋漓添愁悶。沒奈何算計求人。誰想他全然不肯將咱認。好教我這答兒沒投奔。

〔滾綉毬〕他走將來關了門。細思量嘆殺人也。一去了杳無音信。凍的我戰兢兢沒處潛身。觀櫓前端雪紛。覺腮邊珠泪滾。待要歸去呵。路途又不近。又聽的野寺內鐘送黃昏。方信道貧居鬧市無人問。富在深山有遠親。如今人愛富嫌貧。〔云〕不覺的天色晚了。我再叫這門者。叔父開門來。凍殺你姪兒也。〔唱〕

〔倚秀才〕想叔叔真箇忒狠。無一箇把咱瞅問。我不住頻將手打門。伺候了多半晌。叫穀了數十巡。他坐的來安穩。〔淨云〕父親。你聽那厮叫哩。〔末云〕孩兒休管他。〔貼云〕員外不中。常言道。親不擇骨肉。恨不記舊仇。開了門放他進來。省的凍壞了他。〔李老云〕既是如此。你開了門。放他進來。看有甚麼話說。〔淨背云〕父親教我開門。我且不開門。我聽他說甚話。〔做聽科〕〔末云〕呀。怎生就不開門了。兀的不凍殺人也。〔唱〕

〔滾綉毬〕風颯颯怎地捱。冷颼颼難受忍。這時月富豪家有分。則俺這窮漢每無處溫存。聖人道德不孤。必有鄰。似俺這一宗枝。豈不親。你怎生只恁的把咱來撒喏。全無有半星兒愛老憐貧。全不肯施仁布德行方便。那裡有仗義疎財發好心。不由人雨泪紛紛。〔淨開門云〕你進便進來。休要說長道短的。你跟的我來。〔引末進見科〕〔李老云〕兀那厮。你來有甚麼事。〔末唱〕

〔倚秀才〕見叔父將咱問審。我鞠躬躬向門傍倒褪。他那裡滿飲香醪不動身。不由我心中想。腹內自沉吟。不知他准也不准。〔李老云〕你休要之乎者也的。有話就說來。〔末唱〕

〔滾綉毬〕叔父呵莫要瞋。姪兒呵來訴伸。沒奈何這答兒投奔。俺母親道多多

的拜上年尊。爲姪兒家業貧。耽寂寞身軀窘。一生來又無營運。則學了些孔孟書文。我欲待上朝取應求官職。爭奈我囊篋空虛無半分。因此上激惱雙親。〔李老云〕你取應不取應。干俺甚麼事。〔末云〕叔父只因缺少路費。俺母親着我來問叔。不拘多少借些。若姪兒得了志呵。不敢有忘。〔李老云〕得甚麼志。看了你這嘴臉。直等渰殺鵝的。那一年上纔得官。你趁早去。我也沒那東西與你。〔末唱〕

〔倚秀才〕不由我呆答孩心中自忖。叔叔把咱來全不取信。我十載燈窗受苦辛。我只待名標金榜上。親近玉堂人。那時節報叔厚恩。〔李老云〕沒有沒有。你趁早去。莫晚了你也。〔末云〕叔父怎生看俺父親面上。借與姪些。若是得官回來。不忘了叔父。〔李老云〕這厮無理。說沒有。沒有。則管裡纏頭裹腦的。〔淨云〕父親從今後把這等窮親斷了罷。〔貼喝云〕這小厮有甚麼說處。〔末云〕叔父既不與呵。今日天晚。姪兒明日去罷。路上難走。〔李老云〕呀。不中。你回去。這裡沒處睡。〔貼云〕是也。晚了。教他明日去罷。〔李老云〕你婦人家知道甚麼。這早晚還沒起更哩。肯走呵。一會子就到家裏。〔貼云〕則怕路上難走。〔李老云〕看他穿的襖子布衫靴子帽。則怕有短路的。〔末云〕哎。好可憐見人也。〔唱〕

〔滾綉毬〕嬌子呵少費心。叔父呵莫怒恨。小哥哥你不須身困。徐伯株便索抽

身。休將咱言語侵。窮則窮□□有分。你富貴富的來無根。你則待杜門絕客休來往。斷義忘情不認親。眞箇是不辨清渾。〔做行科〕〔貼背云〕這早晚怎生去的。我索瞞着員外。叫他回來者。〔李老云〕關了門。咱家去來。〔李老淨同下〕〔貼喚云〕孩兒。你且回來。〔末回科〕〔貼云〕天晚了。瞞着員外。你歇了。明日去。〔末云〕則怕叔叔知道。〔貼云〕不妨。〔末住科一夜了〕〔末云〕嬌子。我回去罷。〔貼云〕我這裡有短金釵一對。拿去做路費。這領襖子遮寒。你嫌少。〔末拜科〕〔云〕嬌子。殺了孩兒。殺身難報。〔貼云〕孩兒着志者。得了官早些回來。免你老母憂念。〔末云〕孩兒知道。〔做辭科〕〔唱〕
〔尾聲〕我正是時乖不遂男兒恨。運拙諸般不趁心。幾時得換却腰金紫綬新。萬里鵬程雲路穩。望闕朝天拜帝恩。酬志燈下窗前十年困。恁時節衣錦還鄉證了本。〔下〕

第三折

〔李老同貼淨上〕〔云〕一生無慮少愁懷。榮華大富有家財。今日老夫添一歲。安排酒果候人來。老夫徐員外是也。今日是老夫生辰之日。家中宰殺豬羊。安排酒果。怕有親戚來上壽。家童。門首望者。看有甚麼人來。〔火帝眞君道扮上〕〔云〕小聖南方火帝眞君是也。今有蒲州城南徐員

外家。因他不忠不孝。不公不正。嫌貧愛富。奸婪貪財。小聖奉上帝勅遣。往他家降災一遭。小聖撥開雲頭一望。今日正是徐員外生日。小聖扮作雲游道人。將着這一把天火。就與徐員外上壽去。
〔做行科〕〔云〕早來到徐家門首也。立着一箇童。我試問他一聲。小大哥。你去報與員外。說貧道來與員外上壽。
〔童云〕理會的。
〔做報科〕〔云〕老員外。門外有箇道人。來與員外上壽哩。
〔李老云〕好好。俺云。他怎生模樣。
〔童云〕他穿着道袍冠子。手打愚鼓。當也當不住。則要進來。
〔李老云〕好好。俺這裡正少箇唱的。你引他進來。
〔童云〕兀那道士。教你進去哩。
〔做引道士見科〕〔李老云〕道人。你來有何事幹。
〔道云〕稽首。貧道今日特來與員外上壽。
〔李老云〕道人。你從那裡來。
〔道云〕你聽我說與你者。
〔唱〕

〔中呂粉蝶兒〕我家住南方。丙丁村與太陽相向。離蒲州水遠山長。今日爲老員外特來探望。不要你半星兒布施齋糧。我與你酒筵前一歌唱。
〔李老云〕你幾時離了家來。
〔道唱〕

〔醉春風〕午時三刻離家鄉。到這裡無半晌。手敲愚鼓唱仙腔。你都休攘攘。休問我去跡來踪。家鄉何處。菴居方丈。
〔李老云〕這道士風狂了。你纔說水遠山長。怎生無一時。卻到的這裡。
〔道唱〕

〔脫布衫〕你道我風的顛狂。俺出家兒就裏安詳。你這世間人無瞻無仰。利名心不公不當。

〔小梁州〕恨不的積攢黃金着斗量。米麥陳倉。綾羅裝滿櫃和箱。虛飄蕩。歸去自家忙。

〔么〕百年世事瀾隨浪。都做了一枕黃粱。逞強將人讓。休要兩般三樣。富貴莫思量。〔李老云〕這正是箇風漢。胡言亂語的。似你這等窮道士。有誰敬你。〔道云〕貧道是物外。不要人敬。似員外這等富貴人。則怕不得長遠。有朝一日。運去時衰。那時報應的疾也。〔李老云〕這厮說話無禮。我這等家財。便有甚麼報應。〔道云〕你不信。聽我說。〔唱〕

〔上小樓〕報應呵。猶如影響。如何阻當。怎知道今日明朝。黃昏半夜。受害遭殃。您怎防這一場。□□少不的一家兒人離財喪。〔李老云〕這道士十分無禮。說這等話。家童與我又出去。〔道云〕員外。你還不知死哩。〔唱〕

〔么〕你休享富貴多無半晌。便見你時間模樣。那裡有舜目瞳睛。蘭心蕙性。不識吾黨。你誇富貴。施巧計。無些寬量。將你那愛錢心。並無鬆放。〔李老云〕這牛鼻子大膽。怎生在我跟前。說長道短的家童。趕出去。省的我打壞了他。〔道唱〕

〔紅綉鞋〕你休要將咱毀謗。豈知我降你災殃。不覺的紅輪西墜便昏黃。點着我心頭火。能燒燎萬年荒。不怕你有家財房舍廣。〔李老云〕好不利市也。我憑着萬貫家財。誰敢奈何我。今日撞着這廝。說長道短的。〔道云〕罷罷。我點着這火者。〔唱〕

〔滿庭芳〕你憑着家財萬兩。我觀似春冰向日。臘雪投湯。愚眉肉眼將咱謗。賣弄能強。則爲你不平心。福消禍長。因此上剋去禳祥。回頭望後堂中火光。燒着了兩廂房。〔云〕員外。你回頭看。〔李老做看科〕〔云〕呀。後房中失火也。〔道云〕兀的不燒着了。我

索顯化與他者。〔做變化神子科〕〔上雲端叫科〕〔云〕兀的徐員外。你休推睡裏夢裏。則我不是別人。南方火帝真君是也。今奉上帝勅令。遣我送一把天火與你。〔唱〕

〔耍孩兒〕則爲你瞞心昧己無公當。愛富嫌貧行不長。惱虛空烈火降從天。丙丁神遣下南方。高低上下千尺燄。前後周圍萬道光。不留寸截蒿柴杖。那裡消一時半刻。只燒的無處潛藏。〔李老慌叫云〕街坊都來救火者。〔神唱〕

〔三煞〕你恰纔笑欣欣不動身。這其間哭啼啼手脚忙。鬧烘烘救火的難親傍。火隨風勢十分大。不怕你人近河邊有萬桶漿。越救越興旺。豈不聞一星之火。能燒燎萬頃之荒。

〔二煞〕你收進時大斗收。借出時小斗量。放錢舉債標虛帳。則因你扭曲作直。如蛇蝎。意狠心毒似虎狼。全不肯將人讓。似這等天災神禍家亡。〔孝老云〕上聖善着。凡夫再不敢了。〔神唱〕

〔一煞〕凡夫也怎改的。頑心也不久長。你時乖運拙遭磨障。你處交友無終始。斷義疎親絕故鄉。將三教惡言謗。怎生得全家富貴。永遠榮昌。〔做燒了科〕〔云〕我回去也。〔唱〕

〔尾聲〕富貴的無有糧。貧窮的無有殃。敢則怕打牆板兒下上。這的是自古遺言不是謊。〔同下〕

第四折

〔正末衣冠上〕〔云〕三寸舌爲安國劍。五言詩作上天梯。青雲有路終須到。金榜無名誓不歸。小官徐伯株是也。自到京師。託祖宗餘蔭。一舉成名。幸蒙聖恩。除授本州太守。今日走馬到任。左右收拾起程去也。〔唱〕

〔雙調新水令〕羅袍象簡謝天恩。出皇都本州臨任。數年居陋室。一旦住公門。出類超羣。方遂了男兒恨。

〔駐馬聽〕左右公人。莫戀春光景色新。登程要緊。絲鞭緊控。莫殷勤。不須怠慢。快登臨。何時得到蒲州郡。咱今志已伸。怎忘了寒窗十載無人問。〔下〕〔扮卜兒上〕〔云〕老身徐伯株母親是也。自從孩兒取應去了。三載有餘。不見回來。如是煩惱人也呵。〔末上〕〔云〕不覺早來到蒲州也。兀的不是家中了。我進去見母親者。〔做見卜拜科〕〔唱〕

〔鴈兒落〕入門來拜母親。託祖宗家聲振。任蒲州太守官。纔把俺心間趁。

〔得勝令〕我去時途路受孤貧。歸來時皂蓋擁朱輪。方信道將相寒門出。文章可立身。想着俺前春。受苦殺誰來問。今日箇鄉老隨跟。得時人□笑欣。〔卜云〕孩

兒。你今日得了官也。衆鄉老都來相賀。孩兒快安排筵席相待。〔末云〕左右快將酒果來。〔做設

酒科〕〔衆飲科〕〔李老引貼淨同上〕〔云〕老夫徐景華是也。想當初我有錢時。人都叫我徐員

外。一把天火燒了。如今要吃的也無。要穿的也無。可是怎了。婆婆這一會肚中飢上來。怎生奈何。

〔貼云〕老兒。咱每須索尋討些飯吃。〔李老云〕婆婆。咱拿着鼓板。唱着蓮花落。着金瑣孩兒提着

罐子。長街上討去來。〔貼云〕老兒。兀那人家搭着大棚。吃筵席哩。咱往那裡討去。〔李老云〕婆婆。

你打着板兒。我念着蓮花落。孩兒和着。咱進棚去。〔做念科〕〔云〕手拿鼓板往前行。哩哩哩蓮花

落。不由兩眼淚紛紛。哈哈蓮花落。一街兩巷聽咱念。哩哩哩蓮花落。古人留下勸世文。哈哈蓮花

落。你富我貧休誇富。哩哩蓮花落。你貧我富莫言貧。哈哈蓮花落。富的無有苗和稼。哩哩蓮花落。貧的無有苗和根。哈哈蓮花落。我見幾家貧了富。哩哩蓮花落。幾家富了卻還貧。哈哈蓮花落。打牆板兒翻上下。哩哩蓮花落。皇天不負善惡因。哈哈蓮花落。貧居鬧市無人問。哩哩蓮花落。富住深山有遠親。哈哈蓮花落。富不相欺貧不問。哩哩蓮花落。得時人休笑失時人。哈哈蓮花落。惟有感恩并積恨。哩哩蓮花落。萬年千載不成塵。哈哈蓮花落。〔末聽科〕〔云〕兀那打蓮花落。是甚麼人。左右與我叫過來。〔左右引李老貼跪科〕〔末云〕你是那裡人氏。〔李老云〕貧子是此處城南人氏。爲因一把天火。燒了家私。出於無奈。因此上尋討些兒。〔末云〕你姓甚麼。〔李老云〕老拙姓徐。〔末背云〕莫不是叔叔麼。我再問他。〔末云〕兀那老人家。你將你鄉貫住坐。姓甚名誰。從頭說來。〔李老云〕婆婆。你打着板。等我說。〔做念云〕大人問我名和姓。哩哩蓮花落。不是無名少姓人。哈哈蓮花落。家住蒲州城南里。哩哩蓮花落。城南村里有家門。哈哈蓮花落。則我便是徐員外。哩哩蓮花落。這箇便是老夫人。哈哈蓮花落。兀的便是徐金瑣。哩哩蓮花落。一家三口受孤貧。哈哈蓮花落。爲因不幸遭天火。哩哩蓮花落。萬貫家財沒一文。哈哈蓮花落。〔末云〕住了住了。你不是徐景華老員外麼。〔李老云〕大人怎生知道。老拙是徐景華。〔末笑云〕員外。你認的我麼。〔李老云〕大人。老拙不認得。〔末云〕我則說你富貴到老來。不想也有

今日〔唱〕

〔水仙子〕我則道你榮華富貴永無貧。却也有運拙時乖無一文。想你姪兒投奔當時分。你今日怎見人。擡頭來不索沉吟。你假意兒將咱不認。料自己無甚重恩。兀的不辱殺鄉親。〔云〕徐員外。你記的當初一日。暮冬天道。下着大雪。你姪兒徐伯株。問你借些盤纏。你不與他。又將他趕出門來。你記的麼。〔李老云〕大人怎麼得知道。〔末云〕則我便

是徐伯株。〔李老慌科〕〔貼跪下科〕〔末云〕嬌母請起。不干你事。〔唱〕

〔折桂令〕想着他斷義疎親。嬌子是賢德尊堂。姪兒呵不暗前因。常想着暗與金釵。又兼綿襖。囑付頻頻。姪子當知恩報恩。嬌子休費意勞神。穩便安身。休慮家貧。我今日衣錦還鄉。改換家門。〔李老云〕早知你今日做官。那時和你平分了家財也罷了。〔末云〕少說遲了也。那時節不怕凍死了我哩。〔貼云〕既看我面上。甚話都休說了。〔末指淨問云〕這箇年小的是誰。〔貼云〕這是你兄弟徐金瑣孩兒。〔末云〕哎。兄弟也。你記的當初說的話麼。〔唱〕

〔鴈兒落〕兄弟呵忒不仁。說起來心間恨。則道你怎生來常富貴。却也有今朝困。

〔得勝令〕想着你那時節不開門。凍的我茅檐下把身存。你則待將俺這窮親斷。對着咱發怒。你自己沉吟。是誰箇無德信。你心上評論。這清濁怎地分。〔貼云〕都是他父子每不是了。看我面。甚話休題罷。〔末云〕嫡母這等說。看嫡母面上。都休去了。就在這裡住罷。左右請母親出來相見。〔卜相見科〕〔末云〕母親。這便是我有恩的嫡母。〔卜貼字老淨一齊作見科〕〔齊唱〕

〔沽美酒〕這的是親不責骨肉親。恨不協舊讎人。君子身窮志不貧。奈時間受窘。有一日須發憤。

〔太平令〕大丈夫不勞心困。運未至且守寒門。富貴的休忘忠信。貧窮的安心守分。奉勸您世人見真自忖。切莫去愛富嫌貧生忿。〔斷云〕愚叔叔仗他錢鈔。賢嫡母待人無傲。濁富兒斷義疎親。清貧子離將恩報。

題目


老員外賞雪排佳會

賢夫人不肯忘恩義

正名

火帝神發怒降災殃

徐伯株貧富興衰記



海門張仲村樂堂

闕名

頭折

〔沖末扮同知同大旦搽旦淨王六斤張千上〕〔同知云〕花下曬衣嫌日淡。池中濯足恨魚腥。花根本艷公卿子。虎體鸞班將相孫。小官完顏女直人氏。完顏姓王。僕察姓李。自跟着狼主。累建奇功。加某爲薊州同知之職。嫡親的三口兒家屬。我有兩箇夫人。大夫人張氏。二夫人王氏臘梅。這箇是我大夫人帶過來的。姓王是王六斤。我有箇岳父。是海門張仲。在朝爲官。因年老如今致仕閑居。今日是我生辰之日。同僚官都來與我賀壽。大夫人。我則怕你父親來。他來則說閑話。攪了我酒席。王六斤。但有人都請過來。則有我那丈人。休着他過來。〔王六斤云〕理會的。〔防禦上〕〔云〕絲綸閣下文章靜。鐘鼓樓頭刻漏長。獨坐黃昏誰是伴。紫薇花對紫薇郎。小官薊州防禦是也。自中甲第以來。累蒙擢用。今聖恩可憐。加小官爲薊州府尹之職。今日是同知相公生辰貴降之日。與他上壽。走一遭去。可早來到也。張千報復去。道有小官在於門首。〔張千云〕理會的。報的大人得知。有防禦大人在於門首。〔同知云〕道有請。〔張千云〕理會的。有請。〔防禦見科〕〔云〕相公。今日是相公壽誕之日。小官特來相賀。〔同知云〕量小官有何德能。着相公用心也。〔做遞

酒科〔云〕將酒來。相公滿飲一杯。小官也飲一杯。慢慢的飲酒。看有甚麼人來也。〔正末扮張孝友上〕〔云〕老夫姓張名仲字孝友。幼年曾爲縣官。因爲老夫年邁。致仕閑居。在南宮薊州城南海門臨村。蓋了座堂。名曰是村樂堂。老夫有箇女孩兒。嫁與這薊州同知。今日是同知生辰之日。老夫遣些酒禮。與同知上壽。走一遭去也呵。〔唱〕

〔仙呂點絳脣〕我如今樂矣忘憂。暮年衰朽。甘生受。虛度了春秋。每日家詩酒消白晝。

〔混江龍〕遣家童耕耨。老夫則待愛莊農。種植樂田疇。我無福穿輕羅衣錦。有分着坐絹簷綉。我則索睡徹三竿紅日曉。覺來時一壺濁酒再扶頭。我將世事都參透。幻身軀似風中秉燭。可憐見便似兀那水上浮漚。〔云〕想俺這閑居的是好

快活也。〔唱〕

〔油葫蘆〕每日家遙指南莊景物幽。指望待住的久。這的是祖宗基業子孫收。我和這等愚眉肉眼難相睺。凡胎濁骨難相守。世間有三件事。我如今都一筆勾。到如今世財上二紅粉高樓酒。休爭氣看看白了少年頭。

〔天下樂〕休休休。人到中年萬事休。我如今孤也波身。孤身可便得自由。端的

是飄飄一葉。不纜輕舟。假若我便得些自由。沒揣的兩鬢秋。爭如我便且修身。閑袖手。〔云〕可早來到也。張千報復去。道有老夫在於門首。〔張千云〕理會的。報的大人得知。有老相公來了也。〔同知云〕道有請。〔張千云〕理會的。有請。〔見科〕〔同知云〕呀呀呀。父親。請請請。〔大旦云〕父親來了也。父親萬福。〔正末云〕老夫今日備了些酒禮。特來賀壽。將酒來。我與同知遞一杯。〔同知云〕量您孩兒有何德能。着父親用心也。〔正末做遞酒科〕〔云〕同知請。再將酒來。老相公滿飲一杯。〔防禦云〕老相公請。〔正末云〕老相公請。〔飲酒科〕〔正末云〕將酒來。孩兒飲一杯。再將酒來。王都督喫。〔王六斤云〕您孩兒不敢。〔大旦云〕父親。小夫人不會喫酒哩。〔正末云〕一來老夫年紀高大。第二來與府尹相公攀話。忘了與二夫人把盞。夫人休怪老夫。〔搽旦云〕不敢不敢。〔同知云〕下次小的每看酒來。〔正末云〕休把盞。我與老相公閑攀話者。〔搽旦背云〕一席好酒。走將這老子來。又打攪了。〔防禦云〕住住住。小官久聞老相公村樂堂的景致。你說一遍。我試聽者。〔正末云〕老夫。那村樂堂上一年四季。春夏秋冬。都有景致。聽我慢慢的說一遍者。〔唱〕

〔村里逐鼓〕正值着那麗人天氣。恰正是那太平的時候。趁着他這花紅和柳綠。遠着這社南社北。他每則在兀那莊前莊後。他每都攜着美醞。穿紅杏。拖翠

柳。我直喫的笑吟吟。醺醺的帶酒。〔防禦云〕老相公。夏間再有甚麼景致。說一遍者。〔正末唱〕
〔元和令〕錦模糊江景幽。翠峻嶒遠山岫。正是稻分畦。蠶齊簇。麥初熟。我是箇
老人家。閑袖手。就着這古堤沙岸。那答兒綠陰稠。纜船兒執着釣鉤。〔防禦云〕老
相公。收綸罷釣。新酒活魚。是好幽樂也。〔正末唱〕

〔上馬嬌〕我將這錦鯉兜。網索收。就着這村務酒初熟。恰歸來半醉黃昏後。暮
雨兒收。看牧童歸去。倒騎牛。〔防禦云〕秋間可是如何。〔正末唱〕

〔遊四門〕秋間恰正是敗荷萍裏。正方秋。呀呀的寒鴈過南樓。恰正是荷枯柳
敗芙蓉瘦。風力冷颼颼。看霜降水痕收。〔防禦云〕老相公。這秋間的景致。還有幾般清幽。

再說一遍者。〔正末唱〕

〔勝葫蘆〕我則見淺碧粼粼露遠洲。滴溜溜紅葉一林秋。怕的是明日黃花蝶
也愁。做孟嘉莊上。就淵明籬畔。老夫酒醒時節。再扶頭。〔防禦云〕冬暮間天道。可是

怎生也。〔正末唱〕

〔後庭花〕冬間老夫待尋梅訪故友。踏雪裏沾豔酒。寶篆焚金鼎。濁醪飲巨甌。
我和你意相投。酒筵中不穀者。莫再約住林下叟。就村務將琴劍留。〔防禦云〕酒

穀了。老夫告回也。〔正末云〕早哩。且坐的也。〔唱〕

〔柳葉兒〕直吃到二更時候。笑喧嘩交錯觥籌。直待吃的月移梅影黃昏後。心相愛。意相投。醉時節。衲被蒙頭。〔同知打淨王六斤云〕王六斤。我分付你甚麼來。不應親者

強來親也。〔正末云〕可不道對客不得噴狗。我本待去了來。恰纔王都管吃了幾下打。我試安撫他者。王都管。〔唱〕

〔單雁兒〕我向來打了箇稽首。你身上的是非。只爲我恰纔多開口。這的是我做下事。可着你承了頭。可你敢休和老夫記冤讎。〔王六斤云〕老相公。您孩兒不敢也。

〔正末唱〕

〔尾聲〕我見他呵羞。我則推箇逃席走。〔防禦云〕老相公。再飲幾杯。〔拖下坐科〕〔正末唱〕請你一箇府尹官人放手。〔云〕同知。〔唱〕你可怎全不隄防你那腦後憂。這的是你戀着金枷玉鎖遭囚。我則怕你久已後。枉了將你閑憂。我正是莫與兒孫作馬牛。你如今貪杯戀酒。〔云〕你到的臥房中。將的鏡子來。照你那面皮去波。〔唱〕則被這酒灌的你來黃乾黑瘦。你正是養家活計下場頭。〔下〕〔防禦云〕相公酒穀了。多多的定害。左右將馬來。回家中去也。〔下〕〔同知云〕大夫人。我說你這父親不達時務。來便則說閑話。

把我那一席好酒都攪了。罷罷罷。防禦相公也去了。安排酒肴。後堂中飲酒去來。爲官受祿居州郡。安享榮華樂事多。今日畫堂開玳宴。洞房猶是聽笙歌。〔同下〕

第二折

〔搽旦上〕〔云〕妾身是同知相公的小夫人。有大夫人是張氏。他帶將一箇小的來。是王六斤。我見這小的聰明。我着他近身邊伏侍我。俺兩箇有些不伶俐的勾當。相公歇息了也。我叫六斤來者。〔做叫科〕〔王六斤上〕〔云〕下次小的每前後收拾。夫人叫我哩。〔六斤見搽旦科〕〔云〕你叫我怎的。我打發相公睡哩。〔搽旦云〕相公歇息了也不會。〔王六斤云〕歇息了。〔搽旦云〕噤這裡不自在。去後花園亭子上去來。〔王六斤云〕也好也好。俺去來。〔同下〕〔正末扮曳刺上〕〔云〕洒家是箇關西漢。岐州鳳翔府人氏。在這薊州當身役。與這同知相公做着箇後槽。喂着一塊子馬。一塊子好馬也呵。〔唱〕

〔南呂〕一枝花〕同知着我不將差罰當。專把征駝喂。喂的似按板肥。好馬也我與你刷鏽的。恰便似潑油光。索與你收拾了鋪床。把駿騎牽在槽上。草料也拌上一筐。我與你拖着那半片席頭。美也。我與你急轉過前廳後堂。〔梁州〕眷的是側徹廚房中暄熱。愛的是寬綽綽過道裏風涼。夜深也無一

箇人來往。半片席斜鋪在地下。兩塊磚掇在頭行。正天炎似火。地熱如爐。過道裏不索開窗。洒家道來則這的便似天堂。我與你直挺挺忙攪倒身軀。就着這涼滲滲席墊着我這脊梁。美也。就着那風颼颼擲着我那胸膛。愁的是後晌晌响。我恰纔煮料切草都停當。安排下攪草棒。喂的他槽上的征驄有些肚囊。料煮到上半磁缸。〔云〕洒家與你睡一覺者。〔做睡科〕〔王六斤同搽旦上〕〔云〕慢慢的走。赤赤赤。
〔搽旦六斤做跳正末身上過〕〔打科〕〔正末云〕哎約哎約。甚麼人劈劈潑潑。則管裡打。〔六斤云〕是我都管。〔正末云〕都管都管。你忒休都管了。〔六斤云〕夫人也在這裡。〔正末云〕夫人夫人。這早晚在這裡。有甚勾當。我別處睡去便了也。〔下〕〔搽旦云〕六斤也。我爲你就驚受怕。你休負了我心也。〔六斤云〕我若負心。我就該死也。〔正末上〕〔唱〕

〔賀新郎〕是誰人這早晚不尋常。俺的把曲檻斜穿。呀的將角門兒開放。是誰人這早晚往花園裏撞。這厮引定誰家一箇豔妝。莫不是求食賣笑的紅妝。〔云〕好也囉。〔唱〕荒淫怎坐夫人位。除了名字有何妨。着這箇浪包攬。一迷裡胡廝謊。若拏賊做箇證見。我着他望穿堂打會關防。〔掣六斤科〕〔唱〕

〔梧桐樹〕你可便休想我把伊輕放。這公事決聲揚。往往同知將他向。好也囉。

將一箇腌盆兒掇在他頭直上。〔云〕有賊也。有賊也。〔搽旦云〕這弟子孩兒無禮。我在這裡直料來。有甚賊麼。〔六斤云〕妳妳與他些東西。買他不語。〔搽旦云〕我與他這枝金釵兒。〔六斤云〕兀那爪子也。你不要言語。我與你這枝金釵兒。〔正末云〕你做的歹勾當。倒與我枝金釵兒。〔六斤云〕悄悄的休教同知聽見。〔正末云〕同知這早晚。做了箇糟得惱了也。〔同知上〕〔云〕兀那。你說甚麼哩。〔正末云〕早是爪子不會說相公甚麼。〔同知云〕你也罵的我殺了也。你怎麼大呼小叫的。〔正末云〕相公。他兩箇在這坨兒哩。〔六斤同搽旦罵科〕〔云〕爪驢爪弟子孩兒。爪畜生。〔三科了〕〔正末唱〕

〔四塊玉〕不索你厮掩藏。休倔強。〔同知云〕好是奇怪也。你回去罷。〔正末云〕酒家知道。〔唱〕我急走的去那廚房中。我點着燈光。若是實呵。小人請功賞。早來箇可便黑洞洞的。如今照耀的來便明朗朗。請同知你覷這二人的氣象。〔搽旦云〕同知。休聽這弟子孩兒胡言漢語的。〔同知云〕氣象怎的。小夫人。你在這裡做甚麼來。〔正末云〕他兩箇在這坨兒哩。〔搽旦同六斤罵科〕〔云〕爪驢爪弟子孩兒。俺在這裡做甚麼來。〔正末唱〕
〔哭皇天〕氣的我一跳三千丈。〔同知云〕兀那後槽。有甚麼勾當。你實說。〔正末云〕不是酒家在相公跟前說呵。〔唱〕相公若不信呵。自覷當。不是我私過從。硬主張。喋。你莫不

便要一紙從良。一箇是夫人。一箇是伴當。〔帶云〕你既是夫人。更深半夜。蘭堂畫閣裏不睡。〔唱〕黑洞洞的向一坐花園裏。花園裏有甚勾當。你向那撲堂的土上。尙兀自印下這脊梁。〔搽旦云〕是這驢打滾來。〔正末云〕那箇人肯做這等勾當。〔唱〕

〔烏夜啼〕請同知自向跟前望。夫人爲甚麼汗塌濕殘妝。〔搽旦云〕是露水珠兒。滴在我臉上來。〔正末唱〕都管爲甚粉貼在鼻梁。〔六斤云〕我有些怕後。打了箇白鼻兒。〔正末云〕夫人說波。都管說波。可怎生不言語。〔唱〕不似那昨來箇爪驢爪賊爪馬。叫叮叮的眼睛荒。〔云〕好也。〔唱〕不信你那撲撲的小鹿兒。心頭撞打疊起無顏色。無情況。花言巧語。數黑論黃。〔同知云〕你說。他兩人有甚麼顯證。〔搽旦云〕有甚麼顯證。你拏出來。〔正末云〕要見顯證。金釵兒便是顯證。〔同知云〕小夫人。這金釵兒不是你的。〔搽旦云〕我恰纔着花枝兒抓在地下。這爪子拾了我的。他不還我。〔同知云〕夫人也。你這金釵兒吊了好幾遭了也。〔正末唱〕

〔尾聲〕則這金釵兒是二人口內的招伏狀。更壓着那十字街頭犯由榜。這公事不虛誑。道得來捏住喉嚨。請你箇請你箇水晶塔的官人都莫偏向。做賊來見賊。殺人來見傷。這的是都管的好情唆狗。不是這後槽的謊。〔下〕〔搽旦云〕相

公。你歇息去。〔同知云〕夫人。你執料去罷。我歇息去也。〔下〕〔搽旦云〕六斤。我和你說。這等瓜子。在家裏打攪。我明日則教同知趕了他去罷。俺兩箇可不自在也。〔六斤云〕妳妳。我則是磕頭罷了。〔搽旦云〕收拾了門戶。我歇息去也。〔同下〕

楔子

〔同知同搽旦王六斤上〕〔同知云〕昨日被後槽鬧炒了一會也。〔搽旦云〕那箇弟子孩兒。不似好人。偷東摸西。打發他去了罷。〔同知云〕夫人說的是。六斤。與我喚將那後槽出來。〔六斤叫科〕〔云〕理會的。後槽安在。〔正末上〕〔云〕相公喚酒家有甚勾當。我須見相公去。〔六斤云〕兀那瓜子。爲你磨了我半截舌頭。要放你回去哩。〔正末云〕謝了哥哥。〔見同知科〕〔云〕相公喚酒家有甚的勾當。〔同知云〕兀那厮。你當幾時後槽了。〔正末云〕我該當一年。〔同知云〕當一年。還有多少時。〔正末云〕我當了半年了。〔同知云〕罷。我饒你半年。放你回去罷。〔正末云〕相公我去也。我拜相公兩拜。〔同知云〕你拜了我。你也拜夫人兩拜麼。〔正末云〕我不拜夫人。〔同知云〕你怎生不拜。〔正末云〕我曲不下這腰。酒家腰疼。〔同知云〕你若不拜呵。我不放你回去。〔正末云〕我葫蘆提拜兩拜罷。〔唱〕

〔新水令〕同知着酒家下班去。不喚再休來。便有那包龍圖把他也難賽。我則

怕那王伯當潑喬才。久後生心。〔云〕干我甚的事來。〔唱〕知他是和尚在鉢盂在。〔同知云〕兀那厮去罷。〔正末做叫六斤科〕〔云〕唆狗唆狗。〔六斤云〕門口有傳神的叫我哩。弟子孩兒我做唆狗。我出這門來。〔正末云〕阿哥可不道唆狗也。我去也。好處你便說些。歹處休說。阿哥我去也。〔六斤云〕你去也。我知道。〔三科了〕〔正末叫六斤云〕唆狗唆狗。〔六斤云〕他又叫我。我出的這門來。〔正末云〕阿哥。〔六斤云〕可早兩遭也。〔正末云〕他是二夫人。你是伴當。你兩箇有這等勾當。道不的瓦罐不離井口破。我去也。〔六斤云〕你去罷。我知道了。〔正末回頭招手科〕〔六斤見科〕〔云〕敢是唆狗。〔正末云〕這厮可攙了我的。〔下〕〔同知云〕後槽去了也。夫人俺後堂中飲酒去來。〔同下〕〔搽旦上〕〔云〕自家小夫人的便是。我如今和王六斤兩箇。不得自在。我要合一服毒藥來。或是茶裏飯裏着上。藥殺了同知。我和王六斤永遠做夫妻。喚將六斤來。〔六斤上〕〔云〕妳妳。你喚我做甚麼。〔搽旦云〕我和你不得自在。你合一服毒藥來。藥殺了同知。我和你永遠做夫妻。可不好那。〔六斤云〕我知道。〔搽旦云〕好孩兒。不枉了。門首看着。則怕相公來家。〔六斤云〕理會的。〔同知上〕〔云〕小官衙門中回來。身子有些不好。夫人安排一碗酸湯來。我吃者。〔大旦云〕我做去。〔大旦掣湯上科〕〔搽旦云〕掣來我嘗一嘗。沒滋味。姐姐。你去取些鹽醋來。〔大旦下〕〔搽旦云〕可掣那藥來。放在碗裡。〔大旦上〕〔云〕有了鹽醋了也。〔搽旦云〕姐

姐。我纔和他急聒了幾句。相公有些怪我。你擎這湯去。〔大旦云〕相公酸湯。你喫一口兒。〔同知驚科〕哎。約。怎生火光迸散。誰做的湯來。〔搽旦云〕姐姐做的。〔同知云〕好夫人。我怎生歹着你。你有這等歹心。將大棒子來。〔搽旦云〕相公。你不要打他。他是你兒女夫妻。做這等勾當。你告他去。我是證見。〔同知云〕你也說的是。我家裏打他。私置牢獄。我去衙門裏告防禦大人。走一遭去來。〔下〕〔防禦領張千上〕〔云〕小官防禦是也。今日在衙門中閑坐。令人門首覷者。看有甚的人來。〔同知上〕〔云〕可早來到也。不必報復。我自過去來。〔做見跪科〕〔云〕相公與我做主者。〔防禦云〕相公請起。有甚的事。〔同知云〕有我大夫人。是兒女夫妻。他合毒藥害我。相公與我做主者。〔防禦云〕相公。你是同僚官。我難問。〔同知云〕相公。你若不問。我上司告去。〔防禦云〕住住住。我問便問。誰是原告。相公。〔相公二字校刪〕〔同知云〕我有二夫人做狀頭。合毒藥的是王都管。藥丈夫的是大夫人。並不干小夫人之事。相公與我做主者。〔防禦云〕相公。我自有主意。〔同知云〕相公回去也。〔下〕〔防禦云〕這莊事我也難問。張千說與張本。着他好生問這莊事。問成了呵。可來回我的話。將馬來。我且回私宅中去也。〔下〕

第三折

〔牢子上〕〔云〕手執無情棒。懷揣滴淚錢。曉行狼虎路。夜伴死屍眠。自家是五衙都首領。今有同

知的大夫人二夫人和王六斤。下在這牢裏面。與我掙將出來。（大旦攥旦同王六斤上）（攥旦云）俺兩箇又無罪過。俺這裡坐的。看有甚麼人來。（牢子云）不要大驚小怪。則怕有提牢官來。（正末扮令史上）（咳嗽科）（云）我姓張名本。是這汾州西河縣人氏。做着箇令史。口則說箇令史。也難。要知律令。曉史書。方可做的箇令史。（做回頭科）（云）後與同知相公叫我牢裏問事去。着你娘做些醋。累來。我知同知家道上好生不明。正之在人。格之在己。休道前程苟貪。上察推天心。下察推地炁。明有禍福相隨。暗有鬼神相報。然後爾俸爾祿。民膏民脂。下民易虐。上蒼難欺也。呵（唱）

〔商調集賢賓〕我從那幼年間將吏道文字把。我去那儒吏上少書滑。筆尖上斟量一箇輕重。案款內除減了增加。我則待惜黎民戶減了差徭。須是我愛莊農一犁兩耙。則俺那同知好將攔狀插。前廳上審問撒達。這廝每其中必暗昧。就裏決爭差。

〔逍遙樂〕我與你親身臨牢下。自審箇虛實。辯箇真假。（云）來到這牢門首也。扯動這繩子。（牢子做驚科）（云）來了來了。是提牢官來了。我開門去。（牢子開門撞正末頭倒科）（牢子云）哎約哎約。可怎麼好。原來是提控。撞倒他怎麼了。（正末云）這箇是甚麼門。（牢子云）

這箇是牢門。〔正末云〕可知是牢門。牢門裏門上拴一條繩子。繩子上拴着鈴子。有人來扯動這繩子。裏面那鈴子鏗琅響一聲。你便不合攢出得腦來。假若有那劫牢的來。一棍子打殺你。你死。不爭孩兒也。你不帶累他那官長麼。〔牢子云〕提控說的是。〔牢子做拿起笠子看科〕〔云〕壞了笠子了。〔正末云〕着箇補笠子的補了者。〔牢子云〕理會的。〔正末云〕開了這門了。我進去了。〔做見大旦搽旦科〕〔正末云〕這箇是甚麼人。〔牢子云〕這兩箇是夫人。這箇是都管。〔正末做努嘴科〕〔牢子做擎旦六斤云〕過來跪者。〔大旦搽旦六斤做跪科〕〔搽旦云〕我又無罪過。我跪者。看他怎麼放我起來。〔正末問牢子云〕你姓甚麼。〔牢子云〕我不醒。〔正末云〕你姓甚麼。〔牢子云〕哦。你問我姓甚麼。我姓王。〔正末云〕龐。〔牢子云〕王。〔正末云〕黃。〔牢子云〕提控。我寫與你看。三畫中間一豎。是王。〔正末云〕你是三畫王。〔牢子云〕我正是三畫王。〔正末云〕三畫王。把墨來。〔牢子云〕這一場苦又不善了。我又不是太醫。着我把脈。沒奈何官差。依着他。〔牢子擎正末手把脈科〕〔云〕一肝二膽三脾。〔正末云〕你做甚。〔牢子云〕你說着我把脈來。〔正末云〕是硯瓦上磨的。〔牢子云〕那箇是墨。〔正末云〕是。〔牢子云〕無了墨了。〔正末云〕土地龕子上有塊墨。〔牢子云〕理會的。他這舊校改至有心記事。我尋去。真箇有一塊墨。提控有了墨了。〔正末云〕三畫王。硯瓦上灰吹了者。〔牢子向正末吹科〕〔正末眯了眼科〕哎約哎約。〔牢子云〕嗨。眯了提控股也。

〔正末云〕媳婦兒。媳婦兒。過河來打打米米。〔牢子云〕甚麼打打米米。〔正末云〕拏過來。〔牢子云〕靠前跪着。〔正末云〕你姓甚麼。〔六斤云〕我姓王。〔正末云〕龐。〔六斤云〕王。〔牢子云〕提控提控。他也是三畫王。〔正末云〕你也是三畫王。〔牢子云〕提控。正是三畫王。〔正末云〕王甚的。〔六斤云〕王都管。〔正末云〕你都管誰。〔六斤云〕家前院後。都是我執料。叫我做王都管。〔正末云〕寫官名。〔六斤云〕我是王六斤。〔正末做寫科〕〔云〕責狀人王六斤又六斤。〔牢子云〕沒我則這般道。〔正末云〕兀那厮。你招了者。〔六斤云〕你着我招甚麼。〔正末云〕要你招了者。〔六斤云〕你着我招甚麼。〔正末唱〕

〔醋葫蘆〕我這裡輕輕的將你那手腕兒捏。款款的將他這脚面兒踏。你若是招成了。我將你厮提拔。你身上休惹的粗棍子打。啵。啵。啵。兩人好生的說話。〔六斤云〕于我甚事。冤屈也。〔正末唱〕沒來由村醜生叫吖吖。〔云〕責狀人王六斤又六斤。〔搽旦云〕我又無甚麼罪過。誰聽你那言語。我家裏去也。〔正末云〕三畫王。他說甚。〔牢子云〕他說他無罪過。他要家裏去。〔正末云〕三畫王。〔牢子云〕有。〔正末云〕你待開了箇牢門。教他去。〔牢子云〕理會的。我待開開這牢門。〔正末云〕你去你去。可又不敢去。你覷的我箇頭似土塊。氣的我翻上倒下的。壁上孩兒一簇簇畫的來不會哭。手裏拏定把槌兒。打你妳妳眉楞骨。這箇姐姐。是

箇夫人。你也是箇夫人。這箇姐姐。似鳳凰飛在梧桐樹。自有傍人話短長。〔唱〕

〔么篇〕你可休把人來廝笑話。觀的人來似糞渣。打官司處使不着你粉鼻凹。觀不的鋪眉苦眼喬勢殺。〔搽旦做扭捏科〕〔正末云〕我那裡受的他。〔唱〕百忙裏便弔腰撒跨。〔云〕三畫王將大棒子來。〔牢子云〕理會的有。〔正末唱〕半合兒勸你箇攪蛆扒。〔同

知上〕〔云〕小官同知的便是。有我那大夫人。因奸合毒藥。藥丈夫。我告防禦大人。誰想防禦相公不整理。分付與張本外郎。他問這莊事。那箇人又難說話。則怕他不知道我這家務事。我與他說一聲去來。到這牢門首。拽動這牢鈴索。〔牢子云〕來了來了。不知甚麼人拽動這牢鈴索。我開開這牢門。〔做開門科〕〔云〕原來是同知相公。〔同知云〕張千。我家那莊事。如今怎麼樣。〔牢子云〕張令史正問着這莊事哩。〔同知云〕你說一聲。道我在門首。有話和他說。〔牢子云〕理會得。〔見正末科〕〔正末做寫科〕〔云〕同知。〔三科了〕〔牢子云〕牢門首有同知相公有請。有說的話。〔正末云〕你便道。外郎。牢門首有同知相公。怎麼你走到我身邊廂。同知同知。着我寫了兩三箇同知。〔牢子云〕誰着你寫來。相公請提控說話。〔正末出門見同知科〕〔云〕相公。你來這裡有甚麼事。〔同知云〕張本。你不知道。我家那莊事。藥丈夫是我那大夫人。合毒藥的是王六斤。並不干我那二夫人事。我和你說一聲。〔正末云〕相公。你既知道。你自家問了罷。我行胡攤亂攤。你不攤。三

賁王。你關了門者。〔牢子云〕開了牢門。則怕磕你一箇骨都。〔正末云〕三畫王關了牢門。〔牢子云〕是我關了牢門。〔僚兒上〕〔云〕我是做執法的孩兒。我爹爹在牢裏問事。我娘着送飯。我去來到這牢門首。〔做見同知與唱喏科〕〔僚兒云〕吞之。〔同知云〕這箇是張本的孩兒。你那裡來。〔僚兒云〕我爹爹在牢裏問事哩。我娘着我送飯去。〔同知云〕來來來。與你這貫鈔。替我買箇蒸餅來。〔僚兒云〕我知道。我買去。〔下〕〔同知云〕我支轉了他。將這一餅黃金。我放在這飯罐裏。他若見。自知其意。〔僚兒上〕〔云〕吞之。沒了蒸餅了。還你鈔。〔同知云〕我不要。就與你罷。〔僚兒云〕我不敢要。〔同知云〕爲什麼不要。〔僚兒云〕俺爹爹知道。則道我受私哩。〔同知云〕做舍着您爹爹休嫌少。〔僚兒叫牢子科〕〔云〕牢子哥哥開門來。〔牢子做開門科〕〔云〕我開開這門。原來是做舍。你來做甚麼。〔僚兒云〕我來送飯來。〔牢子見正末科〕〔正末云〕王六斤。王六斤。〔牢子云〕做舍。〔正末做慌科〕〔云〕接赦接赦。開了牢門。裝香來。請官請官。〔牢子云〕做什麼請官。〔正末云〕你道接赦接赦。凡那三畫王。你來你來。我姓張也。那我姓做。〔牢子云〕提控。這箇是我說的差了也。〔正末云〕教他過來。〔牢子云〕理會的。着你過去哩。〔正末云〕你娘家裏做什麼來。〔僚兒云〕俺娘家裏扎麻鞋哩。〔正末云〕一腿子麻鞋是甚麼哩。賣二百文小鈔。三口子老小盤纏。是甚麼。〔僚兒云〕和和飯。〔正末云〕着你娘做些醋羹來。又是和和飯來。〔僚兒云〕打你姝姝嘴。

胡說吃了罷。甚麼醋累醋累。〔正末做抄飯怕科〕〔唱〕

〔么篇〕則被這金晃的我這眼睛兒花臘擦。說的我這手脚兒軟刺答。可若是官司知道怎割殺。〔云〕後興〔唱〕你可是那裡每將來。你與我疾道者。常好是心粗膽大。天也天也。則被些小冤家。送了這箇撇知法。〔云〕後興。你牢門首見誰來。〔傑

兒云〕見同知來。〔正末云〕同知說甚。〔傑兒云〕他說着你爹爹休嫌少。〔正末唱〕

〔後庭花〕頗奈這箇打關節的姜子牙。你待搭救這犯奸情的女浣紗。你則怕蕭相國差行了事。好好好。哎。你箇包龍圖能治家。〔云〕三畫王。〔牢子云〕有。〔正末唱〕你與我換上沉枷。〔牢子云〕理會的上枷。〔正末唱〕你可休將人來者刺。來日箇坐早衙。大人行把狀插。小夫人必事發。王都管必定殺。

〔柳葉兒〕呀。請你箇大夫人休怕。浪包攬項帶沉枷。說着教他喪膽亡魂怕。休那裡括刺刺叫。叫合毒藥。則是你箇蛆扒。〔云〕三畫王打着者。〔傑旦云〕並不干我事。

都是大夫人來。〔正末云〕打着者。〔牢子打六斤科〕〔云〕理會的。招了者。招了者。〔六斤云〕我吃不過這打。罷罷罷。是我來。〔傑旦云〕是我來。是我來。不要打。我招了便了。〔正末云〕他可道招了也。點了紙。畫了字。三畫王將紙來。封了這罐兒者。〔牢子云〕將紙來。封了這罐兒。〔正末云〕三畫

王。開了牢門。〔牢子開門科〕〔云〕理會的。開了門也。〔正末見同知科〕〔同知云〕張本。你問的事如何。〔正末做扯住同知科〕〔唱〕

〔尾聲〕向前來扯住他。這公事怎干罷。把你上梁不正相公拿。原告人一步一棍子打。把他干連人監下。折證在薊州府尹相公衙。〔正末並王六斤搥旦牢子同下〕

〔同知云〕這事不中也。我去央及防禦相公去者。〔下〕〔防禦上〕〔云〕我着張本問那莊事。未知如何。怎生不見來回話。〔同知上〕〔云〕我去央及防禦相公去者。〔做見科〕〔同知云〕相公。這一件事不好了也。我見張本的孩兒送飯去。飯罐兒裏我做上一箇金子。不想張本封了飯罐兒。他如今要上司告去哩。可怎了也。〔防禦云〕他若上司告去。你便不能彀做這同知也。則除是你丈人張仲。他若認了。你便無事了。〔同知云〕他如今怪我。他如何肯認。〔防禦云〕都在我身上。俺如今同去央及張仲去來。〔同下〕

第四折

〔張千排衙上〕〔云〕喏。在衙人馬平安。擡書案。〔府尹上〕〔云〕清廉居府治。持法敢辭難。斷獄能平允。民情得自安。小官乃府尹是也。今日坐早衙。張千說與那六房吏典。有甚麼該僉押的文書。將來我看。〔張千云〕告的相公得知。止有薊州申將一紙王六斤合毒藥。用金打點那箇文書來。

人犯還未到哩。〔府尹云〕張千。若來時報復我知道。無甚事。我且回後堂中去來。一自爲官十數年。公平廉謹始稱賢。但得心地無私曲。功名富貴總由天。〔正末扮張仲上〕〔云〕老夫張仲。在這村樂堂閑坐。觀着這四面真山真水。是好景致也呵。〔唱〕

〔雙調新水令〕我則見幾行新鴈寫秋雲。畫堂中一天風韻。看梅山清隱隱。拖素杖那觀門外水粼粼。野館山村。便着那丹青手畫不盡。〔同知同大旦上〕〔云〕夫人。這件事則除你父親認了。俺便無事也。〔大旦云〕我理會的。噲見父親去來。〔同知云〕俺見父親去來。〔大旦云〕你則在門首。我先過去。〔大旦做哭科〕〔正末云〕孩兒。你那裡去來。怎生不言語。〔唱〕

〔步步嬌〕往常孩兒楊柳腰枝多丰韻。臉似桃般嫩。今日可怎生憔悴損。我則見綠慘紅愁。減了精神。爲何因背地裏將啼痕來搵。〔云〕孩兒。你爲甚麼來。你說。〔大旦云〕父親。如今有同知的小夫人。因與王六斤做下不伶俐的勾當。合毒藥下在湯內。同知看將出來。他賴是你孩兒來。有同知將俺具告到官。被張令史推問明白。有同知將金一餅。放在張令史飯罐內。救他小夫人。被張令史將金封記在官。要去上司告去。若去呵。這同知的官便難保也。怎生看你孩兒面皮。則說是父親來。若認了這金呵。可也好也。〔正末云〕他如今在那裡。〔大

旦云「見在門首。」正末云「你着他進來。」大旦云「理會的。」同知「你自過去。」同知見正末科云「父親這幾日怎生不見你來家吃茶。」正末云「我可是敢來麼那。」唱

〔殿前歡〕怕不待敍寒溫。云「同知，你不知道。」同知云「父親道甚麼來。」正末唱「又着你道不應親者強來親。只因咱多話，着你心懷恨。休怪咱波。」女壻郎君。同知云「我一逕的來告父親來。」正末云「你告我怎麼。」唱「放着你那築墳臺女趙貞，索甚麼閑評論。兩箇人相般弄。一箇疊屍的伯當，一箇是賢德夫人。」同知云「父親有這餅金，若父親肯認了，我便無事來。」正末云「老夫不知是甚麼金子。」正末推同知出門科。〔防禦云〕同知這一莊事如何。同知云「相公，俺岳父不肯認這金。相公，你怎生勸一勸來。」防禦云「不妨事，都在我身上。」見正末科。云「老相公，有這一餅金子，你若認了，同知相公便是無事的人也。」正末云「老夫不知甚麼金子。」唱

〔川撥棹〕我幾曾見勸和人。打關節處厮勒掯。賣弄你巧語花言，施展精神。你常好是不依本分。這家私我無半文。掌王條理庶民。

〔喜江南〕過來波包龍圖門中麵糊盆。〔做推防禦出門科。〕防禦云「好無禮也。不認便罷。怎麼推出我來。更待干罷。」拏過那大夫人來，與我打着者。〔做打大旦科。〕大旦云「父親救我者。」

〔正末云〕是我惡說了他來。〔唱〕常言道口是禍之門。打關節府尹怒生嗔。我這議論。便有那殺人的公事我招承。〔防禦云〕既然如此。俺同見官去來。〔衆虛下〕〔府尹領張千上〕〔云〕聆音能鑒貌。奸僞自昭彰。小官府尹是也。昨日薊州申到王六斤等一千人犯。張千。你與我律上廳來。〔張千云〕理會的。〔做拏王六斤搽旦大旦同知張仲上〕〔見科〕當面。〔衆跪科〕〔府尹云〕合壽藥是誰來。〔王六斤云〕是我來。〔府尹云〕送金是誰來。〔張仲云〕是老夫來。〔府尹云〕這莊事老夫盡知也。一行人聽我老夫下斷。二夫人敗壞人倫。王六斤謀害情真。張孝友施仁重義。認送金回護姻親。王同知復還舊職。大夫人無事供明。今日箇不能隱諱。將二人明正典刑。

題目 古愷令史大斷案

正名 海門張仲村樂堂

村樂堂穿關

頭折

同知四大市 補子圓領 大旦綳髻頭面 補子襖兒 搽旦綳髻手帕 比甲襖兒 王六
闊裝茄袋 緹子髻 裙兒 布襪 鞋 裙兒 布襪 鞋
斤氍帽 青 張千 攢頂 圖領 防禦 一字巾 補子圓 正末 張孝友 一字巾 補子圓
衣 搭膊 項帕 搭膊 領 帶 三髯髻 領 鉤子 困帶
蒼髯 拄杖

第二折

搽旦 王六斤同 正末 曳刺白氍帽 補納直身 王六斤 搽旦 又上 同知 前

楔子

同知 搽旦 王六斤 正末 曳刺 搽旦 又上 王六斤同 同知 又上 大旦拏 大旦
又上 防禦 同知同

第三折

牢子

撥頂項帕

圓領襖膊

大旦、搽旦、王六斤

同前

正末、令史

一字巾

圓領三髯髯

同知

同前

俵兒

銀錠

青衣項襖膊飯罐

俵兒

又上

防禦

同知

又上

同前

第四折

張千

同前衙杖

府尹

同前防禦

正末、張仲

同知

大旦、防禦

同前

府尹、張千

又上

拏王六斤

搽旦、大旦

同知

張仲

同前

萬曆四十三年乙卯七月初十日校內本是日瑞五成婚併記清常道人琦

奉天命三保下西洋

闕名

頭折

〔冲末扮殿頭官領祇候上〕〔殿頭官云〕朝罷歸來兩袖香。忠勤端謹侍君王。四夷向化俱朝獻。萬里山川日月長。小官乃殿頭官是也。方今聖人在位。聖智神聰。敬天愛民。豁達大度。攝伏四夷。來賓八方進貢。臣宰賢良。文脩武備。眞乃是君王聖德賽唐堯。文武忠誠過伊呂。萬民樂業。五穀豐登。天下太平。萬方朝獻。今日早朝。奉聖人的命。聞知海外西洋國中。累不奉命。更有希奇寶物。宣布威德。令歸王化。爭奈水遠山遙。小邦不能進貢。今着小官在禁苑中聚集文武羣臣商議。可推選能幹官員。前去下西洋和番。未審誰人可去。令人門首覷者。若來時報復我知道。〔祇候云〕理會的。〔外扮定國公上〕〔云〕祖代流傳冠世能。忠心輔佐列公卿。大明海宇恩波勝。四海咸寧天下平。小官姓徐。雙名景昌。祖居鳳陽府人氏。自先祖以來。累受恩榮。多蒙雨露。調和鼎鼐。作忠臣。變理陰陽。居要職。今謝聖恩可憐。封小官定國公之職。方今之世。四海奠安。八方平定。今日早朝已畢。回到私宅。有殿頭官大人相請。不知有甚事。須索走一遭去。可早來到也。小校報復去。道有定國公徐景昌來了也。〔祇候云〕理會的。〔做報科〕〔云〕喏。報的大人得知。有定國公徐景昌

來了也。〔殿頭官云〕道有請。〔祇候云〕理會的。有請。〔定國公見科〕〔云〕大人。小官徐景昌來了也。有何事計議也。〔殿頭官云〕國公大人。你且少待。等衆官都來全了時。有事計議。這早晚敢待來也。〔外扮思恩侯上〕〔云〕創立家邦顯虎威。扶持聖主定華夷。削平海外煙塵靜。保助皇朝立帝基。小官思恩侯房寬是也。方今聖人在位。萬姓咸寧。黎民樂業。天下太平。九夷朝獻。當今聖人功過堯舜。德勝禹湯。俺文武大臣。竭力盡忠。於國効力。今日早朝已畢。正在私宅閑坐。有殿頭官大人令人相請。不知有甚事。須索走一遭去。可早來到也。小校報復去。道有思恩侯房寬來了也。〔祇候云〕理會的。〔報科〕〔云〕喏。報的大人得知。有思恩侯房寬來了也。〔殿頭官云〕道有請。〔祇候云〕理會的。有請。〔見科〕〔思恩侯云〕大人呼喚俺衆官員。有何事商議也。〔殿頭官云〕房大人你來了也。等衆官來全時。有事計議。這早晚敢待來也。〔外扮寧陽伯上〕〔云〕豪傑多能姓字誇。英雄名目滿天涯。大明一統乾坤大。整理綱常無亂差。小官寧陽伯陳懋是也。祖居北平府人氏。幼習韜略。廣看兵書。累立奇功。官拜寧陽伯之職。方今四夷向化。萬國來朝。河清海晏。天下太平。皆託聖人洪福齊天。臣幸賢良。今日早朝已畢。正在私宅閑坐。有殿頭官大人令人來請。不知有甚事。須索走一遭去。可早來到也。小校報復去。道有寧陽伯陳懋來了也。〔祇候云〕理會的。〔報科〕〔云〕喏。報的大人得知。有寧陽伯陳懋來了也。〔殿頭官云〕道有請。〔祇候云〕理會的。有

請。〔寧陽伯云〕大人呼喚俺衆官員來。有何事也。〔殿頭官云〕寧陽伯大人來了也。今奉聖人的命。聚您文武官員。有事商議。還有吏部等官。未曾來哩。小校望者。若來時。報復我知道。〔祇候云〕理會的。〔外扮差尙書上〕〔云〕掌領文班立大權。詩書萬卷道千年。於民治國行忠政。保助華夷萬載堅。小官吏部尙書蹇義是也。本貫河南人氏。自父祖以來家門豪富。天下聞名。講禮儀民間仰望。明銓選官庶賓服。今因聖人在位。四海晏然。官清法正。因小官廉能直正。謝聖恩可憐。加小官吏部尙書之職。今日早朝已畢。正在本部治理公務。有殿頭官大人相請。不知有甚事。須索走一遭去。可早來到也。小校報復去。道有吏部尙書蹇義來了也。〔祇候云〕理會的。〔報科〕〔云〕喏。報的大人得知。有吏部尙書蹇義來了也。〔殿頭官云〕道有請。〔祇候云〕理會的。有請。〔見科〕〔蹇尙書云〕大人呼喚俺衆官。有何事商議也。〔殿頭官云〕蹇大人。你來了也。今有聖人的命。有事與你計議。且待片時。還有衆官未到哩。這早晚敢待來也。〔外扮夏尙書上〕〔云〕賢聖詩書苦用功。文章耿耿正儒風。常懷忠義遵天律。掌握權衡萬代隆。小官戶部尙書夏元吉是也。祖居江陵人氏。幼習經典。頗看詩書。自中甲第以來。累蒙遷除。居官清正。加小官爲戶部尙書之職。今日早朝已回。在於衙門辦理公事。有殿頭官大人令人相請。不知有甚事。須索走一遭去。可早來到也。小校報復去。道有戶部尙書夏元吉來了也。〔祇候云〕理會的。〔報科〕〔云〕喏。報的大人得知。

有戶部尙書夏元吉來了也。〔殿頭官云〕道有請。〔祇候云〕理會的。有請。〔見科〕〔元吉云〕大人呼喚小官來。有何事商議也。〔殿頭官云〕您文武羣臣都來全了麼。今日早朝。有聖人的命。因爲四海九州之外。雕題辯髮之夷。梯山航海。都來朝獻。無可驚人的寶貝。聖人着俺文武大臣。共同商議。不拘內外。舉一員賢宰能臣。前去西洋國和番。聞說西洋國多有奇珍異寶。您衆位文武所舉內外臣宰。推選一位。可下西洋和番。若回來時。聖人自有加官賜賞也。〔定國公云〕大人。俺文武臣僚。皆是一殿之臣。豈知何人能幹。某今聞知內直忠臣太監三保。此人委實能幹。廣知路途。深曉水勢。若是三保太監下西洋和番。俺文武臣僚。舉保此人。堪可威伏遠夷。委實能哉也。〔殿頭官云〕既然衆官舉說。我也多聞三保太監之名。小校與我請的三保太監來者。〔祇候云〕理會的。〔正末扮太監上〕〔云〕小官姓鄭名和。又名三保。是也。輔佐當今聖朝。官拜太監之職。正在衙門中理事。有殿頭官大人呼喚。不知有甚事。須索走一遭去。目今聖朝一統。八方無事。四海晏然。是好太平時世也呵。〔唱〕

〔仙呂點絳脣〕見如今一統乾坤。萬邦朝覲。都歸順。一班兒武職文臣。保帝業。磐石穩。

〔混江龍〕不離了龍樓左近。常則是面天顏隨。駕做公勤。我如今身居禁苑。內

職衙門。晝夜勞心思治國。不辭辛苦報皇恩。則我這志節居方寸。託賴着一人有慶。因此上萬姓歡欣。〔云〕可早來到也。小校報復去。道有太監三保來了也。〔祇候云〕理會的。〔報科〕〔云〕喏。報的大人得知。有太監三保來了也。〔殿頭官云〕道有請。〔祇候云〕理會的。有請。〔見科〕〔正末云〕衆大人。小官來了也。〔殿頭官云〕太監來了也。小官奉聖人的命。今在此聚會文武官員。要欽差內外能幹官員。前往西洋和番。恰纔衆宰輔舉保你去。不知你意下如何。〔正末云〕既有聖人的命。小官願往一遭。〔定國公云〕太監。俺衆官員在。大人跟前舉保你去。則是海內風濤洶湧。夷人多詐。你可小心用智。攝伏夷人也。〔正末云〕大人放心也。〔唱〕

〔村裏趑趄〕憑着我智謀多運。敢將那外邦威鎮。你看我施逞些箇手策。飄海上將那西洋親近。〔寧陽伯云〕託賴着聖人洪福齊天。二來太監能幹。此一去必然成功也。〔正末唱〕靠着俺聖主威。仗着這神靈佑。者莫向天涯投奔。若見那海外人。交言處我着他拱手遵。呀。則教他獻不迭明珠異珍。〔殿頭官云〕太監。憑着你文武雙全。智謀能幹。這一去必然外夷歸順也。〔正末唱〕

〔元和令〕這公差須要緊。我則索往前進。我直着四夷朝貢盡來賓。駕舟船平地穩。到來日辭朝領衆離金門。穩拍拍水上存。〔塞尙書云〕如今聖朝一統天下。萬姓

居安爲臣者當要盡忠也。〔正末唱〕

〔上馬嬌〕託賴着萬乘君。衆宰臣。這一去必索立功勳。有一日回朝知我言忠信。爲盡了人。遍四海。去傳聞。〔定國公云〕太監想俺這爲臣者。於國盡忠。以當竭力。乃報皇上之恩也。〔正末唱〕

〔遊四門〕我正是竭力存忠報聖恩。爭奈我徧海去遊巡。憑着我英才獨自忖。你教我輕搖短棹。海航齊舉。蕩散水波紋。

〔勝葫蘆〕扮着箇治國齊家事務本。〔殿頭官云〕老太監。若是到於西洋。海夷向化。小官奏知聖人。自有重賞加官也。〔正末唱〕又不圖重職管軍民。則要俺君王聖意欣。也不怕江翻海沸。波濤千尺。憑着我忠義應天真。〔殿頭官云〕似太監這等說呵。到海外必致夷人欽伏。太監可用多少人夫。跟隨你去也。〔正末云〕大人。如今着我下西洋去。小官還保幾箇內臣。同小官走一遭去。〔殿頭官云〕太監可用的人。對小官說知。奏與聖人。就着同太監去也。〔正末云〕大人。如今有太監王景弘。副使曹銓。奉御劉林保。潘子成。牛金住。此五人都皆能幹理事。可同小官下西洋去也。〔殿頭官云〕既然舉保這幾員內宰。必然是有能之人。你如今再用何官員。保舉將來。我與你奏討去。〔正末云〕大人。如今則少一員老誠勳舊大臣。與小官同往也。

〔殿頭官云〕你如今就保舉一員大臣。與你同下西洋去。〔正末云〕大人。如今這大臣中有平江伯陳瑄處事公平。善知水道。得此人方可下西洋也。〔殿頭官云〕太監。你舉保的人。小官就去奏知聖人。同太監下西洋去。小校擡上果卓來者。則今日就與太監餞行者。〔定國公云〕大人說的是。左右將酒來。我行一杯者。〔定國公遞酒科〕〔云〕這一杯酒。殿頭官大人先飲者。〔殿頭官云〕您衆宰輔恕罪。小官飲酒也。〔飲酒科〕〔定國公云〕將酒來。這杯酒太監滿飲此杯。〔正末云〕不敢不敢。衆大人恕罪也。〔唱〕

〔後庭花〕我見他高擎着碧玉罇。忒謙和將禮數盡。量這箇三保何能處。怎消的衆公卿相敬謹。〔定國公云〕太監飲過酒者。〔正末飲酒科了〕〔定國公云〕衆位大人都要飲一杯。〔衆飲酒科〕〔正末唱〕拚了箇醉醺醺。到來日須當謹慎。點就了部下軍。安排定船上人。未行時先祭神。未行時先祭神。〔夏尙書云〕太監。因何先祭神靈也。〔正末唱〕〔青哥兒〕呀。我將這神靈神靈相問。要一箇穩便穩便風順。啗人這必敬神。知必定准。我這裡細說緣因。訴了原根。誰敢推諉。不顧勞神。趁清波登舟去如雲。望見那天涯近。〔殿頭官云〕三保太監望闕跪者。聽聖人的命。〔正末做跪科〕〔殿頭官云〕三保。因爲你足智多能。廣知途路。聖人齋御勅一通。着你同太監王景弘。平江伯陳瑄等。逕下西洋和

番。不可延遲。望闕謝了恩者。〔正末做叩頭科〕〔云〕感謝聖恩也。〔定國公云〕太監。今有王命。不必延遲。俺也不必議論。你即便會同欽差官員。便索長行也。〔塞尙書云〕太監如到西洋和番。取的方物。小心在意。卽今收拾船隻。奉勅和番。到明日穩登前路也。〔正末云〕衆大人勿罪。小官奉勅下西洋去也。〔殿頭官云〕太監這一去。比前朝後代。那幾箇古人也。〔正末唱〕

〔尾聲〕又不學徐福訪蓬萊。到似那范蠡歸湖隱。拜辭了當今聖人。不避途遙。勞夢魂。擺列着金鼓矛盾。那裡將士卒屯。全憑着帆槳依存。我則索萬里鵬程。雪浪分。〔定國公云〕論太監才能。不在伊尹子牙之右也。〔正末唱〕難比那扶湯的伊尹。怎如那子牙的英俊。託賴着明君洪福得安存。〔下〕〔外動響器得勝鼓迎下科〕〔殿頭官

云〕三保太監去了也。恰纔他所舉內臣王景弘曹銓潘子成牛金住劉林保。與同平江伯陳瑄等。前去下西洋和番。此一去必然成功而回。您文武官僚。且回私宅中去。若取了寶物回來。俺迎接太監等官。方顯天朝之志。聖主洪福也。〔思恩侯云〕三保太監此一去。必然成功。俺衆官異日遠接回程。今日且回私宅中去來。〔寧陽伯云〕大人恕罪。俺回私宅中去來。內直忠臣天下知。堅心舉意實難及。親駕海船登彼岸。西洋取寶世間希。〔思恩侯同下〕〔塞尙書云〕二位大人去了也。夏大人。俺且回私宅去來。待太監異日回程。須當遠接也。〔夏尙書云〕大人恕罪。塞大人。俺且

回私宅中去來。大國英雄所事能。各懷妙策盡其忠。駕船親自臨鵬海。方顯男兒各建功。〔同塞義下〕〔定國公云〕衆大人去了也。小官也索告回。異日太監回程。須當遠接也。〔殿頭官云〕大人請回。等太監回京之日。必當遠遠相接也。〔定國公云〕大人。小官得知也。我回私宅中去來。祖立家邦顯俊英。扶持社稷立功成。宣仁撫順西洋國。這一去海外蠻夷盡數驚。〔下〕〔殿頭官云〕衆官員都去了也。今日聖人的命。着文武大臣商議。所舉內直忠臣太監三保王景弘曹銓。與同平江伯陳瑄等下西洋去。看了此數人。堂堂相貌。赳赳威風。如到海外。番夷國中見了此人。必然得寶而歸也。小官不敢久停久住。回聖人的話。走一遭去。下西洋今出邊關。駕海舟遠水遙山。若獲取番邦寶物。那其間觀天顏歡喜回還。〔下〕

楔子

〔定國公同思恩侯寧陽伯領祇候上〕〔定國公云〕祖世簪纓姓字香。家傳勳業把名揚。忠心輔佐扶明主。願祝皇朝帝業昌。某乃定國公徐景昌是也。這一位乃思恩侯房寬。這一位乃寧陽伯陳懋。因昨日殿頭官大人奏知聖人。有太監三保等官下西洋泛海去。如今翰林院撰文。着他齎勅前去。如今俺衆官員。就與太監饒行。在此等候。這早晚敢待來也。〔正末同王景弘曹銓潘子成牛金住劉林保上〕〔正末云〕小官乃太監三保是也。同衆位太監等官。奉聖人的命。着俺乘

舟泛海。西洋和番。今日赴闕捧勅。可早來到也。不必報復。俺自己過去。〔見科〕〔正末云〕大人處國事不易也。〔定國公云〕衆位太監來了也。還少那一位欽差哩。〔正末云〕大人。止少平江伯未來哩。〔定國公云〕令人門首覷者。若平江伯來時。報復我知道。〔祇候云〕理會的。〔外扮平江伯上〕〔云〕義膽忠心。姓字香。暫扶眞主定家邦。官居宰職。恩光盛。播得芳名萬古揚。小官平江伯陳瑄是也。忠心報國。勇定邊疆。因某累立戰功。謝聖恩可憐。着小官世襲前爵。今有三保太監舉用小官。同往西洋和番。今日赴闕接勅。可早來到也。不必報復。俺自過去。〔做見科〕〔平江伯云〕大人。小官來了也。您衆欽差都來全了。且少待片時。有兩位尙書大人捧勅便至也。〔塞尙書夏尙書捧勅上〕〔塞尙書云〕捧勅臨皇闕。齋宣到楚庭。小官塞尙書是也。這一位乃夏尙書。俺奉聖人的命。着太監三保。并平江伯陳瑄等。泛海取寶。與他三通勅書。威攝戎夷。先斬後奏。大人。俺赴闕齋勅去來。可早來到也。不必報復。俺自己過去。〔見科〕〔云〕三保太監。平江伯等官。您望闕跪者。〔三保太監等做跪科〕〔塞尙書云〕夏尙書齋勅與他。〔夏尙書齋勅科〕〔塞尙書云〕聽聖人的命。因西洋國累不奉命。斷絕朝貢。差您衆官員。前往西洋。詣番國中宣示恩威。取討奇珍方物。降勅三通。便宜行事。您望闕謝了恩者。〔正末同衆做拜科〕〔云〕感謝聖恩也。〔定國公云〕衆位太監。您今受勅泛海。路途遙遠。想當今聖主。洪恩廣布。德過堯舜也。〔正末云〕國公大

人言之當也。小官此一去。皆託聖皇洪福也呵。(唱)

〔賞花時〕託賴着聖主行仁。邁禹湯。今日箇受勅辭朝泛海洋。又不索動刀槍。
〔定國公云〕太監這一去。雖不動刀槍。也要心機謀略。
〔正末唱〕須要些機謀智廣。
〔定國公云〕衆位太監。不必延遲。穩登前路也。
〔正末云〕衆位大人尊重。俺這一去。
〔唱〕我直着外國盡來降。
〔同王景弘平江伯等衆官喇叭鼓樂迎下〕
〔定國公云〕三保等衆欽差去了也。衆位大人。俺今日齋勅已畢。回聖人話。走一遭去。三保忠心下海洋。在朝齋勅撫夷邦。乘舟取寶歸期日。留得芳名萬古揚。
〔下〕

第二折

〔外扮西洋國王領波斯上〕
〔國王云〕苗生葉落識春秋。富盛尊崇得自由。獨據西洋爲國土。茫茫西海接天流。某乃西洋國王是也。某國居大海。洲近西南濱海。東連木直夷。西接烏伏部。名爲古里國。俺國中海濱爲市。以通貿易。行者讓路。道不拾遺。地瘠宜種麥。能產駿馬。更有沉香木香。西洋布五色巾白鳩胡椒五色鴉鵲石。又有木綿。白如霜雪。織成正布。闊數尺。長三丈。瑩潔如紙。又產駿馬。以金銀爲交易。人人白布纏頭。一日沐浴三遭。更有稻田粟米。若論富貴。俺國爲頭。爲諸番之首。人人尙其禮義。某聞中國聖人。德過堯舜。欲要去進貢些希奇寶物。以盡外夷歸化之

心。今日使的小番去呼喚各國却薛夷長來。一同計較。衆却薛敢待來也。〔外扮端木叉同阿牙賜領波斯上〕〔端木叉云〕地方近海住爲家。四季長如春放花。國人椎髻衣錦繡。古號閭婆今爪哇。某乃爪哇國夷長端木叉是也。這箇是板達國夷長阿牙賜。俺都鄰近這西洋國。這西洋國是各國聚會之所。今有國王呼喚俺各國至此。不知爲何。俺見國王去。可早來到也。小番報復去。道有爪哇國端木叉。同板達國阿牙賜來了也。〔波斯云〕理會的。〔報科〕〔云〕報的國王得知。有爪哇國端木叉在於門首。〔國王云〕着他過來。〔波斯云〕理會的。過去。〔見科〕〔端木叉云〕國王俺兩箇來了也。〔國王云〕且一壁有者。待各國夷長來全時。有事計議。〔外扮阿羅定同金也的領波斯上〕〔阿羅定云〕海山空闊立州城。堪嘆爲人各有生。俺這裡年年四季都是夏。若逢一雨便秋清。某乃占城國夷長阿羅定是也。這箇是天方國夷長金也的。俺都與西洋國相近。俺這國中胸纏氍布。腦垂髻髻。出入乘象。粒食稻米。肉食水咒山羊。俺這裡有玳瑁火珠伽南香薔薇水沉香檀香丁香片腦等物。這天方國和俺這國中一般。如今有國王呼喚俺各國。不知有甚事也。〔金也的云〕阿羅定。俺見國王去來。可早來到也。報復去。道有阿羅定金也的來了也。〔波斯云〕理會的。〔報科〕〔云〕報的國王得知。有阿羅定金也的來了也。〔國王云〕着他過來。〔波斯云〕理會的。着過去。〔見科〕〔國王云〕您來了也。〔阿羅定云〕俺二國夷長特來聽令。〔國王云〕

喚您來別無甚事。今有中原大國。聖人出治。俺欲要各具希奇珍寶方物。進貢天朝。表俺外夷歸向之心。爭奈路途遙遠。不能進獻。特喚您來商議。〔端木叉云〕國王不知。俺國中有販海船隻。去他國販貨買賣去。聞知中華聖人。差刺答官人。乘着漂海大船。前來問俺番國取討寶物。不久便至也。〔國王云〕端木叉又是實麼。〔端木叉云〕不敢虛言。委的是實。〔國王云〕既然如此。您預備寶物。等天朝刺答官人來時。俺進獻與他。如若遲悞。必然加兵征伐俺也。〔端木叉云〕得令。阿牙賜。急急回本國。辦理下方物寶貝。赴西洋國伺候天使去來。海舶張帆疾便開。要將方物辦奇哉。急急同至西洋國。準備中華天使來。〔同阿牙賜波斯下〕〔阿羅定云〕他二國夷長去了也。俺回本國。備辦寶物去來。〔國王云〕疾去早來者。〔阿羅定云〕得令。刺答乘船海氣陰。遠夷効順意欽。金珠寶貝非爲貴。要表番夷一寸心。〔同金也的波斯下〕〔國王云〕乘夷長去了也。俺國中安排下奇珍異寶。預備停當。若天朝使臣來到。一同進獻。以表遠夷向化之心也。德勝唐虞柔遠心。外夷慕義敢因循。若還天使臨荒境。滿斗焚香謝聖恩。〔下〕〔外扮天妃娘娘領二侍妾執扇掌扇上〕〔天妃云〕起立乾坤大地中。驅雷喚雨聚神兵。四時享祭民安樂。保助山河社稷興。吾神乃天妃神聖是也。執掌乾坤。通靈宇宙。統領三界大小神祇。鎮世間江河淮濟。吾神受上帝勅令。管領九江之總。雄鎮五湖源流。吾神立廟在此江口。調和風雨四時均。擁護江河風浪靜。今有天

朝欽差內直忠臣太監三保等官。前往海外西洋等處。和取方物。今駕海船數隻。在此江口屯住。今日他同衆官要來祭祀吾神。祈保浪息風停。海舟平安回國。這早晚衆欽差敢待來也。〔淨扮廟官上〕云。我做廟官世不愁。終朝每日上船遊。若還有人來祭祀。三牲先搶大羊頭。小道是這江口上天妃宮裏廟官是也。這座廟是宋朝以來建立的祠堂。我這天妃娘娘。好生靈聖。但是往來人等。過海登船。必須先祭了俺神道。平風靜浪。若不祭了俺神道。打頭風就來。那箇敢開船。今日欽差太監三保與衆官要下西洋去。今日安排祭禮。要來祭祀俺神靈。我恰纔收拾了香案。這早晚衆官敢待來也。〔外扮太監王景弘同副使曹銓吹鑼器打得勝鼓領卒子上〕王景弘云。盡孝存忠各立身。承差奉命取奇珍。同心竭力扶王業。保助乾坤大地尊。小官乃內直忠臣王景弘是也。這位大人。乃是曹銓。今奉聖人的命。爲因海外夷邦。多有希奇之寶物。着俺同太監三保平江伯陳瑄總制其事。下西洋去。曹大人。俺來至廟門首也。〔曹銓云〕大人。今奉聖人的命。同三保太監下西洋和番去。今來到這江口天妃廟中。今日三保大人設祭。先要祭祀了神道。然後開船。可早來到也。俺進廟中去來。〔做入廟科〕兀那廟官。安排祭物停當了麼。〔淨廟官云〕祭祀都安排停當了。則等老太監來全時祭祀了。是箇了手伶俐。〔曹銓云〕既是停當了。廟官門首觀者。衆大人來時。報復我知道。〔淨廟官云〕理會的。〔潘子成牛金住上〕潘子成云。秉性忠直。

志氣剛。出言利便。豈非常。只因海外金珠廣。跟隨三保下西洋。小官乃內直潘子成是也。此位官人是牛金住大人。俺奉聖人的命。同太監三保。前去西洋國中。收取寶物去。今來至這江口天妃廟中。祭祀了神靈。便要開船也。〔牛金住云〕大人。可早來到廟門首也。兀那廟官報復去。道有潘子成牛金住。在於門首。〔淨廟官云〕理會的。〔報科〕〔云〕大人。外壁廂有潘大人牛大人來了也。〔王景弘云〕道有請。〔淨廟官云〕理會的。有請。〔做見科〕〔王景弘云〕二位大人來了也。俺少待片時。等太監三保來時。一同祭奠。〔潘子成云〕還有劉大人陳大人未來哩。廟官門首覷者。若來時。報復我知道。〔淨廟官云〕理會的。〔奉御劉林保上〕〔云〕海外奇珍天下知。搖船舉棹列旌旗。微臣有感天心順。穩取金珠赴帝基。小官乃奉御劉林保是也。奉聖人的命。與同太監三保下西洋國和番。今來至這江口天妃廟前。屯住船隻。擇了今日。同祭祀了神明。然後開船。可早來到廟門首也。廟官報復衆大人。道有劉林保在於門首。〔淨廟官云〕理會的。〔報科〕〔云〕衆大人。門首有劉大人來了也。〔王景弘云〕有請。〔淨廟官云〕理會的。有請。〔做見科〕〔劉林保云〕衆位大人來了也。恕劉林保來遲也。〔王景弘云〕劉大人來了也。俺在此久等多時。則等平江伯并三保太監來時。俺衆官一同祭祀。兀那廟官。你門首望者。若三保大人來時。報復俺知道。〔淨廟官云〕衆位大人。先斷後不亂。你們的別忙。這香錢可是要緊的。你每祭祀罷了。各各趨之。我那裡尋之。則

要你有行止。着我立在這廟門首。看有甚麼人來。〔平江伯上〕〔云〕奉勅欽差下海洋。宣威布德。豈非常。遠離京國臨鵬海。管取南夷順大邦。小官平江伯陳瑄是也。奉聖人的命。與同三保太監等官下西洋和番去。來到這江口也。這裡有座天妃娘娘廟。十分靈應。俺衆欽差已具牲牢祭祀。可早來到廟門首也。廟官報復去。道小官來了也。〔淨廟官云〕理會的。〔做報科〕〔云〕大人。有平江伯來了也。〔王景弘云〕道有請。〔淨廟官云〕理會的。有請。〔平江伯做見科〕〔云〕衆大人。小官來了也。〔王景弘云〕衆位大人。如今則等三保來時。一同祭祀也。〔正末上〕〔云〕小官太監三保是也。自離帝都闕下。與同衆官人來下西洋。齋捧着官裏的賞賜等物。喜得於路平安。來到這江口天妃娘娘廟前。必須先祭了神明。然後方可開船。看了這江口波濤一派。是好水勢也呵。

〔唱〕

〔正宮端正好〕我則見碧澄澄向東流。更和那白茫茫天南際。綠波翻映日輝輝。看了這滔滔不斷三江水。熬盡了多少英雄輩。

〔滾繡毬〕則俺這大明朝有氣勢。普天下皆順歸。端的是太平之世。麒麟現丹鳳來儀。戰袍換紫袍。征旗改酒旗。樂豐年穀生雙穗。庶民安足食豐衣。則爲俺君王有德過堯舜。更那堪臣宰忠良勝呂伊。保助着萬里華夷。〔云〕可早來到也。兀

那廟官。俺衆官都來了麼。〔淨廟官做番施禮跪科〕〔云〕老太監。衆官都來了。則等老太監哩。〔正末云〕報復去。道有小官來了也。〔淨廟官云〕理會的。報的衆太監得知。有三保老龜龜來了也。〔王景弘云〕呀呀呀。老太監來了也。俺接待去來。〔衆做接科〕〔云〕早知大人來到。只合遠接。接待不着。勿令見罪也。〔正末云〕不敢不敢。〔做入廟科〕〔正末云〕兀那廟官。祭物都安排的完備了麼。〔淨廟官云〕老太監。都預備的停當了。則等祭了神祇。小道落兩碗圓魚湯吃。稟老太監。多早晚祭祀。〔王景弘云〕這厮靠後。休胡說。〔正末唱〕

〔倘秀才〕我分付你祭祀的禮儀。〔淨廟官云〕在下小道。都預備的停當了也。〔正末唱〕要表我一生正直。〔曹銓云〕老太監。噲這人心舉意。天必從之也。〔正末唱〕噲人這舉意念。神靈又早知。〔淨廟官云〕老太監。小道爲箇廟官。這些兒不知道。也不敢吃人家三牲。〔劉林保云〕大人。俺祭罷了神祇。就可開船。豈不聞孔子云。祭神如神在也。〔正末唱〕你道是祭奠莫耽遲。我豈不聞齋莊敬祭禮。〔王景弘云〕兀那廟官。擡上香案。擺設祭物。請大人上香。〔淨廟官云〕理會的。〔做擡香案擺祭祀科〕〔云〕小道擺的整齊了。請衆位老太監上香。〔正末云〕天妃聖母娘娘。小官三保等。今奉聖人的命。差遣下西洋和番去。先祭了娘娘。纔敢開船也。〔衆上香科〕〔云〕廟官。你讀祝者。〔衆跪科〕〔廟官做念祝文科〕〔云〕維永樂十七年。歲在戊午四月癸

卯朔內直忠臣鄭三保等。謹以清酌庶品之奠。敢昭告于天妃神聖之前。今遵勅命。漂海乘舟。西洋和番。順浪長流。神靈護祐。異品多收。早還本國。滿載回頭。三獻酒醴。衆拜相求。伏惟尙饗。〔淨做喝拜科〕〔云〕拜。興拜。一總一百二十四拜。禮畢。祭禮三牲。不許動着一些兒。這箇是有例兒的。〔衆拜科〕〔正末唱〕

〔叨叨令〕告神靈與俺添威力。駕長舟取寶他邦覓。〔淨廟官云〕你衆大人這一去。託着俺神靈顯應。往返平安。你可帶些人事兒送我。〔正末唱〕願輕帆寧靜風波退。早回朝到俺金陵地。今日要起程也波哥。今日要起程也波哥。〔曹銓云〕大人俺全賴着神靈護祐也。〔正末唱〕願神靈早把風波避。〔云〕方纔祭罷了神祇。我覺一陣昏沉上來。我就着這書案權時盹睡者。〔做睡科〕〔王景弘云〕大人說話中間。盹睡着了。俺且出去等候。不要打攪了大人歇息者。〔潘子成云〕大人說的是。不要打攪了大人盹睡。且出去來。〔王景弘曹銓劉林保牛金住平江伯等同卒子做出科〕〔虛下〕〔淨廟官云〕我要破盤噍三牲耍子。這箇老爹搭伏着案卓睡着了。衆人怕打攪了他睡。都走出去了。我如今也出這門來等着。則怕他推睡。要偷這祭物。我則在這裡等着。看他往那裡去。〔做出門科〕〔云〕我且立在門棧。兩眼緊緊定睛。本待徹身去了。怕人偷了三牲。〔天妃云〕三保三保。〔正末做打夢科〕〔云〕是誰叫三保哩。〔天妃云〕三保

你休驚莫怕也。(正末唱)

〔脫布衫〕散天香滿殿光輝。您神靈顯聖施威。我這裡躬着身傍邊侍立。有何事把咱訓誨。〔天妃云〕你今同衆官下西洋。不消你費心勞力。那外國夷人。將寶物都預備下也。你這一去。必然滿載而歸也。(正末唱)

〔醉太平〕你教我休勞心費力。他那裡準備下東西。到來日親臨海上要珍奇。得便宜就回。我則待悠悠蕩蕩無違滯。茫茫渺渺隨波勢。有一日平平穩穩衆回歸。我直着滿朝綱讚喜。〔天妃云〕三保你聽者。則爲你忠誠報國。真意饗神。此一去不動干戈。自然得寶回來。三保。則爲你秉性忠良。奉欽命親下西洋。取了寶回還大國。纔顯俺神聖高強。三保。你休推睡裏夢裏疾。〔侍女二人跟下〕(正末醒科)〔云〕衆位大人。都那裡去了也。〔王景弘同曹鈐劉林保潘子成牛金住平江伯卒子上〕(王景弘云)老太監。俺都在這裡。(正末云)恰纔我盹睡着了。有天妃娘娘。夢中與我說。海外夷人。將寶物都預備下了。則等俺取討去哩。(平江伯云)既然神聖通靈。俺不必延遲。便教水手搖上船來。就開了船罷。(正末云)說的是。便着搖上船來。(牛金住云)兀那水手。搖過船來者。(淨扮水手同衆水手駕三隻船上)(嘲歌科)〔云〕阿湖州一座大木塔了那。頂上立着箇耍娃娃。有朝風吹的木塔倒了那。跌的娃娃叫丫丫。

阿嚕嚕〔平江伯云〕兀那水手。把船都搖將過來。〔水手云〕來了來了。老爺您的福力大。你看這泊岸的水。我駕着船。這船一似在旱地上走的一般。若是這等行將起來。得一千年纔到的西洋。〔正末云〕船來了也。俺一同上船。開將下去者。〔鳴金三下。起得勝鼓吹響。器放砲三箇。正末上頭號船。王景弘曹銓劉林保潘子成牛金住上二號船。平江伯做上三號船科。〕〔水手云〕衆老爹請上船。〔正末云〕俺一齊的下西洋去來。〔唱〕

〔尾聲〕拜辭了神堂廟宇乘舟起。直至那海外偏邦取寶貝。祭神靈親禱祈。睡昏昏驚夢回。見天妃說就裏。他說道不用您費力勞心自然得。〔做吹號筒放砲衆駕船下。〕〔淨廟官云〕好耍子。一聲響就都牙不了。我得了三牲祭物。還我家中去來。今日廟中全得手。遇着開船過江口。下飯果品都有了。則少一餅好燒酒。〔下〕

楔子

〔外扮蘇祿國王領吉刺卜吉刺都上。〕〔蘇祿國王云〕海霧初開曉日明。洪波巨浪泊沙汀。久居海上爲邦國。夷獠山酋享太平。吾乃蘇祿國王巴都葛叭蘇哩是也。父乃國東王巴都葛叭答刺。這兩箇是我手下的頭目。一箇是吉刺卜。一箇是吉刺都。俺這國中。端的是人人驍勇。箇箇剛強。倚仗着汪洋海水一周遭。峻峻山峯千萬疊。山田雖瘠。種粟麥略可充饑。夷獠安然。沙糊魚也宜。

充口。俺這裡煮海爲鹽。釀蔗爲酒。撈螺蛤爲食。織竹布爲業。更有那間花的玳瑁。徑寸的珍珠。諸般的都有。則少兩般兒寶貝。是那各色段疋。大小磁碗。近日訪得天朝有三隻大船下海來。上面多有這磁碗段疋。我前日會下各國番王。都到亂石嶼中。這亂石嶼波濤洶湧。石塊嵯峨。俺截住天朝的船隻。他便飛也飛不過去。俺問他要些磁碗段疋。做買路錢。便放他過去。俺得了這兩莊寶貝。便是俺平生願足。吉刺卜。你寨門首覲者。若各國番王來時。報復我知道。〔吉刺卜云〕理會的。〔淨扮彭亨國王領淨大椎髻小椎髻上〕〔彭亨國王云〕海天浩浩杳無窮。夷國會民住此中。賴有良田多五穀。四時安泰樂雍雍。吾乃彭亨國王蘇門固門是也。這兩箇是大椎髻小椎髻。俺這國中。石崖周匝如城。山嶺崎嶇如柵。我經年累歲。不砌城牆。誰熬的過我。我這裡又有好田苗。多收五穀。煮海爲鹽。釀椰漿爲酒。更有那片腦沉香花錫椰子。諸般兒都有。則一莊兒心上不足。〔淨大椎吉云〕大王。論俺這國中。穿的是好大布衣服。又帶着赤金項圈。也極爲富貴了。大王。你還有甚麼不足處。〔彭亨國王云〕你也說的是。我如今則少一莊要緊的家活。俺這裡可沒有。〔淨小椎髻云〕大王你差矣。噲這裡廣有米麥。吃的一箇箇肚子大大的。你心裏還要怎麼的。〔彭亨國王云〕你不知道。俺這裡金銀器皿雖有。沾惹氣味。不好盛東西。則是那磁器便好。俺這裡只少這一莊東西。心上不足也。〔大椎髻云〕大人。早是你老人家題將起來。我就忘了稟你。昨

日箇蘇祿國王差人來會俺。說如今天朝有三隻大船下海來。着我們會齊了。都在亂石嶼裏截住他。問他要些段正磁器。便放他過去。我就忘了和你說。早是你題將起來。如今就要見蘇祿國王去哩。不可遲了。〔彭亨國王云〕早是我說將起這箇話來。不是悞了這箇勾當。着別人搶了那磁器段正去了。我們肚子裏乾氣。你們都跟着我見蘇祿國王去來。可早來到也。令人報復去。道有彭亨國王來了也。〔吉刺卜云〕理會的。〔報科〕〔云〕報的大王得知。有彭亨國王來見。〔蘇祿國王云〕道有請。〔吉刺卜云〕理會的。有請。〔彭亨國王做見科〕〔云〕老大王。多時不見。多有缺禮。呼喚我小人。有甚麼勾當。〔蘇祿國王云〕你且一壁有者。等各國番王來時。有事計議。〔彭亨國王云〕理會的。〔淨穿心國王同淨玳瑁頭鮎魚嘴上〕〔穿心國王云〕海水圍山山邊居。全無米麥則食魚。四時不辨春和夏。廣集魚鰕樂有餘。某穿心國王士魯塔刺是也。這兩箇擡我的一箇是玳瑁頭。一箇是鮎魚嘴。俺這國中。以毛單爲衣。以魚鰕爲食。人人胸間有孔。貴重者着二人穿扛擡之。俺這裡地方卑濕。不生五穀。百姓每就在這海中打魚鰕撈海螺蛤蚌吃。昨日有蘇祿王喚我。不知有甚麼事情。〔淨玳瑁頭云〕大王。你不知。昨日蘇祿國王來請。說天朝有三隻大海船來了。上頭載着許多段正和磁器。會合我們去。問他要些磁器去。今日都要見他去哩。〔穿心國王云〕我則是不敢惹他。那天朝刺答好善查兒也。他看見我們這曾間都有這箇窟窿。他着

一條繩子都穿了去。都曬做了乾兒。我則不敢去。〔鮎魚嘴云〕大王。你不可不去。俺和這蘇祿國是隣國。你若不去時。他便來征伐俺。我們又近不的他。都着他穿的去。〔穿心國王云〕既是這等。你兩箇人擡着我去見蘇祿國王去。〔二淨做擡走科〕〔穿心國王云〕就是擡着我。也沒甚麼自在。可早來到也。令人報復去。道有穿心國王來了也。〔吉刺卜云〕理會的。〔做報科〕〔云〕報的大王得知。有穿心國王來了也。〔蘇祿國王云〕道有請。〔吉刺卜云〕理會的。有請。〔穿心國王做見科〕〔云〕大王呼喚我學兒。有甚麼勾當。〔蘇祿國王云〕你這各國番王。都來了也。我打聽的天朝有三隻大船下來。上面廣有各色綵段磁器。我如今約會你各國。聚集番兵。整飾器械。明日都到亂石嶼中。截住天朝船隻。問他要些段疋磁碗。方纔放他過去。得了的物件。我和你各國平分。則要你小心的在意者。〔彭亨國王云〕得令。則今日點就本國番兵。駕着那一塊木頭的船隻。着上二十根桅杆。齊扯起篷來。駕上八十張櫓。齊搖將起來。截住那隻船。他若不與俺東西。我們齊把標槍擡了去。標的中他便擡。標不中他。俺扯起這些篷。搖起這些櫓。駕起那一塊木頭的船。一道煙。教他會勝趕的上我。人執標槍氣勢奔。鬚頭赤脚布袍寬。若還贏了都歡喜。若是輸了都往水裏鑽。〔同大椎髻小椎髻下〕〔蘇祿國王云〕彭亨國王去了也。穿心國王。你便去點就本部下番兵。明日都到亂石嶼中相等。如有違令者。必當致罪。小心的在意者。〔穿心國王云〕得令。則今日

點就本部下番兵。明日到亂石嶼相等。若截住天朝的船隻。他若不與我買路錢。我就拾也拾他兩頭。大小番兵聽吾將令。到來日人人奮勇。都擎着火筋煤鐵。箇箇當先。各持着硬槍長弩。您衆番兵聽者。到來日你衆番兵各各要起早。截天朝便行戰討。把沙魚皮權做戰袍。海螺殼裝成磕腦。把魚鬚做刀劍。莫得消停。將蝦鬚當長槍。緊防陣角。海蟹殼權當做傍牌。將海蜇做成了戰襖。鮎魚乾鯉魚乾都做乾糧。螺螄肉蛤蜊肉吃他箇傻飽。贏了時搶磁碗拚命當先。輸了時駕起船往家裏飛跑。〔同玳瑁頭鮎魚嘴下〕〔蘇祿國王云〕穿心國王去了也。俺如今點就本部下番兵。到來日都到亂石嶼中。截住天朝船隻。要些買路錢。便是俺平生願足。統領番兵駕戰船。標槍硬弩敢當先。邀截寶物歸吾國。海獺夷酋語笑喧。〔同吉刺卜吉刺都下〕〔王景弘同曹銓劉林保潘子成牛金住領卒子吹響器駕船上居左〕〔平江伯領卒子吹響器駕船上居右〕〔正末領卒子吹響器駕船上居中〕〔正末云〕小官太監三保是也。奉命前往西洋古里國和番去。來到這亂石嶼中。這裡離西洋國不遠。俺慢慢的行者。〔蘇祿國王領吉刺卜吉刺都駕船同淨彭亨國王領大椎髻小椎髻駕船同淨穿心國王領玳瑁頭鮎魚嘴駕船齊吶喊冲上〕〔蘇祿國王云〕兀那三隻大船。您都是甚麼人。〔卒子做慌報科〕〔云〕大人。禍事也。前面有番船。攔住去路也。〔正末云〕您都休慌。等我與他答話去。〔做向前答話科〕〔云〕兀那番船。你是那一國的

人攔住俺有何事也。〔蘇祿國王云〕某乃蘇祿國王是也。這箇是彭亨國王。這箇是穿心國王。這亂石嶼是俺的地方。你是那裡的人。因何至此也。〔正末云〕兀那番船。俺不是別人。俺是天朝大官長。吾乃鄭三保是也。那壁是平江伯等帶領內外使臣。齎着勅令。往你這西洋古里國和番去。你每莫得無禮。放俺過去者。〔蘇祿國王云〕阿。您既然是天朝的刺答。你今日往我這地方裏經過。我別的不問你要。你把些綵段磁器與我。便放你過去。你若不與我時。我和你決無干休也。〔正末云〕你只是要些磁器。有何罕哉。小校便與我將些磁碗來。每船上與他幾箇者。〔卒子做拏磁碗與各番船科〕〔云〕您都收了這磁碗者。〔各番王做看磁碗科〕〔蘇祿國王云〕好寶貝也。兀那天朝的刺答。你這箇寶貝。是甚麼做的。〔正末云〕兀那番王。你不知道。你如要時。我多與你些。我那裡遍山遍野。都生着哩。都是樹兒上自家結的。你若不信時。我取一棵磁器樹兒你看。〔彭亨國王云〕兀那刺答。你取一棵磁器樹兒。我每看一看。〔正末云〕小校與我擡出一棵磁器樹兒來。與他這各國番王看者。〔卒子擡樹科〕〔正末云〕這箇便是結磁器的樹兒。你衆番王看者。〔衆做看科〕〔穿心國王云〕好東西兒也。不知開的是甚麼花兒。〔蘇祿國王云〕好寶貝也。你再有甚麼寶貝。將來我們看一看。〔正末云〕小校你近前來。〔做打耳暗科〕〔云〕可是恁的。〔卒子云〕理會的。〔正末云〕你要看我的寶貝。你都上我這船來。我還有小磁器的樹兒。你看麼。

〔蘇祿國王云〕俺可知要看哩。兀那兩隻番船。俺都上這大船去。天朝刺答。與俺小磁器樹兒看哩。俺上去都看一看去者。〔衆番王做上大船科〕〔彭亨國王云〕俺都上大船也。你將寶貝與我每看一看。〔正末云〕小校與我擡出那小磁器的樹兒來。與他衆番王看者。〔卒子做擡小磁器樹科〕〔正末云〕兀那番王。你都近前來看。〔蘇祿國王做看科〕〔云〕眞乃是寶貝也。〔彭亨國王云〕好東西兒也。這簡想必是宿根。〔穿心國王做看科〕〔云〕好寶貝也。兀那刺答。你與我幾箇種兒。我自家種去罷。〔卒子三人各擎三國番王跪科〕〔卒子云〕擎住各國番王也。〔蘇祿國王云〕天朝刺答。你饒了俺罷。〔正末云〕兀那各國番王。你聽者。俺奉天朝命令。持着勅書。前往西洋和番去。你乃小國偏邦。不遵王命。敢肆猖獗。邀截使命。使與我斬訖報來。〔彭亨國王云〕望刺答可憐見。饒了我。我送大螃蟹犒勞你官人每。〔穿心國王云〕哎約。誑殺我也。不知怎麼。就把我們擎住了。刺答。你饒了我罷。不信時。你看我是箇沒心的人。〔蘇祿國王做跪科〕〔云〕天朝刺答。且息雷霆之怒。暫罷虎狼之威。吾乃偏邦小國。不識禮儀。誤犯使命。望刺答體上天好生之德。饒了俺性命。俺年年進貢。歲歲稱臣。再不敢侵擾了也。〔正末唱〕

〔正宮端正好〕你這厮每逞奸頑。違天道。你會番兵將聖勅截邀。〔彭亨國王云〕刺答。不干我事。都是蘇祿國王叫將我來也。〔正末唱〕我奮雄威。覲爾如蒿草。乘巨舶泛波。

濤。遵勅命會官僚。排戈甲列槍刀。你彌天罪怎就饒。〔衆番王做跪科〕〔蘇祿國王云〕刺答。你饒了我們。永歸王化也。〔正末云〕小校。把這番王每饒他罪犯。都放了者。教他各還本國去罷。〔卒子做放科〕〔三國番王做謝科〕〔云〕謝刺答不斬之恩也。〔正末唱〕你從今後遵王化。行忠孝。〔同王景弘平江伯各吹響器駕船下〕〔蘇祿國王云〕謝使命饒了俺性命。卽今便收拾方物進貢。再不敢侵犯邊境也。收拾方物獻天朝。萬水千山不憚勞。異寶奇珍親貢去。從今不敢犯王條。〔同吉刺卜吉刺都下〕〔彭亨國王云〕蘇祿國王去了也。嗨。若不是我苦苦哀告他。險些兒不弄撇了。罷罷罷。拾了這箇性命家去罷。蘇祿國王做事貪。平白惹禍帶累咱。不是刺達行仁義。爭些兒送了五星三。〔同大椎髻小椎髻下〕〔穿心國王云〕彭亨國王去了也。爭些兒不了事了。得了命往家裏跑罷。做事沒來由。毛毛不害羞。磁碗也不得。爭些兒耍了頭。〔同玳瑁頭鮎魚嘴下〕

第三折

〔外扮西洋國王領波斯上〕〔國王云〕水勢滔滔接上天。珍珠寶物可人憐。外邦惟某爲頭長。祖輩西洋出大賢。某乃海外西洋國王是也。某雖居小國。海外稱尊。統溪洞之邦。掌湖海之處。我國中寶貝極多。金銀頗廣。誠然希奇之物。每每商量。要進奉大明天朝去。爭奈水勢浩大。船隻微

小路阻難行。因此不能進貢。今打聽的大明朝欽差官員。前往海上來取索寶物。某已分付各處夷長。同來我國聚集。將寶物奇珍貢獻。表俺敬奉之心。令人望者。若各處夷長來時。報復我知道。
〔波斯云〕理會的。
〔端木叉阿牙賜領波斯托寶物上〕
〔端木叉云〕異寶希珍我國多。珊瑚瑪瑙長清波。有心貢獻皇都去。奈因水遠路蹉跎。自家是爪哇國夷長端木叉是也。這箇是板達國夷長阿牙賜。俺這海外各邦。寶物極多。則因海水勢大。不能進獻去也。
〔阿牙賜云〕夷長。如今大明朝遣天使。駕着海船。來西洋國土。索取寶物。俺西洋國王。已分付俺各國。各辦寶物。俺今備辦了也。見西洋國王。走一遭去。可早來到也。報復去。道有俺兩箇來了也。
〔波斯云〕理會的。
〔做報科〕
〔二云〕大王。有兩箇夷長來了也。
〔國王云〕着他過來。
〔波斯云〕理會的。過去。
〔做見科〕
〔端木叉云〕國王。俺二人來了也。就將這各人的寶貝。都收拾將來了。
〔國王云〕你兩箇獻甚麼寶貝。
〔端木叉云〕我獻珊瑚樹一株。高三尺五寸。八十一叉。更有別的寶物一盤。
〔阿牙賜云〕我獻夜明珠一顆。晚間不用燈燭。滿堂明亮。更有別樣寶貝一盤。供獻天朝。
〔國王云〕您既有寶呵。且少待片時。還有別的夷長未曾來哩。令人望者。這早晚敢待來也。
〔波斯云〕理會的。
〔外扮阿羅定金也的領波斯托寶物上〕
〔阿羅定云〕海外山川景物增。疆封地利贍州城。南方日暖風光美。寶貝金珠各有名。自家占城國阿羅定是也。這箇是天方國夷長金也的便是。俺這海外。山峯險

峻。水勢灣環。多聚寶貝奇珍。廣有希奇之物。常思要進獻天朝。奈水勢不能前去。今聞的天使臨於海上。俺收拾了寶物。預備進獻。夷長。俺同見西洋王去來。〔金也的云〕夷長。俺這海外。雖稱夷邦外國。每思大明皇上。寬宏聖德。今差天使來此。俺乘此機會。各進方物寶貝。聊表偏邦之意。今有西洋王會俺。須索走一遭去。可早來到也。報復去。道有俺兩箇夷長來了也。〔波斯云〕理會的。〔報科〕〔云〕報的國王得知。有兩箇夷長來了也。〔國王云〕着他過來。〔波斯云〕理會的。着過去。〔二人見科〕〔阿羅定云〕國王。俺二國來了也。〔國王云〕你兩箇夷長。今日天使降臨。您有何寶物進獻也。〔阿羅定云〕國王。我的寶物。是玻璃瓶一對。零碎寶貝一盤。進獻。〔國王云〕金也的。你的是何寶物。〔金也的云〕國王。我的寶物。是各樣青紅鴉鵲石頭一盤。進獻天朝大國也。〔國王云〕好好好。我國的寶物。都收拾下了。是沉香西洋布五色手巾五色寶石山子。您各人的寶物也有了。俺同在這海岸上等着。若天使的船隻來到時。俺便迎接將去。這早晚敢待來也。〔王景弘同曹銓劉林保潘子成牛金住吹響器得勝鼓領卒子駕船上〕〔王景弘云〕晴曉無雲海氣乾。重衣無絮不知寒。自離海口開船日。靜浪平風一路安。小官王景弘是也。這位是劉林保大人。今同太監三保前來下西洋國收取寶貝。小官同四位大人。在這二號船上。梢公。你與我慢慢的行。〔劉林保云〕大人。俺這三保太監。深知水勢。委的能哉。今離西洋不遠也。後面船隻敢待來也。

〔平江伯駕船吹響器領卒子上〕〔平江伯云〕親奉丹書聖勅差遠乘巨舶海中開。西洋取寶傳天下。故駕輕帆驅海來。小官平江伯是也。俺奉聖人命。同太監等官。下西洋國收取寶物。俺自入海口。於路順風。令人你看這西洋古里國。還有多遠也。〔卒子云〕此處離西洋國不遠了也。〔平江伯云〕你看還有那號船未來哩。〔卒子云〕還有頭號船未來哩。〔平江伯云〕這早晚鄭大人的船。敢待來也。〔正末駕船上〕〔云〕小官太監三保是也。行來到這海上也。船上衆官人。擺布的嚴整者。〔唱〕

〔中呂粉蝶兒〕端的是爲國忠良。保皇朝萬民有望。威伏的四海來降。一來是主人寬。二來是蠻夷敬。差小官親臨海上。〔帶云〕若到西洋呵。〔唱〕量他這海外偏邦。怎如俺大明朝地方榮旺。〔王景弘同衆做見頭號船科〕〔王景弘云〕兀的不是鄭大人的船至了也。大人。若不是你知此水勢。俺衆官怎生得到於此處也。〔劉林保云〕大人。論俺大明朝的人物。端的是越古超今也。〔正末唱〕

〔醉春風〕俺那裡武將廣機謀。文臣多智量。更那堪一班內直盡忠誠。黎庶每仰。仰。〔潘子成云〕俺若得了寶物。到了天朝。聖人自有加官賜賞也。〔正末唱〕指望待賜賞封官。名標青史。畫影圖像。〔平江伯云〕大人。遠遠的海岸上一簇人。敢是西洋王伺候着俺哩也。

使俺不敢隱藏。理當進貢也。〔正末唱〕將您那希奇物。理當去獻君王。〔云〕您但若隱藏了寶物呵。〔唱〕我教你便眼睜睜一命亡。〔劉林保云〕兀那西洋王。將您那希奇寶物來。與俺衆大人看。若是好的。與您將的進貢去。若是不好的。俺大人見您之罪也。〔國王云〕大人。有有有。端木叉阿牙賜。您二人向前。獻您的寶物與天使看者。〔端木叉云〕有寶。有寶。〔端木叉托珊瑚樹阿牙賜托夜明珠科〕〔端木叉云〕天使。這箇是俺二人的寶貝。是珊瑚樹夜明珠。願獻天朝也。〔正末云〕將來我看。〔做看科〕〔云〕是好寶物也。〔唱〕

〔上小樓〕夜明珠輝輝放光。珊瑚樹枝枝鮮亮。一見了眼中分明。心間快樂。腹內寬暢。〔牛金住云〕這寶物委的希奇也。〔正末唱〕我這裡便暗暗的藏。好好的防。收拾停當。有一日到天朝。顯他敬上。〔云〕左右收了這寶者。您再有何寶物。將來試看者。〔國王云〕阿羅定金也的。您二人獻寶與天使看者。〔阿羅定云〕有寶。有寶。〔阿羅定執玻璃瓶金也的執青紅石頭科〕〔阿羅定云〕天使。這箇是俺二人的寶物。玻璃瓶青紅石頭。願獻天朝也。〔正末云〕將來我看。〔做看科〕〔云〕是好寶也。〔唱〕

〔么篇〕青紅石頭顏色真。玻璃瓶似紙張。這瓶兒果是希奇。人間絕對。世上無雙。〔劉林保云〕大人。這玻璃瓶若獻天朝去。於路須要仔細也。〔正末唱〕不是我誇己強。顯智

量。我則索隨身收放。將到俺大明朝着大臣觀望。〔云〕左右收了這寶物者。您各人的寶物都有了。西洋王。你的寶呢。〔國王云〕天使。某的寶貝。比衆不同。令人將來。天使。某的寶物來了也。〔國王做捧夜明簾波斯捧沉香西洋布五色手巾五色寶石山子科〕〔國王云〕天使。某的寶是夜明簾并各樣寶物。俺一同朝京進寶。二來就送天使。可是如何也。〔正末同衆見寶驚科〕〔云〕是好寶物也。兀那西洋王。您既然要同俺赴中華。你這寶雖然好。不爲罕哉。你聽我說與你。
〔唱〕

〔耍孩兒〕大明朝寶物般般廣。故到您西洋得這地方。你將這無名之寶夜明簾。在俺行賣弄高強。〔國王云〕天使。雖是大明國不希罕俺這寶物。也顯的外邦有誠敬之心也。〔正末唱〕你道是誠心敬意親呈進。俺那裡知重知輕在您行。〔國王云〕天使。俺若到大明國。見了萬歲明君。若嫌俺的寶物不好。望天使與俺方便者。〔正末唱〕你心內休悵快。若到俺天朝大國。管教您無事還鄉。〔云〕左右。將此寶物收放的仔細者。〔平江伯云〕大人。俺得了寶物也。不分星夜。俺回大國去來。〔牛金住云〕梢公預備開船。〔正末云〕大人。每你且住者。兀那西洋王。您都靠後去。〔國王同衆夷長云〕理會的。〔正末云〕大人。每。您不知道。雖然俺得了些無價之寶。還有我心愛的一件寶物。怎生得他的也。〔劉林保云〕大人。寶貝都與俺了。他那裡

又有那寶物來。〔正末云〕衆大人每。你都不曾着眼看。西洋王身上穿的纓絡。我心裏要他的。此事中麼。〔劉林保云〕大人。要他這纓絡做甚麼。〔正末云〕您衆大人不知道。這纓絡不打緊。你看那中間裏。嵌着一大塊八光五彩的貓精。十分希奇。俺若得了他的呵。方稱小官之心。抵多少寶物也。〔平江伯云〕大人。他便怎生肯與俺。〔正末云〕您衆大人放心。我自有箇主意。問他索討。管情奉獻與俺。您則預備着酒殺者。與我叫西洋王過來者。〔國王見科〕〔云〕某有。天使呼喚我。那廂使用。〔正末云〕西洋王。你上我的船來者。〔國王做上正末船科〕〔正末云〕西洋王。我恰纔對着別的夷長。要見你的罪。恐怕羞辱了你。你如今不將些希奇寶物進獻去。也不算你高強也。〔國王云〕天使。某再無甚麼寶物也。止有這夜明簾。是出類之寶也。〔正末云〕我如今要你身上穿的這纓絡。你若肯進與天朝去。我保你無事還國。你意下如何。〔國王云〕我知道了也。天使。不爲這纓絡。正意爲這箇八光五彩的貓精。這一塊貓精不打緊。是俺國祖手裏遺留到今。永爲鎮國之寶。既然天使要。〔做起身解纓絡科〕〔云〕將去獻與天朝。某則要無事還國也。〔正末云〕既然如此。左右收了這纓絡者。將酒過來。〔潘子成云〕大人。酒在此也。〔正末做把盞科〕〔云〕西洋王。你朝北跪者。〔西洋王做朝北跪科〕〔正末云〕某雖無筵席管待西洋王。這杯酒是黃封頭御酒。你飲過這一杯酒。再飲兩杯。某同你往天朝進貢去。管教你無事還國也。〔國王做飲三杯科〕

〔起身云〕謝了御酒。天使先行。俺收拾行李。隨後便來也。〔正末云〕你下船去者。〔西洋王做下船拜科〕〔云〕理會的。〔正末云〕衆大人。寶物都有了也。俺開船回朝去來。〔平江伯云〕大人。俺得了這等寶物。回朝去來。〔正末唱〕

〔尾聲〕他雖是西洋別國臣。休着他來俺行施逞強。到京師朝獻金鑾上。〔云〕左右開了船。衆大人每。俺同共同回朝去來。〔唱〕那其間珍寶高低慢慢的講。〔同衆駕船吹鑼器下〕〔國王云〕天使去了也。衆夷長。俺獻了寶物也。俺如今同天使赴京進貢去。與你衆人計較。可是中麼。〔端木叉云〕國王。趁此機會進貢一遭。俺也消災滅罪也。〔國王云〕你說的是。衆夷長。俺便收拾船隻。跟隨天使。往大明朝進貢。走一遭去。親隨朝使一同行。晝夜奔馳豈暫停。暫離大海西洋國。敬心朝獻帝都城。〔下〕

第四折

〔殿頭官領祇候上〕〔殿頭官云〕一心策立江山穩。兩手揩磨日月明。小官乃殿頭官是也。奉聖人的命。爲因海外蠻夷國中。不歸王化。更有奇珍異寶。不能來至中原。聖人遣差太監三保。與同王景弘平江伯等官。下西洋取寶去。誰想太監三保。施謀設計。乘舟騙海。取了許多寶物。又帶領西洋等國夷人。同共來京進貢。朝覲聖人。如今都來到也。有聖人的命。着小官與多官在驛亭中。

安排筵宴。與衆官慶賀飲宴。加官賜賞。令人門首望者。這早晚衆大人敢待來也。〔祇候云〕理會的。〔定國公上〕〔云〕忠扶社稷存公正。立國安邦建太平。小官定國公徐景昌是也。爲因聖人差太監三保。同內外官員。前去海外西洋國。收取寶物。今已回還。今有殿頭官大人。在驛亭中安排筵宴。接待太監等官。着俺衆文武。都要在驛亭中等候。可早來到也。小校報復去。道小官徐景昌來了也。〔祇候云〕理會的。〔報科〕〔云〕喏。報的大人得知。有定國公徐景昌來了也。〔殿頭官云〕道有請。〔祇候云〕理會的。有請。〔定國公做見科〕〔云〕大人。小官來了也。〔殿頭官云〕國公大人請坐。少待片時。衆大人敢待來也。〔寧陽伯思恩侯同上〕〔寧陽伯云〕措磨宇宙光輝現。萬里乾坤祥瑞生。小官乃寧陽伯陳懋是也。此位大人。乃是思恩侯。爲前者欽差太監三保。駕船過海。下西洋取索寶物去。不料太監機謀廣大。飽載而歸。就帶領西洋國王等。都來朝貢也。〔思恩侯云〕大人。想三保太監這等賢能。於路支撥各色人匠。收拾許多寶物。今日帶領夷衆朝京。今有殿頭官大人。在驛亭中會俺衆官。接待太監等官。可早來到也。令人報復去。道有俺二人來了也。〔祇候云〕理會的。〔報科〕〔云〕喏。有寧陽伯思恩侯來了也。〔殿頭官云〕道有請。〔祇候云〕理會的。有請。〔二人做見科〕〔寧陽伯云〕大人。俺二人來了也。〔殿頭官云〕二位大人來了也。還有衆官未來到哩。少待。這早晚敢待來也。〔蹇尙書同夏尙書上〕〔夏尙書云〕筆尖掃盡烟塵亂。禮樂尊

崇聖道興。小官夏元吉是也。這位乃是蹇尙書。俺乃是一殿之臣。輔佐聖朝。文官治政。武將安邊。前者聖人欽差太監三保下西洋。收取寶物。今帶領外國夷長。都來朝覲也。〔蹇尙書云〕大人。今三保太監。先着人來報說。今日進朝也。有殿頭官大人。在驛亭中會俺文武。共同接待。俺須索走一遭去。可早來到也。〔夏尙書云〕來到驛亭中也。令人報復去。道有俺二人來了也。〔祇候云〕理會的。〔報科〕〔云〕喏。有二位尙書來了也。〔殿頭官云〕道有請。〔祇候云〕理會的。有請。〔二人做見科〕〔蹇尙書云〕大人。俺二人來了也。衆大人恕俺二人來遲也。〔殿頭官云〕二位大人來了也。俺文武都來全了。今奉聖人的命。在此接待欽差等官。筵席都預備停當也。大人每少待。令人望者。若下西洋的太監等官來時。報復我知道。〔祇候云〕理會的。〔王景弘曹銓劉林保同上〕〔王景弘云〕蠻夷海外來呈獻。小國偏邦賀聖朝。小官內臣王景弘是也。此二位大人。乃是曹銓劉林保。俺同太監三保。奉欽命差往海外夷邦。收取寶物。今已多得好物。回至京師也。〔曹銓云〕大人。今西洋王子。領着各國夷長。同俺來京朝見。天顏見喜。進貢寶物。皆是俺每之功也。大人。你看那驛亭門首人馬縱橫。敢是多官在此接待俺也。俺進驛亭中去來。令人報復去。道有下西洋內臣王景弘三人來了也。〔祇候云〕理會的。〔報科〕〔云〕喏。有下西洋內臣王景弘三人來了也。〔殿頭官云〕道有請。〔祇候云〕理會的。有請。〔做見科〕〔殿頭官同衆做迎接科〕〔殿頭官云〕大

人每來了也。於路辛苦。多受風寒也。〔王景弘云〕大人不敢。俺理當盡忠報國也。〔殿頭官云〕三位大人少待。別的欽差敢待來也。〔潘子成牛金住同上〕〔潘子成云〕乘舟驅海臨夷地。寶貝奇珍滿載來。小官乃內臣潘子成是也。此位大人乃是牛金住。俺同奉聖命。與太監三保下西洋。收取寶物。俺自出江口開船。上託天恩。下賴神力。於路平安無事。今已還京。牛大人兀那驛亭門前。人馬較多。敢是接待俺的麼。〔牛金住云〕大人。我想海外偏邦。雖有寶物。終是蠻夷化外之國。怎如俺中原大國也。〔潘子成云〕二位大人。聞知聖人着文武大臣。在驛亭中接待俺哩。俺去見衆官人去來。可早來到也。令人報復去。道有俺二位內臣來了也。〔祇候云〕理會的。〔報科〕〔云〕喏。又有二位內臣來了也。〔殿頭官云〕道有請。〔祇候云〕理會的。有請。〔見科〕〔殿頭官同衆做迎接科〕〔殿頭官云〕二位大人來了也。下西洋索是辛苦也。〔潘子成云〕不敢不敢。俺與聖朝公幹。理之當然。俺今先到也。有西洋王子。同各國夷長。後面便至也。〔殿頭官云〕三位大人少待。別的欽差敢待來也。〔平江伯云〕捧勅親身到海洋。不辭辛苦歷風霜。宣威布德施恩澤。一指南夷束手降。小官平江伯是也。下西洋回京。來到這驛亭門首也。報復去。道小官來了也。〔祇候云〕理會的。〔報科〕〔云〕喏。報的大人得知。有平江伯來了也。〔殿頭官云〕道有請。〔祇候云〕理會的。有請。〔見科〕〔殿頭官同衆做迎接科〕〔殿頭官云〕大人。下西洋多有辛苦也。〔平江伯云〕不敢不

敢當與朝廷効力也。〔殿頭官云〕大人少待。等太監三保同外國夷人來全了時。共同筵宴。令人望者。若來時。報復俺知道。〔祇候云〕理會的。〔端木叉阿牙賜阿羅定金也的同上〕〔端木叉云〕則因進寶離國土。來至京師見聖君。自家爪哇國夷長端木叉是也。這三箇是俺同來的夷長。這箇是板達國阿牙賜。這箇是占城國阿羅定。這箇是天方國金也的。俺在前欲要進貢天朝。爲因海水勢大。阻隔難進。今幸遇天使到俺西洋等處。因此纔得同來進貢也。〔阿牙賜云〕夷長。俺海外小邦。將着寶物。特地同來進獻天朝。願俺小邦誠敬之道也。〔阿羅定云〕夷長。俺生在海外。長在南方。雖有奇珍異寶。何曾見京師這等富貴光景也。〔金也的云〕俺的寶物。西洋王子獻與天使了。等西洋王到時。俺一同朝見去。這早晚西洋王敢待來也。〔西洋王領波斯上〕〔云〕遠離海外親朝獻。感謝吾王水土恩。某乃西洋王是也。久居南地。長在偏邦。常思慕朝獻之心。柰水遠山遙路阻。不期皇上欽差天使。到俺國中。取其珍寶。某聚各國爲頭夷長。進獻了希奇寶物。就都跟隨朝使。赴京進獻。來到這京師也。有聖人的命。着殿頭官并文武官員。在驛亭中預備筵席。接待俺來人。須索往驛亭中見大人每去。兀的不是四箇夷長等着哩。〔做見科〕〔端木叉云〕王子來了也。俺等待多時也。〔西洋王云〕夷長都來了也。俺同往驛亭中。見大人去來。左右報復去。道有西洋王同衆夷長。都來見大人。〔祇候云〕理會的。〔做報科〕〔云〕喏。報的大人得知。西洋王同衆

夷長來了也。〔殿頭官云〕着他每進來。〔祇候云〕理會的。着進去。〔西洋王同衆夷長做拜見科〕
〔云〕衆刺答每。俺西洋古里國等衆夷長。都來進貢也。〔殿頭官云〕呀呀呀。使客來了也。您都是
那箇國土的。〔西洋王同衆夷長做跪科〕〔云〕大人。某乃海外西洋國王。這箇是爪哇國端木叉
夷長。這箇是板達國阿牙賜夷長。這箇是占城國阿羅定夷長。這箇是天方國金也的夷長。俺久
慕天朝。每思大國。今日得見天顏。實乃俺小邦之萬幸也。〔殿頭官云〕您衆使客請起。〔衆使客
起身科〕〔殿頭官云〕西洋國王。衆夷長。您今日遠遠而來朝貢。真乃是誠敬之心。寶物都在於
何處也。〔西洋王云〕俺的寶物。都獻與天使也。〔定國公云〕大人。俺文武官外邦國王內宰臣僚
都來全了。止有太監三保。將着寶物未來哩。〔殿頭官云〕您內外官員暫等片時。令人望者。若三
保太監來時。報復俺知道。〔祇候云〕理會的。〔正末領卒子擡各樣寶物上〕〔正末云〕小官鄭三
保是也。自到西洋。得其諸樣寶物。就與西洋王。并各國夷長。都來朝京。今日驛亭中排宴。我將着
這寶物。見大人走一遭去也。〔唱〕

〔雙調新水令〕今日箇順風吹至大明朝。則爲我盡忠心上天有報。這些時虛
飄飄水上行。見如今穩拍拍自逍遙。預備着設宴排筵。見俺那衆宰輔說功效。
〔云〕可早來到驛亭中也。令人報復去。說小官來了也。〔祇候云〕理會的。〔做報科〕〔云〕喏。報的

大人得知有三保太監來了也。〔殿頭官云〕太監來了也。衆宰輔俺都迎接去也。〔衆做迎接科〕
〔定國公云〕早知大人來到。只合遠接。接待不着。勿令見罪也。〔正末云〕不敢不敢。〔殿頭官云〕
請太監進驛亭中也。〔衆同做入驛亭中科〕〔正末云〕大人。小官回來了也。〔殿頭官云〕不枉了
好太監也。你取的寶物在於何處。〔正末云〕有有有。小校擡過來者。〔卒子擡寶物放下科〕〔衆
看科〕〔殿頭官云〕是好寶物也。皆因是聖人洪福齊天。太監多能。感應的海外來朝。得其奇珍
異寶。今日理當慶賀也。〔正末云〕非小官之能也。〔唱〕

〔鴈兒落〕一來是聖明君福氣高。二來是臣宰每行忠孝。非干咱有智能。則要
俺舉意念依公道。〔寧陽伯云〕想大人飄流海上。趁浪隨波。今日得寶回朝。豈不是能哉也。〔正
末唱〕

〔德勝令〕呀。我當初下海逞英豪。隨浪趁波濤。又不是相爭鬪。又不是尋戰討。
使碎了心苗。一處處都遊到。得了寶還朝。今日箇衆公卿齊上表。〔殿頭官云〕令
人擺上果卓來者。〔祗候云〕理會的。果卓在此。〔殿頭官云〕將酒來。我與太監敬一杯。太監滿飲
此杯。〔正末云〕不敢。大人先請者。〔唱〕

〔沽美酒〕怎消的開宴樂。擺異品。列佳餚。則因我敢下西洋不憚勞。〔殿頭官云〕

此一場功勞。不爲輕易也。〔正末唱〕投全的多人讚好。飄流了一週遭。〔正末做飲酒科了〕

〔殿頭官云〕將酒來。西洋王。你飲過這一杯者。衆夷長都飲一杯。然後衆文武公卿。依次兒飲酒者。〔殿頭官與衆行酒科〕〔正末唱〕

〔太平令〕四海外都歸王道。〔西洋王云〕大人。俺小國皆賴上國福蔭也。〔正末唱〕你道是皆賴天朝。今日俺席間歡笑。設寶物筵前光耀。呀。端的俺氣豪勢高。受皇恩犒勞。將志節須當補報。〔平江伯云〕小官有何功勞。敢勞衆文武遠來接待也。〔正末唱〕

〔折桂令〕一班兒文武臣僚。受賞蒙陞。喜氣陶陶。見如今國泰民安。邊庭無事。雨順風調。讚聖主天才盡曉。施恩德勝似湯堯。〔定國公云〕俺爲臣者。須要盡忠報國也。〔正末唱〕俺須要報國勤勞。謹守王條。一齊的舞蹈揚塵。謝天恩保助皇朝。〔平

江伯云〕大人。可將聖語開讀與衆人聽者。〔殿頭官云〕您衆內外官員。都望闕跪者。聽聖人的命。與您加官賜賞。您聽者。〔衆做跪科〕〔殿頭官云〕大一統錦繡封疆。調鼎鼎武勝文強。聖天子德過堯舜。衆臣幸壓蘇張。內外有忠臣良將。各邦國盡屬歸降。明聖主頒恩降詔。差三保親下西洋。王景弘衆官竭力。取寶物箇箇軒昂。三保賜蟒衣玉帶。加祿米月月關糧。牛金住曹銓等衆。陸太監俱坐琴堂。平江伯勤勞表著。賜丹書褒獎非常。眞寶貝人間少有。夜明珠世上無雙。都賞

與錦衣表裏。回本國各守其邦。徐景昌武班官首。夏元吉文職忠良。蹇尙書內閣伴讀。思恩侯總督邊方。寧陽伯團營帥首。掌軍權扶立朝綱。衆仰賀皇恩聖德。都皆賜紫綬金章。排筵宴驛亭慶賀。永無征不動刀槍。祝聖壽千年萬載。一齊的拜謝吾皇。（同下）

題目 遵聖道一統大明朝

正名 奉天命三保下西洋

下西洋穿關

頭折

殿頭官

兔兒角幘頭
圓領帶

三髯髻
補子

祇候

項帕

圓領
搭膊

定國公

展角幘頭
偏帶

三髯髻

笏

思恩侯寧

陽伯塞尙書夏尙書

均與定
國公同

正末太監三保

官帽

補子

楔子

定國公思恩侯寧陽伯祇候

同前

正末太監三保

同前

王景弘

官帽

膝襴
帶

曹鈐

官帽

膝襴曳

潘子成

官帽

膝襴
帶

牛金住

官帽

膝襴
帶

劉林保

官帽

膝襴
帶

平江伯

展角

幘頭
帶

紅襴
三髯髻

笏

塞尙書夏尙書

同前

捧勅

第二折

西洋國王

犀角冠
蛟項帕

白手巾
錦手巾

蟒衣曳撒

比甲

海

波斯

翳髮金箍陀頭

錦襖

海蛟

搭膊

端木叉

錦大帽
海蛟項帕
間道直身
錦手巾

阿牙賜

黃草大帽
海蛟項帕

間道直身
錦手巾

波斯

同前

阿羅定

錦大帽
間道直身

海蛟項帕 金也的 黃草大帽 間道直身 波斯前 天妃娘娘 金冠 仙衣 珂瑞 執扇

掌扇 花縐 補子襖兒 裙 廟官 道冠 道衣 王景弘 曹銓 同前 響 卒子 紅碗子盞 青布釘

兒甲 搭 潘子成 牛金住 同 劉林保 同 平江伯 纓子大帽 蟒衣曳 正末太監三

保官帽 蟒衣 王景弘 曹銓 劉林保 潘子成 牛金住 平江伯 卒子 又上 同衆水

手 斗笠 蓑衣 擎 篙子 駕三隻船

楔子

蘇祿國王 黃草大帽 間道紬直身 海蛟 吉刺卜 撒髮陀頭 印花 吉刺都 紗包頭

花 彭亨國王 黃草大帽 間道紬直身 海蛟 大椎髻 撒髮陀頭 印花 小椎髻 撒髮

印花直身 穿心國王 黃草大帽 間道紬直身 玳瑁頭 雜髮陀頭 印花 鮎魚嘴 紗包

印花直身 王景弘 曹銓 劉林保 潘子成 牛金住 卒子 同前 響 平江伯 卒子 同

響器 正末太監三保 卒子 同前 響 蘇祿國王 吉刺卜 吉刺都 船 彭亨國王 大

椎髻小椎髻

駕船

穿心國王玳瑁頭鮎魚嘴

駕船同前

第三折

西洋國王波斯

同前

端木叉阿牙賜波斯

同前托寶物

阿羅定金也的波斯

同前托寶物

王

景弘曹銓劉林保潘子成牛金住卒子

同前得勝鼓響器駕船

平江伯卒子

同前船響器

正末

太監三保

同前駕船

第四折

殿頭官祇候

同前

定國公

同前

寧陽伯思恩侯

同前

蹇尙書夏尙書

同前

王景弘曹

銓劉林保

同前

潘子成牛金住

同前

平江伯

同前

端木叉阿牙賜阿羅定金也的

同前

西洋國王波斯

同前

正末太監三保卒子

同前各樣寶物

萬曆四十三年乙卯八月初二日校內清常道人記

若耶溪漁樵閑話

闕名

第一折

〔冲末樵夫上〕〔云〕歇擔巖前解束書。行歌惟自樂無如。掬泉磨得吳剛斧。好把當途亂棘除。老夫姓王名魯字也直。乃會稽人也。久隱山下。結草爲廬。日以採薪爲業。因此號伐柯叟。平生至交三友。一人在江上捕漁。一人在山下耕種。一人在田野牧放。俺四人聚會。爲漁樵耕牧。但遇天氣清明。風清月朗之時。止不過活魚新酒。藜羹麥飯。便成一會。所言者世道興衰。人情冷暖。所笑者附勢趨時。阿諛諂佞。嗟漏網之魚。嘆遭烹之犬。似我山間林下的野人。無榮無辱。任樂任喜。端的是信口開河。隨心放蕩。不受拘束。今日相約向大哥處相會。這早晚好去也呵。〔下〕〔外扮農夫上〕〔云〕低構南山屋數椽。飢時飽飯困時眠。有人問我生涯事。六角黃牛二畝田。小人姓趙名璧。乃會稽人也。幼年頗盡儒業。予見世態炎涼。人情微薄。不盡先王之道。全無上古之風。看來世事。不過如此。故不出仕。隱於田里。務農爲本。自號有莘居士。平生合志者四人。今日相約往大哥處一會。此時好去也呵。〔下〕〔淨牧子執鞭子上〕〔云〕昨日隣家狗廝咬。小狗趕的大狗跑。不是主人各護住。兩家爭鬪幾時了。俺姓李名彥的便是。乃會稽人也。以牧放牛羊爲業。故此號爲鞭杖。

把頭〔笑科〕〔外云〕你笑甚麼。〔淨云〕俺昨日見一箇老牛去跳那羊。那羊卻低。那牛卻高。他把那羊觸在土坡上弄。我嘆曰。此時畜生也會將高就低。何況人乎。今日言定向大哥處一會。□介

□□宰狗也及宰高闕句〔打科〕〔云〕□□且調黑詭。一會以下脫誤處無從校補〔下〕〔正末扮漁人手執釣竿上〕〔云〕漁樵耕牧爲佳會。松竹梅蘭作故交。堪笑紛紛奔競客。怎如吾輩負清高。老夫姓張名愚。乃會稽人也。在此江邊結所草菴。前有草亭。朝暮以待詩人酒友。繞基有清流綠水。當門有獨木小橋。不過百步。直抵釣魚磯石。到曉來披着簑。頂着笠。執着釣竿。不一時便有那活潑潑的錦鯉。喚出妻烹了。去隣村酒務。以魚換來濁酒。三盃五盞。或唱或歌。這的是俺漁人的快活。故此號水雲居士。老夫有幾歲年紀。朋友每都稱俺爲長。今日約來我處一會。便喚山妻把魚烹了。煖釀着酒者。敢待來也。〔唱〕

〔賞花時〕旋煮活魚酒。暖釀開了柴扉淨掃苔。專等待故人來。有山穀野菜。賓主可開懷。〔三人上〕〔相見科〕〔正末云〕今日好天色也呵。你看水秀山明。縱有一塵飛不到。亭

幽館僻。也教俗子媿難居。但看門前細柳依依綠。檻外繁花灼灼紅。雖無絲竹管絃。也有鶯笙蝶拍。委實幽哉。〔唱〕

〔么篇〕滿目繁花繡地開。席上荷香風送來。眞雅淡。甚幽哉。雖不陳設鼎鼐。尤

勝似那五侯宅。〔樵云〕將酒來。奉大哥先飲一盃者。〔正末唱〕

〔仙呂點絳脣〕耕牧漁樵。以清爲樂。時談笑。不尙英豪。亦把王侯傲。〔樵云〕請言

上古帝王之道何如。〔正末云〕我說。你聽着。〔唱〕

〔混江龍〕三皇古道。相傳禹舜共湯堯。〔樵云〕請問春秋戰國之事。〔正末唱〕也不論

春秋士馬。〔樵云〕請論三秦兩漢的事。〔正末唱〕更不言秦漢功勞。可嘆晉唐興與廢。

堪嗟元宋貶和褒。一箇是絲綸爲業。一箇是斧擔爲交。一箇將犁鋤作侶。一箇

那蘆荻爲僚。一任把煙波名利都撇調。不沾名遍野。懶出仕當朝。〔樵云〕試看江

邊逝水。可以濯我之纓。溪內清流。可以洗吾之耳。似那怕是非的許由。甚是清高也呵。〔正末唱〕

〔油葫蘆〕洗耳溪邊好。簞瓢無事擾。隔紅塵自來人到少。春深處處聞啼鳥。秋

來陣陣飛鷗鷺。逍遙百慮無。清閑沒處討。料山人不入飛熊兆。聽牧唱漁歌。厮

應着。〔農云〕俺昨日到城裏糶新穀。我聽的朱門裏奏笙歌。相府內夜排筵宴。烹龍烹鳳。敲金擊玉。

彼處雖然受用。論清閑不如我等。〔正末唱〕

〔天下樂〕自古雲林遠市朝。〔笑介〕且看兒曹口面交。象簡烏紗錦繡袍。享奢

華陣一圍。扣功名鎖一條。把愚癡縛箇倒。〔云〕咱四人席間聯詩一首。〔樵云〕大哥指甚

爲題。〔請科〕〔正末云〕就指咱各人生涯爲題。〔農云〕大哥先吟。〔正末云〕數口團圓樂舟作屋。
〔樵云〕一生溫飽水爲田。〔耕云〕平生不作金門客。〔牧云〕又要頭尖又要錢。〔樵打淨科云〕你
這句那是詩的聲口。〔淨云〕你不曉的意思。等我解與你聽。我說的頭上又要尖。手內又無錢。無
錢頭不尖。乖殺沒處鑽。有錢頭又尖。管取上青天。〔打科〕〔正末云〕再聯一首。〔農云〕請道請道。
〔正末云〕熟酒新篘旋釣魚。〔樵云〕太平此樂更何如。〔農云〕利名爭似清閑好。〔淨云〕金色蒼
蠅本是蛆。〔樵打淨云〕你這一句是何聲口。不如放屁。〔淨云〕你不知道這意思深遠。〔樵云〕你
解說我聽。〔淨云〕那蛆他是廁坑中出身。他只管拱也拱的。拱到磚磨切的去處。沒出身的門路。
復翻身又拱。拱到齷齪去處。不多時就變做箇金色蒼蠅。〔樵問云〕蒼蠅有幾樣蒼蠅。〔淨云〕有
紅頭蒼蠅。綠色蒼蠅。黑色蒼蠅。還有一樣蒼蠅。你不知道。〔樵云〕還有甚麼蒼蠅。〔淨云〕有那趕
又趕不起。死戀住那餚糖。不失時的大麻蒼蠅。〔打科〕〔樵云〕似俺漁樵耕牧。世人有幾箇到俺
清貧也呵。〔正末唱〕

〔那吒令〕論漁樵計巧。無榮辱至老。說耕牧計好。守清貧到了。看強豪勢要。謹
隄防陷倒。遠離開狼虎叢。緊把那山林靠。樂顏回陋巷簞瓢。〔農云〕俺昨日到城市
中去。只聞的那鼓樂喧天。卻元來送狀元歸洞府。有笙歌聒耳。都道是迎進士上瀛洲。端的一箇

箇氣字昂昂。衣冠濟濟。正是禹門三級浪。平地一聲雷。〔正末唱〕

〔鵲踏枝〕一箇箇都步青霄。跨鯨鰲。他每都氣字昂昂。擺擺搖搖。都去把護身符慇懃懇禱。穩穩得安樂窩巢。〔農云〕俺昨日往城裏去。只見那三簷傘下。一員家宰乘車。

十字街頭。五箇屬官下馬。一箇箇都緩步低頭。躬身聽令。似俺漁樵耕牧。不受如此屈下。〔正末云〕還有許多曲從哩。你不知道。〔唱〕

〔寄生草〕佯小心躬着背。虛張勢控着腰。要人人鑽入迷魂窖。使箇箇撞入無

常圈。

〔圈字衍〕

套。哄哥哥做做貪官暴。方纔得似那向陽花木易逢春。三簷傘下官

榮耀。

〔樵云〕俺昨日聽你縣衙裏一箇平人。並無罪犯。卻與一人平昔有些仇。買求上一箇潑皮的

好漢。捏詞誣告他在官。本官接受了錢物。聽信了面皮。把平人入上一款重罪。使被告受罪。有屈無伸。〔正末唱〕

〔么篇〕他享用着千鍾祿。誠然是那百姓膏。怎肯效赤心報國登廊廟。更不想竭力盡命全忠孝。都只管貪贓壞法行酷報。日三餐就吃了聖賢書。夜一覺忘記了先王道。〔樵云〕但看那文官武職。拜舞在金鑾。嗜每這釣叟樵夫。遨遊於湖海。拜舞在金鑾。爲名利其心未歇。遨遊於湖海。取自在縱意無拘。哥哥端的是他便宜也。卻是嗜每便宜。〔正末

云「官宦每有許多不自在處。」樵云他每呵既然做官。有甚不自在處。正末云還有許多驚怕。你卻不知道。唱

〔後庭花〕深掘下陷虎壕。長牽着絆馬索。快使傷人劍。不磨克己刀。淨云我昨日去城裏去。只見那馬上的老爹每。怎麼箇箇臉上穿着小裙兒。樵云吓。那箇是眼罩兒。淨云帶着做甚麼。樵云他每怕灰塵。淨云既怕灰塵呵。一發把氈衫遮了頭。卻不好。正末唱

此間原本空缺
六七字每臣二
字恐亦有謬
俱無從校正

每臣俺儀表兒堂堂一貌。姿質奇。年紀小。官星臨。僥倖早。才有餘德。欠少造化。強時運巧。樵云有爲國爲民賢才。因苦諫不聽。反遭誅戮。雖死於刑戮。清名傳於萬世。

更有一樣。賊官敗壞法度。遭誅遭貶。其醜名也留傳萬世。雖然只是一死。其名節不同。正末唱

〔柳葉兒〕驟得箇功名顯耀。更不知狼虎狼虎司道。有一日擒向雲陽血染刀。他道是獨立當朝。貴重清高。汗馬功勞。獨步雲霄。事臨危高飛遠走也難逃。參不透機關竅。樵云似俺這漁樵耕牧。放情詩酒。懶散無拘。眼觀看四時景物呵。端的是清

貧自在。無窮之樂也。正末唱

〔村里迓鼓〕閑且向渭濱垂釣。碧波中把小舟輕棹。一任取紅蝦紫蟹。青蚶錦鯉。鮮鯉鹹鰈。止不過牧野人耕種叟。伐木樵。他每與俺捕魚人相看的甚好。

〔云〕清酒盡了也。更有那濁酒未窮。以俺這巾幘。瀟將來者。〔唱〕

〔元和令〕濾濁醪。尤帶糟。取嫩鮓。恰開包。問甚麼磁甌瓦鉢共椰瓢。唱山歌堪擊缶。相對着。雲山煙水碧。山遙引清流。山四遠。〔淨云〕我脫了褲子。下水去摸幾枝藕。與尊兄每下酒。〔樵云〕此處沒藕。〔淨云〕我腰裏到有雞頭。〔正末唱〕

〔勝葫蘆〕詩興豪。酒量陶。湖光山色景堪描。扁舟緊把垂楊靠。泥底撈。新藕似銀條。山下挑。蕨薇共鮮芡。〔樵云〕不覺的天色已暮。好晚也。你看這晚景尤佳。〔正末唱〕

〔上馬嬌〕安樂清閑誠是少。難比利名巢。無榮辱。亦無煩共惱。青山屋上高。清流門外遠。對蟾光天際皎。〔樵云〕端的盡日之歡。〔正末唱〕

〔四門子〕雖然是魚菜罄鹽酒力薄。勝似那烹龍魚鳳宰羊羔。止不過麋鹿猿鶴。刎頸交。今朝天暮。各尋歸計。明日再相邀。〔樵云〕喏。四人今日箇暢飲開懷。端的是暮天席地。如今天色已晚。明日再會。〔正末唱〕

〔賺煞〕漁呵。急把網罟收。牧呵。須把牛羊套。耕呵。您將那犁鋤來背着。樵呵。少不的將柴肩上挑。喏。賦歸歟。名利相拋。會知交濁酒粗筍。怎比那御殿排筵品。味饒。觀銀蟾漸高。觀金烏殘照。聽牧笛漁唱海天遙。〔同下〕

第二折

〔正末上〕〔云〕煙簑終日坐漁磯。生計江頭不暫離。遙望一天風與月。這般清趣少人知。老夫張愚是也。昨日俺四人一日言談。猶不能盡。喚山妻把魚烹了。將酒簪下。約到今日再會。我把老眼遙觀。兀的三人早到了也。〔三人上〕〔相見敘禮科〕〔正末云〕兀的般好清幽景致。消洒安閑也呵。〔唱〕

〔中呂粉蝶兒〕近水依山。向蘆花住舟觀鴈。太平時任我清閑。喚詩朋。呼酒友。有何羈絆。知富貴難攀。甘心的處貧寒。有何妬患。〔樵云〕俺漁樵耕牧。真乃是冷淡家風。但將詩酒爲心樂。不以功名念口邊。〔正末唱〕

〔醉春風〕詩酒樂於心。奢華不掛眼。脚踪兒不踏是非場。除非是俺。俺或菜或魚。可漁可辦。一茶一飯。〔樵云〕今日對此江景。端的是萬丈山峯。看不徹一灣清水。似此無窮景物。縱是神仙方丈蓬萊。不過如此。〔正末唱〕

〔普天樂〕看峯巒冲霄漢。長流幾派。新月一彎。九重天夢不着。四季景觀無厭。出沒沙鷗蘆花岸。更那堪山外青山。蓑與笠爲咱故交。風和月同咱最契。利和名共咱無干。〔樵云〕我昨日到城上賣柴。打禁門前過。正遇着朝退。只見玉簪珠履。象簡羅袍。內

裏不知如何。外面其實好看。〔正末唱〕

〔迎仙客〕白象簡紫羅襪。坐琴堂日日勞公案。但悅的一人心。怎瞞的天下眼。外裝癡內裏藏奸。使識者衆。難觀看。〔淨云〕我昨日往城裏去。看俺姑娘去來。只見一位大人。騎在馬上。前面着紅毡裹着七粗八細一網荆條。台索貫定兩長三短棍子。不知要何用。〔樵云〕那毡裏裹叫做攪杆。索穿的喚做拶指。專一拶那犯事人。倘原告被告串招呵。便一齊的拶將起來。〔正末云〕你不知道對詞的勾當。〔唱〕

〔紅綉鞋〕串招時虛實情犯。下筆有生死相關。也不去細推詳。察言語辨容顏。那有錢的非者翻成是。無錢的直者扭成彎。空只把三千條例揀。〔樵云〕有等人性偏。不納君子。專仗小人。不察言貌。專尙趨奉。大禮以盤盒扛抬。逢時節奉承。小禮多在懷袖相貽。如此者所事聽從。有平生正直。一心無私曲。處事公勤。不如此者。縱有經天緯地濟世之才。且丟冷板橋上坐地。似此何如哉。〔正末唱〕

〔上小樓〕交往的言利子罕。惱怪煞胸襟王粲。嫌的是時苗。喜的是王密。妬的是袁安。呆裏奸。直裏彎。虛頭科範。顛倒說。有爲作善能公幹。〔農云〕大哥在上。俺弟兄四人。幸值着太平時世。相會於此處。對着年年不改的山溪。歲歲長存的景致。鎮日家醒而復

醉更無一事干於心上。真箇其樂也。〔正末唱〕

〔么篇〕心無閑事煩。身無名利拴。但看澗石層層。澗草萋萋。澗水潺潺。坐一灘。執一竿。垂楊拂岸。似俺不營求有何遺患。〔淨云〕俺昨日往城裏去。見幾個大人。在馬上打盹。到了去處。人喚方醒。好怪也。〔正末唱〕

〔滿庭芳〕安眉帶眼。藏頭頓項。聳背縮肩。所般的本見佯不看。耳裝聾到得心安。狐狗糞無能去鏟。虎狼食有分同餐。齊不語如吞炭。這一火老奸飽鉢在首陽山。〔樵云〕俺昨日市上賣柴。只聽的亂說。一箇人犯於重罪。不知是那一箇大人。連忙使了箇簡帖兒。替他囑託。就把字眼上改了。就問他一箇輕罪。使被害的無處去伸冤訴屈。〔正末唱〕

〔十二月〕無事的強入罪犯。當罪的出脫無干。原案上更移了字眼。簡帖兒難阻情顏。更不道一人命死難復生。人情坐罪。負屈嚙冤。〔樵云〕俺昨日城市裏去。只見那牽羊擔酒的。盒子裏又有時新果品。故鄉的土物。如敬奉神明般相似。集於朱門之下。收了。的甚是歡喜。不收的甚是不快。雖然是吃食之物。其中暗有金帛寶貝。如掩耳偷鈴。但爲的便有人知道。〔正末唱〕

〔堯民歌〕指親托故廝還。趨時附勢故相干。往來饋送苦央煩。方兄到手案重

翻相看。難將衆眼瞞。正似那皮燈毬。不辨箇明和暗。
〔樵云〕不必閑論。咱今席間。各道一句詩。四人聯作一首。
〔淨云〕把甚爲題。
〔正末云〕但每人一句。就以各人營計爲題。
〔樵云〕大哥請道。
〔正末云〕綠陽堤畔堪垂釣。
〔樵云〕黃葉山頭好伐柯。
〔農云〕幸得一犁春雨足。
〔淨云〕三箇肥牛煮一鍋。
〔樵云〕這一句。那像詩家聲口。卻怎生道三箇肥牛煮一鍋。到落得你吃也。
〔淨云〕你不曉的意思。好牛呵。我肯都煮吃了。
〔樵云〕你說你說。
〔淨云〕這三箇牛。一箇是瞎牛。一箇是癩牛。一箇是老奸巨滑的牛。閑時快吃草料。聽的上套。怕一箇死。這等的畜生。與世無功的東西呵。不吃了。留他做甚麼。
〔正末打科〕
〔淨云〕那瞎牛呵。看不見人。捧着東便往東。捧着往西便往西。不吃了。呵。要他何用。
〔正末打介〕
〔淨云〕一箇是癩牛。又耕不的地。拽不的犁。與人無益。穩情吃着主人的草料。不吃了。他留他何用。
〔正末云〕似俺漁樵耕牧。清貧守志。樂道安閑。十分好處。
〔唱〕

〔耍孩兒〕誰似俺捕魚人。穩坐在磻溪岸。樵呵。見多少顛峰嶮山。耕呵。南山莘野好潛身。牧呵。放牛犢曠野之間。枕巨槐。夢覓南柯易。挾大嶽。高超北海難。覩世道皆虛幻。覓衣食一攢罨網。掌生殺百尺綸竿。
〔樵云〕想先代建功立業。功臣良將。不免的要相持陣上。死戰沙場。常聞道一將功成萬骨枯。似俺這林泉下野人。不較昇沉。終無寵

犀端的是紅塵不到閑人地。白髮多生忙客頭。〔正末云〕我說幾箇幹國的您聽者。〔唱〕

〔八煞〕縱牛卽墨城。學鷄函谷關。幹邦的夜把賢才趕。功勳臺省深如海。枯骨沙場積似山。使天下成塗炭。填平了渭水。泯沒了嚴灘。〔樵云〕爲利圖名呵。如燕雀營巢。爭長爭短。如狼虎競食。似俺四人。不出仕的懶漢。有漢笑俺是有清風明月隨時好。野草閑花逐節新。比不的滿朝朱紫。〔正末唱〕

〔七煞〕閑看燕雀羣。難入鵷鷺班。矮窗眠誰笑山人懶。也無貴客時來往。雖有柴門夜不關。盟鷗鷺。來溪岸。風清月朗。草亂花繁。〔樵云〕想先賢呵。有掛冠者。解印者。非不能治國平天下。皆因信於讒佞。久陷忠良。故此見機解組。歸於田里。趁此天氣清明。正好回去。莫待驟雨淋頭。終陷於泥濘。〔正末唱〕

〔六煞〕掛冠的非是呆。解印的不是慳。爲聽奸邪不納忠臣諫。好清閑不入招賢館。圖名望高登拜將壇。愛歸湖任把孤舟泛。趁天晴好去的落難還。〔樵云〕且看奉公守法的。如履薄冰相似。嘆榮枯誠如翻掌。不如退一步。保一身。全一家。莫待刑及於身。禍連妻子。那時污名千載。雖江水之清。亦不能洗濯。似俺呵。衣食未足。心常足。活計雖貧。道不貧。有甚的名韁利鎖。〔正末唱〕

〔五煞〕驚怯如履冰。榮枯似掌翻。從來時勢能覆反。名韁未解心先退。利鎖蹬開心以閑。遠崢嶸去探白石爛。莊前種菊。坡下倚蘭。〔樵云〕更有一樣。子弟倚着他父兄。爲官爲宦。便去驕奢了。在街上去搖搖擺擺的。一似那學飛的燕子。不習本等。專弄虛頭。一朝因事。依了那官。更遭發遣。流落在異鄉。那時怎了。〔正末唱〕

〔四煞〕小人富致驕。士夫貧且寒。父和兄當道爲官宦。家肥屋潤聲名遠。勢盡休官請退閑。財與物俱零散。未可錦衣歸故博得箇鐵帽回還。〔樵云〕我昨日往城中去探親。見說一箇大人。不曾做官時。與糟糠妻過活。今日做了官。把前妻親生子女都背了。卻與小妾家續做一塊。古人云。貧賤之交不可忘。糟糠之妻不下堂。似這等畜類這行止。着小老婆盡都丟了也。〔正末唱〕

〔三煞〕與前妻爲寇讐。寵丫鬟如蜜甘。將親兒熱女途人看。綠衣黃裏顛倒用。白髮朱顏喜怒看。竟不念荆釵布襖糟糠飯。似人皮包着狗彘。錦綉衣隱着奸頑。〔樵云〕我昨日往城賣柴。聽的路上人說。他當初有幾箇貧賤相交的朋友。一旦做了大官。他便把那平昔交情忘了。十望九不出。途中在馬上見他。也不下馬。我想起來。衣冠是新衣冠。官職是新官職。人是舊人。不信連人都換了。〔正末唱〕

〔二煞〕未出仕求親朋甜話兒多。但中了舉把相識冷眼兒看。怎生您乍爲人便把人輕慢。今日箇幙頭象簡荷衣綠。也曾受草戶柴門布襖斑。那裡你胎胞裏爲官宦。實乃是忘故交的禽獸。沒廉恥的寒酸。〔樵云〕我心中有不盡之言。壺中乏

沽來之酒。又見紅輪西墜。玉兔東昇。天色已晚。改日來此再會。〔淨云〕天色好晚也。〔正末唱〕

〔二煞〕心間話有餘。壺中酒已乾。見漁村夕照歸鴉晚。故將杯酒談王道。休惹虛名滿世間。看漁火燈初燦。今朝已暮。來日相攀。〔四人作揖云〕厚擾厚擾。〔淨云〕海

豪闊具。〔作辭科〕〔正末唱〕

〔尾聲〕咱兩箇將絲綸斧擔收。您兩箇把蓑衣犁耙拴。話綢繆故此歸懶。遙望着花厭重門路途晚。〔衆下〕

第三折

〔正末上〕〔云〕釣得金鱗把酒沽。酒家正欲買鮮魚。幸是有魚兼有酒。平生知己好相娛。老夫昨日與衆朋友盡日歡笑。端的是酒有餘。話不盡。今日約來此處再會。卽喚山妻把魚烹了。可煖釀着濁酒。這時候敢待來也。〔三人上〕〔相見科〕〔云〕昨日厚擾尊兄。今日復來。切念交情。豈厭頻繁。〔正末云〕請坐請坐。今日各人要作一詞。指自家營計爲題。〔樵云〕請大哥先說。〔正末云〕作

甚詞。我今日作首漁父詞。〔念云〕〔漁父詞〕半世生涯一葉舟。桃花香水蓼花秋。拋香餌。逐寒流。願者紅鱸上我鉤。〔正末云〕兄弟請言。〔樵云〕一日餘糧一擔薪。煙霞作伴水爲隣。山林盡。始知貧。榮辱無干一散人。〔樵云〕兄弟請說。〔農云〕春澤如膏雨。一犁秋成禾黍正離離。鷄白酒。宰黃雞。正是田家社樂時。〔農云〕兄弟請言。〔淨云〕剝得牛皮好賣錢。羊毛又好捍成毡。嘆老牯。快耕田。多少犢牛不着鞭。〔正末云〕你這首詞。言語不近斯文氣象。那裡有詞家的聲口。〔淨云〕我的這詞呵。比你們的意理深遠。剝的牛皮好賣錢。所謂成家立業的。掙子羊毛又好捍成毡。會幹蠱的。嘆老牯快耕田。嘆家長苦苦營計。多少犢牛不着鞭。那箇是欺家的潑面東西。見成吃着爺羹娘飯。又要偷家裏財物。是也不是。〔衆笑科〕〔正末唱〕

〔正宮端正好〕詠閑情吟風月。隱林泉名利皆絕。漁樵耕牧堪慵拙。四般兒可是俺安生業。〔樵云〕看不盡青山。觀不盡綠水。但不知這山水。消磨盡多少英雄豪傑。〔正末云〕您看好高山深澗。好江山也呵。〔樵云〕真箇好山水。〔正末唱〕

〔滾綉毬〕看青山似翠屏。觀江濤如噴雪。觀繁華四時開謝。數興亡一夢蝴蝶。但看花木春光豔。堪嘆英雄死後絕。往事堪嗟。〔樵云〕有一等那趨時的小人。去那大來頭官長處。將人背上一篇是非。那官長每暗地裏貪圖着賄賂。對人有許多的謙次的言語。顏

貌又謙。虛禮偏多。言之不盡。好不足觀也。〔正末唱〕

〔倘秀才〕獻慙懃搬唇遞舌。貪賄賂似爭錫競血。毒狼猶如雙尾蝎。對人前言貌好。轉眼就立心別。講詩云子曰。〔樵云〕如今沒要緊事。卻去上言。一會利害處。便不敢犯邊。軟弱的文武。要擺布到你一箇是處。卻不照自己。專責別人之過。是何爲人也。〔正末云〕他好打的是癩狼。專擒的是病虎。〔唱〕

〔滾綉毬〕他沒來頭偏去言。有勢要的不敢惹。但熟甜瓜軟處偏捏。蠟鎗頭會道能說。別人過失能揚播。自己非爲會掩遮。短處偏捷。〔樵云〕如今人謀一事成。便副其身肉。也是情愿。欲進身者。須往那粗腿上抱一抱。若不如此呵。則事不成。更有一等人。趁着事小。趁人不知。便好收斂。只待露出來。那時節權勢皆休。身家不保。又有那望高的。不憚千里程途而來。似俺這漁樵耕牧的。皆不求名望。〔正末唱〕

〔賽鴻秋〕謀成的願把身軀卸。進身的須把權門謁。遭危的盡把身家滅。沽名的苦苦把關山越。不希青眼看。懶待折腰謝。蒙老天放俺道疎狂赦。〔樵云〕北邙山下。有數通新碑。有百坵荒塚。上面表着他那功名富貴。土埋着那威武英豪。觀此公卿將相。今日也少不的伴着那冷煙寒雨。其實苦哉也。〔正末唱〕

〔醉太平〕看狐踪兔穴。是多少英傑。甚文章。甚武藝。甚喉舌。成和敗。那些俺如今無榮無辱。喬村舍。有情有趣。窮家業。學農學圃。老癡呆。醒也醉也。〔樵云〕吾觀此時的風俗好薄也。親屬奢富貴。眼見的卻似那草頭的霜露一般。有等貪夫。明知故爲。輕命重財。寧着一身陷於死地。〔正末唱〕

〔滾綉毬〕將人情不足觀。把風俗都看徹。觀昇沉。似場村社。草頭霜富貴。驕奢身遭陷。塹還同道。眼見覆車尤順轍。大膽的酸棗。〔樵云〕看此時呵。公子舍人。應襲兒男。享着那祖宗的爵祿。遠大的前程。卻去貪贓壞法。有朝一日失脚。一旦休官罷職。可嘆前人的汗馬功勞也呵。〔正末唱〕

〔呆骨朵〕自然香何必加蘭麝。色裝成就裏奸邪。見成的列土分茅。穩情得封侯建節。沒字碑表甚的忠和烈。且休言扶社稷興亡業。太平年小官人祿與爵。爭戰時老將軍膏共血。〔樵云〕自古文人。怎到的李太白清高貴重。得天子寵渥如此者。實是少矣。〔農云〕你試說。俺聽者。〔正末唱〕

〔倘秀才〕高力士金鑾殿脫靴。楊貴妃捧端溪硯。把嚇蠻書醉寫。縱然他貴重清高忒僭越。福根芽從此始。他福分自茲折。江心喪也。〔樵云〕俺昨日到市上去。又

聽的妻將刀殺死了親夫。子持棍打殺了親父。似此呵。深爲敗壞綱常。全無義理。傷盡了人倫風化。似此這般。怎生目擊耳聞。〔正末唱〕

〔滾綉毬〕妻殺夫呵冤太深。子殺父呵讐甚切。誠然是世之妖孽。比禽獸尙有子母分別。皆因氣數風俗敗。故此人倫義望絕。怎入眉睫。〔樵云〕又有一等人。本無官詐稱有官。手下人佯稱老爹。卻專一唬嚇人財物。倚名託姓。覓衣求食。狐假虎威。鼠仗貓勢。他一箇箇情愿做這等下賤人。不知是甚人。〔正末唱〕

〔呆骨朵〕無藉徒虛把威風借。假施設鼠坐狼穴。因賄賂將姓名重更。爲衣食把身體便捨。懸羊頭。賣狗肉。胡枝葉。名不正。言不順。根脚起。他家衣且權時身上穿。別人肉枉掬勞腮上貼。〔樵云〕有一等人家子弟。自幼不去指教。教他縱意非爲。內雖有父兄。不肯嚴切。外雖有師傅。亦無賢良者。卻多無所不爲。及至惹出禍來。連累父母憂愁。亦累妻子受辱。似如此之輩。何必道哉。更有等白手問人要錢的。名喚做好漢。〔正末唱〕

〔醉太平〕家無有五絕。朋不結三傑。不將言行并十哲。專一泛口舌。向虎狼窩裏營家業。是非場上消年月。干戈陣底渾龍蛇。有時盡也。〔樵云〕端的是以仁德治天下。以智勇得天下。此二者何爲者是也。〔正末唱〕

〔倘秀才〕且休說以智勇興邦業。成與敗天之命也。遠者來而近者悅。寬則能得衆。正者可除邪。播仁風四野。〔樵云〕嘆如今爲官的。並沒那等賢相。兩手補完天地缺。一心分開帝王憂。其才事上有餘。其德治民不足。並無有善政及民。但只是保他的身家。守自己的爵祿。不顧下民苦楚。一箇箇前撮後擁。看見他呵。是好箇軒昂氣宇。〔正末唱〕

〔滾綉毬〕能分帝王憂。補完天地缺。却不道得民心。萬人歡悅。動不動虎狼威。牙爪齊捷。一箇箇酒囊飯袋成何用。擄袖揎拳號俊傑。外貌兒模樣兒。啍。〔樵云〕如今天色已晚了。〔淨云〕我去買幾塊爛牛肚子。嚼再吃箇後座兒。卻不好。〔樵云〕沒了酒也。〔淨云〕沒黃酒呵。燒酒也罷。〔正末云〕好景。奈天色晚了也。〔唱〕

〔倘秀才〕眼望着日脚。山天色暮也。酒已盡話未了。難將便捨。遙望着月上山頭。明四野。羣鴉聲聒噪。花簇影重疊。且權時暫別。〔樵云〕天色晚了也。咱四人收拾好行也。〔正末云〕今日各自回家。明日於此再會。〔唱〕

〔隨煞〕俺如今纔住扁舟。忙將跳板撤。您將匾擔鈎繩緊繫者。耕呵您將犁耙鎌鋤運載車。牧呵您將那牛隻羊羣趕動些。日會蓬窗與茅舍。不比那營營利名客。〔下〕

第四折

〔外末扮使命上〕〔云〕萬天民若耶清隱。聖明君降詔招賢。遣使臣馳驛千里。聘賢良特降皇宣。小官乃天朝使命官。今奉朝廷差遣。往會稽山若耶溪。徵聘四箇賢士。乃漁樵耕牧。宣召赴闕朝覲。朝廷量陞官職。小官徑到此處。尋覓不見。隨問鄉老。這鄉老言道。漁者此人姓張名愚。號水雲居士。樵者姓王名魯。號伐柯叟。耕者姓趙名璧。號有莘居士。牧者姓李名彥。號鞭杖叟。這四人隱姓埋名。不求顯耀。他們四人。聞知朝廷宣召。今遁於遠方。不知去向。小官論來。這四箇賢士。不受朝廷徵聘。也是枉了。自古道。寸土之上。皆屬王土。率土之民。皆屬王民。饒你深山更深處。到頭總屬帝王家。如今小官只得還朝。奏聖人另行定奪。漁樵耕牧不圖名。寫表申朝達聖庭。陶潛願作山林客。無榮無辱亦無驚。〔下〕〔正末扮漁人上〕〔云〕海闊從魚躍。天空任鳥飛。堪嗟利名客。白髮故人稀。俺漁樵耕牧。蕭散無拘。不求入仕。志慕林泉。不圖榮貴。隱於山野。不想朝廷差使臣。將玉帛玄纁。前來徵聘。看炎涼世態。事如翻掌。不敢居於會稽。今徙居天台山桃源洞。這裡寬闊。寫遠。可以隱居。俺四人盡日閑談。實然樂矣。今又此處復會。莫道漁家活計貧。江頭占斷四時春。笑人羈絆多於我。惟我清閑勝似人。昨日三位朋友。笑談一日。此實爲樂也。今日約來此處復會。將魚烹了。嫩鮮開包。更採些鮮菱鮮藕。紫蟹紅蝦。亦不爲貧也。把這柴門開了。遠遠望著。這時候敢

待來也。〔三人上〕〔相見科〕〔敍坐科〕〔正末云〕俺四人各將簋筯除了去者。〔正末云〕將酒來。
〔樵云〕大哥處先飲此盃。〔正末云〕今把魚蟹蝦菜。就設於磯石之上。看此間天台山桃源洞。不
弱會稽山也。〔唱〕

〔雙調新水令〕解簋除筯坐漁磯。任從容。羃天席地。旋斲的辣酥酥香糯酒。恰
烹來的活潑潑錦鱗肥。相對着瓦鉢磁盃。因詩酒以文會。〔樵云〕俺三箇兄弟。一時
齊到此處。皆是那披着簋頂着筯。縱那朝中朱紫衣服。貴人穿着。算來呵都是繫性命的枷鎖一
般。〔正末云〕他每總有朱衣皂蓋。紫袍金帶。急且裡來不到此處也。〔唱〕

〔駐馬聽〕皂蓋朱衣。料想難來舍村裏。清貧活計。一聯佳句。一盤棋。人情冷暖
逐高低。水光山色依青翠。非賢人閑不得。等賢人到不得俺清閑地。〔樵云〕但看
綠依依兩岸金柳。碧澄澄一溪春水。〔正末云〕趁着這清水。何不將俺四人的耳朵。都洗一洗。
〔淨云〕您三人洗耳朵。我把渾身上下都洗一洗。〔樵云〕你卻怎生把渾身上下都洗一洗。我每
恐那是非入耳。故此洗之。你洗身上何說。〔淨云〕我不比你每。不知我一身都是是非。您休笑我。
我把那不便處且不洗罷。〔樵云〕如何不便處倒不洗。〔淨云〕那箇東西。終日家不出門。有何是
非。〔樵云〕我每鄉野之民。洗耳怕是非。似如今爲官爲吏的。跑到這溪水裏洗一月。也洗不潔淨。

〔正末云〕你看他地上野草閑花。枝上幽禽山鳥。不棄俺漁樵耕牧。〔唱〕

〔喬木查〕一溪春水。好將我雙耳洗。野草閑花山鳥啼。三般不世情。與我相宜。

〔樵云〕但凡做官的。清廉正直。久得民心。端的是四海聞其美名。有那等貪淫酷暴。隨風倒舵。順水推船。不得民心。四海聞其污名。一朝犯罪。遭其發遣。殃及妻子。家破身亡。那時節去恨誰。〔正末唱〕

〔慶宣和〕一得官聲名四海馳。灌耳春雷。官休勢盡悔時遲。恨誰怨誰。〔樵云〕且

如偌大的仕宦。平白地一箇小人兒。怎生便敢與他過付。〔正末云〕你不曉的。他各家門前財神。福神。招財利市引進他。卻如病人求醫。〔唱〕

〔沉醉東風〕欲進者須索備禮。有病的急去求醫。囊篋中憑着玉帛。筆硯裏含着良劑。不知呵除是不爲。你道是掩耳偷鈴人。怎知盡都在俺漁樵肚裏。〔樵云〕且如世人。不論士農工商。三教九流。渾似園中百般花木。有長久的。也有朝開暮落的。鬧攘攘的。狂蜂浪蝶。卻似往來搬送一樣。趨時的小輩。那松柏翠竹。皆比歲寒君子。到深秋之後。百花皆謝。惟有松竹梅花。歲寒三友。〔正末唱〕

〔折桂令〕喜春來花卉芳菲。聒聒青蛙。恰恰黃鸝。艷杏爭春。天桃含笑。細柳顰

眉急忙奔黃蜂戲嬉。獻慙粉蝶交飛。已覺春歸。不測風吹。止留下綠竹猗猗。松柏依依。〔樵云〕似名公巨卿家間受用的。這山間野人夢也夢不到。〔正末云〕他每呵。夏有高堂大廈。冬有暖閣紅爐。他每都重裊而臥。列鼎而食。位高極品。須索見機解組。退一步。莫待龍顏一怒。無計遮攔。可懼可懼。〔唱〕

〔落梅風〕重裊臥。列鼎食。坐三台九卿之位。入朝門。豈知凶共吉。惱龍怒怎生回避。〔樵云〕似百官早朝。幘頭象簡。紫綬金章。出入朝內。受如此驚說。想俺漁樵耕牧。用的是麥

飯藜羹充一飽。濁醪村酒飲三盃。睡到日午不起。也無人尋的着。俺端的是便宜。他端的是便宜。〔正末云〕若如此較量來。兩家都是便宜。〔唱〕

〔水仙子〕春雲重綉紫烟衣。曙色纔明丹鳳墀。蓬窗睡穩蘆花被。他乖覺。咱做癡。他榮華。俺愛清奇。俺比他名不高貴。他比俺身多是非。他便宜。俺也便宜。〔樵云〕文由科目。武陞軍功。除此之外。還有額設的資格出身。更有一般狗徒出身的。若非玉帛。及人情之爲。要出身者。甚是難矣。〔淨云〕昨日聽得一件事。一箇傳奉官人的娘子。有身孕三年不生。忽一日生下一塊。如布袋一般。着穩婆剖開看時的。有二三十箇小人兒。如促織兒大小。一箇箇頭上。都有黑黑的紗帽兒。少時。他都亂走了一會。分作一大攢。又有二十四小攢。本家不知

是怎的。去東莊上請王老人來。他能格物。不移時着人請將那王老人來了。王老人看了。您都曉的。他老子原是傳奉。因此上如今養下冗官來了也。人問道。卻怎生一大攢二十四小攢。怎麼說。那王老人說。這二十四小攢。是那二十四監局的。那一大攢。是待缺取用的。〔末打科〕〔唱〕

〔鴈兒落〕爲親戚使面皮。因骨肉乞恩惠。他每都幹功名倚勢豪。求顯耀趨時勢。〔樵云〕觀此世道。依了公道者非。順了人情者是。若依公道。明條正可誅罰。聽信人情。筆底自當

出脫。似俺在時

二字

之民。雖有抱負。豈可言之。〔正末唱〕

〔得勝令〕論人情公道兩無虧。把明條正法百不依。根賣了看家狗。窩藏着滿面賊。啞噪的獐獐。隣犬吠他不吠。聾耳的家雞。野雞啼他不啼。〔云〕俺兄弟四人。

每人作一首詞。〔樵云〕指甚爲題。〔正末云〕指風花雪月爲題。每人言一件。〔衆云〕請言請言。

〔作詞科〕〔正末云〕〔西江月〕蕊的吹來無影。穿簾直透窗紗。動搖花木亂交加。敲碎簷間鐵馬。解落三秋黃葉。能開二月繁花。嚴冬凜凜惱貧家。夏熱南來無價。〔樵云〕芍藥牡丹嬌豔。海棠桃杏栽培。葵榴灼灼放庭階。遙望芰荷一派。芙蓉色含江水。木樨香滿幽齋。山茶喜向雪中開。窗外梅花可愛。〔耕云〕忽見梨花片片。俄然柳絮飄飄。樓臺殿閣砌瓊瑤。粉句長安古道。屑屑敗殘鱗甲。紛紛亂剪鵝毛。山人僵臥隔窗瞧。一夜青山頓老。〔牧云〕一塊團圓怎旋。十分明朗誰磨。冰

輪皎潔湛寒波。行見圓圖又破。但存光華皮面。何嫌照耀。娑婆濃雲黑霧不勝多。大地蒼生瞎坐。

〔樵云〕怎生瞎坐。〔淨云〕您不知意思。想着這漫漫長夜何時旦。都來瞎坐等天明。〔正末唱〕

〔清江引〕風花雪月情意美。不擇俺貧家地。時看鷗鷺來。笑看兒童戲。是和非那尋着咱共你。〔樵云〕想前代古人。但要立清名於世。故此盡身盡命。苦苦上諫。天子不納。都遭誅遭貶。似俺閑人。可不嘆也。〔正末唱〕

〔風入松〕函關深鎖僞雞啼。遭貶者故鄉離。漆身爲癩甘原無甘字今補狼狽。剖心的飲

鳩難及。可笑將身喪水。算來總是呆癡。〔樵云〕俺四人將今古事已盡言談。如今天色已

暮。各人收拾起身。〔衆人繙繙相送科〕〔正末唱〕

〔撥不斷〕收拾起。再休題。鳩拙燕巧何須比。鳧短鶴長有定期。龍爭虎鬪非干

己。醒而復醉。〔云〕今日一會。爭知何日再會也。漁乃捕魚老叟。樵乃伐木村夫。耕乃種田農父。收

是草野閑徒。故愛清貧。爲樂山林。隱跡而居。凡會以詩以酒。敢然無來無物。道教名利漸遠。亦將

富貴咸疎。終日以文會友。閑時有酒相呼。言盡古今興廢。更談人物賢愚。難比大哉隱士。亦非廣

覽鴻儒。不至有關世教。也爲小補風俗。莫言傳奇搬演。誠爲勸正規模。〔衆唱〕

〔鴛鴦煞尾〕羣書飽玩幽窗披。新聞竊聽城郭裏。朱門巨室。前夜裏奏笙歌。昨

日聞閑笑語。今早又生悲泣。驕奢忒大過。煩惱來相繼。禍福在出席入席。搓綿透針關。掬泉磨鈍斧。劈竹編成笠。功名不載咱。榮辱全無你。酒已盡。紅輪墜西。把今古事興亡付言談一笑裏。

題目

聽新聞市畔途中

隱故跡山間林下

正名

水雲鄉耕牧交談

若耶溪漁樵閑話

雷澤遇仙記

闕名

第一折

〔正旦扮仙女上〕〔云〕下仙許飛瓊是也。久侍西王母。不獨我輩。尙有三箇女仙。杜蘭香掌的是玉璽。董雙成掌的是龍巾。周瓊姬掌的是金盤。則我下仙掌的是鸞扇。王母因見俺四人。水月精神。梨花肌肉。將杜蘭香號作風姨。將董雙成號作月姊。周瓊姬號作大雪。下仙號作小雪。俺四人朝游閨苑。莫宴瑤池。飲的是玉液瓊漿。喫的是交梨火棗。怎想杜蘭香下嫁了張碩。董周二仙嫁了劉阮。我今奉玉霄命。我探蓬萊清淺。不免將試人間真味也呵。〔唱〕

〔賞花時〕清冷瑤臺不耐寒。錦繡繁華容易遣。也不索騎白鶴跨青鸞。命我探蓬萊清淺。急回頭少也二三年。

〔么〕恰離了凌虛自在天。早到人間錦繡川。眞箇是花一弄。柳三眠。忽聞的清和宛轉。是誰家牡丹亭弄冰絃。〔云〕遠遠的望見一座花園。碧桃翠竹。紅杏粉牆。你看書齋無斗大。志氣與天高。試下雲頭。翫賞一回。有何不可。〔正末扮秀士上〕〔云〕乾坤老。大堪舒眼。離落清虛好賦詩。小生姓雷名澤。字天澤。祖貫關西人氏。自幼讀書。十年雪案。半世青燈。空懷八斗。

之才。未遂五陵豪氣。可怪昨宵得一奇夢。夢一女子。鵲立山前。水月精神。梨花肌肉。但到瑤池。怯清冷。等閑謫降到人間。正談笑之際。化綵雲而不見。教我覺來細思。人立山前。莫非是箇仙字。況今月白風清。好天良夜。這琴聲仙助的相似。遠望着廣寒深處。青鸞棲樹。紫鳳銜花。正是可憐今夜千家月。銀漢星輝一道通。〔唱〕

〔仙呂點絳脣〕鳳舞瓊樓。雲飛巫岫。三盃酒。曲案涼州。月色明如畫。

〔混江龍〕錦心繡口。霜毫一掃鬼神愁。蓬萊佳致。翰苑風流。寶劍有光輝。社稷龍韜無種種。公侯經綸腔子。風月歌喉。吟邊玉麈。醉裏金甌。唐詩詞。宋性理。漢文章。酒葫蘆。詩布袋。風袍袖。有時節。騎鯨海外。跨鶴揚州。〔仙云〕天上玉樓何杳杳。

人間書舍也清清。〔末云〕是何處珠玉之聲。好奇怪也呵。〔唱〕

〔油葫蘆〕何處仙音轉脆喉。只疑是鶯喚友。〔看科〕〔見科〕〔云〕正是夢中見的那女子。

〔唱〕我見他縞衣素袂。玉溫柔。〔云〕那壁小娘子。人乎。仙乎。神乎。〔仙云〕書生不能料。是何也。

〔末云〕我試料一料。〔唱〕莫不是銀紗半顯梨果肉。〔仙云〕溶溶春月院落中。淡淡和風闌檻內。那是梨花。我不是梨花。〔末唱〕莫不是月明一朵梅花瘦。〔仙云〕疎影橫斜水清淺。暗香浮動月黃昏。那是梅花。我也不是梅花。〔末唱〕莫不是桂花下廣寒。〔仙云〕白兔守株依貝闕。青

鸞銜子下瑤臺。那是桂花。我也不是桂花。〔末唱〕莫不是桃花離洞口。〔仙云〕劉郎再來歲云莫。王母一笑天回春。那是桃花。我不是桃花。〔末唱〕莫不是日邊紅杏春光漏。〔仙云〕獨有杏花如喚客。倚牆斜度一枝紅。那是杏花。我不是杏花。〔末唱〕莫不是姚家闌內牡丹頭。〔仙云〕買栽池館恐無地。看到子孫能幾家。那是牡丹。我不是牡丹。〔末唱〕

〔天下樂〕定是城南金線柳。〔仙云〕惟有城南柳樹精。分明知道神仙過。我不是柳樹精。〔末唱〕周子池頭太乙舟。陶令籬邊粉繡毬。〔仙云〕蓮花蓮葉金錢玉錢。俱不是。〔末云〕我試掂量你掂量。子之玉體如一葉之輕。我知道了。〔唱〕莫不是蕉芭一葉輕。〔仙云〕你但知我身輕。不知奴之重意。我不是芭蕉。〔末唱〕莫不是海棠微帶酒。〔仙云〕朱唇得酒暈生臉。翠袖捲紗紅映肉。那是海棠。我不是海棠。〔末唱〕莫不是趁清風跳出楊州。〔仙云〕今朝誰赴繁釐觀。借得瓊花到玳筵。那是瓊花。我不是瓊花。〔末云〕此女子既不是花木之妖。定應是風流之女。〔唱〕定應是卓王孫家女流。憫相如寡宿。〔仙云〕相如慕文君。我不是文君。〔末唱〕定應是唐宮中箏手。愛崔生訕口。〔仙云〕得近佳人纖子手。研羅裙畔放嬌聲。也不是瓊瓊。〔末唱〕定應是盤塘江土偶。與碩公泛舟。〔仙云〕黃土作牆茅蓋屋。門前一樹紫荊花。我也不是泥神。〔末云〕此女子定是天仙。〔唱〕不居斗牛宮。定在巫山岫。下銀河避着牽牛。〔仙云〕不

是天孫女與嫦娥。〔末云〕如此丰神。如此態度。我知道了。〔唱〕

〔鵲踏枝〕嬌滴滴女嬌羞。響泠泠嫩歌喉。定是箇月魅花妖。胡迷俺風月儒流。
〔云〕我這劍原是歐冶子所鑄。我試虛砍他一劍。若是精靈。其形必見。〔唱〕叫一聲嗨妖精劍
去也休走。誅你九尾狐粉面骷髏。〔作砍科〕〔仙云〕可惜又壞了一箇仙。〔末云〕女色會
贖一二。不似此女色貌撩人。香風噴腦。若非月殿嫦娥。定是瑤臺仙子。不免向前祇揖。〔做見科〕

〔云〕小娘子祇揖。〔仙云〕只是可惜壞了一箇神仙。〔末唱〕

〔寄生草〕三尺劍直多少。一枝花難到手。我這裡名香再熬黃金獸。瑤琴再把
梅花奏。玉纖輕挽香羅袖。〔仙云〕狀元珍重。〔末唱〕且休題狀元高中玉樓前。喜的
是玉人幸遇黃昏後。〔云〕娘子請。〔仙入書齋科〕〔末奉茶科〕〔云〕敢問卿清號誰氏。仙鄉何處。

〔仙云〕向後語汝知之。今消息露了。必聲揚於外。誰將久留。不如且隱微名。倒是終身之計。〔末

喜科〕〔云〕自媿草荒堂陋。有汚仙姬。〔仙云〕卻不道些子茅簷中藏宰相。〔末唱〕

〔村里逐鼓〕媿則媿草荒堂陋。恨則恨全無恭候。一杯春酒與仙姬添壽。松花
露滴。梨花月冷。梅花角奏。影離離花裊闌。佩珊珊風動竹。香噴噴酒滿甌。呀。多
敢是魂夢裏瑤臺攜手。

〔元和令〕些娘娘蘭麝口。纖細細黛眉秀。綾襪窄窄套銀鉤。金蓮小鳳頭。淡雲一朵下瀛洲。只疑瓊花池上走。

〔上馬嬌〕喜帶羞。剛帶柔。恰便似織女會牽牛。雪花影裏霜禽瘦。不胭粉自風流。

〔勝葫蘆〕只宜水殿珠樓掛玉鉤。獨坐廣寒秋。脆管繁絃花外吼。瓊漿漱灑。玻璃高奉。陪侍女嬌羞。

〔么〕幸遇仙姬同對酒。無福也難酬。小院深沉書舍幽。好天如洗。好花如繡。一笑勝封侯。〔仙云〕解元一代名儒。非有夙業。豈能到此。〔末云〕料想小生。定是前世修來。豈是今

生微幸〔唱〕

〔後庭花〕若不是窮書生前世修。怎能穀玉天仙成配偶。成就了月夜三生夢。結果了鵬程萬里秋。噴腦的粉香流。自不是人間骨肉。看一看眼怎收。搔一搔難動手。吳道子筆怎投。老劉鑾怎畫朽。〔作覷科〕〔云〕似這等玉碾的箇嬌娃。小生有何

福消受也呵。〔唱〕

〔青哥兒〕呀。天仙子難消難受。玉娃娃不肥不瘦。怪不的昨夜祥光射斗牛。天

付風流。來配鸞偶。魚水相投。鸞鳳嬉游。草堂前爭似女仙樓。胡將就。〔云〕好良宵

也呵。正是風流天上子。人月兩團圓。〔唱〕

〔賺煞〕月色滿天明。梅影橫窗瘦。多應是夙緣分有。不然呵。劉阮天台何幸修。願只願杜蘭香厮守到白頭。俺是箇小儒流。怎消的仙子綢繆。地老天荒情怎休。只願的老王母肯咱放手。玉皇家肯咱將就。我和你跨青鸞。直入洞天游。〔並下〕

第二折

〔末扮雷澤上〕〔云〕風靜竹無聲。好天清一色。不見玉人來。梅花弄明月。小生雷澤是也。自與仙姬相逢之後。漸覺精神明爽。文思清新。不知何日再得相見。對此霽月光風。不可冷然虛度。試彈一曲琴。舞一回劍。聊慰今宵之岑寂。〔做舞劍科〕〔彈琴科〕〔仙上〕〔云〕小仙許飛瓊是也。昨蒙法旨。令探海水清淺。因與雷生有夙緣仙契。邂逅一會。匆匆告別。今從東海回來。復經雷生園亭。正是貪觀滄海十分淺。忘卻蟠桃幾度鮮。遠遠的望見秀才在亭子上舞劍調琴。我試看他手法何如。〔作看科〕〔云〕果然劍雄而琴妙。縱使公孫大娘伯牙子期復生。亦不過是。〔唱〕

〔正宮端正好〕琴操的鬼神愁。劍舞的乾坤暗。冠人間鳳沼龍泉。呂翁鍾子而

今遠。眼底知音鮮。

〔滾繡毬〕劍舞的金蟄潛月宮。琴操的嫦娥捲繡簾。錦簇簇魚游水面。白皚皚鶴舞庭前。松風響澗邊。雪花點玳筵。紫髯龍耳側海岸。白額虎膽破林間。舞的是劉邦酒醉誅妖蟒。彈的是望帝春心泣杜鵑。堪賞堪憐。〔云〕我潛在芍藥闌邊。試

待他回頭一望。〔唱〕

〔倘秀才〕我將這春花半掩。它定是秋波一轉。掩映着撲撲春風六六闌。它有心吟皓魄。無意理殘編。只是爲俺。〔云〕豈獨這書生別思縈懷。我這些時也一心百懶。萬念俱灰了。〔唱〕

〔滾繡毬〕我這些時琴疎了文武絃。詩閑了錦繡篇。繡一會廣寒也。也疑宮字之誤懶拈針線。誦一會步天歌。倒了支干。春煦煦尙恐寒。睡昏昏只愛眠。苦噴噴蟠桃意懶。醋溜溜梅子心酸。由它桃樹花結子。一任蓬萊水盡乾。且盡清歡。〔末作長嘆云〕瑤臺萬里。迴隔塵寰。我一天愁思。仙子呵。你知道也未。〔仙唱〕

〔倘秀才〕他叫一聲叫的人可憐。歎一聲嘆的人心軟。〔云〕我試哨一聲。〔作哨科〕〔云〕小亭寂寂冰絃冷。長夜漫漫寶劍寒。〔生作看科〕〔作慌科〕〔仙唱〕投至得一紙丹書到

耳邊。他躬身來月底。含笑到花前。恰便身登了地仙。〔末云〕早知仙子降臨。合當奉迓。

〔仙云〕別來許久。有勞掛念。〔末云〕有酒一尊。待卿久矣。幸蒙再顧。酢酬一盃。多少是好。〔仙云〕豈不聞韓子云。不解文字飲。徒能醉紅裙。可乎。〔末云〕吟風弄月。予之素願也。望命題援韻。少盡吟情。〔仙云〕就以寶劍瑤琴梅花明月爲題。闕可拈。韻亦不拘。詩成勸酒一盃。不成罰依金谷酒數。〔做拈闕看科〕〔仙云〕我得的是瑤琴明月。〔末云〕我得的是寶劍梅花。〔仙云〕詩詞二品。請命其一。〔末云〕曲盡人情。詞章尤妙。〔仙指瑤琴唱〕

〔呆骨朶〕我只說子期去後。冰絃爛。誰承望老伯牙又到人間。一聲聲舒緩清和。一字字清新宛轉。梅花三弄奇。風月雙清現。有相如也不似文君。有文君也不似俺。〔末指寶劍唱〕

〔賽鴻秋〕歐公親採三光燄。吳王曾費千金換。斗牛夜夜虹光燦。紅山種種龍蛇斷。一鉤水底潛三尺墳頭獻。今宵遂了雌雄願。〔仙指明月唱〕

〔脫布衫〕明滴溜斗大金盤。跳掇梭碗口銀蟾。舞婆娑丹鳳紫鸞。影玲瓏玉樓金殿。

〔小梁州〕修月兒郎盡少年。八萬三千。吳罡大斧影團圓。純鋼蘸劈破又還圓。

〔么〕一叢桂子雲頭豔。小嫦娥也愛青年。憑着你八斗才。三尺劍。毫端星斗定。是中魁元。〔末指梅花唱〕

〔醉太平〕襄陽路邊。處士林間。願陪松竹老江干。清香自然。含章檐曾上宮人面。羅浮山曾與神仙伴。商家岩曾作鼎鹽。恰便似天仙玉顏。〔仙云〕真天仙耳。似云

乎哉。〔唱〕

〔尾聲〕水滴蓮漏三更箭。月上瑤琴第五絃。香盡龍涎不用添。詩就鸞牋不用聯。淡薄羅衫不耐寒。潑灑金盃不用傳。杜宇枝頭睡正甜。蝴蝶花間夢已殘。烏鵲驚飛金井闌。牛女相看人月圓。月入梅花恰半邊。風蕩筠梢響後珊。斗柄回天景可憐。花影移階人未眠。何日嫦娥開鏡鸞。也愛人間小洞天。書齋便是陽臺館。誰道是陽臺路兒遠。〔下〕

第三折

〔末扮雷生上開〕〔云〕月懸瑤琴影不移。酒憐春色醉偏遲。一聲翡翠花間去。疑是天仙初會時。小生雷澤。自與仙姬相遇。神思恍然。想其言動衣冠。與塵寰迥異。臨別曾說我朝玉帝宴蟠桃去。若或我思。但就瑤琴一弄。我必回驚。別來許久。我將這瑤琴定了十二箇時辰。試彈一曲。倘使聞

知應來一會。〔作撫琴科〕〔末云〕歌曰。有美一人兮天眷屬。秋水爲神兮玉爲骨。爲厭瑤池兮景幽獨。來伴書生兮住茅屋。自言今月兮蟠桃熟。歸去瑤臺兮跨黃鵠。應是使使兮忘醺醺。忘卻書生兮在窮谷。〔作再撫料〕〔末云〕歌曰。有美一人兮天上娘。明月爲幃兮霞爲裳。爲探蓬萊兮景蒼涼。來與書生兮偕洞房。人已返兮佩猶鏘。花不見兮衣猶香。〔作三撫料〕〔末云〕歌曰。有美一人兮王母宮。桃葉輕兮梨花濃。韻了東兮心玲瓏。一時不見兮我心冲冲。〔仙上〕〔云〕天上蟠桃雖艷艷。人間桂子更青青。小仙在蟠桃會上正賞瓊花。在那碧桃樹下品玉簫。忽聞清風一颯。梅花三弄。知雷子以琴聲見招。須信天言。豈人知耳。俺想雷生乃玉帝案前掌彩筆的金童。因蟠桃宴酒醉與呂荷香見嘲。玉帝罰他人間一化。仍歸天上。我因與雷生有夙分。三年程期。只在明朝暫落雲頭一會。小仙想來。人間風景。其如天上蟠桃宴呵。〔唱〕

〔越調鬪鶴鶉〕金殿玲瓏。金仙肅整。玉髻千枝。彩雲萬頃。紫鳳調音。青鸞弄影。水龍天外鳴。瓊漿盞內傾。碧藕清香。蟠桃脆冷。

〔紫花兒序〕香噴噴交梨火棗。翠生生紫葉靈芝。光燦燦雉扇霓旌。仙樂泠泠。哄動了三島十洲九鳳城。玻璃盃瑪瑙頻奉。笑殺了小小韓湘。醉倒了老呂先生。

〔金蕉葉〕恰離了太清咫尺。下雲霄萬里途程。我這裡望書齋好似蓬瀛。多應是年少書生悶等。

〔調笑令〕遠望着翠屏。牡丹亭。寂寂書齋冷似冰。清清楚楚堪人敬。也只是爲俺伶仃。〔做聽科〕〔云〕那生正撫琴哩。〔唱〕流水高山指下橫。寡鳳孤鸞天外鳴。一聲聲擔閣下風月雙清。〔仙向前見生科〕〔云〕貪他天上蟠桃飽。桂子香。〔末作欣笑〕〔云〕動勞玉體。又到人間。萬里瑤池。如何琴一彈而卿卽喻。〔仙唱〕

〔小桃紅〕蟠桃花底坐吹笙。一曲瑤臺冷。側耳雲頭靜中聽。暗心驚。驀然何處梅花弄。一聲兩聲。牽情動情。縱然沉醉也醒醒。〔末云〕仙子身邊撲鼻異香。聞於數步之外。敢問是何等香也。〔仙袖出蟠桃仙酒示末云〕我帶此蟠桃仙酒。特奉先生。〔末喜發狂科〕〔云〕此桃此酒。出處何如。請言其詳。〔仙唱〕

〔么〕東華親命老人星。用意瑤池種。翠葉青枝紅芳盛。六千歲果初成。一壺仙酒千年慶。〔仙捧酒果〕〔云〕狀元滿飲此盃。〔唱〕玉盃滿擎。金盤高捧。〔末云〕仙子請先飲。〔仙唱〕袖的來只爲奉卿卿。〔末飲酒科〕〔仙勸科〕狀元滿飲此盃。〔末醉科〕〔云〕醉殺我也。只此盃又早醉了。望仙子姑留一盃。明朝當禦春寒。〔仙唱〕

〔禿廝兒〕便有些春寒春冷。受用些花富花榮。自古書生量似鯨。你莫要推稱。忒也惺惺。〔仙再勸酒科〕〔末云〕我實飲不得了。〔仙唱〕

〔聖藥王〕風又輕。月又明。蒼苔滿地襯紅英。果又清。酒又馨。瑤臺仙子對書生。不飲爲誰醒。〔仙勸酒科〕〔末云〕從來飲酒。不似這酒醺醺。正是仙酒。〔仙唱〕

〔麻郎兒〕便五斗醺醺。怎生想三閭忒也醒醒。便醉倒黃公酒亭。也落箇騎鯨上升。〔仙勸酒科〕〔末云〕我只見天地都旋轉了。飲不得。飲不得。〔仙唱〕

〔么〕天醒醒。天無酒星。地醒醒。那得泉靈。天地醺醺過一生。何況人生百歲齡。〔末云〕我只見箇眼藥瓶兒。裏邊通無半鍾酒。到飲穀有數十盃。還不盡。卻是何也。〔仙唱〕

〔絡絲娘〕剛醉如海棠弄影。剛睡也提壺喚醒。花色醺酣鳥韻清。休負了良宵美景。〔仙執末手云〕狀元休推睡裏。裏我與君夙緣。正是三年佳期已滿。不敢久留。〔末云〕分手在何時。〔仙云〕只在明朝。〔末哭云〕我年將弱冠。孤守寒微。幸遇仙姬。復欲歸去。古云寧可無官。不可無妻。我得與仙姬百年偕老。便無官死也甘心。〔仙唱〕

〔綿搭絮〕休爲這一枝紅粉。甘負了十載青燈。休爲這些歡愛。誤了你久遠前程。〔末云〕我功名顯達。敢問仙子決在何時。〔仙唱〕來歲秋香折廣庭。咫尺瓊林宴玉京。

金紫崢嶸。早歸休訪邵平。〔末云〕望仙子留下一物與小生作遺念。〔仙云〕止有詩四絕。錦裙一幅。香囊一箇。謹奉春元。他年見此。幸勿忘情。〔末受科〕〔念云〕其一曰。此行不是夢邯鄲。題起令人摧肺肝。明日驂鸞歸去也。人間天上路漫漫。其二曰。莫向山林學鳳棲。毫端自有上天梯。香囊不是無情物。中有秋闈春會題。其三曰。小雪霏霏天上來。瓊枝只爲棟梁材。願將織女機頭錦。留與春闈禦火災。其四曰。揮鞭躍馬闌紅塵。爭似林泉滋味真。了卻清風金獬豸。休貪黃閣玉麒麟。〔末云〕詩意皆曉。但小雪二字。不知何謂。〔仙云〕下仙姓許名飛瓊。小雪。予之仙號也。〔末云〕我況你是飛瓊。其白如雪。非瓊而何。〔仙唱〕

〔金蕉葉〕詩一首寫我心情。裙一幅求我殘生。我意兒留連不輕。你心中殷勤自省。

〔聖藥王〕耳要聽。心要醒。春雷還到九秋鳴。君赴京。自伴行。歸來林下笑相迎。切莫負平生。〔末云〕山有崩兮海有竭。我相思兮無盡徹。〔仙唱〕

〔拙魯速〕山有崩。恨怎平。海可清。泪暗零。有一日山徑泠泠。茅屋清清。春鳥嚶嚶。詩韻瑤瑤。竹葉頻傾。天上飛瓊。地下書生。受用錦堂春夜永。〔末云〕望仙子還來一會。幸勿食言。〔仙云〕片言不敢輕諾。吾不爲之。〔唱〕

〔尾聲〕三年已了塵緣夢。百歲休忘此日情。你莫要芳草路頭悲。我去那瓊林宴上等〔同下〕

第四折

〔末扮雷生上〕〔云〕玉奴仙酒問仙郎。消得金釵十二行。兩袖春風花二朵。滿身都是桂花香。小生雷澤便是。只云皓首寒微。誰想春闈及第。記得仙子臨別之時。曾與錦裙一幅。爲禦火災。復言春闈準在秋際。果然前知般般。又道及第時還期一會。投老時還期一會。彼真人也。必不失信。小生細想來。若非仙子拯救之功。焉能有今日也呵〔唱〕

〔南呂一枝花〕詩吟白雪腔。酒泛瓊林釀。錦袍衫袖綠。金朵帽簷黃。八斗文章。喜氣三千丈。金釵十二行。踏凌波環佩丁當。動帝里笙歌鬧嚷。

〔梁州〕輦轂下偏增氣槩。月明中別是風光。這的是祖宗積慶兒孫享。追陪的是伊呂。輔佐的是虞唐。氣蕩開廣寒宮殿。耀增了孔氏門牆。想君恩何日能忘。定乾坤先正綱常。三尺劍光凜秋霜。一寸心赤傾太陽。兩隻手高捧乾綱。詩狂酒狂。從今勾了風魔帳。殿角東。龍墀上。烈烈轟轟做一場。氣吐眉揚。〔仙在雲頭上叫科〕〔云〕狀元狀元。不向瓊林醉一場。誰知星斗煥文章。他年四品黃金帶。早辦三間綠野。

堂〔末云〕仙子不棄凡庸。登堂一會。〔仙云〕待君歸田時。再來相會。〔仙作不見科〕〔末唱〕

〔罵玉郎〕我只說彩雲堆裏嫦娥降。心喬怯。意慌張。元來是瑤池仙子來相望。閃的我魂四開。腸寸斷。泪千行。

〔感皇恩〕他那裡喚雷郎。纔顯文章。不負了啖鹽齏熬歲月。伴寒窗。見如今大明一統。萬國來王。要展經綸。擎日月。定家邦。

〔採茶歌〕赤力力放毫光。返天堂。咳。天呵。怎生眼前不見彩雲娘。一陣清風人杳杳。兩行珠顆泪汪汪。

〔尾〕只留下玉玲瓏。花燦爛。不肥不瘦風流樣。空遺下拌龍涎。調鳳髓。噴腦鑽心的蘭麝香。人已歸。佩還響。泪泠泠。心癢癢。風清清。月朗朗。詩誰吟。景誰賞。撇的我嘴孤獨。面魔羅。呆答孩。死沒騰。危樓獨倚頻頻望。恰便似莫莫朝朝。雨雨雲雲。疊疊巫山。寂寂陽臺。夢見的人兒醒來想。〔下〕

楔子

〔末扮雷生上〕〔云〕割斷人間塵事頭。拂衣來泛五湖舟。九天星象空塵夢。萬里乾坤豁倦眸。風月蕩開詩布袋。湖山裝入酒包裘。生來喜共漁樵話。勇別神京五鳳樓。〔唱〕

〔賞花時〕十載寒窗學六韜。不爲家貧賣寶刀。五斗米。萬金腰。卻被那沙鷗笑倒。笑我爲誰辛苦鬢蕭騷。

〔么〕未向青雲萬里遙。先惹風霜點二毛。名利小。浪頭高。歸來最好。還攜這一壺春酒半邊瓢。〔下〕

第五折

〔末扮雷澤上〕〔二云〕老夫雷澤便是。歸來林下。不覺半載光陰。常思一介寒儒。身歷三朝。官榮四品。今投老林泉。山妻稚子。茅舍竹籬。蘆襖荷裙。松膠笋脯。漱寒泉而詠滄浪。醉醴醪而釣明月。可謂二陶潛而兩張翰矣。林下之樂。固無比矣。但恨仙子別來歲久。音問不通。如之奈何。〔唱〕

〔雙調新水令〕飛飛烏兔兩跳丸。急回頭二毛都換。三家新謝館。七里舊嚴灘。兩箇陶潛林下二張翰。

〔駐馬聽〕簑笠輕彈。黃犢時耕雨後山。綸竿慢撚。金魚常釣月波灣。九重曾受紫泥宣。一尊遂卻黃花願。紅塵春夢短。青山不待白頭漢。〔仙上〕〔見末云〕九重殿

上恩雖闊。綠野堂中樂更深。〔末云〕仙子爲何言發於數載之前。信失於半載之後。〔仙云〕爲報王母蓬萊清淺之命。有失約信。望狀元勿罪勿罪。〔末奉酒〕〔云〕這正是嫩綠盃中天更大。軟紅

塵裏夢初回。望仙子不須惆悵。且盡村醪。〔仙飲料〕〔末唱〕

〔鴈兒落〕喜的是飛瓊下九天。愛的是紅葉圍深院。成就了林間鶴鹿羣。擺脫了天上麒麟案。

〔得勝令〕樂陶陶一箇散神仙。美甘甘千古好因緣。有酙時布帽時時漉。興來也冰花細細剪。清閑。便忙殺喫箇消停飯。安然。抵多少釣鰲魚。駕海船。〔原空缺今補三字〕

〔仙云〕你看那青山綠水。明月黃花。這林泉是好景致也呵。〔末唱〕

〔水仙子〕一湖秋水泛青藍。幾點寒山鎖翠斑。半壺綠酒傾金甌。便醒醒。飲半酣。幾般兒堪賞堪憐。水蕩漾洗磨今古。山嵯峨雲飛鳥還。酒淋漓受用殺英賢。〔折桂令〕酒淋漓受用殺英賢。小小行窩。儉儉盃盤。明月清溪。酒尊詩袋。樵擔漁竿。有時節躡白雲。剪一回玉板。有時節上青山。耕一會石田。花舞晴川。柳帶寒煙。請箇王維。畫箇林泉。

〔落梅風〕村酒連糟燕。山柴帶葉然。草魚兒水芹山蒜。芋栗香甜聊供飧。這道遙有金難換。〔仙云〕動問狀元。林泉之樂。與天上何如。〔末云〕聽我細說一二。〔唱〕

〔攪箏琶〕斗帳梅花煖。春夢睡魂甜。忘不了蕩蕩君恩。捨不的纖纖玉腕。荔枝

香周全了三尺劍。芙蓉肌受用了二十年。望龍墀天上人間。報不的天地君親。寫不盡清溪綠山。今日箇白雲窠裏眠。昨日箇玉筍殿前班。平生來喜無危難。

〔仙云〕誰知天上林下。異地則皆然耳。〔末唱〕

〔錦上花〕到如今澗下觀書。松風耳邊。竹里圍棋。行廚眼前。有幾箇知心。丹爐茗碗。有幾箇交游。瑤琴斑管。賞心四季花。隨意家常飯。俺也忘鷗鷺也忘俺。閑也尋咱。咱也愛閑。有時節遇靈芝。不動手先推嬾。

〔清江引〕無事的老兒林下眠。有箇風流伴酒酣。煙水村夢覺邯鄲店。又恐怕玉人兒歸去遠。〔仙云〕林下雖樂。與子別在旦夕之間。君了達之士。但當調攝。甚勿苦懷。與君二十年後。共享瑤池之樂。於億萬斯年。〔末唱〕

〔川撥棹〕天賜俺再團圓。團圓水月仙。我和你共跨青鸞。共作紅鴛。共上青天。切莫要你瑤池。俺這邊撇的人難上難。

〔七弟兄〕水間山間好盤桓。四時景物供清玩。水雲鄉不羨武陵源。麋鹿村不讓凌虛殿。

〔梅花酒〕正值着菊花九月天。花綻金錢。月吐銀蟾。人對嬋娟。山中老宰臣。天

上女神仙。幾般兒景最妍。紅杏圃。碧桃園。碧桃園。紫芝山。紫芝山。綠楊灣。綠楊灣。白雲軒。

〔收江南〕呀。東籬東畔有種瓜田。夕陽西下有釣漁船。人生何地不神仙。比不的天台劉阮。俺歸田地你歸天。〔仙云〕非不欲綵鸞丹鳳。地久天長。奈昨日蟠桃。今猶未畢。

若不赴恐違帝旨。與子同愆。〔末唱〕

〔離亭宴帶歇拍煞〕你則道玉皇家招你赴蟠桃宴。大破着老雷郎。做一箇偷花漢。也不顧的天罰天譴。我如今名標在黃榜中。緣歸了玉皇職。債結下天仙願。捨的你桂子香。捨的你桃花面。捨不的你恩一點。登雲路經書幾箇題。破愚暗銀箋四首詩。救殘生錦繡三尺段。恩愛刀心肺割。悲慈劍肝腸轉。叫一聲青天可憐。你平地裏送我一番愁。我冷急丁遭他一箇閃。〔仙作跨青鸞科〕〔末唱〕

〔沽美酒〕他飄飄跨紫鸞。再上青天。步步飛騰步步遠。叫一聲瑤池女仙。火焱似美因緣。

〔太平令〕冷急丁將人拆散。叫青天叫不應青天。流汨眼相看汨眼。斷腸聲聲聯腸斷。呀。越教人怨天恨天。天不可憐。〔仙云〕狀元少煩惱。二十年後。瑤池再會。〔下〕〔末

唱〕他還道二十年瑤池相見。

〔清江引〕呆答孩冷清清門半掩。殘月梧桐院。千金鐵鑄人。五色石羅漢。便是無情也心爛軟。

題目

玉女錦裙留秀士

雷郎花園遇神仙

正名

跨鸞冉冉歸天去

後約瑤池二十年

錄于小谷本此詞是學究之筆丁巳仲夏端日清常道人

王文秀渭塘奇遇記

閔名

第一折

〔冲末王守信同旦兒僕人上〕〔云〕富而好禮仁之本。貧而守道德之源。但得此身終禍少。買牛耕種洛陽田。小生姓王名寶字守信。祖居金陵建康府人氏。今在句容縣置下田產數百餘頃。金銀錢鈔。牛羊華畜。不知其數。人皆以員外稱之。嫡親的三口兒。渾家金氏。所生一子。年方弱冠。孩兒喚做王清。表字文秀。孩兒生的聰明。本性溫良。習學文典。我有意待着孩兒應舉求官。改換我這家門。爭奈家中無人。如今這松江下戶。欠少我些秋租。我如今着孩兒直到松江。取討這秋租去。大嫂可是如何。〔旦兒云〕員外。依着我。與孩兒娶了媳婦。也是一場大事。〔守信云〕我有分曉。你依着我。等孩兒回來呵。娶媳婦也不遲哩。〔旦兒云〕好波。則依着你。〔守信云〕下次小的每。與我書房中喚出小秀才來。〔僕云〕理會的。小秀才來。〔小末上〕〔云〕嚴尊教訓苦習文。我道儒冠不誤身。他年一舉成名後。鵬飛萬里顯家門。小生姓王名清字文秀。是這金陵建康府人氏。承父母嚴訓。則是攻習文翰。我學成滿腹文章。俺父親徙居於此句容縣。置下田宅產業。家道興隆。我幾番要進取功名去。父親道家中無人照管。小生則在書房中讀書。今父親呼喚。須索見者。僕人

報伏去。〔僕報云〕員外。小秀才來了也。〔守信云〕着他過來。〔見科〕〔小末云〕父親母親。喚你孩兒有何事。〔守信云〕孩兒。你如今二十歲也。你前去松江府華亭縣。有下戶欠少噲的秋租。你可收拾行裝。駕一小舟取討去。討了時早些回來。我與你尋箇名門。定一門好親事。〔小末云〕謹依嚴命。不敢有違。則今日拜辭了一雙父母。便索登程。〔拜科〕〔旦兒云〕孩兒早些兒來家。休教我憂心。〔小末云〕您孩兒知道。我出的這正堂來。下次小的每。收拾行裝。不敢久停久住。便下松江。取討秋租。走一遭去。拜別雙親。須遠行。不辭勞苦。便登程。秋租收罷歸來早。免使親闈掛念情。〔下〕〔守信云〕孩兒去了也。大嫂。噲如今便索打聽下一門好親事。孩兒離家鄉遠赴松江。索下戶租稻秋糧。選揀箇名家之女。待孩兒回來時。匹配成雙。〔下〕〔盧順齋同卜兒領家童上〕〔云〕名利相牽。鬢髮白。家門積慶有餘財。老來贏得身安泰。園林好景會吾儕。老夫姓盧。雙名用純。號曰順齋。老夫幼年曾習儒業。頗觀經史。託庇父祖餘蔭。家中頗有貲財。凡動作威儀。所行之事。吃穿衣食。我皆異於鄉里。人皆長者呼之。每常四方賢客。有往來者。我常會於宅第。尊酒論文。爭奈老夫無得力兒男。家眷數十餘口。嫡親者三人。婆婆蔣氏。他是蔣進士之女。俺兩口兒。不曾有箇兒男。則生了一箇女孩兒。小字喚做玉香。我這箇孩兒。生的頗有姿色。年長一十八歲。天生識字極聰明。好清致。針指女工。無不通曉。我與孩兒蓋了一軒。名曰瞻翠軒。外植花木。中設玩器。爭奈孩兒

年已長成。未曾許聘。高門不達。低門不就。常言道女大不中留。婆婆。你心下如何。〔卜云〕老的人也。孩兒是箇聰明的人。你喚他出來。問箇端的。〔盧云〕婆婆。你也說的是。家童說與梅香。後堂中請出小姐來。〔童云〕梅香。轉報後堂中。請小姐出來。〔正旦引梅香上〕〔云〕妾身姓盧。小字玉香。年長一十八歲。幼承父母鞠養成人。習成針指女工。及於文翰。我平昔最愛清致。俺父親與我蓋一軒。名曰瞻翠軒。有玩器書畫。鋪陳軒內。自小好吹玉簫。我父開一酒館。我若閑時。在簾下看來往者。着我悅心釋悶。俺在這渭塘店上。是好清幽自在也呵。〔唱〕

〔仙呂點絳脣〕俺是那積善之門。久居在渭塘鄉鎮。俺父親多謙遜。居必擇鄰。他有道理行忠信。

〔混江龍〕我幼承家訓。習成針指更通文。則我這面堆紅粉。髻挽烏雲。每徧弄花香滿衣。幾回玩月長精神。風動秋將近。我如今青春年少。未配良姻。〔云〕可早來到也。梅香。你報伏去。〔梅云〕老員外。姐姐來了。〔盧云〕我兒那裡。〔正旦云〕父親母親萬福。喚你女孩兒。有何事。〔卜云〕孩兒。喚你來不爲別。您父親因你年已長成。待要與你尋一門親事。或招或嫁。只要一箇好人家。未知你心下如何。因此上與你商量。〔正旦云〕這箇母親怕你孩兒老了也。〔唱〕

〔油葫蘆〕我如今年紀方纔未二旬。可教我便嫁人。莫不俺少穿少吃少金銀。則是你女孩兒不孝多生分。〔盧云〕你也不是那不孝之女也。〔正旦唱〕又不是女孩兒及早白了雙鬢。〔盧云〕只是家中無人。〔正旦唱〕你如今缺少子嗣。且休要閑議論。女孩兒在父母行孝順。我可便敢承後代立家門。〔盧云〕女大要尋姻眷。〔正旦唱〕

〔天下樂〕你道是女大須尋美眷姻。則我這嬌容嬌怯怯無力身。每日家梅香使數。伏侍的勤。我如今清且閑無恨。〔卜云〕俺兩口兒則養着你一箇孩兒哩。〔正旦唱〕我怎忘了爹娘養育恩。〔盧云〕孩兒。豈不聞男子生而有室。女子生而有家。可也不達人道也。〔正

旦云〕父親。着你孩兒嫁箇甚麼人。〔盧云〕孩兒。你道你嫁甚麼人。〔正旦云〕父親。聽我說一遍者。〔唱〕

〔那吒令〕待嫁箇官員呵。怕他有三妻兩人。待嫁箇秀才呵。怕他又忘食發憤。待嫁箇百姓呵。怕他家貧受窘。尋一箇俏人兒多才俊。那其間心意歡欣。

〔鵲踏枝〕我想起這緣姻。乃人倫。〔卜云〕也是宿世勾當。非其偶然。〔正旦唱〕你道是宿世關連繫足相跟。則願得好男兒他日過門。情願待事奉雙親。〔盧云〕孩兒也。則是

我心中憂慮。〔正旦唱〕

〔寄生草〕父親你休憂慮。莫要嘆。從來道女孩兒釵頭裙帶衣食分。夫妻美滿姻緣分。夫榮妻貴前生分。一朝得遇棟梁材。秦來否極合交運。〔盧云〕孩兒也說的是。看有甚麼人來。〔淨扮媒婆上〕〔云〕我做媒婆賣胎孩。說親的言語旋安排。投至說的兩家肯。不知走破幾雙鞋。自家是箇媒婆。我可便能言舌辯。快說親事。我把那活的也說死了。死的也說活了。人都叫我做撮合山。這渭塘一箇盧長者家。有一箇好女孩兒。端的是描不成畫不就。如今東鄉裏李大戶。央及我說這門親事。可用着我三寸不爛之舌。可早來到也。不須報伏。我自過去。〔見科〕〔淨云〕長者妳妳萬福。小姐你也在這裡。〔卜云〕兀那媒婆。你來做甚麼。〔淨云〕我來與小姐說一門好親事。是這東鄉裏李大戶。他家裏金有十萬。銀有十萬。段疋有十萬。馬有十萬。羊有十萬。貓有十萬。老鼠有十萬。〔盧云〕怎麼老鼠有十萬。〔淨云〕不着十萬老鼠。不餓死了十萬貓。〔正旦唱〕

〔後庭花〕走將來低低答答喬議論。走將來涎涎鄧鄧說甚麼親。你是箇不曉事的喬男女。平白地上俺門。好着我怒忿忿。常好是不知分寸。你道他有莊田廣有銀。有宅子華屋新。有粧奩錦繡裯。有梅香使數人。好和他做對門。俺父親又不去發怒。俺娘不言語獨自忖。〔淨云〕姐姐。我好意來。你倒怪我。〔正旦唱〕

〔柳葉兒〕這潑婦無些謙遜。常好是眼肉無珍。我可是那嬌裏生。富裏長。閨門謹。你可去人前問。〔淨云〕怎麼羞了我。〔正旦唱〕你那裡顯精神。〔云〕與我又出去。〔唱〕父親呵。從今後不要他踏我家門。〔盧云〕媒婆。我家不用你。你出去。〔家童又出科〕〔云〕你出去罷。〔淨云〕甚麼勾當。你家不肯便能。把我又出來了。說媒嫌我話兒多。這場羞辱沒奈何。媒人我也做不成。且去院裏做虔婆。〔下〕〔盧云〕小姐回後房中去。〔梅云〕方纔媒婆來說親。姐姐你不肯。我倒與他家也罷。〔正旦唱〕

〔賺煞〕則我一片志誠心。無半點凡心印。俺父親不知根本。他着我選揀人家好做親。我如今富貴榮身。則俺家老官人。他教我燕爾新婚。捨着我一世孤單。便怎肯。想人生定分。有一日青鸞傳信。不知俺可人意俊俏那箇郎君。〔下〕〔盧云〕孩兒回繡房中去了。便分付酒保。買些新鮮菜蔬。則怕有往來吃酒的客人。別無甚事。嚙兩口兒回後堂中飲酒去來。〔下〕

第二折

〔正旦引梅香上〕〔云〕妾身盧氏玉香。俺父親爲我生來好清致。頗知文理。與我收拾些玩器書畫。在這瞻翠軒中。軒前有箇養魚池。蒲萄架。四時花木。賞玩不絕。是好景致也呵。〔唱〕

〔南呂一枝花〕滿林紅葉飛。徧地黃花放。寒蛩鳴砌畔。征鴈過南湘。屈指韶光。恰過了中秋上。又重陽令節當。俺受用些新釀醇醪。更和那鷄肥蟹壯。

〔梁州〕有香噴噴橙黃橘綠在牀頭。有冷清清消紅減翠池塘。一年好景堪游賞。春風桃發。夏雨蓮香。秋霜菊綻。冬雪梅芳。四時景物非常。一門老幼安康。有他那迎風對月軒窗。設放着周鼎商鉶玩賞。檢玩着義經晉帖參詳。我忖量。自想。恰便似出浴楊妃像。天生的俏模樣。嬈娜妖嬈美豔妝。堪住在昭陽。〔酒保上〕

〔云〕曲律竿頭懸草囤。綠楊影裏撥琵琶。東西酒館三千市。南北馳名第一家。小人。是箇酒保。我這裡有巧匠造金漆排沙。一定墨黑漆卓器。有饒州來的勾花碗碟。番邦出的象牙匙筯。有黃甘甘鄭州鴨梨。香噴噴宣州木瓜。更有那五味俱全爐燒的肥鵝。八寶釀就蒸熟的臘鷄。活潑潑錦鯉紅蝦。鮮掙掙紫芹嫩藕。飲我這半醒半醉酒。吃我這爽口味長食。今日開開酒肆。看有甚麼人來。〔小末領家童上〕〔云〕小生王文秀。自奉着父命。來松江收討秋租。在這舟中。家童行至那裡也。〔童云〕秀才。來到渭塘鎮也。〔小末云〕小生在舟中。十分拘束。我上的這岸來。去那酒務中飲一盃酒者。兀那酒保。有酒麼。〔酒保云〕客官請坐。一箇好標致的君子。〔小末云〕與你二百錢將去。〔酒保云〕有酒。好新鮮案酒。秀才。你自在飲一盃。〔小末云〕兀那酒保。這酒館是何人家開的。

〔酒保云〕是本處廬員外所開。〔小末云〕好清致處所也。我吟詩一首者。偶過溪塘酒肆中。鋪陳佳致不凡同。書生到此閑消散。不見東家好事翁。〔做飲酒科〕〔正旦云〕梅香。甚麼人在酒肆中吟詩。好清新也呵。〔唱〕

〔隔尾〕多應是公差官長閑來往。莫不是好事的儒流到此方。則他那詩句清新意高尚。料他那才華字樣。燦珠璣錦囊。我這裡聽沉了癡呆多半晌。〔云〕好像侍人也。〔唱〕

〔四塊玉〕可兀的我出繡房。梅香你把那簾兒放。我這裡款蹴金蓮步苔芳。我急行至幽軒左。須窺望。見一箇俊俏生。是一箇真棟梁。引的我魂飄蕩。〔小末云〕我這裡飲酒。見那簾兒裏一箇女子來往窺視。是好一箇女子也。〔正旦云〕好一箇秀才也。〔唱〕

〔鬪蝦蟆〕我心中想。自忖量。仔細參詳。我是一箇豔妝。他是一箇白衣卿相。我揭起湘簾視望。他見了咱家模樣。我把身子半將。料他意思惆悵。我急急出了畫堂。他早心中歡暢。姻緣今生勾當。想必前生有望。他不敢向前問訪。在眉尖眼角情況。這一場不索忙。有日相逢。會在蘭房。共效鸞鳳。哎。你箇楚襄王。引巫娥一片俏心腸。我未知他行藏。爲人可有相如量。他若是肯滌器。我也索將爐

當〔小末背云〕我料這小娘子有願戀小生之心。我向前施一禮。有何不可。〔做施禮科〕〔云〕小娘子祇揖。〔正旦唱〕

〔牧羊關〕他向前施禮數。我道萬福謹承當。〔小末云〕小娘子青春幾何。〔正旦唱〕我十八載未配鸞凰。〔小末云〕小娘子誰氏之家。〔正旦唱〕我是這盧氏之門。小字玉香。〔小末云〕小生來求親。却是如何。〔正旦唱〕你要來求姻眷。俺父親選名門。配陰陽。我是箇未出嫁閨門女。〔云〕先生那裡人氏。〔小末云〕小生金陵人也。〔正旦唱〕元來是金陵的白面郎。〔下兒上〕〔云〕小姐那裡。你父親喚你哩。〔下〕〔正旦唱〕

〔尾聲〕從來好事多磨障。被俺娘打散鴛鴦在兩廂。我偶會書生俊俏郎。言語非俗錦繡腸。他那君子行藏禮義講。送與此春情眼角傍。俺兩箇怎能設配偶成雙。今夜箇各自在夢兒中慢慢的想。〔下〕〔小末云〕與小姐正說話間。被他父母喚將去了。這事不中。我且回舟中去也。〔下〕

第三折

〔正旦領梅香上〕〔云〕妾身自今日午間。見了那箇秀才。使我猶豫不定。今天色晚了。梅香。父親母親歇息了麼。〔梅云〕都歇息了。姐姐夜深了。你也歇息了罷。〔正旦云〕我那裡睡得着也呵。

〔唱〕

〔正宮端正好〕夜將闌。初更至。悶懨懨坐想行思。冷清清落的咱獨自。多少傷心事。

〔滾繡毬〕想午間那秀才我見時。他是箇謙謙君子。不由我不住嗟咨。則他那外貌兒多俊雅。內才兒有意思。語言間非同小次。有緣呵天配雄雌。若和他同衾共枕成連理。索強如眼角眉尖甚意兒。抵多少寄簡傳詞。〔梅云〕姐姐。我與你鋪了被也。〔正旦唱〕

〔倘秀才〕你道是鋪設下鸞綰褥子。拂拭了粧花被兒。〔梅云〕更深了。歇息罷。〔正旦唱〕你道更深夜靜當睡時。〔梅云〕姐姐。你心中有甚麼事。〔正旦唱〕你問我心間事。甚言詞。〔云〕我也難言。〔唱〕好教我難開口齒。〔梅云〕姐姐。你不睡。我這裡且打一箇盹着。

〔正旦云〕這妮子也睡着了。我也歇息一會。〔做睡科〕〔小末上〕〔云〕小生自午間在酒館中會了那小娘子。天色晚也。甚睡到的我眼裏。我如今直至小姐宅上。潛至他繡房。未知他肯納小生也不肯。我來到這酒館中。酒保都睡了。我推開這角門兒。且在這花陰下潛着。等更深之時。我可叫小姐綉房。〔做潛科〕〔正旦云〕甚睡到我這眼裏。我開了綉房門。步月閑行者。〔唱〕

〔呆骨朵〕我出蘭房風蕩起裙兒袿。我扭回身忙下塔址。〔小末云〕兀的不是小娘子開門哩。〔正旦唱〕見一箇人影行行。驚宿鳥飛起花枝。〔小末云〕小娘子是小生。〔正旦唱〕猛然間擡頭觀。元來是大膽的王學士。〔小末云〕午間小娘子有願戀小生之心。我特來探望。〔正旦唱〕你道是午間相會期。望咱家來到此。〔云〕秀才。你爲何來到此處。〔小末云〕小生午間偶會小娘子。見有願戀小生之心。使小生悶悶不已。忽忽如失。今夜一徑的來探望小娘子。〔正旦唱〕

〔倚秀才〕你道是因妾身忽忽在斯。有願戀姻緣在邇。我爲你半夜無眠想念時。啗兩箇心兒順。休要苦相思。我和你調和琴瑟。〔小末云〕小生見此處佳致非常。小娘子引小生觀看如何。〔正旦云〕秀才。我和你賞玩去。〔做攜手行科〕〔小末云〕小娘子。這是那裡。〔正旦唱〕

〔滾繡毬〕這的是養魚池水漫漸。〔小末云〕這是那裡。〔正旦唱〕這的是葡萄架霜壓枝。〔小末云〕端的有趣也。〔正旦唱〕你看那綠婆婆翠屏峙。列森森檜柏垂絲。〔小末云〕一幅好畫也。何人所作。〔正旦唱〕這的是王維松雪一張畫。〔小末云〕四幅好字也。〔正旦唱〕東坡吟聯四季詩。俺家壓伏些村廝。〔正旦云〕嚙入我蘭房去來。〔做入房科〕〔小

末云「量小生有何德能。敢勞小姐如此重意。我觀此處。真乃紫府瑤池。小娘子如同仙子一般。乃小生三生之幸。兀的不歡喜殺我也。」〔正旦云〕「我收拾起這針指者。」〔小末云〕「我看是甚麼針指。」〔做看科〕〔云〕「是一對紅羅綉鞋。我剔起燈者。」〔做剔燈科〕「呀。燈花污了鞋也。」〔正旦云〕「且休看。我與秀才遞一盃酒者。」〔小末云〕「小生蒙小姐顧戀。死生難忘也。」〔正旦唱〕

〔脫布衫〕煖融融和氣春時。笑吟吟酒泛金卮。則我這俏盈盈風流樣子。遇今宵一場好事。

〔小梁州〕抵多少人約青樓夜月時。綵扇題詩。龍涎香裊紫金獅。心間事。情趣那些兒。

〔么〕你是箇金陵俊俏名家子。咱效取燕子鶯兒。你可便有正事。我可也無瑕疵。前程兩字。相會在何時。」〔云〕「秀才。則怕俺父母知覺。我贈你紫金碧甸戒指。權爲表記。」〔小

末云〕「小生有水晶雙魚扇墜。聊爲回奉。小生辭了小姐回去也。」〔下〕〔正旦醒科〕〔云〕「秀才恕罪呀。可是南柯一夢。好奇怪也。」〔唱〕

〔尾聲〕「不想這巫娥心感的襄王至。夢入陽臺好意思。起來見水晶雙魚表心事。不知道好夢兒。何年秀才可兀的再會此。」〔下〕〔小末上〕〔云〕「小生晚夕得了奇夢。小

娘子贈我紫金碧甸戒指。不想果然有也。好是奇怪也。小生不揣。亂道三十韻。以紀其事。〔做寫科〕〔念云〕有美閨房秀。天人謫降來。風流原有種。慧點更多才。碾玉成仙骨。調脂作艷胚。腰肢風外柳。標格雪中梅。合置黃金屋。宜登七寶臺。妖嬈應自許。妙贊就能陪。小小乘油壁。眞眞醉綵灰。輕塵生洛浦。遠道接天台。放燕簾高捲。迎人戶半開。菖蒲難見面。豆蔻易含胎。不待金屏射。何勞玉手栽。偷香還似賈。待月又如崔。箏許秦宮奪。琴從卓氏猜。簫聲傳縹緲。燭影照徘徊。窓蕩涵魚鯁。爐深噴麝煤。眉橫青岫遠。鬢暉綠雲堆。釵玉輕輕製。衫羅窄窄裁。文鴛游浩蕩。瑞鳳舞氍毹。恨積鮫綃帕。歡傳琥珀盃。孤眠憐月姊。多忌笑河魁。花蝶能通夢。游蜂浪作媒。雕闌行並倚。綉褥坐相偎。啖蔗逢佳境。留環獲異財。綠陰鶯並宿。紫氣劍雙埋。良夜難虛度。芳心未肯摧。殘粧猶在臂。別泪已凝腮。漏點何須促。鐘聲且莫催。映中行雨過。陌上看花回。才子能知爾。愚夫可語哉。鰥生曾種福。親得到蓬萊。小生寫罷了。且在舟中悶坐。看有甚麼人來。〔酒保上〕〔云〕小可是這渭塘盧長者家一箇酒保。長者使我到舟中。請昨日那小秀才共話。可早來到也。〔做見科〕〔小末云〕你是渭塘鎮酒保。來此何幹。〔酒保云〕我奉盧長者言語。着我請那壁秀才共話。〔小末云〕是真箇家童。看着行李。我去酒館中走一遭去。〔同下〕〔盧順齋上〕〔云〕老夫盧用純。昨日有一箇秀才。在俺酒館中飲酒。不想孩兒玉香見了。兩箇有情。我知道了。恐怕不好。使婆婆喚孩兒回。

綉房去了。我想來。既是孩兒心上喜悅。我欲招他爲婿。不知他是何處人氏。我使酒保去舟中相請。就老夫與他共話。這早晚敢待來也。〔酒保同小末上〕〔云〕秀才來到了也。先過去報伏去。〔小末云〕小生在此等候。〔酒保報云〕長者請的秀才來了也。〔盧云〕道有請。〔見科〕〔盧背云〕是一箇好秀才也。昨日老夫少出。不知秀才到此。有失敬也。今日請秀才。問那裡鄉貫。姓字名號。〔小末云〕小生金陵建康府人氏。姓王名清字文秀。父乃王守信。父命前往松江收討秋租。因而到此。不知那壁尊長。有失拜望。〔盧云〕秀才如收租回來。可往那裡去。〔小末云〕小生收租回程。上朝取應去。〔盧云〕敢問秀才。配其良姻否。〔小末云〕小生未曾娶妻。〔盧云〕好好。真箇無婚。待你得了官呵。我將小女與你秀才爲妻。意下如何。〔小末云〕願隨鞭鐙。〔盧云〕既然如此。如今你去收租。但得爲了官呵。那其間着你成合佳配。今有白銀十兩。細米二石。更有酒食下飯。此一去沿途小心者。〔小末云〕則今日拜辭了尊長。往松江收租。走一遭去。〔做拜科〕〔云〕我出的這門來。誰想有這一段姻緣。酒館中偶遇嬋娟。夢兒裏配合良緣。盧長者許了親事。應過舉佳會團圓。〔下〕〔盧云〕誰想遇此秀才。等他應過舉。與孩兒成其配偶。因小女蕙性蘭心。許親事一諾千金。待秀才爲官之日。招佳婿千里來臨。〔下〕

第四折

〔王守信上〕〔云〕歡來不似今朝。喜來那逢今日。小生王守信。自文秀孩兒。往松江收租回來。孩兒奮志。上朝取應。一舉成名。衣錦還鄉。孩兒具說渭塘之事。不想盧長者寄書來。道孩兒許了他女兒親事。這的是兩意相投。令人將着花紅羊酒段正。行了些聘禮。今招俺孩兒入贅。小生不敢少停。與他母親送孩兒至渭塘。走一遭去。把羊酒綵段安排。聞渭塘老者賢哉。若孩兒過門之後。願夫妻永遠和諧。〔下〕〔盧順齋同卜兒僕人上〕〔云〕老夫盧用純。當日則爲我女孩兒玉香。看上了那秀才。老夫問取明白。就許了這門親事。不想他到都下。一舉成名。老夫寄書與他父親。我今招他爲婿。他父親行過了聘禮。就送將他孩兒來了。今日是吉日良辰。招新人入門。下次小的每。安排下筵席。這早晚敢待來也。〔小末上〕〔云〕人有所願。天必從之。信有之也。小生自收租回來。見了父母。說渭塘盧長者招婿一事。我就上朝取應。一舉成名。今我父母同到此間。今日是好日子。可早到門首也。左右報伏去。〔報科〕〔盧云〕與我喚箇先生來者。〔僕云〕先生有請。〔淨扮先生上〕〔云〕我做二宅實是強。五星三命好陰陽。合婚選日真不濟。常着人家犯重喪。自家是箇二宅先生。有盧長者家新郎過門。我見長者去。〔做見科〕〔云〕長者。我來了。〔盧云〕新郎到了。你請新人下馬。〔淨云〕我知道。〔念科〕新郎官人實是奇。今日過門笑嘻嘻。看了新郎模樣好。一條吉八似棒槌。〔外收科〕〔云〕這是甚麼言語。〔淨云〕倒是實話。怕做甚麼。請新郎下馬。〔小末

下馬科〔盧云〕請小姐〔先生云〕孔雀金屏此夕開。月宮仙子下瑤臺。樂聲齊動迎仙客。竈窩裏拖出小姐來。〔正旦領梅香上〕〔云〕妾身玉香是也。誰想俺父親招我相遇的那秀才。他如今一舉成名。今日新人過門。〔梅云〕姐姐。咱家好熱鬧也。〔正旦唱〕

〔雙調新水令〕今日箇畫堂春煖玳筵開。動笙歌樂聲一派。雙親未老時。一女掌家宅。今日箇孔雀屏開。則願的人不老。月常在。

〔駐馬聽〕粉膩香腮。整頓雲鬟插鳳釵。紅綃衣蓋。今朝好事奔人來。招一箇聰明俊雅棟梁材。配與我風流端正金閨客。和氣靄。這回還了相思債。〔淨云〕請新人拜堂。〔小末正旦拜科〕〔淨云〕洞房花燭笑盈腮。百年兩好永和諧。今夜新人成配偶。日出小姐響屁來。拜了堂也。〔撒帳〕撒帳東。一團和氣煖融融。若還新人成親後。一條驢子似燒葱。撒帳西。洞房花燭笑嘻嘻。兩箇新人房中去。脫了衣裳調把戲。撒帳南。今朝歡會喜相堪。兩箇新人一齊喜。恰似鴛鴦戲水弄腌臢。撒帳北。百年偕老如魚水。若還兩人成親後。弄折新人一條腿。〔揭蓋頭〕錦袱紅羅蓋。新人實是賽。揭起蓋頭看。恰似豬八戒。〔淨下〕〔小末云〕小姐。則被你想殺我也。〔正旦唱〕

〔甜水令〕則略那酒館相逢。眉尖眼角。身心倦怠。可着我無計巧安排。心緒無

聊身無所措。失驚打怪。不想到三更裏夢兒明白。〔小末云〕姐姐夢與我相逢。我夢見

和你前後觀看這裡的佳致。我一一記着哩。〔正旦唱〕

〔折桂令〕元來你夢兒中和俺忘懷。觀看亭軒。同下香堦。〔小末云〕我到姐姐綉房中一處歡會來。〔正旦唱〕你道是一處歡娛。同衾共枕。魚水和諧。〔小末云〕記的並枕來。不知曾有來麼。〔正旦唱〕卸寶髻收拾起鳳釵。〔小末云〕我記的剔燈花污了姐姐鞋來。不知曾有來麼。〔正旦唱〕果然是被燈花污了羅鞋。〔小末云〕姐姐曾與我碧甸戒指。見在身邊。〔正旦唱〕你把戒指將來。〔正旦出扇墜科〕〔唱〕這一箇扇墜奇哉。〔小末云〕不想今日成其夫妻也。〔正旦唱〕今日箇成就了夫妻。大剛來天地安排。〔盧云〕左右請二位親家。〔王守信同旦兒上〕〔見科〕〔云〕多謝了親家。〔盧云〕兩箇新人。拜你一雙父母。〔做拜科〕〔王守信云〕不枉了好媳婦也。〔正旦唱〕

〔川撥棹〕見雙親笑盈腮。喜春從天上來。今日安排。玳瑁筵開。俺爹娘量寬似海。聽一派音韻諧。

〔梅花酒〕今日箇暢懷快哉。笑顏開。當初若不權寧柰。這其間玉體瘦如柴。咯當初夢兒裏成歡愛。

〔七弟兄〕今日箇到俺宅。酒捧金盃。春滿瑤臺。水陸安排。也是我前世該。你爲官受宣差。當日箇夢中來。金戒指奉多才。雙魚墜寄吾儕。這椿事果奇哉。不必要轉疑猜。

〔收江南〕方信道月明千里故人來。夫妻一世永和諧。願來生做並蒂瑞蓮開。連枝樹共栽。則願的天長地久樂心懷。〔盧云〕天下喜事。無過父子夫婦團圓。您聽者。俺女孩兒年少青春。問不着盛族名門。則爲這儒流秀士。因此上夢裏相逢。則爲他儀表相稱。招爲壻。今日成親。今日箇華筵大會。兩親家歡笑相迎。則願的百年繾綣。一世兒不得離分。夫婦每如魚似水。一家兒答謝皇恩。

題目 盧順齋成就俏姻緣

正名 王文秀渭塘奇遇記

于小穀本錄此村學究之筆也姑存之。嘗丁巳六月十七日清常記

清廉官長勘金環

闕名

楔子

〔冲末扮李仲義同淨外旦上〕〔李仲義云〕耕牛無宿料。倉鼠有餘糧。萬事分已定。浮生空自忙。自家姓李雙名仲義。乃汴梁人氏。我哥哥是李仲仁。嫂嫂孫氏。姪兒是福童。我渾家是王臘梅。他是門戶中人。俺嫂嫂有箇兄弟是孫榮。他學成滿腹文章。未曾進取功名。則在我家中喫飯。早晚家私裏外。多虧了這箇人。〔外旦云〕李二也。想俺那哥哥嫂嫂。怎麼這等利害。嫂嫂又不賢。我想他則做的你嫂嫂。你怎麼這等怕他。你哥哥只娶你嫂嫂來。不會娶孫榮來。怎麼我家要養活他。則今日俺尋他些不是。就是趕了孫榮。便是我平生願足。〔李仲義云〕他有着凡百的不是。則看着俺哥哥的面皮。你着我怎麼趕他。〔外旦云〕你要趕他也不難。你喫了三鍾酒。尋一場鬧。你好好趕了孫榮罷。〔李仲義云〕既是這等。我則依着你。嚙去來。〔同下〕〔李仲仁同正旦孫榮係兒上〕〔李仲仁云〕活計經營賦上蒼。欣逢稔歲好時光。家私裏外俱完備。每奉青天一炷香。自家姓李雙名仲仁。乃汴梁人氏。嫡親的五口兒家屬。渾家孫氏。孩兒福童。兄弟李仲義。他媳婦兒是王臘梅。他是箇箇中人。好生的不賢慧。他搬調的俺兄弟。數次的來與我爭競。這箇是我的小舅。

子。喚做孫榮。是我渾家的親兄弟。此人學成滿腹文章。未曾進取功名。早晚家私裏外。多虧了我這舅子孫榮。我這兄弟李仲義。不知怎生。兩箇眼裏。見不的我這小舅子孫榮。大嫂。他兩口兒有萬千般的不是。你則看着我的面皮。休要和他爭競。着街坊每笑話也。〔正旦云〕員外。想孫榮兄弟。多多的定害員外。選一箇吉日良辰。着孫榮兄弟進取功名去。得一官半職。改換家門。可不好那。〔孫榮云〕姐姐說的是。〔李仲仁云〕且休言此事。看有甚麼人來。〔李仲義同淨外旦上〕〔李仲義云〕二嫂。來到門首也。我則憑着你也。〔外旦云〕李二。你好歹和他鬧一場。〔李仲義云〕二嫂。不必你分付。我知道。〔同做見科〕〔李仲義云〕哥哥嫂嫂。你兄弟支揖哩。嫂嫂怎麼不還我禮。哥哥。俺家裏則娶嫂嫂來。這孫榮是誰。我怎麼養活他。則今日便着他出去。〔李仲仁云〕這箇兄弟。這孫榮他不曾喫了閑飯。早晚解典庫中上文利。可也多虧了他。既然這等舅子。你也這裡難停住。我與你些盤纏。你則今日進取功名去。〔正旦云〕叔叔嬌子。誰說你甚麼來。你休鬧。孫榮兄弟。你見麼。則今日好日辰。你辭別了你姐夫。你便進取功名去。〔孫榮云〕則今日辭別了姐姐姐夫。上朝進取功名。您兄弟凍死餓死。再也不上姐姐姐夫家門來了也。〔做拜科〕〔李仲仁云〕大嫂。多與孫榮些盤纏。〔李仲義云〕我少他的錢鈔。與他五百文鈔。〔正旦云〕休要他李家的錢物。我與你這隻金鳳釵。上面珍珠子挑牌。你倒換過做盤纏。得官不得官。勤勤的捎箇書信來着。

我知道。兄弟也。則被你痛殺我也。〔孫榮云〕姐夫。看孫榮的面上。看觀我姐姐者。〔李仲仁云〕舅子。你一路上小心在意。得官不得官。勤捐箇書信來。着俺兩口兒知道也。〔孫榮辭二旦科〕〔云〕二員外娘子。孫榮在此。多多定害。我若得官。此恩異日必當重報也。〔外旦云〕誰做官。孫榮他做官。桑木官柳木官。這頭躡着那頭。揪吊在河裏水判官。與他一貫。也有我五百文。不似你把併家私忒放蕩。〔正旦云〕嬌子。兄弟臨行。也要這等閑言廢語。做甚麼那。〔唱〕

〔賞花時〕你道我把併家私忒放蕩。可怕不自有傍人話短長。〔云〕你的好。我的歹。〔唱〕瞞不過隣里衆街坊。您將他小看的來滅相。他星斗煥文章。

〔么篇〕兄弟也。我則理會的壯志男兒當自強。省可裡將他廝料量。你則今日赴科場。問甚麼狀元也那襯榜。〔云〕兄弟也。你着志者。〔唱〕我則要你衣錦可兀的早還鄉。〔同僚兒下〕〔李仲仁云〕孫榮。則要你着志者。勤勤的捐書信兒來。休着俺兩口兒憂心也。

此去求官赴選場。金鑾答策獻文章。來春必遂平生志。恁時衣錦早還鄉。〔下〕〔孫榮做出門科〕〔云〕二員外。你便是有錢的財主。我便是無錢的窮漢。你這財主。我不信你敢財主到老。小生孫榮。不信我直窮到老。小生便窮殺者波。我乃是國家白衣卿相。時間樂道甘貧。員外以何擇其貧。孟子曰。麒麟之於走獸。鳳凰之於飛鳥。泰山之於丘垤。河海之於行潦。怎肯出乎其類。拔乎其萃。

我與你有似箇比喻。〔李仲義云〕喻將何比也。〔孫榮云〕你似那積雪成山。難做俺這有力之松。磨墨成池。豈染無瑕美玉。明珠交難。豈立丹盤。你這等小見人有萬種機謀。怎出俺高人之手。我和你說出甚麼來。便好道見貧休笑富休誇。誰是常貧久富家。秋到自然山有色。春來那箇樹無花。天也兀的不窮殺孫榮也。〔下〕〔李仲義云〕二嫂。孫榮去了也。他敢有些兒怪我。〔外旦云〕可知哩。趕了孫榮也。無甚事。嚐喫酒去來。男兒實無用。妻兒忒乖乖。趕出孫榮去。方稱我心懷。〔同下〕

頭折

〔李仲義同淨外旦上〕〔李仲義云〕二嫂。自從趕了孫榮。好是快樂也。〔外旦云〕李二也。雖然趕了孫榮。如今這家私。有他一半。俺要些錢鈔。怎生問他支使。你依着我。尋一場鬧。分了這家私。便是我平生願足。〔李仲義云〕家私裏外。多虧俺哥哥。我可怎生開口。〔外旦云〕李二。你嫂嫂每日搬調你哥哥。怕你不信。我和你聽他去來。〔李仲義云〕我不信。我和你聽去來。〔同下〕〔李仲仁同正旦上〕〔李仲仁云〕大嫂。自從兄弟孫榮去了。音信皆無。我聽的人說。您妯娌每爲這家私爭競。可是爲何。〔正旦云〕李大也。你不問我也不說。你試聽。我慢慢的說一遍者。〔唱〕

〔仙呂點絳脣〕你道是因甚爭差。則爲俺二親亡化。他道是咱獨霸。〔帶云〕依着

我呵。〔唱〕休管他臥柳眠花。並無那各口爭差話。〔李仲仁云〕大嫂。如今這李二自從父母亡逝以過。他不聽我訓教。數番家挺撞我。他好生的無禮也。〔正旦唱〕

〔混江龍〕索甚麼問天買卦。俺可便從心所欲。儘教他不自然。哥哥行和睦。更和這嫂嫂上謙洽。但有的家私。儘他做主。分撥的莊宅田土。儘他當家。〔李仲仁云〕他每日家伴着那狂朋怪友。飲酒非爲。不依公道。久後必敗了俺這家私也。〔正旦唱〕不自由呼么喝六。撥萬輪千。追朋趁友。恁般風塵他直等的踢騰了使盡俺這家私罷。李二不學那經紀人算計。則學那貴公子行踏。〔李仲仁云〕大嫂。我多聽的人說。李二家兩口兒好生的欺負你。你怎生不和我說。〔正旦云〕李大。你但不在家裏呵。〔唱〕

〔油葫蘆〕他每日在家中喬做衙。將人來欺負殺。他可便入門來誰敢道着他。〔李仲仁云〕你不說呵。我怎麼得知道。這厮好無禮也。〔李仲義同淨外旦上〕〔做聽科〕〔外旦云〕他正說俺哩。〔正旦唱〕是他可便兩三番帶酒將咱來打。是他便五七番不醉和伊罵。〔李仲仁云〕原來背後罵你。我那裡知道。〔李仲義同外旦見科〕〔李仲義云〕你說的我好也。背後原來搬調俺哥哥。〔正旦云〕誰說你甚麼來。〔李仲仁云〕你嫂嫂不會說你甚麼。〔正旦唱〕我見他來忙和哄。是他可便越急發。〔外旦云〕李二。你不打他怎麼。〔李仲義云〕說的是。〔正旦

唱〕這裡可使使不着你那臂膊。籠拳頭大。〔外旦云〕李二你打他娘。有甚麼事那。〔正旦唱〕他那裡精唇潑口鬧諠譁。〔李仲仁云〕小男婦女。有你甚麼說處。〔正旦云〕嬌子。這裡是那裡。〔外旦云〕這是俺家裏。〔正旦唱〕

〔天下樂〕俺這裡便又不是你那尋常賣酒家。哎。你箇娘也麼那。你與我便勸了他。是他可使兩三番左右難按納。弟兄每甚麼體面。顯的俺妯娌每甚麼家法。惹的他這街坊每人笑話。〔外旦云〕笑了七八笑。饒了一包刀瘡藥。這媳婦兒。腿上害瘡疼。俺伯伯口上貼膏藥。把家私分了罷。〔李仲仁云〕甚麼言語。這家私分不的。〔李仲義云〕分了罷。

〔外旦云〕你不分了等甚麼。〔正旦唱〕

〔後庭花〕今日可使誰和你閑打牙。今日可使並無人評論咱。你看你那粉遮着蒼驢臉。我見他身穿着潑兔巴。〔外旦云〕你不要巧言支對。分開了罷。〔李仲義云〕說的是分了罷。〔正旦唱〕休則管裡鬧諠譁。你大古裡物擡高價。明明的便貴買下。貴買下。你箇花木瓜。一對脚似拍扒。山聲爪猶自差。

〔青哥兒〕呀。你須是爺娘爺娘生下。生下這路柳路柳牆花。覷不的他精神喬勢煞。休則管裡絮絮答答。叫喚叮叮。送定鼻凹。咬碎鑿牙。如今那滿城裏都喚

你做敗壞人倫攪蛆扒。他每敢題起來誰不罵。〔外旦云〕我是第一箇賢慧的。誰敢罵我分了罷。分了罷。〔李仲義云〕你和他說出甚麼來。我請社長去。我出的這門來。社長在家麼。〔淨扮社長上〕〔云〕老也老。起的遲。睡的早。硬的難餐。軟的蒸餅兒倒好。老漢是本處社長。不知甚麼人喚門。我試看者。急丟磕塔撲搗。我開開這門。渾家接了門楣。〔做見科〕〔李仲義云〕叔叔支揖。〔社長云〕李二。你有甚麼話說。〔李仲義云〕我請社長來。〔社長云〕請我做甚麼。〔李仲義云〕我要分這家私。請社長權做箇主張。這家私虧了誰。〔社長云〕虧了李大。〔李仲義云〕恰濟事。你則說虧了我罷。〔社長云〕本虧了李大員外。〔李仲義云〕你則說虧了我。我軟肉薄餅。好酒爛羊頭。我便請你。〔社長云〕你若請我。我則說虧了你。俺去來。〔社長做見科〕〔云〕喏喏喏。〔李仲仁云〕社長。如今俺兄弟要分這家私。你可盡知道俺這家務事。這家私端的虧了誰。〔社長云〕這家私虧了李大。〔李仲義云〕社長。羊頭薄餅是我的。〔社長云〕這麼便虧了羊頭薄餅。〔李仲義云〕老弟子孩兒。則爲嘴。〔社長云〕我是箇本分的人。這家私虧了李二。我則與您平平的分開。〔李仲義云〕社長。有五十箇金子。〔社長云〕五十箇金子。李二掣四十九箇。李大掣一箇。我則是箇本分平心。〔李仲義云〕六十箇銀子。〔社長云〕李二掣五十九箇。李大掣一箇。別的東西。李二掣三分。李大掣半分。我則是箇心平分了也。李二可將些甚麼來我喫。〔李仲義云〕今日

無有。我改日請你。〔社長云〕弟子孩兒。你許了請我。多分了家私與你。怎麼改日請我。這厮十分無禮。氣殺老漢也。我出的這門來。老漢真箇無來由。許下薄餅爛羊頭。分了家私不請我。打您妳姪秃光頭。〔下〕〔李仲仁云〕家私也分另了。砌起界牆。踏各自居住。你再也休上我門來。〔正旦唱〕

〔尾聲〕你也忒壞人倫。一句句傷風化。則是箇慣了性的閑驢劣馬。一脚的將人門戶踏。少不的家業消乏。誰是你箇潑煙花。常好是虛諂奸滑。你似那猿鎖在那空房性。又要。〔李仲義云〕我是箇公直有禮的人。我也不會差行了事。〔正旦唱〕你那裡會人公理法。更和他這尊卑高下。〔云〕李二。你若休了這婦人。我對您哥哥說了呵。〔唱〕那其間我與你助財禮錢。別娶一箇好渾家。〔同下〕〔李仲義云〕二嫂。分了這家私。你可歡喜了也。〔外旦云〕我可知歡喜哩。俺無甚事。後堂中飲酒去來。家私分的好。酒肉喫不了。每日醺醺醉。歡樂直到老。〔同下〕

第二折

〔李仲義同淨外旦上〕〔李仲義云〕財物般般有。衣服件件餘。自家李仲義的便是。自從分了這家私。好是快樂也。二嫂也。早稱了平生願足也。〔外旦云〕李二。自從分了這家私。俺那伯娘每日

燒着香兒。呪罵你哩。〔李仲義云〕敢無這等勾當。我和你看哥哥嫂嫂去來。若真箇有這等言語。呵。我自有箇主意。若無這等勾當呵。我不道的饒了你哩。我和你看哥哥嫂嫂去來。〔同下〕〔李仲仁上〕〔云〕自從昆仲分居。家門清靜。少愁煩。自家李仲仁是也。自從與兄弟分開了這家私。倒大來耳根清淨也。今日大嫂街坊人家請的喫筵席去了。福童孩兒上學去了。我無甚事。在這解典庫裏閑坐。看有甚麼人來。〔外扮王婆婆上〕〔云〕花有重開日。人無再少年。休道黃金貴。安樂最值錢。老身汴梁人氏。姓王。是王婆婆。家中過的好生艱難。我有一對金環兒。去這李員外家中。當了二十貫錢。本利該四十貫錢。老身對付了四十貫錢。可去贖我那環兒去。咱可早到也。〔做見科〕〔云〕員外萬福。〔李仲仁云〕王婆婆。你那裡去來。〔王婆婆云〕員外。老身前者當了一對環兒。如今本利四十貫錢。今日將着一本一利。特來贖我那金環兒來。〔李仲仁云〕婆婆。別人的錢鈔。也不知饒了多少。量你這些錢鈔。打甚麼不緊。四十貫錢。我則要你二十貫本錢。饒了你那利錢。與你做盤纏。將的這金環兒去。〔做與環兒科〕〔王婆婆拏一隻環兒科〕〔云〕多謝了員外。我出的這門來。〔李仲仁云〕這婆婆丟下一隻環兒。我藏了者。〔王婆婆看科〕〔云〕呀。可怎生則一隻。我貪歡喜。則拏了一隻。撇下一隻在櫃上。我回去討我那環兒去。〔做見科〕〔云〕員外。我撇下一隻環兒在櫃上。將來與我。〔李仲仁云〕這婆婆一雙環兒。你都將去的了。〔王婆婆云〕休

關老身要。你舒出這隻手來。〔李仲仁舒出手科〕〔云〕沒有。〔王婆婆云〕你舒出那隻手來。〔李仲仁又做舒手科〕〔云〕沒有。〔李仲仁嚙環兒在口裏〕〔做慌寫文書了死科〕〔王婆婆做慌科〕〔云〕員外是那愛小便宜的人。將我那一隻環兒嚙在口中。噎殺了也。不中。我還家中去。久以後這官私不起便罷。若起呵。將這隻環兒與他做箇大證見。〔下〕〔外扮僚兒上〕〔云〕自家福量的便是。下學來家裏喫飯去。來到也。爹爹在解典庫裏。爹爹俺爹爹怎生不言語。俺爹爹敢死了也。我喚俺姪姪去者。〔正旦同羣旦上〕〔羣旦云〕姐姐。俺閑口論閑話。自從分另了這家私。你倒大來耳根清淨也。〔正旦云〕不因姐姐。問我也不說。聽我慢慢的說一遍。〔羣旦云〕姐姐試說。我們試聽者。〔正旦唱〕

〔南呂一枝花〕不因我將閑話兒題。因帶酒把家私來說。俺李大他無主張。無正事。他可也忒水性。忒隨斜。誰家箇男子漢。綱紀也無些。可着箇辱子分了家業。我可便兩三番。我把他勸道者。〔帶云〕他便道〔唱〕俺這昆仲疎。皆因是您這婦女每搬調。則俺這弟兄惡。多因是您這妯娌每間別。〔云〕聽的道李大有些怪我呵。〔唱〕

〔梁州〕可慣的那潑醜生爭頭鼓腦。可慣的那浪包婁片口張舌。我入門來多

少閑枝節。〔帶云〕做小叔叔的。便道嫂嫂。比似這般勸俺哥哥一勸。怕做甚麼。〔唱〕做丈夫的把我來迎門兒。羅惹。〔帶云〕做嬌子的走入門來。你也忒不賢慧。〔唱〕做嬌子的把我來劈面兒相截。一箇待尋根拔樹。一箇要打草來便驚蛇。所事兒做的來情絕。您精細俺做癡呆。俺俺俺這些時不付能寧貼。是是是。若是便不這般如何能。間別。呀呀呀。俺今日便不分開怎的和諧。我把他觀者。看者這家私。待不到春三月。每日家尋嗑口覓枝節。縱然是絃管笙簫不斷絕。待有的多少時節。〔羣旦做辭科〕〔云〕姐姐。我每送到你門首也。俺每回家去也。〔正旦唱〕

〔牧羊關〕姐姐您權休怪。小的每且略別。不相棄感承你便多謝。〔云〕到家裏喫了茶去波。姐姐謝相伴來。〔羣旦云〕俺不必喫茶。俺回去也。〔下〕〔正旦做掠頭髮科〕〔唱〕我掠起我這雲鬢偏斜。整理不的我身子兒便趑趄。氤氳的覺我這腮斗兒熱。隱隱的着我這袖兒遮。你酒量淺也難耽待。呆賤人也你怕他那黑心多少用些。〔俀兒兒科〕〔云〕妳妳。俺爹爹死了也。〔正旦慌科〕〔云〕在那裡。〔俀兒云〕在解典庫裏面。〔正旦觀科〕〔云〕李大。我早不去人情。去則便了也。兀的不有寫下一張紙。〔做舉紙讀科〕〔云〕我不合嚙卻金環致命。等李大嫂回家去。我這喉嚨裏取出金環。休教李二家兩口兒知道。便知道呵。

休要經官。便經官。休着本處官人整理。李大也。則被你痛殺我也。〔唱〕

〔哭皇天〕也是我前世前緣業。則俺這潑家私。恰恨的少這些。空着我慢懊惱。我讀罷也痛傷嗟。李大也。你正是弄巧來翻騰做拙。則俺這家緣無數。錢物過餘。你今日身居白屋。命掩黃泉。俺今日便一星星一星星向這紙上寫。

〔烏夜啼〕也是我惡緣也。那惡業。空沒亂自推也。那自跌。〔云〕他道我不合嚙卻金環致命。等李大嫂回家。去我這喉嚨裏取出金環。我與你取這金環者。福童門首覷者。怕叔叔嬌子來時。報我知道。〔做取金環科〕〔唱〕我這裡急慌忙。用手向喉嚨裏捻。天那可怎生。倘甘也似鮮血攔遮。〔俀兒云〕妳妳有人來也。〔正旦唱〕聽的道有人來。慌的我心忪怯。可着我難隱難遮。怎的分說。我便有蘇秦張儀。刺通舌。〔李仲義同淨外旦上〕〔外旦云〕開門來。開門來。〔正旦唱〕天那。我劈頭裡第一句難分說。〔李仲義云〕開門來。俺哥哥在那裡。〔正旦唱〕叔叔您哥哥醉了也。權時歇。〔李仲義踏門科〕〔云〕我踏開這門。〔正旦唱〕他把那房門來踢開。亮桶踏折。

〔鶴鶉兒〕常好是有氣力哥哥。〔外旦云〕躑了脚也。〔正旦唱〕你可便過去波姐姐。〔李仲義云〕俺哥哥怎麼來。兀的不死了也。〔正旦云〕你看您哥哥寫下的遺留文書。〔李仲義云〕我

看者。我不合嚙卻金環一隻致命。若李大嫂來家。去我喉嚨裏取出金環兒。休着李二經官。哥哥也。這環兒打甚麼不緊。送了你性命也。〔外旦云〕李二。你好不聰明也。這婦人有姦夫。所算了你哥哥的性命。這文書是他假捏下的。〔李仲義云〕二嫂說的是。嫂嫂。你有姦夫。氣殺俺哥哥。是你姦夫故捏合下的文書。〔正旦唱〕則管裡吵鬧得這喧呼。你可便叫喚箇甚的。見如今在地停喪。我可也怎的棄捨。眼見的難打跌。不由分說。索下繯綫。性命休也不必用八棒十挾。赤緊的做賊的便無賊。今日箇殺人見血。〔外旦做哭科〕〔云〕我那伯伯也。李二。你來。休言他。你問他官休也私休。〔李仲義云〕二嫂。怎麼是官休。怎麼是私休。〔外旦云〕私休。將家私孩兒都留與我。着他自身出去。若官休呵。俺拖他到官中。着他償俺伯伯的命。便是官休。〔李仲義云〕二嫂你說的是。嫂嫂。你有姦夫。氣殺俺哥哥。我問你要官休。也可私休。〔正旦云〕我那得那姦夫來。怎麼是官休私休。〔李仲義云〕官休拖你見官去。你便是死的人。也。私休呵。將家私孩兒都與我。你自身出去。〔正旦云〕能死也不肯。我心上無事。我和你見官去來。〔李仲義云〕明有清官。我和你見官去來。〔外旦云〕把俺伯伯削一條柳棍。油鹽裏蘸了。去他皮膚裏簽入去。把他幹葬了。〔李仲仁云〕我不死了。〔外旦云〕爲甚麼不死了。〔李仲仁云〕醜弟子。我則怕你幹葬。〔同外旦下〕〔正旦唱〕

〔尾聲〕到今日則由您誇貞烈。到今日則由您賣清潔。休休休枉分說。罷罷罷俺冤業。眼見的屈死了娘。橫死了爺。送的俺一家兒不見了一似燈滅。則願的您夫妻每百歲也。〔同下〕

第三折

〔淨扮官人領張千上〕〔官人云〕我做官人實是妙。告狀來的則要鈔。上司若還說卷來。廳上打的鷄兒叫。小官本處縣官是也。今日陞廳。坐起早衙。但有驢喫田馬喫豆。鬪打相爭。都來告狀。〔李仲義同淨外旦拖正旦上〕〔李仲義云〕嫂嫂。我和你見官去。你不見官去。便私休了罷。你真箇不私休冤屈。〔外旦云〕李大嫂。你將家私與了我罷。〔正旦云〕叔叔你索尋思者。〔唱〕

〔中呂粉蝶兒〕世做的潑水難收。到官中怎生解救。赤緊的兩事家共我做敵頭。願他誰悔自己自傷自慙。潑性命千死千休。眼睜睜自作自受。

〔醉春風〕我今日犯着我也一身當何須您百事有。〔外旦云〕到官司招出姦夫來。看你羞也不羞。〔正旦唱〕爲男兒便死有何羞。〔外旦云〕你便是殺丈夫的人也。〔正旦唱〕誰聽你那口口。〔李仲義打僕兒科〕〔云〕不是那好爺好娘養的小弟子孩兒。〔正旦云〕李二。你好狠也。〔唱〕這孩兒須是你李家根芽。李大的子嗣。須是您李家的骨肉。〔李仲義同外旦

扯正旦科」〔云〕冤屈也。〔官人云〕甚麼人叫冤屈。張千與我拏過來。〔張千云〕理會的。
〔做拏衆見科〕〔張千云〕當面。〔衆跪科〕〔官人云〕兀那厮。你告甚麼人。說你那詞因。說的是便罷。說的不是也罷。〔李仲義云〕大人。小人汴梁人氏。哥哥李仲仁。小人李仲義。有嫂嫂孫氏不賢。私通姦夫。謀殺了俺哥哥。大人可憐見。與小人做主者。〔官人云〕人命事我那裡斷的。請出外郎來。〔張千云〕令史大人有請。〔淨扮令史上〕〔云〕官人清似水。令史白如麵。水麵打一和。糊突做一片。自家王令史的便是在這本縣裏做着一箇令史。今日無甚事。在這司房裏攢造文書。官人坐衙哩。敢是那糊突蟲斷不下事來。又來請我。可早來到也。報復去。說道我來了。着他來接我。〔張千云〕報的大人得知。有令史來了也。〔官人云〕道有請。〔張千云〕着你接待他去哩。〔官人云〕我親自接待。〔令史云〕你休起來。坐着去。百姓每看着哩。不要着人笑話。〔官人云〕令史。這一行人是告狀的。你問他。〔令史云〕誰是原告。〔李仲義云〕小人李仲義我是原告。〔令史云〕張千與我採起來。打這弟子孩兒。〔官人云〕不要打他。倘若有些好歹。又貽累我坐牢。〔張千做採科〕〔李仲義做慌舒三箇指頭科〕〔云〕先生。〔令史云〕你那兩箇指頭癢。〔李仲義做舒五箇指頭科〕〔令史云〕纔是也。說你那詞因來。〔李仲義云〕小人汴梁人氏。嫡親的五口兒家屬。哥哥李仲仁。小人是李仲義。嫂嫂孫氏。姪兒福童。我渾家王氏。誰想俺嫂嫂有姦夫。將俺哥哥因姦

藥殺了。相公可憐見。與小人做主者。〔令史云〕你哥哥死了麼。〔李仲義云〕死了也。〔令史云〕死了便罷。告甚麼娘的大腿。〔李仲義云〕可憐見與小人做主。〔令史云〕是實麼。〔李仲義云〕是實。〔令史云〕誰是屍親。〔外旦云〕俺伯娘他因姦夫藥殺了俺伯伯。他就是屍親。〔令史云〕張千將那婦人提近前來。〔張千云〕理會的。〔做舉正旦向前科〕〔令史云〕這婦人兀的不喫酒來。〔李仲義云〕正是與姦夫喫酒來。你看他醉的那模樣。〔正旦唱〕

〔紅繡鞋〕他着那閑言語將咱來逗逗。〔令史云〕你好歹和姦夫商量來。有多少時了。〔正旦唱〕他將那巧言詞把我來追求。〔令史云〕你在那裡商量來。〔正旦云〕小的每不曾別處去。〔唱〕多因是那做生日處連飲到兩三甌。酒也你能消那千古事。到今日空惹下這一天愁。〔帶云〕天也天也。〔唱〕則被你便送了我三杯沒興酒。〔令史云〕兀的婦人。你那裡每喫閑茶浪酒來。你丈夫死了。你怎生不知道。〔正旦唱〕

〔滿庭芳〕誰敢道閑茶浪酒。〔令史云〕你婦人家爲甚麼不看家。〔正旦云〕相公爲一家人家。〔唱〕誰無一箇人情探望親眷追逐。〔外旦云〕他有姦夫。〔正旦云〕我有姦夫無姦夫。試問我孩兒。〔令史云〕他小孩兒家曉的甚麼。〔正旦唱〕是則是我兒他雖年幼。與您娘別辯分憂。〔做搭扶孩兒科〕〔云〕我與你果子兒喫。說你娘有姦夫。〔孩兒云〕俺娘有姦夫。〔令史云〕這

孩兒倒直。(正旦云)憑不的。(唱)這文卷與心兒厮扭。端的可使這言詞信口胡謔。
(二云)俺員外有寫下的遺留文書。(令史云)既有遺留文書。你怎麼不來首告。(正旦唱)我爲甚
不去您這官中首。倒做了殺丈夫的犯由。(帶云)員外也。(唱)怎做的親筆寫遺留。
(二云)相公喚箇伴作子來。檢驗這屍首。若是有金環兒呵。便是小的每無姦夫。若是喉嚨裏無有
金環兒。便是小的每有姦夫。(令史云)誰是屍親。(正旦云)我是屍親。(令史云)張千喚箇伴作
子來。(張千云)伴作子沈成安在。(淨沈成上)(二云)自小身世習土工。檢屍相勘我偏能。洗冤六
書盡通曉。我的名姓是沈成。自家伴作子沈成的便是。正在家中閑坐。有官人使張千來叫。不知
有甚事。我須索走一遭去。可早來到也。張千叫我做甚麼。(張千云)沈成的來了。我報復去。(報
科)(二云)報的大人得知。有沈成來了也。(官人云)着他過來。(張千云)理會的過去。(沈成做
見科)(二云)小人來了也。(令史云)沈成。你檢這屍首。(沈成云)理會的。誰是屍親。(李仲義云)
我是屍親。(沈成云)你是屍親。你這人命的事。則憑我檢屍哩。你與我多少銀子。(李仲義背云)
哥哥。你若檢屍呵。喉嚨裏有一隻金環兒。你便就拏了與你。你則說並無金環兒。服毒身死。再與
你這箇銀子。(沈成云)少。再與我多少銀子。(李仲義云)我再與你一箇銀子。(沈成看砌末科)
(二云)外郎。你便寫的明白着。我便檢屍。喚總小甲拏石灰和醋來。有紙拏幾張來。把那衣服解開。

鋪上這紙。噴上些醋。外郎。你便聽。我說了。你便寫。頭東脚西。〔令史云〕沈成你檢屍。〔沈成做驗科〕〔云〕無故身長二尺七寸三分。〔令史云〕怎麼這般短。〔沈成云〕他是箇矮子。無故左臂長三尺六寸四分。右臂長一尺二寸。〔令史云〕怎麼一隻長一隻短。〔沈成云〕他是箇手兒。左腿長三尺三寸四分。右腿長一尺九寸二分。〔令史云〕怎麼這條腿短。〔沈成云〕他是箇瘸子。〔沈成做見環兒科〕〔拏環兒袖科〕〔云〕相公。檢了屍也。〔令史云〕有金環也無金環。〔沈成云〕並無金環。服毒身死。〔外旦云〕可怎麼無金環兒。是你藥殺俺伯伯來。〔正旦唱〕

〔十二月〕那妮子精神兒抖擻。說的我魂魄可便悠悠。我性命恰便似當風秉燭。恰便似水上浮漚。哥哥也。那金環兒無也。那是有。〔沈成云〕並無金環。服藥身死。〔正旦唱〕這公事恰便似火上澆油。〔李仲義云〕見無有環兒。你還不認哩。〔正旦唱〕

〔堯民歌〕天那。我便是一重愁。番做了兩重愁。〔外旦云〕你見有姦夫。你怎麼不認那。〔正旦唱〕呀。都是你箇昧己瞞心的浪包裏。這的是好看承於濟你的下場頭。亡過了俺男兒。今日報冤讎。〔李仲義云〕你藥殺俺哥哥。倒說我報讐。〔正旦唱〕休也波。諷除非我死後休。到底來出不得風塵垢。〔令史云〕和你說甚麼。不打不招。張千打着者。〔張千云〕理會的。回背。〔做打科〕〔云〕一十二十三。〔正旦云〕哎。約。天那。我是那好人家女。好人

家婦。那得那姦夫來〔唱〕

〔耍孩兒〕批頭棍着處開了皮肉。〔令史云〕你攀一箇便了了。〔正旦唱〕我指攀下官司你便更勾。〔外旦云〕你認的誰。〔正旦唱〕你不知偏我可便識他誰。你暗暗的搭手在心頭。把我箇心厮愛的丈夫歸泉的早。把我箇銅斗兒般家緣刮地收。無虛謬。令史的一迎一合。官人又東諫東流。〔令史云〕你不招。我則是打。張千打着者。〔張千打科〕〔云〕一十二三十。〔正旦云〕哎。約天那。我喫不過這打拷也。我且屈招了。是小的每有姦夫來。〔令史云〕既然招了也。上了枷。下在死囚牢裏去。〔令史畫字科〕〔官人云〕你不要畫字。畫了字就是死的人也。〔正旦云〕哥哥。喚我孩兒來。我分付他者。〔做扯孩兒科〕〔唱〕

〔二煞〕哎。兒也。你交新年十歲整。不比我在家時百事兒有。空閒裡但得那些兒勾。〔帶云〕你道俺娘坐牢哩。〔唱〕你叫化些殘湯剩飯休辭憚。〔孩兒云〕姦姦。我不羞那。〔正旦唱〕你央及那隣里街坊。不道有甚麼羞。我待性命到分秋後。我與你爺市曹中償命。哎。兒也將您娘去那淺土裏浮坵。

〔尾聲〕若留的這潑性命。但存的我這四根瘦骨頭。饒你有一千隻姦夫手。〔帶云〕誰受了買告。誰屈打的我招了。有告處。有告處。〔唱〕你可便掩不住我啣冤他這箇負

屈口。〔同下〕〔令史云〕我都斷了。〔官人云〕生受你。〔令史云〕相公。明日新官下馬。準備着接新

官去。張千。你跟的相公回去罷。〔官人云〕明日新官下馬。外郎。嚙收拾了書案。接新官去來。〔張千隨下〕〔令史云〕兀那沈成。事已問成了也。牽過馬來。繫了肚帶。騙上驛子。打一鞭子。家去了罷。〔下〕〔淨扮銀匠上〕〔云〕滴滴多。滴滴多。滴滴多。來滴滴多。我做銀匠實是高。論我手段有誰學。人家拏來的好銀子。我不是偷了便換了。自家是箇銀匠。今日開了這鋪兒。看有甚麼人來。〔沈旦上〕〔云〕妾身是作子沈成渾家的便是。〔背科〕〔云〕這裡可也無人。俺沈成檢屍處得了一隻金銀兒。家中無有盤纏。我去銀匠鋪裏倒換些銀子使用。可早來到也。〔做見銀匠科〕〔云〕哥哥。我這裡有一隻金環兒。重五錢。倒換些銀子使用。有也是無。〔銀匠云〕大姐。我買你的。你要多少錢鈔。〔沈旦云〕我要二百貫鈔。〔銀匠云〕我先與你一百貫。你停一會兒。再來取那一百貫。〔沈旦云〕我將這一半兒去。記着一半兒。我轉一會兒便來討。〔下〕〔王婆婆上〕〔云〕自家王婆婆的便是。過日月好疾也。自從贖這環兒去。可早一年光景也。這官司事已定了也。我將着這一隻環兒。去銀匠鋪裏配一隻兒去者。可早來到也。〔做見銀匠科〕〔云〕哥哥。老身有一隻金環兒。你有便配一隻與我。若無呵。我賣與你這一隻。〔銀匠云〕我這裡有一隻兒。未知配的上配不上。〔王婆婆云〕你將來。我試看者。〔銀匠做遞環兒科〕〔云〕婆婆。你看這隻金環兒。〔王婆婆

看科」云「哥哥這一隻環兒。可不是我的也。可怎生得到你手裏來。」銀匠云「是一箇婦人賣與我來。」王婆婆云「那婦人在那裡。」銀匠云「他便來也。」王婆婆云「好波。我在這裡等着他。」沈旦上云「妾身沈成的渾家便是。銀匠鋪裏討我那銀子去。」做見銀匠科云「哥哥。我來取那銀子來了。有也是無。」銀匠云「婆婆。這婦人便是。」王婆婆云「姐姐。這環兒是我的。怎生得到你手裏來。」沈旦云「這環兒是我的。」王婆婆云「你這環兒。可是那裡得來的。」沈旦云「是我丈夫沈成的。」王婆婆云「你是沈成的渾家。環兒不打緊。上面干係着人的性命哩。明有清官。我和你見官去來。」王婆婆拖沈旦下云「銀匠云「天那。我不曾賣的一文錢。惹下這一場人命事。早是我好造物。他兩箇見官去了。我也不做甚麼銀匠。我去張家灣賣蒜去也。金環不曾倒的成。自家丟了一百貫。」下」

第四折

「孫榮領張千排衙上」孫榮云「錦繡文章腹內藏。金鑒對策姓名香。蒙恩授職居官位。輔國安民正紀綱。小官孫榮是也。自離了我姐姐姐夫。今經可早三年光景也。自到帝都闕下。擯過卷子。一舉狀元及第。累蒙擢用。頗有政聲。謝聖恩可憐。頭一任爲太常博士。第二任爲國子祭酒。第三任爲參知政事。聖人爲小官廉能清正。節操堅剛。加小官爲天下提刑肅政廉訪使之職。着小官

遍天下審囚刷卷。勅賜與勢劍金牌。着我先斬後奏。今到這開封府也。想小官幼年間父母雙亡。若不是我姐姐姐夫擡舉的我成人。豈有今日一身榮顯。我欲待先去拜我那姐姐姐夫去來。那牢獄中有冤枉的罪囚。巴不的盼一任清官下馬。訴他那腹中冤枉。等小官審罷囚。刷罷卷。可拜我那姐姐姐夫去。也未是遲哩。今日陞廳。坐起早衙。張千。怎生不見那重刑科當該司吏來。〔令史掣文卷上科〕〔云〕令史來了來了。不想今日有御史下馬也。他將着勢劍銅劍。先斬後聞。他來這開封府裏審囚刷卷。我早知道呵。做這歪令史做甚麼。諛的我腿也是顫。我如今見大人去。〔見科〕〔孫榮云〕你是那重刑科當該司吏。〔令史云〕小人便是。〔孫榮云〕小官欽奉聖人的命。爲此處開封府官濁吏弊。人民頑魯。勅賜我勢劍金牌。着我先斬後聞。你若文卷上有那半米兒差遲。將銅劍先切了你那驢頭。有甚合會押的文卷。將來看。〔令史云〕文書在此。〔孫榮云〕是何文卷。〔令史云〕這一宗文書。是李阿孫捏合遺留文書。有姦夫將他夫主毒藥致命。〔孫榮云〕李阿孫因姦合毒藥。藥殺丈夫。好是奇怪也。此一宗文卷。便與小官同姓。嗨。俺這孫氏門中。也出這等不廉的歹人李阿孫。這在城我姐夫不姓李。我姐姐不姓孫。李阿孫莫不是俺姐姐姐夫麼。孫榮也。世上有多少同名同姓的。俺這姐夫。也不是這等橫亡的人。兀那令史。有甚麼顯證。賊仗將來。〔令史云〕有。〔孫榮見文書科〕〔云〕這字體不是我姐夫寫的。小官我如何不認的。我試看

者。我不合嚇卻金環致命。等李大嫂回家。去我喉嚨中取出金環。休着李二家兩口兒知道。便知道呵。休要經官。便經官呵。休着本處官人每整理。孫榮也。這件事莫非俺姐姐敢做下來也。兀那令史。那大報的女囚有麼。〔令史云〕有。〔孫榮云〕與我律上廳來。〔令史云〕理會的。張千。將那罪人律上廳來。〔張千云〕理會的。〔張千做舉李仲義同淨外旦正旦帶枷鎖上〕〔張千云〕兀那婦人。如今新官下馬也。你翻了案者。〔正旦云〕哥哥也。你着我翻了案呵。我這一頓打。又是死也。

〔唱〕

〔雙調新水令〕則我這滿懷冤枉告他誰。怎禁那順人情他這箇愛錢司吏。他把我連問到五六番。屈打到二三十。則我這皮肉怎生當的。〔帶云〕翻了案。〔唱〕休休休則不如我早償了命倒伶俐。〔令史云〕兀那婦人。新官下馬也。休說甚麼。〔同正旦做見科〕〔令史云〕大報的囚人。律上廳來了也。〔孫榮云〕放下問事簾。舉上廳來。〔張千云〕理會的。〔孫榮云〕兀那女囚。擡起你那頭來。〔正旦擡頭科〕〔孫榮哭科〕〔云〕果然是我姐姐。折倒的不成了也。兀那大報的女囚。你怎生合毒藥藥殺丈夫。則怕前官手裏枉錯了。你有甚麼不盡的詞因。你實實的說。我與你做主者。〔正旦唱〕

〔鴈兒落〕我休休休說箇甚的。罷罷罷關前世。〔孫榮云〕我這筆落處。你便是死的人。

也。〔正旦唱〕我與他便葫蘆提死去來。〔孫榮云〕這的是十惡大罪也。〔正旦唱〕我耽一箇殺丈夫的彌天罪。〔孫榮云〕前官則怕枉了你麼。〔正旦唱〕

〔得勝令〕則除是天地聖賢知。〔孫榮云〕這狀上怎生無箇證見人那。〔正旦唱〕你着我平白的指他誰。〔孫榮云〕這事敢冤枉着你麼。〔正旦唱〕就裏實冤枉。〔孫榮云〕這一件事必有暗昧。〔正旦唱〕其中決暗昧。〔孫榮云〕則是從實的說。〔正旦唱〕我可便從實。〔孫榮云〕你可休瞞昧俺這官府也。〔正旦唱〕怎敢道相瞞昧。〔孫榮云〕我仔細看這文書者。〔正旦唱〕相公你便觀窺。〔孫榮云〕說是姦夫寫下的。〔正旦唱〕怎做的姦夫寫下的。〔孫榮云〕兀那婦人你那孫氏門中再有甚麼親人。〔正旦唱〕

〔滴滴金〕我是一箇獨自婆娘。孤身隻影。別無親戚。我正是人善被人欺。〔孫榮云〕本處官吏曾受賊來麼。〔正旦唱〕則他那孔目官人。當該司吏受了東西。〔孫榮云〕你不招呵。也由你那。〔正旦唱〕他可便單質着我做頭敵。〔孫榮云〕張千捲起問事簾。將交床來。我扣廳自問。〔張千云〕理會的。交床在此。〔孫榮坐科〕〔正旦唱〕

〔折桂令〕我見他那交牀。直至堦基。則我這活死存亡在今日。〔孫榮云〕兀那婦人。你這孫氏門中。別有甚麼親眷。〔正旦云〕大人可憐見。小的別無甚麼親眷。止有一箇兄弟。喚做孫榮。

上朝求官應舉去了。知他我那兄弟有也是無。〔孫榮擡頭認科〕〔云〕姐姐。你擡起頭來。認的我麼。
〔正旦云〕大人是誰。〔孫榮云〕則我便是孫榮。〔正旦云〕咬約。兄弟也。〔同做哭科〕〔孫榮云〕姐姐。痛殺我也。〔正旦唱〕我這裡猛然擡頭。定睛的覷了容儀。〔孫榮云〕您兄弟幸得爲官。誰想姐姐有這場凶事也。〔正旦唱〕我則道你薄落了羞歸故里。誰想你報蟾宮折桂而回。〔孫榮云〕姐姐。你這一場。可怎了也。〔正旦唱〕兄弟也。你可憐見。我無主無倚。我財散人離。可憐見。我負屈啣冤。你是必救我者波。兄弟。〔孫榮哭科了〕〔云〕張千與我扶起姐姐來。姐姐。孫榮若不是姐姐呵。豈有今日榮顯。指望與姐姐同享富貴。誰想姐姐犯下十惡大罪。姐姐。這訟廳上受您兄弟四拜。姐姐。則被你痛殺我也。〔做哭科〕〔云〕兀那兩廊典吏。一應大小官員。着您便道一箇帶牌走馬廉訪使。今日陞廳。一件王事不曾斷。訟廳上與一箇大報的女囚。抱頭相哭。可是爲何。您那裡知道。則他便是我腳踏頭梢的親姐姐。小官自父母下世之後。多虧了我姐姐。擡舉的我成人長大。小官若不是姐姐呵。豈有今日。一身榮顯。指望我與姐姐同享富貴。誰想俺姐姐犯下這等十惡大罪。着您便道。就是你姐姐呵。這人命事莫非則這般罷了麼。豈有此理。便好道誅不責骨肉。賞不避仇讐。恰纔我下拜。是續親禮。不忘俺那弟兄姊妹之情。便好道酒肉灘場喫。張千將問事來。我則理會的王條依正行。兀那罪人。你則從實的招了者。〔正

旦唱

〔喬牌兒〕我可是麼告着你箇包待制。他共咱兩家意。丟下那一堆家問事。那裡肯容咱分細。〔孫榮云〕不招呵。我不容你那。〔正旦唱〕便打殺孩兒。每我高叫起。〔孫榮云〕前官勘問已定。這其中必有暗昧。你可怎生招成來。〔正旦唱〕

〔豆葉黃〕兄弟也。我是箇婆娘婦女。幾曾道慣打官司。我便是偷盜的。雖強賊。我怎當那打拷凌遲。六問三推。千方百計。孔目官人做面皮。見義當爲。審問箇伶俐。若見那防禦和那同知。兄弟也。你可休官官相衛。〔孫榮云〕我試仔細看這文書者。我不合嚙卻金環身死。等大嫂還家。去我喉嚨裏取出金環來。休着李二嫂兩口兒知道。便知道。休要經官。便經官。休着本處官人問理。這遺留文書的字體。本是我姐夫寫的。這狀子上。並無金環。服藥身死。兀那當該的司吏。這人命事。曾檢屍來。〔令史云〕您孩兒每檢屍。並無金環。服毒身死。〔孫榮云〕那件作子有麼。〔令史云〕見有。〔孫榮云〕與我喚將來。〔令史云〕理會的。件作子安在。大人呼喚。〔沈成上〕〔云〕來了來了。〔做見跪科〕〔云〕孩兒每是沈成。〔孫榮云〕可知我姐姐冤枉哩。他走將來。可早審成了也。兀那件作子。是誰檢屍來。〔沈成云〕是孩兒們檢屍來。〔孫榮云〕有金環無金環。〔沈成云〕並無金環。服毒身死。〔孫榮起身做祝天科〕〔云〕皇天可表。

果然我姐姐冤枉呵。中間裡怎生得箇證見來。可也是好也。〔王婆婆扯沈旦上〕〔云〕好冤屈也。〔孫榮云〕張千。甚麼人叫冤屈。與我拏過來。〔張千云〕理會的。〔拏王婆婆沈旦跪科〕〔云〕當面。〔孫榮云〕兀那婆婆兒。你怎生冤枉。〔王婆婆云〕我不冤枉。這箇姐姐冤枉。〔孫榮云〕婆婆兒近前來。這姐姐怎生冤枉。〔王婆婆云〕告大人停噴息怒。暫罷虎狼之威。老身在城人氏。姓王。是王婆婆。家中好生艱難。我有一對金環兒。問在城李員外當了二十貫錢。本利對該四十貫。老身將着一本一利。贖我那環兒去。見了員外。員外是那慈心的人。見我艱難。饒了我二十貫錢。則要了二十貫本錢。老身貪歡喜。忘了一隻環兒在櫃上。老身回來。問員外討這隻環兒。員外是那愛錢的人。他藏了我那隻環兒。被老身尋得緊了。他嚙在口裏。老身害慌也。我便道。將這隻環兒回家去。這官司不起便罷。若起呵。這環兒做箇大證見。這一年光景。官司已定了也。我去街市上配這一隻環兒去。到的銀匠鋪裏。肯分的見我這隻環兒。大人可憐見。便好道物見主。必索取。我問他這環兒是那裡將來的。他便道。是件作子沈成的渾家賣與我的。老身便道。環兒不打緊。上面干連着人性命哩。明有清官。我和你見官去。投至的見大人。便似撥雲見日。昏鏡重磨。久旱逢甘雨。病重遇良醫。這姐姐那冤枉。有天來高。地來厚。海來深。道來長。柔軟莫過溪澗水。不平地上也高聲。大人。你懷揣萬古軒轅鏡。照察俺這啣冤負屈人。說兀的做甚。則爲這李員外貪財不足。金環

兒噫的來身歸地府。告你箇清耿耿廉訪大人。李阿孫委實的啣冤負屈。〔孫榮云〕兀那廝。可不道並無金環服毒身死。〔沈成云〕孩兒每那一日喫了一鍾早酒也。〔孫榮云〕這件事小官已知也。一行人聽我下斷。本處官吏。屈勘平人。杖一百。停職罷俸。作作子檢屍不明。杖斷八十。李二嫂敗壞人倫。有傷風化。杖一百。聽離歸宗。李二主家不正。杖八十。我將十錠俸錢與這婆婆兒爲賞。小官侍養我姐姐到老。只因官吏貪贓物。致令妻女放兒頑。若不是孫廉訪審囚大斷案。結束這李阿孫屈死勘金環。

題目

件作沈成錯檢屍

正名

清廉官長勘金環

秦月娥誤失金環記

闕名

楔子

〔卜扮老夫人上〕〔云〕夫任南陽不幸亡。業身共女守孤孀。躊躇低首嗟無極。老眼空流淚萬行。老身姓賀。夫主姓秦。祖貫錢塘人也。夫主拜南陽縣令。在任三載。不幸而亡。別無子嗣。止生一女。小字月娥。年方二八。生得嬌姿淑質。言寡語真。詩詞歌賦。針指女工。無不能者。更有箇梅香。是與小姐作伴者。叫做惜春。更聰明智慧。穩重安詳。只是他父親棄世早了。今在這任所。不能還故里。如今要回去。爭奈路途遙遠。家中又無得力家人。止則丟下俺娘女二人。一會家想起來。好是煩惱人也呵。〔唱〕

〔賞花時〕老眼悲啼兩泪流。無奈心酸不自由。遙望楚天秋。阻隔著山明水秀。空鎖兩眉愁。

〔么〕夫主中年一命休。閃下孤孀無處投。悽慘寸腸柔。天平不祐。何處問歸舟。〔下〕

第一折

〔正末扮細酸上〕〔云〕小生姓楊名儒字仲賢。本貫錢塘人氏。年方二旬。想先父在日。除授江西大尹。自從棄世之後。不幸家業凋零。小生空學成文章滿腹。不能遂志。如今打聽的春榜動。選場開。小生想來。有俺父親至交朋友秦輝。除授南陽縣令。小生收拾鞍馬琴劍書箱。一來上京取應。二來就往伯父任所經過。有何不可。童僕跟我上朝取應去者。〔下〕〔老夫人上〕〔云〕好悶人也。呵。不知幾時得到錢塘也。關河杳杳家鄉遠。雲水迢迢道路除。家童門首望者。今日怕有人來。昨夜燈花爆。今朝鵲噪槐。心中無別事。惟恐故人來。〔童云〕理會的。〔正末上〕〔云〕在路行程。不覺月餘。早來到南陽縣了。只得入城探望伯父一遭。〔做到門首見童問云〕此處那裡是秦大人宅子。〔童云〕這裡就是。〔正末云〕煩你通報一聲。說錢塘楊仲文之子楊仲賢。特來拜望。〔童云〕理會的。〔報科〕〔云〕老夫人。門外有一人。說是楊仲文之子楊仲賢。特來探望。〔老夫人云〕呀。這孩兒那裡去來。請進來者。〔童云〕官人。老夫人有請。〔正末拜見科〕〔老夫人云〕孩兒。你往那裡去來。〔正末云〕孩兒因上朝應舉。路經此地。特來拜望。〔老夫人悲科〕〔云〕孩兒。你伯父棄世了也。你父母好麼。〔正末云〕您孩兒父母都亡了。〔老夫人云〕苦也。怎生這等薄命。孩兒。且不必上京。一路辛苦。老身家下無人。留你在此消歇幾時。有何不可。〔正末云〕深謝伯母厚恩。〔老夫人云〕家童打掃後園中翠蘭亭乾淨。着孩兒安歇。溫習經史。〔正末同家童下〕〔正旦引梅

香上」〔云〕妾身秦月娥是也。有老母在堂。亦要回歸故里。爭奈路途遙遠。不能去得。妾身這幾日貪攻針指。繡房中悶倦。那更暮春時候。想必後花園好景。惜春。嚙游玩一遭。有何不可。〔梅云〕姐姐。我也正要游玩去。〔旦行科〕〔云〕後園中真箇好景。你看那半開半吐。朵朵桃花紅似火。隨高就下。依依楊柳綠如烟。〔梅云〕姐姐。咱近那茶蘼架下。芍藥欄邊。消停游玩一回去來。〔做行下〕〔正末上〕〔云〕小生楊仲賢。自前者至此。老夫人留我在此翠蘭亭安歇。這兩日心中悶倦。又遇着暮春天道。看了這穿花紫燕。度柳黃鶯。好是煩惱人也呵。〔唱〕

〔仙呂點絳脣〕想赴皇州。悶懷依舊。雙眉皺。經史忙收。被春色相迍逗。〔云〕似這等小亭寂靜。教人怎生不悶。〔唱〕

〔混江龍〕正遇着禁烟時候。教人煩惱幾時休。亭軒寂寞。院宇清幽。莫負一番花蕊嫩。能消幾度綠楊柔。怎聽那鶯聲恰恰。燕語啾啾。蜂媒穠穠。蝶使悠悠。正值着海棠開。芍藥放。荼蘼秀。越教我情懷無奈。心緒添愁。〔云〕亭前這等美景。不知四面若何。我試出亭去散心者。〔做出亭科〕〔云〕我看了這滿園之景。端的是堪描堪畫也呵。

〔唱〕

〔油葫蘆〕滿眼春光不斷頭。喜游玩。堪描美景映雙眸。我則見桃花中雨胭脂。

透梨花滴露珍珠溜。行過了這金井邊。轉過那湖山後。你則看牡丹肥正對着薔薇瘦。怎不教金谷園倚偏看花樓。〔旦同梅上科〕〔云〕梅香。花開的好爛熳也。〔正末望

見科〕〔云〕呀。這女子莫不是秦小姐麼。若不是。必是嫦娥下降。〔唱〕

〔天下樂〕莫不是月殿嫦娥下降游。這嬌羞無計留。似神仙離洛浦。下瀛洲。撚花枝春筍纖步。香堦動玉鉤。一見了不由人心上兜。〔梅云〕姐姐。那亭邊有人來了。

〔旦云〕是誰。〔梅云〕是前日來的那秀才。〔旦回頭看科〕〔正末唱〕

〔那吒令〕早是我爲名愁利愁。看花頭蕊頭。我心憂意憂。見風流女流。他難求易求。我無休怎休。轉秋波觀看咱。送春情相迤逗。喜孜孜體態溫柔。

〔鵲踏枝〕他若是意相投。把情留。但能穀共枕同衾。琴瑟和酌。並香肩停眠整宿。儘今生共效綢繆。〔梅云〕姐姐。嚙回去罷。恐夫人尋俺。又對着外人野客留戀。敢不中麼。

〔旦云〕怕怎麼。〔梅云〕兀那秀才看嚙哩。〔旦回顧科〕〔正末云〕小姐呵。則被你引了人魂也。

〔唱〕

〔寄生草〕不爭你回頭觀。好教人不自由。怎當他情牽意惹將人就。眉尖眼角將人溜。桃腮杏臉將人逗。從今後。安排着行思坐想爲他愁。準備着忘食廢寢。

因他瘦。(梅云)你聽。兀那秀才說甚麼哩。(旦云)噤休管他。(梅云)只怕夫人知道不好。(旦云)既

是如此。噤回去來。(同下)(正末云)小姐去了也。(唱)

〔么〕玉天仙回金殿。嫦娥女返玉樓。只聽的丁東環佩聲相奏。只聞的氤氳蘭麝香風透。空餘下殘紅滿地胭脂冷。可恨這翠簾珠幌映湘裙。深紅淺綠遮羅袖。(云)小姐回去了。我近那曲闌邊湖山下。試看他印香塵。傳心事。鳳頭尖。鶯嘴小。繡鞋口。俊。我去

那角門傍。垂簾底。試聽他鶯聲怯。燕語巧。吐丁香。喧蘭麝。檀口清音。我今朝得遇傾城貌。不知何日相逢國色嬌。(做見金環科)(云)呀。地下一隻金耳環。想是小姐掉下的。(做拾科)(唱)

〔後庭花〕行過這粉牆邊門兒右。猛可裡見金環苔徑丟。恰纔在後花園閑游戲。這回多管在繡房中憂。莫強求。他若要金環成就。則除是連理枝長並頭。錦鴛鴦交頸宿。比目魚一處游。成合了鸞鳳友。

〔青哥兒〕魂靈兒不離了幃屏前後。常則在妝臺左右。怎能御水溝中紅葉流。那時節畫閣危樓。玉竊香偷。宋玉悲秋。沈約多愁。似這等曉夜思量甚日休。難禁受。(云)這隻金環。是小姐誤失於此。小生今日拾着。此事必有相會。我且回書房中去。看他來尋

麼。(唱)

〔賺煞〕金環自失遺。玉珥難成就。雖不在畫眉處。妝盒內得手指。望佳期成配偶。好恩情今日爲頭。這春愁何日忘憂。不離了高堂魂夢悠。功名水上漚。姻事非虛謬。我將這翠蘭亭疑是晚妝樓。〔云〕夫人慮窮途遙遠。書生來應舉投親。梅香引後園游玩。月娥爲失物傷春。〔下〕

第二折

〔正旦同梅香上〕〔云〕春夜迢迢月轉廊。花陰寂寂上紗窗。銀燈獨對渾無奈。勾引新愁暗斷腸。妾身秦月娥是也。早間同情春後園中游玩回來。就覺身體不快。莫因見了那生。春心飄蕩。以此感懷。如何是好。我摘下這雲髻來睡些兒。呀。怎了。少了一隻金環。怕敢是惜春藏了。關我要子。我喚他來問他。惜春那裡。〔梅上〕〔云〕妾有。〔旦云〕是你藏了我這隻金環。快將來。我收了者。〔梅云〕姐姐。你又來了。誰曾見來。怕敢後花園遺失了。〔旦云〕似此奈何。〔梅云〕多管是那秀才拾了。等到天明我尋去。若尋不見。則問那生要。姐姐你且睡罷。〔旦云〕教我怎生睡的着。看了春夜之景。好是動人也呵。〔唱〕

〔中呂粉蝶兒〕春夜淒淒。月娟娟碧天雲際。照紗窗花影狼籍。助愁人情慘切。強眠無寐。自今朝賞玩芳菲。空惹下一天愁。把兩眉緊繫。

〔醉春風〕往常時也一般獨宿繡幃中。偏今日怕淒涼羅帳裏。自從見了那書生。不由人心兒裏喜。喜莫不是前世姻緣。今生分福。夜來相會。〔云〕天明了也。一夜不曾睡的着。〔梅云〕姐姐。你不睡做甚麼來。〔旦云〕怎知我心間之事也。〔梅云〕姐姐。我知道。恰敢是見。〔旦云〕見甚麼。〔梅云〕小妮子不敢說。〔旦唱〕

〔脫布衫〕小孩兒不識高低。大人行說話蹺蹊。你這般全無道理。我跟前語言調戲。〔梅云〕婢妾不會說甚麼。〔旦唱〕

〔小梁州〕你者也之乎道甚的。亂作胡爲。我若向夫人行說你是和非。看你將何言對。我教你目下受鞭笞。〔梅跪云〕姐姐息怒。小妾不意爲言。悞相冒犯。望乞寬恕。〔旦云〕且饒你這一遭。再有如此之言。決不想你。〔唱〕

〔么〕今番饒過無端罪。將言語切莫輕微。我再不出閨門閑遊戲。任從他淡紅深翠。開偏似錦堆狼籍。〔云〕我本待與老夫人說去。且恕你這遭。你便與我後花園中。尋那隻金環去。〔梅云〕你記的在那箇所在。小妾好去尋。〔旦唱〕

〔上小樓〕你去那後花園裏。用心仔細。則去那海棠亭側。荼蘼架下。芍藥跟底。若不在太湖傍。按此句宜三字。但去石字欠妥。或改爲假山傍似較合。曲闌外。芳堦草內。便去那殘紅下。細細尋覓。

〔梅云〕姐姐。若尋着便是萬幸。倘若無有。怎了。〔旦云〕你仔細去尋。〔唱〕

〔么〕尋着呵疾來報喜。若無有非同容易。這金環珍寶難同。連城不換。珠玉無及。假若是老母知。問將起。如何迴避。便有那蒯通言。怎生抵對。〔梅云〕若是無有。呵。問那生也不問。〔旦云〕你怎生問他。〔梅云〕我到那裡。則說先生。你拾了一隻金環。不曾看他。怎麼說。〔旦云〕你斟量着。〔唱〕

〔紅繡鞋〕秀才每不中言語。女孩兒惹是招非。假若是夫人行。泄漏了這消息。老尊堂無干罷。小妮子怎胡爲。那其間休後悔。〔梅云〕姐姐不妨。我自有分曉。怎肯教夫人知道。〔旦云〕既是如此。你在意者。〔並下〕〔正末上〕〔云〕小生自從見了秦小姐一面。便放心不下。又得了他一隻金環。今日怕敢來尋也。我試出亭望者。〔梅香上〕〔尋科〕〔正末云〕兀的不是梅香尋哩。怎生不見小姐。我這裡看他說甚麼。〔梅云〕都尋遍了。那裡討去。兀的是那秀才。我到跟前。只推尋物。看他有何話說。〔梅近前尋科〕〔正末云〕小娘子尋甚麼哩。〔梅云〕昨日小姐失了一隻金環。令婢妾來尋。不見。〔正末云〕若要見那金環。除非小姐自來。〔梅云〕莫非先生拾了。〔正末云〕小娘子不必尋。小生收物在此。〔梅云〕若先生拾了。肯與小妾將去。乃是先生之德行也。〔正末云〕不然。與小娘子將去。小生不捨。此物有緣。〔梅云〕先生既不與。小妾回去。

也。〔下〕〔正末隨下〕〔正旦上〕〔云〕梅香尋金環去了。這早晚還不見回來。〔梅上見旦科〕〔旦云〕惜春。金環有無。〔梅云〕着那秀才拾了也。〔旦云〕怎知是他拾了。〔梅云〕我一到之時。他便問俺尋甚麼。我回言道。夜來俺小姐失了一隻金環。令婢妾來尋。他便道。小生收物在此。小妾問他討不與。我臨來時。他則說此物有緣。〔旦唱〕

〔快活三〕聽的道心內疑。不由我意似癡。低頭無語自思惟。只落的一口長吁氣。〔云〕惜春。似此怎了。〔梅云〕姐姐。只得好央及他。〔旦云〕既是如此。你再去加一美言。若是討的將來。我重謝他。〔梅云〕小妾就去。〔下〕〔旦云〕他也有意也。〔唱〕

〔朝天子〕已知就裏。兩下廂留情意。後園邂逅那丰儀。天定下神仙契。秀士風流。月娥嬌媚。幾時得成配匹。你那裡慘淒。我這裡恨積。都一樣成孤寐。〔云〕梅香去了。我且睡些兒者。〔做睡科〕〔正末上〕〔云〕恰纔小姐使梅香來尋這金環。小生略通了一句言語。不知如何。這早晚不見分曉。兀的不悶殺人也。〔梅上〕〔云〕早來到花園內。我索徑往翠蘭亭下去者。〔做見正末科〕〔正末云〕小娘子又來。有甚事。〔梅云〕小妾奉俺小姐言語。特來鈞座萬福。問那金環來。〔正末云〕娘子。此物非小可。怎肯便將去。望娘子與我捎一束去。以中。小生肺腑。〔梅云〕念妾侍小姐妝奩之左右。不離闌關之傍側。先生有何東章。將來婢妾捎去。〔正末

寫科」〔梅云〕先生念與妾聽者。〔正末念云〕仙子臨凡嘗玩春。金環失落客邊存。自從見了芙蓉面。引起偷香一片心。〔梅云〕先生此詩。敢非禮麼。〔正末云〕則是小生央挽娘子。達於小姐。〔梅云〕罷罷。妾身既許捐去。亦不可失信。望先生告我金環安在。〔正末云〕放心。去與小姐說。我收着哩。〔梅云〕既先生不肯與。妾身回去也。〔梅行下〕〔末下〕〔梅上〕〔云〕來到家中。姐姐睡着。了。這首詩便不敢與小姐。我則放在妝盒邊。等小姐醒來自看。〔旦醒科〕〔見紙帖念科〕〔云〕這小賤人無禮。那裡將這等言語來戲弄我。〔梅跪云〕姐姐。是那秀才着。我將來。妾並不知是何言語。亦不知主何意故。〔旦唱〕

〔滿庭芳〕這的是書生無禮。你這箇賤人膽大。調弄俺姜女呆癡。將淫詞放在妝奩內。誰謂無知。我教你覓金環。將他央挽。誰着你傳芳信。通問消息。當責你非爲罪。我跟前強嘴。打綻你口唇皮。〔梅云〕姐姐。暫且饒過這遭。婢妾再不敢如此。〔旦云〕噤聲。這秀才也無道理。我今寫數字。你將去回他。再休如此。省的對夫人說了。看他有何面目。存身於此。〔梅云〕小姐既饒了妾身。將來我送去者。〔旦寫柬與梅科〕〔旦虛下〕〔梅行科〕〔正末上〕〔云〕娘子如何。〔梅云〕先生非禮之言。着小姐怪責。他也寫了數字來回你。兀的你看。〔正末接看科〕〔笑云〕小姐無有怪意。〔梅云〕怎生說。你念我聽。〔正末念云〕時值融和喜玩春。歸

來無素自溫存。只因失卻金環去。勾引憐香惜玉心。〔梅云〕元來有如此言語。〔正末云〕敢煩娘子再與小生捎一束去。〔梅云〕你寫來。我將去。〔正末寫科〕〔梅云〕你念與我聽。〔正末念云〕千里迢迢赴帝京。豈知此處遇傾城。多嬌不棄同連理。免使相思病不寧。〔梅接束下〕〔正末同下〕〔梅上見旦云〕姐姐。你做的好勾當。我去老夫人行首你去。省的打綻我口唇皮。〔旦云〕好姐姐哩。快休告老夫人去。〔梅云〕姐姐。這是誰是誰不是。〔旦唱〕

〔耍孩兒〕你問我這一場誰是誰不是。都只爲玩景游春引起。惜花心泄漏外人知。見園林占斷芳菲。鶯眠柳嵌黃金嫩。蝶宿花含美玉奇。恨殺孤眠味。一見了花花草草。不由人切切悲悲。〔梅云〕我見姐姐這兩日神思悶倦。走也怕待走。姐姐。你也寬解些。快休如此。把眉頭放展些。〔旦唱〕

〔五煞〕雙眉鎖黛顰。一心愁悶已。青娥素女思量意。眼見的紅稀綠暗花零落。透戶穿窗柳絮飛。春去也無歸計。因此上心慵意懶。力鈍行遲。〔梅云〕姐姐。你夜來因何一夜不睡。只聽的你長吁短嘆的。卻是怎生說。〔旦云〕你不知我心腹之事。教我怎生睡的着。怎不長吁短嘆。〔梅云〕姐姐有甚緣故。說與妾身知道。〔旦唱〕

〔四煞〕輕寒透碧紗。孤燈照繡幃。譙樓禁鼓頻頻播。月移窗影攏心事。風擊簾

攏攪夢回。一弄兒淒涼味。不由人長吁短嘆。廢寢忘食。〔梅云〕姐姐。你怎生也不梳

妝打扮。這兩日清減了好些也。〔旦云〕怎道的不清減。教我有甚心腸打扮。〔唱〕

〔三煞〕懶將胭粉勻。怕描眉黛齊。羞臨寶鏡梳雲髻。低垂袖口鬆金釧。寬掩裙腰減玉肌。扭寬方勝添憔悴。懶拈針線。倦整羅衣。〔梅云〕看姐姐這等模樣。今春比去春愁更多些。〔旦云〕休比前春。我則這兩日。比往日也不同也。〔梅云〕偏這兩日怎麼。〔旦唱〕

〔二煞〕且休將前春比去春。則今日勝往日。此時煩惱何時已。天台未遇桃源士。驛路難通梅信息。巫娥怎得高堂會。身心撩亂。情性昏迷。〔梅云〕姐姐休愁。便愁呵。也不濟事。你且看這簡帖兒。〔旦云〕甚麼簡帖兒。你怎生這一會不拿出來。〔梅云〕我得早將出來。又怕姐姐惱將起來呵。婢妾又吃打也。〔旦云〕我不惱你。將來我看。〔梅尋科〕〔云〕呀。袖子裏無有。怕敢掉了。〔旦云〕你這丫頭。休打哄我。快將來我看。〔梅云〕果然掉了。無處尋去。〔笑云〕有了有了。卻在懷裏。兀的你看。〔旦接念科〕〔旦長吁科〕〔梅云〕姐姐。你看了這詩。怎生長吁氣。〔旦云〕我不見這詩倒好。見了這詩。越添煩惱。〔梅云〕姐姐。你心中待怎的。〔旦云〕我也當回他一首去。〔梅云〕從你回他也得。不回他也得。〔旦唱〕

〔一煞〕青鸞信已傳。紅葉詩再題。漢相如當與文君配。我在這碧桃花下癡呆。

等。你去那藍水橋邊久耐立。美多嬌正遇風流輩。幾時得鴛鴦交頸。鸞鳳同棲。

〔梅云〕姐姐。愁也不濟事。和那生成就便了。〔旦云〕既是如此。我再寫一簡帖兒。你與我送去。

〔梅云〕姐姐。你寫將來。那生怕敢等也。〔旦寫簡與梅科〕〔梅云〕姐姐。這簡帖兒怎生說。〔旦云〕你則管送去。〔梅云〕你早則不怪我了。你卻央及我也。〔旦唱〕

〔煞尾〕不將月老央。難通冰上媒。若要結絲暗約成佳配。則俺這美滿姻緣盡在你。〔下〕老母失閨門教訓。惜春去遞簡傳詩。秀才要假紅倚翠。小姐得病染相思。

第三折

〔正末上〕〔云〕幽亭寂靜客邊愁。爲憶多嬌恨未休。枕畔相思名利朽。化成胡蝶夢莊周。小生自到此處。安於翠蘭亭內。不覺旬日有餘。偶逢小姐在此花園游玩。見有顧盼小生之心。今梅香來索金環。小生寫了一首詩。央梅香捎去。小姐當時依韻和來。小生不見詩倒好。一見了那首詩。教我神思不寧。身心飄蕩。復寫一詩捎去。今日這早晚。還不見分曉。〔梅上〕〔云〕早來到書房中也。〔做見正末科〕〔云〕先生萬福。〔正末云〕娘子請坐。此事若何。〔梅云〕俺姐姐見了先生佳作。忽然有感。今日着我送一簡來。先生。你念與我聽。〔正末接念云〕春殘無奈悶懷驚。惟恐姻緣事不成。約爾今宵同會合。相思此處自然寧。多謝小娘子。此事諧矣。小姐今晚來與小生赴約也。

〔梅云〕誰說。〔正末云〕這詩上分明說着哩。娘子再與小生捎詩簡去。〔梅云〕將來。〔正末寫科〕

〔梅云〕你念與我聽。〔正末念云〕久憶芳卿事未諧。重承雅意付詩來。區區今夜渾無寢。相期同赴楚陽臺。〔梅云〕先生真棟梁之材。今夜您兩箇親自折證。小妾辭回去也。〔下〕〔正末隨下〕

〔正旦上〕〔云〕梅香將詩送那秀才去。這早晚不見回來。〔梅上見旦科〕〔旦云〕如何說。〔梅云〕他

今夜等姐姐哩。又着我捎一簡來。〔旦接簡科〕〔云〕惜春。此事中麼。〔梅云〕有甚麼不中。我與你同去。〔旦云〕若是老夫人知道。怎了。〔梅云〕不妨。等更深夜靜之時。老夫人睡了。怎生得知。〔旦云〕

這天色將晚也。夕陽倒影遲遲下。明月升空漸漸高。〔並下〕〔正末上〕〔云〕這早晚黃昏時候也。

小姐不知到甚時分來。我試出亭外等待着。呀。怎生還不見來。兀的不沒亂殺我也。〔唱〕

〔南呂一枝花〕情迷柳絮風。夢斷梨花月。秦關途路遠。楚岫霧雲遮。爲憶多嬌。懶將經史無心閱。把功名都棄撇。但能穀羅幃中竊玉偷香。勝強如書齋裏之乎者也。

〔梁州〕怎當他靜悄悄黃昏天氣。更遇着冷清清暮春時節。花陰寂寂春宵夜。魚沉鴈杳。信斷音絕。釵分鏡破。鉗墜簪折。我這裡悶懨懨盼殺人也。他那裡虛飄飄踪影無些。莫不是老夫人有嚴肅坐守行監。莫不是可憎才不志誠言差。

語別。莫不是小梅香莫終始性狡心劣。你說話切。緘帖兒約定來書舍。誰知你忒無藉。柳貌花容心似鐵。把俺虛啜。〔云〕小姐這早晚不來。怎生失了信也。〔唱〕

〔隔尾〕倚門兒立的我身子起。不覺的斗轉星移月漸斜。露冷蒼苔銀河瀉。腰肢瘦怯。情懷萬疊。只爲俺可意人兒。把我心拽掣。〔正旦上〕〔云〕惜春。這早晚甚時候

了。〔梅云〕姐姐想必有二更時分。老夫人睡的正濃。咱往後花園中去來。那生等久了也。〔旦云〕

只怕老夫人覺來尋問。怎了。〔梅云〕你若不去呵。那金環怎生得來。倘若老夫人問金環緣故。你

將何言對答。〔旦云〕既如此。咱去來。〔做行到園科〕〔梅云〕姐姐。兀的不是那生哩。〔正末見梅

問云〕小姐來也不會。〔梅云〕盼的你花了眼了。兀的不是小姐。〔正末迎見科〕〔唱〕

〔罵玉郎〕我則道嫦娥來會中秋夜。只猜做陽臺上夢夢楚。羅衣香裊噴蘭麝。風吹的寶髻偏。月照的龐兒俊。花壓的鬢雲斜。〔云〕小姐呵。我則道你不來了。〔旦云〕

妾恐老夫人知覺。以此來遲。怎肯負了信約。〔做入亭科〕〔梅云〕我與你拽上這門者。〔正末與

旦解衣科〕〔正末唱〕

〔感皇恩〕呀。他將那粉臉忙遮。我將他衫袖輕拽。把他那紐扣鬆。羅帶解。翠裙揭。似游蜂戲蝶。意美情悅。則見他臉生春。肌凝玉。眼乜斜。

〔採茶歌〕枕頭上訴離別。被兒裏誓盟設。相偎相抱兩情熱。緊靠酥胸春透也。嬌羞無奈雨雲歇。〔旦云〕妾棄千金之體。與你偶成佳配。先生休負了心也。〔正末云〕小姐之恩。終身不忘也。〔正末出金環科〕〔旦云〕妾非因此物而失其名。蓋慕先生之才貌也。〔老夫人急走上〕〔云〕好女孩兒。做出這等事來。〔梅上〕〔云〕姐姐。老夫人來了也。〔旦末做慌科〕〔老夫人云〕快出來。〔旦末跪科〕〔老夫人云〕好秀才。你做下這等勾當。我想來都是這小賤人逗的。〔梅跪云〕老夫人在上。容妾訴一語。非婢妾之罪。皆老夫人之過也。自先人棄世之後。別無他屬。止有老夫人小姐。妾想當日楊生到此。只可賣發盤纏。教他於別處安歇方可。老夫人卻將他留在翠蘭亭中。前日小姐同婢妾。在此花園游玩。使佳人才子。臨風對月。心非木石。豈無所思。今既失其事。不必聲言。乞老夫人隱蔽骨肉之醜。將小姐納此楊生爲婿。他日騰登雲路。穩步蟾宮。那時夫榮妻貴。也不辱沒了先人之志。卻不強如久居於此。請老夫人思之。〔老夫人云〕這妮子倒則由了你也。兀那秀才。我女兒已與了你爲妻。你便上朝取應去。若得官回來。與你同回錢塘去。〔正末云〕既老夫人許了親事。小生明日就行。〔唱〕

〔尾聲〕想着俺幽歡密愛應難捨。都做了月缺花殘絃斷絕。誰承望火焚祆廟。烟光烈。心中想者。如何憶別。只爲他美貌妖嬈。把我意兒惹。〔下〕〔老夫人旦同下〕

老尊堂花陰覓跡。小妮子柳影棲遲。俏書生星前暗約。風流女月下偷期。

第四折

〔正末騎馬上〕〔云〕男子功名志氣餘。昨宵燈下一寒儒。來時琴劍隨身物。歸去身乘駟馬車。小官楊仲賢是也。自到京華。一舉進士及第。幸蒙除授本府府尹之職。琴童收拾鞍馬。便索前去南陽縣。與同老夫人賢妻。一同赴任前去。〔下〕〔正旦上〕〔云〕妾乃秦月娥是也。自從與丈夫相別。不覺二載有餘。至今杳無音信。又不知得中不曾。方今正遇暮春時候。柳暗花明。不想起來便罷。想起來好是煩惱人也呵。空倚翠闌人不見。無心對景暗傷懷。〔唱〕

〔雙調新水令〕滿懷思慮爲何郎。淡蛾眉把妝臺懶傍。愁隨花瓣簇。情繫柳絲長。無限淒涼。小脚也怕去上。

〔駐馬聽〕魂夢飛揚。靜悄悄孤枕獨眠恨夜長。風光飄蕩。撲簌簌殘紅滿樹落東牆。踢團圓銀蟾斂彩下迴廊。亂紛紛綠槐移影紗窗上。情鬧穰。怎禁他半明不暗燈兒晃。〔梅云〕姐姐休煩惱。姐夫早晚待來也。〔旦云〕知他幾時來也。〔唱〕

〔鴈兒落〕知他甚何年歸故鄉。空教我每日把行人望。也不曾占鰲頭題鴈塔。多應在章臺路平康巷。

〔得勝令〕相伴着杜韋娘。留戀住畫眉郎。孤負了離魂女。成合了取命娼。參詳似蝶宿牆花上。思量鶯迷路柳傍。〔下〕〔正末上〕〔云〕早來到南陽也。進的城來。早到妻家門首。無一箇人。我自進去。岳母有請。〔老夫人上〕〔見科〕〔正末拜科〕〔老夫人云〕呀。你得了官也。叫孩兒出來。〔梅上〕〔云〕姐姐賀萬千之喜。姐夫得了官來了也。〔旦云〕你休虛說。〔梅云〕你不信。白看去。見在前廳上見老夫人哩。〔旦唱〕

〔醉太平〕昨宵繡房。今日蘭堂。坐間兀自細參詳。夢魂惚恍。見靈鵲兒爭噪高枝上。觀燈花兒喜爆銀缸放。看喜蛛兒絲繞畫檐傍。把周易論講。〔梅云〕姐姐快出來。姐夫等着厮見哩。〔旦云〕慌怎麼。〔梅云〕比是你不慌呵。休要想他。〔旦唱〕

〔清江引〕我如今早則不心內想。一見了情舒暢。安排翡翠衾。準備鴛鴦帳。休猜做夢兒中空打攘。〔正旦上見正末科〕〔云〕足下進取功名。爲何許久不回。〔正末云〕娘子。小生自到京師。雖中科第。不得急選。以此遲悞。〔旦云〕除授何職。〔正末云〕託賴老夫人小姐之德。小生一舉成名。今除本府府尹之職。〔旦云〕誰想有這一步也。〔唱〕

〔水仙子〕你今日羅袍袖惹御爐香。一舉成名遠近揚。誰想你立花陰脚步占鰲頭上。淫詞兒做了錦繡章。插宮花御酒肥羊。民庶子爲卿相。是男兒當自強。

夫婦每衣錦還鄉。〔正末云〕娘子。怎生這般形容憔悴了。〔旦云〕妾有衷腸滿腹。今日對才郎慢慢告訴。〔正末云〕有話但說無妨。〔旦唱〕

〔折桂令〕我安排着無限衷腸。單等你箇司馬相如。訴說俺萬種淒涼。未曾言多。相見不記。見面都忘。今日箇打疊起千思萬想。怎下的說短論長。子細思量。其實難當。你問我憔悴形容。恰纔敢申訴行藏。〔老夫人云〕孩兒既選爲本府府尹。明日就收拾行李。一同前去。如今先安排慶喜筵席。一來慶喜。二來辭別此處官員。休得待慢。〔下〕

〔旦末入房科〕〔旦云〕惜春點上燈者。〔旦末就寢科〕〔正末云〕小生自到京以來。形於夢寐。誰想今日又重歡會。小生賦詩以志喜。〔旦云〕妾身願聞。〔正末云〕夫婦團圓。敍舊親。羅幃歡會。許多春。酥胸滑膩。鴛鴦冷。玉腕交加。鸞鳳新。失意喜逢還得意。舊人尤覺勝新人。寄語銅壺司漏者。蒼蛟莫得往來頻。〔旦云〕夫婦會合。豈偶然耶。〔唱〕

〔鴈兒落〕想昨宵恨夜長。到今日愁天亮。怕孤眠入繡幃。喜共枕歸羅帳。〔得勝令〕恰便似巫山女引襄王。桃源洞會劉郎。河鼓逢織女。梁鴻配孟光。成雙。沙暖鴛鴦蕩。同牀。碧梧棲鳳凰。〔云〕不覺天明了也。〔正末云〕四蹄玉兔雲間落。兩翅金烏霧裏高。〔梅上〕〔云〕姐姐。你早則不愁了。姐夫。你把甚麼謝我。〔正末笑云〕但願同享富貴。

〔梅云〕您兩箇夫婦團圓。婢妾口占數句以賀。敬聞男女婚姻匹配。夫妻居室大倫。君子好逑淑女賢才可聘佳人。楊生文章魁秀。月娥第一釵裙。才子因愁玩景。佳人釋悶游春。相視眉來眼去。見了有意留心。賞罷金環失卻。歸來寶物無存。勾引憐香惜玉。招呼密雨攜雲。兩箇夫榮妻貴。一雙出類超羣。白顏相守歡樂。團圓永遠千春。〔旦唱〕

〔沽美酒〕若不是老夫人有主張。匹配了鳳鸞凰。夫婦團圓拜上蒼。男兒志四方。今日也再成雙。

〔太平令〕不枉了婦隨夫唱。纔得箇地久天長。只願的永同鴛帳。把往日相思拋漾。夫妻每願償。不忘佳人配俊郎。俺兩箇愁眉展放。

題目 老夫人自主成婚配 小梅香做美將春遞

正名 楊仲賢游玩看花園 秦月娥誤失金環記

于小穀本錄校大略與東牆記不甚相遠乙卯二月廿二日清常道人記

風月南牢記

闕名

楔子

〔旦扮李善真引小旦金蘭上開〕獨守香閨二十年。老天差配好姻緣。常思往日佳期事。泪濕羅衫損翠鈿。妾身姓李。小字善真。祖貫河南彰德府人也。年方二十二歲。自幼隨父來山東兗州府探親。因此就流落在兗州府居住。別無營運。止靠彈唱過日。專一在大小王府官員上戶人家彈唱。求覓幾貫錢鈔度日。這本城統制徐官人。生的風流美貌。又兼品竹彈絲。拆白道字。無不能者。他請俺去他家彈唱。一席酒中間。俺兩箇兩意相投。十分情順。只指望天長地久。永遠團圓。不想我父將我嫁與校尉周敏爲妻。因爲與徐官人舊情不斷。周家知覺。將俺告了一狀。幾乎把徐官人前程丟去。斷送的俺不許上他家門。近來聞的他害些病症。多管是憂慮出來的。欲待看他一遭。又恐公婆知道打罵。欲不看他。又難捨往日之情。不免央浼同行姊妹劉大姐。轉問一聲。改日俺偷工夫望他。也不遲哩。金蘭你去請劉大姐來。〔小旦應下〕〔旦云〕我想姻緣姻緣。事非偶然。既然相識。好難離也呵。〔唱〕

〔賞花時〕只爲我一曲尊前抵萬金。因此上引起偷香竊玉心。他意好。俺情深。

空着人忘。浪廢寢。虛度了好光陰。〔云〕他如今染病在牀。不說俺家拘束的緊。只說俺知

恩不報恩。只見有錢的好哩。〔唱〕

〔么〕非是俺知恩不報恩。錯猜做錢親人不親。俺是箇良人婦。你是箇有職人。因此上應難親近。好着我無語暗消魂。〔下〕

第一折

〔末扮徐統制上〕〔云〕轅門無警。畫常關。談笑風生。虎帳寒。廳上一呼百諾應。白金橫帶錦袍寬。下官姓徐名仁字天常。見充交州護衛統制官之職。念自己職居六品。掌握百軍。雖非朝廷耳目之司。實係魯邦牙爪之寄。且喜四方安泰。藩府無虞。正是俺武職每安樂之時。大丈夫逢敵捨死。遇樂追歡。正此謂也。每日家舞殘楊柳樓頭月。歌徹桃花扇底風。近來本府城中。有一女子。姓名善真。人物彈唱。無出其右者。因此下官愛他。每日與他飲酒。言來語去。彼此留情。所以勾搭上了。相交的如膠似漆。如糖似蜜。如魚似水。如酥似髓一般。他公婆識破。將俺告了一狀。把俺姻緣隔斷。我這幾日臥病在牀。又兼暮春天氣。好煩惱人也呵。正是暫拋報國忠臣志。且作撩雲撥雨人。〔唱〕

〔仙呂點絳脣〕臘盡春回。豔陽天氣。和風細。景物稀奇。引起俺一片芳心碎。

〔混江龍〕想着那去年今日。此時光儘我恁情爲。雲淡淡好天良夜。月娟娟人物相宜。喜孜孜綺筵開玳瑁。霧濛濛香篆裊。殺排異品。果列珍奇。詞歌玉樹。酒泛金罍。直喫的銀缸滅。酒盃乾。珠簾低。簾重門閉。到如今都做了充饑畫餅。止渴思梅。〔云〕今日無事。看有甚麼人來。〔淨扮劉大姐上〕〔云〕自己姓劉名壓。說起彈唱不會。昨日有人請我。與他相伴配對。鬚髻壓的稀爛。羹薦揉的粉碎。你說人不敬我。都在我跟前深深下跪。自家劉千妻劉壓兒是也。昨日李大姐央我去徐家寄一箇音信。徐官那人。我倒也看上他。正待往他家走一遭。這一遭。恰好遇見此事。最妙最妙。正是能開皮解庫。會做撮合山。〔做行科〕〔云〕不覺早到了徐家門首。不免進去。〔做見科〕〔云〕徐官人萬福。〔末云〕劉大姐家中坐。〔淨云〕入門休問榮枯事。觀見容顏就得知。徐官人。你如何眉頭不展。面帶憂容。爲甚來。〔末云〕說不的。〔唱〕

〔油葫蘆〕你說俺憔悴憂愁爲甚的。心中事你怎知。〔淨云〕你如何清減了。〔末唱〕人道俺沈腰寬褪舊時衣。〔淨云〕你往常時見人十分和氣。今日如何不似舊時。〔末唱〕往常時歡天喜地言和氣。今日箇愁山悶海壓眉際。〔淨云〕你敢是這幾日多飲了酒來。〔末唱〕這些三時幾曾將綺筵排。〔淨云〕敢是讀兵書使的困倦了。〔末唱〕這些三時幾曾將

韜略習。一椿椿問的俺無支對。空着我無語淚雙垂。〔云〕你猜不着。〔淨云〕你這病不猜便能。一猜就着。〔末云〕你試猜。〔淨云〕你口裏強。心裏熱。必定思量李大姐。是也不是。〔末云〕這妮子倒也猜着些。〔淨云〕李大姐央我寄口信。說好不說好。〔末云〕好歹說說。〔淨云〕既然教我說。你那裡跪着。方纔說與你。〔末云〕你若肯說時。有何難哉。〔唱〕

〔天下樂〕我這裡叉手躬身忙下禮。妙人兒在那裡。不知是那搭兒曾見你。說來的言語捎與誰。既難忘舊日情。却如何音信稀。〔做跪科〕〔淨云〕請起請起。李大姐說來。多多拜上你。待來看你。恐周家知道打罵。着你保重將息。休得爲他憂慮成病。改日得空。便來看你。〔末云〕聽了你這言語呵。〔唱〕把俺這舊相思從新又害起。〔淨背云〕徐官人好箇誠實君子。又兼人物俊雅。我今假捏一篇辭。將他唆犯。教他去開李善真。好歹纏上他。多少是好。〔向末云〕徐官人常言道。癡心女子負心漢。今日到做了負心女子癡心漢。〔末云〕怎麼說。〔淨云〕你這幾日爲李大姐一絲兩氣。茶飯少進。行思坐想。夢斷魂勞。豈不是癡心漢子。李大姐每日家搽搽畫畫。抹抹丟丟。歡天喜地。歌笑喧呼。豈不是負心女子。他往常時在你面上好來。他近來不知如何別了。纔然看時。不過面情而已。必定有了別人也。你何故只管苦苦想他。〔末云〕李大姐之情。實決無此事。你說的不耐煩了。〔唱〕

〔那吒令〕進門來無禮。數黃來論黑。不照顧自己。說別人是非。婆娘家見識。纂作着哄誰。也不傳魚鴈書。來拆俺鴛鴦會。做甚麼蝶使蜂媒。〔淨云〕徐官人你這等說呵。想是你怪我了。古人云。良藥苦口利於病。忠言逆耳利於行。我爽利一發說了。信不信由你。徐官人。你只知在家裏坐地。你不知李大姐如今。大街小巷。那箇去處不得走。縱橫自在。那箇人家不得串。十朝半月。那箇王府不得住。碗酒塊肉。那箇孤老不得與他喫。話既說盡了。我去也。〔虛下〕〔末云〕劉大姐。你且住着。這話想必是實了。〔淨云〕我的言語。並無虛假。〔末唱〕

〔鵲踏枝〕我這裡用心機。審虛實。暗暗評跋。漸漸生疑。莫不他真箇這等所爲。沒來由爲爾成疾。〔云〕思量這等之事。好氣人也。他既斷絃再續。俺也缺月再圓。劉大姐。你不嫌小官微末。咱兩箇同諧連理。永遂于飛。你心下如何。〔淨云〕不嫌奴家妝殘貌陋。情願鋪牀疊被。怎敢說相交二字。〔末云〕既然如此。我心中歡喜也。〔唱〕

〔寄生草〕撇罷了相思債。準備着風月期。咱兩箇月前攜手同行立。花前排宴同沉醉。燈前談笑同歡會。重整起朝雲暮雨楚陽臺。再休題玄霜玉杵藍橋驛。〔淨云〕徐官人。我今日與你相交。休忘恩失義。也不敢負德辜恩也。〔末唱〕

〔後庭花〕長門賦再休題。臨邛琴不暫離。賦寫阿嬌恨。琴將卓氏迷。咱兩箇共

相攜共言盟誓。重安排慶喜席。同執着合巹盃。直喫的譙樓畫鼓催。銅壺上玉漏滴。看銀河影漸西。喜更闌星漸稀。

〔青歌兒〕直喫的醉醺醺金釵斜墜。困騰騰黛眉顰翠。移轉銀燈下繡幃。半掩朱扉。款褪羅衣。並枕同席。交股貼肌。醉眼迷希。嬌臉相偎。悄語低低。香汗微微。款款依隨。漸漸昏迷。直睡到日出三竿夢初迴。醒來呵尙覺嬌無力。〔淨云〕徐官人我回去也。恐怕劉千知道怪責。〔末唱〕

〔賺煞〕今日暫相離。明日重相會。要相逢不離了花前月底。趁着這美景良辰。莫負期。赤緊的好姻緣不用良媒。每日家共歡娛步步相隨。似這等花酒疎狂怕怎的。有這等風流豔質。千嬌百媚。既相逢懊恨見時遲。〔同下〕

第二折

〔旦扮李善真上〕〔云〕斜倚闌干人獨白。舉頭倦聽杜鵑聲。妾身李善真是也。自情人徐官人有病。一向不知音信。今日趕箇空。便瞞着周家去走一遭。看看他多少是好。目今殘春已過。首夏將臨。對景傷情。好煩惱人也呵。〔唱〕

〔黃鍾醉花陰〕紅瘦綠肥送春早。枝頭上青梅豆小。新荷展。午風搖。淇筍抽條。

春事一場了。猛想起舊知交。鴈墜魚沉音信杳。

〔喜遷鶯〕舊時容貌。到如今玉減香消。無聊。漏聲長夜靜悄。更有那幾件兒淒涼。厮湊巧。着聒的人心越惱。聽不上風敲鐵馬。更那堪雨洒芭蕉。〔云〕行走着言語。不覺早到徐官人門首。不免叫門者。〔叫門科〕〔末同淨上〕〔云〕劉大姐。不知誰叫門哩。〔淨云〕我看去。〔旦云〕徐官人在家不在家。〔淨云〕不在家。不在家。〔旦云〕那去了。〔淨去〕跟了小秋香往鄉里耍去了。〔旦云〕休胡說。開門來。〔淨開門科〕〔笑云〕呀。我道是誰來。却原來是你。一向沒會你面。險些不想殺我。〔旦云〕你常常在此何幹。〔淨云〕來與你捎信來。〔旦云〕靠你捎信。倒悞盡了也。〔唱〕

〔出隊子〕你是箇不誠實材料。悔從前將你託。一團和氣盡虛囂。滿面春風笑裏刀。不顧朋情生死交。〔淨云〕我又不曾傷着你。你倒怪我。徐官人正想你哩。咱見他去來。〔做見科〕〔旦云〕徐官人萬福。〔末云〕是誰。〔淨云〕李大姐來看你哩。〔末云〕我不認的他。〔旦云〕呀。他變了心也。〔唱〕

〔么〕見了他語言倨傲。不由人心內焦。想當時同歡席上飲香醪。同坐花間品玉簫。把往日恩情都忘了。〔末云〕你是箇情難行濫之人。和你有甚麼話說。〔旦云〕徐官人錯

矣。想當初我爲你受了無限苦楚。你豈不知。我怎肯情難行濫也呵。〔唱〕

〔么〕這苦向誰行申告。今日箇一椿椿對你學。我爲你伯俞杖曾受不辭勞。孟光案無心且放却。鄰里親朋都罷了。〔云〕徐官人。你說我情難行濫。是誰對你說來。〔淨云〕

你休撇清。每日你腰裏帶的搭口荷包。袖子裏袖的汗巾。川扇。不是情人與你的。是那裡來的。〔旦云〕妹子。原來是你搬調的。論同行姊妹。徐官人還是你姐夫哩。不得無禮。〔淨云〕無禮無禮。我自姓劉。你自姓李。你也管不的我。我也管不的你。你也管不的我。我也管不的你。米。小姨從來是姐夫貼戶。〔旦云〕潑才氣死我也。〔唱〕

〔么〕也有箇先來後到。反教俺無下梢。烏鴉要奪鳳凰巢。砒砒難同美玉好。稂莠芝蘭自美惡。〔云〕徐官人。好有眼無珠。不識好人也。〔淨云〕徐官人就裏有眼有珠。似我這等。又白又俊。又美貌又妖嬈。花樣般標。柳樣般柔。似你又胖又蠢。又愚魯又濁才。情難行濫。扯皮調謊。徐官人怎肯和你好。〔旦云〕這歪婦好氣人呵。〔唱〕

〔刮地風〕聽了你騙口張舌無大小。賣弄你美貌妖嬈。負心賊不管青和皂。一謎裡信他搬調。我說的話句句不着。他說的事件件聽着。好着我氣如噎。心似醉。珠泪雙拋。想從前俺做的錯。相思病枉爾徒勞。〔淨云〕李大姐一起語言利便。休要

哄犯了你。〔末云〕我知道。〔旦哭云〕徐官人當原怎生和你然香說誓來。〔唱〕

〔四門子〕燒明香共把神明告。負心的先壽夭。只想著永歡娛。至此無着落。是前生緣分薄。我爲你我爲你占了些燈。卜了些鵲。擲金錢幾番花下禱。耽了些驚。受了些嘲。指望待白頭到老。〔淨云〕徐官人。嗜房中飲酒去來。休理那歪婦胡云。〔旦云〕你去時。我還有三句話分付你。〔唱〕

〔古水仙子〕你你你自量度。是是是當原俺做的錯。悔悔悔俺的心癡。恥恥恥被人談笑。我我我愈清白愈素縞。儘儘儘共別人鳳友鸞交。聒聒聒家翻宅亂不住炒。啾啾啾麝妻打婦常常鬧。將將將惹下禍根苗。

〔尾聲〕屈指佳期盼來到。到如今貓咬尿胞。短嘆長吁捱不到曉。〔下〕

第三折

〔末上〕〔云〕幼年未講六韜書。祖職叨承慶有餘。閑坐公堂無箇事。且將花酒自歡娛。下官徐統制是也。念自己別無能奈。叨承祖父職業。安享富貴。想俺祖宗櫛風沐雨。臥雪眠霜。帶甲而食。裹創而戰。當原艱業。好艱難也。〔唱〕

〔中呂粉蝶兒〕奮勇勤王。只待要立功勛萬人之上。趕胡元北地潛藏。太平年。

無士馬。黎民歡暢。班封爵大賚八方。俺徐門亦蒙祿養。

〔醉春風〕雖然是六品職卑微。也消得一封勅誥獎。俺如今叨承父祖舊門風。怎不教人仰。仰。仰。只願的無是無非。無憂無喜。無得無喪。〔云〕左右。今日無事。與我

後宅中請出劉大姐來。〔淨上〕〔云〕徐官人請俺出來。有甚緣故。〔末云〕只是請你閑飲一杯。

〔淨云〕既然如此。安排酒來。待我唱着。你喫一杯者。〔末云〕仔細觀看劉大姐容貌。好動人也呵。

〔唱〕

〔紅繡鞋〕裙半掩榴花初放。臉輕勻菡萏生香。又聰明。又俊雅。又安詳。眉帶三春柳。肌沾九秋霜。假若還不貪他。都是謊。〔貼淨上〕〔云〕又無買賣。又無貨。不忍單寒。不忍餓。金銀錢鈔。將來。一生只靠區區過。自己不是別人。臧大姐是也。一生別無營運。止靠彈唱爲生。家住左所四舖。接的孤老無數。問我那箇知心。李中王安。這都是主顧。這一向造化低。把舊孤老都開了。近來聞的人說。徐統制丟了李善真。纏上劉墜兒。徐統制我多日有心愛他。纏了幾番。只是不得空便。倒着這小奴才。將徐官人占了。今日無事。去他家走一遭。一則趁趕些錢鈔。二則將幾句動情的言語。調戲他。教他好歹。蹬了劉墜兒。養上我。不免的多搽胭脂。廣穿衣服。打扮的標致着。難得打動他眼時。不怕他不上心。正是不施萬丈深潭計。怎得驪龍領下珠。〔做到徐

家科〕〔末云〕臧大姐多日不見。請進來同飲酒者。〔貼云〕徐官人。劉大姐。賀喜賀喜。〔淨云〕何喜可賀。〔貼云〕今日你二人做夫妻。如魚似水。歡娛快樂。如何不喜。〔末云〕多承挂念。左右與我重添美醞。再整盃盤。咱三人再飲一盃。〔飲酒科〕〔末唱〕

〔石榴花〕見如今金風乍起露華涼。喜丹桂散天香。橙橘纍纍恰迎霜。正清秋氣爽。半掩着綠窗。紅蚶紫蟹偏肥壯。黃雞嫩白酒盈觴。佳人把盞紅兒唱。直喫的明月轉迴廊。

〔鬪鶻鶻〕似這等人月團圓。也合那同尊玩賞。受用些酒釀花濃。煞強如眠思夢想。〔貼云〕徐官人。咱二人換幾盃着。〔貼與末換酒並坐科〕〔淨怒云〕臧家。人不說不知。本不鑽不透。想當日你與你孤老相纏着。你請我到你家唱。我只和你孤老飲了一盃酒。又無別事。你也亂徐凱也亂。你娘也亂。你老子也亂。你小四漢也亂。都鬧的潑天。我跪着。你還不饒哩。我今日又沒請你。自雌將來。大膽潑勢。與俺孤老一搭坐地。搯搯捏捏。摩摩落落。一遞一口喫酒。一遞一口過菜。却使的你麼。我這舊仇待要報也。〔貼云〕劉大姐。君子不念舊惡。休阻俺一時之興。〔淨云〕胡說。你心愛的我心也愛。熱禿禿的孤老。你平白地就要奪了俺的。却使的你麼。快過來便罷。〔淨扯貼科〕〔貼不動科〕〔淨罵科〕〔末云〕你二人攘死我也。〔唱〕聽不上歪談較短長。輕也麼狂。滿口裏浪

語閑言。一謎裡胡謔亂攘。〔云〕你二人休閑說。咱行令耍笑者。〔貼云〕如何行。怎生道。〔末云〕每人四句口號。說各人私事。荒字落腳。作的好的免飲。作的不好的飲一大盃。等我先說。〔貼云〕顯聞。〔末云〕去養王秋香。人趕正跳牆。被狗咬住腿。問我荒不荒。〔淨貼云〕妙妙妙。〔貼云〕該我道。昨夜甚清涼。李中來上牀。徐瞎堵住門。問我荒不荒。劉大姐。該你道哩。〔淨云〕馬家酒正香。纔與漢子撞。四老爺拿棍來。問我荒不荒。〔貼淨醉科〕〔貼與末同坐〕〔云〕徐家。咱兩箇漏支湖。納黍沁頭吉子。水仙子。好麼。〔淨云〕你好小膽。爲徐家。我和李大姐合了無限氣。方纔爭將來。你又來奪人買賣。如殺父母哩。〔貼云〕不識羞。是你倒嫁的。〔淨云〕你若識羞時。不來纏也。〔末云〕兩箇醉婆娘。攘殺我也。〔唱〕

〔滿庭芳〕直喫的前合後仰。又三擺四。說短論長。似這等妙人兒。誰得相親傍。一謎裡顛狂。〔淨鬧科〕〔末唱〕絮叨叨鬧人幾場。〔淨吐科〕〔末唱〕臭烘烘滿地黃湯。腌臢相。若幹那西廂下勾當。殛死了俏張郎。〔淨云〕徐官人。嚙睡了罷。困殺我也。〔淨末起身科〕〔貼攔住云〕你上天。跟你上天。你入地。跟你入地。你睡時。我也睡。你耍時。我也耍。〔淨罵云〕歪臘骨。你這等纏漢子。不識羞。〔貼云〕誰是歪臘。你是歪臘。〔淨貼相打科〕〔末云〕呀。你二人這等攘鬧。更深夜靜。不怕人聽見笑話。〔唱〕

〔十二月〕你是箇良人家女娘。也學那無知行藏。拳丟去將他打重。口咬住你也着傷。怒狠狠揪脫衣領。可嗤嗤扯破衣裳。

〔堯民歌〕呀。本是箇綺羅筵。變做戰爭場。把一箇范張交。反作魏孫龐。一箇唇齧齒露怎還鄉。一箇皮開肉綻不服降。度也波量。當初虛指望。只想的同鴛帳。

〔貼云〕到喫了這賤才虧。今日天晚。且家去來。明日來和你算帳。〔下〕〔末云〕劉大姐。你這等行。莫不忒過分了麼。〔唱〕

〔耍孩兒〕自從與你相粘上。管的俺無私情勾當。俏人兒不知在誰行。生着你拆散鸞鳳。今日有甚虧心事。就和臧家打一場。誰再敢來相親傍。雖然他喫了些苦楚。少不的你也着傷。

〔尾聲〕從今後聽我忠直逆耳言。再不許你行惡并放蕩。假若依舊還無狀。我蹬開了你箇放潑的奴才。休要想。〔同下〕

第四折

〔扮龔常上〕〔云〕怒氣如虹貫斗牛。含冤負屈志難酬。猛思同氣遭折事。痛洒西風兩泪流。自家姓龔名常字秉彝。本府人氏。家中有一妹。先前嫁與統制官徐仁爲妻。不期徐仁纏上劉千的妻。

小墜兒被他搬調。將我妹朝打夕罵。折掇的三分似人。七分似鬼。數日前又將妹子用烙鐵渾身烙遍。如今看看至死。不久身亡。往常徐仁打罵。還想他有回心之日。所以不曾告理。今日既然恩斷義絕。少不的進他一本。爭出我妹子來。再有處置。正是不辭辛苦跋涉事。且作亭屯拯溺人。如今本已寫就。不免進去也。〔做行科〕〔云〕撚指間早到王城門首。不免進內。遙觀城闕。嵯峨萬丈。金碧輝煌。是蓋造的好也呵。〔唱〕

〔雙調新水令〕瑤臺玉宇紫金牆。瑞烟迷玉樓千丈。綠窗迷翡翠。碧瓦聳鴛鴦。盡都是蘭舍椒房。珠簾捲。繡帷放。〔云〕我就在這金水河邊承運殿下進本者。〔做跪科〕

〔唱〕

〔駐馬聽〕俺這裡頓首誠惶。千歲山呼啓國王。微臣干上。含冤負屈不尋常。可憐小妹命將亡。徐仁兇惡忒無狀。奸頑不可當。差官問理休輕放。〔念云〕臣龔常謹啓。爲職官倚勢。姦占良人妻小。苦勸不從。挾仇毀烙。重傷事。先年臣妹嫁與統制徐仁爲妻。不期徐仁姦占良家婦劉墜兒在家。因妹勸諫。被伊挾仇。調唆徐仁。用烙鐵烙傷。約有一百餘處。至今臥牀。不能動履。伏望睿恩。下令法司。拘提到官。明正其罪。庶使臣妹得生。兇徒知戒。謹具啓聞。伏候令旨。〔做叩頭科〕〔內應云〕奉令旨。着護衛掌印官問理明白來說。〔龔云〕本既准了。是好

簡聰睿賢王也。〔謝恩科〕〔唱〕

〔沉醉東風〕謝睿恩辨明冤枉。量微臣何以克當。沐恩光九仞高。願聖壽千年上。保山河萬載無疆。發政施仁四海揚。太平世尊榮坐享。〔云〕本既准了。不免去衙門前伺候去也。〔下〕〔扮徐仁同淨上〕〔淨云〕老鴉哇哇叫。眼皮梭梭跳。必定有禍來。誰着你常常鬧。耳又熱。眼又跳。想是人家請我得錢鈔。〔末云〕我眼也跳。〔淨云〕左眼跳。右眼跳。〔末云〕左右眼都跳。〔淨云〕左眼跳錢。右眼跳拳。今日想必又有拳。又有錢。正是不喫上司重重棒。安得財源滾滾來。徐官人。一定你本管軍人來告狀。好歹多問他討些錢鈔。咱兩口兒盤纏。〔牢子上〕〔念云〕懼法朝朝樂。欺公日日憂。劉大姐。衛上老爹有請。〔淨云〕好靈驗。今日有錢了。甚客喫酒。請我彈唱。〔牢子云〕請你伏侍獄神娘娘喫酒。〔淨云〕這話不巧。〔牢子云〕徐官人。你也同走一遭去。〔末云〕長官。我多與你些錢。你說誰告着我哩。〔牢子云〕襲常着本進着你。你還推睡裏夢裏。〔淨云〕這眼跳都應在跳拳了。〔末云〕既有令旨。少不的與他辨理去也。〔末淨隨牢子行科〕〔末云〕早來到衙門前了。〔孤上〕〔云〕聲名巍巍振山川。位列王朝第一班。紫袍金帶職三品。銀甲彫戈士五千。閑開幕府延豪俊。悶向轅門把劍彈。幾度練兵歸去晚。惟聞鐵騎響珊珊。某乃兗州護衛掌印官。奉令旨問理徐仁一千人犯。行牌守提。未見回報。〔牢子引末淨上〕〔云〕復

老爹。徐仁到了。〔孤云〕且送監中去着。〔孤下〕〔牢子送末淨入牢科〕〔淨云〕聞得牢中受苦。不會得見。今日果然。清晨餓到日夕。晚夕凍到天明。好難過也。都是龔常那畜生告俺來。〔龔云〕潑婦。你還強嘴哩。〔唱〕

〔水仙子〕無端潑賤太不良。賣弄精細算甚強。天生一對貪淫像。詐骨頭無四兩。都是你唆徐仁打妹成傷。今日箇飛蛾投燈燄。蒼蠅落滾湯。到頭來你也遭殃。〔末云〕龔三哥。咱是箇至親。誰着你告俺來。〔龔云〕禁聲。〔唱〕

〔折桂令〕潑無徒大肆兇狂。本是箇至親瓜葛。誰肯把你家醜掀揚。只爲你斷却親情。撇開伉儷。絕去綱常。你家中不良人常招下三三兩兩。把一箇俊嬌妻打的來躲躲藏藏。你細細度量。暗暗參詳。你當原只說俺人善人欺。久以後少不的身做身當。〔孤上〕〔云〕今日衙堂無事。左右將囚簿來看。〔做看科〕〔云〕呀。牢中還有徐仁一起事未審。左右安排下刑具。提過劉墜兒來。〔末淨龔上跪科〕〔孤云〕那徐仁。你與劉氏有姦無有。〔末云〕委的沒有。〔孤云〕劉氏。你與徐仁有姦沒有。〔淨云〕小的與徐仁。酒也喫來。耍也耍來。笑也笑來。睡也睡來。都是連衣而臥。並無姦情。〔孤笑云〕此言不能無弊。〔龔云〕老爹。劉氏與徐仁姦淫一年有餘。妹子傷痕。已經勘驗明白。望老爹察情。〔孤云〕龔常。你把進本的詞。仔細說

我聽。(龔唱)

〔水仙子〕恩官聽俺訴衷腸。案下察情仔細詳。劉墜兒姦占一年上。妹喫虧豈是謊。他唆調的家敗人亡。俺若不興詞狀。想將來有禍殃。這便是進本行藏。(孤云)徐仁你還不認哩。左右與我拿去重打着。(打末科)(淨云)老爹休打徐官。只打小的罷。(孤云)如何只打你。(淨云)老爹。他是我的心肝。我是他的肉兒。打着心肝。肉兒也疼。打着肉兒。心肝也疼。省的費手費脚的。兩三樣家打。所以只說打我罷。(孤云)賤人。你還說沒姦哩。左右將劉氏拿下拶起來。(做拶科)(淨云)認了罷。就和俺老子睡了。也認了姦也。心肝打也打來。拶也拶來。都認了罷。(孤云)劉氏既認了。徐仁你如何說。(末云)他既認了。俺也免不的認了罷。(孤云)既都認了。與我供狀來。(淨末供狀科)(龔唱)

〔落梅風〕事發了莫用傷。誰知道禍從天降。詐啣啣搬調着尋鬧攘。少不的也輪到自家頭上。(孤云)招已串了。案已落了。不免押解衆犯。覆旨去也。(做行至朝科)(孤引衆跪科)(孤云)兗州護衛指揮使司掌印官臣某等謹啓。職官姦占良家妻女。毆妻傷重事。紀善所抄出奉令旨。着護衛掌印官問理明白來。敬此。除敬遵外。臣等會同衆官用刑。審得犯人徐仁等所供。與龔常本詞俱是真情。臣等參看得統制徐仁。姦淫良家婦女。行檢不修。行兇毆烙正妻。

彝倫何在。係行止有虧人數。律合革職爲民。情真罪當。劉千妻小墜兒淫風太著。與無夫之婦不同。憎嫉命婦。比婢妾之罪尤大。去衣行杖。法有餘辜。龔常告理得實。理合免罪。龔氏既稱義絕。難以復合。徐仁係職官。及劉墜兒等緣奉令旨。勘問明白。來說事理。未敢擅便。謹題請旨。〔內應云〕奉令旨。統制徐仁。本該治以重罪。但念臣子之情。姑安寬減。贖米柒石復職。劉墜兒淫風太著。但微其不成人。去衣決打。付本夫從其嫁賣。龔氏與徐仁既稱義絕。離異歸宗。龔常供明寧家。您衆官便與發落。不必復啓。〔孤云〕原定您罪時。恐令旨嫌輕。今一發減盡了。您衆人還不謝恩哩。


〔衆拜科〕〔齊唱〕

〔沽美酒〕舒眉尖喜氣揚。三舞蹈謝君王。俺只見禁衛朝臣列兩廂。遙望見螭頭陛傍。寶鼎內噴龍香。

〔太平令〕內建著紅羅寶帳。雉尾扇掩映龍牀。金鈎控珠簾低放。彷彿見天人之相呀。俺這裡稽顙敬仰。祝延上蒼。只願的永尊隆四爵之上。

風月南牢記 終

四十三年乙卯季春二之日校于本清常記



慶豐門蘇九淫奔記

闕名

唐國相拐衣妝首飾 孟懷仁鬧東郡南衙

兩幫閑攬餘雲剩雨 四公子折敗柳殘花

第一折

〔淨扮唐國相上〕〔云〕自幼不通經史。長成學就飄蓬。自號鑽天行者。人稱掃地旋風。小子姓唐名國相。祖貫山東東昌府冠縣人氏。幼年不幸父母雙亡。上無兄弟之託。下無妻子之靠。將家產變賣了幾兩銀子。去汴梁買馬。不想東飄西蕩。將本錢盡行折了。別無營運。合了幾箇好漢弟兄。取了些不義之財。不想被官司拿住。喫我花言巧語。滾將出來。今日來到這濮州慶豐門外安歇。我這主家孟懷仁。生的腌臢。他有箇婆娘。倒生的伶俐。況兼有些姿色。我昨日門前與他說了些話兒。我見他並無推辭。教我今晚上去。如今正是黃昏時候。我不免打點停當。赴約一遭去也。

〔下〕〔旦扮蘇九姐上〕〔云〕換卻羅衣出繡房。慶豐門外百花香。百花未必如人好。何事看花卻斷腸。妾身姓蘇。排行第九。本州人氏。自幼父母將我許與本州孟懷仁爲妻。誰想這厮是箇蠶物。百般不曉。人人都叫他做孟胖頭。思量起來。我是箇如花似玉的人兒。到落在他手裏。虛度青春。

何時是好。一會家思量起來。是好傷感人也呵。〔唱〕

〔仙呂點絳脣〕本是箇柳聖花神。又不犯寡辰孤運。將俺那爺娘恨。錯配了婚姻。虛度青春盡。〔云〕昨日有箇客人。姓唐名國相。來我家歇下。見他人物齊整。所事伶俐。我心中

十分愛他。曾與他約下。今晚相會。如今正是黃昏時候。想他敢待來也。〔唱〕

〔混江龍〕那日向門前談論。可正是不應親者強來親。纔能覷眉來眼去。便見他意重情真。好教我盼盼眼穿挨白日。煎煎腸斷送黃昏。假若是燕鶯巢成就了鳳鸞交。便是俺姻緣簿注定有夫妻分。戀甚麼不撐達的夫婿。怕甚麼能拘管的娘親。〔云〕如今起更以後了。如何還不來。卻不想殺我也。〔唱〕

〔油葫蘆〕俺這裡半控珠簾半掩門。恰合家人睡穩。我則見柳梢斜月冷侵人。窗兒外望一回全無信。牀兒上坐一會越添悶。倚圍屏托一會腮。抱曲膝打一會盹。又只怕有情人。口順心不順。又只怕牆兒高脚步費殷勤。〔淨上〕〔云〕我來到這裡。關了門也。須索跳過牆去。〔做跳科〕〔興旦見科〕〔旦云〕冤家這早晚纔來。險些不盼殺奴家。你也忒下的。〔唱〕

〔天下樂〕罵你箇無伎倆的喬才忒煞狠。將俺來勒掯。不由我心上嗔。〔淨云〕小

子得遇姐姐。是三生有緣。姐姐尊命。小子如何敢違。只是等人睡的靜了些兒最好。〔旦云〕這厮倒會哄人。〔唱〕卻怎麼見了咱。又將假意兒欣。〔淨云〕小子一片實誠。那得半分假來。天色有限。姐姐放快些兒罷。〔做科〕〔旦唱〕我這裡解羅衣意下遲。他那裡上牙牀心上緊。將俺這瘦怯怯的身子兒揉搓了箇昏。〔做起科〕〔旦云〕我愛你模樣兒風流。心性兒伶俐。但不曾問你是箇甚麼人。〔淨云〕姐姐你試猜。〔旦唱〕

〔那吒令〕若是箇士人。又不酸不文。若是箇匠人。又少斧少斤。若是箇客人。又無文無引。〔淨背云〕待小子哄他一哄。〔與旦云〕姐姐猜的都不是。小子是冠縣第一家唐尙書之子。有名的唐三舍人。平生最喜聲色。聞知姐姐一貌出類。特來這裡勾當。〔旦云〕原來如此。妾身有甚好處。敢勞公子用心。〔唱〕不嫌我皮肉粗。心腸笨。情願往執櫛持巾。〔淨云〕若得如此。小子就死也甘心。不知姐姐還肯和小子去否。〔旦云〕公子若肯相容。賤妾情願跟你去。不知幾時可去。〔淨云〕姐姐既是有心。和小子去。只今晚月明正好。再過幾日。被人看破。如何又得能彀。〔旦云〕既如此。等我到房中收拾些東西去。〔淨云〕快着快着。細軟的擎幾件兒罷。噯家中甚麼沒有。〔旦下〕〔轉上將包裹遞與淨科〕〔旦唱〕

〔鵲踏枝〕這是些碎金銀。這是件整鋪陳。這是箇珍珠挑星。這是箇琥珀掠雲。

〔淨背云〕常言道拐人不拐財。拐財不拐人。既得了他許多東西。又拐了這婆娘。後來必定犯了。不如支箇花子。走了倒是乾淨。〔向旦云〕姐姐且慢者。等我把這東西送在一邊兒。和你空身兒走的利便。〔旦云〕你先往那裡等我。〔淨云〕我只在北極廟上等。恐天色將明。走不多路。前面有箇黑米店。且在那裡安身。明日傍晚些兒走。〔旦云〕假若你去了。不等奴家。如何是好。〔淨云〕姐姐你好心多。我若瞞心昧己。蒼天在上。就教我做一名大強盜。再不爲唐三舍人。〔旦云〕既是如此。奴家也放心。〔唱〕我和你對青天把盟章兒奏准。你不要平白地負義孤恩。〔淨云〕姐姐慢慢來。我先去也。〔背云〕蘇九姐。你若再見唐拐兒。只等到五百年頭那一劫。〔下〕〔旦云〕那唐三舍去後。約有一箇更次。敢待來接我也。我索去休。〔唱〕

〔寄生草〕他相等在玄皇廟。同奔入黑米村。〔做出門科〕〔唱〕門兒響忙把磚兒攪。〔做跳牆科〕〔唱〕牆兒高先把梯兒頓。〔做走科〕〔唱〕脚兒小早把鞋兒褪。〔外扮老王上〕〔云〕瓜田不納履。李下不整冠。半夜三更。甚麼人在我田禾地裏走。敢是偷田禾的。〔旦唱〕呀路兒窄休使話兒塞。〔外云〕你是誰箇名姓。〔旦唱〕面兒生休把名兒問。〔外云〕原來是箇女子聲音。恰似隣舍孟懷仁的妻子。你半夜三更那裡去。快回來。不聽我說。明日對你婆婆丈夫說。〔旦云〕呀。不好了。〔唱〕

〔醉扶歸〕我道是三公子。原來是老鄉鄰。我這裡膽顫心驚嚇了魂。舌頭兒偏覺鈍。〔云〕公公。我出來打水。〔外云〕休胡說。打水如何從牆上出來。你的水桶在那裡。〔旦唱〕我恰待饒舌調唇。怎當他拔樹尋根。〔外云〕快實說了回去。〔旦跪下云〕我對公公實說了。可憐見放我過去罷。〔唱〕

〔金盞兒〕對年尊。訴實因。只爲楊花誤向風前滾。致使桃源迷卻渡頭津。〔外云〕呀。原來與人偷走了。快回去。若不快走。我拿你到家。〔旦唱〕你不去樹傍邀過兔。故來這桑下打奔鴉。〔外云〕你是好人家兒女。如何幹這等勾當。快回去。快回去。〔旦云〕妾身比兩箇古人。〔唱〕本待學李將軍逃紅拂。翻做了漢司馬走文君。〔云〕公公可憐。放我去罷。〔外云〕我勸他不依。我只叫他家中人便了。〔做叫科〕孟懷仁。孟懷仁。你老婆跟人走了。〔旦慌科〕〔唱〕〔賺煞〕他那裡大大的把名題。我這裡暗暗的將頭暈。〔卜內叫云〕好。賤人那裡去。〔旦云〕婆婆來了。如何是好。〔唱〕我就有五遁法將身怎隱。〔旦跳牆科〕〔外下〕〔旦唱〕那顧的肉綻皮開跌斷了筋。沒來由着鬼遭瘟。碎紛紛衣掛荆榛。止剩下一隻羅鞋半幅裙。〔卜內叫云〕賤人幹的好事。定然送你到官。〔旦云〕婆婆。奴家不是了。家醜不可外傳。饒了你兒這一遭罷。〔卜內云〕好。賤人還說甚麼嘴。怎麼家醜。屎污了屁股。只是一盆熱水。〔旦唱〕婆

婆你道是煎湯洗腎。我道是當風揚糞。只怕那臭名薰透了孟懷仁〔下〕

第二折

〔丑扮孟懷仁上〕〔云〕李大綱是城中樂戶。孟懷仁是關外白丁。他當差頭。卻沒婆娘。我有婆娘。卻無前程。〔做笑科〕〔云〕李大綱有名無實。孟懷仁有實沒名。自家不是別人。孟胖頭的是也。昨日奉俺媳婦的鈞旨。去地裏打蝗蟲。誰想他支出我去。與那唐國相幹了事。就跟他走了。被鄰舍撞見。拿的回來。依我說罷休。又不曾搗了邊。又不曾打了底。不爭趕了他。我這等模樣。誰再嫁我。俺娘千不肯萬不肯。寫了狀子。送到當官。自古道一字入公門。九牛拔不出。這早晚公差人敢待來也。〔衆扮皂隸上〕將卜旦丑外拿下。〔淨扮黃吏目上〕〔云〕自家姓黃名甲。淮安府人氏。由監生除授本職。自小子到任之後。行了些德政。治的那父慈子孝。兄友弟恭。義夫節婦。無邊的好事。真箇那上行下效。捷於影響。〔內云〕怎見得父慈。〔淨云〕聽我道。一人姓陳名儉。飲馬村口胡亂。兒子盡情打死。媳婦都要扒徧。這不是父慈。〔內問〕怎見得子孝。〔淨云〕聽我道。一人姓難名題。三子一母生之。盡將家財分去。老兒餓做精皮。這不是子孝。〔內問〕怎見得好兄弟。〔淨云〕聽我道。兩箇兄弟姓馮。哥哥氣的心風。地土盡情奪去。如今討飯城東。這不是好兄弟。〔內問〕怎見得好烈婦。〔淨云〕你若問我別的。我還答應的你幾樁。若論這節婦。就把小子嘴念腫了也說不盡。

別的都莫題口。昨日慶豐門外孟懷仁的媳婦。不是一箇可笑可笑。我今早已差人去請。敢待來也。我今上堂坐一會去來。〔衆押一行人上〕〔旦云〕烈烈天王法。只因違犯來。潭潭公相府。未保生死回。從來沒見官司。是好怕人也呵。〔唱〕

〔中呂粉蝶兒〕乍入黃堂。不由人魄消魂喪。兩邊廂吏卒成行。一箇箇虎狼威。鷹鷂手。搗搜模樣。〔衆喝科〕〔旦唱〕喝一聲轉過回廊。早跪到景姚堂上。〔淨云〕孟

懷仁。你試說一徧來。〔丑云〕小的口拙。着小的母親說罷。〔卜云〕老爹。小的狀上。俱是實情。

〔淨云〕蘇氏。你如何背夫逃走。通同姦夫。拐帶財物。這箇罪名兒不輕。左右取刑法過來。〔旦云〕卻是苦也。〔唱〕

〔醉春風〕我則見刑具積如山。方信道法條密似網。〔云〕老爹。小女受不了刑法。望老爹將就。〔淨云〕這賤人。你受不了我的刑法。你如何受的唐國相的刑法。左右與我拿下杖七十荆杖。蓋二十桑棍。拶一拶。夾一夾。〔衆拿旦科〕〔旦唱〕兩邊廂轉過數十人。他們直恁莽。莽繩扯住脚跟。棍攢住腰胯。鎖牽着頸項。〔杖科〕〔打科了〕〔旦哭科〕〔唱〕

〔紅繡鞋〕先打了七十荆杖。又蓋了二十柔桑。苦也嫩皮膚都做了棒頭瘡。〔拶科〕〔夾科〕〔旦哭科〕〔唱〕拶指兒誰曾受。夾腿兒幾曾嘗。〔淨云〕左右放了他。着他快

供狀來。問他箇應得罪名。〔旦唱〕他教我從實供。莫調謊。〔做供狀科〕〔旦唱〕

〔石榴花〕妾家寄籍在濮陽。母在父先亡。嫁了箇腌臢蠢笨放牛郎。妾心中自想。不願相將。〔云〕只因數日前。有一箇冠縣的客人。來我家安下。〔唱〕他說是尙書公子唐國相。〔淨云〕呀呀呀。你這箇傻弟子孩兒。這箇唐國相。是箇歇案的強盜。是甚麼公子。這冠縣那裡有箇唐尙書來。他哄了你了。你且說他如何與你往來。〔旦唱〕他把我勾引的張狂。那一夜一輪明月垂楊上。成就了美甘甘風月鳳求凰。〔卜云〕老爹。他養了漢也罷。拐了許多財物。〔淨云〕蘇氏。你後來因何逃走。拐帶東西。如何又被拿住。依實說來。〔旦唱〕

〔鬪鶻鶻〕要成全美滿夫妻。纔做下平常伎倆。拿了些翠鈿金釵。帶了些羅衣繡裳。他先自乘興月明度短牆。我恰纔離繡房。不隄防鄰舍驚覺。致使的娘親鬧攘。〔淨云〕當時如何自家不隱藏了。卻來經官動府。出醜張名。〔旦云〕這是小女子的婆婆的主張。

張。〔唱〕

〔上小樓〕我待要縮頭隱藏。怎當他高聲倔強。他只要告到官司。審問明白。判斷停當。〔云〕老爹。這是供狀。〔唱〕這紙一張。字幾行。甘心供狀。〔淨云〕蘇九姐。可是實麼。〔旦唱〕老爹一樁樁是實情。沒半星兒虛誑。〔淨云〕都靠前來。聽我判斷。判云。唐國相不

合姦宿良家婦女。囑哄他人資財。今既逃走無存。合候捕獲發落。蘇氏。你不合不執婦道。侈肆淫心。拐帶錢財。有如真盜。棄捐夫婦。實似娼人。犯七出之明條。在五刑所不宥。當官決斷。離異歸宗。

〔丑云〕老爹可憐。留與小人這婆娘罷。〔淨云〕他是失節之婦。要他做甚。〔丑云〕失節也是婦人之常。我見城中老大的人家。都不計較這件事。何況小子。〔淨云〕這厮是箇真王八。〔卜云〕孩兒。老爹說的是。當依着。他是箇歪人。要他做甚。〔丑云〕既然如此。休他爺罷。〔旦云〕孟懷仁既要休。將紙離書過來。〔丑云〕與你與你。〔旦唱〕

〔么〕他待要休俺爺。我正要離他娘。〔丑寫休書與旦科〕〔旦打手印遞與淨科〕〔旦唱〕他寫箇離書。我打箇手印。老爹你使箇關防。〔云〕孟懷仁。從今後。〔唱〕你也光。我也光。東奔西向。我就養徧濮州城。你也難來攔當。〔淨云〕供招已畢。孟懷仁母子放回寧家。蘇氏傷風敗俗。今着阜隸。押去長街短巷。游行一遭示衆。〔衆應科〕〔淨卜丑外俱下〕〔衆押旦游行科〕〔旦云〕出的這州門。許多人都來看咱。是好羞人也呵。〔唱〕

〔滿庭芳〕鑼鳴鼓響。〔衆做招扭旦科〕〔旦唱〕東招西扭。身上成傷。挨肩疊背。人爭望。只爲我行止端莊。赤緊的南街上冷落了一回楊廣。北門口收拾起半本王祥。有兩箇小孩子。高聲唱楚江秋兩章。又帶了一羣羊。〔云〕從晌午走到黃昏了。牌

子哥哥可殺了也〔唱〕

〔耍孩兒〕教我把四街八市從頭兒撞。走的我力氣兒絲來線往。西山日落漸昏黃。告哥哥你可去銷繳了監押的牌張。〔衆問云〕蘇九姐似這箇游行。你可羞也不羞。惱也不惱。〔旦云〕哥哥呵。〔唱〕羞的我幾行汨滴花含露。惱的我兩葉眉顰柳帶霜。〔衆云〕蘇九姐。你這等識羞恥。卻那等沒行止。〔旦唱〕都則爲春心蕩。也只想握雲攜雨。誰承望惹禍遭殃。〔衆云〕罷罷。天色晚了。我們回老爹話去來。〔下〕〔旦云〕慚愧慚愧。雖是喫了一場疼痛羞恥。且喜的冤家離眼。我今回到娘家。任意縱橫。揀上幾箇趁心的人兒。受用去來。〔唱〕

〔二煞〕從今日開幾面射雀屏。鋪幾張坦腹牀。隨心選擇風流況。安排香餅遺韓掾。準備雲山會楚王。這番纔勾抹了糊塗帳。比如我伴數年猪狗。爭如我守一世孤孀。

〔煞尾〕張家休把我談。李家休把我講。你不信去五閭王簿兒上從頭兒晃。十箇人兒敢有九箇把漢子養。〔下〕

第三折

〔外扮李四官上〕〔云〕有名盛飯囊。綽號搭衣架。受用還我來。村魯從人罵。小子姓李名廷材字

孟錫。濮陽人也。乃當朝尙書從弟。排行第四。人都稱我爲四公子。幼年不曾讀書。性兒有些愚蠢。愛喫的是肥羊美酒。喜伴的是翠袖紅裙。閑常時一日沒表子。也過不的。近來死的死了。走的走了。沒奈何只當光棍。這些時越悶起來。方纔使人去請朱李二朋友來閑話。如何不見來。〔淨扮朱邦器上〕〔云〕小子名喚朱邦器。幼年常做不平事。長途打劫世人財。官司拿去相懲治。腿脛寧喫三十夾。牙縫肯啣半箇字。如今年老無經營。人人道我是尋鬼。〔丑扮李邦問上〕〔云〕小子名喚李邦問。幼年事業都休論。氣毬馳徧濮陽城。風情占滿臨清郡。栽花種草可爲生。宿娼賭博能消悶。如今年老無營運。人人道我是光棍。〔丑云〕哥哥。這名兒有些羞人。〔淨云〕兄弟。笑罵從他笑罵。咬嚼還我咬嚼。但得嘴兒油油的。肚兒圓圓的。管甚麼名兒不名兒。如今李四官請咱。咱去一遭來也。〔丑云〕李四官人。莫不是李長吉。他被小奴才纏的他掙掙的了。他如今也要幫人。咱如今尋他怎的。〔淨云〕不是他。是尙書乃弟四公子請哩。〔丑云〕原來是他。咱去來。〔做行科〕〔做相見科〕〔淨丑云〕不知四公子喚我二人。何處使用。〔外云〕我這幾日悶倦。要尋箇有意思的人兒耍一耍。不知那裡有二位敢曉的。〔丑云〕這幾日新官到任。十分利害。各店娼婦。盡趕走了。沒有甚麼有意思的人兒。〔外云〕我悶的極了。定要一箇。〔淨云〕我想起來了。昨日老黃斷的那婦人。名喚蘇九姐。倒有些姿色。如今休在娘家。得他肯時。四公子與他吊箇拐。倒也好。〔外云〕

我也聽的這件事。只怕他不肯。煩二位尊兄。與他先講一講。〔丑云〕四公子是何等人物。我二人去說時。無有不成的事。〔淨云〕既如此。我每疾忙去來。〔同下〕〔旦上〕〔云〕羅衫一段染秋霞。嬌嬈仙姬二八賒。門外更無車馬至。惟餘風雨送年華。妾身蘇九姐。自經官回家。又早半月有餘。并無一人來我家來。似這等虛度青春。如何是好。兀的不悶殺人呵。〔唱〕

〔南呂一枝花〕年光似滾丸。世事如拋豆。青鸞空自舞。紅葉向誰投。風雨偏憊。疾病三分陡。恩情兩處休。擔閣殺綠鬢朱顏。零落了鶯朋燕友。〔云〕不覺七月已盡。

八月將半。卻早秋分時候。冷冷落落。是好傷感人也呵。〔唱〕

〔梁州〕鎖離魂深沉小院。掩秋光寂寞重樓。一年好景還依舊。蛩音入戶。鴈字回頭。飄飄葉墜。點點螢流。下珠簾不上金鉤。試金針漫補薄裘。這些時悶懨懨看青銅不待簪花。孤另另惜紅妝常如病酒。泪盈盈對蒼天空自悲秋。擔憂。忍羞。惡情懷無計捱昏晝。禁難禁受難受。我只怕明日黃花蝶也愁。好時光無計相留。〔淨丑上〕〔云〕這是蘇九姐家。不免進去。〔做相見科〕〔旦唱〕

〔隔尾〕兒家門戶重重扣。春色綠何入兩眸。既相逢須把尊名叩。〔淨云〕小子是朱邦器。〔丑云〕小子是李邦問。〔旦云〕久聞久聞。久仰久仰。〔唱〕一箇是絕高的雙陸。一箇

是馳名的氣毬。(云)二官人莫怪。我道。(唱)你兩箇都慣向這烟花路兒上走。(淨云)久聞九姐芳譽。未能親領清輝。今日得見。何幸何幸。(旦云)妾年幼無知。被人捐棄的人。何勞過稱。(丑云)昨日偶聞九姐被污。未審就裏。今日得親芳容。足見九姐是箇絕妙的人兒。他平白休了。敢是那王八弟子孩兒無福消受。(旦云)不敢不敢。(淨云)久聞九姐一手好琵琶。今日特來請教。小子亦當效顰。(旦云)正欲請教。(做取琵琶彈科)(旦唱)

〔牧羊關〕纖手落冰絃細。玉指翻牙品稠。撥相思偏上客舟。半月多土漫蛾眉。二指厚塵埋拂手。(淨云)怪道聲音不甚清亮。(旦唱)他待學商人只重利。我那教夫婿覓封侯。罷清歌一聲秋瑟瑟。入錦囊滿腹恨悠悠。(做絃斷科)(丑云)絃斷了如何是好。(旦云)這箇也容易。(唱)

〔隔尾〕得鸞膠指日還成就。(取雉尾拂琵琶科)(淨云)要這雉尾做甚的。(旦云)有用處。(唱)用雉尾閑時拂上油。(丑云)聽九姐彈了一曲。好淒慘人也。(淨云)聽九姐撥了一回。好煩惱人也。(淨丑做哭科)(旦唱)正是知音曲止知音奏。這一箇淒慘的不收。那一箇煩惱的無休。我只怕溼透了司馬青衫袖兒口。(旦遞琵琶與淨科)(淨接琵琶胡彈科)(衆笑科)(淨云)小子有一事。未敢啓齒。不知九姐容我說麼。(旦云)但說不妨。(淨云)尙

書乃弟李四公子。聞知九姐言談出衆。容貌不羣。如今被污在家。終無再還之理。可不虛度青春。他要來相會一會。與九姐做箇鋪牀疊被之人。不知九姐意下何如。特使小子二人來通問一通。問。〔旦云〕惶愧。賤妾心下。正要尋箇夫婿。但家本寒微。不堪上配公子。有辱大名。〔唱〕

〔罵玉郎〕我是箇釵荆裙布尋常婦。羞殺他金妝束翠衾稠。高攀公子諧姻媾。〔丑云〕不當不當。四公子雖是貴人。九姐卻是妙人。他若能覓得九姐情願。頭上頂着你。〔旦云〕也不在這上頭。〔唱〕只要第一件體風流。第二件性溫柔。第三件心聰秀。〔淨背與丑云科〕呀。這三件都索落脫了也。我且哄他一哄。〔與旦云〕這三件四公子都是有的。小子敢代保。〔旦云〕不知他要與奴家怎的。〔唱〕

〔感皇恩〕他還要兒女相偷。〔丑云〕不是這等。這等忒簡易了。〔旦唱〕他還要君子相逐。〔淨云〕也不是這等。這等忒瑣碎了。不敢相瞞。要與九姐弔箇拐。〔旦笑云〕也罷。這事又不簡易。又不瑣碎。正是折中。若是如此呵。〔唱〕下甚麼問名財。喫甚麼通路酒。結甚麼打頭毬。若兩情相合。把萬事都勾。〔云〕我既不問他要這三件。我卻問他要那三件。都要他擔的起。〔丑云〕莫說三件。憑四公子力量。千百斤也擔的起。你且說那三件來。〔旦唱〕買一管畫眉筆。藏幾匣傅面粉。蓋一座跨鸞樓。〔淨背云〕又索落脫了。我哄他一哄。〔淨與旦云〕這都是四公

子餘事。還有妙處哩。〔旦唱〕

〔採茶歌〕那時節。燭影下。捧金甌。花帳底。嚙鶯喉。〔云〕你對那公子說。〔唱〕勝如他。腰纏跨鶴上揚州。〔云〕我蘇九姐呵。〔唱〕再駕香車奔司馬。全憑你重修河道會牽牛。〔淨丑云〕既然九姐許肯。我每去四公子行說去也。〔旦云〕起動了。改日容謝。〔淨丑下〕〔旦云〕

蘇九姐早則喜也。誰想有這場好事。想昨日與唐國相相交。今日與李夢錫作對。是好風月也呵。

〔唱〕

〔尾聲〕當日向月明。花影把姻緣湊。今日遇蝶使。蜂媒將盟契修。〔云〕我思量。這朱李二人。都不志誠。〔唱〕他每是沒星秤。沒梁斗。把情懷。廝迤逗。將言詞。廝引誘。不誠實。恐虛謬。〔云〕只怕四公子說過了。〔唱〕不風流。不年幼。性格頑。容貌陋。雖然非結髮偶。怎支吾。日月久。驀地裏。把春心。還泄漏。那時節。將他來。再丟。把人來。再求。蘇九姐呵。敢向人前。再出。徧兒醜。〔下〕

第四折

〔小淨扮高逢先上〕〔云〕小子名喚高逢先。濮陽城裏承差官。近年來家財興旺。論金銀堆垛如山。幼年間結識朋友。李廷材與我交驢。我家中有財有寶。他家中。有勢有權。俺兩箇合成表裏。

論行藏昧地瞞天。放私債貧民遭害。賣官馬富戶陪錢。串花街不肯使鈔。入酒肆只是行拳。向良家姦宿婦女。上公堂把持官員。左右使十數箇光棍。前後有七八箇幫閑。真箇是勢利交結。那裡得恩義牽連。呵呵。可笑可笑。李四公子昨日說。他要與蘇九姐弔拐。手中沒一文錢。央我替他處置。這兩日把花紅酒禮盡數完備。聞知今夕是入馬之期。我不免擡了食爨。先去那裡等候去也。

〔下〕〔旦上〕〔云〕人世秋光半。閑庭風雨晴。高樓更梳洗。重見月華明。昨日李四公子使人來說。今日是良辰吉日。就今宵來我這裡成親。如今又早黃昏時分。敢待來也。〔唱〕

〔雙調新水令〕報吹簫合駕綵雲來。散天香晚風一派。燈花開院宇。月影浸樓臺。燈月交輝。助筵前那歡會。

〔駐馬聽〕髻插金釵。兩段烏雲不剪裁。眉橫螺黛。一江湘水自縈迴。金蓮踏徧鳳凰鞋。玉環結就鸚鵡帶。不應在平地側。玉天仙何事臨凡界。〔小淨擡卓面上〕

〔云〕這是蘇九姐門首。不免進去。〔相見科〕〔云〕小子奉李四公子命。將着些薄禮到來。〔旦云〕高二官人起動了。不知公子到來麼。〔小淨云〕小子先來。公子隨後便到。〔旦唱〕

〔喬牌兒〕果卓兒席上擺。釵釧兒匣中蓋。則聽喧天簫鼓臨門外。捲珠簾接貴客。〔外淨丑簪花上〕〔淨丑扶外入門科〕〔旦做迎接科〕〔衆做相見科〕〔旦云〕那箇是公子。〔淨

丑指外云「這箇是。」旦背云「呀。原來這等模樣。兀的不虛賺死人也。」唱「

〔甜水令〕則見他眉眼兒乜斜。鬢毛兒蓬亂。身軀兒狼狽。白羊毛氈帽兒帶來歪斜。搗着藍練趂裙。剗穿着紅鞦油靴。翻繫着皂皮鞵帶。」云「公子莫不有些傷風。」外云「不。」旦唱「卻緣何烏綾帕緊把頭勒。」淨云「九姐不知。我這公子。雖是衣服穿的有些古怪。心兒裏卻有許多的秀氣。你不可以容貌取人。」丑背與外云「俺昨日教與你話兒。如何都忘了。你放撐達着些兒。」外做勢科。「衆笑科。」小淨云「俺公子是箇志誠人。休要笑話。」

〔旦云〕不敢不敢。〔唱〕

〔折桂令〕把一箇五郎神送入天台。致使桃花不向春開。我這裡粉臉藏羞。蛾眉鎖恨。星眼含哀。」云「想孟懷仁那等模樣呵。」唱「昨日向麵糊盆千般闌闌。」云「又撞見李廷材這等軀老呵。」唱「今日把迷魂陣四面安排。也是我運蹇時衰。命薄時乖。伶俐人八字全無。腌臢漢四柱合該。」淨云「九姐請到房中。與俺公子行禮。」旦云「公子請列位先生請。」外旦做交拜科。「淨充陰陽做唱禮科。」外做磕響頭科。「做撲地唱喏科。」旦唱「〔水仙子〕磕頭印上了帽前灰。唱喏抓脫了門上綵。平身蹬斷了勒間帶。」淨云「請行合卺禮。」外丑小淨做執盃與旦科。「旦唱」高擎着合卺盃。」淨云「行拜子孫禮。」外

做拜旦科〔旦唱〕他那裡爲兒孫拜在塵埃。〔淨云〕行撒帳禮。〔旦唱〕撒會帳。喬厮混。〔淨云〕行坐房禮。〔旦唱〕坐會房。胡厮給。〔淨云〕禮畢。〔旦唱〕難道說魚水和諧。〔丑云〕行禮盡了。請九姐與公子遞一盃。〔旦做遞酒科〕〔小淨做過菜科〕〔外接酒接菜盡喫科〕〔旦唱〕〔鴈兒落〕牙齒兒渾如硬石堆。拳頭兒恰似生鐵塊。接酒呵捏傷了玉嵌盃。喫菜呵咬損了金鑲快。〔淨云〕公子今日對此如花似玉的人兒。你也把你平日的風情。也賣弄一賣弄。〔外做調戲旦科〕〔旦做冷笑科〕〔唱〕

〔得勝令〕你撒顛狂胡亂把身挨。〔丑云〕九姐。今日招得風流標致之婿。你也把你平日的言談也展一展。〔旦唱〕我彊精神抵死把顏回。〔小淨云〕蘇九姐正是金屋銀屏之女。四公子正是乘龍折桂之人。郎才女貌。一對夫妻。〔旦云〕休休。〔唱〕把一箇跨牛郎錯認做乘龍婿。將一箇砍柴夫休猜做折桂客。〔外云〕我是尙書的兄弟。不強如唐國相那厮。你道如何。〔旦云〕你聽我道。〔唱〕前日箇失財。被唐國相揭去了五百載風流債。今日箇傷懷。着李夢錫丟將來八千場煩惱災。〔外云〕我聽的他兩箇說你會彈琵琶。你怎麼不彈箇與我送酒。〔旦云〕絃都斷的盡絕了。彈不的。〔淨云〕四公子是箇詩人。今日與九姐倡和一倡和。〔外云〕我雖是會作。卻要人引一引。〔丑云〕九姐先指公子或詩或詞作一篇。然後公子回奉一

篇。方見的敲金擊玉。〔小淨云〕說的是。說的是。〔旦云〕倉卒不能作詩。有小詞一篇。奉揚尊體如何。〔衆云〕妙妙。〔旦云〕家世雖名宦族。生來卻在田園。春和偏愛草中眠。炎日迎風便喘。曾伴勤讀李密。能成巧計田單。相隨老子出函關。曾把綵雲踏遍。〔外問淨云〕這是甚麼話。〔淨背云〕這箇分明罵他是箇牛。我只哄他便了。〔淨與外云〕這箇是九姐稱美公子。說你是繁華人家。卻只愛朴素。才如勤讀之李密。智勝巧計之田單。又說公子有神仙之分。他日遇老君。即當駕綵雲飛升。〔外云〕九姐過稱過稱。喜殺小子了。若不嫌小子呵。再做一箇如何。〔旦云〕有有。〔念云〕家世雖爲宦族。生來卻在村坊。尖尖兩耳尺餘長。手足堅剛一樣。子厚聞聲夜靜。浩然壓背梅芳。趙州橋上有行藏。果老回頭一望。〔外問旦云〕這是甚麼話。〔旦背云〕這箇分明罵他是箇驢。我難道實對他說。〔向外云〕這箇是九姐羨慕公子。說你兩耳垂肩。兩手過膝。有浩然之才華。張子厚之德行。又道公子和張果老一般。凡事能回頭。〔外云〕九姐過譽過譽。喜殺小子也。若是不嫌小子時。再做一箇更好。〔旦云〕有有。〔念云〕家世雖名宦族。生來卻在人家。強人竊盜漫相誇。聞你聲兒也怕。展草能消烈火。傳書勝似梅花。青黃黑白盡由他。閻王把皮毛造下。〔外問小淨云〕這是甚麼話。〔小淨背云〕這箇分明罵他是箇狗。我也胡謔一謔。〔與外說云〕這箇是九姐擡舉公子。他說公子有力量。有武藝。強賊竊盜都怕你。又說你性兒雖像烈火。模樣兒還強如梅花。今日穿

青。明日穿白。今日穿黃。明日穿黑。這等換套兒穿衣。都是閻王造下的。〔外云〕九姐過獎過獎。喜殺小子了。若不嫌小子時。再做一箇兒也罷。〔旦云〕世間再無物可比公子。只此也殺了。〔淨云〕公子何不回奉九姐一首。〔外云〕有有。九姐生的俊。〔做尋思科〕〔丑云〕公子再做兩句也好。〔小淨云〕你不知道。古時有二人。一人是秦少游。一人是陳無已。一人快作。一人不快作。二人雖才有遲速。都名爲大方家。四公子雖做不的對客揮毫。秦少游端的是閉門索句。陳無已。〔旦云〕說的是。說的是。休要使殺了公子。兀的不皇恐殺人也。〔唱〕

〔川撥棹〕漫談諧他每都把新詞顛倒解。〔做指淨科〕這一箇前後裁劃。〔做指丑云〕這一箇左右遮埋。〔指小淨云〕這一箇上下搗擡。赤緊的懵懂漢將青作白。喜孜孜堆笑腮。〔淨云〕四公子往日的清歌妙舞。如今乘這酒興。也做作一做作。〔外起身做跌倒科〕〔旦云〕好不尊重。是甚麼模樣。〔唱〕

〔七弟兄〕驚駘量窄。醉將來跌一交疑是泰山摧。〔外唱科〕〔旦唱〕唱一聲恰似破鑼篩。〔外舞科〕〔旦唱〕舞一回倒像師婆拜。〔云〕昨日與二位說與公子討三件物。有了麼。〔丑云〕有便有。且慢着些兒。〔旦唱〕

〔梅花酒〕呀。三般兒可有來。〔云〕我且問你。〔唱〕筆頭兒是甚麼毛裁。粉撲兒是甚

麼絨裁。樓梯兒是甚麼木材。將說來昨日言。倒放了來生債。似你這撮合山。心最歹。〔淨與旦背云〕九姐。既到這一步。將就了罷。〔旦唱〕則着我含着泪。把頭擡。忍着氣。把人陪。掐着指。把疼捱。咬着牙。把心拍。〔淨云〕呀。只管裡飲酒。不知天待明也。李高二兄弟。同咱回去罷。四公子安置了罷。〔外云〕有勞三位兄弟。明日專門拜謝。〔淨丑小淨同下〕〔外云〕九姐。咱二人睡了罷。〔旦云〕天色明了。睡甚麼覺。你若困時。先自睡去。〔外云〕你不睡。我先自睡去也。不解他粉黛蛾眉心上事。這纔是村筋俗骨下場頭。〔下〕〔旦唱〕

〔收江南〕呀。一天風露洒襟懷。滿堂燈燭入灰煤。五更鍾鼓徧城街。燒錢來化采。酒闌人散醉扶歸。〔云〕只想丟開了孟懷仁那胖頭。再尋箇妙人兒。誰想這厮比孟胖頭更不如一百分。正是事錯身還錯。心強命不強。卻是苦也。〔唱〕

〔尾聲〕把一場好事從今壞。〔云〕我終不然只守着這箇死人罷了。我定有箇處置。〔唱〕從今後分付與人間俊才。愛我的任來纏。我愛的不用買。〔下〕

題目 嘉靖朝辛丑年間事 濮陽郡風月場中戲

正名 尙書巷李四吊拐行 慶豐門蘇九淫奔記

于小穀本抄校詞采彬彬當是行家乙卯三月十五日清常道人記

釋迦佛雙林坐化

闕名

第一折

〔冲末魔王波旬上〕〔云〕行善作惡不由人。精神未定又昏沉。萬般信從魔君調。七還八返受殷勤。吾神乃惡魔王波旬是也。人未投胎。先立魔王爲本。後則成形。勸人行善善則少。着人行惡惡更多。世間多少精靈漢。則被魔王使不行。如今如來十種度世。勸惡行善。苦度衆生。吾神卽來佛所。稽首佛足。勸請世尊。入於涅槃。今如來見在雙林說法。吾神就此請佛入滅。走一遭去。請世尊入滅還鄉。方纔知波旬魔王。佛足下哀哉苦告。濟世如來不久長。〔下〕〔佛引八部天蓬天猷上〕〔云〕丈八莊嚴微妙身。三寶天衆盡稱名。四生六道眞慈父。靈山發願度衆生。老僧乃釋迦如來是也。自雪山修行。面壁九年。方得成佛。父乃娑婆界主。號令獨尊。大梵王母。乃地君世主。忉利稱王。帝釋尊天。一子出家。九祖生天。俱於天宮受種種快樂。我諸弟子比丘比丘尼優婆塞優婆夷。苦度衆生。人天百萬。老僧今在靈山說法。使者靈山下望者。有衆諸神來時。報伏老僧知道。〔使者云〕理會的。〔魔王波旬上〕〔云〕吾神乃惡魔王波旬是也。我佛靈山說法度世。吾神就此請佛涅槃。未知許否。可早來到也。使者報伏去。道有魔王波旬。特來參拜。〔使者云〕理會的。〔做報

云〕報的我佛知道。今有魔王波旬。特來參拜。〔佛云〕着他過來。〔使者云〕着你過去哩。〔魔王見科〕〔佛云〕波旬。老僧六根清淨。安有其魔。〔波云〕佛力較大。魔鬼來參。〔佛云〕老僧靈山說法。波旬爲何來參。〔波云〕吾於往昔勸請世尊。當入涅槃。展轉度人。意下何如。〔佛云〕我諸弟子比丘比丘尼優婆塞優婆夷阿難迦舍。是諸衆未具足故。所以未肯涅槃。〔波云〕世尊。今有諸四部衆。所度畢已。惟願善逝。請我佛急速當入涅槃。不可遲延。〔佛云〕善哉。波旬。當知老僧。既然如此。波旬你且回上天宮。老僧至三日之內。當入涅槃。〔波云〕既世尊所許。弟子還歸天宮。走一遭去。世尊空有長生法。難躲魔王苦勸行。〔下〕〔佛云〕魔王去了也。老僧既許波旬。當以雙林入滅。使者喚將阿難迦舍來者。〔使者云〕理會的。阿難迦舍安在。〔正末扮迦舍同阿難上〕〔云〕貧僧乃迦舍是也。同阿難共與世尊爲其弟子。苦志修行。未悟一訣。不知受了多少苦辛也。〔阿難云〕迦舍。想俺出家人。則要一箇脫殼離塵。便是修行根本也。〔正末云〕阿難。你那裡知道。成佛作祖。非同容易也。你聽我道。〔唱〕

〔仙呂點絳脣〕我如今脫殼離塵。了絕憂悶。無拘禁。樂意空眞。動靜先知盡。〔阿難云〕迦舍。常言道。佛法難聞。〔正末云〕你那裡知道也。聽貧僧說一徧者。〔唱〕

〔混江龍〕見了些高談闊論。受戒衣片片似浮雲。〔阿難云〕空卽是色。色卽是空。〔正

末唱〕將色空不染。把利欲絕聞。〔阿難云〕方信道日月如梭也。〔正末唱〕看了這天上兔鳥如去箭。鬢邊霜雪不饒人。〔阿難云〕吾人有生必有死也。〔正末唱〕生死都休論。但能穀三乘早悟。那裡望四大常存。〔阿難云〕可早來到也。使者報伏去。道有阿難迦舍來了也。〔使者云〕理會的。道有阿難迦舍來了也。〔佛云〕着他過來。〔使者云〕理會的。着你過去哩。

〔二人做見科〕〔正末云〕喚弟子有何法旨。〔佛云〕等衆神來時。共同計議也。〔淨扮毘婆達多上〕

〔云〕磨扇秋結子。碓嘴夏開花。木人收拾去。石母却奪他。妾乃不是別人。外道毘婆達多師佛是也。若人行善。我便作惡。佛若說法。我便放屁打攘。今有黃面如來。在雙林聚衆。不是說法。就是囑蛆。我如今假做重身婦人。訕謗如來。走一遭去。可早來到也。我自過去。〔淨做勢要見科〕

〔云〕好也。你黃着一片子尿臉。在這裡囑蛆說法。衆人不知。妾身是箇無出幼的女兒。俺爺是人不見。俺娘是拿不着。則我便是空大姐。我共師父從小有奸。你把我合了一肚滿腹孩子。你若不信。迤逗着亂叫如吼。老娘尋將來。與我做滿月哩。〔正末云〕這厮好無禮也。〔佛云〕迦舍。他非是一婦人。乃是老僧之魔也。阿難迦舍。喚將你來。不爲別事。今有魔王波旬。來請我老僧卽入涅槃。吾今寂靜也。〔阿難云〕我等衆弟子未具足故。世尊安能入滅也。〔正末云〕世尊常言四神足人。則能住壽隨意自在。如來不久住世。同於諸行。苦修何用。〔佛云〕老僧授法於汝。〔淨云〕你原來也怕死。

〔正末云〕請佛傳法。〔唱〕

〔油葫蘆〕弟子每動問其間理性根。方信道來去因。〔佛云〕你慢慢的跟尋。〔正末唱〕我這裡跟尋法教再無門。〔佛云〕三乘四諦人不知。〔正末唱〕則他那三乘四諦非無論。〔佛云〕則要箇明心見性也。〔正末唱〕更和這明心見性皆通盡。貧僧參妙理。打坐勤。一心待修行。根本頻安頓。便是我功行樂天真。〔阿難云〕弟子功行未滿。〔淨云〕你的不滿。我的可滿了也。〔天蓬云〕畜生不得无礼。〔淨云〕好一箇配猴兒日的。札手舞脚的。恰便似箇活螃蟹。〔天蓬云〕靠後。〔淨云〕你還是我爺哩。〔正末云〕世尊入滅。弟子緣分淺薄也。

〔唱〕

〔天下樂〕我可也則爲前生少善根。我如今無也波門。〔淨云〕你無門。望我這裏鑽就是門戶。〔正末唱〕望吾師指迷相接引。不爭你坐雙林入定參。伴白雲萬里身。幾時得出陽神物外人。〔淨云〕兀那唱曲兒的。你是誰。〔正末云〕俺二人是世尊弟子阿難迦舍是也。〔淨云〕你兩箇是徒弟。我還是你師娘哩。〔天猷云〕吾神乃天猷天蓬是也。〔淨云〕論起來我還是你姝姝哩。〔天猷云〕靠後。〔淨云〕你三頭六臂。十二根大腿。你還是俺爺哩。〔阿難云〕弟子問箇本來面目也。〔佛云〕只在方寸。莫要遠尋。〔淨云〕把你箇黃臉鎗札箭射的。你還說嘴哩。

老娘把這一肚子孩子。生在這些兒。我也要箇草兒。〔天蓬云〕作業畜生。不得無禮也。〔正末云〕是好無禮也。〔唱〕

〔那吒令〕弟子便問性。原我未知道本。〔淨云〕好箇絮叨叨的和尚。則管裡問那性宗。〔正末唱〕若說咱問宗。〔佛云〕西方是總。〔正末唱〕到西方是總。因師父你說本來望慈悲接引。〔佛云〕你聽者。心心。本來心。莫莫。莫外尋。色色。空即色。非非。非空。又空。則他便是本來根由。〔正末拜唱〕將機關從頭開。把祖家從頭問。湛青天散盡浮雲。

〔鵲踏枝〕弟子曾苦脩身。受了些惡殷勤。今日箇脚躡西方。便是禪門。〔阿難云〕百千萬劫。也不敢忘了世尊也。〔正末唱〕步靈山敢忘了世尊。養元陽不老長春。〔淨做打

佛要草生孩發科〕〔云〕你們則管裡胡說亂道。歪講白扯。我生下這一肚子孩子來。就養殺你也。

〔佛云〕魔障死老僧也。吾非不知。此乃是昆婆達多一化。看老僧略使神通。方顯善惡。阿修羅安在。〔阿修羅上〕〔云〕吾神謹候。請聽法語。〔佛云〕阿修羅。着那婦人往前走。三步者。老僧看者。

〔阿修羅云〕兀那畜生。往前走一步。〔淨云〕教老娘走一步。走一萬步也不妨。〔阿修羅云〕迴來。

〔淨云〕我就迴來。〔阿修羅云〕再往前去。〔淨云〕我再往前去。〔阿修羅云〕繞佛三匝。〔淨跑三遭發科〕〔佛云〕業畜還不變。等幾時。疾。〔淨云〕罷了老娘也。〔淨現出彩來科〕〔云〕吾非是婦

人。吾乃毘婆達多是也。叵耐黃面如來。破吾神通。我更待干罷也。〔佛云〕老僧卽時入滅。阿難迦舍。授與你摩訶般若波羅蜜。乃是本來也。〔正末唱〕

〔寄生草〕波羅蜜到彼岸。是西方法教真。〔佛云〕我如今在雙林寂靜也。〔正末唱〕則待要雙林寂靜傳心印。度衆方便行精進。〔佛云〕則學三乘正法也。〔正末唱〕學三乘正法常求論。〔佛打坐科〕〔正末唱〕如來便蘆芽穿膝樂安然。〔佛云〕則要你牢拴心猿鎖意馬者。〔正末唱〕教弟子把心猿意馬牢安頓。〔佛云〕老僧今日在雙林。入於涅槃。將鉢盂禪杖。空掛樹上。不負波旬之言。差護法游行。請諸天到此。再差使者。卽去天宮報知吾母。老僧涅槃去也。成佛作祖。用苦修。苦修方悟。早回頭。靈園花綻難情見。覺海月升脫世鉤。淨土功圓今日到。幽冥事了更無休。歸空端坐雙林下。大地山河閉目收。〔佛做打坐入涅槃不言科〕〔衆神舉哀哭科〕〔正末唱〕

〔後庭花〕再不見向蓮臺說法因。我則見衆諸天哭在地塵。世尊也入定祥光現。撇下些執金剛雨泪紛。請佛母下天宸。報摩耶卽時來奔。不由咱心內忖。弟子每無路門。向佛母行索探問。索探問。〔淨云〕你可也死了也。罷罷。把這鉢盂。我拿着拉屎。禪杖打狗。也是遺念。〔正末唱〕

〔青哥兒〕空撇下衣鉢誰認。衆生每倚靠何人。六道三途受苦辛。今日箇圓寂朝真。地慘天昏。八部天神。煩惱消魂。痛哭世尊。不能穀靈山會下南無大慈大悲救苦救難超度衆出迷津。空積下終天恨。〔淨云〕過來過來。誰想黃面如來死了。您衆神跟着我反了罷。若不聽我說的。每人罰五箇燒餅。〔正末云〕貧僧往天堂報佛母。走一遭去也。

〔唱〕

〔賺煞〕今日箇不尋常。摩尼佛塵緣盡。見放着傳世開迷法輪。大衆天神下紫宸。有阿難雨泪沾巾。迦舍也自消魂。背地評論。空撇下五派禪宗大法門。往西再誰來接引。往西土有達磨承認。空留得名同日月照乾坤。〔下〕〔淨云〕叵耐黃面如來無理。欺吾太甚。誰想他嗚呼了。則他會說法。偏我不會說法。死了王屠。連毛吃猪。無屁骨不拉屎。無屙子不撒尿。您衆神過來。聽我說法。略聞半字。即時成佛。不聽我的。都墮地獄。〔衆閑人聽法問科〕〔雜當云〕佛爺。俺衆人都聽佛說法。〔淨云〕我念一句。你接一句。聽者。天下王府不進表。〔雜云〕這一句不知道。〔淨云〕新近塌了趙州橋。〔雜云〕我不會打船路裏去。〔淨云〕大海水枯乾。〔雜云〕數九天道人不走。這箇是立雪齊腰一句佛法。〔淨云〕知州打死坐更的。〔雜云〕這箇佛法從無聽者。〔淨云〕知州打死坐更的。這箇是樓頭鼓不響。〔雜云〕是箇謫佛下生。〔淨云〕

天下無有賣柴的。〔雜云〕這箇又怎麼說。〔淨云〕則被這樵夫斫盡這無影樹。〔淨云〕皇帝出朝不回宮。〔雜云〕皇帝怎麼不入宮。〔淨云〕則怕太子動金鎗。我說了法也。我如今手執幡幢寶蓋。你跟着我走。將你迎到三十三天就成佛。〔雜云〕我則跟着你走。〔淨引雜當走科〕〔淨云〕好走處也。〔雜云〕這是那裡。〔淨云〕則這便是三十三天。〔雜云〕是好去處。阿彌陀佛。〔淨云〕還有好的去處哩。我吹笙簫細樂。你跟着我走。〔雜云〕我則跟着你。〔淨云〕罷了。〔雜云〕怎的。〔淨云〕差走了。領到地獄裏來了。〔雜云〕我纔待升天。又來地獄。〔淨云〕常言道天堂地獄門相對。任你走向那邊行。〔淨哭科〕〔雜問云〕哭怎的。〔淨云〕半空掉下驢屢子來。〔雜云〕怎麼說。〔淨云〕閉門家裏坐。禍從天上來。叵耐如來無理。更待干罷。我往山后點動鬼兵。先上靈山奪了佛座。後至雙林打開棺槨。燒毀如來。方稱吾平生願足。這一去到靈山親奪法座。將如來殺爲粉末。若撞見華光使者。把我來就着脚垛。〔同衆下〕

第二折

〔冲末扮多聞天王領鬼力士上〕〔云〕舉目遙觀十萬里。通天徹地人難比。掃蕩妖魔神鬼怕。護國佑民萬萬紀。吾乃北方多聞李天王是也。久居北方毘沙天宮。護持如來教法。因吾神通廣大。變化多般。世尊加吾護世大藥叉教主。今有魔王波旬請佛入滅。未知世尊許他也不會。吾神在

此毘沙宮。聚二十諸天神聖。鬼力遠遠的望者。若衆神來時。報伏吾神知道也。〔東方持國天王乾達婆上〕〔云〕護法西天大世尊。育民潤國鎮乾坤。手執法寶降魔杵。外道邪魔化作塵。吾神乃東方護世乾達婆主持國天王是也。尊持如來。護持教法。威鎮東方。邪魔外道。不敢擾害乾坤。今有北方多聞李天王。聚俺衆神。不知有甚事。須索走一遭去。可早來到也。遠遠的雲霧起處。不知那方尊神來也。〔增長天王上〕〔云〕遵持正法大三千。世尊垂教萬年傳。威寧八面降魔怪。幾次朝真上帝宣。吾神乃南方護世鳩盤荼主增長天王是也。威鎮南方。邪魔外道。不敢出世害人。今有李天王聚俺衆神。不知有甚事。須索走一遭去。可早來到也。〔持國云〕來者那方神聖。何不通名顯姓。〔增長云〕吾神乃南方增長天王是也。〔持國云〕吾神東方持國天王是也。今有多聞天王聚俺衆神。不知有何事也。〔增長云〕遠遠地祥雲起處。不知那方神聖來也。〔廣目天王上〕〔云〕鎮守天門志節剛。善驅神鬼布威光。謹遵釋教持齋戒。保國扶危佑下方。吾神西方護世大龍王主廣目天王是也。威鎮西方。鬼魅不行。邪魔不起。今有毘沙宮李天王聚俺衆神。不知有甚事。須索走一遭去。可早來到也。〔增長云〕來者那方神聖。何不通名顯姓。〔廣目云〕吾乃西方廣目天王是也。〔持國云〕今有李天王聚俺衆神。不知有甚事。按落雲頭。見多聞天王去來。鬼力報伏去。道有廣目天王增長天王持國天王來了也。〔鬼力云〕理會的。〔報科〕〔云〕喏喏喏。報的上

聖得知。道有三位天王來了也。〔多聞云〕道有請。〔鬼力云〕理會的。道有請。〔三王見科〕〔廣目云〕尊聖。俺三聖來了也。〔多聞云〕衆位尊神且有者。等二十諸天來時。一同計議。〔功德菩薩同大辯才菩薩上〕〔云〕見在如來正法門。廣行方便度衆生。苦志修行三千劫。方得樂意在天宮。吾乃隨其所求。令得成就。乃功德是也。這一位乃是能與總持大智慧聚大辯才天是也。今有李天王聚俺二十諸天。不知有甚事。須索走一遭去。可早來到也。鬼力報伏去。道有功德大辯才天來了也。〔鬼力云〕理會的。〔報科〕〔云〕喏。喏。報的上聖得知。道有二尊天來了也。〔多聞云〕道有請。〔鬼力云〕理會的。道有請。〔二天見科〕〔功德云〕尊聖。俺二天來了也。〔多聞云〕一壁有者。等二十諸天來時。一同計議。鬼力遠遠的望者。若衆神來時。報伏我知道。〔鬼力云〕理會的。〔密跡金剛領堅牢地神菩提樹神上〕〔云〕神力巍巍鎮四方。邪魔外道盡歸降。皆因神通多浩大。世尊加吾做金剛。吾神乃親伏妖魔。誓爲力士金剛密跡是也。這一位尊神。是增長出生證名功德堅牢地神。這一位尊神。是覺場垂蔭因果互嚴菩提樹神。俺三神護持世尊。永鎮靈山。但有邪魔外道。不敢侵擾如來。今有李天王聚俺諸聖衆。不知有甚事。須索走一遭去。可早來到也。鬼力報伏去。道有密跡金剛堅牢地神菩提樹神來了也。〔鬼力云〕理會的。〔報科〕〔云〕喏。喏。報的上聖得知。道有三位金剛神來了也。〔多聞云〕道有請。〔鬼力云〕道有請。〔三神見科〕

〔金剛云〕俺三神來了也。〔多聞云〕一壁有者。等諸天來時。一同計議。〔龍王領閻神大梵天同上〕
〔云〕霹靂雷聲震山川。蒼生拱手告青天。一時雨過雲收斂。惡黨兇徒又依然。吾神乃祕藏法寶
主執羣龍娑竭龍王是也。這一位乃娑婆界主號令獨尊大梵天王。這一位是掌幽冥權爲地獄
主閻摩羅王。惟吾神掌管五湖四海兩部護持如來。自號娑竭龍王是也。今有毘婆宮李天王聚
俺衆神。不知有甚事。須索走一遭去。可早來到也。鬼力報伏去。道有娑竭老龍大梵天王閻摩羅
王來了也。〔鬼力云〕理會的。〔報科〕〔云〕喏喏喏。報的上聖得知。道有二位龍王神來了也。〔多聞
云〕道有請。〔鬼力云〕理會的。道有請。〔三神見科〕〔云〕俺三神來了也。〔多聞云〕一壁有者。等諸
天來時。一同計議。〔摩醯首羅天領散脂大將上〕〔云〕三頭六臂形容配。略咤一聲如雷吼。外道
邪魔聞吾怕。神氣巍巍冲牛斗。吾神乃特尊之主。居色頂天摩醯首羅天。這一位尊神是二十八
部統領鬼神散脂大將。惟吾神乃天下萬役之主。今有李天王聚俺諸天神。不知有甚事。須索走
一遭去。可早來到也。鬼力報伏去。道有摩醯首羅天散脂大將來了也。〔鬼力報科〕〔多聞云〕道
有請。〔鬼力云〕道有請。〔見科〕〔云〕俺二位天神來了也。〔多聞云〕一壁有者。等諸天來時。一同計
議。〔外扮日宮月宮上〕〔云〕乾坤未定有陰陽。日宮月宮兩相當。盤古時分爲晝夜。朗朗光明照
萬方。吾神乃百明利生千光破暗日宮天子是也。這一位是星主宮王清涼照夜月宮天子是也。

自分宇宙。吾神等照曜乾坤。東升西沒。磨古更今。分其晝夜。相伴人間。今有多聞天王聚俺諸天。不知有甚事。須索走一遭去。可早來到也。鬼力報伏去。道有日宮天子月宮天子來了也。〔鬼力云〕理會的。〔報科〕〔云〕啫啫啫。報的上聖得知。道有日宮天子月宮天子來了也。〔多聞云〕道有請。〔鬼力云〕理會的。道有請。〔二神見科〕〔云〕俺日宮天子月宮天子來了也。〔多聞云〕一壁有者。等諸天來時。一同計議。〔摩利支天同鬼子母上〕〔云〕吾居西方法王母。大世尊聲能救苦。如來遵教摩利天。金闕真尊居紫府。吾神乃日月前救兵戈難摩利支天是也。這一位是生諸鬼王保護男女鬼子母神。吾黨在世救濟羣生。今有李天王聚俺諸天。不知有甚事。須索走一遭去。可早來到也。鬼力報伏去。道有摩利支天鬼子母神來了也。〔鬼力云〕理會的。〔報伏科〕〔云〕啫啫。報的上聖得知。道有二位天神來了也。〔多聞云〕道有請。〔鬼力云〕理會的。道有請。〔二神見科〕〔云〕俺二神來了也。〔多聞云〕您衆諸天都來了也。還少那一位尊天不會來也。〔廣目云〕衆諸天都來了也。只少殷憂四部外護三洲韋馱尊天不會來也。〔多聞云〕您衆諸天不知聽吾說一偏者。今有惡魔王波旬。在靈山請世尊當入涅槃。未知如來許他也不會。因此上請你衆神來商議。〔大梵云〕若是世尊許已入涅槃。當差神聖報知。俺二十諸天便知入滅。〔廣目云〕俺諸神略等片時。再作計議。〔多聞云〕等韋馱尊神來。便知詳細。〔金剛云〕那韋馱尊天。這早晚

敢待來也。〔正末扮護法上〕〔云〕吾神乃韋馱尊天是也。今有惡魔王波旬。請如來在雙林入於涅槃。恐諸神不知。奉我佛法語。着吾神游行三界。請衆位天神。聞知衆神在多聞天王毘沙宮內。聚集諸天衆神。吾神駕起雲頭。就那裡請衆神。走一遭去。〔唱〕

〔正宮端正好〕駕祥雲出洞天。霧靄靄恰離了西天地。下靈山瑞氣生輝。遙觀萬里香風細。看山色多明媚。〔云〕往常時世尊靈山說法。今日箇雙林坐化也。〔唱〕

〔滾繡毬〕我望靈山西更西。上天宮巍又巍。聳奇峯煙籠翡翠。〔做哭科〕〔云〕看我佛入涅槃之時。〔唱〕則見那雙林內鳳舞鸞飛。我如今騰雲上太微。翻身過弱水。便休題。煉身形穩乘鶴背。毘沙宮不弱如紫府瑤池。我這裡遵持法旨臨金界。抵多少不記誰扶下玉梯。〔云〕早來到也。我自過去。〔見科〕〔唱〕我可便細說端的。〔多聞

云〕韋馱尊天。你爲何來的這等慌速。你可是爲甚麼那。〔正末云〕衆諸天。聽吾神說一徧者。〔唱〕

〔倘秀才〕我這裡曲躬躬卑辭厚禮。尊神都喜孜孜多承大德。俺須索一一丁寧說是實。自來天心多正道。佛法廣慈悲。我這裡屈身告啓。〔云〕衆位諸天。聽吾神說一徧者。今有惡魔王波旬。在靈山上稽首佛足。苦勸世尊雙林下急速入於涅槃。即今去了也。

〔多聞云〕韋馱尊天。那魔王波旬怎生請世尊入滅。你對俺衆位神祇說一徧者。〔正末云〕衆位諸天。聽吾神說一徧者。〔唱〕

〔叨叨令〕請你這衆諸神即時靈山去。則他那釋迦佛入定歸空處。見如今涅槃在雙林樹。却正是老如來寂靜留難住。衆諸天快活也麼哥。快活也麼哥。一箇箇汨行行說的魂飛去。〔老龍云〕尊神。俺不必遲疑怠慢。都往雙林去來。〔正末云〕衆位諸天。若去的遲了。恐有妖魔擾害乾坤也。〔唱〕

〔脫布衫〕衆神祇不必疑遲。看入滅總盡皈依。請諸天萬般無阻。到雙林共同相會。〔金剛云〕韋馱尊天。世尊入滅之時。有何祥瑞。你說一徧者。〔正末唱〕

〔小梁州〕一霎星移斗失輝。陸地上鳳舞鸞飛。祥雲瑞氣與天齊。無邊際。神聖甚傷悲。

〔么〕毫光萬丈籠天地。釋迦佛兆應希奇。現金身諸神跪。論如來偏能度世。可正是般若波羅蜜。〔多聞云〕衆位諸天神聖。不必疑遲怠慢。各要手執五彩花旗。都去接引南無阿彌陀佛。其餘幢旛寶蓋。天樂自鳴。接送世尊也。〔正末云〕吾神不敢久停久住。游行天界。還請在數神祇去也。〔唱〕

〔尾〕我須索早把天宮離。撚指還歸閬苑西。我可便更上天宮下玉梯。更請這在數天神同赴會。着你那大梵等天王齊拜禮。〔下〕〔多聞云〕衆位天神。不必延遲怠慢。跟吾神往雙林走一遭去。則爲這釋迦佛入滅雙林。差護法請俺諸神。惡魔王波旬苦勸。請如來再轉法輪。〔同下〕

第三折

〔淨扮毘婆達多領鬼力上〕〔云〕吾是外道一達多。人間把我當邪魔。靈山如來我快謗。一生則怕惡修羅。吾神不是別人外道。佛毘婆達多是也。叵耐黃面如來無禮。破我神通。我待再要謗他一謗。就把我神通破了。更待干罷。他今日死在雙林樹下。吾往山後點就十萬魔鬼。都有名號。天鬼地鬼人鬼仙鬼。瞎鬼癩鬼瘦鬼胖鬼。日鬼搗鬼。札鬼弄鬼無數之鬼。先往靈山奪了如來法座。後至雙林燒毀黃面如來。但是和尚。盡數殺壞。則怕華光使者。實無見死。待毛廁裏放屁薰死了。撞不着他。方稱我平生願足。我則怕請主華光。若不來燒炷好香。要拿住我等外道。有地獄更無天堂。〔同下〕〔正末扮華光領五顯神千里眼順風耳上〕〔云〕吾神乃是吉祥華光。講主是也。吾神通廣大。變化多般。今有我佛雙林人於涅槃。恐有鬼魅妖邪外道諸擾害。如來法座。焚化金身。吾神巡察天外。擒妖捉怪。非同容易也。〔唱〕

〔越調鬪鶴鶩〕霧騰騰殺氣漫空。昏慘慘愁雲貫斗。氣昂昂斬鬼除妖。金鎗上白蛇亂走。明晃晃火輪懸腰。沉點點金磚在手。俺如今志氣雄。膽量陡。我是箇擒怪先鋒。降魔帥首。

〔紫花兒序〕三山帽簪纓款按。逼水火偏俺能知。降妖怪四外巡游。翻騰過三千世界。搜尋徧四大神州。鬼哭神愁。若撞着一切妖魔怎罷休。半點兒不能勾。趕的他無處安身。殺的他少腿無頭。〔云〕遠遠的怪風起處。敢是妖魔來了也。大小神兵。擺布嚴整者。〔淨扮毘婆頌衆妖手執烟火上〕〔云〕大小鬼兵。跟着我雙林下燒黃面如來去也。聞知華光不在。吾神放心的去。鬼力跟吾神。只管走。只管走。〔正末云〕兀那妖魔。往那裡去。吾神在此等候。〔淨云〕我纔出門。就撞着你箇不達時務的人。我且問你。來者何神。〔正末云〕吾神乃華光講主是也。你來者是何妖怪。〔淨慌科〕〔云〕我且哄他一哄。兀那華光。我是佛的老爺。聽的說他涅槃。我來與他燒紙去。你敢打劫我。〔正末云〕吾神不放你過去。〔淨云〕我是毘婆達多。與你鬪戰三合。〔正末云〕大小神兵。擺布的嚴整者。〔唱〕

〔調笑令〕我跟前賣口。使不的你無絮無休。〔淨云〕我厮殺處無有對手。〔正末唱〕你道是相持厮殺無對手。他道是握雲喚雨偏爭鬪。〔淨云〕我會弄法術使神通。〔正末唱〕

將法術念的滑熟。咱兩箇雙林下交半籌。兩三番無了無休。〔淨云〕我近不過他。駕起雲來。走走走走。〔淨敗下〕〔正末云〕走了也。不問那裡。趕將去。〔下〕〔淨上〕〔云〕後面天兵趕將來了也。〔正末上〕〔云〕往那裡去。〔淨云〕我與你決戰九千合。〔正末唱〕

〔禿廝兒〕火鴉飛白蛇亂走。金磚動怎肯干休。我則見昏昏戰塵遮日頭。〔淨云〕可怎了也。〔正末唱〕待尋路怎停留。着甚麼來由。〔淨云〕我收了法術。再戰九千合。〔正末唱〕

〔聖藥王〕他將那術法來收。則待要走。殺的神嚎鬼哭無處投。我如今爲帥首。你便憂。共天兵神將緊追求。〔淨云〕我近不過他。走走走。〔下〕〔正末唱〕走了也。直趕徧四大神州。〔趕下〕〔淨上〕〔云〕殺的我屁支支的。華光又趕將來了也。〔正末上〕〔云〕那妖魔待走往那裡去。〔唱〕

〔雪裏梅〕你看我駕雲頭。咱兩箇不敢休。殺的他入地無門。有神通也再鬪。歸降來罷手。〔淨云〕老叔。我受了降罷。再也不敢毀罵佛爺了也。〔正末云〕既然皈依佛道。跟吾神去來。〔唱〕

〔尾聲〕今日將毘婆達收降後。擒住也方纔罷手。得勝也領兵回。殺的他衆妖

魔望風走。〔同下〕

楔子

〔正旦扮佛母領金童玉女上〕〔云〕吾居天宮紫金闕。蔓樓閣上祥雲徹。自從世尊成佛後。金童玉女旛幢接。吾乃地居世主帝釋尊天摩耶夫人是也。自如來雪山修行成佛之後。吾居忉利天宮。受種種快樂。忽於昨夜子時。得六種惡夢。夢中見須彌山崩。有猛火燒吾前胸。四海水流乾盡。枯魔竭魚吞噉衆生。衆羅刹吸人精氣。世間人奔走如蜂。醒來時六種惡夢。說的我魂魄飛空。不知吉凶。金童遠遠的望者。則怕有天神至此也。〔優婆夷上〕〔云〕世尊弟子優婆夷。奔天宮兩脚如飛。因如來雙林坐化。報請佛母下玉梯。貧僧乃世尊弟子優婆夷是也。今有如來雙林入滅。來請佛母。可早來到也。金童報伏去。道有優婆夷在此也。〔金童云〕報的佛母知道。有優婆夷在於門首。〔正旦云〕着他過來。〔童云〕着你過去。〔優見科〕〔云〕佛母。小僧特來參見也。〔正旦云〕尊者爲何面色無光。全無威儀。來的急速。對吾說一徧者。〔優云〕佛母不知。三界大師。忽於昨夜子時。雙林下入於涅槃。特遣弟子報知佛母也。〔正旦云〕可怎了也。〔做氣倒地科〕〔優云〕佛母甦醒者。〔金童玉女扶科〕〔正旦云〕罷罷罷。〔唱〕

〔賞花時〕不由我意急心忙出洞天。你道是地慘天昏滄海乾。當日苦修煉數

十年都盼到功成行滿。今日箇雙林下又涅槃。〔同下〕

第四折

〔冲末扮阿難領天蓬天猷八部神二獅子馱佛龕上〕〔云〕貧僧阿難是也。共與優婆塞優婆夷八部天神。將世尊入滅佛龕。供在雙林樹下。差迦葉護法。去請二十諸天。這早晚敢待來也。〔四天王上〕〔多聞云〕吾神乃北方多聞天王是也。這三位乃東方持國天王。南方增長天王。西方廣目天王。俺衆神手執花幡。雙林下迎送世尊。走一遭去。可早來到也。鬼力報伏去。道有四天王來了也。〔鬼力云〕理會的。喏。道有四天王在於門首。〔阿難云〕道有請。〔鬼力云〕理會的。道有請。〔四天王見科〕〔增長云〕吾神等四天王來了也。〔阿難云〕等衆諸天到時。一同計議。〔功德領大辯才上〕〔云〕吾神乃功德菩薩是也。這一位乃大辯才天是也。俺手執幡幢。往雙林下接引如來。走一遭去。可早來到也。鬼力報伏去。道有功德大辯才天來了也。〔鬼力云〕喏。道有二位天神在於門首。〔阿難云〕道有請。〔鬼力云〕理會的。道有請。〔見科〕〔功德云〕俺二神來了也。〔阿難云〕且一壁有者。〔金剛地神樹神上〕〔金剛云〕吾神乃密跡金剛是也。這二位乃堅牢地神。菩提樹神是也。今有如來入於涅槃。俺三神手執花幡。接引如來。走一遭去。可早來到也。鬼力報伏去。道有俺三尊天來了也。〔鬼力云〕喏。報的上聖得知。道有三位尊天來了也。〔阿難

云〕道有請。〔鬼力云〕理會的。道有請。〔三神見科〕〔金剛云〕俺金剛等三位尊天來了也。〔阿難云〕且一壁有者。〔龍神領閻神大梵天王上〕〔龍神云〕吾神乃娑竭老龍是也。這二位尊神乃閻神大梵尊天是也。俺三神執五彩幡幢。接引如來。走一遭去。可早來到也。鬼力報伏去。道有俺三位尊天來了也。〔鬼力云〕喏喏。道有三位尊天來了也。〔阿難云〕道有請。〔鬼力云〕理會的。道有請。〔三神見科〕〔龍神云〕俺三神來了也。〔阿難云〕且一壁有者。〔摩醯首羅天領散脂大將上〕〔首羅云〕吾神乃摩醯首羅天是也。這位尊神乃散脂大將是也。俺二神手執花幡。接引如來。走一遭去。可早來到也。鬼力報伏去。道有首羅天散脂大將來了也。〔鬼力云〕喏喏。道有首羅天散脂大將來了也。〔阿難云〕道有請。〔鬼力云〕理會的。道有請。〔二神見科〕〔首羅云〕俺二神來了也。〔阿難云〕且一壁有者。〔日宮月宮上〕〔日宮云〕吾神乃日宮月宮二天子是也。今有世尊雙林入滅。俺各手執幢旛。接引如來。走一遭去。可早來到也。鬼力報伏去。道有日宮月宮二天子來了也。〔鬼力云〕喏喏。道有日宮月宮二天子來了也。〔阿難云〕道有請。〔鬼力云〕理會的。道有請。〔二神見科〕〔日宮云〕俺二天來了也。〔阿難云〕且一壁有者。〔摩利支領鬼子母上〕〔摩云〕吾神乃摩利支天是也。這一位乃鬼子母。因世尊入於涅槃。俺二神各執幢幡寶蓋。接引如來。走一遭去。可早來到也。鬼力報伏去。道俺二神來了也。〔鬼力云〕喏喏。道有二尊天來了也。

〔阿難云〕道有請。〔鬼力云〕理會的。道有請。〔二神見科〕〔摩云〕俺二天來了也。〔阿難云〕一壁有者。衆諸天都來了也。還有那一天未到也。〔多聞云〕則有忉利天未到也。〔阿難云〕等佛母來時。一同計議也。〔正旦扮佛母領童女上〕〔云〕吾乃忉利天帝釋摩耶夫人是也。哀哉如來。入於涅槃。是好傷感人也呵。〔唱〕

〔雙調新水令〕則爲這如來入滅下瑤天。衆諸神紛紛亂亂那波旬無道理。請佛離人間。我將這素服來忙穿。報一聲疾如箭。

〔駐馬聽〕急煎煎走向靈前。痛哭哀哉淹汨眼。惡魔王不善。想當日雪山修行。那其間如有化身。身原作聖今改入涅槃。西方淨土誰人見。這五宗法不傳。歸空顯化靈

山現。〔阿難云〕早知佛母前來。諸神有失迎接。〔正旦云〕衆神隨吾跪者。哀哉如來。痛哉世尊。〔哭

科〕〔云〕鉢盂禪杖。掛於雙林樹上。吾是汝母。汝是吾佛。今既棄吾入於涅槃。因何不辭汝母。歸空寂靜去也。〔佛出棺見母科〕〔云〕汝是吾母。吾是汝佛。非吾不辭吾母。皆因魔王波旬。請吾入於涅槃。吾既許波旬。三日以後。當於雙林下寂靜歸空。吾吟一偈。就辭佛母。一切恩愛更難別。萬古山岳俱崩裂。一切萬物皆破壞。樹木凋零有摧折。江淮河水盡枯竭。有生有死必有滅。吾今寂滅爲快樂。母子恩情今日絕。〔阿難云〕佛母聽弟子說一徧者。諸行無常。是生滅法。生生滅滅。寂

滅爲樂。佛母不須苦勸世尊也。〔正旦云〕你衆神那裡知道也。〔唱〕

〔沽美酒〕釋迦佛再不來。一一的闡明白。則爲你度脫衆生惹禍災。惡魔王波旬這患害。達多魔更快哉。〔多聞云〕今日是佛生天界。展轉度世。豈不是好也。〔正旦唱〕

〔太平令〕今日也佛生天界。也是他入滅合該。惡魔王波旬毒害。則管裡合掌禮拜。哎。你箇如來。傷懷。暢好是痛哉。願金身萬年不壞。〔云〕衆諸天都念心經轉咒者。

〔唱〕〔衆隨唱〕

〔錦上花〕摩訶般若。波羅蜜多心經。觀自在菩薩。行深般若波羅蜜多時。照見五蘊皆空。度一切苦厄。舍利子。〔多聞云〕一尊巍巍大覺尊。二時開轉如圓門。三乘菩薩能方便。四六時中轉法輪。〔大衆吹華嚴海會一徧〕〔正旦唱〕

〔么〕色不異空。空不異色。色卽是空。空卽是色。受想行識。亦復如是。舍利子。是諸法空相。不生不滅。

〔清江引〕不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界。〔金剛云〕三寶名稱佛法僧。三祇果滿行願深。三十二種莊嚴相。三千諸佛盡同名。〔大衆打河西鉞一徧〕〔正旦唱〕

〔芭蕉延壽〕乃至無意識界。無無明。亦無無名盡。乃至無老死。亦無老死盡。無苦疾滅道。無智亦無得。以無所得故。無智亦無得。五字重菩提薩依埵。出經衍〔云〕衆諸天望者。佛有三昧火。自焚其體也。〔放火焚佛科〕〔阿難云〕兀的不三昧火起了也。
〔正旦唱〕

〔錦雞啼〕般若波羅蜜多故。心無罣礙。故無有恐怖。遠離顛倒夢想。究竟涅槃。三世諸佛。依般若波羅蜜多。〔龍王云〕五臺聖境絕凡塵。五嶺巖峨接太清。五空靈鷲觀蒼翠。五色雲中現法身。〔大衆吹樂器華嚴海會一徧〕〔正旦唱〕

〔芭蕉延壽〕故得阿耨多羅三藐三菩提。故知般若波羅蜜多。是大神咒。是大明咒。是無上咒。是無等等咒。能除一切苦。

〔華嚴海會〕眞實不虛。故說般若波羅蜜多咒。卽說咒曰。揭諦揭諦。波羅揭諦。波羅僧揭諦。菩提娑經文作薩婆訶。〔魔王波旬上〕〔云〕你衆諸神不知。聽吾神下斷。

則爲還釋迦佛苦志修行。登靈山行滿功成。卽時間到了淨土。發弘願度濟衆生。靈山內登座說法。百萬諸神合掌聽。不是惡魔王苦勸涅槃。命運將終。如來道優婆塞。不會行滿。優婆夷未得成功。勸世尊三番不住。方許吾三日歸空。今日箇佛轉天界。衆諸神各回天宮。天神歸天。地神歸地。

三界神祇各還本位。

題目 惡魔王苦勸世尊

正名 釋迦佛雙林坐化

于小谷本

觀音菩薩魚籃記

闕名

楔子

〔冲末扮釋迦佛領阿難迦葉上〕〔佛云〕釋迦拈花露本心。迦葉微笑遇知音。燈燈相續傳千古。朗朗光明到至今。貧僧乃釋迦文佛是也。今洛陽有一人。乃是張無盡。見爲本處府尹之職。此人。有菩提正果之因。爭奈他貪戀着榮華富貴。不肯修行。恐迷了此人正道。今差南海觀世音菩薩。化一漁婦。前去點化此人。後差彌勒世尊。化爲布袋和尚。文殊普賢。化爲寒山拾得。點化此人。歸於佛道。迦葉。與我請將觀世音菩薩來者。〔迦葉云〕理會的。〔正旦扮觀音菩薩上〕〔云〕貧僧乃南海觀世音菩薩是也。今有我佛呼喚。不知有何法旨。須索走一遭去。可早來到也。迦葉報復去。道有貧僧來了也。〔迦葉報云〕報的我佛得知。有觀世音菩薩來了也。〔佛云〕道有請。〔迦葉云〕理會的。有請。〔正旦見科〕〔云〕我佛呼喚貧僧。有何法旨也。〔佛云〕觀世音。請你來不爲別。今下方有一人。乃是張無盡。此人有菩提之根。如來之性。恐迷卻正道。如今領我法旨。下方點化此人去。化做一漁婦。再着彌勒尊者。化爲布袋和尚。後差文殊普賢。化爲寒山拾得。務要點化此人。歸於佛道。速至佛境之地也。〔正旦云〕貧僧領我佛法旨。點化此人。走一遭去。〔唱〕

〔賞花時〕將法語真言記在心。用普賢文殊觀世音。俺三箇去塵世索跟尋。見如今輕紗衣錦。但行處有人欽。

〔么篇〕更積下白銀。積下金。則爲那福祿如山似海深。你若是有緣分到雷音。着你便罪輕的這福廕。啗和他同共的赴禪林。〔下〕〔佛云〕觀世音去了也。此一去。必然點化張無盡正果也。則爲那張無盡一念思凡。觀世音直至人間。若此人歸於佛道。成正覺。同赴靈山。〔下〕〔張無盡領張千上〕〔云〕滿腹詩書七步才。綺羅衫袖拂香街。今生坐享人間福。不是讀書那裡來。小官姓張。雙名無盡。幼習儒業。頗覽詩書。自中甲第以來。累蒙擢用。頗有政聲。今除洛陽府尹之職。小官平昔見不的這僧尼道俗。喫不的齋素。我常則是好富貴奢華。爭奈小官不曾娶妻。家中無得力之人。這箇小的是張千。早晚家私裏外衙門中。則是他跟隨着我。今日無甚事。衙門中理事。走一遭去。平昔不齋僧。爲官理不公。家無良婦管。何日稱心中。〔下〕

頭折

〔正旦扮觀音提魚籃上〕這裡前後可也無人。妾身非是凡人。乃是南海普陀洛伽山七珍八寶寺觀世音是也。因爲下方張無盡貪戀人我是非。酒色財氣癡迷不省。今奉我佛法旨。直至塵世。引度此人。走一遭去。世俗人愚眉肉眼。不識好人。笑我這般模樣。你豈知俺佛力也呵。瓔珞嚴身。

掛彩衣。玉環穿耳鬢雲垂。風流一種無人識。籃內金鱗賣與誰。〔唱〕

〔仙呂點絳脣〕大道相傳。世間通顯先行善。後要心堅。下苦志真修煉。

〔混江龍〕自然出現。那其間方可得昇天。纖毫不染。所事無偏。你若是一點靈光得省悟。那三塗無你受淒然。我可便離海面至梁園。舟橋下六河邊。我托淨瓶則在那南海洛伽山。今日箇提魚籃遠遍塵寰轉。有那等愛魚人若買你。可敢不許熬煎。

〔油葫蘆〕這魚擺尾搖頭在水內顯。全不知深共淺。每日家趁波逐浪戀深淵。他去那是非海內都遊遍。可端的不隄防羅網將身纏。今日在籃內盛。更着這綠柳穿。誰承望魚也遭刑憲。都則是自惹下業和冤。

〔天下樂〕却正是生死輪迴在眼前。若比並愚也麼人。可端的怎似賢。將賢愚若是知近遠。你敬賢呵。那在那邊。愛愚呵。執在這邊。〔云〕這魚不死哩。〔唱〕他兀的正昏迷難動轉。〔張無盡領張千上〕〔云〕辦畢公家事。卻回宅院中。小官張無盡。衙門中辦事以

回來到這街市上。遠遠的見一箇婦人。生的好美貌也。手中擎着一尾魚。張千。你與我喚將那賣魚的婦人來。〔張千云〕理會的。兀那賣魚的婦人。俺大人喚你哩。〔正旦云〕在那裡。〔張千云〕兀

的不是。〔正旦見科〕〔云〕官人萬福。〔張無盡云〕一箇好婦人也。兀那婦人。我問你。這魚是買的也賣的。〔正旦云〕是賣的。〔張無盡云〕原來是賣的。可怎生這等箇女子賣魚。我若得這箇女子做箇夫人。可不好。我試問他者。兀那婦人。你這等年紀幼小。可怎生在街市上賣魚。你家中無有男子漢那。〔正旦云〕妾身家中並無一人。〔張無盡云〕小娘子。你無男子漢呵。你嫁一箇官員之家。可不好那。〔正旦云〕可知要嫁人。爭奈無人娶我。〔張無盡云〕小娘子。你說無人娶你。你肯跟將我去。與我做箇夫人。也不辱沒你也。〔正旦云〕可知好哩。〔張無盡云〕你可要多少財錢。〔正旦云〕我不要財錢。你若依我三件事。我便嫁你。〔張無盡云〕小娘子。可是那三件事。〔正旦云〕是看經。持齋。修善。〔張無盡云〕且住者。他着我看經持齋修善。這三件事。平昔是我惱的。我想來。且依着他。到的家中。再做箇計較。不由他不順我。我試問他。小娘子。這三椿事。有甚麼好處。你說一遍。我試聽者。〔正旦云〕這三椿事。〔唱〕

〔醉扶歸〕你共我爲親眷。却正是好姻緣。我待要成就你箇青春美少年。稱了我平生願。依着我三件事。端的自然。則要你持齋修善。你可便看蓮經七部周全。〔張無盡云〕小娘子。我都依的你。同小官家中去來。〔正旦云〕你既然修善。休用這魚。我將此魚放在河中。我也發善心也。〔張無盡云〕既是這等。張千。你跟將夫人去。放了魚。即便回家中來。我

在家中專等。疾去早來。偶遇一佳人。提籃賣錦鱗。若能成配偶。開宴會高賓。〔下〕〔張千云〕相公去了也。我跟夫人那裡去放魚來。〔正旦云〕你跟着我走。來到這河邊。我放這魚。張千。你離在一壁。則怕誑殺你。〔張千云〕這夫人說虛話。一箇魚放了便罷。可怎生說誑殺我。我不信。你放我看。〔正旦云〕你不信。我放你看。〔做放科〕〔鬼力上做接魚科〕〔鑼鼓霹靂響科〕〔下〕〔張千誑倒科〕〔云〕哎約。誑殺我也。〔正旦唱〕

〔金盞兒〕那魚可便得寒泉。入深淵。他可便張牙舞爪波中現。我着他復還本位伴韋天。則爲他年高生健脊。白髮鬢霜髯。要小呵淨瓶中翻素體。要大時身占滿山川。〔張千醒科〕〔云〕誑殺我也。你還唱哩。〔正旦云〕可知誑殺你也。〔張千云〕夫人。你放這魚。可怎麼滔天浪滾。那水中不知是甚麼東西。我則見霹靂閃電。風雲罩滿了江面。誑殺我也。魚也放了。你跟着我見相公去來。〔正旦云〕嚙去來。〔同下〕〔張無盡上〕〔云〕早間見漁婦。至今掛在心。小官着張千同小娘子放魚去了。可怎生不見來。〔張千同正旦上〕〔張千云〕夫人。可早來到俺大人私宅也。你則在還裡。我報復去。〔見科〕〔云〕相公。我與夫人放了魚來了也。〔張無盡云〕你來了也。那婦人在那裡。〔張千云〕相公。險誑殺我也。他領到我河邊。他道張千。你躲在一邊。我放這魚。則怕誑着你。我不信他。夫人將那魚不放。萬事罷論。將那魚放在水中。則見

河內滔天浪滾。電光燭燄。黑霧濛濛。險誡殺小人也。〔張無盡云〕可怎生有這般事。我也信不及。你與我請過夫人來。〔張千云〕理會的。夫人。相公有請。〔正旦見科〕〔云〕相公。妾身放了魚也。〔張無盡云〕小娘子。既然放了魚也。不必還你那家中去。就在小官宅內住坐。今日大好日辰。戒合了這門親事。張千安排酒肴。我與夫人飲一杯。夫人請坐。〔張千云〕理會的。擡上果卓來者。相公酒在此。〔張無盡云〕將酒來。夫人滿飲一杯。〔正旦云〕相公請。〔張無盡云〕夫人請。〔飲酒科〕〔張無盡云〕張千。門首覷者。若有人來。報復我知道。〔張千云〕理會的。〔寒山拾得上〕〔云〕吾心不比月。似月有圓缺。你也不須論。我也不須說。〔做笑科〕〔云〕俺二人非是寒山拾得。乃文殊菩薩是也。奉我佛法旨。有凡夫張無盡。有如來正覺之根。差俺點化此人。歸於正道。可早來到他門首也。張無盡。張無盡。〔做笑哭科〕〔張千云〕這兩箇風廝。大呼小叫的。我報復相公去。〔見科〕〔云〕報的相公知道。門首有兩箇風廝。叫相公的名姓哩。〔張無盡云〕那廝是甚麼人。你與我喚將過來。〔張千云〕理會的。〔見科〕〔云〕兀的兩箇風廝。你怎麼喚俺相公的名字。俺相公喚你哩。〔寒山云〕我去。他敢把我怎的。〔寒山拾得做見張無盡正旦科〕〔云〕兀的不是姐姐。〔正旦云〕原來是我兩箇兄弟。這箇是你姐夫哩。〔張無盡云〕夫人。這兩箇人。原來是你兄弟。是我舅子哩。請坐。將酒來。我與舅子遞一杯。〔做遞酒科〕〔寒山拾得笑科〕〔云〕將酒來。我兩箇喫一箇刺場。

醉回去〔正旦唱〕

〔後庭花〕絮叨叨語笑喧。他兩箇趁着風遊閬苑。挽鬚髻的是文殊。那一箇擎頭的是普賢。他兩箇在門前。他可使特來和你相見。〔寒山云〕姐夫。你跟我出家去來。〔做笑科〕〔張無盡云〕舅子。喫酒則喫酒。莫要題閑話。再飲一杯者。〔正旦唱〕一箇便笑呷呷的說善言。一箇喜孜孜將法教傳。我這裡慢慢騰騰走向前。深深的施體面。深

〔云〕相公。〔張無盡云〕夫人。你怎麼。〔正旦唱〕

〔青哥兒〕他兩箇將你將你苦勸。則是與人與人方便。敢着你白日飛昇上九天。你爲這酒色財氣牽連。貪嗔愛慾纏綿。戀着萬貫家緣。掙下桑棗莊田。蓋造東閣西軒。你若是鎖住意馬心猿。跳出苦海無邊。則要你忍殺生。除的盜。斷的淫。戒的酒。絕了望。將五件分明盡除免。你那其間敢使得將如來見。〔張無盡云〕

舅子。你要我出家。你休勸。等我久後。慢慢的出家去。〔寒山云〕那其間可老了也。你聽者。春夏秋冬四季天。風花雪月緊相連。長江不見回頭水。人老何曾再少年。〔拾得云〕姐夫。你也聽我四句詩。有心扮道莫俄延。戀定榮華在眼前。受用一日勝十日。俺那裡一朝勝你一千年。〔正旦云〕我也有一首。您聽我說。則我這百年只在暫時間。莫把光陰當等閑。努力修行成佛意。今生錯過出

頭難〔唱〕

〔尾聲〕執迷人實難勸。皆因是緣薄分淺。要見觀音不甚遠。洛伽山只在根前。你若是肯參禪。我着你共佛祖齊肩。出廣長舌大道傳。遍覆這三千大千。方顯俺這佛家手段。我着你片時頃刻到西天。〔下〕〔張無盡云〕夫人回後堂中去了。舅子。你改日再來。我跟你出家去。我且與夫人後堂中飲酒去也。後閣重排宴。成親飲巨觥。穩情成配偶。錦帳效綢繆。〔下〕〔寒山云〕張無盡不識俺二人。他怎肯跟的俺出家去也。〔拾得云〕他那是凡夫。愚眉肉眼。豈得知道。俺都是聖僧也。今日遇寒山。拾得好相看。若得心地悟。和你赴靈山。〔下〕

第二折

〔張無盡領張千上〕〔云〕自娶嬌姿後。不肯効鸞凰。小官張無盡是也。我這夫人。好是無理也。我見他賣魚。生的十分有顏色。不由我動心。我將他領到宅中。着他做夫人。他百般的不肯隨順我。我待要趕他出去。我可又捨不的他。則除是這等。我如今與他十石麥子。限已時便要磨了。若不。我就磨房中則一頓。就打也打殺他。張千。便說與梅香。到磨房中看此婦人去。若是推磨便罷。若是不依着我的言語。可來回我的話來。我倒不得饒了他哩。我意可憐他。他心不顧咱。若得回心意。方可做渾家。〔同下〕〔土地領鬼力上〕〔云〕莫瞞天地莫瞞心。心不瞞人禍不侵。十二時中

行好事。災星變做福星臨。小聖乃當坊土地是也。頗奈張無盡無理。他着菩薩隨順他。因菩薩不肯。罰在磨房中推磨。他不識是觀世音菩薩。奉我佛法旨。着我領着衆鬼兵。直至磨房中。替菩薩推磨。走一遭去。速遣神兵共鬼卒。磨房之內用工夫。登時麥子俱成麪。管取凡夫拱手伏。〔下〕

〔張千上〕〔云〕自家張千的便是。奉着相公的言語。將着十石麥子。去磨房中與夫人推去。可早來到也。我推下這麥子。夫人你出來。〔正旦上〕〔云〕張千。喚我怎的。〔張千云〕相公的言語。因你不肯隨順相公。着我與你這十石麥子。限已時便要磨了。若不了呵。相公倒不得饒了你哩。你推磨去。我回相公話去也。〔下〕

〔正旦云〕張無盡不肯依我修行。則要戀酒迷花。爲我不隨順他。着我去磨房中推磨。與我十石麥子。要已時便磨了。他那裡識我是如來也呵。〔唱〕

〔南呂一枝花〕我親奉這佛祖言。來引度張無盡。我着你一心歸正道。他則待本意結婚姻。我可便怎肯成親。則爲我不隨順。將假來認做真。豈不聞四大非身。則他這苦海內翻波滾滾。

〔梁州〕我着你超三界。脫離了地獄。你若是到靈山。別是乾坤。你又不耳聾眼暗。愚癡鈍。我着你早登海面。似踐紅塵。你去了這酒色財氣。捨了那愛慾貪嗔。則你這五雲山盡是虛云。我觀這四神洲掌上觀紋。則俺那西天意五派禪分。

是是是。傳大道要知他這根本。來來來。想神光見達摩爲法亡身。你心自忖。戀妻財子祿何時盡。我言語你不信。則他這六道輪迴有定准。那其間你敢進退無門。〔云〕來到這磨房門首。我推開這門。在此推磨。看有什麼人來。〔淨扮梅香上〕〔云〕我是一梅香。疊被共鋪床。和煤並燒火。眞箇世無雙。奴家是張無盡家中的梅香。相公的言語。着我去磨房中看新夫人磨麥子。須索走一遭去。可早來到也。我自過去。〔見正旦科〕〔云〕姐姐。你依着我。隨順了俺相公罷。不強似你推磨受苦也。〔正旦云〕姐姐。你也勸不的我。〔梅香云〕倒笑了我一鼻子醬。吓。是汗。我怎麼勸不的你。〔正旦唱〕

〔隔尾〕這磨中無煩無惱無愁悶。我寧可早晚朝夕受苦辛。則您這富貴榮華一時運。你着我穿金帶銀。做夫人縣君。〔云〕則我那八寶金冠垂珠纓絡不用。可愛你寶髻團衫好也囉。〔唱〕這一箇自在觀音倒折了本。〔梅香云〕你不肯依我。我也不敢隱諱。對相公說去也。夫人扯模樣。說着憑口強。惱了俺相公。打的沒處藏。〔下〕〔張千上〕〔云〕自家張千的便是。奉相公的言語。着我看那夫人推磨去。來到門首也。我自過去。〔做見科〕〔云〕兀那婦人。你怎生不推磨。相公着我來看你哩。〔正旦云〕張千。你休慌。等我略盹一盹兒。我推這麥子。〔做睡科〕〔張千云〕你也說的是。他獨自一箇推磨也辛苦。你歇息一歇息。我在這裡也打箇盹。

〔做睡科〕〔土地領鬼力上〕〔云〕一陣東風至。來到磨房前。吾神乃土地是也。可早來到也。鬼力那裡。與我推磨者。〔鬼力做推磨科了〕〔土地云〕疾。麥子推了也。噤回我佛話去來。〔同下〕〔張千做驚科〕〔云〕兀的不說殺我也。夫人。你起來。〔正旦云〕你叫我做甚麼。攪了我一攪好睡也。〔張千云〕你不知。恰纔你睡着。我則聽磨響哩。一夥神鬼。將十石麥子。登時都磨了。你在那裡來。〔正旦云〕我在靈山來。〔張千云〕這夫人好胡說也。〔正旦唱〕

〔牧羊關〕我恰到靈山會朝至尊。〔帶云〕聽的你喚呵。〔唱〕我可便趁西風。駕霧騰雲。半霎兒磨轉千遭萬劫。內大道轉輪。休道是十石麥。這磨有四千斤。我覷那大海一掬水。西華山一捏塵。〔張千云〕這箇婦人。有些古怪。不要惹他。等我請俺相公來。相公相公。〔張無盡云〕張千。爲何大驚小怪的。〔張千云〕相公。說殺我也。我領相公言語。來到磨房中。我說兀那婦人。你不推磨做甚的。他說道等歇一歇着。我說你歇。不知怎的。那磨不推自動。將十石麥子都推了。我則見一陣風起。有一夥神鬼。騰空去了。相公。這婦人定有些手段的。不要惹他罷。〔張無盡云〕我不信。我看去。果然真箇都磨了。兀那婦人。麥子也磨了。必然是些術法。我也不信。你不如隨順了我罷。免的你受苦也。〔正旦唱〕

〔罵玉郎〕你可便從今後。索把神佛信。相公你依着我。看經文。你如今可共俺

這高人論。你待要胡爲眷姻。強做親。成婚聘。

〔感皇恩〕你可便肉眼無珠。不識賢人。〔張無盡云〕這婦人好無禮也。張千。你與我拏將

白練帶頭勒殺者。〔張千云〕理會得。〔正旦唱〕做甚麼氣昂昂。嗔忿忿。怒眼眼。〔張無盡云〕

張千拏的白練帶。與我勒殺了者。〔張千云〕理會的。〔正旦唱〕你着我白練下受死。却正是

說鬼瞞神。〔張無盡云〕就今日要你死也。〔正旦唱〕也不怕明朝盡今宵死。便着我命

逡巡。

〔採茶歌〕我這裡跪在堦痕把頭伸。〔張千做勒科〕〔云〕死去黃泉做鬼。休怨我。〔正旦唱〕

你來觀波却兀的將白練斷做了數十根。他可便似醉如癡。去了三魂。你正是

夜深也纔見緝麻人。〔張千云〕好古怪也。相公。我將白練帶勒他。不知怎生。白練帶自斷了也。

〔張無盡云〕白練自斷。這婦人必然蹊蹺。張千。既是這等呵。將這婦人領到後花園中。着他掃落

葉殘花。我自尋他些罪過。一發結果了他性命罷。方稱我平生願足。送到園中。可來回我的話。我

且回後堂中去也。〔下〕〔張千云〕兀的婦人。你不隨順俺相公。如今不要你推磨。着我領你去後

花園中。着你打掃落葉殘花去。我倒替你愁哩。〔正旦云〕不妨事。我去我去。〔唱〕

〔尾聲〕由你便千般凌虐難侵近。你將我萬樣禁持不壞身。你這作惡行兇幾

時盡。〔張千云〕你做夫人縣君。可不好那。〔正旦唱〕你道我有夫人的命分。我心裡怎肯。則我那八寶座蓮臺。比您這轎兒穩。〔同下〕

第三折

〔布袋和尚引寒山拾得上〕〔布袋和尚云〕行也布袋。坐也布袋。放下布袋。呵呵呵。倒大自在。貧僧乃布袋和尚是也。因為張無盡。有如來正覺。我佛差貧僧共觀世音菩薩文殊普賢。引度張無盡。今此人着菩薩打掃敗葉殘花。二位菩薩。嚕直至園中。着張無盡見箇警頭。他必然回心向善也。俺同共引度此人。走一遭去。張無盡性執心迷。豈知俺佛力巍巍。不修善不尊三寶。不敬僧不念阿彌。遺章天略施法力。花園中暫顯神威。着此人登時省悟。纔參透大道根基。〔下〕〔正旦上〕〔云〕我來到這後花園中也。今日張無盡。必然回心向善也。他那裡知道俺的主意也呵。〔唱〕

〔中呂粉蝶兒〕他不懂禪機。所行事寸心不昧。富和貧天數輪迴。算人長瞞人短心。生巧計。但行處惡業相隨。他不隄防損身之罪。〔云〕人間善惡。此人豈知也。〔唱〕〔醉春風〕積善的上天堂。造惡的入地獄裏。天堂地獄要人知。你若參透這箇理。豈不聞鐵樹花開。千年萬載。不知道幾時出世。〔云〕我想這花木樹株。也有這堅固摧殘。休道爲人也。〔唱〕

〔紅繡鞋〕風吹落殘紅滿地。怎如他耐歲寒翠竹松梅。您着這春夏秋冬四季催。有一日和風退。怎禁他這杜鵑啼。那其間嘆花陰如逝水。〔布袋和尚同寒山拾得上〕〔布袋和尚云〕可早來到張無盡後花園中也。〔做見科〕〔云〕菩薩。俺三人來遲。菩薩索是受魔難也。〔正旦唱〕

〔石榴花〕見和尚將布袋手中提。因此上度羣迷。長引定兩箇小徒弟。是寒山拾得。每日相隨。那凡人怎解其中意。豈風魔非是呆癡。錯猜做每日長時醉。〔布袋和尚云〕諸惡莫作。衆善奉行也。〔正旦唱〕他可使講佛法。說禪機。

〔鬪鵲鵲〕啖在這塵世中相逢。少不的都到靈山會裏。〔布袋和尚云〕你在此做甚麼。〔正旦唱〕他着我整治花園待散心散心的翫喜。看了他除睡人間總不知。〔布袋和尚云〕等他來。我和他說話也。〔正旦唱〕你和他說箇甚的。由你可便論古談今。枉費了你那言甜句美。〔張無盡同張千上〕〔云〕小官張無盡。去後花園中看那婦人。走一遭去。可早來到也。〔做聽科〕〔云〕張千。裏面有人說話。必定是奸夫。我踏開這門。原來與三箇風子說話。好是無理也。〔正旦唱〕

〔十二月〕走將來無明的火起。不問箇好弱高低。連聲的罵毀。他可使炒鬧揚

疾。你正是瞞神說鬼。做甚麼努目厲眉。〔布袋和尚云〕着他見箇警頭疾。〔韋天上科〕

〔下〕〔張無盡跪拜科〕〔云〕尊神尊神。凡的不說殺我也。〔正旦唱〕

〔堯民歌〕則見那乾坤上下墨雲迷。你今日得便宜翻做了落便宜。只爭來早共來遲。使精細一會兒不精細。你可便纔也波知。知俺有見識。這的是念彼觀音力。〔張無盡跪拜科〕〔云〕看那香風飄飄。彩霧騰騰。神聖威嚴。霞光耀目。說殺小官也。〔正旦唱〕
〔尾聲〕忽然見起迅風。說的他呆答孩有似癡。戰兢兢磕着頭塵埃中跪。則這箇布袋和尚度脫了你。〔下〕〔布袋和尚云〕張無盡。你省也麼。〔張無盡云〕師父。張無盡省了也。〔寒山云〕張無盡。你道你做的事瞞昧過人。豈不聞好漢瞞癡漢。癡漢總不知。好漢變驢子。可與癡漢騎。盡日往東行。回頭便是西。冤冤來相報。件件失便宜。〔下〕〔拾得云〕張無盡。你聽者。嗟見世間人。永劫在迷津。不省這箇意。修行徒苦辛。奉勸呆癡漢。只管弄精神。回頭便是岸。從此出沉淪。〔下〕〔布袋和尚云〕張無盡。你不認的貧僧。你見我這件物麼。〔張無盡云〕老師父。你擎的是箇布袋。可有奇特也。〔布袋和尚云〕張無盡。你休看的這布袋輕。你可聽吾說與你者。布袋包藏千世界。杖頭撥動五須彌。思量兜率宮中景。靜坐之時說與誰。〔張無盡云〕弟子省了也。師父。恰纔那箇婦人。兩箇仙長。是誰。〔布袋和尚云〕張無盡。你既然回心向善。你非是凡人。你乃第

十三尊羅漢。因爲你一念差遲。罰你到下方。見了酒色財氣人。我是非。今日功成行滿。爲你有菩提證果之根。恐防迷卻正道。我佛故差三位菩薩。到於塵世。化你修行。那兩位菩薩。則他便是文殊普賢。化做寒山拾得。那漁婦。乃是南海普陀洛伽山七珍八寶寺號圓通名自在觀世音菩薩。是也。特降塵世。故化漁婦。點化你來。〔張無盡云〕弟子省了也。〔布袋和尚云〕既然你省了也。跟着貧僧見我佛去來。張無盡。你本是西方羅漢。難比那濁骨凡胎。今日箇功成行滿。同共見我佛如來。〔同下〕

第四折

〔正旦扮觀音同文殊普賢韋天善財童子獅吼白象上〕〔正旦云〕貧僧乃觀世音是也。這二位是文殊普賢。今日箇張無盡功成行滿。他豈知佛門中顯化之事也。〔唱〕

〔雙調新水令〕宏揚大法度羣生。發善念至心皈命。有緣能覺道。今日箇張無盡。上傳燈朗朗光明。將萬物盡皈正。〔云〕彌勒尊者同張無盡敢待來也。〔布袋和尚同張無盡上〕〔布袋和尚云〕貧僧乃彌勒尊者是也。引度張無盡見我佛。走一遭去。可早來到也。不索報復。自己過去。〔做見科〕〔云〕三位菩薩。貧僧引得張無盡來了也。〔正旦云〕張無盡。你認的我麼。〔張無盡云〕我佛。弟子乃濁骨凡胎。不識如來。怎生可憐見。傳與弟子佛法。可也好也。

〔正旦唱〕

〔雁兒落〕奉諸佛圓覺成。禮三寶堅心敬。永皈依佛法僧。常守定諸天聖。〔布

袋和尚云〕張無盡。你看俺佛門現萬道金光。滿天現祥雲瑞彩也。〔正旦唱〕

〔得勝令〕瑞靄氣融融。彩霞霧籠籠。楊柳枝榮翠。堪宜淨水瓶。見寶蓋層層。講佛法高聲。頌齊聲。讚如來大道行。〔云〕張無盡。你見這山明水秀之處麼。〔張無盡云〕弟子不知是何處也。〔正旦唱〕

〔沽美酒〕洛伽山翠錦峯。南海水澄清。八寶七珍瑞氣生。看了佛家勝境。普世界。好修行。〔張無盡云〕原來是南海之境。弟子省了也。〔正旦唱〕

〔太平令〕千百億通靈顯聖。則我這現千手變化無窮。三昧力無不感應。說法處諸天諦聽。若說着化身度生。你今日悟省。一刹那超凡入聖。〔張無盡云〕我佛弟子省了也。師父是誰。〔布袋和尚云〕你不認的貧僧。你聽者。我乃是彌勒尊者。故化爲布袋和尚。你今歸於佛道。返本還原。復登菩提之位。你聽者。則爲這大地衆生受苦辛。我佛發願救衆生。故化漁婦來塵世。引度迷人上九重。方顯佛門威力大。龍華會上禮金容。今日箇復歸正道。張無盡。同赴靈山見世尊。

題目

布袋和尚救衆生

正名

觀音菩薩魚籃記

魚籃記穿關

楔子

釋迦佛

旋螺陀頭 僧衣 袈裟 數珠

阿難

僧陀頭 僧衣

迦葉

僧陀頭 僧衣

正旦觀音菩薩

柳葉冠 膝欄襖

袈裟 項帕

帶 膝欄裙

環珞 搭膊 袈裟 數珠 背光

張無盡

一字巾 領帶

三髯髯

張千

攢頂 項帕

圓領 搭膊

頭折

正旦觀音菩薩

場頭手帕 補納襖兒 裙兒 布襪 鞋 提魚籃

張無盡

同前

鬼力

鬼頭 法墨冠

直裰

項帕 搭膊

張無盡又上張千正旦觀音又上

同前

寒山

鬚髮陀頭 法墨冠

邊欄道袍

喬兒 網裙 錦襖

不老葉

執袋

腿細護膝

布襪 八答鞋 拏如意

拾得

鬚髮陀頭 網裙

邊欄道袍

執袋 腿細護膝

錦襖

不老葉 布襪

法墨冠

喬兒 八答鞋 拏手卷

第二折

張無盡張千

同前

土地

方巾 邊欄道袍

白髯 拄杖

鬼力

張千又上

正旦觀音菩薩

同前

梅

香

鬚髮箍兒 裙兒 布襪

比甲襖兒 鞋

張千又上

土地

鬼力又上

張無盡又上

同前

第三折

布袋和尚

僧陀頭 僧衣

兒 繼兒

錦脚褲 數珠

布袋 法墨

喬 拄杖

寒山拾得

正旦

觀音菩薩

同前

布袋和尚

同前

布袋和尚

寒山拾得

又上

張無盡

張千

同前

韋天

鳳翅盔 膝欄曳撒

直纏 搭膊 帶

金靠 項帕

降魔杵

第四折

正旦觀音菩薩

同楔子

文殊

同前楔子

普賢

同前楔子

韋天

同前

善財

銀錠 雲肩

錦襖 如意裙

直纏 搭膊

獅吼

衣 白象

白象

布袋和尚

張無盡

同前

乙卯七月初三日校內本清常記

猛烈那吒三變化

闕名

頭折

〔沖末扮釋迦佛同阿難迦葉上〕〔佛云〕苦海茫茫萬丈深。是非波浪到如今。若登彼岸回頭看。便是菩提賢聖心。貧僧釋迦佛是也。生中天竺國。父乃淨梵王。母摩耶夫人。夢吞日月懷孕。周昭王二十四年四月初八日降生之日。光生天地。香滿大千世界。九龍吐水。足踏青蓮。一手指天。一手指地。名曰悉達多太子。既長。棄了皇宮內苑。入雪山脩行。貧僧以千百劫脩持。託胎化生西域。濟度羣迷。周穆王三年。於菩提場中。成無上大覺正道。始名曰佛。佛者何也。正覺菩提。人能覺悟。其平日所爲。去其不善而行乎善事。此心卽佛心也。貧僧釋教有三心。大智心。大悲心。大願心。惟心正而萬邪不敢侵。天地鬼神順。法門有三戒。定慧。無憶無念爲定。無妄爲慧。知此三心三戒。雖不能正大菩提因果。速正大乘門路。後於泥蓮河說大般若涅槃經。以正法眼付上首弟子大迦葉。貧僧立教。以慈悲爲本。方便爲門。普願衆生。凡厥有生。皆證佛道。是貧僧願也。阿難迦葉。汝爲信否。〔阿難迦葉合掌跪科〕〔阿難云〕我佛所言。如天地之高厚。日月之光明。山河之廣大。無有異也。敬信敬信。敬禮我佛世尊。既處既聖之位。未嘗有自聖之心。以此天上天下。天龍八部。人天

神鬼。山河草木。鳥獸魚龍。悉聞無上正等菩提。至於世尊未降人世時。春秋之世。篡殺爲甚。自佛道大興。春秋以後。篡殺盡滅。衆生皈依者衆。此皆世尊之法力也。〔迦葉云〕我佛如來。以至四大神洲。三千大千世界。咸尊如來妙旨。弟子授法以來。覺悟正道。所謂諸佛難遇。人身難得。好時難逢。大善難脩。蒙佛指教。頓悟三生。〔佛云〕善哉善哉。昨夜入三昧正定。觀見巨惡鬼神。擾害生靈。卽時有神祇來報也。若來時。報復貧僧知道。〔阿難云〕理會的。〔外護法天神上〕云。直正通靈出世塵。巡行山澤。遍沉淪。搖身萬里。遂巡到。九品蓮臺渡法神。吾神乃我佛座下護法天神是也。遊行三界。遍走人間。今有饑魔山下五鬼作警。傷生害物。不遵佛法。恣逞兇頑。好生神通廣大。又與夜叉山四魔女爭鬪。損害生靈。痛遭荼毒。不敢隱諱。報與我佛世尊。必有法力。攝伏。以安生靈。以淨國土。可早來到靈山會上也。迦葉大師報復去。道有護法天神。特來報事。〔迦葉云〕理會的。〔合掌報科〕云。我佛世尊。有護法天神。特來報事。〔佛云〕着他過來。〔迦葉云〕理會的。天神過去。〔護法天神做見科〕云。我佛世尊。吾神遊行三界。有事不敢不報。無事不敢亂言。今有饑魔山下五箇鬼王。聚集妖魔作警。擾害衆生。又與夜叉山四魔女爭鬪地方。好生害物。諸天鬼神。莫能禁治。神通廣大。變化多般。似此如之奈何也。〔佛云〕善哉善哉。慧眼一觀。這業畜不尊佛法清規。恣意傷生害物。若不攝伏擒勦。恐成大患。阿難。喚將善勝童子來者。〔阿難云〕理會的。善勝童

子。世尊呼喚。〔正末扮善勝童子上〕〔云〕吾神乃善勝童子是也。千百億化身。實乃那吒三太子。世尊見吾威猛。自從皈依佛道。化身童子。在如來蓮座下聽經。悟明心性。護持佛法。諸天神鬼。您則休惱了吾神也呵。〔唱〕

〔仙呂點絳脣〕者莫是萬隊魔軍。列成營陣。擊動我通天印。聚集下萬部天神。您便是插翅難逃奔。

〔混江龍〕性急似轟雷怒震。展神威浩浩貫乾坤。瞅一眼江翻海沸。喝一聲地慘天昏。悶上天關看北斗。閑持魔杵護佛門。誰知道善勝童子。變那吒元本前身。每日家禮佛聽講。消磨那癡惡貪嗔。懲勸俺諸惡莫作。方信道佛教爲尊。將從前神通威猛。消滅隨飛土微塵。入禪定。念經文。惟此是真心印。一剎是參禪打坐圖。一箇報謝佛恩。〔云〕世尊呼喚。不知有甚事。須索走一遭去。可早來到也。不索報復。我自過去。〔唱〕

〔油葫蘆〕合掌蓮臺見世尊。〔佛云〕善勝童子。你來了也。〔做拜科〕〔正末唱〕辦誠心禮拜頻。〔佛云〕喚你來有事委託也。〔正末唱〕世尊若時間差委敢因循。〔佛云〕饑魔山有五箇鬼王。領衆擾害生靈。〔正末唱〕聽的說饑魔山五鬼將生民混。〔護法天神云〕十分利害。

實難侵近。〔正末唱〕他道是惡眼眼。凶狠難侵近。〔佛云〕如今可怎生收伏他。〔正末唱〕仗世尊法力強。小那吒心自忖。趕到那天涯海角。他便難逃遁。直着他死無地。不安存。〔護法天神云〕傷生害物。其實暴惡也。〔正末唱〕

〔天下樂〕聽的道殘害生靈。怎地忍。不由我嗔也波忿。將他來相併吞。量這小鬼頭。有如那風內塵。輕將兩臂伸。活捉住小鬼身。我直着生各查火內焚。〔護

法天神云〕那五箇鬼王。又與四魔女爭鬪。傷害生靈太多。我佛亦當哀愍。〔佛云〕善哉善哉。這業畜造此惡業。不思脩持善果。惟知殘害生靈。〔護法天神云〕五鬼有一異鱗鬼。能吐霧噴雲。興風作浪。有撼動崑崙之勢。翻騰大海之雄。須得十分威力神將。方可懾伏。〔正末云〕天神放心。上仗我佛洪威法力。憑吾神變化多般。量那異鱗鬼。何足道哉。〔唱〕

〔那吒令〕料量他有何當緊。說起他心實難忍。若論我不容他半分。變化出踴躍身。發起我胸中憤。〔護法天神云〕燄魔山嶮峻。多有掩藏他的去處。〔正末唱〕燄魔山何足云云。〔護法天神云〕此鬼興雲吐霧莫測。利害利害。〔正末唱〕

〔鵲踏枝〕一任他會騰雲。我端的善隨跟。〔佛云〕不要傷了他性命。〔正末唱〕世尊。你大發慈悲。尙闡洪仁。這鬼魅豈知善因。則好教他入酆都受罪遭連。〔佛云〕兀那

天神。他再有甚神通變化。〔護法天神云〕那異鱗鬼能吐十里迷人毒霧。獅頭鬼能嘯風雨。藍天鬼能吹大火。百眼鬼善驅虎豹。無邊鬼會放飛砂。以此諸神不敢侵近他也。〔佛云〕那吒。你去驅除五鬼。貧僧諷起神呪。着諸天擁護你成功也。〔正末唱〕

〔寄生草〕憑着那諸天聖世尊。諷着呪文。一任他放昏昏毒霧將人混。刮雜雜風雨雷霆震。燄騰騰大起迷昏陣。則我這金光滿眼照天庭。則消的菩提法水望空喫。〔云〕天神仗世尊威力。望空喫一口菩提三昧水。將五鬼化作塵土。聚天龍八部四大天王。將燄魔山翻騰作平地。〔佛云〕那吒。量他到的那裡。除邪歸正。自有龍天加護持。天神。你向前途引導着那吒。除伏五鬼去。〔護法天神云〕世尊。則怕那吒降伏不下五鬼也。〔正末云〕天神放心。你跟小聖去。你看我懾伏此鬼也。〔唱〕

〔尾聲〕休觀我小香童。睜開眼將咱認。駕一縷祥雲相引。直着那五鬼聞吾說。了魂。也不索誇大言語話頻頻。量那些小糊猴。休得要認假爲真。則這箇多變化的那吒道的准。這業畜生來愚蠢。大古里忘却了本性。直把那善羊兒懾伏的來拜慈尊。〔同下〕〔佛云〕那吒此去。必然收伏了五鬼。貧僧放起萬道金光擁護。遮住那吒。着五鬼能走不能飛。阿難迦葉。俺去來。懾伏五鬼歸正道。方顯佛家法力高。〔同下〕

第二折

〔外扮異鱗鬼同獅頭鬼鐵頭鬼金睛鬼無邊鬼淨餓鬼上〕〔異鱗鬼云〕變態多能翻世界。猙獰
嘍哨攪乾坤。信知五鬼神通大。不讓諸天黑煞神。吾乃異鱗鬼王是也。同八角獅頭鬼。鐵頭藍天
鬼。百眼金睛鬼。無邊大力鬼。在此燄魔山。縱橫自在。吞啗衆生爲糗糧。捕捉走獸爲蔬菜。諸天神
鬼。不敢侵近。但有來侵擾者。吾能吐霧噴雲。興風作浪。放十里毒霧。使鬼兵神帥。不辨南北東西。
〔獅頭鬼云〕吾能嘯風喚雨。但有來與俺相爭拒敵者。吾抖擻神通變化。喚的那風雨立時可至。
能召遣九江四海龍王。會邀請陽谷咸池將帥。直着他布陰雲罩滿遙天。驟飛雨飄流大地。風攪
着雨。雨趁着風。風雨颼颼雷電內。雷擊起電。電引着雷。雷電轟轟風雨中。江翻海沸。地震山搖。誰
敢近俺那。〔鐵頭鬼云〕小聖神術。可也不小。若有侵犯俺的。者莫是天兵神鬼。難逃我火燄騰騰。
借取南方真氣。召臨離位天神。放出那千千箇火鴉飛舞。萬萬隻火鼠騰空。火驃子踴躍。火飛馬
盤旋。黃燄鄧鄧。黑霧漫漫。紅光滾滾。紫霧濛濛。須臾間燎斷天關。頃刻間燒開地戶。足律律狂風
就地起。刮雜雜大火從天來。昏鄧鄧愁雲遮日暗。旭騰騰烈燄接青霄。任教他猛烈神威。難近這
無情大火。〔金睛鬼云〕小聖神妙。誰敢相侵。向山頭鼓掌叫噪。望空林作法施逞。聚集那妖狐野
獸。更和那虎豹豺狼。須臾間屯滿山岡。頃刻間遮攔道路。一箇箇張牙舞爪。剪尾搖頭。犀象作隊。

而來。熊羆成羣而至。便有那千千隊敢勇天兵。萬萬箇當先的神帥。直着他棄了鎧。丟了刀。奔走如飛。嚇了魂。喪了魄。嚎啕歸去。〔無邊鬼云〕小聖嘯起大風。刮的來天昏地暗。海沸山搖。直着風伯鼓破風布袋。風神搖損紫金鈴。風鬼魅三十萬播揚飛砂。風神王八百箇散漫塵土。刮的天關倒圯。地戶摧折。任天兵敢勇當先。被風砂急難開眼。〔異鱗鬼云〕餓鬼。你山後安排酒食。俺去遊翫去來。〔淨餓鬼云〕有有有。小子安排已定了。倚山傍水。景致非常有。千千處可觀的奇花。萬萬處堪賞的異果。小子略說一遍你聽。五鬼王安排酒食。少不的羅列筵席。那裡有筵開玳瑁。那裡有酒泛金杯。那裡有定勝花朵。那裡有果品棠梨。那裡有饔飴籠籠。那裡有鳳鵝鳳雞。那裡有敲牛宰馬。那裡有熊掌駝蹄。那裡有肥羊火燎。那裡有鹿脯背皮。那裡有花豬肥肉。那裡有麵造蒸食。那裡有清香美酒。那裡有壓案絕希。那裡有珍羞百味。那裡有異品新奇。那裡有紅裙執盞。那裡有翠袖擎杯。那裡有笙歌繚繞。那裡有笛管聲齊。那裡有箏簫隔間。那裡有檀板相攜。那裡有喧聲畫鼓。那裡有隊舞威儀。那裡有驚人百戲。那裡有筋陡罕希。那裡有耍笑院本。那裡有今古傳奇。那裡有銀壺臺榭。那裡有桌椅鋪席。有的是饕魔山荒塘塘一塊空地。少不的胡屑驢擺布上些東西。炒蜈蚣白煮蝦蟆。燒蠔蟲煎爛馬蟻。煎蜻蜓搗爛蝎虎。煮蒼蠅爆炒刺蝟。醃狸貓鍋燒蚰蜒。炒虱子壁虱絕魁。鹽蠅蝠堪爲上品。煤老鼠罕見希奇。把泥鰍切成魚鮮。將山猴斬剝如

泥。山澗水就是高酒。沒奈何喝上幾杯。衆鬼王一箇箇大模勢樣。一箇箇喬所爲。且是張智。一箇箇甌兒臉醜頭怪腦。一箇箇猢猻樣。則少一張猿皮。跳的跳。東奔西走。穰的穰。亂作胡爲。酒又無。肉又無。一箇箇大家閑坐。吃的無。用的無。一箇箇且是孤恹。吹的無。搯的無。委實的十分冷靜。彈的無。唱的無。如果的淒慘傷悲。惱一會。恨一會。咬唇切齒。怒一會。燥一會。豎眼伸眉。慌的慌。忙的忙。肚中飢餓。走的走。撞的撞。枉自驅馳。一箇箇飢又飢。渴又渴。其實的絕然難忍。少不的衆鬼王閉着眼。張着口。大家吃尿。〔異鱗鬼云〕這厮胡說去來。各施變化神通力。便有天兵不敢侵。〔同下〕〔淨餓鬼云〕他們去了也。我小子少不的趕了去。小子是餓鬼。一生快說嘴。鬼王排酒食。大家喝涼水。〔下〕〔正末扮兩頭四臂同護法天神上〕〔正末云〕吾神那吒是也。奉我佛法旨。擒伏山中五鬼。駕起祥雲。天神那裡是餓魔山也。〔護法天神云〕兀那裡便是餓魔山也。〔正末云〕是好山勢也。〔唱〕

〔中呂粉蝶兒〕高接青霄。鍾陰陽混成之妙。分胚胎變幻清濁。清爲天。濁爲地。在中山嶽。壯乾坤生物豐饒。興風雲養育億兆。

〔醉春風〕可怎生妖氣逼晴空。則被這邪魔占住了。世尊今日發慈悲。將他來勦。勦佛爺安養衆生。救拔苦難。都則要歸依正道。〔護法天神云〕尊神駕着雲。咫尺便

到也〔正末唱〕

〔迎仙客〕駕天風雲霧濃。奉佛勅敢辭勞。遙望着猷魔山。氣騰騰雲霧繞。〔云〕這邪魅今日喪在吾神手中。〔護法天神云〕委的變化多般。〔正末唱〕他非是正直神。又不列在天地曹。止不過野怪山妖。〔護法天神云〕他五箇鬼王手下。還有許多邪魔。山魈魍魎。都會成精作怪。〔正末唱〕我直着絕了根無消耗。〔護法天神云〕尊神。怎生擒伏五鬼。也不用鬼兵神帥。上聖一位。豈能濟事也。〔正末唱〕

〔紅綉鞋〕須信俺如來佛教。攝羣魔不動槍刀。止憑着善念化愚濁。但心地歸佛法。生天界出塵勞。〔帶云〕但有不歸依。反生誹謗的。〔唱〕直着他墮鄴都受苦惱。〔護法天神云〕這箇山峪口。是他出沒的所在。〔異鱗鬼獅頭鬼鐵頭鬼金睛鬼無邊鬼同淨餓鬼冲上〕〔異鱗鬼見科〕〔云〕那裡來的邪神外祟。〔獅頭鬼云〕問他箇端的。但若抗拒。作法嘯起風來。異鱗鬼王。你放毒霧。着他死在此處罷。〔異鱗鬼云〕何方聖者。甚處靈神。擅到吾境。有何事幹那。〔正末云〕吾神那吒太子。特來擒拏你來。你及早歸依佛道。〔獅頭鬼云〕好無禮也。開如此大言也。〔正末唱〕

〔滿庭芳〕哎。你這妖魔羣小。〔鐵頭鬼云〕與你往日無冤。近日無仇。何故來此。量你一箇。如

同躡螻蟻相似〔正末唱〕看承我似螻蟻。則怕你近不的分毫。誰似你作害生殘暴。有犯天條。傷生命禍惡怎了。違佛勅罪犯難饒。〔做放光科〕〔唱〕放金光千千道。〔金睛鬼云〕怎生千千道金光罩定了他。噌逃入山上頭去來。〔衆鬼做走科〕〔正末唱〕我着他待逃來怎逃。莫非你駕雲霧上青霄。〔做趕科〕〔異鱗鬼云〕走走走。疾。十里毒霧速至者。

〔獅頭鬼打哨子科〕〔云〕狂風驟雨下下。〔金睛鬼云〕虎豹熊羆獅象豺狼野狐。快來聽用。〔無邊鬼云〕飛砂走石不來等何時。〔異鱗鬼云〕四箇鬼王。這事不中。怎生霧也不起。風雨也不來。羣獸不至。風砂全無。金光罩定那神道。可怎生了。噌可不死在他手裏。〔餓鬼云〕您每靠後。等我拏石頭打他。老子也。毒霧風雨。飛砂走石。虎豹毒蟲。都不見。那兩位神道。又趕將來了。〔正末同護法天神攔科〕〔正末云〕走的那裡去。〔唱〕

〔脫布衫〕倚仗着你地險山高。駕飛雲平步山坳。將你那毒霧飛砂走石。呼風雷更驅虎豹。

〔小梁州〕我跟前不許邪魔展半毫。〔做趕科〕〔異鱗鬼云〕不好了。怎了也。〔餓鬼云〕我死也。救命救命。〔正末唱〕則聽的懊惱悲號。〔異鱗鬼云〕跪下者。尊神饒命。〔衆鬼跪科〕〔正末唱〕一箇箇慌慌跪倒。叫耽饒。忍不住呷呷笑。〔護法天神云〕委實佛力高強也。〔異鱗

鬼云「再不敢傷生害命也。」〔正末唱〕如今不打自然招。

〔么篇〕不遭陽報遭陰報。俺如來善與人交。〔云〕五箇業畜過來者。〔唱〕你與我脫了上衫。丟了靴勒。〔云〕我做一頓午飯。這五箇尙不穀一餐。將那小鬼頭做點心。〔唱〕權做我午餐一飯。〔異鱗鬼云〕上聖。我每不中吃。放赦了者。〔正末唱〕可正是無福也難消。〔異鱗鬼云〕尊神。俺五鬼諸天神鬼。咸皆懼怕。因俺興風作浪。呼風喚雨。聚獸飛砂。今日尊神奉佛勅命。不動槍刀。使俺風不能興。雨不能至。霧不能起。惡獸不能前。砂石不能舉。情願歸降尊神。則是饒了俺性命罷。〔護法天神云〕你因甚擅動刀兵。傷害生靈。〔異鱗鬼云〕尊神。有四魔女占住俺夜叉山。食啖衆生。實是此妖作害。因與他爭鬪來。〔正末云〕你這般神通變化。不好與他相持。擒伏此妖也。〔異鱗鬼云〕尊神。俺雖有變化。有形有影。此四魔女。偷了九天玄女藏潛法。正與他交戰。他就不見。無影無形。變爲樹木山石。不辨真僞。以此不能擒伏他。〔正末云〕您旣歸依佛道也。到來日您五鬼直至四魔女潛藏去處。與我引戰。等吾神擒伏他去。〔異鱗鬼云〕罷罷罷。改過邊善。着大衆鬼魅精邪。跟俺歸於正道。俺五鬼奉尊神命。直至夜叉山。引戰四魔女去來。奉法旨誰敢違拗。四魔女冤冤相報。引戰他大敗虧輸。跟上聖歸依佛道。〔同下〕〔正末云〕護法天神。五鬼歸依正道也。到來日可到夜叉山。擒伏四魔女去來。〔唱〕

〔尾聲〕邀請俺佛座下天王揭諦神。天神也你莫辭勞。同跟我看一遭。我將妖邪魔女尋箇下落。都着他善善伏降。不着你落了保。〔同下〕

第三折

〔淨扮天魔女同地魔女運魔女色魔女上〕〔天魔女云〕盜命偷生變化身。溪山深處聚成羣。不知天道欺神鬼。來往路途迷惑人。我乃天魔女。這一箇是地魔女。這一箇是運魔女。這一箇是色魔女。俺因侍從九天玄女。後來偷了他隱遁術法。變化多般。不怕天地鬼神。脅制山神土地。俺四人專一迷惑世人。邀求祭祀。近有五鬼王爭奪夜叉山。被俺衆妖鬼將他戰退。〔地魔女云〕他若再來。俺將他拏來。活活的撕吃了罷。〔運魔女云〕把五箇鬼頭宰了。着鹽醃了做火燻。〔色魔女云〕運魔女說的是。一陣怪風起。必有甚神鬼來侵犯此山也。〔天魔女云〕我試看者。〔做看科〕〔云〕不好了。東南上一道妖氣。定有甚神鬼來侵犯。俺且往山後九陽洞中。暫時潛躲。他若來到。看箇吉凶。與他鬪勝。〔色魔女云〕誰敢來侵犯。不怕他。不怕他。〔天魔女云〕魍魎耗鬼一週遭。不用槍來不用刀。則憑變化迷魂陣。拏住神鬼醃臘了。〔同下〕〔異鱗鬼同獅頭鬼鐵頭鬼金睛鬼無邊鬼上〕〔異鱗鬼云〕吾乃異鱗鬼王。同四箇鬼王。奉那吒法旨。着俺引戰四魔女。鬼兵圍住夜叉山角。放起十里毒霧來。〔金睛鬼云〕毒霧起也。我在霧中看他每在何處。〔做看科〕〔云〕四

妖都在九陽洞前。〔獅頭鬼云〕俺直至洞前搗戰去。〔做走科〕〔天魔女云〕您這五鬼好無禮也。又來侵犯俺。地魔女嘯起神風。刮散毒霧者。〔做戰科〕〔五鬼趕科〕〔四魔女做敵住五鬼科〕〔異鱗鬼云〕不中。他鬼兵圍上來了。嚙下山去來。〔獅頭鬼云〕敵不住他。走走走。〔同下〕〔天魔女云〕早是他走的疾。若拏住都醃臘了。小鬼安排酒食。俺洞中飲酒去來。〔同下〕〔復上〕〔做入洞吃酒科〕〔正末扮三頭六臂同護法天神上〕〔正末云〕吾神那吒是也。因降五鬼。五鬼說夜叉山畔四魔女作警。好生利害。天神。〔護法天神云〕有。〔正末云〕吾神臨來時。世尊傳與我祕法。若有急難。吾神於山頂上擊天印。山下搖動金鈴。自有神將來護持也。〔唱〕

〔越調鬪鶴鶉〕恩慈滿四大神洲。威德貫三千世界。願宏深救度衆生。力廣大拔離苦海。若論着苦行修持。幾曾將初心暫改。性本明心地開。得證了大覺眞如。受了那千年萬載。

〔紫花兒序〕度化了西乾東土。分別了地獄天堂。成就了佛果如來。自從在靈山說法。有緣的持齋。歸向蓮臺。萬萬衆人天列寶塔。將我佛仰戴。法力無邊。不用編排。〔云〕這箇是夜叉山。〔護法天神云〕則這裡便是也。〔五鬼冲上〕〔異鱗鬼云〕尊神來了也。〔正末云〕輸贏勝敗如何。〔異鱗鬼云〕尊神。妖女勢大。俺放毒霧。他嘯神風。將俺趕退。不能近前。

〔正末云〕那裡是他出沒所在。〔異鱗鬼云〕則這裡便是。〔正末云〕跟我入山來。〔唱〕

〔小桃紅〕挺身奮勇入山來。魔女侵欺界。殘害生靈罪何大。〔異鱗鬼云〕尊神。你仔細小心。不是耍處。〔正末唱〕莫疑猜。〔異鱗鬼云〕山嶮路難行。鬼兵越多了。〔正末唱〕須不是百里連環寨。〔異鱗鬼云〕他若分付。急如風火。〔唱〕我將他不揪不採。我跟前賣弄那神通廣大。直着他日下受天災。〔云〕百眼金睛鬼。你看他每在於何方。〔金睛鬼云〕得令。搖身一變。變做一箇麋鹿。直至巢穴。〔做變科〕〔四魔女冲上〕〔天魔女云〕有神兵來了。嘯起神風。〔金睛鬼云〕尊神。大風起了。〔正末云〕你慌甚麼。〔做喝風科〕〔云〕風即止。〔天魔女云〕可怎生風止了。一定有神聖到此地。魔女調起鬼兵來。圍住了者。〔異鱗鬼云〕尊神。妖兵圍住俺了。怎生是好。〔正末云〕我試看者。〔異鱗鬼云〕放起毒霧。嘯起風雷。喚雨雹飛砂走石。拘虎豹惡獸救命。〔正末云〕五鬼也不用十里毒霧。也不用風雷雨雹。也不用飛砂走石。也不用虎豹犀象。吾神自有編排。〔護法天神云〕尊神。可是怎生那。〔正末云〕來到山頂上。六臂中所持天印。在這山頂上。擊響三下。〔做擊印三下科〕〔云〕再將金鈴搖動。神必至也。〔做搖金鈴科〕〔金頭揭諦銀頭揭諦波羅揭諦波羅僧揭諦冲上〕〔金頭揭諦云〕俺四揭諦速至此山。擒拏魔女。兀那不是那吒神。〔正末云〕四揭諦來了。休走了四箇魔女。〔多聞天王持國天王增長天王廣目天王冲上〕

〔多聞天王云〕俺四天王速至此山。擒拏魔女。那吒神。俺來了。〔正末云〕四天王來了。您四下裏圍住。就撒開天羅地網。休走了魔女也。〔天魔女云〕怎生風也不起。天神越多了。不好了。不好了。俺如今變做四塊頑石。藏於山岩之下。他那裡尋俺。〔正末云〕吾神用天眼一觀。四魔女變做頑石。藏在山岩石內。〔做喝科〕〔云〕此變還復本形者。〔天魔女云〕這事不中。他一聲喝着。俺還復本形。俺怎生敵的過他。〔天魔女云〕尊神何方聖者。甚處靈神。善降善降。〔正末唱〕

〔調笑令〕罵你這頗奈。我跟前逞狂乖。呀。則我是六臂那吒佛聖差。〔四魔女跪下科〕〔天魔女云〕誆殺我也。自來不會見這樣神道。〔正末唱〕四天王勇烈不耽待。四揭諦雲外飛來。〔運魔女云〕罷罷罷。俺怕了。俺怕了。饒性命。都是五鬼搬嘴來。〔正末唱〕我跟前賣弄怪手策。這其間無計栽排。〔色魔女云〕尊神放了俺。再不敢殘害衆生也。〔正末唱〕〔禿廝兒〕巧支吾全無剗劃。要饒命說的明白。歸依世尊和性改。發善念。豁心懷。您便持齋。〔天魔女云〕神道爺爺。俺都情願。〔天魔女云〕俺情願改過。則是不跟了尊神去。俺捨不的這山場。〔正末怒採住天魔女科〕〔正末唱〕

〔聖藥王〕將他髮髻採攬在懷。〔做要摔科〕〔唱〕登時摔碎潑形骸。〔天魔女云〕放手。尊神饒性命。跟的去。跟的去。〔正末唱〕口聲聲饒性命。暫免你目下災。您若是信心一

念出塵埃。做一箇善友那幽哉。〔地魔女云〕饒了罷。願跟尊神。見佛祖如來去。到那裡。就剃了頭。做尼姑。耍子倒乾淨。〔正末云〕四天王四揭諦五鬼。押着妖怪。同去見世尊去來。〔天魔女云〕尊神。俺既伏了降。俺部下許多鬼魅魍魎。都着跟去。參拜世尊。在於蓮臺下。聽經聞道。多少是好那。〔正末云〕依你說。依你說。〔天魔女云〕部下大小鬼魅。都跟俺歸依佛道去來。〔外衆應科〕〔云〕去來。〔正末唱〕

〔尾聲〕您與我離山岡。步履黃金界。一箇箇脫離了輪迴苦海。聽佛法早生天。離邪魔做真宰。〔同下〕

第四折

〔釋迦佛同阿難迦葉上〕〔佛云〕六根清淨通三教。一念存仁達四恩。金爐不斷千年火。玉蕊常明萬歲燈。貧僧釋迦佛是也。惟願大地衆生。同證無上正等菩提。莊嚴金世界。清淨玉壺冰。長註人天福。須傳佛聖燈。貧僧三來化身。自東度西。來傳六祖。初祖達磨禪師。二祖慧可大師。三祖僧璨大師。四祖道信大師。五祖弘忍大師。六祖惠能大師。又傳五宗五教之正法。五宗者。臨濟宗。雲門宗。曹洞宗。法眼宗。禪仰宗。五教者。南山教。慈恩教。賢首教。天台教。祕密教。千載無窮。萬世頂禮。想太初未判。上古混然。一氣纔分。三界始立。方有四生六品之類。遂成萬種之輪迴。想人生若有

聰明睿智者。當求出離苦海之難。人身易得。佛法難逢。夫佛門者。有三寶四恩五戒之論。三寶者。一曰佛寶。二曰法寶。三曰僧寶。四恩者。一父母恩。二師長恩。三國主恩。四施主恩。五戒者。一不妄殺。二不偷盜。三不邪淫。四不妄語。五不飲酒。此乃貧僧相傳有法。夜涼禪定。以上有脫誤坐心虛空。不離想。貧僧自入三昧正定。觀見猙獰惡鬼。乃欲魔山五鬼作警。聚集妖魔。縱橫自在。吞啖衆生。作踐走獸。或吐霧噴雲。或興風作浪。怒時節放十里毒霧。嘯風喚雨。作法施爲。飛砂走石之術。移山倒海之法。兇惡浩大。變化多般。毒意非爲。傷生害物。又兼夜叉山四箇魔女。偷盜九天玄女隱遁術法。損害生靈。痛遭荼毒。迷惑世人。邀求祭祀。有護法天神來報。貧僧降牒文一道。差那吒三太子。擒伏五鬼并四魔女去了。嘆此業畜。他豈知我佛力廣大也。〔阿難云〕我佛世尊。這五鬼野性兇頑。放毒霧罩滿遙天。東西不辨。南北不分。使神祇不能相侵。又攝驟雨狂風。轟雷閃電。喚雨的注雨如傾。呼風的狂風亂吼。天摧地塌。拔樹撼山。俺那吒乃百億化身。諸天神將。見其威猛。無不畏懼。若論那吒的神威浩浩。志氣沖沖。怒時節海沸江翻。惱時節天昏地慘。量這般鬼頭。有如微塵相似。豈爲難哉。〔迦葉云〕不然。似這等惡鬼。不歸依俺佛道。倚仗他能施水火之法。攝的那火鴉飛舞。火鼠騰空。黃焰鄧鄧。黑霧漫漫。紅光滾滾。紫氣濛濛。火起時燎斷天關。燒場地戶。水來時惡浪滔天。瀾漫宇宙。更會招集虎豹豺狼。作隊而來。成羣而至。俺那吒太子。有千變萬化之機。六

臂三頭之勢。神威猛烈。聖武難敵。仰仗我佛法力洪威。天龍八部四大天王。齊心奮怒。何觀那鬼怪邪魔也。〔佛云〕貧僧想這五鬼。傷生損物。擾害人間。粗心大膽。恣逞兇頑。量這業畜。到的那裡。俺那吒必然擒伏他來。但願一切衆生。皆證佛道。貧僧恰纔入定。觀見那吒。引領大衆神祇。敢待來也。〔正末同四天王四揭諦護法天神領五鬼四魔女淨餓鬼上〕〔正末云〕您今日歸依佛道也。跟吾神參見世尊去來。〔唱〕

〔雙調新水令〕則要您信心參禮大乘禪。我佛發慈悲。大開方便。若不是收心歸伏的早。這其間您骨肉化作風煙。也是您萬劫因緣。您今日棄惡業。就慈善。〔云〕可早來到也。不索報復。吾神過去。先參拜見我佛世尊也。〔見科〕〔佛云〕那吒來了也。

〔正末唱〕

〔駐馬聽〕金口宣言。合掌佛前拜聖賢。〔做拜科〕〔佛云〕請起。〔正末唱〕仗佛光顯。妖魔歸順。片時間。救了那生靈。物命萬千千。洪恩普濟。皆周遍。世代傳。都說道。如來法力無邊堰。〔天神云〕世尊。這兩等妖魔神鬼。不能敬奉我佛法旨。那吒神脚到處。伏伏而降。並不動兵刃戈甲。乃知佛力無邊。救濟了萬萬生靈。安妥了山靈境界。讚揚讚揚。〔正末云〕五鬼魔女。過來參見世尊。〔衆做跪科〕〔餓鬼云〕老子也。我在那箇寺裏。曾見他來。〔正末云〕世尊不

知〔唱〕

〔鴈兒落〕五惡鬼造罪愆。四魔女心不善。害生靈不怕天。任意將人作踐。〔佛云〕你可怎生擒伏他來。〔正末唱〕

〔得勝令〕呀。直到那魔女鬼山前。他放神風恣迷連。也是他此際合休自召遣。俺諸神圍四邊。仗佛祖威權。誑的些鬼怪心搖顫。要送入他黃泉。體佛心相愛憐。〔佛云〕五鬼王四魔女。想神鬼者。乃二氣之良能。至於處幽冥沙漠。亦要脩持爲善。人天福報。理之常也。今日既歸於佛道。世世生生。不違真性。超生天堂之境。永離地獄之門。貧僧若不體好生慈悲。將您永墮沉淪。萬劫不得出頭也。〔餓鬼云〕佛爺爺。我則跟着他每趁打哄。並不會傷生害物。與你做箇徒弟。拾些酸餛吃罷。〔正末云〕衆鬼魅謝了世尊者。〔五鬼四魔女禮拜科〕〔同云〕我佛慈悲。我佛慈悲。我佛慈悲。〔正末唱〕

〔清江引〕金光放出照大千。拜仰佛恩眷。翊贊聖明君。永坐黃金殿。願大明享昇平萬萬年。〔佛云〕您衆生聽者。俺佛力巍巍浩浩。以慈善闡揚立教。造蓮船引度有緣。設雲梯超昇億兆。爲人休昧己瞋心。爲神要明彰昭報。今日箇發慈悲將您攝伏。改惡念歸依佛道。

題目

慈悲攝伏五鬼魔

正名

猛烈那吒三變化

許真人拔宅飛昇

闕名

頭折

〔冲末扮東華仙童上〕〔東華仙云〕返本還元已到乾。能昇能降號飛仙。一陽生時興功日。九轉週迴得道年。煉藥須尋金裡水。安爐先立地中鉛。此中便是還丹理。不遇奇人莫妄傳。某乃東華紫府少陽帝君是也。秉天地混元之氣。運乾坤造化之機。久居丹臺紫府。金門玉房。瓊樓十二接丹霄。玉閣三千居海島。翔鸞舞鳳。白鹿玄鶴。宴羣仙於三島瑤臺。謁王母於十洲閬苑。看桑田滄海頻更。任烏飛兔馳疾走。前者因爲九洲都仙高明太史高明大使思凡。罰往下方。人世之間。託化成人。卽許遜是也。除爲旌陽縣令。道性尙存。貧道恐一時迷卻仙道。待他功成行滿。着真仙接引此人。返本還元。身朝紫府。位列丹霄。未爲晚矣。無甚事。且回閬苑中去來。離遙天遊翫蓬壺。永長生出有入無。等待他功成行滿。駕雲軒飛上仙都。〔同下〕〔淨扮縣丞領淨外郎張千上〕〔縣丞云〕我做官人數年。斷事歪纏胡纏。被百姓偷了瘦馬。這兩日則騎門限。律令一些不曉。則要銀子銅錢。我每日憂愁思慮。爲貪賊曉夜無眠。前日街上搖擺。孩子每打了幾鞭。自家是這四川旌陽縣縣丞姓舒。是舒着手。字白要。我的行止。一分沒有。論我謊說。其實無賽。斷事不濟。見錢便愛。

歪纏胡纏。積年民害。近新來我這縣裡。新除了一箇夾腦風知縣。姓許名遜字敬之。自從他到任來。每日則念道經。也好耍子兒。兀那外郎。你看那一夥拖欠錢糧的百姓。都在那裡。〔外郎云〕你前日要了他們十隻雞。兩疋絹。不曾與我一些兒。你還說哩。我都下在牢裡也。〔縣丞云〕你悄悄的不要胡說。等大尹來時。我們一發拏出來追徵他們。一壁廂搖動衙鼓。這早晚大尹敢待來也。〔正末扮許遜上〕〔云〕小官姓許名遜字敬之。乃許由之後。家眷四十餘口。祖居汝南武昌人也。後移居豫章。小官生於赤烏二年。我母夢金鳳嚙珠。墜於掌中。玩而吞之。遂生小官。素愛弓矢。因為獵射中一鹿。不想此鹿隨墮一子。不顧其痛。則顧其子。小官感此一事。遂棄弓矢。回家攻習儒業。凡詩書經典。無不通覽。尤好莊老之術。小官與同道吳猛。得郭璞不老延年之術。小官遂往拜求。遍歷名山。志求仙道。後遇仙人丁義。遂得其傳。祕而自修。近於太康元年。本處官吏。以賢良方正。舉小官入朝。加爲旌陽縣令。爭奈此處人民貧窘。百姓每拖欠下錢糧。前官卻將他下在縲紲之中。小官昨夜於縣衙後園中。將瓦石點化爲金。埋於地下。可以使用。有意的要賑濟這百姓。每今日陞廳。小官自有箇主意。想俺這爲官的。上不虧公。下不損民。方可爲民之父母也呵。〔唱〕

〔仙呂點絳脣〕我文典通達。身居王法。心無假。名播天涯。理萬姓遵王化。〔云〕

據小官的心呵。〔唱〕

〔混江龍〕我則待山間林下樂清閑。養性度韶華。山中採藥。茅舍烹茶。數着殘棋消永日。幾杯村酒當流霞。我則樂平生求得無牽掛。早來到喧喧公舍。穰穰廳衙。〔云〕可早來到也。張千報復去。道有小官來了也。〔張千云〕理會的。報的大人得知。有縣令大人來了也。〔縣丞云〕他來了。外郎我兒也。不要閑說一句話。我待一會兒。買兩瓶請你。張千。道有請。〔張千云〕理會的。有請。〔正末見科〕〔云〕大人。小官來了也。〔縣丞云〕大人來了也。請坐。大尹。你不知道。前日那些頑猾百姓。拖欠下許多錢糧。我前日一箇箇都叫來問他們上緊追納。支了你的。買了酒肉燒餅喫了。還有未納的。今都下在牢裡。你怎麼斷還等事。〔正末云〕兀那外郎。你把那一行人。都與我律上廳來。〔外郎云〕理會的。張千。快拿將他們來也。〔張千云〕理會的。把那拖欠糧草的百姓每。一行都拿上廳來。〔衆百姓上〕〔云〕牢中一日勝如年。苦楚千般不可言。黎民被害心生怨。負屈含冤只告天。俺都是這本縣上納錢糧的百姓。因爲本處大人。不肯愛惜百姓。大科小斂。苦害窮民。十分糧折支三分。俺百姓辦納不起。將俺都下在牢中。今日大人呼喚。再若似前拷打呵。可怎了也。〔見科〕〔張千云〕當面。〔衆百姓跪科〕〔正末云〕兀那百姓每。你有冤枉的事。你說。〔百姓云〕告大人得知。小的每是這本縣的窮百姓。將俺監禁在這牢中。日久也。望大人憐憫者。〔正末云〕我試問你者。〔唱〕

〔油葫蘆〕莫不是水旱相侵田種乏。〔百姓云〕不是。今年風調雨順也。〔正末唱〕怎生來拖欠下。何因你不思量耕種作生涯。〔百姓云〕不是。〔正末唱〕你待要平將百姓相欺壓。則他這明明天理你全不怕。〔百姓云〕告大人停噴息怒。小的每豈敢不思耕種。常言道大富由天。小富由勤。民以食爲本。委實是本處大人一年四季下鄉踏青賞飯。避暑乘涼。馬草柴炭。都問俺百姓身上科斂。與了他便罷。若不與他呵。俺百姓每若上納錢糧來。鋪倉廩。鼠耗糧。百般苦拷。典男賣女。苦打追徵。望大人做主者。〔縣丞云〕你和他說怎麼。揀那大棒子打着耍子。熱鬧衙門。〔正末云〕噤聲。〔唱〕則因您官又貪。和這吏更猾。把這些無辜良善平欺詐。因此上不得理生涯。〔百姓云〕大人是小的每父母一般。俺這爲兒女的。貧苦艱難。爲父母的。豈不憂念。小的們衣不遮身。食不充口。委實的難過。這錢糧怎生上納的。望大人與兒女每做主者。〔正末唱〕

〔天下樂〕他全靠着一畝桑田要種瓜。除此外無也波他。您將他沒亂殺。他每都下鄉來走的氣力乏。〔外郎云〕這箇則說着縣丞。不干我外郎事。〔縣丞云〕怎麼下鄉去要你的東西。我若要他的一些兒東西。我家裏都喫爛山藥藥死了。不說你慢帳罷了。都像你。我這縣丞就餓殺了。〔正末唱〕我雖是念咒書。我雖然學道法。我可也不曾虧百姓家。〔縣丞云〕

俺叫將他們來。不成就放了他去罷。我看你怎麼斷他。〔正末云〕兀那百姓。你每拖欠下官府錢糧。難以饒免。都罰去本縣後花園中築理牆垣。您意下如何。〔百姓云〕若是大人免俺坐牢呵。小的每情願做工築牆去也。〔正末唱〕

〔那吒令〕您心中監察。後園中地下。不要您種花將鋤鏝便拏。您可也莫推辭。我權當助發。〔外郎云〕你着他去後花園中做甚麼。〔正末唱〕我須是準備着收拾下。您休辭身體疲乏。〔縣丞云〕他都是些焦鬼。倘若走了。那裡尋他去。我則不管。隨你胡做去。〔正末唱〕

〔鵲踏枝〕你休要鬧交雜。我這裡自嗟呀。他須是版籍居民。怎生着他帶鎖披枷。苦懣在牢中痛殺。〔外郎云〕他若走了。我不管你了。〔正末唱〕我着他實不甘受波查。〔云〕張千。領到後園中做土工生理。築牆垣去。〔張千云〕理會的。〔領百姓下〕〔縣丞云〕你把他都放的築牆去了。那夥人識甚麼高低。倘或走了。我看你怎麼了。都是外郎和你認。〔外郎云〕干我甚麼事。都是你兩箇。〔正末云〕不妨事。〔唱〕

〔寄生草〕不要你心間困。我着他力轉加。將稅糧一一還時價。把窮民百姓收留下。不强似牢中苦楚耽驚怕。〔縣丞云〕牆也築不成。一准是走了的數兒。〔正末唱〕我

着他黃金滿地衆人分。顯俺這爲民父母添聲價。〔外郎云〕我這裡且攢一兩張文書。看你兩箇閑坐着怎麼。〔正末云〕是甚麼人。這等炒鬧喧嘩也。〔張千領衆百姓掣金子上。〕〔百姓云〕好了也。着俺築牆。鉋出金銀來。報知大人去來。〔張千見科。〕〔云〕報的相公得知。有這百姓築牆處。鉋出許多金銀來。不敢隱諱。報的大人得知也。〔正末云〕爲甚麼這等大驚小怪的。〔百姓云〕告的大人得知。方纔蒙大人台旨。着小的每後園中築牆去。小的每剛掘動土。滿地都是黃金。特來稟復大人得知。〔縣丞云〕老子也。早知道。我去做工也罷來。〔外郎云〕噯。走了我一頭好買賣。〔正末唱〕

〔醉中天〕不要您相驚訝。將分兩莫消乏。〔云〕兀那百姓每。您肯將這金銀准折稅糧。你意下如何。〔百姓云〕告的大人得知。可憐見小的每。拖欠下許多糧草。受了無限的苦楚。並然的辦納不上。今日謝了大人。教俺掘土築牆。不想天賜黃金。俺自己也無福消受。情願准折了拖欠下的錢糧。放您孩兒每還家也。〔正末云〕外郎。你與我收了者。〔外郎云〕我都收了罷。〔正末唱〕我着您父母團圓喜慶加。方顯我無虛話。〔縣丞云〕則怕是假的。你收了他的。怎麼。〔正末唱〕哎。您箇不了事。蕭何弄法。心懷奸詐。你待着他血淋淋吊拷綑扒。〔云〕收了不曾。〔外郎云〕他都准折了糧錢也。〔正末云〕着那百姓各自還家去。〔百姓云〕多謝了大人。俺衆百姓今

日箇天賜黃金。准折了拖欠下官府的錢糧。將俺都疎放了。一箇好大人也。端的是清似水明如鏡。上不虧公。下不損民。俺拜辭了大人。回家去來。數載錢糧未得完。大人恩念重如山。今朝無事還家去。方信官清民自安。〔乘百姓下〕〔縣丞云〕大人。這些窮百姓好造化。若不是鉋出這些金子來。都是打死了的數兒。若不是呵。這錢糧怎麼得完備。〔正末云〕大人差矣。俺這爲官的全要與民造福。豈可有害民之心也。〔縣丞云〕大人。你說那裡的話。可不道寧苦他。莫苦我。打死了百姓。于我甚麼事。〔正末云〕噯。如今這爲官的。不肯舉直錯諸枉。專一損害百姓。欺瞞上官。則今日小官棄職歸山。修養仙道。交與你印綬官服。小官告回鄉里去也。〔縣丞云〕你去了倒乾淨。我和外郎也得些兒自在。大人。既然你要去呵。心去意難留。留下結冤讐。你去了罷。〔正末唱〕

〔尾聲〕我則索離公衙。辭官職心無假。專習演天心正法。呪水書符寶劍拏。休題着富貴榮華。〔外郎云〕你去了倒靜煩。〔正末唱〕您那裡莫喧譁。看的人似土如沙。〔縣丞云〕人說你夾腦。果然有些兒。好好的你做官便罷。怎麼走的去學道。你那裡受的那苦。你再回來可也惶恐。〔正末唱〕誰戀你滿目弓兵扶上馬。好着我心中喜加。便將這欄袍高掛。棄了這笑吟吟沉醉擺頭踏。〔下〕〔縣丞云〕好一箇夾腦風。不肯做官。棄了職事。做學道去了。外郎。你心裏怎麼說。〔外郎云〕休信他。一准不會管事。害怕了。跑了家去了。我說自家做知

縣罷。俺縣令有些查哇。百姓錢不肯胡搨。把石頭點成金寶。不理民專弄術法。人都罵他夾腦。我也說他低答。爲皮鬆不能管事。充縣令我且替他。若有人來告狀。賞他一頓磕瓜。〔縣丞云〕傻弟子孩兒。怎麼使的。你且不要家去。跟着我去花街柳巷喝酒去來。許知縣真箇夾腦。學修道往家便跑。衙縣裏則我二人。儘貪賊則要金寶。我和你同上秦樓。釀燒酒味的醉了。花柳巷任我胡行。冷鋪裏管情睡倒。〔同下〕

第二折

〔淨蛟精同淨蛇精上〕〔蛟精云〕混海翻江作浪潮。張牙舞爪出波濤。敢同巨蟒爭湖海。不忿蒼龍上碧霄。喜來水定風波靜。怒後興雲起電雹。損害生靈施惡躁。爭潭競窟逞英豪。作怪成精裝秀士。滿身鱗甲怕人瞧。腥風拂面施威勢。一心纏擾女妖嬈。女子愛吾容貌美。嘴我這身材則是水蛇腰。吾神乃蛟精是也。這一位是蛇精。我生居水底。長在深潭。我將那五湖四海爲家。九江八河爲境。喜時風平浪靜。怒後洪水滔天。閑時走石吹沙。悶後摧林拔樹。臥時攔波當水。龜鼈蛇蟲爲故友。魚蝦海獸是交朋。出潭衝場江河岸。翻身振倒水晶宮。揣歪捏怪。常同曲蟻土中眠。謊鬼瞞神。每伴蜿蜒沙上顯。饑餐盡五穀田苗。渴飲盡三江四海。我是那多年的真怪物。害事的老蛟精。吾神久占鄱陽湖。萬里長江。誰敢侵吾半點。蛇精水面上賤趁者。但有過往的船隻。報與我知。

道。〔蛇精云〕上聖。你無有靈聖。放些大量。你喫不了的生靈。也與我每些兒喫。〔蛟精云〕我兒。你放心。等我喫不了的搗皮。嚼不動的懶筋。咽淨了的骨頭。我都留與你。無甚事。吾神且入湖中遊戲去來。倚仗着神通變化。任諸人見了不怕。怒時節水面上害人。我若饑了時。纔會蝦蟆。〔同下〕

〔吳猛上〕〔云〕扮道修真結善緣。寧心養性悅參玄。專行陰陽施丹藥。不望冲昇返洞天。貧道姓吳名猛字世雲。乃濮陽人也。幼習儒業。仕吳爲西安縣尹之職。生成天性至孝。專心慕道參玄。後遇異人丁義。授以神方。黃龍年間。天降白雲符篆。遂以道法大行吳晉之間。濟困扶危。祛邪斷怪。今隨吾師許遜授長生之道。煉九轉之丹。周遊天下。普濟蒼生。今大晉封疆。懷帝聖人在位。寰海煙塵永息。奈江湖水怪未除。今幸際永嘉六年。吾師遊方至於建昌州。隨路誅蛇戮蟒。斬魅除妖。廣行陰陽。救度萬民。今貧道在此等候。吾師敢待來也。〔正末領淨道童上〕〔正末云〕貧道許遜是也。曾在旌陽縣爲理。因我一心好道。棄職歸山。隨處雲遊。施藥救人。須索遊方。走一遭去。〔見科〕〔吳猛云〕稽首。〔正末云〕稽首。〔吳猛云〕小道在此久等多時。跟隨師父遊行天下。救度人民。想俺這出家兒的。要無望無礙。無是無非。閑來遊山翫水。閑後瓦鉢磁甌。倒大來幽哉快活也。〔正末云〕想俺出家兒人。觀野景對於青山。看落花臨於綠水。倒大來好清幽也呵。〔唱〕

〔商調集賢賓〕俺出家兒樂逍遙。自在隨處走。誰知俺仙家景最清幽。閑來在

茅菴中高臥。醒來時瓦鉢磁甌。俺出家兒無是無非。活計少無僞無憊。則我這志誠心委實無處有。〔道童云〕師父的道法。則聽的人說。我可不會看見。在下小道。跟着師父數年。不會傳一些兒道法與我。我道童早是聰明。自家心苗裏發現出來。頗知些兒修養。師父聽我說。若論出家。要一鬢頭。二鬚髻。三逍遙。四冠子。談妙理。習正道。改五形。存三昧。修真養性。跨鳳乘鸞。有詩爲證。金丹功大。煉成不賣。喫到肚裏。飛昇雲外。掉將下來。跌破腦袋。師父。你可敷演一遍。在下小道汚耳。〔外云〕是洗耳。〔道童云〕吓。是洗耳。〔正末唱〕習演的道法精熟。我將這心猿牢繫鎖。更和這意馬謹藏收。〔道童云〕料想那三華聚頂。五氣朝元。也輪不着我。師父。你有甚麼障眼法。教我些兒。街市上哄人耍子。討幾箇錢。買點羊肉喫。倒是養身之法也。〔吳猛云〕師父。小道想來。這世俗的人。則戀着奢華受用。豈知俺修行的大道也。〔正末唱〕

〔逍遙樂〕若把這神術學就。索強以在後巷前街。每日家閑茶浪酒。〔道童云〕不是徒弟衝撞說話。跟了師父許多時。那裡曾見你的手段來。我聽的人說你。你專一弄虛頭罷了。〔正末唱〕我經了那無數魔頭。潑性命千死千休。非是咱家誇大口。〔吳猛云〕師父。一自棄官學道。精進玄妙之門。永脫名韁利鎖。真乃道行清高也。〔正末唱〕若不是苦苦的追求。險將這成仙誤了。早是我急急的休官。纔把這世情罷手。〔吳猛云〕師父。俺來到這

鄱陽湖也。你看那滔滔綠水。滾滾清波。是好洶險的江面也。〔正末云〕你看這湖泊之中。妖氣冲天。不知是何精邪作怪也。〔道童云〕師父。敢是你身虛眼花。這兩日喫的葱蒜多了。既不开花。可怎麼見神見鬼的。有甚麼妖氣。你謁了這遭兒。再不要謁了。〔吳猛云〕這湖水激灑。內有毒氣冲天。未知是何等妖魅。在此作警也。〔正末唱〕

〔金菊香〕我則見湖中的妖氣晃人眸。不知是何物精靈在裏頭。〔吳猛云〕尊師。這湖中妖氣混水。腥風襲人。當可掃除。永爲往來舟船之便也。〔正末唱〕今朝遇此難罷手。我與你須看箇緣由。〔云〕憑着俺的道法呵。〔唱〕我將那妖魔邪魅一時休。〔道童云〕好好的走着路兒。則說有妖氣。則願的這水淺處。鑽出箇水蛇來。纏頭纏腿也。〔吳猛云〕師父。這妖氣定潛於水中。望師父舉慧眼遙觀。必見其像也。〔正末做看科〕〔唱〕

〔醋葫蘆〕我這裡向湖邊定目觀。〔吳猛云〕師父。端的是何妖魅也。〔正末唱〕原來是老蛟精在此處遊。〔吳猛云〕既是蛟精。未知他損害蒼生也不曾。〔正末唱〕則他那害人的心性最爲頭。潑邪魔這番怎解救。〔吳猛云〕師父。則怕此蛟精神通變化。吐霧興風。師父可將神鋒寶劍誅之。〔正末唱〕者莫他神通也。那深厚。則我這劍鋒到處。我着您一時休。〔吳猛云〕師父。此妖魔害民久矣。毒氣太重。看太上好生之德。可書一靈符寶篆。驅此妖魔出水。

現形。方可擒之也。〔正末云〕道童。將過紙墨筆硯來者。〔道童云〕師父。你也夾腦風。在家裏便有卓兒。來到這半路途中。前不着村。後不着店。人生面不熟。我着我那裡討這卓兒來。我扒在地上。當卓兒。可不好。你施展使人罷了。罷罷。我去那廟兒裏。借那卓兒來。走走走。可早來到也。觀主。有卓兒。借使一使。便還你。〔做掇卓科〕〔云〕師父。卓兒在此。〔正末云〕道童。將過卓兒紙墨筆硯來者。〔道童云〕兀的不是紙墨筆硯。〔正末做書符科〕〔云〕道由心學。心假香傳。香爇虛空。心存帝前。今臣關召。動達九天。吾奉太上老君。令女青元君。律正一天師。勅召直日神將。江河湖海。顯應神兵。陰顯威靈。速降真氣。入吾符中。速令蛟精出水。邪魅現形。若有違悞。申奏上清。吾奉太上老君。急急如律令。疾。〔做書符科了〕〔云〕道運先天炁。法用混元初。靈符飛到處。山裂海波枯。貧道書罷符也。吳猛。將此符。擲於湖水之中。邪魅必然現形也。〔吳猛云〕謹領法旨。我將這靈符。撒於水面。兀的不湖中水滾了也。老蛟及早現形。〔正末云〕兀那水波分處。不是蛟精出來了。〔淨蛟精同淨蛇精上〕〔蛟精云〕吾神蛟精是也。正在湖中遊戲。不知甚麼人。丟下一張紙來。登時間把這湖海之中。變的如滾水相似。盪的我滿身都是撩漿泡。又沒處討黃花兒油搽。把些箇蝦兒魚兒。跳的沒一箇。似這等怎麼了。我如今和你趨上岸去。看是甚麼人。蛇精。你慢慢的纏他。〔吳猛做見科〕〔云〕師父。你看那蛟精張牙舞爪。上岸來了也。〔正末云〕兀那水波分處。不是蛟

精出來了。〔見科〕云：業畜，你在此興風作浪，損害生靈，貧道望氣而來。業畜，你知罪麼？〔蛟精云〕：原來是箇道士，你好大膽，你怎麼滾乾了我這湖水，你敢要下元宵，你便圖了水錢，我可怎麼當？你若不退了這張紙呵，我張開這血盆也似大口，將你這箇跳牆頭鑽籬笆偷蠟燭的油嘴，我直吸到我肚子裏。〔吳猛云〕：兀那潑妖魔，俺尊師神通不可測，道法不可量，觀你箇披鱗曲蟾帶甲的泥鰍，到的那裡也。〔正末云〕：這業畜好是無禮也。〔唱〕

〔後庭花〕觀你箇潑邪魔怎展籌，你啖生靈性命休。〔蛟精云〕：兀那先生，你休不識高低，你有甚麼神通。〔正末唱〕：我恰纔將法力驅神將。〔蛟精云〕：你不知我的性兒。〔正末唱〕：量你箇潑蛟精豈掛口。〔蛟精云〕：你今日撞見我，是倒運了。〔正末唱〕：我和你做敵頭，賣弄你光前絕後。〔蛟精云〕：你不要說嘴，我不饒你。〔正末唱〕：非是咱閑賣口，胸中的這怒怎收。把平生志氣酬，把平生志氣酬。〔吳猛云〕：尊師和這妖精說甚麼，我掣出這劍來，潑妖精聽者，吾師這劍指天天崩，指地地裂，你若肯歸於正道，再不許興風作浪，損害蒼生，復着湖海平寧，饒你一死，你若不歸降，我仗着這神鋒寶劍，將你碎屍萬段，你有何神術，敢來決戰也。〔蛟精云〕：這箇道士，且是一嘴好鬍子，把他這鬍子拔將下來，倒好結把髭髯戴。來來來，鬍子，你敢上來。生藥名則半夏，打破你那烏頭，搗了你那柴胡，不你領着附子，我一頓打出你使君子來。〔吳

猛云「尊師靠後。我與這老蛟精交戰者。」〔做戰科〕「云」業畜少走。吾非不能取勝。恐你妖血汚刀。染壞這一湖碧水。若不及早受降。當來爾命。必死於此劍之下也。」〔正末云〕不要走了這業畜。〔吳猛云〕業畜少走。〔趕科〕〔正末唱〕

「雙鴈兒」哎你箇無徒的精怪逞搗搜。看今番這一籌。我這裡步斗踏罡把符呪。看時間怎的走。片時間鮮血流。〔吳猛云〕兀那潑妖精。喫吾一劍。〔蛟精云〕我娘也。我敵不住他。蛇精。我們跑了罷。走走走。〔同蛇精下〕〔吳猛云〕誰想揮一寶劍。斬不中蛟精。這妖精走了也。〔正末云〕走了這業畜也。更待干罷。不問那裡趕將去。〔吳猛云〕師父。非是徒弟劍揮不了。中恐被妖血染壞這百里清波。我縱放妖魔奔走。徒弟隨師父尋蹤斬之。永絕湖海舟船之患也。〔正末云〕徒弟。跟的我追尋這業畜去來。〔唱〕

「尾聲」今日箇遇老蛟將生靈盡皆救。〔吳猛云〕若不是尊師修行有感。道法高強。這湖水豈能平寧。這一方之地。永無患害也。〔正末唱〕除了這一方之地。庶民愁。則我這出家心也曾用意修。〔吳猛云〕這妖精則在前面。俺跟蹤跡以追尋。望妖氣而斬首也。〔正末唱〕這蛟精也則在或前或後。我與這生靈屈死報冤讐。〔同下〕

〔蛟精上〕〔云〕老許神通其實強。紙丟海底熱如湯。鄱陽湖上用法力。趕的區區沒處藏。吾神乃蛟精是也。久居鄱陽湖內。頗奈許真人無禮。他書了一張紙符。把我一江清水。盡皆變的滾湯一般熱。燙的我沒處跑。還熱似混堂池裏。把些箇水精水怪。燙的七死八活的。吾神受他這場魔難。我上的岸來。和他答話。那鬍子不是人。就挑的那老頭子。鬧將起來。我勝不過他。則辨着跑。我如今乖了。搖身一變。變做一箇黃牛。臥於江濤之上。他必然不認的我。他是箇出家修道之人。他若遊方到江岸上。見我臥着。則猜我是箇病牛兒。他必然有慈悲的心。憐憫的意。定來醫治我。不來便罷。若來呵。我儘力子幹他幾犄角。頂在他鄱陽湖內。傷其性命。昭其身體。飽餐一頓。我永占了這鄱陽湖。再無人敢與我敵手。方稱我平生之願。老許手段真箇好。趕的吾神沒處跑。若還今朝撞見他。一定幹他幾犄角。〔下〕〔正末領淨道童上〕〔云〕貧道許遜是也。自從棄官學道以來。前者因過鄱陽湖。遇見蛟精。被貧道遣的無處潛藏。他變做一箇黃牛。臥於江岸上。他有傷害貧道之心。以報前讐。貧道如今略用些小神術。斬此妖精。道童。與我喚將吳猛施岑來者。〔道童云〕理會的。吳猛施岑安在。〔吳猛上〕〔云〕囊裏丹砂醫病患。匣中寶劍斬妖邪。貧道乃吳猛是也。一自老蛟驚奔。小道跟隨師父。追襲至此郡城。小道正在道堂練將。有吾師呼喚。須索走一遭去。可早來到也。報復去。道有吳猛來了也。〔道童云〕理會的。〔報科〕〔云〕報的師父得知。有吳猛來了也。

〔見科〕〔云〕尊師呼喚小道。有何法旨。〔正末云〕且一壁有者。〔施岑上〕〔云〕修真煉氣養元神。精養丹田氣養身。爐中火暖工完後。穩待乘鸞上碧空。貧道姓施名岑字太玉。祖居九江人也。平生勇健過人。修真煉氣。訪道參玄。吞日月之精華。採陰陽之二氣。保養心田。多蒙許真君授煉九轉金液大丹之訣。傳延年益壽養身之術。自永嘉六年。小道跟隨尊師。遊遍天下名山大川。正在道堂諷經。尊師呼喚。不知有何法旨。須索走一遭去。可早來到也。不必報復。我自過去。〔做見科〕

〔云〕師父。喚小道有何法旨也。〔正末云〕你二人近前來。有蛟精作害。如今他在江潯之上。化作一黃牛。如今貧道剪紙。化爲黑牛。於沙岸之上。與黃牛相鬪之際。吳猛。你可仗劍斬之。以除其害。

〔吳猛云〕謹領法旨。〔正末云〕你小心在意者。〔唱〕

〔端正好〕今日箇仗神威。施謀智。憑法力。比並高低。今日箇相逢到此難迴避。

〔施岑云〕尊師想這蛟精翻江混海。吐雨興雲。久占鄱陽等湖。穿通九江八河。害物非一。合當掃蕩也。

〔正末唱〕者莫他能變化顯神威。我可便施號令。用心機。追業畜滅蹤跡。除民害。救人危。〔云〕吳猛。你將的這紙牛。此一去小心在意者。〔吳猛云〕徒弟將紙牛撒於江潯之上。持寶劍而揮之。永除萬民之害也。〔正末唱〕你與我直趕到海角天涯內。〔下〕〔吳猛云〕領師父法旨。將此紙牛。撒於沙灘之上。走一遭去。剪紙化牛。同鬪勝。神鋒到處靜妖氛。〔同下〕〔蛟精變

黃牛上〔云〕搖身一變施威勢。化做黃牛等待他。吾神乃蛟精是也。搖身一變。且化做箇黃毛片大犄角有病的箇芒牛。等那先生來。我着他死無葬身之地。我臥在這江潯之上。那先生他敢待來也。〔吳猛上〕〔云〕手持神鋒劍。來斬潑妖精。貧道吳猛是也。奉吾師父旨。着我將這紙牛擲於地上。疾。〔黑牛上〕〔吳猛云〕兀的不變成一隻黑牛也。我持着劍。潛於沙灘之畔。看二牛相關者。〔蛟精云〕可怎生不見先生來。可跑將一箇黑牛來。我兒也。你死也。敢上來。一犄角頂殺你。送了你豹房裏去。〔二牛鬪科〕〔吳猛云〕二牛正鬪之際。我掣出這神鋒寶劍來。業畜少走。喫吾一劍。〔蛟精云〕哎。約。又中這鬚子計也。不中。走走走。〔虛下〕〔吳猛云〕潑蛟精中劍走了也。更待干罷。我與你趕將去。任他能變化。須要絕根苗。中劍慌奔走。我看那蛟精沒處逃。〔下〕〔蛟精再上〕〔云〕頗奈吳猛無禮也。這箇黑牛。原來是化身。噴道我鬪不過他。這鬚子跑將來。暗算我這一劍。我近不的他。逃性命。跑跑跑。頗奈鬚子無道理。暗持長劍傷吾腿。逃身且變一儒流。趕在人家專弄詭。〔下〕

第三折

〔賈玉同卜兒賈旦領家童僕兒上〕〔賈玉云〕箱有奇珍屋有錢。長沙一帶把名傳。近來喜得新招婿。天教成就美姻緣。老夫姓賈名玉字仲輝。本貫長沙府人也。嫡親的三口兒家屬。渾家趙氏。

女孩兒秀雲。近來招了一婿。是慎廷貴。能通五經。十分聰慧。我這家私裏外。多虧我幼年間喫辛受苦。披星戴月。儻成這萬貫家財。我這女婿。他是這走江湖爲商賈的客人。因爲折了本錢。別無親故。止他一身。我因他會做買賣。以此招他爲婿。自從過門之後。前者着他去吳江收買貨物。不期半路上遇着強寇。將衣服錢糧。不曾損了半分。傷其左足。不能動止。今日在家養病。可怎生是了也。〔卜兒云〕員外也。想俺女婿。好生孝道。今日不期被強人傷其左足。不能動止。怎生是了也。〔賈旦云〕父親。我如今扶他出來。則怕有那高手的醫士。請一箇來。看他一看。有何不可。〔賈玉云〕孩兒說的是。你扶出女婿來者。〔賈旦云〕理會的。慎廷貴。你掙出來。和你說話也。〔蛟精抱病上〕〔云〕身變黃牛雪冤恨。力不能敵左足傷。自家慎廷貴是也。這裡也無人。我非是凡人。吾神乃蛟精是也。被許真人使雷火。追趕的我無處潛藏。吾神欲要報讐。被他神通氣候。逼的我不能近前。吾神後變一黃牛在江邊。不期一黑牛來鬪。不知那裡走將一箇人來。一劍傷我這左足。不能動止。這兩日纏不的裹脚。則穿皮靴兒。以此化做一秀才。在這賈玉家爲婿。他則知我是人。豈知我是蛟精。我這箇渾家。他因得了我這箇氣候。早晚也變成蛟也。這一方之地。早晚也變做深潭也。吾神權在此處潛藏。今有渾家在前堂叫我。不知有甚事。我見他去者。〔做見賈旦科〕〔云〕渾家。我這左足疼痛。你叫我做甚麼。〔賈旦云〕有父親請你說話哩。俺見去來。〔蛟精同賈

旦做見科。〔蛟精云〕父親。你今日叫我出來。你敢和我喫三鍾。〔賈玉云〕孩兒。則因着你吳江做買賣。如今閃了你這腳。我着箇太醫看你一看。如何。〔蛟精云〕父親。不必看。我這腿不是傷手瘡。便是熱瘡。他自然好了。留着藥錢。買山藥喫罷。也不用和尚道士禳保。你則依着我。我如今後面歇息去。不管怎麼。你休放道士進來。你若放他進來。我是有病的人。見了他呵。我越發添了病也。〔賈玉云〕孩兒。我知道了。〔蛟精云〕大嫂。你還扶我後堂中歇息去來。〔賈旦云〕理會的。〔賈旦扶蛟精下〕〔賈玉云〕女婿和孩兒往臥房中去了。俺慢慢的閑坐。看有甚麼人來。〔正末領吳猛施岑上〕〔正末云〕貧道許遜是也。因過鄱陽湖。遇見蛟精。貧道將蛟精遣離湖中。頗奈妖精無禮。化爲黃牛。臥於江岸。貧道剪紙牛化爲黑牛。與黃牛相鬪之間。着吳猛仗劍斬之。他又變爲人。與賈玉家爲女婿。量你箇無徒業畜。如何逃出貧道之手也。〔吳猛云〕尊師。那妖魔被小道劍傷左腿。追至此處。乃是長沙地面。吾師這一番顯揚道法。此蛟精難走難逃也。〔施岑云〕師父。則怕此妖魔聞俺師徒法力洪深。則怕走脫了麼。〔正末云〕不妨事。量此妖魔。走的那裡去也。

〔唱〕

〔中呂粉蝶兒〕者莫他高舉深藏。你看我駕天風定然趕上。則好去深淵中趨避災殃。誰着你害居民傷生命。興風作浪。〔吳猛云〕尊師。這妖精久占鄱陽湖等處。是處

攪擾。非止一端。今又化黃牛鬪勝。敗走於長沙賈門作贅。此妖雖是鱗蟲之類。可也善能變化也。〔正末唱〕你道他變化非常。遇着咱必然身喪。〔施岑云〕師父舉慧目遙觀。妖魔在於此處。假裝人類。善作威福。合當掃蕩也。〔正末唱〕

〔醉春風〕他道是路上遇着強徒。〔吳猛云〕吾師不知老蛟在於何處也。〔正末唱〕這其間穩拍拍居洞房。則我這劍鋒指處鬼神愁。又不是謊。憑着我神通。着他命失並無虛誑。〔吳猛云〕俺師徒來到他這門首也。〔正末云〕令人報復去。道有幾箇雲遊道人。敬

來相訪也。〔家童云〕理會的。〔做報科〕〔云〕報的員外得知。有一雲遊仙長。在於門首。〔賈玉云〕好好好。道有請。〔家童云〕理會的。有請。〔賈玉見科〕〔云〕這先生是好道貌也。先生從何方而來。因何到此。先生說一遍。我試聽者。〔正末云〕員外聽貧道說一遍。你試聽者。〔唱〕

〔紅繡鞋〕我遊方在江湖之上。有除妖斬怪仙方。〔卜兒云〕這先生言語。則怕不實誠麼。〔正末唱〕你道我口中言語。可便不尋常。止不過我千家飯。又不曾夢黃梁。我可便但開言。非是謊。〔賈玉云〕先生仙鄉何處。專行那一家道法。先生試說與老夫者。〔正末唱〕〔石榴花〕我祖居江左是吾鄉。常則是除邪怪秉陰陽。〔賈玉云〕先生高姓。〔正末唱〕念貧儒姓許住他鄉。我曾爲棟梁之任在旌陽。〔卜兒云〕先生修煉道理。可是如何。〔正

末唱〕煉先天道理人皆望。豈圖他紫綬金章。〔賈玉云〕先生既然會居縣宰。必有奇術也。〔正末唱〕我又不曾駕青牛走到函關上。那裡有神聖紫雲陽。〔吳猛云〕俺師父雖是箇雲遊的道人。頗有些驅魔遣魅之法也。〔正末唱〕

〔鬪鵲鵲〕我又不曾伏虎降龍。常則是除蛟斷蟒。〔賈玉云〕先生道貌非常。未知醫道上如何也。〔正末唱〕我學的是千古醫術萬般的藥方。〔卜兒云〕先生。俺家女婿傷其左足。你可看的麼。〔正末云〕貧道正要醫他這病也。〔唱〕我着他疾病登時體自康。不要你心下慌。〔賈玉云〕好好好。便安排齋食。管待先生也。〔正末唱〕不須您擺列佳殺。不索您喧聒鬧嚷。〔云〕令婿臥房。在於何處也。〔賈玉云〕兀那後面便是也。〔正末看科〕〔云〕哦哦哦。原來在此處隱跡。員外。你家後院。妖氣太盛。若不除之。必然傷人性命也。〔賈玉云〕師父。怎生便傷人性命也。〔正末唱〕

〔上小樓〕你看那妖氣最廣。腥風飄蕩。〔賈玉云〕師父。此怪是何妖物也。〔正末唱〕多管是水內長蛟。湖海精靈。變化非常。〔卜兒云〕望先生仔細。好生看一看者。〔正末唱〕你須索仔細詳。要主張。非咱虛誑。〔云〕賈員外。若不除之。〔唱〕少不的把平途盡翻成波浪。〔吳猛云〕賈員外。你這女婿非是人身。乃是江湖蛟精變化。害物極多。俺師父神劍所誅。

他故化爲秀士。在你家爲婿。你這所居之處。地皮之下。多無二尺。盡皆洪波。若不剿除。此一方之地。多無數日。洪水滔天。您一家兒必喪於此也。〔賈玉云〕師父。你怎生救度弟子者。〔吳猛云〕師父。父可顯揚道法。施救苦之心。發慈悲之意。救度這老員外。保全這一方之地者。〔賈玉云〕師父。你怎生救度弟子者。〔正末云〕將我的劍來。〔吳猛做與正末劍科〕〔云〕師父。寶劍在此。〔正末唱〕

〔么篇〕把神鋒手內持。用虔心法令掌。我着那邪魅精靈。頃刻形消。目下身亡。〔云〕請出你那令婿來。我醫治也。〔賈玉云〕理會的家童。臥房中請出你姐夫來。〔家童云〕理會的。〔正末唱〕你與我請令婿領藥方。便着他身安體壯。我着他遇咱家間別無恙。〔家童云〕姐夫。父親有請。〔賈旦扶蛟精上〕〔蛟精云〕大嫂。你扶我那裡去。〔賈旦云〕前廳上有箇道士。要醫治你這脚上疾病哩。〔蛟精云〕怎麼有箇道士。我不見他罷。〔賈旦云〕不妨事。你行動些。〔正末做仗劍扯住蛟精云〕江湖老蛟。損害人民。我專尋你到此。你走的那裡去。〔蛟精做慌科〕〔云〕噯。這先生好強也。真人。饒了我罷。你若肯慈悲。我但下雨。送兩吊田雞你喫。〔吳猛云〕噯。老蛟。你怎出的吾師之手。今日箇你定業難逃也。〔正末唱〕

〔十二月〕你今日合該命亡。你可也難趨難藏。〔蛟精云〕真人。饒了在下性命罷。〔正

末唱〕則消的時間頃刻。便着你就見閻王。〔做仗劍斬蛟精科〕〔蛟精做變出本相科〕〔云〕吾神我神通廣大。變化多般。顯出我這本相者。〔賈旦云〕師父可憐見俺男兒漢也。〔正末唱〕請你箇先生莫慌。甘撇下令愛嬌娘。〔吳猛云〕師父。此妖魔懼俺法力。不敢鬪勝走了也。

〔正末唱〕

〔堯民歌〕呀。你可便高飛遠走也難藏。我救了你一郡生靈水中亡。〔卜兒云〕孩兒也。你怎生捨的俺去了也。兀的不痛殺我。〔正末唱〕哎。你箇三移孟母善心腸。顯的我道法威嚴越高強。不索要商量。今番這一場。我着他杳杳三魂喪。〔蛟精云〕吾神近不的他。搖身一變。還變做蛟精。投入深潭。着他難以近之。走走走。〔下〕〔賈玉云〕師父。誑殺我也。果然化做一條蛟精。多虧師父救俺一家兒也。〔正末云〕賈員外。你便可搬在別處去。多無三兩日。此處化為深潭也。〔賈玉云〕謹遵師父法旨。便看齋食來。〔正末云〕我與你除了大患。如今貧道此一去。必然鎖此蛟精也。〔卜兒云〕多謝了師父。你如今那裡尋他去也。〔正末唱〕

〔耍孩兒〕我今日便索親身往。直至那南昌地方。蛟精今日已潛藏。更愁他別有親房。〔賈玉云〕師父這一去。往那裡修煉去也。〔正末唱〕我去那太湖口內尋蹤跡。東海波中領伴當。不要您心勞攘。既除了漫天蛟物。怕甚麼水底龍王。〔賈玉云〕既

然師父不用齋食。家童將兩錠銀子來。與師父權爲路費也。〔正末云〕貧道是箇出家人。無處用他。吳猛施岑。俺去來。〔施岑云〕師父。俺去來。〔吳猛云〕老員外。俺師父非爲利賂。〔賂字趙校刪〕而來。皆爲陰德而至。俺師父終朝旋點黃金用。不使人間作業錢。師父辭別了員外。登途去來。〔正末唱〕
〔尾聲〕我又索輕帆過洞庭。扁舟到豫章。除邪驅怪人爭望。則落的萬古千年後人講。〔同吳猛施岑下〕〔賈玉云〕誰想有這一莊稀詭的事。他原來是箇蛟精。師父着俺搬移在高崗上去。俺須索收拾去來。俺家中招下蛟精。幸喜的遇着真人。且搬在高處潛住。永無災家道安寧。〔同下〕

楔子

〔淨扮社長上〕〔云〕我做社長實能哉。大小差事分不開。但凡有錢有酒肉。風雨不阻向前來。老漢姓李。南昌在城人氏。本縣大人。見老漢清廉正直。欺壓怕硬。着我做着箇社長。我這鄱陽湖中。原有蛟精爲害。多虧許真君。除蛟斷怪。將蛟精趕至長沙賈玉家中擒住。今鎖在紫霄觀井中。方得江湖寧靜。蒙縣尹大人鈞旨。着我鄉俗父老。預備三牲祭祀。金紙銀錢。大塚細馬。這早晚外郎等衆。敢待來也。〔衆老人打彩旗鼓樂擡祭物上〕〔云〕段段田苗接遠村。大公莊上戲兒孫。莊農只得鋤鉋力。答賀天公雨露恩。老漢是本縣老人的便是。喜遇明君治世。雨順風調。穀生雙穗。麥

秀二歧。桑麻映日。禾稼連天。好生快樂。近新來有一箇蛟精。興風作浪。傷害人民。有許遜師父。擒拏妖精。與俺百姓除害。着俺本處里長老人。設下香案。三牲祭物。都有了也。兀的不是外郎社長來也。〔淨外郎上〕〔云〕官人清幹外郎。濃筭杖徒。流全不通。常在人家抹油嘴。混名叫做夾腦風。自家南昌縣外郎是也。今有本縣大人鈞旨。許真人將蛟精擒住。鎖在紫霄觀井中。着俺扛擡祭物。前來觀中相等。說話中間。可早來到也。〔做見社長科〕〔云〕兀那社長。快將祭物擺設下。則等許真人祭祀。俺且在此觀中等候。觀主怎生不出來。〔老人云〕在此等候觀主。敢待來也。〔淨觀主上〕〔云〕我做觀主。實風流。經文道法。則胡謔。若是有人來祭祀。一心則搶大羊頭。小道是這紫霄觀的一箇觀主。自小裡偷東摸西。揣歪捏怪。胡行亂走。不老實。今日做了箇觀主。諸般法事。不曉的一些兒。自從許真人除妖斷怪。將妖精擒住。我又聽的人說。要把蛟精鎖在俺這井中。我娘也。他若興風作浪。不送了我的性命。我又不曾浮水。今有社長里老人等。扛擡祭祀物件。在這裡等許真人。我不免見衆人去。〔見科〕〔云〕衆里長老人。小道作揖哩。〔外郎云〕兀那觀主。準備香案。待許真人來祭祀也。〔觀主云〕香案都預備停當了。許真人這早晚敢待來也。〔正末領施岑吳猛上〕〔正末云〕貧道許遜是也。因蛟精作害。貧道遣天兵。今已擒住。貧道鑄一鐵柱。可立於井中。又用鐵索一條。重三千六百斤。共三千六百圈。按一年三百六十日。將此業畜。就鎖在這

南昌紫霄觀井中。永除後患。今有本縣里老人等。辦下祭物。等貧道祈神鎮壓。可早來到這觀中也。〔見衆人科〕〔云〕兀那里老人等。您安排下祭物不會。〔社長云〕許師父來了也。我每奉着縣官的鈞旨。擺列着山也似的祭祀果品。則等你來祭祀。我每各人也分些酒肉家去罷。〔外郎云〕我說師父。你着我這縣裏打下這一條鐵索。重三千六百斤。費了許多錢。要鎖甚麼蛟精。你也則是誇嘴罷了。如今這蛟精。也不見在那裡。你弄這箇虛頭。做甚麼。〔社長云〕哥。你說的有理。噤兩箇等祭畢了。擎着三牲就跑。〔正末云〕貧道如今祈神鎮祭。則怕驚唬着您。您且迴避者。〔社長云〕理會的。〔同衆虛下〕〔正末云〕有勞天丁神將。驅馳神力。將蛟精擒至壇前者。疾。〔天蓬帥領天丁擒擎淨蛟精上〕〔天蓬帥云〕奉令親差膽氣冲。天兵勇躍顯神通。擎住妖魔來呈獻。威靈赳赳號天蓬。吾神乃天蓬大帥是也。領天兵神將。擒擎住蛟精也。俺見真人去者。〔蛟精云〕上聖可憐見。你若肯放了我呵。我別無孝順。送一百二十條泥鰍。與上聖做湯喫。〔天蓬帥云〕業畜不得無禮。衆天兵簇擁着蛟精。見真人去來。〔衆同做見正末科〕〔天蓬帥云〕師父。吾神等擒擎蛟精。至於法壇也。〔正末云〕有勞天蓬神將。將此業畜。鎖入井中者。〔天蓬帥云〕謹領法旨。〔蛟精云〕罷罷罷。老師父。你委的道法高強。你則是忒促搭了些兒。怎麼打下這根龜鐵索。將我鎖在這井底下。你便昇仙去了。我可何年甚日得出世。我這心上十分苦惱。我編了箇四句。你箇許

真人有仙方妙計。我觸犯着你箇元陽真氣。下場頭把我鎖在這井中。氣的我放到有一千箇響屁。師父罷罷罷。降伏了你也。〔正末云〕兀那業畜。你直等鐵樹開花。纔放你出世。〔天蓬帥云〕衆天兵。將此業畜鎖入井中者。〔天丁鎖蛟精下〕〔天蓬帥云〕師父。吾神將蛟精鎖入井中也。〔正末云〕有勞天兵驅馳神力。速離吾壇。各還本位。速退。〔天蓬帥云〕得令。奉法旨擒拿妖魅。鎖妖精入於井內。顯神通駕霧騰雲。領天兵各回本位。〔下〕〔觀主再上〕〔云〕小道觀主是也。我說師父。你把這蛟精鎖在別處。便也罷了。可怎麼說鎖在我這井裏。可着我那裡打水喫。你害殺人也。蛟精他若依本分便好。他若是弄起事來。翻波混水。作浪興風。我們這一郡人民。都是死的。可怎麼了。小道又不曾甚麼術法。專一弄虛頭調嘴兒罷了。望師父可憐見。〔做跪科〕〔正末云〕您衆人休驚莫怕。貧道自有鎮壓之法。將筆硯來。吾書偈鎮於井中者。〔施岑云〕師父。紙筆在此。〔正末云〕貧道寫就了也。偈曰。鐵柱繫洪州。萬年永不休。吾今已安鎮。此地更無憂。〔外郎云〕我這心裏還跳哩。說出我一身漿來。〔正末云〕我鎮壓了這業畜也。貧道回我那庵中去也。

〔唱〕

〔賞花時〕則爲這一郡黎民苦被傷。因此上斷怪除蛟鎖此方。蛟精滅。永潛藏。今番這場。〔帶云〕吾鎮壓了這蛟精呵。〔唱〕端的是民安樂。永留芳。〔下〕〔觀主云〕真人去

了也。社長外郎您行禮。等我念祝文。〔外郎云〕我們行禮。你念祝文。〔觀主念科〕〔云〕伏以香焚百和。煙散九霄。焚此真香。上通天界。下徹九泉。設此祭祀。上供神祇。從今以後。蛟精永伏。再不許與風作浪。也不許吐霧生雲。再不許張牙舞爪。也不要攪水泥波。再不要心生夾腦。您衆人則情拜拜拜。〔拏祭物料〕〔下〕〔社長同外郎拜科〕〔云〕你箇盆弟子孩兒。你還拜哩。把三牲着觀主搶的去了。〔外郎云〕你不要慌。等我收了家活。問他討去。〔社長云〕許師父去了也。三牲又沒曾得。乾嘍了這一日。我們兩箇去了罷。許真人道法高強。端的是天下名揚。救的俺一郡人都無驚怕。則是俺祭祀肉不會得嚐。〔下〕〔外郎云〕衆人都去了。我也去罷。外郎今日造化低。跟着真人祭神祇。我一心看着爛羊腿。兩眼睨着大公雞。頗奈觀主無道理。他搶了三牲走似飛。我如今偷了門門殺水氣。背巷裏換些狗肉喫。〔下〕

第四折

〔東華仙領仙童上〕〔云〕鶴翅翩翩遊閬苑。祥雲朵朵墜青霄。貧道東華帝君是也。爲因旌陽縣尹許遜。此人棄官學道。斬蛟除怪。多有陰功。今日功成行滿。上帝法旨。遣差崔瑗二真人。賜紫金彩羽袍服。真人誥命。去下方接引此人。家眷上昇。夫婦成仙。道童便與我喚此二真人來者。〔仙童云〕理會的。二真人安在。〔崔子文同瑗丘仲上〕〔崔子文云〕玉闕親傳上帝宣。雲車羽蓋下

遙天。閑觀雲外猿鶴戲。悶後遊行園苑邊。貧道乃玉清上宮崔子文是也。這一位是元真太卿瑕丘仲。俺二仙是玉帝殿前傳宣使命。正在後山遊戲。上仙呼喚。須索走一遭去。〔瑕丘仲云〕仙長。這東華仙請俺。不知有何法旨。須索走一遭去。可早來到也。道童報復去。道有俺二仙來了也。〔仙童云〕理會的。〔做報科〕〔云〕上仙有崔子文瑕丘仲來了也。〔東華仙云〕道有請。〔仙童云〕理會的。有請。〔崔子文瑕丘仲做見科〕〔云〕上仙稽首。呼喚俺二仙。有何法旨也。〔東華仙云〕二位仙人。聽玉帝勅令。將着真仙誥命。紫彩袍服。雲車羽蓋。直到下方許遜宅中。見了此人。着他拔宅上昇。休悞了玉帝勅令也。〔瑕丘仲云〕既然是這等。則今日辭別了上仙。崔子文。俺一同去來。上仙勿罪也。因許遜功行皆成。駕雲軒速離天庭。賜羽袍金冠鶴氅。就着他白日飛昇。〔同崔子文下〕〔東華仙云〕二仙去了也。我不敢久停久住。便索回玉帝話去。則爲他道行清高。救生靈。斬怪除蛟。賜九州都天大使。〔使趙校改史〕駕雲車飛上神霄。〔下〕〔正末同許旦領僮兒道童吳猛施岑上〕〔正末云〕貧道許遜是也。自從棄官學道以來。鎮了蛟精。除邪斷怪。非止一端。今日在這道堂中閑坐。你看那雲閑雨霽。正好談道也。〔吳猛云〕師父。你看這碧天雲淨。道院清幽。是好景致也。〔正末唱〕

〔雙調新水令〕你看那碧天風靜彩雲高。今日箇樂長生正宜談道。則見這青

山白雲繞。更和這丹竈霧飄飄。佳景堪描。鉢堂靜。少人到。〔許旦云〕大人。我想這金丹大道。配坎離交合。分陰陽造化。未知大人煉成也不會。〔正末云〕夫人你不知。這金丹大藥。貧道已煉成了也。道童。你將那金丹來者。〔道童云〕理會的。〔拏金丹上科〕〔正末云〕你與我供養天地。〔許旦云〕大人。這金丹怎生煉成。妾身不知。大人說一遍。我試聽者。〔正末云〕此金丹非同小可。夫金丹者。積先天理氣。煉二八元精。用戊己以爲體。取金水以爲用。攢簇五行。合和四象。煉無中之有。取陰中之陽。功行圓滿。方能成就。人若服之。壽同天地。非同小可也。〔吳猛云〕師父施藥救人之功。感動上蒼。寶鼎大丹已成。非同小可也。〔正末唱〕

〔甜水令〕想着俺累行施功。濟人利物。多行仙道。待着俺家眷永逍遙。但若得服此金丹。延年益壽。合家歡樂。永綿延壽算彌高。〔云〕您衆人拜了天地。服此長生之藥者。〔許旦同衆拜科〕〔許旦云〕理會的。俺衆人拜謝天地者。〔衆起身科〕〔許旦云〕俺得此金丹。長生不老。益壽延年也。〔正末云〕吳猛。你聞這一陣香風過處。必有天仙下降也。〔崔子文同瑕丘仲領天丁執幢旛上〕〔崔子文云〕來請真仙朝玉帝。雲車仙仗降虛空。貧道崔子文是也。這位是瑕丘仲。俺奉玉帝勅令。將着紫彩羽袍。并雲車詔詔。來請許敬之昇仙。可早來到也。天丁按落雲頭。許敬之。上帝有勅令在此。〔見科〕〔正末云〕呀呀呀。上仙至此也。〔唱〕

〔川撥棹〕我則見彩霞飄。駕雲軒下碧霄。則見那舞鳳鸞鶴。玉女週遭。他道奉玉帝今番降詔。我又無甚德行高。〔瑕丘仲云〕許敬之望天闕跪者。〔正末做跪科〕〔瑕丘仲云〕聽玉帝勅令。加你爲九州都仙太史高名大使。賜紫彩羽袍。金冠霞帔。一家兒拔宅飛昇。謝了天恩者。〔正末拜科〕〔吳猛云〕師父。俺今日受了玉皇宣召。白日飛昇。萬萬載瑤池慶會。千年宴賞蟠桃。〔正末唱〕

〔七弟兄〕我這裡拜了跪着怎生消。〔崔子文云〕許敬之。穿上冠袍。請上雲車者。〔正末唱〕賜咱家聖勅真人誥。就着我冲舉上青霄。喜孜孜行滿功成到。

〔梅花酒〕呀。今日箇恰是了。〔施岑云〕今日蒙天詔冲昇於金闕。永爲大羅神仙。不負師父修煉之功也。〔正末唱〕你與我便擺列佳殺。整辦香醪。豈敢相邀。聽仙音雲外響。將寶篆盡焚燒。衆神仙恰到了。〔瑕丘仲云〕則爲你功成行滿。故着你白日飛昇。舉宅拔舍而起也。〔正末唱〕因爲我道偏高。仗法力斬邪妖。白日裡上丹霄。

〔喜江南〕呀。今日功成行滿樂醕醕。趨離了紛紛名利共塵囂。駕天風兩袖御香飄。〔施岑云〕師父。你看俺門窗戶牖。宅舍亭堂。并四十二口家眷。都冲於九霄之上也。〔正末唱〕俺今日上天庭快樂。共西池金母宴蟠桃。〔正末羽袍冠帶上雲車科〕〔東華仙冲上〕

〔云〕許敬之。你早則成仙了道也。聽貧道下斷。你本是天上真人。則爲你一念凡情。降下方居於塵世。學道法所事皆精。點黃金救人急難。施手策一郡安寧。棄官爵山中學道。煉金砂九轉丹成。救南昌一方之地。傳道教鎖住蛟精。封你妻元君之職。永長生位列天庭。吳猛爲玄都御史。施岑號勇悟真人。願四海風調雨順。讚皇圖永遠遐齡。喜一統萬年社稷。賀聖壽天下太平。則爲你正直忠孝。因此上拔宅飛昇。今日箇成仙證果。一齊的拜謝天恩。

題目

鎖蛟精棄官學道

正名

許真人拔宅飛昇

拔宅飛昇穿關

頭折

東華仙

如意蓮花冠 鶴髦 牌子 玳瑁 三髭髯 執圭

仙童

秦巾 道袍

邊欄

縣丞

紗帽 領

外郎

吏巾 領

外郎

三髭髯

張千

攢頂 圓領 項帕 搭膊

正末許遜

一字巾 領

帶

三髭髯

衆百姓

攢頂 領

衆百姓

補納直身 三髭髯

張千衆百

姓又上

同前 拏金子

第二折

蛟精

蛟頭 蛟衣 法墨氈 直纏

項帕

蛇精

蛇頭 法墨氈

蛇衣

錦襖 直纏

項帕

吳猛

散巾 執袋

邊欄

道袍

三髭髯

劍正末許遜

全真冠 繼兒

邊欄

道袍

執袋

道童

雙髻 髮陀頭

繼兒

蛟精

蛇精

又上

同前

楔子

蛟精

正末許遜

道童

同前

施岑

秦巾 袋

繼兒

三髭髯

蛟精

變黃牛

黃牛

吳猛

又上

同前 黑牛 衣

蛟精

又上

同前

第三折

賈玉

一字巾 茶褐直身
繖兒 蒼白髻 拄杖

卜兒

場頭手帕
繖兒 裙兒

眉額

襖

賈旦

場頭手帕
繖兒 裙兒

眉額

襖

家童

項帕

圓領

俵兒

銀錠

青衣

絞精

一字巾

手帕

絞

正末許遜

吳猛

施岑

同前

帶劍

賈旦 蛟精又上前

楔子

社長

雙簷氈帽
身 繖兒

青布直

衆老人

攢頂
髻 拄杖

茶褐直身

繖兒 蒼白

外郎

同前

觀主

道冠

道

衣 繖兒

正末許遜

施岑

吳猛

同前

天蓬帥

三叉冠

抹額

膝襴曳撒

帶 帶劍

三髯

項

天丁

鐵幘頭

膝襴曳撒

袍

項帕

直

蛟精

觀主又上前

同前

旗

同前

同前

同前

同前

同前

第四折

東華仙

仙童

同前

崔子文

秦巾

邊欄道袍

繖兒

三髯

瑕丘仲

同前

崔子文

同前

正末許遜

俵兒

道

童 吳猛

施岑

同前

許旦

同前

崔子文

瑕丘仲

天丁

同前


執幘旛

東華仙

又上前

同前

萬曆四十三年七月初三日校內本清常道人



呂翁三化邯鄲店

闕名

第一折

〔沖外盧生上〕〔云〕天子重英豪。文章教爾曹。萬般皆下品。惟有讀書高。小生姓盧名志字道成。本貫山東邯鄲縣人氏。卜居柳塘莊上。務農讀書。當今大唐天下。聖人在位。任賢良。尚文學。據小生平生篤志詩書。他日必有裕達的時分。今日頗閑。且溫習些舊書。看有甚麼人來。〔做讀書科〕

〔正末扮呂翁上〕〔云〕貧道姓呂名岳字洞賓。道號純陽子。因爲山東邯鄲縣有一人。姓盧名志。字道成。此人有仙風道骨。衆朋友於東華帝君前保舉貧道。往其家中。用心點化他。我想來。此人雖有仙分。久混塵俗。明昧未分。便怎生片言之間。得成正果。雖然如此。乃聖皇法旨。安敢有違。今天色尙早。駕起天風。須索走一遭去。〔唱〕

〔仙呂點絳脣〕初日蒼涼。玉河微晃。天風蕩。鶴背翱翔。來世上。離天上。

〔混江龍〕觀了咱山林模樣。誰道是終南道士呂純陽。腹內金丹燦爛。匣中寶劍光芒。笑引蒼龍游太華。倒騎黃鶴過扶桑。訪蓬萊。登閬苑。萬里無攔當。見了些海枯石爛。經了些地老天荒。〔云〕今日早到邯鄲縣也。兀那柳塘上。敢是他家麼。是好一

處幽閑的景致也呵〔唱〕

〔油葫蘆〕我則見流水柴門帶綠楊。陰陰護草堂。〔云〕他正讀書哩。〔唱〕則聽得讀書聲字字響琳琅。〔云〕他門前一犁兩耙。乃莊農之器。他又耕田地。又讀書。只是要富貴兩全哩。〔唱〕他待要良田一片禾苗旺。又待想禹門三月桃花浪。〔云〕我且喚他一聲。盧生稽首。〔外云〕這箇道人好作怪也。我與他素不相識。他怎麼喚我姓名。〔末云〕你久混塵俗。是不認得了。〔唱〕你道我姓名徑呼禮數講。我正是不辭千里來相訪。抵多少鷄黍約到山陽。〔云〕我且問你。近日有何養生之樂。〔外云〕不過力田讀書。〔末云〕這力田乃莊農之業。何樂之有。〔外云〕道人說差了也。這力田呵。春耕夏耨。秋收冬藏。無飢寒之憂。何爲不樂。〔末云〕這讀書朝暮之勤。何爲自苦。〔外云〕這道人又說差了。道讀書呵。乃立功名。取富貴。前程萬里。豈不美乎。〔末云〕你則想前程。而不想正道。呆漢。回頭便是。〔唱〕

〔天下樂〕這言語又不比流出桃花賺阮郎。你煞荒唐。不自量。如今人力田讀書天下廣。〔云〕你又力田。又讀書。〔唱〕你寸心有萬事縈。百年人做千歲想。則怕你浮生空自忙。〔外云〕我是箇儒生。豈無箇寒暄之禮。敢問道。人從何而來。〔末云〕吾乃雲水閑身。不勞動問。〔外云〕固是雲水閑身。豈無父母家邦。〔末云〕你可說得是。〔唱〕

〔醉中天〕太乙翁是俺親家長。瑤池母是俺老尊堂。〔外云〕那裡是家。〔末唱〕俺家住在白雲天一方。絕鄰里無街巷。〔外云〕也有箇鄉貫。〔末唱〕我與那明月清風共鄉。〔云〕我那住處。煙霞灼眼。鷄犬無聲。瑤草瓊林。明山秀水。〔唱〕依稀似武陵溪上。〔外云〕說與我實話。他日也好相尋。〔末唱〕恁時要問通津。則我是漁郎。〔外云〕這箇道人打扮的好蹺蹺。我且問你。既是出家人。背負一劍。於汝道家何用。〔末云〕你既問我。我對你說者。這劍五金之英。太陽之精。寄氣託靈。匪礪匪礪。揮之有折衝之氣。服之有八面之威。斬三尸。驅六賊。於汝亦有所益。〔唱〕

〔穿窗月〕光輝輝百鍊銜鋼。露華凝隙月光芒。自來薛燭曾褒獎。過巨闕。勝干將。斬三尸。六賊除魔障。〔外云〕請問三尸六賊。是何物也。〔末云〕凡人腹隱三尸。令人促壽。身迷六賊。使人昏亂。秀才。你若棄俗出家。修真樂道。入長生之路。何憂此等。〔外云〕道人。你又說的差了也。吾乃孔門弟子。豈學異端之術。〔末云〕秀才。你道你博覽羣書。這道德經神仙傳。你也曾看來麼。〔外云〕我也曾看。皆虛誕渺茫之事。〔末云〕老子道德經。皆修己治人之法。至道存焉。豈爲虛誕也。〔唱〕

〔寄生草〕道德經非虛誕。神仙傳豈渺茫。〔云〕我試說幾箇古人你聽。〔唱〕一箇晉王

喬綵鳳跨青霄上。一箇衛叔卿。白鹿降丹墀上。一箇趙琴高。赤鯉泛滄波上。一箇東方朔。曾做殿頭官。一箇陶貞白。虛受山中相。〔云〕你力田讀書。都不濟事。不如跟我出家去來。〔外云〕你道我力田讀書都不濟。你那出家人。有甚麼快活。你說與我聽。〔末云〕我說我那出家人受用快活。你聽者。〔唱〕

〔後庭花〕我雖無百尺樓。數仞牆。止不過四圍山。三廈房。近閨苑。黃金闕。勝長安。錦綉鄉。非是我自誇揚。說與你一年景況。杏花風。煖融融。吹將來。蘭麝香。藕花風。足律律。飄將來。冰雪涼。桂花風。嘶琅琅。搖拽的。環佩響。雪花風。亂紛紛。玉龍戰。鱗甲光。蕊珠編。誦幾章。黃庭經。寫幾行。芙蓉冠。薜荔裳。清風裾。秋水瑤。金英盃。玉薤觴。青精飯。甘露漿。展白雲。鋪臥牀。吸甘露。潤渴腸。駕青鸞。游上方。奏琅璈。朝玉皇。自逍遙。自曠蕩。沒差役。沒慮想。〔外云〕道人雖道是出家兒快樂。小生亦有主意。這力田呵。儂下萬廩千倉。成富家翁。這讀書呵。立功名。取富貴。爲卿爲相哩。〔末唱〕

〔柳葉兒〕你則待爲卿爲相。儂贏餘萬廩千倉。可不道催人白髮三千丈。則指望家私旺。積蠶桑。全不顧兩字無常。〔外云〕道人。你道力田也不濟事。讀書也不濟事。似

這鳳凰池。麒麟閣。調和鼎鼎。榮居廟堂。馬前列兩行朱衣。胸中燦一天星斗。此等事業。豈非讀書

之力乎。〔末云〕秀才。你忒執迷所事。不依我勸也呵。〔唱〕

〔賺煞〕你待要身到鳳凰池。名掛麒麟像。調鼎鼎榮居廟堂。馬前面朱衣列兩行。纔稱你一天星斗文章。〔外云〕道人豈不聞。天生我才必有用。〔末云〕呆漢。生死事大。功名事小。〔唱〕我觀你貌堂堂。無半點兒斟量。不食丹丘不死方。呆漢怎不覷禾離離北邙道旁。草萋萋樂游原上。〔云〕你試看新墳舊塚。澆茶奠酒。〔唱〕盡都是爭名奪利少年郎。〔下〕〔外云〕這道人我又素不相識。走將來談今論古。平白地着我拚捨出家。我那裡聽他的言語。明日稱此天時。東作將興。且往南村。走一遭去。若爲爲原作惟
趙校改不耕與不教。是乃父兄之過歟。〔下〕

第二折

〔淨扮道童上〕〔云〕道可道。非常道。名可名。非常名。小童姓鶴名得僅。人都喚我做鶴得僅。自小裏跟隨着呂純陽師父出家。俺師父見我修長挺脫輕巧疾妙上頭。好生愛我。俺師父閑時節。微撲着我的翅膀。喚我做翻翻羽童。俺師父喜時節。搏弄着我這脖項。喚我做鳴皋仙子。醉時節。拿住我這嘴。喚我做尖嘴噏材。惱時節。摩挲着我這丹頂。喚我做赤頭毛鳥。今日爲箇盧生。說道此人有夙緣仙分。俺師父到他家中點化他。此人不從。今日着我來邯鄲道上。尋一箇四通八達

傍山近水的去處。就化一境。要度脫他。我看了一遭。這裡最好。這早晚俺師父敢待來也。〔末扮邯鄲道老人上〕〔云〕朝游北海暮蒼梧。袖褪青蛇膽氣粗。三醉岳陽人不識。朗吟飛過洞庭湖。世道可知。天機莫泄。貧道因爲盧生好生用心。自那日到他家裏。用言再三勸化。他略不省悟。今日又索走一遭去。〔唱〕

〔正宮端正好〕恰離了洞庭湖。再上邯鄲道。駕天風萬里扶搖。想當初尋真誤入蓬萊島。今日又被閑人惱。〔云〕貧道到此。有幾箇道友。不曾相見。又早數百年了。不爭探望了一遭。又俄延了兩日也。〔唱〕

〔滾綉毬〕我不合滄浪亭住了一朝。芙蓉城過了一宵。抵多少遲違了太公字教。恨不得袖飄飄拂破麻袍。嶮踏穿足底屨。好慌殺跨下鶴。則爲我對東華慨然允諾。雖不似波心裏將明月空撈。盧生也。也是你三生累積功千劫。教我一夜思量計萬條。意攘心勞。〔云〕道童那裡。〔淨上〕〔云〕我尋的這箇去處。請師父看者。〔末看科〕〔唱〕

〔倘秀才〕初日升林霏縹緲。新雨過溪聲鬧炒。路轉峯回過小橋。深林冲鳥雀。枯木掛猿猱。靜悄。〔云〕此處太靜。不中。〔淨云〕又有一答兒去處。傍山近水。四通八達。請師父試

看者〔末觀科〕〔云〕此處是好。就在這裡化一境。〔做變科〕〔末云〕疾。真箇好箇酒肆也。〔唱〕

〔滾綉毬〕我則見鬧穰穰長途接遠村。高聳聳危峯際碧霄。密匝匝護柴門綠陰桑棗。青藹藹帶林臯。淺水蘭苕。紅灼灼低檐映海棠。嬌滴滴疎籬間野桃。齊臻臻助幽懷藥爐茶竈。〔淨云〕師父。景致都好。只少些酒器家活也。〔末云〕疾。〔變酒器科〕〔唱〕清淡淡稱閑情瓦鉢椰瓢。香馥馥榨頭白酒涓涓響。滴溜溜牆角青旗颭颭搖。景物堪描。〔淨云〕我見師父這般用心。若盧生不打從這裡過呵。徒弟使一箇鳥道。者麼那裡。拿也拿將他來。師父放心者。〔末云〕休得胡說。〔唱〕

〔倘秀才〕你與我將土炕上苔痕洒掃。將竹几藤牀拂綽。〔云〕我是仙家。〔唱〕則理會春日春風醉碧桃。棋聲花院靜。旛影石壇高。出家人快樂。〔淨虛觀科〕〔云〕師父。兀那遠遠的。不是盧生來了也。〔末云〕盧生來了。你則在這門首等他。〔淨云〕理會的。〔末云〕盧生呵。我那裡是賣酒的。則我便是呂洞賓。故意教他不認的。且題四句詩在這壁上。看他省的麼。〔題詩科〕五十年間一茂才。功名死生苦爲懷。誰知一枕游仙路。夢逐西風到蕪街。串無心道人書。〔外上〕〔云〕祝融南來鞭火龍。火旗焱焱燒天紅。日輪當午凝不去。萬國如在紅爐中。小生盧志。待往南村走一遭去。天氣暄熱。神思昏倦。你看這裡是一處好酒肆。〔見淨科〕〔淨云〕秀才那

裡去。俺這裡酒店頗潔淨。秀才不飲酒呵。消停半時也不妨。請請請。〔外云〕也說的是。〔做與老人相見科〕〔云〕老人祇揖。〔末云〕這箇秀才。生的清致。是箇出家人動靜。〔外云〕迎頭兒我說甚麼來。呀。這壁上題詩者何人也。〔末云〕是一箇過往的閑人。自稱串無心道人。秀才。你何處來。何處去。〔外云〕小生來處來。去處去。〔末云〕秀才何所見而來。何所見而去。〔外云〕老丈休閑說。小生則在這柳塘莊上居住。欲往南村幹事。天氣暄熱。神思困倦。借此消停片時。老丈勿罪。〔末云〕秀才休笑話。前言戲之耳。老夫頗能風鑑。〔外云〕小生平日讀書。志在功名。不知有爲官的骨相麼。請一相之。〔末云〕老夫見子眼有綠光。名在瓊簡。陰有伏骨。名在赤書。胸有偃骨。名在山林。孔子皆有之。此非凡俗富貴。乃神仙中之人也。鶴得僅將酒過來。今日與秀才把一盞。他日必有相見的日子。〔外云〕何勞老丈賜酒。〔末云〕秀才飲一杯者。〔做勸科〕〔唱〕

〔滾綉毬〕雖不是殷勤捧玉鍾。珍珠滴小槽。列珍羞炮燴炙燔。我是箇野人家。止不過野蔌山穀。〔云〕秀才。對此日色暄和。風光駘蕩。且放懷飲數杯。〔唱〕看山花設綺羅。聽松風響翠濤。煞強如奏鈞天九韶音樂。〔云〕秀才休罪。〔唱〕你將那利名心一筆勾消。豈不聞兩輪日月雙催逼。萬古雲霄一羽毛。秀才你仔細量度。〔末與外把酒科〕〔云〕適見秀才。語話中間。志在功名。老夫飲了數杯酒。不由我想起四箇棄職投閑的古

人來〔外云〕這四箇是何代古人。願聞者。〔末云〕我說與秀才聽者。〔唱〕

〔脫布衫〕一箇釣桐江萬古清高。一箇是耕鹿門一世逍遙。一箇棄彭澤折腰五斗。一箇別蘇門一聲長嘯。〔外云〕這四人雖然如此。他必有箇主意。〔末唱〕

〔小梁州〕他道是自古雲林遠市朝。因此上跳出風濤。眞乃是南山秋色兩相高。非驕傲。明知道浮世不堅牢。〔外云〕這四人雖有清高之名。難免生死之患。未見其所長。

〔末唱〕

〔么〕雖不在長生路上參玄妙。也能穀落落陶陶。明月歌。清風操。巢由同調。誰待要束帶立於朝。〔云〕老夫想來。爲官的則不如嚙出家兒快活。〔外長嘆科〕〔末云〕老夫與子

談諧方適。而長嘆息者何也。〔外云〕老夫。你怎知我心中事。夫人生於世間。當建功立勳。出將入相。列鼎而食。選聲而聽。使芳名益彰。而家益盛。然後可以言適乎。爲吾志於學。游於藝。自以爲富貴可取。今逾壯年。猶勤畎畝。非困而何。〔末云〕秀才既讀書。豈不知一切有爲法。如夢幻泡影。老夫勸你。雖道是爲官的好。則不如棄俗出家。修真樂道。入長生之路爲妙也。〔外云〕老夫是何言歟。孔子云。攻乎異端。斯害也已。〔末背云〕言之諄諄。聽之藐藐。良藥苦口。信有之矣。則除是這般便了。〔向外云〕秀才篤志於功名。老夫先人留下一枕。質狀瓷石。名爲長春如意枕。但枕之。必遂

平生所願〔外云〕試請觀之可乎〔末云〕鶴得僅將過枕頭來〔淨取枕上〕〔侍於末側科〕〔末執枕看科〕〔唱〕

〔三煞〕這枕孕陰陽滋雨露。發天機吐巨靈。高從西華山頭琢。這枕蘊風雷含斗曜。遣飛廉驅罔象。深向東瀛海底撈。這枕滑膩如珊瑚。清和如琥珀。古淡如鴛鴦。溫潤如瓊瑤。這枕抱着呵。骨清毛爽。靠着呵。心曠神怡。枕着呵。夢斷魂勞。但黑甜一覺。知他是幾千遍紅日上花梢。〔外云〕黑甜一枕。幾千遍紅日上花梢。老丈大抵睡臥無過少憩而已。豈有如此夢寐哉。〔末云〕秀才。古人有詩云。處世若大夢。胡爲勞其生。老夫試舉幾箇古人夢中勾當你聽。〔唱〕

〔二煞〕入羅浮棲野店。對寒梅偃素質。參橫月落啼青鳥。〔外云〕此乃趙師雄。〔末唱〕盼陽臺瞻楚岫。惹嬌雲沾嫩雨。暮約朝期望翠翹。〔外云〕此乃楚襄王。〔末唱〕賦甘泉吞鳳成章。〔外云〕此乃揚子雲。〔末唱〕釣渭水飛熊協兆。〔外云〕此乃姜子牙。〔末唱〕繞南柯逐蟻穿槐。〔外云〕此乃淳于棼。〔末唱〕採荒郊得鹿蒙蕉。〔外云〕此乃鄭野人。〔末唱〕悶懣懣懷中失筆。〔外云〕此乃江文通。〔末唱〕磻可可腹上生松。〔外云〕此乃吳丁固。〔末唱〕光輝輝梁上懸刀。〔外云〕此乃晉王濬。〔末唱〕都是些三神魂擾擾。則落的乾生

受枉劬勞。

〔末遞枕與外科〕〔云〕秀才請看枕。〔外接枕看科〕〔云〕是好枕也呵。常言道眼觀希

奇物。令人壽命長。〔末云〕秀才。日當卓午。腹中飢餒。我炊黃梁飯。聊爲一餉。鶴得僅疾快者。〔淨

云〕理會的。〔做炊飯科〕〔末云〕秀才略睡片時。黃梁待熟也。〔外做睡科〕〔末指外云〕盧生也。

你雖有仙分。爭奈塵緣未斷。教你功名生死路上走一遭去。咱兩箇再廝見。未是遲哩。〔唱〕

〔尾聲〕你伴着半窗花影鶯聲悄。我趁着萬里風頭鶴背高。向東華上九霄。你到南門走一遭。折桂攀蟾姓字標。入省登臺意氣豪。曳玉拖金享重爵。耀武揚威靖邊徼。畫閣蘭堂飽宴樂。鳳枕鴛幃配艷嬌。日月如流不可招。富貴榮華不能保。投至得五十載。其間再撞着。少不得綠鬢朱顏鏡中老。〔下〕〔淨戲弄外科〕

〔云〕可愛他盧生清秀。不枉教喚做儒流。稟天地胚胎聰慧。受陰陽氣質溫柔。閑歲月衡門深巷。淡衣冠博帶寬裘。論務農雄談注水。說求官豪氣吞牛。七尺軀昂昂矯矯。一柄臉醯醢溜溜。慢行步搖搖擺擺。細吟哦唧唧啾啾。五行中星星講論。三墳內事事探搜。兩肋落尙書論語。一肚皮周易春秋。口不停荀楊孔孟。心不向譚馬丘劉。也不怕無常呼喚。也不究生死緣由。也不想玄關有路。也不想弱水無舟。也不管年華閃電。也不管身世浮瀾。也不願聲聞絳闕。也不望名列丹丘。俺師父棄了俗。出了家。着實散澹。他便道讀些書。種些田。倒大優游。師父道。脫凡胎。離濁骨。神游紫

府。他便道。獻良謀。陳妙算。名覆金甌。師父道。吸金丹。煥玉蕊。無爲上道。他便道。寶寶劍。買黃犢。有事西嚙。師父道。跨黃鶴。乘彩鳳。駕斑麟。騎白鹿。同登閬苑。他便道。宴瓊林。入紫闕。插金花。飲御酒。獨步瀛洲。師父道。引飛瓊。攜弄玉。喚麻姑。呼纖女。暮歡朝樂。他便道。重后稷。效樊遲。訪龐□□□。春種秋收。一樁樁心無所順。一句句話不相投。會記的古人一語。要睡時與你箇枕頭。〔下〕外扮盧生夢中起坐科。〔云〕昨日風光好。今日恐不歸。春風喚于人。吾乃愁自知。盧生也。讀書半世。則這般藏諸韞櫜。幾時是了。況過半生之世。夜來有同堂朋友。報我知道。今秋大開選場。若挫一年。又待三載。盧生老矣。沒話說。則今日收拾琴劍書箱。上朝取應去來。三寸舌爲安國劍。五言詩作上天梯。青霄有路終須到。金榜無名誓不歸。〔下〕

第三折

〔外扮官人上〕〔云〕朝爲田舍郎。暮登天子堂。斯言不誣矣。盧生也。自幼讀書。則想立身揚名於後世。以顯父母爲願也。盧生託賴天地之恩。於開元十八年登科甲。脫白衣。卽授校書郎。不數年間。官至京兆府尹。因爲瓜沙節度使王君奭去官。就除我爲御史中丞。河西隴右節度使。大破戎虜。斬首七百級。開地九百里。勒石紀功而歸。就於本年轉陞我爲中書侍郎同中書門下事。我與裴光庭同執大政。出入臺閣。應答稱旨。所以中外稱羨。呼我爲賢相。我想來。自開元十八年爲

始。光陰好疾也。不覺的五十餘年矣。我所生五子。皆有國器。並膺寵爵。每語夫人崔氏。言及於此。未嘗不舉觴稱慶。大丈夫事業如此足矣。我如今見鎮北戎。爲國之藩翰重臣。近間爲因此處草寇生發。擾害百姓。大人領兵捕捉草寇。未得寧息。我則再領軍兵。剿除草寇。若不早除。恐爲邊患。則怕無這事。且付之度外。不妨事。看有甚麼人來。〔使臣引解子上〕〔使臣云〕盧生聽勅旨。你知罪麼。爲你坐視不救。以致草寇擄掠民財。擾害百姓。聖人震怒。教來捉拿你哩。〔外云〕可怎了也。誰人救我的。是因一着錯。萬般都是空。〔解子一行捉外下〕〔正末扮漁翁撐船上〕〔云〕自家是箇漁翁。生長江湖。笑傲煙水。不耕而食。不蠶而衣。似我這等快活也呵。〔唱〕

〔南呂一枝花〕不貪黃閣名。不競紅塵利。不耕附郭田。不採故山薇。啗漁業雖微。自得其中味。書不讀。字不識。不思量。功成渭水六韜。則待要身老嚴灘七里。

〔云〕貧道別無甚掛念。止不過水上一小舟。岸上一釣臺。有些輪竿。有些蓑笠。〔唱〕

〔梁州〕蕩悠悠一葉釣舟。骨捱捱三尺漁磯。這兩般兒便安身地。絲輪網罟。箬笠蓑衣。魚蝦伴侶。鷗鷺親戚。閑遙遙無事無非。樂陶陶無譽無譏。〔云〕我有三般兒自家意思。喜一般兒。笑一般兒。愁一般兒。〔唱〕喜則喜蘆花月。照見我肝腸。笑則笑蓼花風。吹老我面皮。愁則愁楊花雪。凍損我容儀。我今日老矣。世不見捉人打戶。

石壕吏。蓬窗下。柳陰內。除睡人間總不知。倒大來便宜。〔云〕今日早晨釣得一尾魚。

沾得些酒。今日天氣較寒冷些。且飲一杯酒者。好魚也呵。〔唱〕

〔隔尾〕銀絲鱸切鉤頭鯉。玉液香浮瓮面醅。醉了還醒。醒了還醉。醉了似癡。醒了又喜。一世逍遙在醉鄉裏。〔飲酒科〕〔云〕不想今日下着紛紛颼颼國家祥瑞。好冷也呵。

〔唱〕

〔罵玉郎〕黑風忽捲滄江立。沒揣的雲黯黯。倏忽的雪霏霏。千村萬落門都閉。吹鹽花似掳亂飛。飄瓊葩似零碎積。剪玉屑似繽紛墜。

〔感皇恩〕沒徑遮籬。漫野平溪。〔云〕今日纔見俺漁家富貴也。〔唱〕粉牆圍。銀網纜。玉蓑笠。大古來。滕六試巧者。末你巽。一揚威。〔笑科〕〔唱〕我又沒甚麼事。縈牽。妻受冷。子啼飢。〔解子一行押外枷鎖上〕〔外云〕好苦也呵。不想是一條斷頭路。兀那遠遠的。有一隻

船兒。我且喚那漁翁者。〔做喚科〕〔末聽科〕〔唱〕

〔採茶歌〕又不是水禽啼。又不是野猿悲。〔末顧見科〕〔唱〕元來是待船人喚斷橋西。〔云〕這幾箇客人要過渡。明日又有我酒錢也。〔唱〕得酒何愁天氣肅。煞強如滿船空載月明歸。〔外云〕兀那漁翁。你且搖過船來。我問者。〔末云〕他喚我哩。我且搖過這船去。〔做

搖船科〔唱〕

〔賀新郎〕觀着惡狠狠公吏後追隨。冒雪湯風。叫天吼地。〔末覷外科〕〔唱〕真乃是武陵溪畔曾相識。暗想起其中就裏。但開口天知地知。〔云〕你這一行人。喚我做甚麼。〔解子云〕這一位官人。待借你船兒渡一渡者。〔末云〕你是甚麼官人。〔外云〕我是應舉及第的官人。〔末笑科〕〔云〕你是應舉及第的官人。〔唱〕幾曾見披着枷離月窟。纏着鎖下雲梯。你那般惡風光。全不如登科日。〔外云〕漁翁。你休輕視我。我也曾出入臺閣。三台八輔裏勾當來。今日患難到此。不想紛紛下着這般大雪。漁翁。你休怪。就借你船兒。渡我每這幾箇人過去者。〔末唱〕

〔哭皇天〕他道是居臺省三公位。列入輔宰相職。〔云〕你那爲官受用處。我知道。遇着這般天氣呵。〔唱〕舒心兒列管絃。揀口兒喫堂食。這的是承天奉勅。到家裏朱門深閉。綉幙低垂。烹茶掃雪。弄盞傳杯。紅爐燄燄。錦被堆堆。這其間。則我這打魚人。恰纔罷釣歸。〔外云〕我今日倒不如你了也。〔末唱〕你不學張良辭位。陶朱棄職。

〔烏夜啼〕則待作抱官囚。覓不着逃生計。急回頭待悔來應遲。又不將心猿意馬牢拴繫。也不是你本性難移。舊病難醫。〔外云〕這漁翁好無禮也。我則借你船兒渡一

渡。沒來由比方比正閑議論。是這般天氣呵。你正是坐而不知立而飢。〔末唱〕你道是坐而不覺立而飢。你爲官不看傍州例。學不到王子猷。可做了吳元濟。豈不聞天條井井。天網恢恢。〔云〕我不渡你。不渡你。〔外云〕漁翁。嚙和你那裡不厮見來。止不過一箇松木船兒。〔末云〕你道我的一隻松木船兒。〔笑科〕〔唱〕

〔牧羊關〕俺這船雖是箇松木船兒。無妝飾。比着那竹葉舟煞整齊。我也曾泛銀河直至瑤池。〔外云〕敢問漁翁。這地面是那裡。〔末唱〕這地面西到藍橋連弱水。〔外云〕天色晚了也。〔末唱〕如今我渡你。切莫嫌遲。〔云〕哥哥。你真箇到那裡去。〔外云〕我往京兆府葦街坊去。〔末唱〕你若是到葦街。身無恙。便是入桃源。路不迷。〔外云〕漁翁可憐見。咱前無村後無店。若不渡我。如之奈何也。〔末背云〕我那裡是漁翁。我便是呂洞賓。故意教他不認的我哩。〔向外云〕君子。常言道有路莫登舟。〔外云〕漁翁。你不渡我也罷。我請問你。則這京兆府。路從那裡去。你指與我徑路者。〔末云〕這東西南北。總是一條大路。你好纏殺我也。〔唱〕

〔尾聲〕我覷着枷頭鐵鎖纏聯繫。你可甚麼兩行朱衣左右隨。〔云〕你不聽老人言語呵。〔唱〕你則待幼讀書。壯游藝。蓋書樓。買農器。圖功名。攢財賄。萬言策。五陵氣。施權謀。展經濟。追前非。覺後悔。望妻兒。盼親戚。哭哭啼啼。巴巴急急。靜悄悄人。

烟。白茫茫田地。疎刺刺風聲。凍剝剝天氣。少不的血裏埋身。劍下做鬼。比及你六道輪迴到人世。想着那百般是非。幾場黜陟。猶兀自煩心不徹。黃梁半鐺兒米。〔下〕〔外云〕那漁翁指與階路。他去了。嚙也去來。〔衆推外下〕

第四折

〔正末引道童上〕〔化酒肆科〕〔云〕今番着盧生正果也。〔解子引外上行科〕〔云〕藁街坊到了也。盧道成。因爲你兩軍對壘。臨敵賣陣。勅旨教斬了你哩。〔做刑科〕〔衆下〕〔外做驚醒科〕〔看壁上原題詩科〕〔淨云〕黃梁飯熟了也。〔外云〕呀呀呀。我知道了也。盧生也。你爲官受爵。娶妻生子。五十餘年。波波碌碌。卻原來是南柯一夢。我省了也。〔末云〕炊黃梁飯者。〔淨云〕秀才略睡片時。〔末云〕盧生。你只今主意如何。〔外云〕則今日跟隨師父出家去來。〔末云〕徒弟。你今日卻省悟也。〔唱〕

〔雙調新水令〕五十年辛苦爲功名。今日入玄關了身達命。似嫦娥奔廣寒。勝徐福訪蓬瀛。行滿功成。纔知道一動不如一靜。〔云〕盧生。你認的柳塘莊上道人麼。〔外云〕正是師父。〔末云〕你認的風雪江邊那箇漁翁麼。〔外云〕也是師父。〔末云〕盧生也。則爲你名登丹闕。跡混紅塵。東華帝君。差我來此。度脫你三次也。〔外云〕師父。弟子不想有今日也。〔末

唱

〔駐馬聽〕脫骨超形。萬里西風游太清。離凡入聖。五明宮內賀長生。〔云〕徒弟聽我說。凡修真者。未究玄妙之初。先理金丹之要。〔外云〕師父。金丹是何物也。〔末云〕這金丹攢簇五行。和合四象。五氣朝元。三花聚頂。乾坤作鼎器。烏兔爲藥物。解抽添。能揣度。善調和。知沐浴。半刻之差。千里之謬。汝今至此。若非夙緣仙契。安可及也。〔唱〕從今後焚香不索誦黃庭。修真再莫調金鼎。照六根。鑒七情。則我是一輪天上軒轅鏡。〔外云〕師父。弟子到此。自覺天光廓落。

霧氣空明。敢問此乃何處也。〔末云〕你年少時。曾多記古人詩來。〔唱〕

〔喬牌兒〕這天上白玉京。你曾記古人詠五城十二樓。是真仙境。你將這腹中詩心內省。〔外云〕是是。我曾記得兩句詩云。天上白玉京。十二樓五城。莫非是太清仙境麼。〔末云〕然也。此處正是東華闕下。〔唱〕

〔掛玉鉤〕你覷這玉殿金扉絢紫清。這答兒親領東華命。金作蛟龍簇綉楹。光燦爛。相輝映。謝聖恩。施恭敬。瞻望宸光。頓首虔誠。〔外云〕弟子賴師父指教。得長生了也。敢問這天人間。雖是差別。亦有飲饌暑寒適悶的勾當麼。〔末云〕你聽我說。〔唱〕

〔鴈兒落〕飢食玉兔精。渴飲銀河凝。熱呵。綃蒙紫霧輕。寒呵。錦苔丹霞靜。出入

呵。穩駕彩鸞。睡呵。靜靠碧雲屏。飲酒呵。香泛瓊瑤浪。啜茶呵。溫調沉攢冰。閑評。止不過兩三篇烟霞興。閑評。斷不了五千言道德經。〔八仙隊子一行上。鍾離云〕適間洞賓度了一箇徒弟。噲弟兄每慶賀去者。〔淨上哭科。云〕師父在上。衆師父在此。鶴童一來慶賀。二來有句話說。小童鶴得僅。自幼跟着師父出家。受了多少艱難。俺師父性子又緊。要我立便立。要飛便飛。要舞便舞。要騎便騎。誰想俺師父棄舊憐新。有了一箇徒弟。便不顧我了。不由我氣出一箇江兒水來。師父。鶴得僅明明的對你說。你今後謹慎者。〔唱〕

〔江兒水〕師父自來心性直。長赴蟠桃會。背到半空裡。已帶三分醉。滴溜撲把師父顛做肉泥。〔鍾離云〕洞賓跋涉凡塵。用心不易。〔末唱〕

〔川撥棹〕想當日下青冥。數齊州。似九點星。跋涉滄溟。纔度蓬瀛。真乃是追風覓影望邯鄲。烟樹暝。〔鍾離云〕他原來喚做盧道成。爲何喚做盧生。〔末唱〕

〔七弟兄〕諱名道成號盧生。也是他實不注。定真仙命。滴溜溜跳出火炎坑。眼睜睜跳脫劫塵窠。〔鍾離云〕他青春幾何。〔末唱〕

〔梅花酒〕年紀兒正妙齡。多視多聽。多做多營。多論多評。多藝多能。〔鍾離云〕他在家作何生理。〔末唱〕他朝耕着附郭田。暮守着看書燈。〔鍾離云〕他又力田。他又讀書。必

有所圖。何不教他輪迴裏走一遭去。〔末云〕言者當也。〔唱〕指乾坤一化境。生死路也曾登。風波海也曾經。黃金榜也題名。碧油幢也驅兵。凌烟閣也圖形。鳳鸞幃也和鳴。虛飄飄樂浮生。慘可受嚴刑。蒼精劍血猶腥。黃梁飯夢纔醒。〔末指外科〕〔唱〕

〔收江南〕他纔知道十年前是一書生。謝殷勤相賀笑相迎。棄了箇碧桃花底笑吹笙。他覷了這太清。再不想龍樓鳳閣九重城。〔云〕徒弟參拜衆師父者。〔外拜科〕

〔衆仙云〕盧生間別久矣。〔外云〕弟子素不與衆師父每相見。〔末云〕葉街坊有一面之舊。〔外云〕呀呀呀。原來是七位神仙。這第一位是誰。〔末唱〕

〔水仙子〕天書到手離神京。〔鍾離云〕吾乃漢鍾離是也。〔外云〕這一位師父是誰。〔末唱〕

這鐵拐隨身顯聖靈。〔李岳云〕吾乃鐵拐李岳是也。〔外云〕這一位師父是誰。〔末唱〕清歌

信口爲新令。〔藍采和云〕吾乃藍采和是也。〔外云〕這一位師父是誰。〔末唱〕駕烟霞驢背

輕。〔張果老云〕吾乃張果老是也。〔外云〕這一位師父是誰。〔末唱〕棄皇親隱跡埋名。〔曹國

舅云〕吾乃曹國舅是也。〔外云〕這一位師父是誰。〔末唱〕背葫蘆神游三界。〔徐神翁云〕吾乃

徐神翁是也。〔外云〕這一位師父是誰。〔末唱〕指牡丹花開四景。〔韓湘子云〕吾乃韓湘子是

也。〔外云〕這七位師父都認的了。師父卻是誰。〔末唱〕我是串無心呂字分明。〔外云〕原來是

呂洞賓師父也。〔鍾離云〕盧生聽者。你本是夙世真仙。在人間久戀塵緣。恐怕你迷卻正道。差洞賓引度相連。邯鄲店倏然一夢。着功名富貴榮牽。都見了妻財子祿。又遭了刑憲連遭。多不到一炊飯頃。經歷了五十餘年。今日箇功成行滿。做神仙返本還元。多虧了呂純陽三番點化。你今日列仙班拜謝蒼天。

題目

爭名不把詩書厭


奪利常把良田占

正名

盧生一夢藁街坊

呂翁三化邯鄲店

萬曆丁巳四月十八日校錄于小谷本清常道人



呂純陽點化度黃龍

闕名

楔子

〔冲末扮東華仙領金童玉女上〕〔東華仙云〕一氣初分理自然。下沉爲地上爲天。人生若悟先天道。保祚皇朝萬萬年。貧道乃東華帝君是也。昔從無始以來。稟至真之清化。授無上之玄文。住東極之慈宮。遊閭風之玄圃。管轄天上天下修仙之事。昨奉玉帝勅命。因見下方祥雲變態。瑞氣氤氳。五穀豐登。萬民樂業。崇儒重道。偃武修文。四海有鼓腹之歡。八方無烽燧之警。欲令漢鍾離和呂洞賓下降人間。訪擇夙有仙緣道行之人。不拘男女道俗。骨格清秀。心性聰明者。引度他成仙了道。傳授與他養性修真之理。金液靈丹之道。飛昇天府。位列仙班。貧道奉玉帝勅令。不敢有違。金童與我喚將鍾離洞賓來者。〔金童喚科〕〔云〕鍾離洞賓。上仙呼喚。〔鍾離上〕〔云〕抱元守一。煉陰陽。離坎須交歲月長。自從得道昇仙後。大闡玄風輔聖皇。貧道漢鍾離是也。自從棄官入山。修煉仙道。特蒙東華帝君。授以長生不死之術。服氣煉形之道。身超紫府。名列仙階。後於邯鄲道上。度脫了呂洞賓。今日正在紫府閑遊。有東華帝君。令仙童呼喚。不知有甚事。須索參見祖師。走一遭去。可早來到也。金童報復去。道有漢鍾離來了也。〔金童云〕理會的。〔做報科〕〔云〕上仙。

有漢鍾離來了也。〔東華仙云〕着他過來。〔金童云〕着過去。〔做見科〕〔鍾離云〕祖師呼喚鍾離有何法旨。〔東華仙云〕貧道奉玉帝勅命。待呂洞賓來時。一同分付。金童看者。若洞賓來時。報復我知道。〔金童云〕理會的。〔正末扮洞賓上〕〔云〕貧道姓呂名岩字洞賓。道號純陽子。乃唐朝秀士。因在邯鄲道上。遇見祖師漢鍾離。一夢之中。見了人我是非。得失榮枯。遂有出塵之志。後蒙祖師授以碧落玄文。金丹大道。遂得飛昇紫府。名列真仙。方纔宴瑤池已回。有東華帝君。令金童呼喚。不知有甚事。須索走一遭去。可早來到也。金童報復去。道有呂岩來了也。〔金童云〕理會的。上仙。有呂洞賓來了也。〔東華仙云〕着他過來。〔金童云〕理會的。着過去。〔做見科〕〔東華仙云〕純陽子。你來了也。〔正末云〕祖師。貧道來了也。呼喚呂岩。有何法旨也。〔東華仙云〕您二仙近前來。貧道喚你來。別無他事。今奉玉帝勅命。因見下方萬民樂業。五穀豐登。修文偃武。崇儒奉道。四海有鼓腹之歡。八方無烽燧之警。端的是君聖臣賢。父慈子孝。欲令您二仙下降人間。採訪夙有仙緣道行之人。不拘僧尼道俗。但有骨格清秀。心性聰明者。授與他金丹大道。若其道行圓滿。那其間着他飛昇仙界。名著丹臺。此係玉帝勅命。不可有違。您二仙則今日便下塵寰。度脫仙侶。走一遭去。〔鍾離云〕貧道謹領祖師法旨。豈敢遲滯也。〔正末云〕則今日拜辭了上仙。謹領了玉帝勅命。下降人間。不拘深山洞府。城市鄉村。遍訪有德有行之人。度脫他成仙了道也呵。〔唱〕

〔端正好〕我可便降塵寰離天上。到人間採訪賢良。我將這金丹大道親開講。談性命。論陰陽。離人世。返仙鄉。居紫府。飲瓊漿。扶聖主。輔吾皇。〔帶云〕上仙稽首。〔唱〕我可便名列在丹臺上。〔同鍾離下〕〔東華仙云〕鍾離和洞賓去了也。此一去。必然採訪有德之人。度脫成仙了道。證果朝元也。貧道無甚事。須索回玉帝話。走一遭去。奉勅傳宣引度人。崇儒重道賀明君。洞賓此去傳仙法。永保皇圖萬萬春。〔下〕

頭折

〔淨扮行者上〕〔云〕身着袈裟百衲衣。跟隨師父搶東西。雖然不得活佛做。且在人間念阿彌。小僧是這黃龍禪師的箇行者。我自懷抱兒裏。我的娘就與了師父做徒弟。我這師父。十分戒行精嚴。則是不斷酒色。終日則是鋪眉苦眼。說嘴哄的遠近人等都來供養他。今日又要說經。昨日晚夕。師父央及了我。着我打掃這寺院。又聚集人聽經。小僧二更鼓就起來了。到三更可睡着了。我依着他。我在這寺門首。看有甚麼人來。〔外扮士農工商四衆人等上〕〔士云〕積善之家福自多。持齋守戒念彌陀。今生若肯看經法。累劫千生永不磨。我等乃四衆之人。今日有黃龍禪師。講大乘妙法。聚會衆人聽講去。可早來到也。寺門首立着箇行者。俺近前去者。〔行者做見科〕〔云〕你這四衆之人。來聽我師父講經。你先將布施來。我說些因果你聽罷。〔士云〕行者。師父陞座了麼。

〔行者云〕您衆人且等着。我師父昨日晚夕。喫的打刺孫多了。害酒哩。〔士云〕你休胡說。師父豈是喫酒之人。〔行者云〕我師父閑日是不喫。昨日我師父的丈人來望。可喫的多了些兒。〔士云〕你休胡說。壞了師父的戒行。〔行者云〕我哄你哩。不是害酒。前日因爲跳牆跌了腰。至今還起不來哩。你衆人且等着。這早晚師父敢待出來也。〔外扮黃龍禪師上〕〔云〕釋迦拈花露本心。迦葉微笑遇知音。燈燈相續傳千古。朗朗光明到至今。貧僧黃龍禪師是也。先拜澄淨禪師授法。法名惠南。後入黃龍山修行辦道。得悟我佛不傳之祕密。無上之真文。端的是悟明心地。了達玄宗。得空內不空之道。有中無有之理。貧僧呼的風。喚的雨。降的魔。伏的怪。講論大乘妙法。修持不二玄宗。修煉的五蘊皆空。四大非有。欲修道行。先結人緣。貧僧發心。於此山中聚集四衆人等。開講大乘妙法。欲令大衆之人。同證無上之果。共成佛道。貧僧已出告示。在此寺門首。但有聽講來的善人。聞經聽法的。西廊而入。參禪講道的。東廊而進。兀那行者。四衆人等來了也不曾。〔行者云〕告的吾師得知。師父的丈母也來了。都來的全全兒的。則等師父上法座哩。〔禪師云〕兀那行者。你且在寺門首看者。等聚的人多了時。再來報復我知道。〔行者云〕師父。你且自在喫些答刺孫和米罕。有氣力講經。我去門首。和師父娘作伴兒去。〔禪師云〕便與我門首看着去。但有奇異之人。便來報復我知道。〔四衆人等做見禪師科〕〔士云〕師父發大慈悲。開示衆人。同歸善道者。〔禪

師云。四衆人等待聽經。來的多了時。貧僧講經。〔正末扮呂洞賓上〕云。貧道純陽呂洞賓是也。自從奉玉帝勅命。降臨人世。採訪有德有行。骨格清秀。心性聰明之人。傳授金丹大道。引度超昇仙位。貧道遊行天下。今到此山之中。觀見瑞氣祥雲。氤氳於九霄之上。此山中必有修行有道之人。貧道須索入山尋訪。走一遭去。看了這山景清幽。端的是好景致也呵。〔唱〕

〔仙呂點絳脣〕看了這山景清奇。端的是洞天福地。多佳致。我與這猿鹿相隨。對此景非人世。

〔混江龍〕看了這祥雲瑞氣。氤氳變態。罩周圍。白雲隱隱。綠水依依。日暖風和。如閬苑。山明水秀。勝瑤池。滿眼風光媚。我本是神仙道侶。一任你肉眼愚眉。

〔云〕來到此山中。不見一箇人。兀那遠遠的。敢是一箇老者。等他來到時。我試問他一聲者。〔外扮白衣老人上〕云。生來不曉人間事。久住山中樂太平。老漢是這後山中人家。人見我年老。也都喚老漢做白衣老人。今日天氣清明。在此閑行。採些藥草者。〔正末見老人科〕云。稽首。貧道是一乞食道人。來到此山中。迷踪失路。敢問老者。此處有甚麼僧觀道院。修行善人。望老人家指示貧道者。〔老人云〕先生。此處無甚寺觀善人。此山是黃龍山。有一寺是黃龍寺。更有一黃龍禪師。此僧十分戒行精嚴。善通經典。今日敢講說大乘妙法哩。〔正末云〕敢問老人。此寺在於

何處也。〔老人云〕轉過這山坡直下便是。先生。你往那裡看去。老漢無甚事。回家中去也。〔下〕

〔正末云〕我依着那老人。轉過這山坡直下。果有一座寺。門首立着一箇行者。我向前問他一聲。

〔做見科〕〔云〕此處敢是黃龍寺麼。〔行者云〕嚀。靠後。你問我黃龍寺。誰教道你來。你且住。我們師父喫答刺孫和米罕哩。〔正末云〕貧道聞知的此處說法。我特來閑遊翫一遭。〔行者云〕你不要來遊寺。你去遊嘴罷。你進去遊翫去罷。〔正末云〕我入的這寺來。我試看者。〔做看科〕〔云〕哦。這裡有一牌。額上寫着。這聽法聞經者。西廊而入。參禪講道者。東廊而進。哦。原來此處有賢人。這黃龍禪師。果有半仙之分。當以度脫此人。我試在這壁子上。題一首詩。看他知道貧道麼。〔做意兒題詩科〕〔云〕燦燦開。燦燦開。烏鴉隊裏鳳凰來。空中一下雷聲響。欲度浮屠上玉塔。〔禪師云〕是一箇雲水道人。在我這壁子上寫詩。我試看者。〔做看科〕〔做大喝科〕〔云〕你是何人。禪師在此紮寨。何人侵吾境界。〔正末云〕道人從來膽大。特來偷營劫寨。空中下一金鎚。打破大千世界。哦。〔唱〕

〔油葫蘆〕則我這一句話包藏着天地理。你與我思也波惟。非是我便言談語。話漏天機。則你這黃龍不解其中意。問你箇禪師。不悟波羅密。〔禪師云〕兀那雲水道人。你那雲從何起。水向何來。〔正末唱〕水從澗裏來。雲從山上起。白雲來往無拘繫。

端的是雲淡淡。水依依。〔禪師云〕假若雲散水枯。問先生歸於何處。〔正末云〕雲散則皓月當空。水枯則明珠出現。〔唱〕

〔天下樂〕雲散長空皓月輝。此景誰也波知。言就裏。養黃芽煉成天地髓。放開時彌六合。收藏時無半米。這的是若虛空。含道體。〔禪師云〕先生既問大道。貧僧試說者。四衆人等。宜當諦聽。夫道者。一生二。二生三。三生萬物。萬物皆從道生。道乃衆妙之體。萬物之母。萬物之中。最靈的是人。先生。你這爲道的。再有何奇異處也。〔正末云〕貧道一粒粟中藏世界。半升鐘內煮乾坤。〔唱〕

〔那吒令〕若論俺爲道呵。煉陰陽道理。若論俺修道呵。悟虛無道理。若論俺行道呵。運乾坤道理。長生等泰山。不老同天地。端的是壽算天齊。〔禪師云〕貧僧也頗知道法。今日與先生講論。請問先生。如何是先天後天。〔正末云〕既問貧道先天後天。你聽我說者。〔唱〕

〔鵲踏枝〕先天道隱玄微。後天道少人知。我欲待返本還元。運坎搬離。盡包含五千言道德。那其間飛步天梯。〔行者云〕不知那裡走將這箇雲遊道士來。打攪了我師父功課。你兩箇一箇說了一箇說。我也不知你說的是些甚麼話。我跟了師父二十年。也不曾看經

諷呢。則會套狗偷雞。與師父鋪床疊被。替師父娘遞盞巡杯。師父。你且不要與這箇先生說話。師父娘想你哩。你且去方丈裏。看看師父娘去再來。〔禪師云〕靠後。先生若不棄。此山中寂寞。暫留一宿。明日與先生講論大道。有何不可。〔正末云〕貧道偶到於此。得與講論。深爲幸遇也。〔唱〕

〔寄生草〕講虛無修鉛汞。坐中黃守戊己。濟人利物合天意。修功累行存天理。存真養性全天氣。便休題掀翻金鼎走丹砂。我教你飛昇紫府登仙位。〔行者云〕我說你這箇先生。你去了罷。你兩箇無中生有。胡說了這一日。把我餓的來肝腸寸斷。你還說嘴哩。趕早兒與我去了罷。〔禪師云〕明日專望先生。來此講論大道也。〔正末云〕貧道明日再來。與你講論金丹大道也。〔唱〕

〔尾聲〕一氣產陰陽。萬物含天地。〔禪師云〕貧僧道貌如何。〔正末唱〕你天生成仙風道體。你證果朝元必有期。煉金丹性命根基。到來日講從實修養刀圭。步入西天西更西。飛過那三千弱水。保守定一元真氣。那其間度黃龍同共赴瑤池。

〔下〕〔禪師云〕不想今日遇着這箇雲水道人。聽了他言談。是箇有道行的人。等他明日來時。貧僧再着幾句言語。試探他。無甚事。且回方丈中坐禪去來。因談性命仙家事。不覺紅日又西沉。〔下〕〔行者云〕他兩箇都去了。我肚中也不飽。我去喫冷飯。師父喫長草。罷罷罷。前日在街市上。

化緣。得了幾文銅錢。我如今去燒酒。衛衛喫幾杯花答刺孫兒去也。我做行者實聰明。不會諷呪。不看經。半生蔥蒜都不戒。每日則提老酒瓶。〔下〕

第二折

〔首座領淨行者上〕〔云〕一自修持出世塵。每持齋戒理經文。黃龍山下身幽靜。親奉蓮臺拜世尊。貧僧乃黃龍寺首座是也。我師父乃黃龍禪師。在此山中修行。真箇是悟明心地。了達玄宗。今有一雲水道人。言談有理。道性堅密。今日師父陞座。與他講論大道。貧僧在此方丈。打掃乾淨。收拾下香燈。師父敢待來也。行者。你三門首等候。若師父來時。報復我知道。〔行者云〕小僧理會的。我每日跟着師父。我也早晚上天去也。南無阿彌陀佛。阿彌陀佛。〔禪師上〕〔云〕貧僧黃龍禪師是也。今有一箇雲水道人。來到俺這黃龍寺。遇着老僧。相會間談論極妙。今日來此寺中。要與老僧講論大道。老僧來到這方丈門首。行者。〔行者云〕師父。小僧在此等候師父一會。猛可裡打起盹來。不想睡着了。失悞了接待師父也。〔禪師云〕行者報復去。道有老僧來了也。〔行者云〕小僧得知。首座師父來了也。〔首座云〕你不早說。〔做接科〕〔云〕師父。貧僧打掃的方丈乾淨。收拾下香燈。則等師父來也。〔禪師云〕行者。你三門首望者。若那先生來時。報復我知道。〔正末領淨道童上〕〔正末云〕貧道呂洞賓是也。自奉東華上仙差遣。貧道下降遊行。到此黃龍山。果有一僧。

乃是黃龍禪師。貧道與他相會。今日在此方丈。講論大道。須索走一遭去也呵。〔唱〕

〔中呂粉蝶兒〕自從我離卻蓬瀛。奉東華上仙之命。下塵寰遊遍神京。看了這勢崢嶸。山疊翠。峯巒相映。我和這幽雅山僧。論言談必無箇乾淨。

〔醉春風〕你看這青森森法堂寬。密匝匝松檜整。我則見氤氲香靄散晴空。別是箇景。景。你看這山景模糊。水流溪澗。霧迷雲徑。〔云〕可早來到也。〔道童云〕師父。來

到這三門首也。小道有一語。師父跟前敢說麼。〔正末云〕道童。你有甚麼話說。〔道童云〕師父。這道門中。爲箇純陽真人。燒丹煉藥。誰人似的你。論黃龍禪師。論講禪宗。也不及師父。則要你小心在意。不要落在他彀中。你便不打緊。我道童怎麼做人。〔正末云〕靠後。可早來到也。兀那行者。報復去。道有貧道來了也。〔行者云〕你來了。師父正等你哩。我報復去。〔做報科〕〔云〕報的師父得知。有那先生來了也。〔禪師云〕先生來了也。貧僧須索出方丈接待去。〔做見科〕〔云〕貧僧問訊。〔正末云〕禪師稽首。〔禪師云〕仙長有請。行者看坐位來。〔行者云〕師父。一條板凳。間壁寺中借的去了。〔禪師云〕你看這廝。〔行者云〕有了有了。〔禪師云〕仙長請坐。行者看茶湯來。〔行者云〕下次小和尚。澗中打水去。〔禪師云〕你看這廝。仙長。你到此黃龍山。有何事也。〔正末云〕禪師不知。聽貧道說一遍者。〔唱〕

〔迎仙客〕我親蒙着帝主宣。奉東華下天庭。〔禪師云〕既奉玉帝勅令。可是爲何。〔正末唱〕待教我下塵寰。故將仙道領。〔禪師云〕你因何到俺這黃龍山也。〔正末唱〕觀了他這霧雲垂紫氣騰。必有箇仙道冲昇。一徑的便到此尋盟證。〔禪師云〕知仙長言談有理。貧僧今日陞座。與仙長講論釋門大道也。〔正末云〕貧道已知了也。〔唱〕

〔紅繡鞋〕你道是講論些釋門中理性。須要你皈依復俺仙道修行。〔道童云〕師父。他是箇愚人。他那裡省的。他則知有師父。還不知道童的手段哩。〔行者云〕你這厮騙嘴。我行者也不弱。我若念起觀音經來。我教你疾走無邊方。〔禪師云〕這厮多口。靠後。〔行者云〕師父不要饒了他。〔禪師云〕你那仙家有甚麼好處。〔正末唱〕則俺這閻苑瑤池共滄溟。若說着十洲境。端的是果非輕。我教你便入仙宗參勝境。〔禪師云〕仙長。你脊梁上背着這兩口劍。有何用。〔正末云〕禪師。貧道脊上背着這兩口劍。非輕。能除天下邪魔。乃是斬妖神劍也。〔行者云〕你便斬妖除邪。若論行者說起來。我那廚房中。則好切菜。〔禪師云〕仙長。你試說一遍。貧僧試聽者。〔正末云〕試聽貧道說一遍者。〔唱〕

〔石榴花〕則我這袖中常褪斬邪形。端的是鋒利果神靈。〔禪師云〕貧僧此地講說大乘妙法。有何妖邪敢至此。要他何用。〔正末唱〕則你這大乘有何能。我跟前賣弄則你

這佛法難行。〔禪師云〕想我佛穩坐蓮臺之上。超度衆生。救出恆河沙界。也不同小可也。〔正末唱〕你道是如來穩坐蓮臺定。發慈悲救度衆生。恆河沙界難爲證。我看你目下怎施呈。〔禪師云〕貧僧。此處要劍何用也。〔正末唱〕

〔鬪鶴鵲〕我今日斬你箇禪師。你那裡臨危自省。〔禪師云〕想貧僧有何罪犯。要斬貧僧也。〔正末云〕汝有三毒。當以斬之也。〔禪師云〕可是那三毒也。〔正末云〕你有貪瞋癡三等。此乃爲之三毒也。〔禪師云〕貧僧有何貪也。〔正末唱〕則爲你性格貪圖衣食衣食至緊。更那堪久坐黃龍不起身。更求財染罪情。我這裡細說分明。非是我生情見景。〔行者云〕師父。你信他做甚麼。他那裡曉的行者的手段那。〔禪師云〕貧僧有何瞋。你說一遍。我試聽者。〔行者云〕師父。聽他做甚麼。不是我說破家門。風僧狂道。信他怎麼。〔禪師云〕貧僧有何癡也。〔正末云〕汝一身未了。更度他人。只救眼前名利。豈不是瞋。汝三毒全備。不可度也。〔禪師云〕你試說一遍。我試聽者。〔正末唱〕

〔十二月〕西廊下專心試聽。更那堪閱法聞經。喜來也東廊住止。參禪處怒氣昇騰。不是我言詞是逞。我這裡一句句分明。〔禪師云〕貧僧有何癡也。〔正末唱〕〔堯民歌〕呀。則你那一身未了度人情。眼前名利豈分明。則你那三毒惡境豈

能成。你與我早登仙界拜仙宗。真也波誠。從今早立身。你與我證果了東華命。

〔禪師云〕似此如何得證仙宗也。〔正末云〕汝三毒全備。不可度也。貧道拂袖而歸。〔禪師急下法椅向前科〕〔云〕仙長。今日正是諸佛聚會之日。因何速行也。〔正末唱〕

〔尾聲〕今日箇方丈中且聊別。有一日歸仙宗同共領。〔禪師云〕依着仙長可怎生也。〔正末唱〕我教你棄儒門。皈伏俺三清境。哎。你箇有福的黃龍。恁時節省。〔同道童下〕〔禪師云〕仙長去了也。首座收拾了方丈。貧僧且回方丈歇息去也。〔下〕〔首座云〕行者。〔行者云〕恰纔打發的師父去了。你又叫我怎麼。〔首座云〕你打掃的方丈乾淨。來日再要與仙長講論。貧僧且回僧房中去也。〔下〕〔行者云〕小僧打掃的方丈乾淨。無甚事。三門前念竈經去也。〔下〕

第三折

〔外扮觀主上〕〔云〕訪至至字疑誤參玄誦道章。搬離運坎煉陰陽。自從頓悟真仙理。每日焚香祝聖皇。貧道是這瓊花觀道士。小道自幼訪求仙道。參拜玄門。在本觀做着箇住持。管領着本觀道衆。焚修香火。祝延聖壽。如今幸遇瓊花盛開。此花遍天下皆無。惟此處有這一種。遂名爲瓊花觀。此花若開。乃豐年太平之兆。這城裏城外官員士戶之家。知的瓊花開放。必來觀看。我如今喚將道

童來。分付他打掃的這觀內乾淨者。道童〔淨道童上〕〔云〕我是瓊花小道童。一生粧傻又推賢。跟隨師父十五載。每日則學夾腦風。小道是這瓊花觀的箇道童。投禮這瓊花觀住持做師父。我這師父也會祈雨。也會求風。也會喫酒。也會跳牆。我雖然是箇道童。若論我的手段道法。不是我賣弄。可也頗頗曉的些兒。若說我撇白剪結。喫酒賭錢。最爲第一。我這師父。若還使我。則推肚裏頭疼。我正在這裡打筋斗。聽的師父兒叫道童。我見他去來。〔做見跌倒科〕〔觀主云〕喂。你怎的。〔道童云〕哎約。我肚裏頭疼又發了。〔觀主云〕我喚你來不爲別。如今這瓊花開放。這城裏城外官員士戶之家。必來賞翫。你將這觀門首。便與我打掃的乾淨着。〔道童云〕這箇不必師父費心。徒弟三年前。又早打掃的乾乾淨淨的了。師父不信。你則看去。〔觀主云〕你便與我打掃去。我無甚事。且回後菴中去也。瓊花爛熳開仙苑。兆應豐年國太平。〔下〕〔道童云〕師父去了也。我依着他打掃。我如今先挑一百二十擔水灑地。挑一百二十擔土墊地。挑一百二十塊太湖石疊山子。再買一百二十箇銅錢酒。喫醉了睡去也。罷罷罷。我也去了罷。師父法旨十分好。教我在此便打掃。我也不得神仙做。喫酒賭錢直到老。〔下〕〔淨行者上〕〔云〕空卽是色。色卽是空。南無不可思議功德。小僧是黃龍禪師的行者便是。我跟着他。也不會學的些甚麼經教。終日則聽他說嘴哄人。這兩日不知那裡走將箇先生來。每日和他說闊。我見那雲遊的先生。領着箇道童。看了他的

動靜。必然有錢鈔。等他來時。我下了手罷。〔淨扮道童上〕〔云〕南無阿彌陀佛。南無阿彌陀佛。我終日念佛不住口。也喫葱蒜也喫酒。跟着老呂煉金丹。久後街上打餓狗。我是箇清淨道童。近日跟着這雲遊的呂先兒。希里打哄。他這兩日儘得手。來到這黃龍寺。遇着黃龍禪師。他巧語花言。把箇老和尚哄轉了。終日齋食管待。不知那一日弄出虛頭來哩。我到替他愁。我如今先去法堂中。聽他兩箇說嘴去。〔做見科〕〔云〕小佛兒稽首。〔行者云〕你在那裡來。我等了你這一日。我有些小小的話兒。和你商量。〔道童云〕好兄弟。我也有些話兒。和你計較。〔行者云〕我如今要和你認做弟兄。你則依着我。〔道童云〕你就教我做老子。我也依着你。〔行者云〕我見你師父。好箇標致人。必然有些錢鈔。我和你偷他些兒買酒喫。兄弟也。我是箇好人也。〔道童云〕成不的。我們師父。也是箇賊。他還要偷你師父的哩。我和你說。你師父有錢。我和你多多的偷他些。每人娶箇老婆。可不好。〔行者云〕使不的。不要壞了戒行。把體面。首座敢待來也。〔首座上〕〔云〕若人修善果。身乃上蓮臺。貧僧首座是也。近日有一雲遊仙長。來俺這寺內。與禪師講論。十分有道理。我索分付行者。打掃的講堂乾淨。惟恐禪師與那仙長來此講道。兀那行者。打掃的講堂乾淨了不曾。〔行者云〕師父。睜開你那驢眼。你看打掃的乾淨了。則等你們來說嘴哩。〔道童云〕首座老師父稽首。我與你也講論會賊盜。〔首座云〕不得無理。行者。門首看者。若禪師來時。報復我知道。〔行

者云。你師父知道。〔黃龍禪師上〕云。貧僧黃龍禪師是也。昨日與那雲遊的道者。講論了一日。他背上佩着口神鋒。貧僧問他此劍何用。他說要斬貧僧貪嗔癡三毒。貧僧問其所以。他論的十分有理。貧僧觀看此人。必不是尋常的人。相約下今日還來講論。貧僧先去講堂中。等待那先生去。可早來到也。行者報復去。道有貧僧來了也。〔行者云〕師父來了也。我看你終日也閑不住。直等的着那先生難倒了纔罷。我報復去。首座師父。我們說嘴的師父來了也。〔首座云〕道有請。〔行者云〕道有井。〔做見科〕〔禪師云〕首座。便與我打掃的講堂乾淨。伺候那先生來講論大道也。〔首座云〕貧僧委令行者打掃的乾淨了。則等尊師與那先生講道也。〔行者云〕我說你箇老夾腦風。終日預備下齋食。管待那先生。幾時是了。依着我。等他來時。我與你趕了他去罷。〔禪師云〕休胡說。便與我三門者看着去。若那先生來時。報復我知道。〔正末上〕云。貧道呂洞賓是也。自從奉東華帝君法旨。下方度脫有德行之人。成仙了道。來到這黃龍寺。遇着這黃龍禪師。貧道觀看此僧。有半仙之分。爭奈不知性命雙修之理。今日貧道一坐之間。務要引度此僧。同歸仙道。若論俺仙家受用清閑。端的是人間少有也呵。〔唱〕

〔越調鬪鶴鶉〕齊臻臻檜柏蒼松。香馥馥靈芝瑞草。明朗朗瑞日祥雲。錦重重珠圍翠繞。玉液金漿。交梨火棗。更有那玉面猿朱頂鶴。一箇箇益壽延年。長生

不老。

〔紫花兒序〕有時節閑行闌苑。遊翫蓬萊。有時節慶賞蟠桃。跨蒼鸞常臨弱水。駕祥雲飛上青霄。遊遨。今日箇故向人間闡大道。〔帶云〕今日箇若見黃龍禪師呵。〔唱〕我與他細談玄妙。我和他共上瑤池。將玉帝親朝。〔云〕可早來到也。行者報復去。道有貧道來了也。〔行者云〕你又來了。我們師父正想你哩。我報復去。〔報科〕〔云〕報的禪師得知。昨日那油嘴又來了。〔禪師云〕你看這廝。道有請。〔行者云〕理會的。有請。〔正末做見科〕〔禪師云〕呀呀呀。先生來了也。失於迎接。勿以見責也。〔正末云〕不敢不敢。〔行者云〕你昨日好齋食與他喫了。他還怪你哩。〔首座云〕仙長。貧僧在此久等多時也。〔正末云〕貧道連日在此。與禪師講論。端的是擾擾上剎也。〔唱〕

〔金蕉葉〕我多謝你情真意好。同講論金丹至寶。〔禪師云〕你這神仙道教。也則要延年益壽也。〔正末唱〕非是我增延壽考。但要你通玄悟道。〔首座云〕禪師。今日乃三月三日。楊州瓊花觀裏。瓊花開放。每年於今日。彼處建瓊花大會。慶賞此花。二位師父。何不各顯神通。神遊赴會。有何不可也。〔禪師云〕仙長。方纔首座言說。着我二人坐間。各顯神通。赴瓊花會去。若如此。須是精通道妙。諳曉玄微的。方能出神。頃刻之間。神遊萬里也。〔道童云〕你們也去不的。等

我去赴瓊花會去。我一覺睡着了。做一箇夢。便是赴會一般也。〔正末云〕休胡說。禪師。便着行者焚香。我與禪師。各人瞑目禪定。赴揚州瓊花會去者。〔禪師云〕行者裝香來。我與仙長入定。去揚州瓊花會走一遭去也。〔行者云〕你兩箇胡說了這幾日。今日又弄虛頭。要去揚州賞瓊花去。兩箇傻厮。正是一對兒。〔首座云〕二位師父。請入禪定也。〔正末云〕禪師。嚙兩箇入定者。〔二人瞑目入定科〕〔道童扯行者科〕〔云〕你來。師父和禪師兩箇老傻厮入定。赴瓊花會去了。我和你入箇睡禪罷。〔行者云〕你且住者。我如今和你看他兩箇者。〔行者同道童做看禪師科〕〔行者看正末做嘴臉科〕〔云〕道童。你試看你師父。鼻子裏氣也沒了。敢坐化了。〔道童云〕放屁。我師父明日上天去時。我還要跟他上天去哩。〔行者云〕我和你坐箇睡禪。〔行者同道童做睡科〕〔首座云〕這兩箇也睡了。不要打攪他。想必他也曉的些道理。〔行者同道童做猛起身打筋斗科〕〔首座云〕喂。你兩箇怎的。〔行者云〕莫我兩箇有些癡症。〔原作意 擇今改〕〔禪師同正末出定起身科〕〔禪師云〕好一場瓊花勝會也。〔首座云〕先生。瓊花之會。勝境若何。〔正末云〕若問瓊花勝會。須問禪師也。〔首座云〕禪師赴會去。曾有帶來的花麼。〔禪師云〕貧僧體若虛空。性如流水。一物不染。色卽是空。〔正末笑科〕〔云〕去來無礙。不落空色。定無常定。空無定空。爾所出之神。乃陰神也。貧道所出之神。乃陽神也。爾只能見物聞香。貧道能帶的物來。送的物去也。〔正末做從九

陽巾取瓊花一枝袖中倒出蒸食四箇科。〔云〕您衆人看。這箇是揚州瓊花。這四箇酸餚。是瓊花觀齋食也。〔首座云〕仙長妙術。眞箇是不出門庭三五步。遊遍江山千万重也。〔行者云〕你這箇虛頭弄着了。〔道童云〕我倒替您愁了。這一會你若沒有這一枝花兒來。你就辱沒殺我罷了。〔禪師云〕貧僧百藝皆通。不曉折花帶物之術。望仙長傳授妙術者。〔正末云〕你則知其一。不知其二。你聽我說與你者。〔唱〕

〔小桃紅〕則你這看經拜懺枉徒勞。豈得通玄妙。〔首座云〕方纔頃刻之間。神遊萬里也。〔正末唱〕萬里途程片時到。任逍遙。〔黃龍做拜正末科〕〔云〕貧僧當拜仙長爲師。請傳至道者。〔正末唱〕你慇懃禮拜求仙道。你那裡曲躬拜告。我這裡便微微冷笑。你豈知我靜裡虎龍交。〔禪師云〕望仙長傳與貧僧道妙仙術者。〔行者云〕兀的不氣殺我也。這箇先生走將來。好東好西。整整的喫我們四五日。你如今又倒確一似禮拜他。罷罷罷。你這等不長進。我也不與你做徒弟了。〔正末云〕禪師你不知。你則能修性。不能修命。俺仙家性命雙修。亦能見物。亦能附物。聚則成其形。散則成其氣。神通變化。不可測也。〔禪師云〕仙長發大慈悲。傳與貧僧性命雙修之道。貧僧不敢有忘也。是我有緣幸遇也。〔正末云〕吾有性命歌一首與你。只此便是性命雙修之理。你則牢記者。〔正末袖中取性命歌與禪師科〕〔禪師云〕多謝了仙長。我試念者。

〔做念科〕〔云〕不悟真常不達命。此是修行第一病。只修祖性不修丹。萬劫陰靈難入聖。達命基。述祖性。恰似昏容無寶鏡。壽同天地大丈夫。把握陰陽爲斗柄。性命雙修玄又玄。海底泥牛渡法船。生擒活捉蛟龍現。始知匠手不虛傳。〔正末云〕禪師你知道了麼。〔禪師云〕貧僧止知修性。不知修命。今日多謝仙長點化。貧僧得成正道也。〔正末云〕你今日知道性命雙修之理。那神通變化。你尙且不知哩。〔首座云〕仙長委實是活神仙。願將神通顯化與貧僧看者。〔正末云〕貧道善能頃刻開花。逡巡造酒也。〔行者云〕你罷。你纔誤打誤撞。講着了這瓊花。你又要開頃刻花。造逡巡酒。直當弄出醜來。怎麼見人。〔正末云〕你將兩箇花盆。一箇酒瓶來。我開仙花。造仙酒。與你看者。〔行者做取花盆一箇酒瓶一箇云〕兀的不是花盆酒瓶在此。這箇酒瓶。還是我師父提的老酒瓶。他也跟隨我師父三十年了。你可不要弄壞了我的。〔正末做拏花盆念呪科〕〔云〕瑤池仙子。閬苑仙童。疾。牡丹花不開等甚。〔正末做揭開盆科〕〔云〕兀的不是牡丹花。〔衆做驚科〕〔禪師云〕仙長。端的多有神通也。〔行者云〕這花也不打緊。你倒多造些仙酒兒。帶攜我也喫幾鍾兒。〔正末做拏酒瓶科〕〔云〕杜康製造。儀狄留方。疾。兀的不是酒。〔衆做驚科〕〔行者云〕他真箇勝出酒來了。你敢是假的。將來我嘗一嘗。〔行者做拏瓶喫酒不放科〕〔首座云〕行者。你怎的。〔行者云〕等我大嘗一嘗。〔禪師云〕仙長仙長。貧僧愚眉肉眼。不識好人。多有簡慢也。〔正末云〕

貧道見你不是箇尋常人。因你有半仙之分。貧道故來點化你來也。〔唱〕

〔調笑令〕你本是俊豪。我將你謹相招。呀。俺兩箇遊賞瓊花不憚勞。常言說道可道。非常道。〔禪師云〕貧僧今日方知性命雙修之理也。〔正末唱〕方纔知那性命根苗。則你那永長生壽同天地老。須知道無福難消。〔禪師云〕仙長既傳了貧僧性命雙修之理。仙長姓甚名誰。仙鄉何處也。〔正末唱〕

〔禪師云〕我家住在蓬萊三島。位列紫府仙曹。〔禪師云〕仙長每日作何功課也。〔正末唱〕常則在白雲洞裏沉醉倒。每日家樂陶陶也波清標。〔行者云〕你是箇氣人臉。我師父問你姓甚名誰。你怎麼則管裡唱呢。〔禪師云〕仙長委實道德清高也。〔正末唱〕

〔聖藥王〕你說我道行高。德行好。常則是海山銀闕宴蟠桃。我着你離了這塵世中將玉帝朝。少不的身登仙界上青霄。紫府把名標。〔禪師云〕仙長通名顯姓者。〔正末云〕你若知我名姓呵。〔唱〕

〔尾聲〕我怎肯將天機聖語分明道。你問我姓字仙鄉道號。我可便駕祥雲同在五雲遊。〔云〕禪師三門外又有一箇仙長來也。〔衆做回頭看科〕〔禪師云〕在那裡。〔正末將紙帖一張丟在地上科〕〔唱〕我和你同見東華拜天表。〔下〕〔禪師云〕不見了仙長也。賺的

我回頭。雲生足下。騰空而去。空中閃一圓光。光中化一仙人。金冠霞帔。落下一箇紙帖兒來。我試看者。〔做看科〕〔云〕原來是兩首詩。上寫着道。上帝差岩察度賢。雲霞降下九重天。蓬萊普集金仙會。也賜浮屠一朵蓮。知佛心應妙神通。三教原來一氣根。知者不言爲大道。達摩東土闡法門。黃龍若識無相體。認得如來正法身。今泄某家名和姓。吾乃唐朝呂洞賓。哦。原來是呂祖到此。貧僧實乃有緣也。貧僧依着純陽仙師。傳授性命雙修之理。貧僧當用功修煉。必有功成行滿之日。貧僧無甚事。入山修煉去來。只因講論金丹理。得遇神仙呂洞賓。〔下〕〔首座云〕誰想今日呂洞賓降臨於此。賺的俺衆人回頭。半空中騰雲而去了。貧僧無甚事。回方丈中去也。〔下〕〔行者云〕道童。你師父飛昇去了。料着我們做不的神仙了。唱箇曲兒去了罷。〔行者同道童唱〕

〔清江引〕道童行者多受苦。師父每騰雲去。我也不得做神仙。那裡安身處。〔道童云〕我們兩箇那裡去好。〔行者唱〕俺還去街市上學搗鬼。〔同下〕

第四折

〔黃龍禪師領淨行者上〕〔禪師云〕老僧黃龍禪師是也。前者在此寺中。遇着一仙長。講論了數日。臨去也賺的衆人回頭。雲生足下。騰空而去。空中現一圓光。光中化做一箇仙人。金冠霞帔。落下一箇紙帖兒來。上寫着兩首詩。詩中之意。盡包涵着大道。末尾一句道。吾乃唐朝呂洞賓。老僧方

知是呂祖降臨。老僧依着呂祖傳授之言。在山中修煉。得通性命雙修之理。金液大丹之道。老僧忽然省悟。不免向山中尋覓祖師引度。走一遭去。〔同行者下〕〔東華仙領金童玉女上〕〔東華仙云〕貧道乃東華帝君是也。爲玉帝勅命。見下方祥雲瑞霧。瑞氣氤氳。萬民樂業。五穀豐登。特差呂洞賓下降人間。採訪夙有仙緣道行之人。不期到於黃龍山黃龍寺。有一僧人。乃是黃龍禪師。洞賓點化此僧成仙了道。傳授與他性命雙修之理。金液大丹之道。今日功成行滿。飛昇天府。位列仙班。金童。你只在此等候着。我無甚事。暫且回仙洞中去來。〔下〕〔金童云〕理會的。〔鍾離同鐵拐李張果老韓湘子曹國舅張四郎藍彩和上〕〔鍾離云〕貧道漢鍾離是也。自從呂洞賓奉東華教主之命。下降人間。不想度脫了黃龍禪師。今已飛昇天府。朝見仙師。貧道同鐵拐等在此等候。這早晚洞賓黃龍禪師。敢待來也。〔正末同黃龍禪師上〕〔正末云〕貧道呂洞賓是也。自奉東華帝君之命。下降人間。到於黃龍山。見了黃龍禪師。就傳與他性命雙修之理。金液大丹之道。今日飛昇。同登仙道也。〔禪師云〕若不是仙師點化。豈能有今日也。〔正末唱〕

〔雙調新水令〕今日箇赴蓬萊同共會神仙。教這箇呂純陽稱心滿願。一來是聖明君堯舜德。二來是興禮樂法周全。真箇是舜日堯年。你看這祥光罩瑞雲現。〔鐵拐李云〕鍾離祖師。這早晚純陽度脫的黃龍禪師。敢待來也。一壁廂動着仙樂者。〔韓湘子

云〕李鐵拐說的是也。〔外動樂科〕〔禪師云〕仙師。那裡這般仙音嘹亮也。〔正末云〕你不知。此乃是俺仙家的音樂。知道你今日飛昇。故來接引也。〔禪師云〕貧僧好是有緣也。〔正末唱〕

〔駐馬聽〕你聽這仙樂聲喧。聒耳笙簫音韻演。又見這祥雲出現。氤氳繚繞徹遙天。琪花瑤草綻芝田。〔禪師云〕這裡是那裡也。〔正末唱〕這的是蓬萊弱水神仙苑。〔禪師云〕此處離人間多遠也。〔正末唱〕離人世間更隔着雲程八萬三千遠。〔禪師云〕這幾位是那幾箇神仙也。〔正末唱〕

〔喬牌兒〕這一箇漢鍾離名字權。這一箇張果老更通變。這一箇藍彩和拍板真堪羨。〔禪師云〕這老者姓甚名誰。〔正末唱〕張果老趙州橋將驢跡顯。〔禪師云〕這一位是誰也。〔正末唱〕

〔甜水令〕這一位鐵拐隨身。原來姓李將心修煉。〔禪師云〕這一位是誰。〔正末唱〕韓湘子頃刻牡丹鮮。俺一般兒脫離凡胎。超凡出聖。名書金殿。〔禪師云〕貧僧今日也到此仙境也。〔鍾離云〕純陽子素是辛勤也。〔正末唱〕引黃龍正果朝元。〔禪師云〕今日方知玄妙玄。當時空悟脫空禪。如今棄釋歸仙道。甲子從今不記年。〔鍾離云〕一壁廂動着仙樂。仙酒仙桃。黃鶴起舞。仙童唱曲。慶賀黃龍禪師也。〔正末唱〕

〔沽美酒〕抵多少煉丹成入九天。打放了脫空禪。〔禪師云〕正是道可道名可名也。
〔唱〕道理分明心印傳。枉了那蒲團上數年。喫酸餡。枉勞倦。

〔太平令〕畢罷了僧房禪院。受用波酒美桃鮮。再不念如來心願。熟讀俺仙家經卷。道言至玄。數篇三教理。惟歸一善。〔東華仙冲上〕〔云〕純陽子引度將禪師來了也。

〔正末云〕稽首。貧道見此人深有善行。仗法力引度來了也。〔東華仙云〕禪師你聽者。你當初出家時侍奉金仙。豈知俺道妙玄玄。見下方有神仙出現。遣洞賓直至人間。將仙道講通佛道。論道釋兩教無偏。您佛道苦空寂滅。俺仙道後天先天。今日箇棄釋教。皈於仙道。念至理棄卻凡緣。脫離了凡胎濁骨。跟貧道正果朝元。

題目 東華君法令傳仙道

正名 呂純陽點化度黃龍

度黃龍穿關

楔子

東華仙

如意蓮花冠 鶴髦 牌子
玳瑁 三髻髻 執圭

金童

秦巾
雲鶴道袍
老葉
執袋
繚兒
不

玉女

花箍
補子襖兒
裾兒
香串

布機

鍾離

雙髻陀頭紅雲鶴道袍
網裙雜彩縑執袋

錦襖 不老葉 法墨 麈尾 喬兒
行纏 布襪 八答鞋 猛髯 樓扇

正末呂洞賓

九陽山
繚兒

茶褐雲鶴道袍
執袋腿綳護膝

布錦襖

不老葉
不答鞋

法墨
雙劍

三髻兒
網裙
裙扇

頭折

行者僧陀頭

僧士
繚一字巾

三圓領
髯農

雙簷氈帽
布疋花

手巾 綿布襖
鞆 袴

鞋 綿
工
襪 襪

膊頂
三青
髻髻

商
頂

藍直身項帕
搭膊三髭髯

黃龍禪師

借陀頭裝

數僧珠衣
正去

木呂洞賓

同
白
衣

老人
直散巾

髯白髮
拄杖白

第二折

首座

袈裟 僧帽
數珠 僧衣

行者
前同

黃龍禪師

師正末呂

洞賓
前同

道童

道袍 繚兒

第三折

觀主

道冠 道衣 兒 三髯髯

笏

道童行者道童又上首座黃龍禪師

同前

正末呂洞賓

同前

第四折

黃龍禪師行者東華仙金童玉女鍾離前鐵拐李

鬚髮陀頭 老葉 法墨

皂補納 喬兒 網裙

錦襖 不

雜彩

織 八答鞋 執袋 行纏 布

鐵

張果老

方巾

邊欄道袍 白髮

不老葉 白髯 驢扇

韓湘子

雙髻陀頭 雲鶴道袍

不老葉 執袋

花籃

曹國舅

雙髻髻陀頭 葉 執袋 雲鶴道袍

不老 張四郎 秦巾 雲鶴道袍

不老 葉 執袋 雲鶴道袍

不老 葉 執袋 雲鶴道袍

不老 葉 執袋 雲鶴道袍

藍彩和

詔巾 偏帶 板

綠欄


正末呂洞賓黃龍禪師

同前

東華仙又上前

同前

內本錄校清常道人



邊洞玄慕道昇仙

闕名

頭折

〔冲末扮東華仙領仙童上〕〔云〕東洋大海一注水。西華高峯一捻塵。道袍舞袖乾坤外。慧眼遙觀日月昏。天高猶如三三寸。地厚堪比一魚鱗。吾當舉首天外覲。世間無我一般人。貧道乃東華紫府少陽帝君是也。先於東華至真之氣化。而生木公於碧海之上。蒼靈之墟。以主陽和之氣。理於東方。亦號王公。與王母共理二氣。而育養天地。陶鈞萬物。凡天上下。三界十方。男女之登仙者。皆貧道主掌。貧道功成於無始之初。證道於有生之首。位居東極之宮。職號東華之主。近奉玉帝勅命。因見下方青氣瀰漫。上冲於九霄。乃是人世間真仙出現。着貧道喚鍾離洞賓。同共羣仙。降於人世。講論金丹至理。引度真仙。同歸紫府。貧道不敢有違。仙童。與我喚將鍾離洞賓二仙來者。〔仙童云〕理會的。鍾離洞賓安在。〔鍾離同呂洞賓上〕〔鍾離云〕坐臥常將酒一壺。不教雙眼看東都。乾坤世界無名姓。疎懶人間大丈夫。貧道複姓鍾離名權字雲房。道號正陽子。自從得遇仙師。授與長生祕訣。煉就金液還丹。飛昇於九天之上。姓書紫府。位列仙班。這一位姓呂名岩字洞賓。道號純陽子。俺二仙正在蓬萊遊玩仙境。今有東華上仙呼喚。不知有甚事。須索走一遭去。

〔洞賓云〕仙師。既然上仙呼喚。不敢有違。須索走一遭去。〔鍾離云〕可早來到也。仙童報復去。道有鍾離洞賓來了也。〔仙童云〕理會的。報的上仙得知。有鍾離洞賓來了也。〔東華仙云〕道有請。〔仙童云〕理會的。有請。〔鍾離云〕俺見上仙去來。〔做見科〕〔鍾離云〕稽首上仙。今日呼喚俺二仙。有何法旨。〔東華仙云〕鍾離洞賓。今日貧道喚您二仙不爲別。貧道近奉玉帝勅命。因見下方青氣瀾漫。上冲於九霄。乃是人世之間。真仙出現。着您二仙。可同衆仙下降塵凡。引度夙緣仙侶。講論金丹大道。闡揚寶笈靈文。脩煉至真。同歸紫府。上帝自有褒封。休辭勞倦。便往下方。走一遭去。〔鍾離云〕既奉上仙法旨。豈敢有違。俺同衆仙便下人世間。走一遭去。親奉東華法令差。豈辭勞倦踐塵埃。訪尋有道真仙侶。八仙引度赴蓬萊。〔同下〕〔東華仙云〕他二仙去了也。若到人間。必然訪求有道之人。引度成仙證果也。貧道無甚事。且回蓬萊中去也。引領羣仙降紫宸。廣傳大道度沉淪。從今引度夙緣子。同登大道訪仙真。〔下〕〔馬道姑領淨女道童上〕〔云〕學道須教徹骨貧。囊中只有五三文。有人問我脩行法。遙指天邊月一輪。老道姑姓馬。法名守淨。是這范陽郡人氏。自幼棄俗。在此清靜庵出家爲女道姑。如今年過七十有五。未曾得遇名師指點。虛度了一生。俺這庵中。有一道姑。乃是邊洞玄。此人苦心脩煉。累積陰功。道行絕高。他必然有得道之日也。〔女道童云〕師父。那邊洞玄年紀小。他得了道。你是箇老道姑。不能成道。可怎麼見人。連我也辱沒。

了。〔馬道姑云〕你那裡知道。你與我請將邊洞玄和高玄一來閑談話者。〔女道童云〕師父。你每日閑說。也不濟事。你曉的那人無師而不立。學業不經師。當風理亂絲。人不通古今。馬牛而襟裾。師父。你煖衣飽食居人倫。視我笑談如土塊。你請他兩箇說話。他不中用。你還來與你徒弟商量些哄人的法兒罷。〔馬道姑云〕你休胡說。與我請將來。〔女道童云〕理會的。邊洞玄高玄一安在。〔小旦扮高玄一上云〕紫煙衣上繡春雲。青隱山書小篆文。明月在天將鳳管。夜深吹向玉宸君。貧道姑俗姓高法名玄一。自小父母捨送出家。我這觀中有數十餘衆女道姑。皆是我等之輩。有一女道姑。姓邊名洞玄。自幼心慕至道。絕粒養氣。二十餘年。其人陰功浩大。積德弘深。不染塵凡。其心清靜。訪尋妙道。煉服金丹。端的是金縷機中拋錦字。玉清壇上着霓裳。貧道正在道堂中。有老道姑來請。須索走一遭去。可早來到也。女童報復去。道有高玄一來了也。〔女道童云〕高玄一高玄一。你這等道姑。則好充數兒。〔高玄一云〕你看這小女童報復去。〔女道童云〕不要急性。等我報復去。報的師父得知。有高玄一來了也。〔馬道姑云〕道有請。〔女道童云〕理會的。我說高玄一。我爲你受了一肚子暗氣。看有井。〔高玄一云〕敢是有請。〔女道童云〕你倒說的是。〔做見科〕〔高玄一云〕老道姑稽首。今日請將高玄一來。有何事也。〔馬道姑云〕今日無甚事。特請你來閑攀話也。〔高玄一云〕貧道理會的。〔馬道姑云〕小女童看茶來。〔女道童云〕你還討茶吃哩。自從

盤古時買了一斤鹿茶葉。直吃到如今也。〔馬道姑云〕你看這潑小童無禮。〔女道童云〕無禮無禮。一錢銀子買三斤大鯽魚。無鯽。〔馬道姑云〕你看他波。門首觀者。等邊洞玄來時。報復我知道。〔女道童云〕這麼箇大去處。請人也是我。打報也是我。看茶也是我。如今這發科又是我。我與你門首看着。〔正旦扮邊洞玄上〕〔云〕貧道姑姓邊名洞玄。乃范陽郡人也。幼而心性聰敏。心慈好善。見人有危難者。必俯而救度。早年不幸。父母雙亡。再無近親之人。遂在此處清靜庵中出家。紡績爲活。每日但服胡蘿茯苓黃精人參。永絕烟火之食。或有人授以丹藥丸散。貧道天尊堂中焚香供養畢。方服。往往被藥性所害。亦無所怨。這道庵中雖有幾箇女道姑。不知那一箇是專心訪道的。如今虛度歲月。知他幾時是我那得遇真仙的日子也呵。〔唱〕

〔仙呂點絳脣〕想啗人氣秉乾坤。性合坎震。初相混。二儀纔分。因此上陰與陽迭相運。

〔混江龍〕畫居方寸。五行光裏隱元神。但能殼形潛造化。領養天真。幾時能殼丹鼎煉成。千歲藥。黃芽種就。萬年春。端的是寒暑難侵近。但則要元陽不漏。方纔得道氣常存。〔云〕我來到這天尊堂前。我須索參拜祖師者。〔唱〕

〔油葫蘆〕我這裡叉手躬身禮至真。啗須要加敬謹。但則願神祇昭報特通靈。

保佑的當今聖德過堯舜。更和這萬民樂業常安分。俺學道的頓悟了玄。修真的早證了本。幾時得真仙引度傳心印。我則離塵世步青雲。〔云〕貧道姑學道。可是爲何也。〔唱〕

〔天下樂〕則爲這世務牽連枉費神。每日家慙也波慙。慙慙的便離世塵。想着這正道上我須當用緊。止不過誦黃庭三兩篇。守清齋十數春。也是俺這出家兒當報本。〔云〕貧姑拜罷祖師也。方纔馬道姑相約下閑坐。須索走一遭去。可早來到也。兀那女童報復你師父知道。道有貧姑來了也。〔女道童云〕你都在這一塊兒。又報復些什麼。你自過去罷。〔正旦云〕你看他波。〔女道童云〕等我報復去。我纔哄你要子哩。〔做報科〕〔云〕喏。〔馬道姑云〕嚨。你怎的。〔女道童云〕莫我前日在教場裏化緣。聽的那小軍報喏。我也學他耍子。〔馬道姑云〕休胡說。誰來了也。〔女道童云〕有邊師父來了也。〔馬道姑云〕道有請。〔女道童云〕老邊有請。〔正旦見科〕〔云〕老道姑。貧姑來了也。今日爲何相約貧姑。〔馬道姑云〕今日無甚事。特請二位來閑攀話者。〔高玄云〕邊洞玄。貧姑想來。俺這學道之人。除了脩持道行。專在世事上用心也。〔馬道姑云〕邊道姑。似你這等苦行脩持。可也少有也。虛度了一生光陰。幾時得聞至道也。〔女道童云〕你們學道。我則會剪辮。〔馬道姑云〕你看他。靠後。〔正旦云〕老道姑。你不知道。道至道

豈是容易知道也。〔高玄一云〕邊道姑你試說。俺試聽者。〔正旦云〕你不嫌絮煩。聽我說與你聽者。〔高玄一云〕貧道願聞也。〔正旦唱〕

〔那吒令〕若說着至道呵。煉元陽至隱。你待要聞道呵。守中黃至謹。則他這大道呵。煉虛無至真。〔馬道姑云〕想當初學道之人。呂祖偶然之間。得成仙道也。〔正旦唱〕他身離了塵世間。夢已悟邯鄲鎮。頓離了世事紛紛。〔女道童云〕你們終朝禮拜祖師。要做

神仙。想我這箇嘴臉。我也不能做神仙。我則在鐘鼓司學做些副淨倒好。〔馬道姑云〕這中黃大道。怎生脩煉。道姑試開示與貧姑聽者。〔正旦云〕論這中黃大道呵。〔唱〕

〔鵲踏枝〕但則要守元神。固天根。試看這烏兔斡旋。水火調勻。運河車轉。崑崙玉津。產金丹只在逡巡。〔女道童云〕似你這等胡言亂語。怕我曉得一些兒。〔馬道姑云〕想咱人從幼年間出家。朝參暮禮。求慕至道。須有箇成道的日子也。〔高玄一云〕咱各人辦誠心。想天地自然有箇昭鑒也。〔正旦唱〕

〔寄生草〕咱身雖在塵寰住。但能穀仙卷內存。〔馬道姑云〕若論道姑脩養。服氣吞露。搬離運坎。施仁布義。必有成仙之日也。〔正旦唱〕你道我煉精服氣多溫潤。施仁布義無嗔慍。更那堪搬離運坎勤修進。我如今積功累行二十年。幾時得高超蓬島三

千仞。〔女道童云〕想我終日這等燒香掃地。搗椒化緣。看門守戶。打報烹茶。丟輪扯砲。騙口張舌。學

院本。做副淨。明日少不的也有箇出身也。〔馬道姑云〕俺如今凡聖相隔。要明至道。須要訪蓬萊。遊閬苑。方能得聞真道也。〔正旦唱〕

〔金盞兒〕你道是凡與聖隔紅塵。性與命要知聞。〔高玄一云〕蓬萊萬丈。阻隔着弱水三千。路途遙遠。非凡人可到也。〔正旦唱〕一任那路崎嶇。途窈窕。山疊峻。但若得道通

天地法乾坤。講黃庭須當論。通玄妙要知聞。常言道。道高龍虎伏。德重鬼神尊。

〔馬道姑云〕道姑。你有日大闡玄門。必當光顯教門也。〔正旦云〕噯。如今且混俗和光。堅心求道。天神豈肯相負也。〔唱〕

〔尾聲〕噯。人便堅守住人間。同在塵寰混。少不的一日相逢至人。幾時得離却塵俗。闡教門。他甚時節得遇仙真。覓玄文共仰慈仁。〔高玄一云〕道姑。這等脩習仙道。老氣不羣。端的是少有也。〔正旦唱〕你道我修習的延年志不羣。俺出家兒慈悲爲本。謙和爲信。〔云〕二位道姑。少別。明日再來講論也。〔唱〕幾時得駕蒼鸞。同見玉宸君。

〔下〕〔馬道姑云〕邊洞玄去了也。看了他這等講學。十分有道理。噯。無甚事。回道堂中去來。人生無限當爲事。全在脩持一念中。〔同高玄一下〕〔女道童云〕他三箇道姑。說了一日去了。我也

去了罷。〔下〕

楔子

〔淨扮喬道姑上〕〔云〕我自小出家便離俗。跟着師父就糊突。當時只望做神仙。不想如今做廢物。掃地燒香不得閑。只吃酸餡和稀粥。我師父叫作歪廝纏。我便叫做喬道姑。我是這清靜庵邊洞玄的箇大徒弟。法名是喬道姑。這城裏城外。遠近之人。見我頗有些不平常。那箇不知道這喬道姑三箇字。我平昔也不害口苦。每日家將着米穀喂飛鳥。我打掃的這道院乾淨。師父這早晚敢待出來喂飛鳥也。我且在這裡坐一坐著。〔正旦上〕〔云〕貧姑邊洞玄。自從出家以來。心慈好善。苦行脩持。斷絕烟火。度濟物命。凡遇鳥雀餓饑。貧道必撒米穀以濟。歲月既久。禽鳥望而知誠。貧道但行動。皆飛鳴圍遶。大抵這禽鳥亦有善性。方纔作罷功課。不免去道院前喂去者。〔見淨科〕〔云〕兀的女童。〔喬道姑云〕喬道姑有。〔正旦云〕你打掃的道院乾淨了麼。〔喬道姑云〕我喬道姑打掃的乾淨了也。則等師父來喂雀兒耍哩。〔正旦云〕你那裡知道。這物命皆同我命。豈不聞凡負血氣者必有知。有知必同體。啗這爲善之人。一動一靜。皆是爲善。豈待有心爲善也。〔喬道姑云〕師父爲善須要吃酒。便纔好哩。〔正旦云〕怎麼爲善要吃酒。〔喬道姑云〕你恰好不知道。古人云道爲善最樂。〔正旦云〕你休胡說。將那稻糧來。我喂這餓鳥者。〔做撒米穀喂禽鳥〕

科〔喬道姑云〕師父。你終日將着這米。喂這禽鳥。他喫的絮煩了。他也嫌沒味。我明日去光祿寺裏。討些川椒末兒。拌着米穀與他喫。可不好那。〔正旦云〕你拌椒末與他吃了。可不麻倒他。〔喬道姑云〕正要麻倒了他哩。你徒弟拏了。加上些醬油兒。煎了喫飯。〔正旦云〕你這徒弟作業也。嗜人爲善。喂這鳥也是脩持功行。豈有害物之心也。〔唱〕

〔賞花時〕則我這一念常修。善行修二炁。斡旋道體周。三十載慕仙流。四時中固守。〔喬道姑云〕這禽鳥也稟五行而生。〔正旦唱〕他與那五行內有緣由。〔云〕他雖是禽鳥。他也感物而成形。〔唱〕

〔么篇〕六道輪迴歲月久。七寶光中功行有。〔喬道姑云〕師父。你這等積功累行。當時八洞神仙。比你如何。〔正旦唱〕他去那八仙內問從頭。他曉的九轉丹爐火候。因此上十洲內任雲遊。〔下〕〔喬道姑云〕我這師父終日發傻。將着好米。都喂了飛鳥。明日等師父不在。我將川椒末兒喂他。麻倒了。我都拏了耍子。罷罷罷。且去道庵前化緣去來。別人慕道求仙法。我一心則待要歪纏。〔下〕

第二折

〔正旦領淨喬道姑上〕〔云〕方纔拜了祖師。喂了禽鳥。我在此誦了黃庭。無甚事。小童跟我道堂

中去來。〔喬道姑云〕我說你們終日高談闊論。講甚麼道。我可怎麼了。不成我喬道姑直到老也。〔正旦云〕你不知道。這一分脩持。自有一分功行。豈不聞古人云。未煉還丹莫入山。山中內外盡非鉛。此般至寶家家有。自是愚人識不全。〔唱〕

〔中呂粉蝶兒〕但則要苦行修持。養天和保全元氣。積陰功見義當爲。咯人要敬神祇。尊師祖。至誠無僞。積累根基。返先天太和真意。

〔醉春風〕常言道心上起經綸。一中分道理。我可便矜憐物命濟孤寒。其實是美美。若論這講道談玄。持齋守戒。我可便索當參會。〔鍾離同洞賓上〕〔鍾離云〕恰離金母蟠桃會。按落雲軒到世間。貧道鍾離是也。同純陽子奉東華帝君法旨。說清靜庵有一女道。乃是邊洞玄。十分苦行脩煉。累積陰功。說話中間。可早到這清靜庵也。門前立着箇女童。洞賓。你問他者。〔洞賓云〕兀那女童。你這裡敢是清靜庵麼。〔喬道姑云〕我說你倒有公氣。豈不聞禮之用和爲貴。先王爲盜快說嘴。小大是油脂。知和而和。我不肥脂。亦不可行也。你這兩箇鬍子。偌大的漢子。見人禮數也無有。俺這裡是清靜庵。你問他怎麼。〔洞賓云〕俺這裡待訪邊洞玄來。〔喬道姑云〕你訪邊洞玄。他也不打緊。我是歪刺姑。你倒看我罷。〔鍾離云〕休無禮。報復去。道有兩位雲水道人。在於門首。〔喬道姑云〕你等着我。我與師父說去。〔見正旦科〕〔云〕師父。門外有兩

箇雲水道士。特來看師父。一箇是醜鬍子。一箇生得標致。我倒好與他做箇道伴。〔正旦云〕不得無禮。道有請。〔喬道姑云〕聽見我說他標致。就道有請。二位師父有請。〔做見科〕〔鍾離云〕稽首。久聞此位道姑。道行清高。俺二人特來相訪也。〔正旦云〕不敢。此處荒涼之地。有勞二位降臨垂顧。實乃貧姑三生之幸也。〔喬道姑云〕三春杏這兩日都開罷了。〔洞賓云〕道姑在此脩行。作何功課。〔正旦云〕我未遇明師傳授。每日誦經守戒而已。〔喬道姑云〕別的也不打緊。則我喬道姑。那箇不知道。〔鍾離云〕邊道姑。貧道見你這等神氣明潤。必能脩養也。〔正旦云〕貧姑虛延歲月。止不過契論經歌。豈能脩行大道也。〔鍾離云〕你豈不聞古人云道。契論經歌講至真。不將火候著於文。要知口訣通玄處。須共神仙仔細評。〔正旦唱〕

〔普天樂〕我看的這悟真集。參同契。每日家便求玄訪道。問好尋奇。〔洞賓云〕道姑每日作何功課也。〔正旦唱〕誦黃庭道德經。拜玉府真仙位。但願的早悟真常明心地。〔鍾離云〕聞知道姑愛惜物命。廣行濟度之心也。〔正旦唱〕止不過喂飛禽權濟其飢。〔洞賓云〕似道姑這等脩行。何不煉金丹。吞鳳髓。飲玉液。食刀圭。以得長生之道也。〔正旦唱〕怎能穀金丹鳳髓。真鉛聖水。難得遇玉液刀圭。〔喬道姑云〕道要刀龜。最不打緊。金線的也有。綠毛的也有。教坊司裏有的是。〔鍾離云〕道姑。你纔說鳳髓真鉛。刀圭玉液。皆是金異名。詩曰。敲

竹喚龜吞玉芝。鼓琴招鳳飲刀圭。近來透髓金光現。不與常人話此規。〔正旦云〕二位尊師。這吞玉芝。飲刀圭。望爲講明此理。與我聽者。〔鍾離云〕敲竹乃陰陽二物相擊。鼓琴上下和諧。龍虎相交。結爲夫婦。化爲金丹。服歸丹田。以呼吸之氣。胎息綿綿。火候運行不絕。久而超凡入聖。遍體金光。可成仙矣。夫金丹者。先天一炁之祖。後天於此而生。遂生兩儀。兩儀生四象。四象生五行。乃萬物之母。聖人能返行此道。便得歸根復命。金者情也。水者性也。金生於水。猶情生於性。水隱於金。猶性復於情。故金爲水。母隱子胎。二物交會。則金水混融。三才相聚。則龍虎結秀。天地運神。工以生萬物。人能法天地以運符火。古人云。二氣之中。天道備。一時丙內大丹成。莫怪天機俱漏泄。都緣學者盡迷蒙。若人了得詩中意。立見三清太上翁。〔正旦云〕此乃是築基煉己工夫。爭奈貧姑無緣遇至人傳授也。〔唱〕

〔快活三〕今日箇遇尊師講至理。逢道者說玄微。等閒誰敢漏天機。此理非容易。〔洞賓云〕大道之本。不出坎離二字也。〔正旦唱〕

〔朝天子〕你道是坎離。他須是道體。啗人要修煉方成濟。〔鍾離云〕金丹一粒。黍米之微。服之長生不老也。〔正旦唱〕金丹煉就黍珠微。服了呵。不老同天地。〔洞賓云〕古人傳藥不傳火。〔正旦唱〕火候抽添陰陽相配。〔洞賓云〕上下相和。方成鳳髓金沙也。〔正旦唱〕

煉成那天地體。〔鍾離云〕如今我傳與你金丹大道。你肯脩煉麼。〔正旦唱〕感尊師盛意。肯相傳道德。我可便豈敢相違避。〔云〕貧姑今日得遇二位尊師講論。誠爲奇遇也。〔喬道姑云〕我跟你每十來年。幾曾聽見半句話來。我跟他去罷。〔正旦云〕二位尊師。望爲傳授下手工夫。與貧姑者。〔鍾離云〕這下手工夫。全在火候。金液神丹。先煉一元真氣。順則成人。逆則成丹。離火生木汞。坎水生金鉛。母隱子胎。不得戊己。豈能攢簇。夫世之人。元陽真氣。逐日走散。無由成結。可煉真鉛以制之。十月功滿。結爲聖胎。以成金液還丹。以爲脩行正道也。嚙津納氣。是人行有藥。方能造化生。鼎內若無真種子。猶將水火煮空鑪。〔正旦拜科〕〔云〕多謝二位尊師傳授也。

〔唱〕

〔十二月〕我可便躬身拜禮。多謝你箇師父慈悲。講論這金丹道理。更和那火候從實。明黃道皆歸戊己。我可便苦行修持。

〔堯民歌〕呀。常言道竹須竹補理合宜。抱雞須用卵爲基。依方修煉敢差遲。謹遵仙教。豈能違。應也波知。陰陽配兩儀。這的是太極初分際。〔鍾離云〕久聞邊道姑天生聰明。方纔講論間。足見其意。今日天晚。我二人告回。明日再來相訪也。〔正旦云〕有勞二位尊師。降臨此處也。〔唱〕

〔尾聲〕今日箇遇尊師講道玄。指迷人出污泥。我可受師言蒙指點承尊意。
〔云〕二位尊師稽首。〔唱〕來日箇重望師臨幸而已。〔下〕〔鍾離云〕洞賓。我見這邊洞玄。委的
是箇有工夫的人。爭奈未遇名師點化。明日再來。傳與他金丹大道。引度此人。同居紫府。有何不
可也。〔洞賓云〕仙師。此道姑氣質不凡。亦有仙分。師父可以點化也。〔鍾離同云〕去來。指開海角
天涯路。引的迷人大道行。〔同下〕〔喬道姑云〕他三箇說了一日。怕我省的一些兒話。今日正是
天道春煖。又不冷。又不熱。我如今打發的老道歇息了。我無甚麼事。拏一條口袋。往豆腐攤兒上
化布施去也。料着不得神仙做。且去沿門學化緣。〔下〕

第三折

〔淨喬道姑上〕〔云〕小道姑是跟邊道姑師父的徒弟。法名是喬道姑。昨日有兩箇雲水道人。一
徑的來探望我師父。講論了一日。茶也喫了。六七十道。街上買的大芝麻燒餅兩箇。先生就着茶
喫了。九百六十七箇。師父教我四更三點起來。打掃法堂預備。則怕那兩箇先生又來。我收拾的
停當。師父敢待來也。〔正旦上〕〔云〕貧姑邊洞玄是也。昨日有兩箇雲遊的先生到此。與貧姑講
論金丹大道。此二位十分有道。他二人今日還來。貧姑在此道堂中焚香等待。再講論金丹大道。
有何不可也。〔唱〕

〔越調鬪鶴鶉〕我則待講道談玄。金丹教演。至意誠心。研精運轉。常則是濟困扶危。凡心事疑遠。閑來時參聖賢。講道玄。紡織慇懃。終無倦免。〔喬道姑云〕師父家

每日不喫烟火之食。一心學道。則喫生藥之物。小道怎麼熬的。依着我說。軟羊蒸卷兒爽口倒好。

〔正旦唱〕

〔紫花兒序〕我不食煙火。絕却塵凡。欲立仙緣。我則待一心慕道。誰敢道半霎兒俄延。至意無偏。脫離了人海風波塵世間。那其間稱心滿願。博一箇入聖超凡。益壽延年。〔云〕小女童。你庵門首看者。則怕那二位雲遊的先生來時。便報復我知道。〔喬道

姑云〕理會的。我則在這門首看者。這早晚敢待來也。〔鍾離同洞賓上〕〔鍾離云〕貧道鍾離是也。昨日到於庵中。見了那邊洞玄。此人雖在塵中。觀了他道行。果有出塵之態。俺二仙今日再來。與他講論大道。有何不可。〔洞賓云〕仙師說的是也。〔鍾離云〕可早來到也。女童報復去。道有俺二人來了也。〔喬道姑云〕你兩箇來了。俺師父整思念你二人一早晨。你真箇來了。我報復去。〔見科〕〔云〕師父。可是昨日那兩箇雲遊的先生。又來了也。〔正旦云〕你不早說。貧姑須索下道堂接待去者。說道有請。〔喬道姑云〕理會的。二位先生有請。〔正旦唱〕

〔小桃紅〕我這裡慌忙移步近亭軒。至意離香院。急急心忙接仙眷。〔見科〕〔鍾

離云「貧道二人又來相訪道姑也。」〔正旦云〕「二位尊師有請。」〔唱〕不由我意忻然。〔洞賓云〕「俺二人明知你慕道堅心。今日再來相會。講論些玄妙。有何不可也。」〔正旦唱〕感承你尊師探訪無勞倦。我這裡躬身向前。〔云〕稽首。〔鍾離云〕免禮免禮。〔正旦唱〕權施些體面。〔鍾離云〕「邊洞玄。似你這等堅心奉道。必有箇成仙之日也。」〔正旦云〕「量貧道有何德能也。」〔唱〕誰希望白日上青天。〔云〕二位先生。道堂中請坐。〔做入道堂坐科〕〔正旦云〕二位先生。量貧姑有何德能。再三到此處。下顧貧姑。難以克當也。〔鍾離云〕不然。出家兒人頗有道行。常言道。省以誠而定。入以默而守。此之謂也。豈不知金丹易得。火候難傳也。〔正旦云〕貧姑素聞金丹之道。並不知火候之功。望二位尊師引度者。〔洞賓云〕「邊洞玄。因你素積陰功。廣脩善行。俺師徒二人。敬來傳授與你金丹大道。你正是有緣也呵。」〔正旦云〕多謝二位尊師也。〔鍾離云〕你既要傳火候之功。須要安爐立鼎。傳與你下手的工夫。若煉成此丹。服之一粒。不一日便當飛昇天府也。〔正旦云〕貧姑好是有緣也呵。〔唱〕

〔寨兒令〕感尊師心意堅。肯相傳。調停火候非等閑。立鼎安爐。講道談玄。金丹就是前緣。服之後壽永綿綿。積累的行滿三千。拜三清朝紫府。赴蓬島講真詮。何日做大羅仙。〔鍾離云〕「邊洞玄。將你的丹爐來。你當焚香拜禮。便有天將降臨。看守金丹爐也。」

〔正旦取丹爐科〕〔云〕貧姑須索焚香者。〔洞賓云〕仙師既安爐立鼎。須召斗口四將。看守金丹也。〔鍾離指訣科〕〔云〕言者當也。吾稟先天之祖氣。法煉自己之元神。呼則成風。吸則成雨。吾今立鼎安爐。脩煉大丹。馬趙溫關。速至壇前。爲吾指揮。疾。〔馬趙溫關四帥上〕〔馬元帥云〕方纔聞召令。火急到壇前。吾神乃馬趙溫關斗口四帥是也。今有鍾離祖師。召到壇前。祖師關召吾神。有何法旨。〔鍾離云〕貧道今在此煉金丹。爾等當謹守丹爐。不得有失。〔馬元帥云〕吾神等謹領法旨也。〔正旦云〕兀的不誑殺我也。二位尊師。委實法力高強。貧姑愚眉肉眼。多有怠慢也。〔鍾離云〕邊洞玄。你看着這丹爐。看我鍛煉陰陽。抽添火候也。〔洞賓云〕仙師將下手工夫。傳授與他。以成真道也。〔鍾離做煉丹科〕〔云〕邊洞玄。你見這丹爐麼。皆因你夙有仙緣。二十餘年廣積陰功。久慕仙道。俺故來引度你也。〔正旦云〕二位尊師。如何是五行八卦。朱汞白鉛也。〔鍾離云〕今日學道之人。不識五行八卦。不知朱汞白鉛。縱能辨別。亦不知火候。這太陽太素之前。含靈至妙。中有一真之氣。爲天地之祖。萬物之始。皆稟一炁而生。二儀肇判。五行奠焉。故配乾坤爲天地紀綱。運陰陽爲造化樞機。是以乾坤立而陰陽行乎其中矣。此金液大丹。與造化同途。立乾坤爲鼎器。以坎離爲藥物。順之者成人。逆之者成丹。火候之功也。〔洞賓云〕邊洞玄。方纔仙師所傳金丹火候。非至聖不能知其理。煉就此金丹。可以返人之魂。復人之命。吞之一丸。其味自泥丸宮降至。

丹田。然後益壽延年。超凡入聖。千經萬典。皆載脩丹之理。至於下手結丹。火候幽微。不遇仙師口傳心授。豈能知曉。可不道饒君聰慧過顏閔。不遇明師莫強猜。只爲金丹無口訣。教君何處結靈胎。〔正旦拜科〕〔云〕多謝二位祖師慈憫也。〔鍾離云〕爐中寶丹已成。邊洞玄。你試自家取出來者。〔正旦開爐取金丹一粒科〕〔云〕果然金丹成了也。〔唱〕

〔調笑令〕我這裡謝天肯相憐。呀。幸遇的有道真仙傳汞鉛。安爐立鼎親修煉。皆因是我意正心虔。金丹煉成億萬年。登時間返本還元。〔鍾離云〕邊洞玄。你拜天地。將那金丹服了者。〔喬道姑云〕老師父。有剩下的。也與我一九兒喫。我明日去東安門外頭。買豆腐皮兒請你。〔正旦云〕多謝仙師指教也。〔唱〕

〔禿厮兒〕我有幸也今朝遇仙。方能穀道行俱全。安爐當時把將帥遣。霎時間駕雲軒昇天。〔洞賓云〕俺二人來人世間。闡揚大道也。〔正旦唱〕

〔聖藥王〕敬將這大道闡。至理言。抵多少傍花隨柳過前川。〔鍾離云〕你從今日服此金丹一粒之後。名歸仙府。位證真仙也。〔正旦唱〕我身居在塵世中。名書在不老篇。金丹一粒永綿延。端的是玄內更玄玄。〔鍾離云〕邊洞玄。你近前來。我二人非凡。奉玉帝勅令。因見下方青氣瀾漫。仁君治世。着俺降臨人世。引度真仙。同歸紫府也。〔正旦云〕二位仙師。道

號名誰。〔鍾離云〕貧道是漢鍾離。這箇是呂洞賓。你今日得服金丹。貧道等奏知金母。賜與你鶴駕雲軒。金冠霞帔。不日便飛昇天府也。〔正旦云〕多謝仙師。貧姑好是有緣也呵。〔唱〕

〔尾聲〕今日箇成仙也。方稱了平生願。半霎兒金丹九轉。〔洞賓云〕邊洞玄。不日之間。貧道引度你出離塵世。飛昇紫府也。〔正旦唱〕但能穀離脫了世塵中。同向西池將我這姓名顯。〔同下〕〔鍾離云〕洞賓。今日傳與邊洞玄金丹火候。來日奏知金母。引領他飛昇也。〔洞賓云〕仙師說的是。俺徑向西池見金母去來。〔鍾離云〕斗口四帥。無甚事。各回天府去者。口傳心授金丹訣。不日相招上九天。〔同下〕

第四折

〔外扮金母領金童玉女青衣童子〕〔金母云〕瑤天雲散靜無譁。萬象森羅瑞氣加。煉就金丹長不老。始知三界是吾家。梓童乃九靈大妙龜山金母是也。居於閭風玄苑之中。住於紫府瑤臺之內。凡天上下女子之登仙者。皆是梓童主掌。前者東華教主。傳玉帝勅令。見下方青氣瀾漫。聖君治世。着令鍾離和洞賓下降人間。引度脩道之人。他十分苦行脩持。况有夙緣仙分。鍾離和洞賓傳與他金丹大道。今日功成行滿。當飛昇天府。我着飛仙賜與他鸞鶴仙駕。霞帔金冠。着八仙接引去了。青衣童子看者。這早晚敢待來也。〔外扮鐵拐李曹國舅藍彩和上〕〔鐵拐李云〕異

名同道少人知。大道玄玄是要機。保命全形明損益。紫金丹藥最靈奇。貧道鐵拐李是也。這二位是曹國舅藍彩和。今奉上仙法旨。着俺八仙接引女道邊洞玄昇仙。兀那雲頭起處。敢是衆仙來了也。〔外扮張果老同張四郎韓湘子上〕〔張果老云〕道自虛無生一氣。理從一氣產陰陽。陰陽配合成三體。三體重生萬物張。貧道張果老是也。這二位乃是張四郎韓湘子。奉金母法旨。爲因鍾離和洞賓引度了女道邊洞玄。如今功成行滿。今日飛昇天府。着俺衆仙接引。兀的不是鐵拐李衆仙在此也。〔鐵拐李云〕衆仙來了也。鍾離和洞賓還未來哩。〔張果老云〕噤衆仙在此權待片時。二仙同邊洞玄。這早晚敢待來也。〔鍾離同洞賓領正旦上〕〔鍾離云〕貧道鍾離是也。與洞賓奉玉帝勅令。下降人間。引度真仙。到於人世。點化的女道邊洞玄。今日功成行滿。又蒙金母賜以鸞鶴仙駕。霞帔金冠。邊洞玄。跟貧道見金母去來。〔洞賓云〕邊洞玄。俺這仙家的景物。比你塵世如何。〔正旦云〕看了這瑤池仙景。比塵世仙凡迥異。貧姑好是有緣也呵。〔唱〕

〔雙調新水令〕今日箇衆羣仙接引的我上青霄。你看這錦模糊瑞雲籠罩。今日箇得道也邊洞玄離塵世。列仙曹。則見這彩霧飄飄。我今日登天界。奉仙詔。

〔鍾離云〕邊洞玄。你聽這仙樂喧天。衆羣仙接你來也。〔正旦云〕貧姑豈想有今日也。〔唱〕

〔駐馬聽〕則聽的一派簫韶。仙樂鳴空佳氣遶。更和這羣仙引導。〔鍾離云〕這其

間金母在於瑤池。大排筵會。慶賀飛昇也。〔正旦唱〕誰承望瑤池慶賞宴蟠桃。今日箇飛昇仙界聽雲璈。豈不聞青霄有路終須到。也是我緣分巧。我則見青鸞引路傳音耗。〔洞賓云〕仙師兀的不是衆仙在此也。〔鐵拐李云〕稽首。〔鍾離云〕衆仙勿罪也。〔鐵拐李云〕貧道奉上仙法旨。同衆仙在此接引二仙并邊洞玄也。〔正旦云〕稽首。貧姑有何德能也。〔鍾離云〕俺八仙同邊洞玄見金母去來。〔洞賓云〕師父說的是。俺衆羣仙同邊洞玄。一同見金母去來。〔鍾離云〕青衣童子報復去。道有鍾離洞賓八仙度脫的邊洞玄。來見金母也。〔青衣童子云〕理會的。報的金母得知。今有鍾離洞賓度脫的邊洞玄。同八仙來了也。〔金母云〕道有請。〔青衣童子云〕理會的。衆仙師有請。〔鍾離見科〕〔云〕金母稽首。俺衆仙引度的邊洞玄。來見金母也。〔金母云〕你二仙離了瑤池。到於下方。引度邊洞玄。索是勞苦辛勤。洞玄安在。〔鍾離云〕邊洞玄向前來。朝禮金母者。〔正旦云〕理會的稽首。〔做拜科〕〔金母云〕兀那邊洞玄。你在於塵世之間。心慈好善。救困扶危。累積陰功。堅心慕道。不食煙火。惟食胡麻茯苓人參等物。道行絕高。東華仙奉玉帝勅令。遣鍾離洞賓度脫你飛昇。你今日正果朝元。你好有緣也。〔正旦云〕量貧姑有何德能。感動天仙也。〔唱〕

〔沉醉東風〕則爲我修道德公心未錯。累陰功志量勤勞。〔金母云〕因你不食煙火

之食。惟煑胡麻人參茯苓等物。似你在世脩道者鮮矣也。〔正旦唱〕食胡麻煑檜柏。絕煙火求仙道。〔金母云〕你平昔心慈好善。累積陰功。救濟微命。感動天地。今日箇有此善報。得至仙境也。〔正旦唱〕則爲我用心慈好善根苗。今日箇引度飛昇成正覺。〔金母云〕今日箇你飛昇仙界。正遇蟠桃已熟。羣仙正好宴會也。〔正旦唱〕正遇着宴瑤池蟠桃會好。〔金母云〕您衆羣仙觀看。兀那祥雲影裡。不是東華帝君來了也。〔鍾離云〕俺羣仙接待去來。〔東華仙上〕〔云〕閑遊紫府觀仙境。悶跨青鸞翫九州。貧道東華帝君是也。自從貧道奉玉帝勅令。因見下方青氣瀰漫。冲於九霄。乃是人間眞仙出現。着貧道差鍾離洞賓。降於人間。有一女道姑。乃是邊洞玄。此女子十分苦行脩持。心慈好善。二仙遇着。講論金丹太道。今已飛昇。在於瑤池。慶賞蟠桃。就加封仙號。貧道須索走一遭去。可早來到也。按落雲頭。您衆仙都來了也。〔鍾離云〕稽首上仙。貧道同衆仙在此洞門首。等候上仙也。〔東華仙云〕青衣童子報復去。道有貧道來了也。〔青衣童子云〕理會的。報的金母得知。有東華上仙來了也。〔金母云〕道有請。〔青衣童子云〕理會的。有請。〔東華仙云〕金母稽首。貧道來了也。〔金母云〕上仙有請。〔東華仙云〕鍾離洞賓多生受。你二仙下降人間。多有勞倦也。〔鍾離云〕貧道不敢。豈辭勞倦也。〔東華仙云〕您度脫的邊洞玄。安在。〔鍾離云〕來了也。邊洞玄。見上仙施禮者。〔正旦見拜科〕〔云〕上仙。小道有何德能。得遇上仙也。

〔東華仙云〕因你陰功浩大。苦行脩持。奈因夙有仙分。今日二仙度脫。飛昇仙界。非同容易也。
〔正旦云〕量小道有何功行也。〔唱〕

〔殿前歡〕我當日箇在塵囂。漁松啖柏受煎熬。〔東華仙云〕因你積功累行。救濟微命。今日飛昇。不負汝之功也。〔正旦唱〕積功累行天之道。徹夜連宵。〔東華仙云〕因你講誦黃庭。永絕煙火之食。採食仙藥。換其凡骨也。〔正旦唱〕我則待擬茯苓採藥苗。講道德通玄竅。絕煙火參玄妙。〔東華仙云〕貧道差鍾離洞賓。與你講論金丹大道。教你身歸洞府也。〔正旦唱〕今日箇飛昇仙界。不負了半世功勞。〔東華仙云〕你今日身登仙界。賜與你金冠霞帔。成其正道也。〔正旦云〕感蒙上仙。救度弟子也。〔唱〕

〔沽美酒〕則爲我在塵寰修煉的好。今日箇登仙府位清高。〔東華仙云〕賜與你金冠霞帔。益壽延年也。〔正旦唱〕賜與我霞帔金冠享壽考。〔東華仙云〕今日身居閬苑。位列仙班。觀十洲三島。看三千弱水也。〔正旦唱〕我今日看十洲三島。觀三千水滔滔。〔東華仙云〕你看俺這裡蓬萊仙境。十二樓臺。與塵世不同也。〔正旦唱〕

〔太平令〕看了這十二樓臺顯耀。〔東華仙云〕今蟠桃已熟。你飛昇仙會。當可宴賞也。〔正旦唱〕正遇着會瑤池宴享蟠桃。〔東華仙云〕若不是鍾離洞賓點化。你如何得到此仙境也。

〔正旦唱〕二仙長參修丹道。着貧姑將何以報。我這裡望着紫霄拜了。受用取長生歡樂。〔東華仙云〕邊洞玄。你跪者。聽貧道加封你仙位。〔正旦跪科〕〔云〕理會的。〔東華仙云〕邊洞玄。你聽者。則爲這邊洞玄道行虔誠。守玄機苦志脩行。發善心愛惜物命。拋五穀救濟生靈。持戒籙不食烟火。守清齋永斷葷腥。食胡麻淡松啖柏。飲清泉參藥茯苓。用志意堅心慕道。感清虛玉帝三清。貧道這二仙點化。論金丹大道分形。脫離了塵凡境界。上清霄白日飛昇。今日箇身朝紫府。登仙界同至蓬瀛。衆羣仙蟠桃宴賞。跟貧道同朝玉京。

題目 正陽子臨凡闡教

正名 邊洞玄慕道昇仙

洞玄昇仙穿關

頭折

東華仙

如意蓮花冠 鶴髦 玳瑁 三髯髻

牌子仙童

秦巾 道袍

邊欄 繖兒

鍾離

雙髻陀頭

不老葉

法墨氈

紅雲鶴道袍

喬兒

錦

網裙

維彩縑

執袋

行纏

猛髻

樓扇

呂洞賓

九陽巾

喬兒

茶褐雲鶴道袍

網裙

繖兒

執袋

腿綳護膝

不老葉

法墨氈

布襪

八答鞋

雙劍

裙扇

馬道姑

全真冠

腦搭兒

繖兒

布襪

鞋

女道童

秦巾

腦搭兒

繖兒

布襪

鞋

邊欄道袍

小旦

高玄一

全真冠

腦搭兒

繖兒

布襪

鞋

正旦

邊欄道袍

全真冠

腦搭兒

繖兒

布襪

鞋

正旦

邊欄道袍

全真冠

腦搭兒

楔子

喬道姑

道冠

腦搭兒

邊欄道袍

繖兒

布襪

鞋

正旦

邊欄道袍

全真冠

腦搭兒

繖兒

布襪

鞋

正旦

邊欄道袍

第二折

正旦邊洞玄 喬道姑 鍾離 洞賓 同前

第三折

喬道姑正旦邊洞玄鍾離洞賓

同馬元帥

多簪帽 蟒衣曳撒 黃袍 項帕
直纏 襖膊 帶 三髭髯 白蛇槍

趙元帥

鐵幘頭 蟒衣曳撒 皂袍 項帕
直纏 襖膊 帶 猛髯 竹節鞭 溫元帥
吏巾 蟒衣曳撒 青袍 項帕 直

關元帥

滲青巾 蟒衣曳撒 紅袍 項帕
直纏 襖膊 帶 三髭髯 刀

第四折

金母

金冠 仙衣 玳瑁 金童 秦巾 雲鶴道袍 不玉女 花箍 補子襖兒 裙 青衣
布襖 鞋 執圭 老葉 執袋 襖兒 兒 香串 布襖 鞋

童子

秦巾 邊欄 鐵拐李 鬚髮陀頭 皂補納 錦襖 不老葉 法墨氈 喬兒 網
道袍 襖兒 襖兒 裙 雜彩襖 執袋 行纏 布襖 八答鞋 猛髯 鐵拐

曹國舅

雙髻髻陀頭 雲鶴道袍 不老 藍彩和 韶巾 綠欄 張果老 方巾 邊欄道袍
葉 執圭 襖兒 金牌策籙 偏帶 板 不老葉 執袋

繼兒

白髮 張四郎 秦巾 雲鶴道袍 不老 韓湘子 雙髻髻陀頭 雲鶴道袍 不鍾離
白髯 驢扇 葉 執袋 襖兒 笛 老葉 執袋 襖兒 花籃

洞賓正旦邊洞玄

同東華仙前

萬曆四十三年孟夏五日校內本清常道人

李雲卿得悟昇真

闕名

頭折

〔冲末東華仙領仙童上〕〔云〕返本還元已到乾。能昇能降號飛仙。一陽生是興功日。九轉遇迴得道年。煉藥須尋金裏汞。安爐先立地中天。此中便是還丹理。不遇其人莫妄傳。貧道乃東華紫府少陽帝君是也。在昔道氣凝寂。湛體無爲。將欲啓迪玄功。化生萬物。先以東華至氣。化而生木公。於碧海之上。蒼靈之墟。以主陽和之氣。理於東方。亦號王公焉。與王母挺質太元。毓神玄奧。於東方溟滓之中。分大道醇精之氣而成形。與王母共理二氣。而育養天地。陶鈞萬物。凡天上天下。三界十方。男子之登仙得道者。悉所掌焉。方今下方。聖人治世。君聖臣賢。民安物阜。脩文偃武。重道崇儒。天氣正而以清。地氣正而以寧。夷夏俱安。仙凡交慶。當以聚集真仙。闡揚無上玄元虛無大道。一則講明教旨。二則品較真仙。仙童與我請將衆真仙來者。〔仙童云〕理會的。〔做請科〕〔云〕衆真仙安在。〔外扮混元真人上〕〔云〕道悟玄元不記春。無爲無事養天真。生涯只在陰陽鼎。活計惟憑日月輪。八卦氣中藏至寶。五行光內隱元神。自從混沌初分後。永作乾坤物外人。貧道乃東華混元真人是也。生於虛無之始。起於太極之先。判乎太素之元。立乎太渺之端。肇玄元

之祖氣。定二氣之良能。棲身於至寂至虛之內。演道於太素太始之中。虛無者靈光湛寂。無見無聞。虛澈靈通。真淨明妙。觀之不見其形。聽之不聞其聲。體用太虛。量周沙界。貧道化形十方。隨時立教。凡人得道昇仙者。皆從貧道主管。考較功行。有道德充盈者。轉舉於東華紫府註籍。然後方得昇仙。貧道正在仙苑中閑遊。有東華帝君。令仙童相請。須索走一遭去。可早來到也。仙童報復去。道有混元真人。在於門首。〔仙童云〕理會的。〔做報科〕〔云〕報的上仙得知。有混元真人來了也。〔東華仙云〕道有請。〔仙童云〕理會的。有請。〔見科〕〔混元真人云〕稽首。方纔蒙帝君相招。貧道謹當赴命。不知有何法旨也。〔東華仙云〕真人少待片時。仙童門首看者。衆仙來了時。報復我知道。〔仙童云〕理會的。〔外扮張果老上〕〔云〕黃芽白雪兩飛金。行卽高歌醉卽吟。曾向趙州橋上過。世人傳說到如今。貧道張果老是也。道号通玄子。自天地肇判。二儀分形。清者上昇爲天。濁者下沉爲地。貧道秉乾坤之正氣。得虛無之自然。煉日月之精華。幹先天之氣運。長生不老。變化無窮。貧道曾於恆州條山顯化。有時混於紅塵。有時醉歸蓬島。貧道常騎一白驢。日行數萬里。趁日追風。隱顯莫測。入金石無礙。人皆異之。殊不知是吾元神也。唐朝明皇。遣使遍行天下。請召貧道。後朝見於紫宸殿。問貧道長生久視之道。貧道答曰。自有形以來。失忘年歲。不知長生。惟能不死。但能清心寡慾。積功累行。此乃成仙之徑路也。欲加以官。貧道固辭不受。從此復歸闔苑。於人世

之間。不爲常見。方纔在於仙苑閑遊。有東華帝君呼喚。不知有甚事。須索走一遭去。可早來到也。仙童報復去。道有張果老來了也。〔仙童云〕理會的。〔做報科〕〔云〕報的上仙得知。有張果老來了也。〔東華仙云〕道有請。〔仙童云〕理會的。有請。〔見科〕〔張果老云〕上仙稽首。呼喚貧道。有何法旨。〔東華仙云〕且一壁有者。等衆仙都來了時。貧道自有法旨。〔外扮廣成子上〕〔云〕天生一物。變三才。交感陰陽。結聖胎。一自乾坤開闢後。逍遙散澹住蓬萊。貧道廣成子是也。自從無始以來。契悟道旨。洞徹幽微。受太乙之真氣。煉九轉之寶丹。脩道於崆峒山。道號崆峒子。後有軒轅聖人。卑辭厚禮。問道於崆峒山石壇之下。貧道先授以富國安民之術。次授以虛無清玄之道。軒轅鑄九鼎以敘九疇。天下無爲而治。後功成行滿。於鼎湖騎火龍上昇。貧道實爲古仙之首。常在紫府。講論虛無之理。凡世之脩道者。必宗其道。方纔正在紫府遊翫。有仙童來報。東華帝君相請。不知有甚事。須索走一遭去。可早來到也。報復去。道有貧道在於門首。〔仙童云〕理會的。〔做報科〕〔云〕報的上仙得知。有廣成子來了也。〔東華仙云〕道有請。〔仙童云〕理會的。有請。〔見科〕〔廣成子云〕稽首。上仙呼喚貧道。有何事也。〔東華仙云〕等衆仙來全了時。一同講論。仙童門首看者。若衆仙來時。報復我知道。〔仙童云〕理會的。〔外扮劉海蟾上〕〔云〕箇箇覓長生。根源不易尋。要貪天上寶。須棄世間金。煉就水中火。煉成陽內陰。金蟾脫殼後。明月照天心。貧道海蟾子是。

也。先曾身居顯宦。後來識破名利。棄職入山學道。得遇至人。授以長生不死之道。貧道混俗和光。常於鬧市之中。口發狂言。串拖二八金錢。每與孩童嬉戲遊翫。人皆見而惡之。皆呼貧道爲風魔漢。一日於鬧市之中。乘白雲浮空而去。世人方知貧道是神仙。方纔在於後山中遊翫仙景。有東華帝君。令人呼喚。不知有甚事。須索走一遭去。可早來到也。仙童報復去。道有海蟾子在於門首。
〔仙童云〕理會的。
〔做報科〕
〔云〕報的上仙得知。有海蟾子來了也。
〔東華仙云〕道有請。
〔仙童云〕理會的。
有請。
〔見科〕
〔東華仙云〕海蟾子來了也。
〔海蟾云〕上仙稽首。貧道來了也。
〔東華仙云〕還有張紫陽未曾來。等他來了時。一同講論。
〔正末扮張紫陽上〕
〔云〕貧道紫陽張真人是也。自從得遇仙師。授以長生不死之道。搬離運坎之術。飛昇紫府。位列瑤池。今有東華帝君聚俺衆仙。不知有何法旨。須索走一遭去。想俺這爲仙的。要明虛無之理。脩煉至真之道。全要悟明心地也呵。
〔唱〕

〔仙呂點絳脣〕道妙玄微。悟明心地。非容易。見放着古聖文籍。內隱着真消息。
〔云〕凡要學者。要知三田溫暖。胎元運用。認得玄關一竅。直上崑崙。詩曰。昨夜紅光射斗牛。玄關有月正中秋。丹堦一片無瑕寶。滾上崑崙十二樓。
〔唱〕

〔混江龍〕若說着胎元根蒂。全在那含光默默守虛極。去動中求靜。坎內搬離。

靜坐忘言方是道。羣居緘口立根基。〔云〕有那等先生。自誇自會。盜聽偷學。誑言詐語。騙口張舌。世俗人〔笑科〕〔唱〕枉把元神昧。你全不怕上天照察。更不怕六道輪迴。〔云〕說話中間。可早來到也。仙童報復去。道有張紫陽來了也。〔仙童云〕報的上仙得知。有張紫陽來了也。〔東華仙云〕道有請。〔仙童云〕理會的。有請。〔見科〕〔正末云〕上仙稽首。〔東華仙云〕張紫陽來了也。〔正末云〕貧道來了也。〔混元真人云〕上仙。俺衆真仙都來了也。今日感蒙上仙聚俺衆真仙。不知有何法旨。〔東華仙云〕貧道今日聚請列位真仙。別無他事。這天上下。三界十方。蓬萊閭苑。紫府瑤池。得道真仙。皆在貧道主管。方今下方。聖人治世。君聖臣賢。民安物阜。脩文偃武。重道崇儒。天氣正而清。地氣正而寧。夷夏俱安。仙凡交慶。因此聚衆真仙。闡揚無上玄元虛無大道。一則講明教旨。二則品較真仙。不知您衆真仙意下如何。〔混元真人云〕上仙既然如此。正是俺衆真仙當行之事。今日幸聚衆仙。講論至道。貧道請問上仙。這先天與後天之理。望爲開示者。〔東華仙云〕若論先天者。乃元始祖炁也。但凡神仙脩煉。止是採取先天一炁以爲丹母。後天者。一呼一吸。一往一來。內運之炁也。呼則接天根。吸則接地根。呼則龍吟而雲起。吸則虎嘯而風生。綿綿若存。歸於祖炁。內外混合。結成還丹。自然丹田火暖。盈於四肢。如癡如醉。美在其中。此乃內丹之道也。〔正末云〕上仙。貧道昔聞仙師有言。這內丹之道。全在身中。夫脩煉大丹者。先煉其

心。欲煉其心者。先煉其形。欲煉其形者。先積其行。若是功成行滿。自有真仙接引也。〔混元真人云〕上仙。這丹道之中。有三千傍門。八百別選。世之凡夫。不知正道。不識玄宗。多有悞於玄門別選也。〔正末云〕上仙。貧道當時。曾禮七十餘師。師師皆明。弟子無言。所得之事。三千餘門。然終不能成其大道也。〔張果老云〕凡人脩煉大丹者。要知虛無之理。大道根源。作丹之法。方能成仙了道也。〔東華仙云〕作丹之法。全要煅煉自己身中真鉛真汞。抽出坎中之陽。去補離中之陰。成乾之象。復歸坤位。收入黃房。方成至寶也。詩曰。大藥三般精氣神。天然子母自相親。回風混合歸真體。煅煉工夫日日新。〔混元真人云〕上仙所言。乃虛無之大道。大丹之根本。陰陽混合。水火相交。全要鼎中之水不可乾。爐內之火不可寒。古人云。金鼎常留湯火煖。玉爐不要火教寒。若以外丹行之。要行武煉文烹之功。全要調和火力。用火太過則火燥。水濫不及則水乾。一刻之內。水火既濟。鼎內大丹。自然而成也。詩曰。鼎中火煖長黃芽。透徹三關氣轉加。七返九還須識主。工夫毫髮不容差。〔正末云〕上仙。若論大道根源。皆從虛無中來。全在陰陽火候。方能得成大道也。〔唱〕

〔油葫蘆〕道本無言。行妙理要奪天地髓。就中滋味自家知。〔東華仙云〕全要無中生有。匹配陰陽也。〔正末唱〕無中生有誰能會。則他這玉爐中常把陰陽配。〔東華仙云〕古人傳藥不傳火。這進火之功。非爲容易也。〔正末唱〕全要在火候功。按時辰莫得遲。

雙關透入泥丸內。明明的頂上現光輝。〔劉海蟾云〕貧道昔聞上仙有言。提挈天地。握定

陰陽。攢簇五行。合會八卦。此神仙之學也。天地者即乾坤也。造化者即陰陽也。五行者金木水火土也。八卦者乾坎艮震巽離坤兌也。一呼一吸之間。潛奪天運四百八十六萬年之數。於是換盡濁陰之軀。變成純陽之體。方得金液還丹。此乃天地運化之道也。〔正末云〕上仙。此是脩持大道。如此方能刀圭入口。永作真仙也。〔唱〕

〔天下樂〕則這金液還丹下玉梯。此乃是天也波機。明道德。〔東華仙云〕這金液還丹。須要安爐立鼎。採黃芽生玉蘂也。〔正末唱〕黃芽漸長天地基。要將那丹鼎安。白雪飛。化瓊漿。滿玉池。〔混元真人云〕若是鍊得黃芽滿鼎。白雪漫天。嬰兒成像。姤女成形。火候方成。大丹以就。只宜沐浴溫養。若不溫養。火候勇猛。反傷丹矣。當此之時。宜加保愛。務在微細。於靜定之中。內不出。外不入。物我兩忘。心同太虛。一氣純陽。此乃大道之要也。嬰兒姤女配中黃。大藥全憑陰與陽。結就金丹宜保愛。仙成物我盡皆忘。〔廣成子云〕上仙。這大道之要。全以性命為主。性即神也。命即氣也。性命混合。乃先天之體。神氣運化。乃後天之用。脩煉之士。欲得性命堅固。必須採水中之鉛。坎中之金。金爲水母。母隱子胎。一點真陽。居於此處。過子時陽昇之際。急急採之。先師云。火逼金行顛倒轉。自然鼎內大丹成。〔正末云〕上仙。這性命二字。在自己身內。全要保元神。守

玉爐煉庚金。制戊土也。呵。〔唱〕

〔後庭花〕饑中飽。飽又饑。飲醍醐。滋腎水。〔混元真人云〕功夫到此。緊閉天門。牢關玉爐也。〔正末唱〕但則要將玉戶牢關閉。把天門緊掩扉。〔東華仙云〕丹成之時。全在黃婆作美。匹配姪女嬰兒也。〔正末唱〕端的是吐虹霓。直趕到黃庭內。相會見金公紅了面皮。將嬰兒厮配匹。守元神緊護持。飲刀圭甘露美。煉金丹一粒微。他在太陽前。撻鼓旗。太陽前撻鼓旗。〔劉海蟾云〕上仙。功夫到此。坎離搬運。一氣流行。陰陽定體。羣魔退藏也。〔正末唱〕

〔柳葉兒〕呀。但則要運行一炁。這正是運坎搬離。金光現彩。羣魔退。成連理配對。黃婆作媒。〔云〕此皆金丹之強名也。黃婆者。乃是坤土。卽戊土也。姪女乃兌金少女也。用黃婆作媒。通姪女之情。火逼金行。運動河車。載入南宮。復還元位。配合金公。十月之期。胎息圓滿。坐產嬰兒。〔唱〕一載功夫成熟後。南宮火煖產嬰兒。〔東華仙云〕雖然如此。全在行火退符。採取藥物。運用陰陽也。〔混元真人云〕上仙。若論丹成之際。若不知抽添火候。採取藥物呵。豈能成丹。採藥之時。乃是身中一陽來復之際。當以緊閉天關。運用火功。三關透徹。一炁流通。奪取造化。全在此行火退符之時。不可毫髮差遲。故曰。配合虎龍交姤處。此時如過小橋時。煉藥燒丹。運火功。陰符

退盡道方通。但要中黃龍虎會。金丹鍊就滿爐紅。〔正末云〕若論抽添火候呵。〔唱〕

〔金盞兒〕山頭雪巽風吹。甘露降飲刀圭。調停火候功夫細。九陽陰靜養神威。若丹成金滿室。任烏兔走東西。〔東華仙云〕張紫陽結丹之際。全在顛離倒坎也。〔正末唱〕但要將坎離顛倒。用魂魄做根基。〔東華仙云〕今日貧道聚請衆仙。在此講明大道。非同偶然。明日玄元玉府。乃是長春節日。當以復聚。您衆真講論至道。有何不可。〔混元真人云〕貧道等謹領法旨也。〔正末云〕衆仙。今日蒙上仙聚俺講論大道。實爲有幸也。〔東華仙云〕今日衆真各回仙苑。明日當以早集。衆仙不可違慢也。〔正末云〕謹領法旨也呵。〔唱〕

〔尾聲〕十載苦修持。九轉丹成日。八百功成行積。七星劍從來降魔鬼。〔東華仙云〕凡人悟道之後。心通天地。道包六合也。〔正末唱〕六合中參透玄微。五行內煉無爲。身在瑤池。四時景推遷任改移。養三田祖氣。煉二儀相濟。〔帶云〕上仙稽首。〔唱〕我便可現一輪明月照玄機。〔下〕〔混元真人云〕上仙。明日乃長春節日。貧道等俱蒙法旨。今日暫離仙壇。明日復當參會。無甚事。貧道等拜辭上仙。且回仙苑去來。瑤池中景遇春光。錦重重紅紫芬芳。今日箇暫歸紫府。到明朝同會仙鄉。〔同衆下〕〔東華仙云〕衆仙去了也。到明日幸遇長春節日。同衆仙復於玄元玉府。講論至道。無甚事。且回仙洞中去來。到來日節遇長春。會衆仙講

論玄文。保國祚磐石鞏固。祝吾皇萬載遐齡。〔下〕

第二折

〔淨扮總虛子上〕〔云〕我做神仙全美。能講論玄門道理。我也會煉藥燒丹。我也會書符呪水。我也會臥柳眠花。我也會粧神扮鬼。燒丹處換了人白銀。斷鬼處哄了人家表裏。我賭錢處輸了媳婦。跳牆處跌折了大腿。小道不是凡人。是這蓬萊山西海子裡。萬年金線癩頭龜一化。論小道的神通變化。無中生有。有內生無。師父見我這等老實志誠。起了我箇道號。叫做總虛子。小道平昔頗頗的也通些道法兒。今日聽知衆神仙都在這玄元玉府講道。我一逕的也來與他們講一講。我小道就插不入手。趕不上伴兒。憑着我這箇嘴頭子。必流不刺的。頂名兒也冲他些酒肉喫。便好道一日不識羞。十日不忍饑。小道來的早了些。我且在這沙灘之上。豎蜻蜓耍子。看有甚麼人來。〔東華仙領仙童上〕〔云〕玉樓十二無人到。惟有青鸞天外飛。貧道東華帝君是也。昨日會集衆真。在於紫府。講論虛無大道。今日乃是長春節日。復會衆真。在此玄元玉府。開講無上玄元之理。這早晚衆仙敢待來也。〔總虛子云〕東華老祖師來了。在下久等。有失迎接。望上仙休見怪。小人明日去西海子裡。尋幾箇田鷄。孝順上仙。換幾箇仙桃。與小道燠肉喫。〔東華仙云〕靠後。仙童門首看者。等衆仙來時。報復我知道。〔仙童云〕理會的。〔混元真人同張果老上〕〔混元真人云〕

金殿巍峨紫氣濃。雲鶴繚繞舞虛空。纔離閬苑蓬萊境。又到玄元玉府中。貧道混元真人。這一位張果老是也。昨日在於紫府講道。今奉東華帝君法旨。復會衆真。來此玄元玉府。開講無上玄元之理。俺須索走一遭去來。〔張果老云〕俺衆真仙既奉東華帝君法旨。幸遇長春節日。同講仙道。實爲有幸也。〔混元真人云〕說話中間。可早來到也。仙童報復去。道有混元真人。同張果老在於門首。〔仙童云〕理會的。〔做報科〕〔云〕報的上仙得知。有二位真仙來了也。〔東華仙云〕道有請。〔仙童云〕理會的。有請。〔見科〕〔混元真人云〕上仙稽首。〔東華仙云〕二位真仙來了也。別的人還未來哩。〔總虛子云〕二位老仙長。小道唱喏哩。在下區區是總虛子。我怕二位迷了路。小道在洞門口伸着脖子。望了這半日。二位老叔休怪。〔東華仙云〕仙童門首看者。等衆仙來時。報復我知道。〔仙童云〕理會的。〔廣成子同劉海蟾上〕〔廣成子云〕昨朝紫府談玄妙。今日仙壇會衆真。貧道廣成子是也。這一位是海蟾劉真人。昨日在於紫府講道。奉東華帝君法旨。今日在於玄元玉府。復聚俺衆仙。講論至道。海蟾子。咱一同的見上仙去來。〔劉海蟾云〕仙師。說話中間。可早來到也。〔廣成子云〕仙童報復去。道有廣成子海蟾子來了也。〔仙童云〕理會的。〔做報科〕〔云〕報的上仙得知。有廣成子海蟾子來了也。〔東華仙云〕道有請。〔仙童云〕理會的。有請。〔見科〕〔廣成子云〕上仙稽首。〔東華仙云〕二仙來了也。還有張紫陽未曾來哩。〔總虛子云〕我聽的說

張紫陽不得來了。昨日晚夕。在花酒巷喫酒耍子。來的遲了些。被總甲拏了犯夜。送在兵馬司裏坐鉢哩。〔混元真人云〕張紫陽這早晚他敢待來也。〔東華仙云〕兀那白雲深處。不是張紫陽來了也。〔正末張紫陽上〕〔云〕貧道張紫陽。昨日在於紫府講道。奉東華帝君法旨。今日來此玄元玉府。講論至真。昨日聽了衆真講論。好是有幸也呵。正是饒君聰慧過顏閔。不遇明師莫強猜。

〔唱〕

〔南呂一枝花〕自從俺學出家。偶然把明師遇。受慙懃十餘載。無明夜用功夫。〔云〕昨日聽了上仙講論呵。〔唱〕他講的是道妙虛無。他教我緊把丹田固。爲殘生學道術。行火候。煅煉陰陽。入靜定方爲沐浴。

〔梁州〕論玄關中間一竅。上崑崙搬運三車。寂然不動旋烏兔。金丹有數。玉液無虛。全憑神氣保養凡軀。藉身中造化沉浮。把羣魔用意降伏。養祖氣緘口忘言。出元神騰雲駕霧。永長生出有入無。從今至古。神仙本是凡人做。知動靜識賓主。收汞收鉛莫遲阻。自問他有有無無。〔云〕可早來到門首也。仙童報復去。道貧道來了也。〔仙童云〕理會的。〔做報科〕〔云〕報的上仙得知。有張紫陽來了也。〔東華仙云〕道有請了也。〔仙童云〕理會的。有請。〔見科〕〔正末云〕上仙稽首。〔總虛子云〕張先兒。你可待拏了犯夜來。敢

〔仙童云〕理會的。有請。〔見科〕〔正末云〕上仙稽首。〔總虛子云〕張先兒。你可待拏了犯夜來。敢

兵馬司裏保出來了。小道改日買幾瓶撒因的哈刺乞打刺孫。與你壓驚罷。〔東華仙云〕紫陽。你來了也。〔正末云〕貧道來了也。昨日得聞上仙講論。貧道等好是有幸也。〔東華仙云〕衆真仙。你都近前來。這虛無之道。非同傍門別徑。此乃最上無極之道。全要知水火之功也。〔混元真人云〕請問上仙。真水真火。其理何如。〔東華仙云〕您衆仙試聽貧道說者。這水居北方。在卦爲之坎。在身爲之腎。火居南方。在卦爲之離。在身爲之心。水中藏火。火中藏水。人心之中。一點真液。乃是真水也。腎中有一點真陽。乃是真火也。水火分於上下。何由得真火上昇。真水下降。同歸土釜。水火既濟。方得成丹。一氣純陽。與天齊壽。此乃是水火至真之理也。〔總虛子云〕上仙差矣。聽小道說與你聽。要見這真水。用一把鐵鋤。刨一箇大坑。三四丈深。刨見黃泉。而其水自出。人呼之爲井。把吊桶拔出來。便謂之水。這真火也不打緊。用黃線香一根。去東華門外邊。一箇銅錢買一把取燈兒。點着線香。以取燈兒燒之。其火自明。此二者乃真水真火。老先生勿哂。〔劉海蟾云〕不得胡說。上仙。這金鼎玉爐鉛汞之理。望上仙開示者。〔混元真人云〕這鉛汞之理。浮者汞也。沉者鉛也。脩丹之理。沉者必使其升。浮者必使其降。凡脩仙之人。先要識沉浮。辨賓主。賓者性也。主者命也。有身則有命。有命則有性。性從命立。命從性脩。是以命爲性之母。故爲主。性爲命之子。故爲賓。既知賓主。鉛汞分爲二八一斤之數。安玉爐。立金鼎。方可下手採藥。煅煉大丹。搬離運坎。豈非常。全憑

賓主辨陰陽。金鼎玉爐鉛汞死。煉成一塊紫金霜。〔正末云〕仙師。這正是金鼎欲留火裏汞。玉爐先下水中金。〔唱〕

〔隔尾〕但則要成二八乾坤數。煉就金丹上太虛。〔東華仙云〕金丹之理。非從外來。乃自家之物也。〔正末唱〕但則要認取先天自家物。趁時辰採取。配嬰兒姘女。〔東華仙云〕嬰兒相配。正是龍虎相交也。〔正末唱〕則他這離坎中間會龍虎。〔張果老云〕上仙。這脩道之人。全要知四象合和三關氣運。此乃切要之事。世人不知此理。皆爲虛無之言也。〔總虛子云〕衆位老先兒在上。小道自從做神仙。也有七八年光景。這四象合和三關氣運。我就不知道。你來難我。這四象御馬監也有。外頭象房也有。每日清早起。五鳳樓前頭。東首裡兩箇象。西首裡也兩箇象。朝畢的時候。往端門裏出去。過了金水橋。此乃是四象過河也。這三關氣運。是山海關居庸關紫荆關。此乃是三關也。這等奧妙之理。非小道那箇曉的。〔東華仙云〕三關氣運。四象合和。此爲築基煉己之功。初學道者。皆從此處行將去。這降龍伏虎。立鼎安爐。此乃還丹之道。〔正末云〕仙師說的是也呵。〔唱〕

〔牧羊關〕保守先天氣。用中央立鼎爐。全要將龍虎降伏。〔東華仙云〕紫陽既知坎離。龍虎出於何處也。〔正末唱〕須要向坎內尋龍。更和那離中覓虎。〔廣成子云〕若是青

龍受降。白虎投伏。養在中宮。十月之後。九轉成功。便能飛昇天界。長生不老也。〔正末唱〕你道是溫養全十月。採取在須臾。服了呵。騰雲遊閭苑。平步上青虛。〔劉海蟾云〕脩丹節要。天門玉戶。出陽神。退陰鬼。此乃大道之本也。〔總虛子云〕這玉戶。小人倒忘了。這天門。我家裏也有。房上去了兩根椽子。名爲天窗。卽是天門也。〔劉海蟾云〕這廝胡說。貧道所講。乃是大道。你那裡知道。〔總虛子云〕我不知道。這大盜法度利害。我也不敢做。這小竊盜兒。小人也頗頗的曉得些兒。〔正末云〕上仙。這天門玉戶。乃是道之根源也。〔唱〕

〔賀新郎〕天門開放道青虛。則他這玉戶牢關。敢抽添無數。澄澄湛湛。功程做。〔混元真人云〕先天之道。氣自養於中田。言須要於默守也。〔正末唱〕獨坐忘言默語。駕河車。上下寬舒。〔混元真人云〕功成須當守道也。〔正末唱〕功成純粹守。似有却如無。〔張果老云〕仙道全在歸根復命也。〔正末唱〕明明不昧原來路。包含萬象體。不罣一鎗銖。〔東華仙云〕兀那雲霄之間。一道青氣。直冲於九重之上。您衆真見麼。〔總虛子做瞧科〕〔云〕你老人家眼花了。好好的正說着話。見神見鬼的。有甚麼青氣。白氣。紅氣。黃氣。臭氣。敢是你身虛說謊語哩。〔混元真人云〕是有一道青氣。上仙。此氣不知主於何事。〔東華仙云〕此氣下應人世廬山之中。有一人。乃是李雲卿。此人修道二十餘年。積功累行。救困扶危。此人夙有仙分。爭奈未明大

道。如今您衆仙。可保舉一人。下降塵寰。引度此人。有何不可也。〔混元真人云〕上仙言誠然有理。您衆仙可舉那一位眞仙。下降塵世。引度李靈卿去也。〔總虛子云〕別的神仙也去不的。還得小道走一遭。不瞞衆位老先兒說。李靈卿也與我沾親。他是我丈人的叔叔。是我的姪兒哩。〔廣成子云〕上仙若遣一眞仙。下降人間。引度李靈卿呵。須要參明玄奧。洞達仙宗。方可去也。〔混元真人云〕此一去。張紫陽當可下降塵世。引度李靈卿去也。〔東華仙云〕既然混元真人保舉呵。張紫陽。你便當下降塵世。到於廬山之中。引度李靈卿。走一遭去。〔正末云〕貧道不知玄妙。既蒙上仙法旨。豈敢違避也。〔唱〕

〔哭皇天〕既差遣須當去。今日箇降塵寰蒙薦舉。〔東華仙云〕張紫陽。你下降廬山。引度李靈卿。則要你同歸閬苑。共列玄都也。〔正末唱〕我可便向廬山傳道妙。降人世論仙術。引度雲卿雲卿得這道侶。〔東華仙云〕此人在世。多修功行。濟物利人。今日方能感動眞仙也。〔正末唱〕皆因他勤修玄妙。多積陰功。濟人利物。救困扶危。今日箇便感眞仙。感眞仙可便親度取。我今日暫離仙眷。少不的同歸洞府。〔張果老云〕紫陽。你若到人世。當以闡揚大道。引度迷人。成仙了道也。〔正末唱〕

〔烏夜啼〕我向人間大闡修真路。指出他迷途。我和他共上清都。講論虛無。〔東

華仙云「你若見了李雲卿。可傳他九還七返。金液大丹之道也。」〔正末唱〕傳與他烹煎玉兔共金烏。九還七返將金丹悟。守玉爐。關金戶。我教他身歸閭苑。名列蓬壺。〔總虛子云〕張紫陽老先生。你若到那人世。也迷了你。小人與你做箇伴當。跟你走一遭去。這李雲卿。他在朝陽門外。抽分廠轉過一箇小衙衙兒。坐西朝東住。我的姑娘。就在他家隔壁。到那裡我買兩瓶渾酒請你。就着我媳婦子見你一見。怕做甚麼。〔東華仙云〕張紫陽。你此一去。小心在意者。〔正末云〕貧道謹領法旨。今日拜辭了衆仙。便往塵世。度脫李雲卿。走一遭去也。〔唱〕

〔尾聲〕我可便化清風。一縷隨雲去。親降紅塵傳道語。奉法旨親差。豈敢道少停住。〔混元真人云〕張紫陽。你若引度了李雲卿。返本還元時。貧道同領衆真仙。必來接引你也。

〔正末唱〕我奉東華教主。混元原有的這二字超校刪師祖。我可便更向廬山度仙侶。〔下〕〔混元

真人云〕上仙。張紫陽去了也。他這一去。必然引度了李雲卿。飛昇仙界。同入蓬壺也。貧道等無甚事。拜辭了上仙。暫回仙苑中去來。玉府羣真講道玄。只因青氣上冲天。紫陽引度雲卿子。來做長生不老仙。〔同下〕〔東華仙云〕衆仙都去了也。等張紫陽引度了李雲卿。冲舉之日。貧道復聚衆仙。接引李雲卿。同歸紫府。永做大羅神仙。有何不可。無甚事。且回紫府中去來。長春佳節會羣真。講論虛無結善因。敬遣紫陽離玉府。降臨塵世度仙人。〔下〕〔總虛子云〕我倒笑了。一夥傻厮。

你也說一篇。我也說一篇。都教了會嘴。見神見鬼的。見了甚麼青氣。把張紫陽差的人世間去了。我酒也沒得喫。肉也沒得喫。乾立了這一日。我如今也跟了張紫陽。到人間走一遭去。他們都先去了。也不等我。氣的我這肚子。就似癩蛤蟆一般。忽歇忽歇的。罷罷罷。我尋一箇餓老鴟來騎着。不問那裡。尋了張紫陽去。你聽。肚裏一聲響。氣出我一箇小曲兒來了。〔唱〕

〔清江引〕我跟着神仙終日遊。委的是乾生受。我騎着餓老鴟。他與仙鶴鬪。將小道險些兒跌破了頭。〔下〕

第三折

〔外扮李雲卿領淨香童上〕〔二〕苦行修真靜坐關。專心慕道在廬山。布袍拂盡紅塵垢。明月清風任往還。小道乃李雲卿是也。自幼頗知儒典。敬天地三光。守君王國法。廣行方便。頻修善果。累積陰功。崇真奉道。頗誦經文。今在此廬山脩真辦道。結一草庵。寧心定性。瓦爐燒柏子。石鼎煮松芽。專心參妙理。端坐誦南華。雖知道在虛無之中。而未識虛無之境。人雖居生死之內。而未審生死之門。欲願明其先天之妙理。指示學道之迷塗。未遇明師。小道焉知祕訣。今日誦罷黃庭道德真經。無甚事。香童庵門首覷者。看有甚麼人來。〔香童云〕師父。你也精爽腦風。每日煆松啖柏。磕頭禮拜。焚香叩齒。也廢了精神。每日起來。口也不漱。甚麼華池玉泉。就得了仙道。也是箇齷齪頭。

神仙〔李雲卿云〕你看這廝。豈不聞黃庭經曰。玉泉之水灌靈根。子若修之命長存。〔香童云〕世人依你不漱口。刷牙鋪裏關了門。〔李雲卿云〕此香童豈知修養之術。跟着我後山中採藥去來。〔香童云〕理會的。〔正末扮紫陽同淨道童上〕〔云〕貧道乃張紫陽是也。因在玄元玉府講道。有東華帝君。觀見下方一道青氣。衝於碧霄之上。下照廬山。有一人乃是李雲卿。此人專心慕道。苦行修持。終無退志。爭奈此人未得至人傳授。貧道奉東華帝君法旨。引度此人成仙。我按落雲頭。化作一雲遊道士。點化李雲卿。成仙了道。世俗的人。跟貧道出家去來。我着你人人成仙。箇箇了道。世俗人如何識貧道也呵。〔做笑科〕〔道童云〕仙師在上。小道跟仙師學道多年。至今多得口傳心授。恰纔師父所言。李雲卿有道骨仙胎。投到師父說此人。小道先知久矣。觀看見下方廬山李雲卿。他學全真之道。通知金丹之理。略說全真何也。夫全真者。修習之人。當行全真之道也。所謂全真者。全其本真也。要全精全氣全神。方謂之全真。纔有欠缺。便不全也。纔有點污。便不真也。全精者。可以保身。欲全其精。先要保身安定。安定則無欲。故精全也。全氣可以養心。欲全其氣。先要養心清靜。清靜則無念。故氣全也。全神可以返虛。欲全其神。先要誠意。則身心合而返虛也。是故精氣神爲三元藥物。身心意爲三元至要。學神仙法。不以多爲。但煉精氣神三寶爲丹頭。三寶會於中宮。金丹成矣。豈不易知。豈爲難行。難行難知者。爲邪妄眩惑爾。煉精之要在乎身。身不動

則虎嘯風生。玄龜潛伏。而元精凝矣。煉氣之要在乎心。心不動則龍吟雲起。朱雀斂翼。而元氣息矣。煉神之要在乎意。意不動則二物交合。三元混一。而聖胎成矣。乾坤鼎器。坎離藥物。八卦三元。五行四象。皆不出乎此身心意三字。全真至極之處。亦無出身心兩字。離了身心。便是外道。雖然。不可着在身心上。纔着在身心上。又被身心所累。且道如何是不可見之身心。咦。雲從山上。月向波心。至人聽我亂道。着您無處搜尋。且休說別人脩習。則說師父每日。功夫坐子午。陰陽配坎離。坐靜功之法也。難學哩。何謂是靜。靜之謂性。心在其中矣。動之謂心。靜在其中矣。心生性滅。心滅性現。如空無相。湛然圓滿。麟鳳不世出。神仙不常現。師父每日這等脩煉。世人怎得傳授也。〔正末唱〕

〔正宮端正好〕靜中行功勞大。誰知我在這靜中行。敢可兀的功勞大。離紅塵不惹塵埃。我可便幼年間曾把明師拜。今日箇跳出他這迷魂寨。〔道童云〕師父。你脩養的這等唇紅齒白。面似童顏。做了神仙。偏我可怎麼則是這等噪食。每日跟着你趁打哄。有甚麼趣。如今凡世之人。多有修行的。一半是我的徒弟。就似了我。也不甚麼高。我家父親。那老夾腦風也。修行禮拜。每日晚夕。磕七十二箇半狗頭。口裏不離不離的念經。我見他磕頭。我洒下一斗蒼耳子。和碎磁瓦在地上。我老子磕下頭去。把天靈蓋磕破了。鮮血直流。叫了一聲。我說不

要慌。着我採過來。一交翻倒。一箇狗喫尿。在地下搬過頭來。一邊釘了四箇馬蝗搭。我老子說。疼便忍了。可怎麼包網兒。怎麼做神仙。我靴桶裏取出丹筆來。走筆贈了他一首詩。念與師父聽。我說父親古怪。磕破腦袋。釘了鐵搭。委實無賽。師父。這世間人怎麼脩行。甚麼嬰兒姪女。黃婆黑婆。白婆。都是些胡姑姑假姨姨。你說一遍。徒弟試聽者。〔正末云〕凡世之人。要脩行仙道呵。〔唱〕

〔滾繡毬〕但則要辦功夫。將智慧開。煉三黃結聖胎。見嬰兒。猛然驚怪。須臾間。飛過靈臺。道黃庭內院懷。勒陽關將龍虎排。霎時間打成一塊。定浮沉煅煉三災。則在那三華娶頂泥丸路。更和那五氣朝元遶玉階。〔道童云〕脩到這等。可至那裡也。〔正末唱〕飛下這十二瑤臺。〔道童云〕我倒不知我師父會唱。敢是問漢鍾離姑娘學的。

〔正末云〕貧道來到這廬山之中。慧眼遙觀見李雲卿。今日正在此處採藥。我試尋見他。着幾句言語點示他。看此人知道麼。〔見科〕〔正末云〕稽首。〔李雲卿云〕稽首。〔道童云〕唱喏了。〔香童云〕老大兒。小道在下區區打腿哩。〔道童云〕學生不敢。〔李雲卿云〕這箇老先生。道貌非俗。我試問他這路逕者。老仙長。小道信步採藥。迷蹤失路。老仙長肯指與我這道路麼。〔正末笑科〕〔云〕李雲卿。你失迷道路。來問我。我正要與迷人指路哩。〔笑科〕〔李雲卿云〕這先生奇怪也。可怎生知我的名姓。我再問他者。老仙長。這山中是我的熟境。不知怎生迷了道路。先生初來。可怎

生就得知此道路也。〔正末云〕貧道知道久矣。爭奈你可不知道哩。你若要知道呵。你順着這正道兒行將去。〔香童云〕師父。今後採藥。騎箇驢子來罷。走的大腿生疼。你又和這老先兒歪纏。家去的遲了。不着師父娘罵。〔道童云〕保護。走將箇狼來。一口咬了去。倒乾淨。〔李雲卿云〕這仙長着我順着這正道兒行將去。我再問他者。仙長。我若尋着道兒呵。便知去路也。〔正末唱〕

〔倘秀才〕你若是知道呵。你可也身無罣礙。你若是便悟道呵。〔笑科〕〔唱〕則你那心神快哉。則要你保守元陽莫放懷。〔李雲卿云〕這仙長眉疎目秀。體健身輕。衣衫異樣。出語非俗。莫不是箇好人麼。〔香童云〕甚麼好人。那箇好人。領着這油嘴走。定是儉香爐的。師父休信他。〔道童云〕我兒是油嘴。你跟着這脚梢皮先生。則好師姑庵裏送箇兒罷了。你正是油嘴。〔李雲卿云〕這仙長必是箇大羅神仙。非世之有也。老仙長。想開闢以來。清者爲天。濁者爲地。天有九重之霄。得道者非易非難。這世間脩行的。有能冲舉於九霄之上麼。〔正末唱〕便好道青霄須有路。則您這塵世豈無才。〔李雲卿云〕我若依着仙長修呵。如何。〔正末云〕你若依的我的言語呵。〔正末唱〕我和你指白雲去來。〔李雲卿云〕稽首。小道有緣也。幸遇仙師。敢問師父。小道愚眉肉眼。濁骨凡胎。不知玄妙之術。豈曉長生之法。望師父開大道之門。垂訓先天之理者。〔正末云〕李雲卿。因爲你積功累行。堅意脩持。貧道特來。度你爲大羅神仙也。〔笑科〕〔李雲卿拜科〕〔云〕

幸遇仙師垂顧。小道有何功能。實乃三生有幸也。弟子想凡世脩道之人。多有吞霞嚙日。啖柏餐松。燒鉛煉汞。取日月之精華。煉乾坤之秀氣。亦聞內丹之功。起於一而成於九。一者萬物之所生也。天一生水。地二生火。天三生木。地四生金。天五生土。五行之序。起於一。故內丹之功。亦起於一。轉而成於九者。弟子詳意。未盡其善。幸遇仙師。請垂清談。弟子試聽者。〔正末云〕李雲卿。凡爲仙者。要服食大丹。方能冲舉。夫大丹者。有三品。分爲九品。其數甚多。惟有上品金液大還丹者。先要混沌九鼎。辨明真假。藥餌斤兩。時候老嫩。須要明師口口相傳。方可脩煉。詩曰。金丹上品不尋常。脩煉須尋福德方。混沌未分形似卵。上清下濁體純陽。若還九轉無飛走。立點衰殘返少強。一粒金丹吞入腹。仙都紫府有名揚。〔李雲卿云〕謝了師父垂訓。弟子又聞學道者曰。精乃神之本。氣乃神之主。形者神之宅。故神太用則歇。精太用則竭。氣太勞則絕。是以人之生者神也。形之耗者氣也。若氣衰則形耗。而欲長生者。弟子未之聞也。初學脩道燒丹之人。不悉元神。未曉鉛汞之妙理。望師父試說一遍者。〔正末唱〕

〔迎仙客〕常將他這玉戶關。須要將這八門開。但則要運功夫。將坎離來顛倒栽。駕河車牛旋買。敢可便搬運入宮來。收斂在三田外。〔香童云〕仙師在上。小道香童。不是斗膽說。騙我老子驢嘴。世間人。多有點茅燒丹的人。萬中選一。專一弄虛頭爲生。小道幼

年道法清高。與人點茅燒丹。有詩爲證。點茅燒藥最爲奇。換了官銀不是癡。扳倒鼎爐烹殺火。走了水銀盪了皮。〔道童云〕老大兒高才。小道區區也有一首詩。回奉老大兒。九轉金丹非等閑。世間能煉得昇仙。區區小道頗通曉。凡人請我下瑤天。推買藥材誑了鈔。姑姑庵裏賭了錢。丹也不成弄下礮。喫人搗了七八拳。道錄司裏拏了去。着我跪着頂城輒。壓了小道一身汗。恰似箇拖泥帶水癩頭龜。〔香童云〕老大兒高才高才。妙妙妙。〔道童云〕學生不敢。〔正末唱〕

〔紅繡鞋〕俺可使坐臥處陽昇陰降。一竅開九竅齊開。〔李雲卿云〕弟子聞舌下有四竅。兩竅通心。兩竅通液。又聞百脈通流。萬竅弛張。小道未盡其善。九還七返者。可得聞乎。〔正末唱〕則他這九還七返定三才。呼吸間歸妙理。調真息透靈胎。單則要治精華歸大海。〔李雲卿云〕弟子性魯心愚。隱於山野之間。專心慕道。誦經於石室之內。採藥於山嶺之前。迷失

道路。感蒙師父傳授大丹之訣。脩真之理也。〔正末云〕貧道見爾神氣皆全。心性洞鑒。又況積行多年。當可引度也。〔李雲卿云〕弟子再問師父。丹有九轉。法有三乘。可傳授與弟子者。〔香童云〕我說師父問這老仙長。怎麼金丹九轉者。一了是箇曲兒。我唱與你聽也不唱。韓元帥偷營劫寨。吓。這箇可是九轉貨郎兒了。這三乘可不打緊。我師父娘與了我一錠白銀。重十兩二錢七分半。着我買辦些東西做滿月。我落了七兩。撿上七兩海殼銅。傾了箇燒鑒兒。此乃是三乘也。何必問

老仙長。〔道童云〕謫弟子孩兒。〔李雲卿云〕您二人靠後。師父點示與弟子三乘之理者。〔正末云〕夫脩丹者。法有三乘。抱元守一爲上乘。富國安民爲中乘。〔香童云〕中城敢是兵馬官。〔道童云〕不是中城。定是鄆御史。〔李雲卿云〕您二人休胡說。〔正末云〕強兵戰勝爲下乘。〔香童云〕水夫旱夫。送柴米魚肉至館驛。此乃是下程也。〔道童云〕謫老子養的。〔正末云〕自上中下依次而行。養其氣。固其精。積其神。要形氣不動。精神不搖。靈光湛然。形神俱妙。與道合真。超凡入聖。此爲成其仙道矣。詩曰。金丹一粒定長生。飛下青霄不返程。九轉丹砂爲聖體。特來引度世間人。〔李雲卿云〕謝了師父。〔做拜科云〕再問師父。脩煉者惜氣存神。參玄悟道。採取藥餌。出何經典。怎生脩行也。〔正末唱〕

〔鮑老兒〕則要你煉元神觀自在。養胎息笑顏開。三田氣滿透胸懷。產至寶功勞大。萬語千言句句該。都出在道德陰符外。撥動天關潤九垓。採藥在乾坤外。我去那白雲堆裏。長生不老。盡都是累劫修來。〔李雲卿云〕師父。弟子性魯心愚。已蒙師父指示。心內好清涼也。〔正末云〕李雲卿。則爲你功行將滿。貧道奉上仙法旨。度你成仙。我教你服食大藥。永遠長生不老也。〔唱〕

〔耍孩兒〕則爲你求玄慕道真心愛。多曾看經書註解。〔李雲卿云〕弟子幼習儒書。

曉五常三綱之理。後開大道。隱於此山。二十年光景也。〔正末唱〕你可便忽然心地悟明開。我和你笑吟吟同上蓬萊。果然有路通霄漢。你可便任意縱橫到處該。也是我還盡了冤家債。則要你萬緣齊斷。不染塵埃。〔李雲卿云〕師父脩養之術。再有何指示也。

〔正末唱〕

〔三煞〕你與我靜中默默行。點刀圭。分皂白。靈臺無物權寧耐。你今日脫離生死修行路。倒把枯松日夜栽。〔李雲卿云〕弟子謹依師父法旨。若功行將滿呵。與師父到何處也。〔正末唱〕你可便權把時光待。咫尺間功成行滿。我和你同步上天台。〔李雲卿云〕師父若大丹一成。功行必滿也。〔正末云〕李雲卿。你煉此大丹。九還七返。服食之後。成在

一時。李雲卿。貧道與你這九金丹。你服食了者。你近前來。〔做打耳暗科〕〔云〕是這般恁的。〔李雲卿拜科〕〔云〕稽首。弟子省也。〔正末云〕既然你得悟了呵。〔唱〕

〔二煞〕我和你跨青鸞飛上天。駕白鶴特地來。飛昇變化登仙界。但得那刀圭入口精神爽。更和那玉液吞食換聖胎。又添一箇蓬萊客。〔李雲卿云〕師父。弟子得延年益壽麼。〔正末唱〕我教你長生不老。到大幽哉。〔李雲卿云〕弟子今日授了師父法旨。

服食了大丹。覺身輕體健。比往日不同也。〔正末云〕李雲卿。你今日一悟。三千行滿。八百功成。已

服大丹。抽胎換骨了也。李雲卿。你可棄卻塵緣。啗一同見上仙去來。〔李雲卿云〕弟子棄卻塵緣。心無罣礙。則是道行淺薄也。〔正末唱〕

〔尾聲〕則爲你有道行。有道行無罣礙。無罣礙你今日還滿了紅塵債。〔正末云〕李雲卿。跟的貧道做神仙去來。〔笑科〕〔李雲卿云〕弟子理會的。〔正末唱〕我引度了你跳出迷魂是非海。〔下〕〔李雲卿云〕誰想師父今日度脫我朝元去也。幸遇吾師講道玄。功成行滿去

朝元。我足躡彩雲昇紫府。衝霄同步大羅天。〔下〕〔香童云〕我這師父。真做了腦袋了。把塵緣棄了。跟的那先生去了。假似師父娘問我要人。可怎麼了。我也做不成神仙。串光祿寺。抹油嘴去也。師父今蒙大道傳。騰雲衝舉上青天。我也不得神仙做。則好鋪排歪廝纏。〔下〕〔道童云〕我倒笑了。我師父沒天理。度脫了李雲卿。足躡彩雲。白日飛昇去了。他也不顧我。我又不曾騰雲。看着這天。怎麼上的去。肚子裏氣出。我箇曲兒來了。〔唱〕

〔清江引〕二仙駕雲昇玉霄。香童也不見了。丟我獨自箇。何處安身好。少不的做花子抄化到老。〔下〕

第四折

〔東華仙領仙童執幢幡上〕〔云〕天性人心理一同。機關動靜道相通。乾坤上下君臣合。萬國民

安樂歲豐。貧道乃東華大仙是也。因爲下方廬山。有一善人。乃是李雲卿。專心慕道。廣積陰功。有神仙之分。吾令紫陽真人。下方引度此人去了。仙童與我請將洞府羣仙來者。〔仙童云〕理會的。洞府羣仙有請。〔混元真人上〕〔云〕紅雲紫霧金光射。寶殿珠樓玉戶開。貧道乃混元真人是也。自與羣真東華紫府講談大道。見一道青氣。冲於碧霄之上。東華大仙。令張紫陽下方引度此人去了。今日東華大仙。令仙童來請。須索走一遭去。可早來到也。仙童報復去。道混元真人來了也。〔仙童云〕理會的。〔做報科〕〔云〕報的上仙得知。有混元真人來了也。〔東華仙云〕道有請。〔仙童云〕理會的。有請。〔見科〕〔混元真人云〕上仙。今日會俺羣真。有何談講也。〔東華仙云〕真人。今日乃李雲卿行滿功成之日。冲霄得道之時。請羣仙在此紫府之中。等待紫陽真人。接引李雲卿冲霄。仙童覲者。衆仙來時。報復我知道。〔仙童云〕理會的。〔廣成子上〕〔云〕金液煉形神火煅。通身毫孔放光明。貧道乃廣成子是也。今日乃張紫陽同李雲卿冲舉之日。貧道正在洞府。點檢仙家寶籙。有仙童來請紫府宮中羣仙聚會。可早來到也。不必報復。自己過去。〔做見科〕〔云〕上仙。貧道來了也。〔東華仙云〕二仙等衆仙來時。宴賞太平之世。衆仙敢待來也。〔張果老上〕〔云〕丹成白與天長久。足躡青雲上太虛。貧道張果老是也。正在洞府之中。與仙人着棋。仙童來請。東華大仙在紫府之中。會俺羣真。迎引李雲卿冲昇。可早來到也。不必報復。自己過去。〔做見科〕

〔云〕衆仙稽首。貧道來了也。〔東華仙云〕上仙少待。還有幾位仙長未來哩。〔劉海蟾上〕〔云〕會得陰陽顛倒用。回童返老壽齊天。貧道乃劉海蟾是也。正在洞府。與衆仙講道談玄。遊山翫水。忽有仙童來報。有東華大仙呼喚。須索走一遭去。可早來到也。不必報復。我自過去。〔做見科〕〔云〕上仙。小道來了也。〔東華仙云〕衆仙來了也。張紫陽真人敢待來也。〔淨扮總虛子上〕〔云〕小道爲仙數十秋。道德真言任我謔。煉藥燒丹全不濟。談玄坐鉢弄虛頭。書符呪水無靈驗。伴着神仙則抹油。蟠桃顆顆成熟後。我揀着大的則情偷。小道乃總虛子是也。自前者在玄元玉府。與羣仙講道之後。衆仙都不然我。小道委的道行淺短。名分低微。書符呪水。全無作用。步斗踏罡。專一胡躡。法衣法劍。常當在酒肆之中。經卷令牌。折准在師姑菴內。不能跨鳳去朝元。騎着鴟梟胡飛走。滴溜聘胖掉下來。跌破腦袋敦了口。搶了臉皮磕了唇。撞了臂膊歪了手。惱了小道把鴟梟宰了。煎來下了酒。列位羣仙騎白鹿。偏我小道騎細狗。今有東華大仙。請羣真宴會於紫府。他也還不來請。我如今撞席。跑他一遭。〔見科〕〔云〕上仙稽首。衆位老先兒稽首。小道總虛子來了也。有仙殺仙饌擎出來。有甚麼仙桃秋桃。圓桃核桃。擎出來。我囑他幾箇。〔東華仙云〕總虛子。你雖有半仙之分。則是箇無道之子。你看那祥雲起處。紫陽真人。敢待來也。〔正末扮紫陽領李雲卿上〕〔云〕貧道張紫陽是也。度脫了李雲卿也。今日冲舉之時。來到這紫霄之上。李雲卿。你看這洞天。

福地。比塵世何如也。〔李雲卿云〕師父。這境界不知是何處。仙音仙樂浮空。飛鳳翔鸞對舞。瑞雲
霧。彩霧氤氳。陣陣香風撲面。輝輝金殿凝眸。小道脩行了二十餘載。誰想今日到此洞天。是好
景致也呵。〔正末唱〕

〔雙調新水令〕你在这道門中整窮究了二十年。〔李雲卿云〕小道今日。方纔參透了
大道之源也。〔正末唱〕你道是纔參透祖師機變。定浮沉歸妙理。進坤火煉丹田。牢
拴住這意馬心猿。更不怕世俗纏。〔李雲卿云〕小道蒙師父傳授了煅煉陰陽。抽添火候。七
返九轉大丹之訣。已悟先天之理也。〔正末唱〕

〔駐馬聽〕則爲你調息綿綿。呼吸風雷有後天。將他這三宮升變。九還七返妙
中玄。駕河車搬運走如煙。化清風直到金公院。則爲你心意堅。則他這黃河浪
滾泥丸轉。〔云〕可早來到這紫府仙都也。仙童報復去。道有張紫陽。引度了李雲卿。冲昇於紫府
也。〔仙童云〕理會的。〔做報科〕〔云〕上仙。有張紫陽。引度了李雲卿來了也。〔東華仙云〕紫陽來
了也。着他過來。〔仙童云〕理會的。過去。〔見科〕〔正末云〕上仙稽首。衆位仙長稽首。貧道引度了
李雲卿。冲舉於紫府也。〔東華仙云〕此一番引度迷人。同歸大道。乃紫陽之功也。李雲卿在何處。
〔正末云〕李雲卿過來。參拜上仙。此一位仙祖。乃東華紫府少陽帝君。此一位仙祖。乃混元太極

開道真人。衆位乃洞府羣真。迎引你今日冲霄。你參拜羣仙者。〔李雲卿做拜科〕〔云〕小道今日仙凡共會。實乃三生有幸。萬劫一遇也。〔總虛子云〕免禮免禮。李雲卿。你今日做了神仙也。虧我舉荐你。我本要點化你到你家。我怕打攪你。改日和你喝三鍾罷。〔混元真人云〕張紫陽。世人脩行悟道者少。燒丹者多。你傳與李雲卿。是何玄妙也。〔正末云〕貧道傳與他。抽添火候。煅煉陰陽。所授者是服食金液大丹之道也。〔東華仙云〕李雲卿。你既授大丹之道。這道在何方。〔李雲卿云〕卽心是道也。〔東華仙云〕還丹九轉。成者何也。〔李雲卿云〕丹成九轉。造化完就。道果圓成。更積外行。三千外果。清靜圓滿。方可飛昇也。九轉逍遙道果全。三千功行已朝元。金書玉簡宣皇詔。今日箇脫卻樊籠上九天。〔廣成子云〕衆羣仙。李雲卿果然道行清高。上仙可將大道傳授此人者。〔東華仙云〕李雲卿聽者。大道無形。生育萬物。大道無情。運行日月。大道無名。長養萬物。吾不知其名。強名曰道。夫道者。有清有濁。有動有靜。天清地濁。天動地靜。男清女濁。男動女靜。降本流末而生萬物也。天地人同萬物生。一家一竅各含靈。就中多少玄和妙。悟者超凡入太清。〔總虛子云〕小道也要傳授些道法與他。爭奈有些肚裏疼。掙不的。改日一總傳與他罷。〔李雲卿云〕謝了上仙指教。弟子問人世生死恩害。此四者。望上仙垂訓者。〔混元真人云〕李雲卿。你聽者。生者死之根。死者生之本。恩生於害。害生於恩。生死恩害。此四者陰陽返復。有生有滅。有死

有生。有恩。卽害。有害。卽恩。此氣數使然也。凡世迷人。貪生致尤。心被物迷。卽造下死之根矣。若世人死心守分。絕利清源。卽得生之根矣。心生有欲死之根。心死無爲道自存。恩若妄施。招禍福。害窮仍復見於恩。〔李雲卿做拜科〕〔云〕弟子省悟了也。謝了仙師。〔正末云〕上仙乃立道之祖。傳法之宗。若人世之間。豈能得免大限也。〔唱〕

〔沉醉東風〕大限到來怎免。也不論富貴官員。〔李雲卿云〕仙師。小道論世人脩行者。未知大道之宗。功行難成。輪迴怎免也。〔正末唱〕今日到來日修。每日去頻發願。過今年捱到來年。擔閣了修行仙道遠。則這生死輪迴怎遣。〔東華仙云〕仙童擡上仙酒仙漿。仙殺仙饌。交梨火棗。千年碧藕。萬載冰桃。與羣真宴享昇平之世。慶賀李雲卿者。〔廣成子云〕上仙。今幸際昇平之日。羣真當以宴賞也。〔總虛子云〕今日慶賀李雲卿。爭奈我不曾帶人情來。大家都要盡情耍樂耍樂。〔仙童擡上仙酒仙桃仙藕火棗交梨上〕〔仙童云〕上仙。仙酒仙桃。都擺設的停當了也。〔混元真人云〕衆羣仙近前。仙童將酒來。東華帝君。此一杯酒。一願皇圖永固。二祈國泰民安。三祝萬年聖壽。上仙滿飲一杯。〔東華仙做飲酒科〕〔混元真人云〕幸際昇平四海寧。羣真宴會慶長生。千年碧藕玄霜降。萬載冰桃玉露凝。火棗交梨延壽算。瓊漿玉液祝遐齡。上仙滿進金杯酒。永祝皇圖日月明。〔動清樂科〕〔廣成子云〕將酒來。此一杯酒。幸際太平之世。一

願萬方寧靜。二祈君聖臣賢。三祝風調雨順。混元真人滿飲一杯也。〔混元真人做飲酒科〕〔廣成子云〕盛世瑤池講道玄。人間修煉出真仙。雲卿今日朝天府。共祝吾皇壽萬年。〔動清樂科〕〔東華仙云〕將酒來。洞府羣真都飲一杯者。〔衆仙做飲酒科〕〔總虛子云〕衆仙不許推辭。盡東家之情。拏碗來。我喝上幾碗。纔好行令耍子。〔張果老云〕上仙。俺舉目遙瞻。碧空之下。見帝輦紫氣濛濛。俺羣仙各有詩祝讚。詩曰。遠望皇都錦繡鄉。國朝人物盡忠良。廬山幸有神仙現。兆應民豐帝業昌。〔劉海蟾云〕五色祥光散碧天。今逢佳兆出神仙。宣揚妙道安天下。永祝仁君壽萬年。〔李雲卿云〕師傅小道悟玄微。棄卻塵緣上玉梯。同與羣真朝紫府。聖壽綿延天地齊。〔總虛子云〕住住住。如今可該小道哩。我的祝讚都是新鮮言語。金石之句。遠望金臺紫氣盈。巍巍一座帝王城。靈芝地產多祥瑞。甘雨天垂五穀增。三官廟宇如仙島。朝天宮殿賽蓬瀛。焚脩香火千年旺。永祝吾皇萬萬春。〔東華仙云〕李雲卿。你脩真行滿。服食大丹。身已朝元。吾着你名書紫府。職列丹臺。仙有九品。加你爲靈仙護國真人。永享萬萬載太平之世也。〔李雲卿做拜科〕〔二云〕小道焉敢居此仙位。謝了上仙也。〔廣成子云〕張紫陽。李雲卿虧你點化。今日朝元。凡世之人。豈能得服大丹也。〔正末云〕仙師。世人雖有學道者多矣。能得此服食大丹者少。此道豈是容易也。〔劉海蟾云〕紫陽真人。想開關以來。闡揚大道。多少談玄講妙之人。今日以餐霞嘯日。感世募緣。豈

知大道。真人試說一遍者。〔正末唱〕

〔殿前歡〕我這裡勸英賢。請君常看指玄篇。則他這無爲大道人都戀。但則要行滿功圓。〔李雲卿云〕小道深蒙師父指教。得昇仙位也。〔正末唱〕你今日跨黃鶴飛上天。方得入玄元殿。方稱了平生願。當日箇神仙度我。今日箇我度神仙。〔混元真人云〕今日東華上仙。加封李雲卿仙位。宴賞蟠桃。仙童再將酒來。衆羣真展江湖之量。可盡醉歸於蓬島。動一派仙音之樂。俺仙家之舞。共樂太平之年也。修道已成真。冲昇上碧空。一度蟠桃後。仙家不計春。〔總虛子同衆仙唱〕

〔出隊子〕每日在天台山內。看青山。觀綠水。修真煉性講玄機。採藥燒丹。運坎離。不老長生天地齊。

〔出隊子〕每日家清閑樂意。共仙人同着棋。仙桃仙酒宴瑤池。仙樂仙歌音韻美。永祝皇圖萬萬紀。〔正末云〕仙童。洞府中喚出四毛女來者。〔四毛女上〕〔云〕每日深山講道玄。悶來松下撫琴絃。爐中九轉丹成後。任我飛昇上九天。俺四人乃洞府長生毛女是也。正在仙苑着棋。有上仙呼喚。須索走一遭去。〔見科〕〔云〕上仙呼喚俺四毛女。有何事。〔正末云〕衆仙子來了也。羣仙進酒。衆仙子舞者唱者。慶賀李雲卿者。〔四毛女云〕理會的。〔四毛女做舞〕

科〔動樂〕〔東華仙云〕李雲卿。你聽俺這仙家音樂。宮調和諧。比您塵世之樂不同也。〔正末唱〕
〔沽美酒〕衆神仙將仙韻演。奏佳音滿金殿。一派歌聲間管絃。慶豐年樂然。喜
今朝會仙眷。〔混元真人云〕願祈聖主萬萬載帝業興隆。永祝洪福齊天。盛世神仙出現也。〔正
末唱〕

〔太平令〕保聖主遐齡康健。賀皇朝君聖臣賢。感應的眞仙出現。將至理虛無
修煉。今日箇自然壽延。保吾皇萬年。大一統江山清晏。〔東華仙云〕今日李雲卿身
登紫府。證果朝元。蟠桃宴罷也。衆羣仙您聽者。衆眞仙蓬萊聚會。見青氣上接空蒼。李雲卿廬山
脩煉。令紫陽速離仙鄉。傳授與金丹大道。講虛無塵世宣揚。頓悟了金闕玉鎖。運水火煅煉陰陽。
今日箇身歸紫府。永綿延地久天長。明聖主齊天之壽。列仙班洪福無疆。

題目 玄元殿羣仙講道

正名 李雲卿得悟昇眞

李雲卿穿關

頭折

東華仙

如意蓮花冠 鶴髦 牌子 玳瑁 三髭髯

執圭 仙童 秦巾 邊欄 道袍 緋兒

混元真人 如意冠 鶴髦 牌子 玳瑁 三髭髯 執圭

張果老

方巾 邊欄道袍 不老葉 緋兒 白髮 白髯 驢 扇

執袋 廣成子 秦巾 白髮陀頭 邊欄道袍 劉海

蟾蜍髮陀頭

皂補納 不老 正末張紫陽 全真冠 邊欄道袍 錦襖 不老葉 如意裙 葉 執袋 緋兒 三足蟾 喬兒 網裙 執袋 緋兒 行纏 布襪

八答鞋 三髭髯 櫻扇

第二折

總虛子

道冠 邊欄 道袍 緋兒

東華仙 仙童 混元真人 張果老 廣成子 劉海 蟾蜍 同 正末

張紫陽

同前

第三折

李雲卿

全真冠 邊欄道袍 執袋 緋兒 三髭髯

香童 雙髻鬚髮陀頭 邊欄道袍 緋兒 正末張紫陽 散巾 邊欄道袍 執袋 緋兒


三髻髻 道童 雙髻髻髮陀頭
櫻扇 邊欄道袍 緋兒

第四折

東華仙 仙童 執幢 混元真人 廣成子 張果老 同 劉海蟾 總虛子 正末 張紫陽

李雲卿 同 四毛女 花箍 襖兒 裙兒
前 布襪 鞋 花棚竹籃

萬曆四十三年乙卯建辰之月念有五日校內本清常



太乙仙夜斷桃符記

闕名

楔子

〔冲末扮孤同夫人舍人六兒上〕〔孤云〕白髮刁騷兩鬢侵。老來灰盡少年心。等閑贏得食天祿。但願身安抵萬金。老夫姓閻名義字有信。洛陽人氏。官拜府尹之職。嫡親的三口兒。夫人李氏。孩兒閻英字友敬。年長二十歲。未曾娶妻。多有人家來說親。都合不着孩兒意思。今日是寒食一百五。家上墳祭祖。着閻英和六兒去上墳走一遭。怕有那官員財主人家小姐出來踏青賞玩的。孩兒見了心順呵。回來家中。對我說知。便使官媒問親去。六兒。跟你小哥去。小心在意。早早來家。〔六兒云〕理會的。〔舍人云〕則今日領着六兒。郊外上墳罷。踏青去。走一遭去。〔下〕〔孤云〕孩兒去了也。我且回後堂去來。〔下〕〔正旦扮門東娘上〕〔云〕妾身姓門。小字東娘。洛陽人氏。今日寒食一百五。上墳去來。喫了幾鍾兒酒。俺姑姑罵我一世無丈夫。孤生獨死。我那裡受的他這氣。我去那桃花樹上尋箇自盡身亡。倒是伶俐。〔做自經科〕〔舍人同六兒上〕〔云〕六兒。來到城外。見了桃紅柳綠。是好景致也呵。兀那桃樹下。一箇美貌佳人尋自盡哩。不免向前救他一救。〔做叫科〕〔云〕住住。小娘子誰氏之子。這等青春年少。有甚麼銜冤負屈。輕生就死。〔正旦云〕妾身是

門家莊人氏。門大戶之女。小字東娘。年長二十歲。未曾許聘他人。上墳去來。喫了幾鍾兒酒。俺姑姑罵我一世無丈夫。孤生獨死。我受不的氣。因此上尋箇死處。倒是伶俐。〔舍人云〕看了這女子。有沉魚落鴈之容。閉月羞花之貌。我若得他做了渾家。可不是好。〔做問科〕〔云〕小娘子。我是在城閭府尹之子。閻英舍人。年長二十歲。未曾娶妻。小娘子肯許這門親事。我到家中。對父親說了。使官媒來問親。你意下如何。〔正旦云〕我許了你親事。你可不來娶我。不着人笑話。你說箇誓着。〔舍人云〕我若不娶你。速死了我。〔正旦云〕死了你。那裡發付我。〔舍人云〕我來娶你。你不肯嫁我。可怎了。〔正旦云〕我隨燈滅。〔舍人云〕有准者。〔正旦云〕並無虛言。〔唱〕

〔賞花時〕他罵我寡宿孤辰緣分該。可着我感嘆傷懷。淚滿腮。我待要割捨了少形骸。若不是官人到來。誰搭救這女裙釵。

〔么〕多謝恩人休笑怪。嚙兩箇說下盟山和誓海。你心內莫疑猜。休怠慢。一年半載。到明朝絕早的可便問親來。〔下〕〔舍人云〕六兒。你纔見這女子好麼。〔六兒云〕十分

佳麗。正好配大官人。〔舍人云〕誰想今日遇着這女子。回家與父母說知。便着媒人來問親。〔下〕

〔孤同夫人張千上〕〔云〕六兒跟舍人上墳去了。這早晚還不見回來。〔舍人引六兒上〕〔云〕事不關心。關心者亂。小生閻英是也。自從見了那小娘子。不由我不關心。回到家門首無人。我自過

去〔做見科〕〔云〕父親母親。您孩兒回來了也。〔孤云〕孩兒。可曾見甚麼人來。〔舍人云〕父親。您孩兒見了一箇女子。在桃花樹上尋死。我救了他。〔孤云〕是誰家女子。〔舍人云〕他說是門家莊門太公之女。小字東娘。年長二十歲。未曾許聘他人。要嫁您孩兒哩。〔孤云〕你兩箇喫飯去。〔舍人六兒下〕〔孤云〕張千。與我喚將官媒婆來。〔張千云〕理會的。〔做叫科〕李三婆在家麼。〔媒婆上〕〔云〕老身李三婆是也。做着箇官媒人。這兩日無事不出。門外誰人叫我。須索看者。〔張千云〕三婆。府尹相公呼喚哩。〔三婆云〕相公呼喚。我便去。〔張千報住〕〔見科〕〔三婆云〕相公呼婆子。那廂使用。〔孤云〕門家莊門太公之女。小字東娘。年二十歲。許了我孩兒親事。你去說親一遭。若肯了時。早來回話。〔三婆云〕相公鈞旨說親。走一遭去。〔下〕〔孤云〕媒婆去了也。且回後堂去來。〔下〕

第一折

〔媒婆上〕〔云〕府尹相公着我問親。走煞我也。城裏城外尋了三日光景。那裡得箇門太公來。須索回相公話去。〔下〕〔孤上〕〔云〕事有足詫。物有固然。我使媒婆去問親。兩三日不見來回話。〔三婆上〕〔云〕可早來到相公門首。無人報伏。我自過去。相公。走煞老婆子也。城裏城外尋遍了。並無門家莊門太公門東娘。〔孤云〕休着舍人知道。孩兒害病哩。你慢慢的打聽。你且回來。〔三

婆云。理會的。〔下〕〔孤云〕孩兒病哩。着六兒好生看覷。別無甚事。後堂中去來。〔下〕〔六兒扶舍人上〕〔云〕六兒扶的我臥房裏去。〔坐定〕〔云〕三十三天。離恨天最高。四百四病。則被相思。病害殺人也。〔六兒云〕門外好賤柴。〔舍人云〕要怎的。〔六兒云〕燒的這箇傻廝。〔舍人云〕自從那一日。見了門東娘。睡裏夢裏。茶裏飯裏。行裏坐裏。只是想那女子。父親使官媒問親去了。不見來回話。〔六兒云〕小哥哥。天色晚了。點上燈者。歇息則箇。〔正旦上〕〔云〕妾身門東娘是也。自從與舍人相別。却又早三四日光景。想他救我一命。須索報恩答意去。〔唱〕

〔仙呂點絳脣〕月暗無光。密雲遮障。和氣蕩。吹的這園內花香。晚景堪游賞。

〔混江龍〕池中波浪。岸邊廂沙。煖睡鴛鴦。驚飛幽鳥。蝶舞蜂狂。悄悄的不甫能離畫閣。暗暗的纔然得至蘭堂。朝憂念。莫思量。牽心意。掛情腸。則今宵成就了美姻緣。不强似靠朱扉倚定門兒望。這其間更闌人靜。銀燭輝煌。〔云〕可早來到也。開門來。開門來。〔六兒云〕是誰喚門哩。〔正旦云〕我是門東娘。〔六兒報云〕哥哥。門東娘來了也。〔舍人云〕着姐姐過來。〔六兒開門科〕〔正旦舉手招一招科〕〔六兒做不見科〕〔云〕門東娘姐姐。哥哥有請。怎生不見了。我猜着了。家裏使喚的臘梅。知道哥哥想門東娘。故意裝將來叫門。說是門東娘。到明日對老相公說了。將你這小姝子。〔做回身閉門入房科〕〔正旦隨跟入在六

兒背後立地科〔六兒云〕哥哥無有門東娘〔舍人云〕你靠前來〔做打六兒一掌科〕〔云〕你背後是誰〔六兒做回頭看科〕〔正旦又招一招科〕〔六兒云〕姐姐你在那裡來〔正旦云〕我闘原作逗趙校改趙校改你要來〔舍人云〕大姐請坐〔正旦云〕見你不來娶我。今日自來望你。不敢說謊。〔唱〕

〔油葫蘆〕賤妾特來親自訪。端的不是謊。報答你箇有恩有義俊才郎。我則待風風韻韻相和暢。今夜箇歡歡喜喜同鴛帳。則見這風又清。更那堪花又香。風花雪月遭磨障。可端的能有幾春光。〔舍人云〕六兒將酒來飲幾盃。啣歇息者。〔六兒云〕倒好了你也。〔正旦唱〕

〔天下樂〕可正是浮生夢一場。〔云〕六兒將酒來。〔唱〕我這裡親也波將。捧玉觴。拚今宵樂陶陶入醉鄉。〔舍人云〕我便是梁鴻。你便是孟光。〔正旦唱〕你比梁鴻志氣高。妾身可怎生如孟光。他兩箇至如今人讚揚。〔舍人云〕我着媒人去問親。百般尋不着你家。你在那裡住。〔正旦云〕我住處諸人都不見。〔唱〕

〔醉扶歸〕妾身不住在鳴珂巷。又不是賣笑的女紅妝。長立在門兒左右傍。我受了些日炙風吹蕩。既相見何須再講。不是我虛誑。我特來親自商量。〔云〕噤兩箇好似幾箇古人。〔舍人云〕似那幾箇古人。〔正旦唱〕

〔金盞兒〕你似那司馬般俊才郎。我便似蘇小小在錢塘。則爭不輕敲檀板高聲唱。你一箇多才宋玉得見楚巫娘。我待賣青春隨夫去。你似那韓壽般肯偷香。我便似桂英般知重你。你休似王魁般狠心腸。〔云〕我去也。〔舍人云〕你到晚夕早些來。〔正旦云〕我囑付你。你到晚夕焚起香來。我便來也。〔唱〕

〔賺煞〕我喜的是夜昏黃。惱的是天光亮。你可休眠思夢想。月下星前自主張。明來夜去隄防。怕陰陽須要遮藏。若泄漏天機惹罪殃。到晚呵。你可便先焚起夜香。則要你堅心等當。學那盼鶯鶯的張珙在西廂。〔下〕〔舍人云〕小娘子去了也。六兒關上書房門。我再睡些去。〔下〕

第二折

〔孤上〕〔云〕老夫閻有信是也。因孩兒閻英郊外見了那女子。來家與我說了。我着媒人到處問親。尋不着他家。因此孩兒染病。不知輕重如何。不見六兒來回話。〔六兒慌上〕〔云〕不好了。不好了。誰想門東娘是箇鬼魅。不敢隱諱。須索報與老相公去。〔做見科〕〔孤云〕六兒。你哥哥病勢如何。〔六兒云〕越發重了也。門東娘元來是鬼魅。逐夜來和俺哥哥在一處。〔孤云〕你怎麼知道便是鬼。〔六兒云〕他每夜二更來。又不打門裏進來。又拿不住他。〔孤云〕今夜晚間。老夫親自看去。

便見分曉。〔下〕〔舍人上〕〔云〕六兒扶的我臥房裏去。〔做行科〕〔云〕六兒將香來。焚上香。姐姐敢待來也。〔小旦扮門西娘上〕〔云〕妾身門西娘是也。年長一十八歲。未曾許聘他人。俺門東娘姐姐。則待要嫁閻英舍人。我想來。他嫁的。我也嫁的。我喫了幾鍾兒酒。今晚無甚事。我去望閻英舍人。走一遭去。〔唱〕

〔正宮端正好〕則我這綉鞋弓。湘裙罩。我這裡施旖旎。顯出妖嬈。又被這晚風吹的殘紅落。引惹的情人笑。

〔滾繡球〕我這裡慢慢將衣袂揀。可察察脚步兒蹣。則俺這偷期的有許多軀老。我則索悄感感曲脊低腰。急煎煎心內焦。熱烘烘面上燒。〔云〕我猜着了。〔唱〕是俺那門東娘姐姐。咭約。他敢用心兒將俺偷瞧。這其間更深。纔得人寂靜。半夜雲籠北斗杓。可又早月上花梢。〔云〕早來到也。舍人房裏點着燈哩。〔唱〕

〔倘秀才〕我則見光燦燦將銀燈來點着。我着這玉纖手門兒上款敲。多管是情人熟睡着。〔云〕開門來。〔六兒怒云〕半夜三更。是誰大驚小怪的。不開門。不開門。〔小旦唱〕你便可休煩惱。莫心焦。六兒我是你二嫂。〔六兒云〕你這箇喬親眷誰。〔小旦云〕我是門西娘。〔六兒云〕小哥。又是一箇門西娘來了。〔舍人云〕休管西娘東娘。開開門。着他進來。〔六兒云〕

倒好了你也。〔做開門科〕〔小旦拜六兒云〕生受你開門。〔六兒云〕倒有禮數。〔小旦見舍人拜〕

〔云〕萬福。姐夫。〔舍人云〕這一箇生的又好。〔小旦唱〕

〔滾繡毬〕小姨兒來的錯。〔舍人云〕來的是。〔小旦唱〕這西娘不是了。〔舍人云〕你無有不是。〔小旦唱〕他端的亂下風雹。俺姐姐情性惡。我伏低且做小。他來呵。敢大呼小叫。他可敢無好氣熱鬧。鑊鐸由他道。瓜多子少尋爭競。你着我數短論長。不定教怎肯耽饒。〔正旦上〕〔云〕妾身門東娘。喫了幾鍾兒酒。在那花陰下睡着了。猛省來。說了我一驚了。望舍人去也。〔唱〕

〔偷秀才〕我可便醉醺醺在花陰下睡着。我則見昏昏慘慘雲迷霧繞。這其間初更過方纔二更敲。〔云〕來到這窗外聽者。兀的不是門西娘。那妮子說話哩。〔唱〕我這裡聽言罷。忍不住怒難消。險些兒將我來氣倒。〔云〕六兒開門來。〔六兒云〕這是門東娘來了。我開開門。着他兩箇屏兒鬧。〔正旦做見科〕〔云〕這妮子你怎敢來這裡來。〔小旦云〕你來的。我也來的。〔正旦云〕你這妮子不識羞。等我詰調你哩。〔唱〕

〔賽鴻秋〕你逐朝則把門兒靠。〔小旦唱〕你每日守定簾兒笑。〔正旦唱〕你到那五更頭專等人來叫。〔小旦唱〕你到那晚時節只怕邪魔到。〔正旦唱〕你常是有人敲。

〔小旦唱〕你早晚着人抱。〔正旦小旦雙唱〕啗兩箇尋思來枉作千年調。〔正旦云〕俺兩箇你要那箇。〔舍人云〕你兩箇我都要。〔六兒云〕也與我一箇。〔正旦云〕俺姊妹二人一箇做大一箇做小。六兒將酒來。我把一鍾兒。〔唱〕

〔倘秀才〕我把盞啗一齊跪着。〔小旦唱〕你做大妹子做小。〔正旦云〕妹子。啗兩箇嫁了舍人呵。〔唱〕可正是人件賢良智轉高。〔小旦唱〕這其間殘月落晚風飄。〔雙唱〕俺怕的鷄兒報曉。〔六兒云〕他三箇睡着了。我去叫老相公來看。〔做叫孤上〕〔六兒云〕一箇是門東娘。一箇是門西娘。正在房裏。〔孤云〕我隔窗試看者。〔二旦雙唱〕

〔脫布衫〕窗兒外似有人瞧。謊的我心兒裏怯怯喬喬。俺這裡顛兢兢伏低做小。〔孤怒喝云〕鬼頭出來。〔二旦雙唱〕他惡狠狠大呼小叫。

〔小梁州〕俺兩箇恨不的駕霧騰雲上九霄。難走難逃。他走將來驚散鳳鸞交。又不是真奸盜。大古裏犯法與違條。

〔么〕啗兩箇顯妖邪。索使些花胡哨。他那裡氣昂昂仗劍提刀。〔云〕疾。〔風起科〕

〔孤怕云〕風好大也。誑殺我也。走走。〔六兒扶送孤下〕〔二旦云〕他去了也。〔唱〕淨悄悄無消耗。哎。你箇老相公休鬧。急切裡跌勾有數十脚。〔二旦云〕俺且回去。明日來哩。〔舍人云〕早

晚夕是必早些兒來。〔六兒云〕要他來做甚麼。〔二旦唱〕

〔尾聲〕俺怕的是五更鐘響頭雞叫。喜的是半夜三更人靜悄。出蘭堂盡閣下。塔基登澀道。踏蒼苔。步芳草。啗兩箇手相攜。臂相挽。肩厮挨。體厮靠。則見那朗朗明星漸漸高。啗兩箇又索去靠戶挨門。〔正旦云〕妹子也。〔小旦云〕去也波姐姐。〔雙唱〕立到曉。〔並下〕〔舍人云〕六兒關上房門再睡一覺。〔下〕

第三折

〔孤引六兒上〕〔云〕天有不測風雲。人有旦夕禍福。自前夜撞見那業畜。那孩兒闖英房內。喫了一驚。心中好不自在。孩兒的病又不得痊可。似這般可怎了也。〔六兒云〕南門外李捉鬼。請他來看一看。〔孤云〕他也不濟事。你門首看着。有甚麼人來。〔外扮先生引道童上〕〔云〕瑤池宴上聚羣仙。親獻蟠桃玉女傳。閑看蓬萊方外景。不知塵世幾千年。貧道乃太乙仙是也。今還信州去。路打洛陽府過。府尹閣有信。與貧道有一面之交。就探望府尹相公一遭。來到這門首。〔做點頭科〕〔云〕呀。府尹宅上妖氣太重。必有病人。我知道了。道童。你看門裏有人。叫來問他。〔做見六兒科〕〔云〕你報知相公。說貧道來拜謁。〔六兒云〕老師父等等。我說去。〔做報云〕報的相公得知。外面有箇師父來拜訪。〔孤迎科〕〔云〕有請有請。師父貴脚來踏賤地。〔先生云〕貧道因回家路便。特

來拜候。有句話對相公說。老相公莫怪。〔孤云〕師父有話便說。〔先生云〕貧道纔至門首。見宅上妖氣纏擾太重。宅中必有染病之人。〔孤云〕不瞞師父說。小兒閻英。近被邪祟相纏。臥病不起。〔先生云〕今日與你斷除了這兩箇妖怪。我與你這三道符。頭一道燒灰。或酒裏茶裏飯裏帶上。着舍人喫了。他不由的盤問。那妖怪自然害怕。第二道符。撚成紙燈照。那兩箇妖怪就見本相。第三道符。燈火上燒了。我着神將鬼力來拿他。我與你斷除了這兩箇妖怪。〔孤云〕多謝了師父。〔先生云〕魁魍魎魑魍魎。斬盡邪魔去盡妖。水火盜賊生死滅。官災患難一齊消。〔下〕〔孤云〕仙長去了也。六兒幫扶着我。噤今夜照那妖精去來。〔下〕〔舍人上〕〔云〕哎喲。〔六兒打腰科〕〔云〕莫不又扶你臥房裏去。〔舍人打六兒云〕這厮攙了我的。〔六兒云〕攙了直甚麼。還有別事哩。〔舍人云〕焚起香來。兩箇姐姐敢待來也。〔二旦同上〕〔云〕夜來舍人受氣。今夜噤兩箇將着果菜。與他壓驚去。噤是精怪。他是陽人。怎做的夫妻。噤則是纏他哩。須索小心在意。休顯出破綻來。〔二旦雙唱〕

〔越調鬪鶴鶉〕噤則是暮雨朝雲。星前月底。夜去明來。怎能殼如魚似水。他雖是竊玉偷香。輕憐痛惜。端的是情重歡意更喜。這其間斗轉星移。風寒露滴。〔正旦云〕這園中好景致也。〔小旦云〕是幾般好景致。〔雙唱〕

〔紫花兒序〕更闌人靜。月朗風清。鳥宿禽棲。花攢着桃柳。竹繞定松梅。其實堪寫入丹青圖畫裏。看了園中景致。不強如三島十洲。更強如閬苑瑤池。〔二旦叫云〕六兒開門來。〔六兒云〕正要你來哩。〔做開門科〕〔二旦見科〕〔云〕舍人昨日驚謊。將酒來與舍人把一鍾兒。〔六兒將符燒灰云〕小哥。我替你遞一鍾。着上些香藥。〔舍人云〕最妙最妙。〔二旦云〕舍人。嚙。三人今夜痛飲一番。〔雙唱〕

〔小桃紅〕嚙。三箇美滿好夫妻。今夜箇特赴鴛鴦會。拚了陶陶樂沉醉。俺這裡捧金盃。先須一盞知滋味。東娘下禮。西娘膝跪。你看那花影坐間移。〔舍人飲科〕

〔云〕你二人誰家女子。對我實說。〔二旦云〕一箇是門東娘。一箇是門西娘。〔舍人云〕您兩箇是倚門子的東西。您端的是人是鬼。〔二旦云〕舍人。你今夜怎生這般問俺。〔雙唱〕

〔金蕉葉〕你問俺其中就裏。聽說從頭至尾。俺倚着門神戶尉。〔舍人云〕你元來不是人。〔二旦唱〕他那裡問的俺腮紅面赤。

〔調笑令〕可教我半日話難回。有口無言說甚的。比昨宵眼腦待伶俐。模樣兒好是精細。他這般話兒不老實。是誰人泄漏天機。〔舍人云〕我醉了也。您兩箇那頭睡罷。〔舍人做睡科〕〔正旦云〕他心別了也。〔雙唱〕

〔鬼三台〕他那裡佯推醉。和衣睡。你可休瞞心昧己。莫不是有人來把他醫治。俺怕的是書符呪水。〔云〕既然他那頭睡了。〔唱〕嚙兩箇歡歡喜喜飲數盃。安安穩穩錦帳底。直睡到月落烏啼。俺不道的鸞孤鳳隻。〔正旦云〕嚙兩箇也睡罷。〔六兒叫

孤上〕〔云〕老相公。那兩箇妖怪都睡了。〔孤云〕我點這第二道符照他。你去燒第三道符。〔孤照出本相科〕〔六兒燒符科〕〔力士四人上〕〔拿二旦趕走科〕〔云〕可怎了也。〔唱〕

〔尾聲〕則今日犯下迷天罪。俺兩箇小鬼兒無處躲避。長命富貴我親當。宜入新年便是你。〔鬼力趕旦下〕〔六兒云〕妖精走了也。〔孤云〕既走了。明日再理會。〔下〕〔舍人醒科〕〔云〕六兒。您攪亂甚麼。他兩箇那去了。〔六兒云〕走了。〔舍人云〕你扶我後堂中去。〔六兒云〕你走罷。扶甚麼。〔並下〕

第四折

〔孤同先生道童上〕〔先生云〕設壇焚香誓神將。登時都殄捉將來。今日晚間。貧道在宅上結壇。將家堂土地衆神。都驅至壇所。追問端的。〔孤云〕多謝師父。老夫重重相報。〔先生云〕相公請穩便。〔孤下〕〔先生云〕道童布壇。〔做設卓科〕〔先生云〕將香來。〔童云〕香在此。〔先生點香云〕這香一炷。發鼓三通。十方肅靜。萬神仰聽。恭聞道香德香無爲香。無爲清淨自然香。朝三界。香三界。

眞香滿瓊樓玉境。徧周天大羅法界。今以虔誠。普同供養。請上界元始天尊。三清四帝。五師六神。侍香金童。傳言玉女。南斗六星。北斗七星。東斗五星。西斗四星。十二宮辰。二十八宿星君。雷公電母。風伯雨師。雷霆大將。主行利兵。鄧辛張陶四大元帥。龐劉苟畢四大元帥。神霄雷符馬元帥。金輪如意趙元帥。神霄無拘溫元帥。馘魔上將關元帥。本壇攝令城隍土地等神。叩齒焚香。恭聞聖力非遙。遠望流光下注。先煩普濟。願立慈悲。劍斬鬼魔之首。月照長空之體。謹請三天烈力五岳神兵。衝符佩劍在雲間。跨鶴乘鸞於月下。排列道衆。唱演法音。今爲府尹閻義之子閻英。染病服藥雖瘳。香燭花果列壇前。發遣神兵於目下。又請天仙兵馬地仙元統軍江湖河海兵馬九江各一萬旗頭。來赴法壇。簇壇三陣。開天關。閉地戶。留人門。塞鬼路。穿鬼心。破鬼肚。吾奉太上老君急急如律令。（擊令牌云）一聲天清。二擊地寧。三擊五雷。卽現眞形。（舉筆云）天圓地方。六合九章。神筆到處。萬鬼潛藏。（書符云）天上麒麟子。頓斷黃金鎖。偷走下天來。人間收住我。紫微殿前丹霞繞。白玉塔前劍佩齊。十二童子傳詔罷。星冠雲冕一齊回。（仗劍云）老君賜吾驅邪劍。離火鍛成金百煉。出匣森森雪霜寒。入手輝輝星斗現。（呪水云）吾將此水非凡水。九龍吐出淨天地。太乙液池中千萬年。吾今將來淨妖氣。（仗劍呪水云）一呪如霜。二呪如雪。三呪之後。百邪消滅。太乙靈陽。紫氣星君。諸神洞府。齊下雲軒。吾今謹請東方青帝青神。衝符佩劍。入吾水中。謹請南方赤

帝赤神。銜符佩劍。入吾水中。謹請西方金帝金神。銜符佩劍。入吾水中。謹請北方黑帝黑神。銜符佩劍。入吾水中。謹請中央黃帝黃神。銜符佩劍。入吾水中。謹請年直月直日直時直當直功曹。執符神將。攪海大聖。翻江大聖。驅邪大聖。撒波大聖。吾今用爾壇前。仗劍等候。休錯吾一時一刻。吾奉太上老君急急如律令敕。直符安在。(直符上)(云)中和正直列英才。玉帝親臨聖敕差。休道空中無神道。霹靂雷聲那裡來。小聖乃直符使者是也。正在五雷部下聽令。上仙呼喚。不知有甚事。須索走一遭去。可早來到也。上仙呼喚小聖。有何法旨。(先生云)有勞當日神將。直日功曹。去那蘭堂之下。畫閣之前。勾將土地來者。(直符云)得令。土地安在。上仙呼喚。(土地上)(云)髮垂銀線。鬢如霜。不離畫閣與蘭堂。招財童子傍邊立。利市仙翁在兩廂。小聖土地是也。上仙呼喚。須索走一遭。可早來到也。(直符云)跟我過去。上仙。勾的土地來也。(土地云)上仙喚吾神。有何法旨。(先生云)土地。你知罪麼。(土地云)小聖不知罪。(先生云)你縱容邪魔外祟。纏攪良家子弟。勾至壇前。有何理說。(土地云)小聖是國家正神。受萬民香火。蒼顏皓首老形容。怎管凡夫小後生。(先生云)既在宅中爲土地。故教鬼害不安寧。你不知情。有誰知情。(土地云)竈神知情。(先生云)一壁有者。有勞當日神將。直日功曹。去那東廚之內。焱火之中。勾將竈神來者。(直符云)得令。竈神安在。上仙呼喚。(竈神上)(云)烈焱焚映斗牛。平生火性急難收。吾神所管東廚淨。

不知喚我甚因由。小聖竈神是也。上仙呼喚。須索走一遭去。可早來到也。〔直符云〕跟我過去。上仙勾將竈神來也。〔竈神云〕上仙呼喚吾神。有何法旨。〔先生云〕竈神你知罪麼。〔竈神云〕小聖不知罪。〔先生云〕你縱容邪魔外祟。纏攪良家子弟。勾至壇前。有何理說。〔竈神云〕我是國家正神。受萬民香火。善火廚中爲司命。福水鍋頭作竈神。〔先生云〕你不除自己死名字。猶誇削火不燒身。你不知情。有誰知情。〔竈神云〕井神知情。〔先生云〕一壁有者。有勞當日神將。直日功曹。去那磨磚砌就。班石穿口。勾將井神來者。〔直符云〕得令。井神安在。上仙呼喚。〔井神上云〕百緣園中受苦辛。澆成萬物永長新。若知小聖陰陽處。救苦扶貧是井神。小聖井神是也。上仙呼喚。須索走一遭去。可早來到也。〔直符云〕跟我過來。上仙勾的井神來也。〔井神云〕上仙呼喚小聖。有何法旨。〔先生云〕井神你知罪麼。〔井神云〕小聖不知罪。〔先生云〕你縱容邪魔外祟。纏攪良家子弟。勾至壇前。有何理說。〔井神云〕我是國家正神。受萬民之香火。造酒烹茶多有功。日增萬擔濟衆生。〔先生云〕你休誇上井甘泉盛。是水都歸大海中。你不知情。有誰知情。〔井神云〕門神知情。〔先生云〕一壁有者。有勞當日神將。直日功曹。去那碧瓦簷下。紅油柱邊。勾那門神來者。〔直符云〕得令。門神安在。上仙呼喚。〔門神上云〕直符傳喚兩三番。着我心中左右難。平生正直無私曲。也與邪魔一例看。小聖門神是也。上仙呼喚。須索走一遭去。可早來到也。〔直符云〕跟我

過去。上仙勾的門神來也。〔門神云〕上仙呼喚小聖。有何法旨。〔先生云〕門神你知罪麼。〔門神云〕小聖不知罪。〔先生云〕你縱容邪魔外祟。攪擾良家子弟。勾至壇前。有何理說。〔門神云〕我是國家正神。受萬民之香火。我時年每歲作門神。驚散邪魔外道魂。〔先生云〕則你那機關枉作千年調。方知口是禍之門。你不知情。有誰知情。〔門神云〕鍾馗知情。〔先生云〕一壁有者。有勞當日神將。直日功曹。去那後閣之前。前堂左右。勾那鍾馗來者。〔直符云〕得令。鍾馗安在。上仙呼喚。〔鍾馗上〕〔云〕上仙呼喚衆神祇。不知有甚是和非。我判斷陰司行公正。則我是心直口快老鍾馗。小聖鍾馗是也。上仙呼喚。須索走一遭。可早來到也。〔直符云〕跟我過去。上仙勾的鍾馗來也。〔鍾馗云〕呼喚小聖。有何法旨。〔先生云〕鍾馗你知罪麼。〔鍾馗云〕小聖不知罪。〔先生云〕你通同邪魔外祟。胡迷良家子弟。勾至壇前。有何理說。〔鍾馗云〕我是國家正神。受萬民之香火。面青髮赤有大才。一目藏睛一目開。驅邪改正除虛耗。曾入唐王夢裏來。〔先生云〕你既能除人間鬼魅。這件事都在你箇鍾馗身上。則問你要那兩箇鬼頭。〔鍾馗云〕上仙息怒。小聖不拘那裡拿來便了也。〔直符鍾馗拿二旦上〕〔云〕小鬼頭走動些。〔二旦云〕可怎了也呵。〔唱〕

〔雙調新水令〕成精作怪二桃符。今日箇敖惱的上仙發怒。昨夜箇照出俺醜相貌。顯出俺惡身軀。早知道呪水書符。他便有潘安俊。我也並不去。〔直符同鍾馗

押二旦見科〔云〕上仙。拿將兩箇鬼頭來也。〔先生云〕着衆神與他對證。〔竈神云〕小鬼頭。你怎生帶累吾神。〔二旦唱〕

〔喬牌兒〕哎。你箇竈神靈休忿怒。〔土地云〕怎生也有老夫。〔二旦唱〕老土地莫無慮。〔井神門神云〕千俺兩箇甚事。〔二旦唱〕井門神將俺相催促。〔鍾馗云〕怎生也連累小聖。〔二旦唱〕告鍾馗肯覷付。〔鍾馗云〕我怎生覷你。〔二旦唱〕

〔掛玉鉤〕看着啗舊歲新年一處居。你將俺來權遮護。〔云〕是你的不是。〔鍾馗云〕怎生是我的不是。〔二旦唱〕誰着你長閉長開不當住。從今後無門路。着俺便怎地說。難分訴。由你便左右關防。則是俺兩塊桃符。〔先生云〕將這兩箇妖精押發。先受十八層地獄之苦。後罰在陰山背後。永遠不得人身。〔二旦云〕怎了也呵。〔唱〕

〔沽美酒〕將俺這鬼魂兒歸地府。一靈兒入酆都。萬苦千辛何日足。忍不住嚔啣痛哭。撲簌簌汨如珠。


〔太平令〕怕的是明晃晃刀山劍樹。愁的是磔可可鋸解身軀。行善的明朗朗天堂有路。作惡的昏慘慘寒冰地獄。上仙的法度。着鬼卒將俺來送去。眼見的萬萬劫人身難做。〔先生云〕衆神靈壇前侍立。聽貧道分明子細。門東娘殍雨尤雲。纔攪定良家。

子弟門西娘暗約偷期。將俺這衆神瞞昧。二妖精罰往酆都。衆神靈各還本位。（二旦云）今日可怎了也。
（唱）

〔尾聲〕哭啼啼罰入酆都去。苦淹淹直上陰司路。則爲俺敗壞風俗。若到那萬丈陰山跳不出。（衆神押二旦先下）〔孤上〕〔云〕多謝師父勦除妖魅。救了小兒一命。請師父受齋了去。（先生云）不必齋了。貧道就此告別。
（下）〔孤云〕〔下闕〕

題目 門東娘心順成婚配 老相公驚散鴛鴦會
正名 狠鍾馗拿住二妖精 太乙仙夜斷桃符記

于小穀本錄校萬曆四十四年丙辰四月朔日校是日始雷電雨清
常書於眞如邸中



時真人四聖鎖白猿

闕名

楔子

〔冲末扮時真人領道童上〕〔云〕混沌初分不記年。每經滄海變桑田。蟠桃結果成熟後。不識塵寰幾變遷。貧道姓時名玄字道初。道號景陽子。曾參五祖七真之教。頗解天機造化。能窮生死存亡。貧道慧眼一觀。古杭城有一人。姓沈名璧字君玉。此人三輩兒奉道。平日恤孤念寡。敬老憐貧。齋僧奉道。爭奈此人是泛海之家。他利心太重。要泛海去。沈璧你去。爭奈此人有一年不死之難。他的渾家有妖氣所纏。我今日扮做一箇乞化先生。一來化齋。二來勸此人。走一遭去。指開海角天涯路。引的迷人大道行。〔下〕〔正末扮沈璧領旦兒僚兒淨與兒上〕〔正末云〕自家姓沈名璧字君玉。祖居是這古杭在城人氏。年二十五歲。渾家李氏。年二十歲。孩兒福童。年四歲。這箇是我家生的孩兒名興兒。俺積祖是泛海之家。頗有些資本。平日俺家恤孤念寡。敬老憐貧。人口順。都喚我做沈員外。我曾對天發願。每日家齋僧道。渾家也。我想來。俺積祖是泛海之家。我今日收拾些資本。我還泛海去也。選定今日是吉日良辰。我行李都收拾了也。渾家。你在家中看覷孩兒者。休忘了齋僧的念頭。我去也。〔真人薄檻冲上〕〔云〕沈璧休去。貧道化一齋。〔正末云〕既遇着師父

呵。齋了師父便行。〔擺齋科〕〔正末云〕敢問先生有何術藝。〔真人云〕貧道善能周易。〔正末云〕師父何不就與小人決疑者。〔真人祈禱鋪下卦錢科〕〔云〕君子此卦何用。〔正末云〕小人沈璧積祖是泛海之家。我今收拾些資本。還泛海去也。未知可宜不可宜。〔真人云〕好也。此卦八純坎卦。上下四爻。未來之事。主大獲財寶。則一件。你妻室有暗昧之事。〔正末云〕師父。俺荆婦莫不有當死之事麼。〔真人云〕不至死。則是有妖怪所纏。你不信呵。有四句卦歌。〔正末云〕先生也。何不留下後來吉凶應驗。當得厚謝也。〔真人寫四句卦歌〕〔云〕遠外經營財寶豐。隄備妻兒厄怪中。若解災危凶吉事。則除是寺旁逢着日邊翁。〔正末做看詩科〕〔唱〕

〔賞花時〕寫着道遠外經營財寶豐。隄備妻兒厄怪中。〔做尋思科〕〔云〕前面這兩句好省。後面這兩句我不解其意也。〔唱〕這兩句意難通。若解得災危吉凶。則除是寺傍得箇日邊翁。

〔么篇〕休聽他。我恰便似無形的過耳風。〔真人云〕沈璧你休去。你有一年不死之難。你那渾家有妖氣所纏。你去不的。〔正末唱〕我則見他後仰前合酒力擁。〔旦兒云〕員外也。家間少你甚麼。你去了。我在家。倘有些不測之事。如之奈何。〔正末唱〕爭奈我行色又去的匆匆。妻也。你心下休驚波莫恐。〔帶云〕我去之後。家私裏外。都不打緊。〔唱〕你是必好觀當這

一箇小頑童。〔旦兒與兒僚兒同下〕〔真人云〕此人被利心所牽。堅意不聽貧道之言。此人當來受不死之災。其妻合還他那妖怪姻緣。爭奈這妖怪有數年的旺氣。不能侵近。若妖怪時滿月足。貧道恁時再來救護。未爲遲哩。一心泛海要離家。嬌妻妖怪所纏他。沈璧趕過亡身禍。保佑團圓積善家。〔下〕〔外扮煙霞大聖上〕〔云〕占斷煙霞萬里峯。任吾來往自縱橫。爬山過嶺施英勇。翻江攪海顯神通。騰雲駕霧昇狂雨。走石吹沙起怪風。閑攀峻嶺千年樹。悶戲巖峯萬丈松。夜隨獻果猿啼月。晝伴林前虎嘯風。我是箇通天徹地煙霞聖。不弱如庾嶺多年白巾公。吾神乃煙霞大聖是也。在於煙霞山煙霞洞居止。號曰是煙霞大聖。某與天地同生。日月並長。神通廣大。變化多般。某離了煙霞山。立於雲端。觀見杭州在城有一人。姓沈名璧字君玉。此人是巨富之家。他的渾家生的十分大有顏色。此婦人與吾有宿世姻緣。今沈璧泛海去了。我變化做沈璧一般模樣。到他家中。圖謀了他渾家。便是某平生願足。須索走一遭去。天生俊俏女嬋娟。嬌豔如花配少年。共樂同歡錦帳底。成就前生宿世緣。〔下〕〔旦兒領僚兒淨與兒上〕〔旦兒云〕自從員外去了一月光景也。並無音信。今日無甚事。我在道解典庫中閑坐。看有甚麼人來。問箇信息者。〔煙霞大聖扮沈壁上〕〔云〕吾神煙霞大聖是也。搖身與一變。變做沈璧一般模樣。來到這沈璧家門首也。〔做見與兒科〕〔云〕與兒報復去。道員外來家了也。〔與兒做見旦兒報云〕報的母親得知。員外

回家來了也。〔旦兒接見科〕〔云〕員外去不穀一月便回。可是爲何也。〔大聖云〕渾家你不知。則爲我臨行時遇着那箇先生。道你有妖氣所纏。我放懷不下。我着下次人將着本錢去了。我回家來望你一望。〔旦兒云〕與兒安排下酒果。去後堂中與員外拂塵飲酒去來。〔同下〕

頭折

〔煙霞大聖同旦兒領淨與兒上〕〔大聖云〕大嫂。過日月好疾也。自回家可早二年光景也。〔旦兒云〕員外。人將的本錢去了。二年光景。怎生不見回來。〔大聖云〕渾家你放心。有管事人收拾的本錢回來也。與兒安排酒果來。俺兩口兒慢慢的飲幾杯。看有甚麼人來。〔正末上〕〔云〕自家的本錢回來也。自從離家泛海去。不覺二年光景。謝天地利增百倍。今日方得到家。想俺爲商做客的。沈璧是也。自從離家泛海去。不覺二年光景。謝天地利增百倍。今日方得到家。想俺爲商做客的。披星戴月。忍冷飢餓。非同容易也呵。〔唱〕

〔仙呂點絳脣〕萬里驅馳。二年經紀。非容易。受了些日炙風吹。今日箇纔盼得還鄉地。

〔混江龍〕利增百倍。我謝天謝地謝神祇。有綾羅正緞。寶貝珠璣。更有那瑪瑙珊瑚黃琥珀。更和那翠毛犀角綠玻璃。到家呵兀的不快活殺俺幼子。歡喜殺俺嬌妻。我忙邀隣里。便請相知。將神羊來享賽。把口願收拾。做一箇洗塵的茶。

飯擺一箇慶喜的筵席。鬧垓垓觥籌交錯。笑哈哈弄盡傳杯。韻悠悠吹彈歌舞。喜孜孜擂鼓吹笛。直喫的昏慘慘更闌人靜。直熬的明皎皎斗轉星移。那時節笑吟吟的忘却滿懷愁。你看我樂醕醕拚却今宵醉。我如今穩拍拍的情穿情喫。索強似戰兢兢的就是耽非。〔做見興兒科〕〔云〕興兒在門首哩。你報復去。道員外回家

來了也。〔興兒做攔正末科〕〔云〕你往那裡走。〔三科了〕〔正末云〕這厮兀的不醉了也。〔唱〕

〔油葫蘆〕三輩兒的僕人好無道理。我來他不認的。他將我來左攔右當兩三回。〔帶云〕爲人怎生無恩。禽獸尙自以死報家主之恩也。〔唱〕想當日那耕牛爲主遭鞭罪。當日箇戰馬也有垂韁的意。且休說這背主的奴。則說俺綰角的妻。聽的我回家來不出閨房內。他那裡肯似孟姜女送寒衣。

〔天下樂〕俺家裏少一通舉案齊眉的德政碑。這厮每其實全無些人的見識。好着我不鄧鄧怒從心上起。〔帶云〕妻也。你尋思波。〔唱〕你家裏穩拍拍揀口兒食。齊臻臻換套兒衣。妻也。我可道那些兒虧負你。〔興兒云〕俺家裏有員外喫酒哩。〔正

末云〕我自過去。〔見科〕〔大聖云〕這厮是人也是鬼。〔正末云〕你是甚麼人。〔大聖云〕我是沈璧。〔正末云〕你是鬼。我是沈璧。〔唱〕

〔那吒令〕我入門來他叫起。他道我是鬼。我須是沈璧。我問你是誰。〔帶云〕我去了二年。不想家中有這等勾當。〔唱〕我揩不盡臉上羞。〔大聖做怒科〕〔云〕這厮好無禮也。〔正末唱〕他按不住心頭氣。出醜揚疾。

〔鵲踏枝〕他那裡怒如雷。說得我似呆癡。則見他擺袖揎拳。努目騰眉。〔大聖變出本相科〕〔正末唱〕他那裡變化出妖精面皮。天那。少不的又一場庾嶺尋妻。〔大聖拔劍趕科〕〔正末慌走科〕〔正末唱〕

〔寄生草〕我見他直聳聳神眉豎。說的我戰兢兢魂魄飛。黑洞洞兩道妖光起。明晃晃兩手持着兵器。說的我兩腳難存立。睜開他雄赳赳兩點虎狼睛。舒展他惡狠狠兩隻猿猴臂。〔大聖打倒正末科〕〔云〕沈璧。你不認的我。吾乃煙霞大聖是也。你這渾家。生的十分大有顏色。爲你泛海去了。我變化你的容顏。纏攪他。我和你渾家有宿世姻緣之分。我今赴蟠桃會去也。我限你三日。你將嬌妻幼子。田產物業與我。萬事皆休。若不與我。着你碎屍萬段。沈璧。心下記明白。將家緣妻子送將來。若還一言敢不允。目下便見血光災。〔下〕〔與兒旦兒救正末科〕〔正末做省科〕〔唱〕

〔後庭花〕我指望待受榮華享富貴。誰承望禍臨頭死限催。撞着你箇殢酒色。

天魔崇更狠如喫人心的柳盜跖。我這裡自思惟。莫不是前緣前世。我做經商圖些利息。我臨行時不甚喜。齋僧道那一日。有一箇先生來化口食。他端詳了我面皮。六爻內分箇是非。八卦內剖箇凶吉。卦內他便說就裏。他道我遠行呵財祿喜。您家中不甚吉。您妻兒遭着困危。有邪魔有鬼魅。我其實信不及。

〔青歌兒〕誰信他玄通玄通周易。到今日死無那葬身葬身之地。〔帶云〕不聽好人言。果有恁惶事。〔唱〕我正是船到江心補漏遲。他占了我花朵兒嬌妻。山海也似

田地。銅斗兒活計。送的我無主無依。財散人離。瓦解星飛。好着我感嘆傷悲。雨淚雙垂。想起這業畜情理。亂作胡爲。改變了他容儀。他和我一般身己。〔已原誤一奇今改〕

般衣袂。一般的名諱。來到喀家裏。圖謀了俺嬌妻。將俺這父子夫妻。生跔扎的兩分離。天那怎下的撲刺刺打散俺這鴛鴦會。〔旦兒與兒扶起科〕〔旦兒云〕員外不

須憂心。這城裏有好法官。請將一箇來。斷除了可不好。〔正末云〕大嫂。你也說的是。與兒。你便與

我請去。〔唱〕

〔尾聲〕你將那有道德的法官來尋。將這箇忒愚濫的邪魔退。則要他仗法力。書符咒水。灑掃的宅舍安居無是非。他若是要酬勞。輕重你休推。〔帶云〕想咱從

來。飄蓬泛海。使心作倖。做買做賣。損人利己。到今日有如此報應也。〔唱〕嗒人心切莫相虧。〔帶云〕休愁不報。〔唱〕則爭箇來早波來遲。善惡如同燭影隨。則爲我瞞心昧己。博得些金銀珠翠。我正是得便宜翻做落便宜。〔下〕〔旦兒云〕興兒。員外分付你去請法官。你疾去早來者。〔旦兒與兒同下〕

第二折

〔淨扮法官上〕〔云〕我做法官多年。書符呪水不閑。喫了蒜就去告斗。噀了酒就念經言。但是人家燒紙。把祭祀設在案前。大公鷄餐了一頓。爛羊頭啣了半邊。腦兒酒喝上八碗。喫醉了倒在壇前。推伏章地下盹睡。衆鬼怪將我來纏。我仗着劍連忙捉鬼。不想被邪魔一夥齊攢。野狐精奪了我法劍。猿猴精搶了我香錢。大蟲精搗了我令牌。野狼精探了我簪冠。老鼠精咬了我大腿。骷髏精混的我頭眩。我做法官驅邪十載。噫。沒頭鬼打了幾瓢。貧道姓鄭名誑字扯砲。道號弄虛先生。平昔道法不濟。專倚花酒爲念。人都說我平常。小道發志氣拜了明師。乃崆峒山脫空洞總虛祖師法座下爲徒弟。一應道法。無不通曉。但是人家頭疼腦熱。纏床臥枕。鬼魅精邪。請了我。去小道一掃而去之。除了精怪。共計二萬三千四百六十五箇半。我如今每一箇鬼。與他些罪過。我也不打他。不殺他。不咬他。我在西山裏尋了七十二塊大石頭。做了七十二張碓。我那道庵道院道。

堂道觀。前後都埋着碓。連小道床上都是碓。到的二更前後。從床底下將那許多鬼採將出來。每一箇碓裏安上十數箇。我共我老子兒子媳婦。一家兒都跳上碓去。搗鬼爲生。直搗爛了鬼纔罷。止剩了一百二十箇。着鹽暴醃起來。送了節禮。世人見我手段高強。都喚我做搗鬼先生。前日改了名字。喚做蹇道元。在這雲清庵住持。行的是五雷天心正法。斬妖縛邪。書符呪水。這杭州城裏。誰不知我的名兒。今日無甚事。在此靜坐。看有甚麼人來。〔淨與兒上〕〔云〕自家與兒是也。這雲清庵有一人。是蹇道元。行五雷天心正法。則除是此人斷除這妖怪。請此人走一遭去。〔興兒做喚門科〕〔云〕先生開門來。〔法官做開門見科〕〔云〕是甚麼人喚門哩。我開了這門。我試看者。〔興兒云〕小人是沈員外家興兒。近日家間有些不測之事。奉員外言語。請師父到家。有事計議。〔法官云〕沈員外是我的施主家。我又和他梅香有一面之交。我收拾了道服。走一遭去。我做法官的。當書符呪水慢帳。到人家信口胡謔。衡一味謊言虛誑。入門來就要喫齋。丟了碗就要謝將。若是麵筋豆腐正眼也不瞧。我則好喫狗肉血臟。〔同下〕〔正末抱病旦兒僚兒扶上〕〔正末云〕自從泛海回家。誰想有這妖魔在家。纏攪着我渾家。此妖怪道。俺渾家和他有宿世姻緣。限我三日。將我渾家和財產物業都與他。若不與他呵。着我死於非命。今日是第三日也。我着興兒請箇法官來。斷除了這妖怪。想起我當初。若信那先生的言語呵。不道的有今日也呵。〔唱〕

〔南呂〕「枝花」莫不俺曾結下前世的冤。還不足今生債。不甫能打熬出三載的苦。誰承望逃不出半年災。則爲我好賄貪財。那先生卦內明該載。知他俺那李淳風這其間安在哉。我不合信心兒泛海漂洋。誰着你縱意兒爲商做客。

〔云〕那先生道。沈璧。你有一年不死之難。誰信他的言語那。〔唱〕

〔梁州〕他將那衷腸話爲頭兒勸我。〔帶云〕我道先生噤聲。〔唱〕我將那惡言語將他便劈面的搶白。〔帶云〕不信好人言。果有恁惶事。〔唱〕我正是歲寒然後知松柏。那厮不分好弱。豈辨清白。把我這並頭蓮拆散。連理樹分開。好着我淚盈盈苦痛哀哉。哭啼啼感嘆傷懷。你着我怎割捨那十數處錦片也似莊宅。你着我怎樣的。下這五百年花枝的眷愛。天那天那。你着我怎拋離的這兩三歲癡小的嬰孩。這厮他輕賢重色。妻也則爲你不施朱粉天然態。引惹下這妖怪。則爲你百媚千嬌更體態。端的是杏臉桃腮。〔淨與兒同淨法官上〕〔法官云〕人說道高龍虎伏。我說德重神鬼怕。我驅邪撞見魍魎鬼。說的便往竈窩裏趨。貧道蹇道元的便是。今有沈員外請貧道驅邪斷怪。呪水書符。貧道平昔道法手段。比衆不同。求風便下雨。求雨就刮風。道號是空裏說外名。是說裏空。小道不必延遲。須索走一遭去。可早來到也。與兒報復去。道學兒來了也。〔與兒云〕

員外。我請將法官來了。也是這雲清庵行法的塞道元師父。〔正末云〕請過來。〔與兒云〕有請。
〔做見科〕〔正末云〕呀呀呀。師父。小人感一口驚氣。染了些病疾。不能動止。有失迎接。師父恕罪也。〔法官云〕小道不敢不敢。何勞足下病體驅馳。降塔而接待。塞道元有何德能也。〔正末唱〕

〔賀新郎〕則爲我病身軀。兩隻脚難擡。迭不的出戶相迎。籍不得降塔而接待。
〔法官云〕員外穩便。不須動勞。你則重重的打發我。接待不着也罷。〔正末唱〕師父你慈悲爲本。將我都休怪。〔法官云〕聽的員外遠同。貧道失於探望也。〔正末唱〕間別後經今可早二載。俺家失瞻顧。送米供柴。
〔法官云〕員外戴月披星。則爲過活。你媳婦兒枕冷衾寒。小道有失照顧也。〔正末唱〕我受了些披星戴月苦。覓得些溫暖養家財。
〔法官云〕員外利增百倍。貧道住持的庵院疎漏。都是我跳牆躑壞了的。望員外修蓋修蓋。〔正末唱〕我把這雲清庵親自重修蓋。
〔法官云〕不瞞員外說。我因少酒錢。把一領布袍。着人扯壞了。這雙雲頭履也破了。前日踏罡步斗。露出指頭來。着人笑話。望員外與我買雙泥頭靴。打扮節罷。〔正末唱〕與師父添一領呼風喚雨的新布袍。與師父換一對踏罡步斗的舊麻鞋。
〔法官云〕舊麻鞋倒好換。鹽員外請我貧道。有何事也。〔正末云〕師父聽小生告稟。因小人泛海去。誰想家間有一妖怪。自稱

道他是煙霞大聖。纏攪着我渾家。告師父可憐見。仗祖師法力。與小人斷除那妖怪者。〔法官云〕員外放心。量這等山精鬼怪。都是脚梢皮東西。怎生敢攪亂五姓之家。員外休驚莫怕。我着他死無潛形之處。撻折他姑娘腰節骨。看小道擺布也。〔正末唱〕

〔牧羊關〕我如今一不成二不就。他如今千自由百自在。他如今往來的則是
一家無外。〔法官云〕沈員外放心。憑着我法力高強。與你驅除那邪祟。着你那渾家拜謝我。把梅香招了我做女婿罷。〔正末唱〕師父道法力高強。那厮更神通廣大。師父也則願與去却身邊禍。與小人除却眼前災。〔法官云〕我有那斷鬼的天蓬帥哩。〔正末唱〕師父道有斷鬼的天蓬帥。師父也你是箇救苦的觀自在。〔法官云〕員外着下次人灑掃了房舍。鋪設壇場。供養下羊頭三牲。爛牛肚子用四箇。臨了謝將我。嚼那厮一頓。〔正末唱〕

〔隔尾〕興兒也快與我鋪陳灑掃。把壇場來擺。你將那淨酒清茶的供卓來排。我這裡滿斗焚香磕頭拜。〔法官云〕員外請穩便。〔做穿法衣上香叩頭拜科〕〔云〕道香一炷。法鼓三通。十方肅靜。萬神仰聽。恭聞道香德香無爲香。無爲清靜自然香。妙洞真香靈寶惠香。朝三界香三界真香。〔做踏罡科〕〔擊令牌科〕〔云〕一擊天清。二擊地靈。三擊五雷。速變真形。〔書符科〕〔云〕天圓地方。律令九章。神筆到處。萬鬼潛藏。天上麒麟子。頓斷黃金鎖。偷走到人間。誰人收得我。紫微殿前

丹霞遠。白玉塔前劍佩齊。十二童子傳詔罷。星冠雲冕一齊回。〔呪水科〕「云」水無正形。以呪爲靈。在天爲雨露。在地作泉源。一嘆如霜。二嘆如雪。三嘆之後。百邪潛藏。〔執劍科〕「云」老君賜我驅邪劍。離火煅成經百煉。出匣紛紛雪霜寒。入手輝輝星斗現。先請東方南方北方西方又中方。五方五帝之神。御符背劍。入吾水中。吾今此水非凡水。九龍吐出淨天地。太乙池中千萬年。吾今將來淨妖氣。太乙靈陽紫炁星。諸宮洞府。齊下雲軒。仰三峯華嶽之神。謹請年直月直日直時直當日功曹。直日神將。搜海大聖。翻江大聖。驅雷大聖。撒波大聖。吾今用爾。壇前仗劍而等待。休錯吾一時半刻。吾奉太上老君。急急如律令。攝。謹。關。將。來。喫。三。牲。燒。酒。羊。肚。獨。蒜。醋。葱。嚼。上。幾。口。喝。上。幾。鍾。非。爲。褻。瀆。可。捉。妖。精。令。牌。起。處。速。降。壇。庭。鬼。魅。精。怪。萬。里。潛。踪。若。還。不。退。告。與。官。中。搥。折。肋。肢。搥。了。眼。睛。搥。了。眉。毛。打。斷。腿。腰。顯。我。手。段。施。吾。威。靈。疾。急。急。如。律。令。〔正末驚科〕「唱」怪麼那。赤力力雲遮了日色。疎刺刺風刮動世界。〔法官做怕科〕「云」沈員外休驚莫怕。放心。放着我哩。這風起處妖精來也。尋下條繩子綁了。送他兵馬司裏去。〔正末唱〕怕這斯攪海翻江的性兒歹。〔法官云〕老子也。這一會兒。我也怕起來了。衆神將休離了我左右。〔正末唱〕

「牧羊關」他恰待把神祇來召。忙將鬼力差。〔法官云〕不妨事。放着我哩。〔煙霞大聖上〕
「喝科」「蹇道元做喝科」「云」噯。甚麼妖精進門來。一劍砍折你大腿。〔正末唱〕是誰在門前大

驚小怪。〔大聖云〕這厮敢這般欺負吾神。〔做扯碎符籙摔碎香爐科〕〔法官云〕好也你扯碎了符籙。摔碎了香爐。我和你法司裏跑一遭罷。我兒也。你作死也。〔正末唱〕他把那符籙來揪擗。他把那香爐來碎摔。〔法官云〕妖精無禮。着我一劍。〔大聖打倒法官科〕〔法官云〕老子也不干我事。都是沈員外着我遣你來。我死也。你要饒了我。到年下我送幾道硃砂符與你煙霞洞裏鎮壓。如今把我這口法劍。與你渾家切菜喫。饒了我罷。〔正末唱〕將法官劍劈碎他天靈蓋。手拈住他三思臺。我則見鼎沸起座三清殿。當攔住一條十字街。〔大聖云〕塞道元。量你到的那裡。我有昇天入地之神通。呼風喚雨之法力。三千鬼力。驅吾部下。百萬妖魔。皆吾管領。量你何足道哉。我饒你的殘生。再來不得無禮。〔法官云〕謝了大聖。我師姑庵裏喫壓驚酒去也。說出我箇曲兒來。〔唱〕

〔正宮尾聲〕今朝小道耽驚氣。我跌脚搥胸怨沈璧。設下香燈花果奇。擺三牲共酒食。畫燭高燒排祭祀。我恰纔仗劍除妖喬斷鬼。不想逢着惡鬼魅。我哀告你箇爹爹饒過小姪。你摔碎香爐嗔怒起。將我拏翻在地皮。則我這法劍硃符送與你。饒了我殘生速回避。我去了呵。看你箇沈員外哥哥。〔帶云〕兀的不疼殺我也。〔唱〕我其實便救不的你。〔云〕煙霞大聖在此。險把小道

號死。幸得饒我殘生。〔正末云〕法官。你替我遣一遣。〔法官云〕我遣你姑娘漢子。〔下〕〔大聖云〕沈璧。我和你說。限你三日之後。你讓與我這妻子家緣過活。你刻的着這廝書符咒水捉拏我。我恰纔赴天齋回來。被這廝驚動吾神。我本待殺壞你來。看你那渾家的面皮。饒你一命。你則今日便離了我這門戶。便收拾些盤纏。去你那莊兒上住去。〔正末云〕似這般呵。如之奈何。〔唱〕

〔罵玉郎〕我這裡回身款把門棧驀。他着我拋了家業。他着我住莊宅。他這般損人利己心毒害。我便似冲着太白。迎着吊客。遭着殘害。

〔感皇恩〕天那。好姻緣生各支兩下分開。妻情撇在九霄雲外。他強占了我腳頭妻。強奪了我懷內子。強要了我家財。倚仗他神通廣大。欺負我軟弱囊揣。莫不我爲商賈。做買賣。過江淮。

〔採茶歌〕莫不我瞞天地使心懷。昧神祇覓錢財。天那。誰承望禍臨頭福卸一時來。俺夫妻分離痛傷懷。把俺這鴛鴦拆散淚盈腮。〔云〕我這家私過活妻子奴僕。房屋宅舍。皆屬了妖魔。要我這性命怎麼。羞見親戚朋友。不如投西湖身死。罷罷罷。〔唱〕

〔尾聲〕他硬割斷俺這解不開坎不斷同心緒。結合歡帶。他燒碎俺這煨不壞燒不毀足色真金雙鳳釵。好姻緣怎割割。有妻兒誰眷愛。這冤家怎生解。痛傷

心淚滿腮。則這武林郡踈財的沈員外。他送的我破家散宅。閃的我天寬地窄。我捨性命身亡大東海。〔同興兒下〕〔大聖云〕你的丈夫。我趕出去了。我和你後堂中飲酒去來。〔同下〕

第三折

〔時真人上〕〔云〕幽暗玄冥自有神。是非擾擾在紅塵。由來善惡分明報。答救浮生念善人。貧道時真人是也。誰想沈璧被妖魔趕將出去。此人無處投奔。待投西湖身亡。此人敬天地。重三寶。孝父母。怎教他天壽而亡。我今日化作一漁翁。去西湖岸上。救此人去者。〔下〕〔正末上〕〔云〕自昨日請將法官來。斷除這妖怪。被妖魔將法官打折了大腿。將我趕出門來。嬌妻幼子。家緣過活。都被妖魔占了。要我這性命何用。不如我投於西湖而亡。沈璧也。誰想有今日之禍也呵。〔唱〕

〔中呂粉蝶兒〕不由我感嘆嗟吁。誰承望有這場恥辱。我想這潑妖魔罪不容誅。強占了我腳頭妻。懷內子。想這廝殺人可恕。知你是負爾何辜。掀騰的俺一家兒不成箇活路。

〔醉春風〕這煩惱甚時休。這憂愁何日足。痛殺殺的嬌妻幼子。與了別人。眼睜睜做不的主。主送的我有國難投。有家難奔。死的來不着一箇墳墓。〔云〕來到這

西湖岸上罷罷罷。我與你尋箇自盡。〔做投河科〕〔唱〕

〔滿庭芳〕我割捨了身歸地府。〔時真人扮漁公上〕〔扯住正末科〕〔云〕君子也。螻蟻尙且貪生。爲人何不惜命也。〔唱〕誰人扳住我臂膊。扯住我這衣服。我這裡挪身緩步回頭觀。〔帶云〕救我的是誰。是這漁公來呵。〔唱〕我這潑殘生似漏網之魚。〔真人云〕君子爲何發此念頭。〔正末唱〕被別人強占了我蘭堂畫屋。硬分開我兒女妻夫。他趕的我離門戶。〔真人云〕見放着清廉的大衙門。告那廝去。可不好那。〔正末唱〕誰和他便經官告府。〔真人云〕你如今往那裡去。〔唱〕我則待捨性命亡西湖。〔真人云〕人身難得。何故發此念頭。兀那卦肆。有箇先生。善斷吉凶生死。你那裡問去者。〔下〕〔正末云〕漁公道。兀那裡有箇卦肆。先生行問箇生死去來。〔下〕〔時真人扮先生上〕〔坐定科〕〔正末上〕〔云〕來到這卦肆門首。我自過去。〔見科〕〔云〕先生。與小人決疑者。〔真人云〕有何疑慮。將此卦錢。遙空瞻仰。禱告擲下。便斷吉凶。〔真人遞錢與正末科〕〔正末擲卦錢禱祝科〕〔正末唱〕

〔快活三〕我去那八卦內剖箇禍福。六爻內定箇榮枯。我去那周文王鬼谷子處。斷箇乘除。袁天罡李淳風處。決箇疑慮。

〔朝天子〕師父也。我這裡問卜。〔帶云〕今有沈姓弟子禱祝。在前八八六十四卦內占一卦。

三百八十四爻。內占六爻。〔唱〕將吉凶來斷取。〔帶云〕莫順人情。休隨人意。〔唱〕休將俺迷人來誤。〔做遞卦錢與先生科〕〔真人鋪下卦錢〕〔云〕君子此卦何用。〔正末云〕問小人今日合死麼。〔真人云〕好不吉利也。怎生不問生。却問死。〔正末云〕先生不知也。〔唱〕我今日人離財散受孤獨。〔真人云〕你見今在那裡。〔正末唱〕爭奈我便無一答兒安身處。〔真人云〕閻王注定黃昏死。不許留人到五更。這生死怎留的人也。〔正末唱〕莫不我便祿盡衣絕。難逃天數。〔真人云〕君子也。你不問吉。則問凶。爲何。〔正末唱〕先生也。我正是問災來不問福。〔真人云〕君子。你問這死的緣故爲何。〔正末云〕先生不知也。〔唱〕俺家裏有一箇怪物。〔真人云〕那妖怪敢怎的也。〔正末唱〕纏攪着俺媳婦。〔真人云〕那妖怪直這般利害。〔正末唱〕先生也被這廝生拆散俺五百年的姻緣簿。〔云〕好着先生知道。我因泛海去二年光景。家間有一妖魔。纏攪着我渾家。請法官不能斷除。強占了渾家。我無處投奔。因此上我尋箇自盡也。〔真人云〕君子。此事非可。皆因你不曾做好勾當。所以招此怪也。〔正末云〕先生不知。小人家中三輩兒奉道。〔唱〕

〔上小樓〕俺也曾看經念佛。俺也曾持齋把素。我也曾奉道齋僧。敬老憐貧。念寡恤孤。〔真人云〕既有如此善事。怎遭這箇妖怪也。〔正末唱〕知他是怎生來。今世裏和這

冤家相遇。〔帶云〕嬌妻幼子。家緣過活。被他占了天那。〔唱〕送的俺夫妻每死生別路。〔真

人云〕君子。你莫非甘泉坊居住的沈璧麼。〔正末失驚科〕〔唱〕

〔么篇〕你怎生知我姓字。怎生來知我住處。〔做省科〕〔唱〕阿。我原來肉眼愚眉。濁骨凡胎。不辨賢愚。〔云〕我記起來也。〔唱〕我這裡向前來把師父環縈來扯住。

〔帶云〕師父與迷人指路者。〔唱〕問師父那日邊翁在於何處。〔做跪科〕〔真人云〕你問我日邊翁。我指引你去。遠不過百里。近止在目前。日邊翁不移時便到也。我和你在此等候者。〔正末睡科〕〔真人云〕我着你大睡一覺疾。〔下〕〔正末唱〕

〔白鶴子〕見一箇惡狠狠金甲神。說的我慌速速下街衢。〔金甲神上〕〔云〕吾奉日邊翁師父法旨有請。不許推辭。〔唱〕他着我奉法旨莫推辭。我則索隨定你箇尊神去。

〔正末同神子下〕〔時真人領左神右神上〕〔擺住〕〔金甲神領正末上〕〔正末云〕敢問尊神。這裡是人間也是天上。〔金甲神云〕這裡是蓬萊洞。這裡是閼苑山。左首下是三清殿。右首下是真堂。〔正末唱〕

〔么篇〕你看那接蓬萊雲縹緲。繞閼苑錦模糊。你看那七真堂紫霞圍。三清殿祥光布。〔金甲神領正末跪下科〕〔真人云〕兀那沈璧。你渾家怎生妖怪纏攪。怎生趕你出來。你說

一遍。我與你做主也。〔正末云〕上聖聽小人說一遍者。〔唱〕

〔石榴花〕我這裡戰兢兢膝跪在堦衢。上聖那裡一一的問從初。〔真人云〕那妖怪便怎生能殺到你家來。〔正末唱〕我則爲做經商泛海離了鄉閭。有一箇怪物。〔真人云〕那怪物到你家呵。你那渾家便怎生認了他來。〔正末唱〕他變的和我一般規模。〔真人云〕那妖怪在你家作福作禍那。〔正末唱〕在家中纏攪着我賢達婦。〔真人云〕既有這妖怪。你請箇高功法官斷除他呵。可不好那。〔正末云〕不濟事。〔唱〕幾番家呪水書符。他將法官覷的如無物。〔云〕這法官每。〔唱〕他可也不是我護身符。

〔鬪鵲鵲〕據着他斷怪除妖。我道來恰便似班門弄斧。〔真人云〕沈璧。假若我近的他麼。〔正末唱〕上聖是注陰府存亡。判陽間的禍福。〔真人云〕我差斗口四將。馬趙溫關。擎住這業畜。着你夫妻團圓呵。如何。〔正末唱〕但能殺夫妻團圓斬了那業畜。我今日將這心願許。〔左神將云〕我手裏擎住妖怪。與你報警如何。〔正末唱〕我與上聖再建座祠堂。〔右神將云〕我手裏交付與你那渾家呵。如何。〔正末唱〕我與上聖重修一座廟宇。〔真人神子先下〕〔將帥打推下〕〔正末醒科〕〔真人扮先生上〕〔坐定〕〔云〕沈璧。你睡着也麼。〔正末云〕小人睡來也。〔真人云〕你睡着呵。做甚麼夢來。〔正末唱〕

〔耍孩兒〕見一箇惡狠狠的神將把我勾將去。〔真人云〕那神將和你到那裡來。〔正末唱〕直引到丹曹紫府。〔真人云〕到那裡見誰來。〔正末唱〕見衆多神將駕着龍車。更和那金童玉女相扶。則見那幢旛寶蓋層層繞。彩鳳仙鶴隊隊舞。神將每相遮護。我則道是九重的仙闕。覺來却也原來是一夢的華胥。〔真人云〕沈璧。你省也麼。〔正末云〕先生也。日邊翁安在。〔真人云〕君子。你識字麼。〔正末云〕小人頗識數字。〔真人云〕日邊寺。是甚麼字。〔正末云〕日邊寺。是箇時字也。〔真人云〕吾乃便是日邊翁時真人也。沈璧。二年前四句卦歌。今果應驗來麼。〔正末唱〕

〔三煞〕想當日四句卦歌。元來包藏着幾句禍福。〔真人云〕既有如此厄難呵。你怎生不尋貧道。〔正末唱〕師父我也曾踏盡鐵鞋無覓處。〔真人云〕你當日若依着我的言語呵。豈有今日之禍也。〔正末唱〕則爲我當初不信你箇真人話。因此上今日難將怪物除。誰想今日重相遇。我將你似張天師般敬重。許真君般賓服。〔真人云〕吾有信香一塊。硃符一道。與你牢收在懷。到你家中。見那妖怪。休驚着他。將此符搭蓋在他身上。此妖怪不能走趨。若妖怪知有此符。他必駕雲而起。你可將信香。有火火中焚。無火口中嚼碎。望空與一喫。貧道領部下神將。自來救你也。〔正末云〕師父此言有准者。〔唱〕

〔二煞〕我忙收着一瓣香。牢揣着一道符。師父你除妖斷怪有神兵助。則爲着吾師有惠爲神道放心。自古道無毒不丈夫。把妖怪活拏住。則好教貶離凡世。押入酆都。〔真人云〕沈璧你放心。我率領雷部下神將。布下天羅地網。雷公電母。風伯雨師。活拏住那業畜。與你報讐也。〔正末唱〕

〔尾聲〕師父也這一場早難道神不知鬼不覺。業畜也今日箇冤有頭債有主。來日將天羅地網周圍布。〔帶云〕則不煙霞大聖也。〔唱〕和你那七代先靈做不的主。〔下〕〔真人云〕沈璧去了也。我觀此妖怪。若拏住。萬事皆休。若拏不住。我領雷部神兵。斗口四將。布下天羅地網。設起壇場。務要擒拏了這妖怪。他奉道心十分恭敬。行善得神天報應。顯神通布地網天羅。齊奮勇擒煙霞大聖。〔下〕

第四折

〔煙霞大聖同旦兒領淨興兒上〕〔做飲酒科〕〔大聖云〕興兒安排酒來。我自從趕出沈璧去了。至今不知消耗。我和娘子飲幾杯者。〔正末上〕〔云〕自家沈璧是也。我昨日欲待投西湖身亡。被師父時真人救了我的性命。又與我硃符一道。信香一瓣。着我將此符籙。擒捉那妖怪去。我則索走一遭去。俺是兒女夫妻。被這妖怪拆散了。好是煩惱也呵。〔唱〕

〔雙調新水令〕俺本是好姻緣生扭做惡姻緣。被這厮掀騰俺好人家宅眷。他那裡侯門深似海。色膽也大如天。我本待要命掩黃泉。謝師父將我這潑性命厮留戀。〔做見與兒科〕〔云〕與兒。那業畜在家麼。〔與兒云〕員外。妖怪在正堂上喫酒哩。〔正末望

科〕〔唱〕

〔駐馬聽〕見那厮置酒張筵。他可甚悶向秦樓列管絃。〔大聖見科〕〔云〕兀那沈璧。你來。我和你同飲幾杯。〔正末唱〕他着我同席飲宴去來。我可甚笙歌引至畫堂前。〔大聖云〕向前來坐的。〔正末坐科〕〔唱〕我這裡悶懨懨。側坐定懶回言。他那裡笑吟吟。將酒盞兒慇懃勸。〔大聖云〕沈璧。你不回過頭來爲何。〔正末唱〕你道我爲甚不回頭。厮顧戀。〔帶云〕大聖不知也。〔唱〕我正是歸家懶覩妻兒面。〔大聖替正末遞酒科〕〔正末云〕小人不會飲酒。〔大聖云〕沈璧。自從你去莊兒上去呵。快活麼。〔正末唱〕

〔殿前歡〕自從我棄了家緣。我則待買牛耕種洛陽田。〔大聖云〕想你這媳婦兒來家也。〔正末唱〕我死心腸再誰想春風面。休題那恨惹情牽。〔大聖云〕你來家爲甚麼。〔正末唱〕我則爲這無爺的小業冤。俺父子這一番重相見。便回我那天台縣。〔大聖云〕你幾時去。〔正末唱〕我怎敢再躑躅你這楚岫。我則是悞入這桃源。〔云〕師父

着我將這符籙擒妖怪。如今不下手。等到幾時也。〔唱〕

〔鴈兒落〕則爲我豁不了我腹內冤。〔做怕科〕〔唱〕我這裡把不定心驚戰。〔取符籙科〕〔唱〕我將這硃砂符恰便取。〔大聖見正末取符怕科〕〔正末唱〕那厮他怪眼睛先瞧見。〔大聖云〕不中。此人有上聖的符籙來拏我。我索駕雲而起也。〔大聖走下〕〔正末云〕此妖怪走了也。〔唱〕

〔得勝令〕見那厮飛上焰魔天。〔云〕我將這信香嚼碎。望空一喫。師父救弟子沈璧者。〔時真人領道童上住〕〔正末見科〕〔唱〕見師父乘瑞靄。駕雲軒。〔真人云〕天神地將。直日神祇。布下天羅地網。擒拏妖怪者。〔正末唱〕師父有斷怪降妖力。師父有除邪歸正的權。〔真人云〕風伯雨師。雷公電母。與吾擒住妖怪者。〔正末唱〕見師父手仗着龍泉。呼風雨。驅雷電。〔真人云〕馬趙溫關。斗口四將。擒拏妖怪。速至壇前。吾奉太上老君急急如律令勅。〔正末唱〕見師父口念着真言。〔外扮馬趙溫關四帥拏大聖上壇前跪科〕〔正末見妖怪科〕〔唱〕呀。活拏住這潑妖魔在目前。〔真人云〕兀那業畜。你怎敢興妖作怪。纏擾良家女子。阻隔人的夫婦也。〔正末唱〕

〔甜水令〕我則見後擁前拏。亡魂喪魄。心驚膽戰。你可甚無事小神仙。則爲你

害衆成家。損人利己。其心不善。斯琅琅的枷鎖身纏。

〔折桂令〕你早則走不了你那意馬心猿。你強奪人家幼子嬌妻。硬和他兩箇共枕同眠。送得我有國難投。有家難奔。有口難言。你則待喜孜孜共渾家過遣。送的我眼睜睜赤手空拳。果然道禍福無偏。善惡相連。則爲你昧己瞞心。因此上惹罪招愆。〔真人云〕四位神將。將此妖怪。押入酆都受罪。着沈璧父子夫婦團圓也。〔四帥押

大聖下〕〔正末云〕如今嬌妻幼子。都得完聚。應有的家財物件。盡皆散了。有的金銀物貨。捨與庵觀寺院。俺三口兒蓋座茅庵。修行辦道去來。〔唱〕

〔水仙子〕師父也。我再也不想趁波逐浪利名牽。〔同旦拜科〕〔唱〕我師父明月清風養浩然。〔拜〕〔唱〕我將那黃金白玉無心戀。世跳出火坑中。和苦海邊。謝吾師將道教親傳。〔拜〕〔唱〕將九轉丹砂來煉。念五千道德言。我隨師父跨鳳朝元。〔真人云〕我奉道法。悟徹玄玄。甘粗糲安養心田。行善事。救拔苦惱。遵法律。普濟黎元。申陽精妖魔惑衆。良人婦強結因緣。奪了他妻子財產。清平世何苦遭愆。沈君玉累積功行。持齋素德。行兼全。貧道人知因識果。施道法。解釋冤冤。擒拏了煙霞大聖。入酆都永墮黃泉。作善者諸神擁護。造惡者禍患相連。衆神將各安方位。沈君玉妻子團圓。

時真人四聖鎖白猿

終

二郎神鎖齊天大聖

闕名

頭折

〔冲末外扮元始天尊領仙童上〕〔云〕太極初分道在先。清陽居上以爲天。鴻濛之始吾爲長。歷代尊崇億萬年。吾神金闕玄元玉清聖境元始天尊是也。生於天地未分之先。道在太極鴻濛之始。混沌如鷄子。滋萌元氣。混而爲一。是太初也。自陽清者爲天。陰濁者爲地。陰陽既判。各有一端。吾乃九天之祖。萬聖之宗。吾今採日月之精華。乾坤之秀氣。在於太極爐中。煉九轉金丹。可差金童看守丹爐。金丹已成。請天上天下三界羣真。赴金丹之會。有何不可。神符寶籙鎮三天。煉就金丹養聖顏。羣真慶會朝金闕。永保皇圖萬萬年。〔下〕〔齊天大聖上〕〔云〕廣大神通變化。騰雲駕霧飛霞。三天神鬼盡皆誇。顯耀千般嘍咤。不怕天兵神將。被吾活捉活拏。金精烟燄怒增加。三界神祇懼怕。吾神乃齊天大聖是也。我與天地同生。日月並長。神通廣大。變化多般。閑遊洞府。賞異卉奇花。悶遠清溪。翫青松檜柏。衣飄慘霧。袖拂狂風。輕舒猿臂起春雷。舉步頻那轟霹靂。天下神鬼盡歸降。蓋世邪魔聞吾怕。吾神三人。姊妹五箇。大哥哥通天大聖。吾神乃齊天大聖。姐姐是龜山水母。妹子鐵色獼猴。兄弟是要耍三郎。姐姐龜山水母。因水淹了泗洲。損害生靈極多。被釋迦

如來擒拏住。鎖在碧油罈中。不能翻身。我聽知的太上老君。煉九轉金丹。食之者延年益壽。吾神想來。我搖身一變。化做一箇看藥爐的仙童。扳倒藥爐。先偷去金丹數顆。後去天廚御酒局中。再盜了仙酒數十餘瓶。回到於花果山水簾洞中。大排筵會。慶賞金丹御酒。豈不樂哉。不怕天符玉帝差。吾身忿怒奔胸懷。仙酒靈丹延壽永。洞中排宴樂開懷。〔下〕〔乾天大仙領鬼力上〕〔乾天大仙云〕地接崑崙上九天。金壇玉闕會真仙。瓊田無限春光美。種出蟠桃億萬年。吾神乃乾天大仙也。居三天金闕之庭。列九霄寶殿之右。自開闢之後。混沌之前。分天地日月之形。變陰陽晝夜之數。玄元道德。代代相傳。今天尊上帝。煉九轉金丹。請天上下三界真仙。賞金丹之會。聽上帝勅令。方可請命諸天神將。吾今在通虛殿。忽見香風飄至。必有神將至此。鬼力望者。若有神將至。報吾知道。〔鬼力云〕理會的。〔天丁神上〕〔云〕霹靂響亮鎮山川。蒼生拱手告青天。一朝雨過雲收斂。兇徒惡黨又依然。吾神乃天丁神將是也。今奉上帝勅令。煉九轉金丹。請三界天神赴會。不想被齊天大聖。扳倒丹爐。將金丹盜去數十餘顆。又盜了仙廚御酒。不敢隱諱。報知乾天大聖。走一遭去。鬼力報復上仙。有天丁神將來見上仙也。〔鬼力云〕理會的。〔報科〕〔云〕報的上聖得知。有天丁神來見。〔乾天大仙云〕着過來。〔鬼力云〕着過去。〔天丁做見科〕〔乾天大仙云〕天丁此一來有何事也。〔天丁神云〕報的上仙得知。有齊天大聖。扳倒丹爐。偷取金丹數十餘顆。又在

御酒局中。盜仙酒數十餘瓶。小聖不敢隱諱。特來報知上仙。〔乾天大仙云〕此業畜無禮。將金丹仙酒盜去了。更待干罷。爭奈此業畜神通變化。極難擒擊。則除是清源妙道二郎真君。方可破齊天大聖。鬼力那裡。便去請清源妙道二郎真君來者。〔鬼力云〕理會的。二郎真君安在。〔正末扮二郎神引郭牙直抱刀鬼奴厮兒狗兒上〕〔正末云〕吾神乃二郎真君是也。俗姓趙名煜。幼從道士李班。隱於青城山。至隋煬帝。知吾神大賢。封爲嘉州太守。郡左有冷源二河。內有健蛟。春夏爲害。吾神持刀入水。斬蛟而出。後棄官學道。白日衝昇。加吾神清源妙道真君。今有乾天大仙相請。不知有甚事。須索走一遭去。〔郭牙直云〕自從上聖入水斬蛟。玉帝知上聖有功。加封神位。非同容易也。〔正末唱〕

〔仙呂點絳脣〕自從我道隱青城。煉習心性。行忠正。克己存誠。一念遵先聖。

〔抱刀鬼云〕上聖自從煬帝封爲嘉州太守。愛惜黎庶。東杖理民。因冷源二河健蛟爲害。上聖治民有功。所以上帝不負功效。加封神位也。〔郭牙直云〕想上聖在生之時。拜嘉州太守。撫安黎庶。後遇冷源河健蛟作害。幸得上聖所除。今日正直爲神也。〔正末唱〕

〔混江龍〕隨朝徵聘。任嘉州太守牧民情。常則是優恤黎庶。滅除了法治嚴刑。則爲那郡在冷源瀾二水。不承望綠波藏隱健蛟精。我可早入水持兵刃。霎時

間波紅赤水。登時間命夭亡形。〔云〕可早來到也。鬼力報復去。道有二郎真君來了也。〔鬼力云〕理會的。〔報科〕〔云〕報的上聖得知。有二郎真君來了也。〔乾天大仙云〕道有請。〔鬼力云〕理會的。有請。〔正末見科〕〔云〕上聖。今喚二郎來有何事商議。〔乾天大仙云〕清源妙道真君。今有天下來報。被齊天大聖。將太上老君丹藥。偷了數十餘顆。并天廚御酒盜去。好生無禮。恐防老君得知。特請你來商議也。〔正末唱〕

〔油葫蘆〕我這裡曲脊躬身側耳聽。猛然間心內省。〔乾天大仙云〕齊天大聖逞他妖魅精靈。盜了天廚玉液金波瑩金丹數顆。更待干罷那。〔正末唱〕你道是齊天妖魅逞精靈。盜了那天廚玉液金波瑩。更和那金丹數顆空倖倖。藥爐中九轉丹。羨金波九醞清。〔乾天大仙云〕此處他怎生得到也。〔正末唱〕是他便乘雲駕霧投金井。他端的竊物望長生。〔乾天大仙云〕這妖怪盜了這仙酒金丹。這兩般非輕。喫了益壽延年。長生不老也。〔正末唱〕

〔天下樂〕投至的煉藥燒丹今已成。果然是非也波輕。喫了將仙位陞。〔乾天大仙云〕這仙酒猶閑可。這九轉金丹。非遇至人。不可食之。盜金丹者。乃齊天大聖。可差天神鬼兵擒拏住。壓入酆都受罪。永受無邊之苦也。〔正末唱〕他端的背天仙上帝。惹下罪名。分豁出實

共虛。別辨出真與誠。怎時節統天兵。相鬪爭。〔乾天大仙云〕既是齊天大聖。盜了仙酒金丹。料着別的神聖也。近不的他。〔二郎神云〕你可領天上下大小鬼兵。擒拏此妖魔。走一遭去。若拏住呵。上帝必加仙位之職。你意下如何。〔正末云〕齊天大聖神通廣大。變化多般。小聖難以和他鬪勝也。〔乾天大仙云〕二郎神。你說的差了也。你乃國家正神。豈懼妖怪齊天大聖也。〔正末唱〕
〔金盞兒〕待教我統神兵。列天丁。我觀那神通變化齊天聖。他端的拏雲握霧。善飛騰。〔乾天大仙云〕真君。你未曾得道時。在於人間。入水斬蛟。今已冲昇仙位。正受清源妙道真君。可怎生近不的他。〔正末唱〕我便有擎天真妙策。我急切裡怎施呈。〔乾天大仙云〕似此可怎了也。〔正末唱〕我則怕忒楞的飛彩鳳。沒揣的走蛟鯨。〔天丁云〕上聖。既然上仙舉上聖。擒拏齊天大聖。須索走一遭去。你爲何懼他也。〔正末云〕天丁。你說的差了也。〔唱〕
〔醉扶歸〕我今日奉使傳宣令。不由我忿怒起雷霆。憑着我耀武揚威敢戰爭。〔乾天大仙云〕真君。此妖怪乘雲駕霧。變化多般也。〔正末唱〕他怎敢戰武相敵併。者其他踢天弄井。他則是引逗起咱情性。〔乾天大仙云〕二郎真君。吾奉上帝勅令。着你統十萬天兵。擒拏齊天大聖。走一遭。若拏住呵。上帝必有加封仙位也。〔正末云〕小聖既奉上仙法旨。便點就神兵。擒拏齊天大聖。走一遭去。〔乾天大仙云〕則要你小心在意者。〔正末唱〕

〔金盞兒〕你看我恁威靈顯英能。我和那無端邪魔爭競。〔乾天大仙云〕憑着真君金彈細犬三尖兩刃刀。量他到的那裡也。〔正末唱〕則我這三尖兩刃刀。過處利如風。則我這弓開着金臂細犬絳紅纓。若逢着神威七聖將。端的他何處得逃生。〔乾天大仙云〕真君。你便索長行也。〔郭牙直云〕上聖。齊天大聖。雖是神通廣大。乃山野之精靈。怎出俺天兵之手。憑着上聖忠正威嚴。俺部下神將。量他何足道哉也。〔正末唱〕

〔尾聲〕你看我平地捲風濤。萬里愁雲靜。更那堪雜彩旗飄射影。戰鼓連天震地鳴。你看我威伏了鬼怪山精。莫消停。豪氣沖沖。馬到處威伏萬里平。〔抱刀鬼云〕憑着上聖神通變化。智勇雙全。觀齊天大聖。易如翻掌也。〔正末唱〕不是我生情見景。更怕我言多傷行。我直教捲旗旛拱手拜龍庭。〔同抱刀鬼郭牙直奴厮兒狗下〕〔乾天大仙云〕二郎真君去了也。天丁神將。跟着吾神。回奏上帝。走一遭去。統領神兵下九天。二郎親身駕雲軒。神威到處邪魔怕。擒捉齊天咫尺間。〔下〕

第二折

〔齊天大聖引猿精石精上〕〔齊天大聖云〕歡來不似今朝。喜來那逢今日。吾神乃齊天大聖是也。自從發願。搖身一變化。做一仙童。扳倒丹爐。先偷取金丹數十顆。後至天廚御酒局中。盜了仙

酒在此花果山水簾洞。安排筵會。請吾兄通天大聖。兄弟耍耍三郎。同來赴會。共賞仙酒金丹。有何不可。猿精石精。您二人前去請吾兄通天大聖。并耍耍三郎。前來赴會。小心在意。疾去早來。共賞金丹飲巨觥。開懷暢飲樂無憂。洞中美景堪觀賞。月高沉醉恁時休。〔下〕〔猿精云〕俺兩箇奉着上聖言語。請二位尊神。走一遭去。恰纔箇上聖傳令。着我請通天大聖。若來赴花果園中。石猿精開筵敬奉。〔下〕〔正末領抱刀鬼奴厮兒鬼力狗兒上〕〔正末云〕吾神乃二郎真君是也。因爲齊天大聖。盜了金丹仙酒。奉上帝勅令。着吾神統領十萬天兵。與此妖魔鬪聖。走一遭去。今日在此陞帳。好是威勇也呵。〔抱刀鬼云〕上聖。量此等邪魔。何足道哉。看了俺這神兵浩蕩。殺氣彌空。是好威勢也。〔正末唱〕

〔中呂粉蝶兒〕你看這殺氣衝霄。統着這惡嗽勢威神道。掌着這碧油幢黃鉞白旄。冷寒侵。陰風起。黑雲籠罩。擺列着劍戟鎗刀。冷颼颼日光衝耀。

〔醉春風〕我則見銀甲似冰山。追風如電掃。似這般雄威壯氣貫虹蜺。端的是少少豪氣衝虛。胸懷星斗。量如山嶽。〔云〕鬼力那裡。與吾神喚將郭牙直來者。〔鬼力云〕

理會的。郭牙直安在。上聖呼喚。〔郭牙直上〕〔云〕善惡隨形各自行。忠良邪佞兩分明。禍福自然天有報。虧心暗裏有神靈。小聖乃郭牙直是也。正在部下點檢神兵。傳勅聽令。上聖呼喚。須索走

一遭去。可早來到也。鬼力報復去。道有郭牙直來了也。〔正末云〕着他過來。〔鬼力云〕着過去。〔見科〕〔郭牙直云〕上聖呼喚小聖。有何神旨。〔正末云〕郭牙直你近前來。今有齊天大聖。好生無禮也。〔郭牙直云〕上聖。想齊天大聖。盜了金丹仙酒。禮當受罪。他又統兵來對敵。抗拒天神。這妖魔好生無禮也。〔正末唱〕

〔迎仙客〕盜金丹施猛烈。食仙酒逞雄驍。拒天神朗然生躁惡。〔郭牙直云〕這潑毛團。仗攀藤攬葛之張狂。倚跳洞踏山之勢樣。豈知天兵威嚴。這妖魔不遵上帝勅令。獨逞豪強。豈知上聖神通廣大。量那妖魔。到的那裡。〔正末唱〕他端的智謀輕。度量小。今日箇罪已難饒。我怎時節片霎擒邪虐。〔云〕鬼力與我喚將天丁來者。〔鬼力云〕理會的。天丁安在上聖呼喚。〔天丁上〕〔云〕正直無私立廟堂。於民潤國顯忠良。惡能時刻招災禍。積善之家降吉祥。吾神乃天丁是也。正在部下聽令。上聖呼喚。不知有何神旨。須索走一遭去。鬼力報復去。道有天丁在於門首。〔鬼力云〕理會的。報的上聖得知。有天丁來了也。〔正末云〕着他過來。〔鬼力云〕着過去。〔見科〕〔天丁云〕上聖。吾神在於部下聽令。上聖呼喚。不知有何事。特來見上聖也。〔正末云〕吾神今奉上帝法旨。統領天兵。擒拏齊天大聖。走一遭去。〔天丁云〕論此妖魔。好生無禮。當以擒拏也。〔正末唱〕

〔紅繡鞋〕這廝那頑耍性委實兇暴。論忠良豈有分毫。〔天丁云〕昔日有東方朔偷盜瑤池蟠桃食用。以望長生也。〔正末唱〕盜金丹難似比蟠桃。〔天丁云〕倚仗他哥哥是通天大聖。兄弟是耍耍三郎。姐姐是龜山水母。神通廣大。變化多端也。〔郭牙直云〕上聖。這妖魔他逞兇頑。施躁暴。縱耍性。盜金丹。犯下彌天大罪。上聖略施小小神通。盡掃精靈也。〔正末唱〕他雖是神通大。空留下禍根苗。我教他便捲浮雲能敗掃。〔云〕鬼兵與我喚將梅山七聖來者。〔鬼力云〕理會的。梅山七聖安在。上聖呼喚哩。〔外扮梅山大聖上〕〔云〕跣足開懷髮滿頭。堂堂七聖逞搗搜。山精野怪聞吾怕。占斷梅山第一籌。小聖梅山七聖中大聖是也。小聖弟兄七人。神通廣大。變化多般。獨占此梅山之境。怒來摧山斷嶺。喜來風靜天晴。上帝因小聖七神勇猛正直。鎮壓梅山之境。隨二郎真君聽其神號。斬妖除邪。正在山頂觀望四方。上聖呼喚。俺七神不敢久停久住。等不的衆神。小聖先赴壇前。駕起祥雲。可早來到也。鬼力報復去。道有梅山大聖來了也。〔鬼力云〕理會的。報的上聖得知。有梅山大聖來了也。〔正末云〕着他過來。〔鬼力云〕着過去。〔見科〕〔大聖云〕上聖呼喚小聖。有何神旨。〔正末云〕一壁有者。鬼力看着。若再有神聖來時。報復我知道。〔鬼力云〕理會的。〔外扮二聖上〕〔云〕足駕風雲不暫停。空中急急看山行。二郎部下爲神帥。誰敢尋常起戰爭。小聖乃梅山二聖是也。忽聞真君呼喚。俺大聖先見真君去了也。小聖

等須索在此聚神巖前。等衆聖來全了時。一同去參見眞君。兀的不又一員神將來了。〔外扮三聖上〕〔云〕兩目金光如驟電。變化神通多隱現。扶持鎮世二郎神。上天入地朝金殿。小聖乃梅山三聖是也。眞君呼喚俺七聖。有先去了的也。按落雲頭。來到聚神巖前。兀的不是二聖哩。〔做見科〕〔三聖云〕衆聖。小聖來了也。〔二聖云〕三聖來了也。衆神來了麼。〔三聖云〕隨後便到也。〔外扮四聖上〕〔云〕斬妖斷怪多正直。鎮壓人間承聖命。嘯風轆雨起雷霆。則我是獨占梅山第四聖。小聖梅山四聖是也。有眞君呼喚。不敢久停久住。須索走一遭去也。兀那遠遠的。不是俺衆位神兵也。〔做見科〕〔四聖云〕衆聖。小聖來了也。〔二聖云〕四聖。俺聚集了。同去見眞君去。〔外扮五聖上〕〔云〕穩穩乘風上碧天。急忙赴召駕雲軒。壇前聽令休停住。飛步神巖等衆仙。小聖梅山五聖是也。眞君呼喚。衆聖等不的小聖。都先去了。駕起祥雲。直至聚神巖前。參見衆神去。可早來到也。〔見科〕〔五聖云〕衆聖。小聖來了也。〔二聖云〕五聖來了也。六聖七聖安在。〔五聖云〕他二聖便來也。〔外扮六聖上〕〔云〕恰離梅山境界邊。馭風乘氣在遙天。二郎速召諸神往。萬里雲程咫尺間。小聖梅山第六聖是也。眞君呼喚。須索走一遭去。兀的衆聖在聚神巖前哩也。〔做見科〕〔六聖云〕衆聖恕小聖來遲之罪也。兀的不是七聖隨後便來也。〔外扮七聖上〕〔云〕秉受猿精正直神。梅山高處顯威靈。飛臨壇下聽神令。一縷金光頂上生。小聖梅山第七聖是也。衆

神聖聞真君呼喚。都先去了。小聖駕着雲頭。飛臨聚神巖前。同見真君去。按落雲頭。兀的不是衆神聖也。〔做見科〕〔七聖云〕衆聖。小聖來遲了也。〔二聖云〕七聖來了也。俺一同去見真君去。來到壇前也。鬼力報復去。道有俺七聖來了也。〔鬼力云〕理會的。〔做報科〕〔云〕報的上聖得知。有七聖來了也。〔正末云〕着他過來。〔見科〕〔二聖云〕小聖等來了也。〔大聖云〕上聖呼喚俺七聖。有何神旨。〔正末云〕吾神今日統領天兵。擒拿齊天大聖去。您七聖跟隨吾神。走一遭去也。〔大聖云〕小聖等必索跟隨。與齊天大聖鬪勝。走一遭去也。〔正末唱〕

〔滿庭芳〕到來日相持戰討。則要您人人擐甲。箇箇披袍。哎。你這梅山七聖休焦燥。一箇箇顯耀英豪。〔郭牙直云〕聞知此妖魔。有昇霄入地之變化。興風作浪之雄威。他若入地呵。俺搜尋遍戊己中央。他上天呵。俺直趕到九霄之上。務要勦滅了此妖魔。玉帝必然重加神位也。〔正末唱〕者麼他入地府施謀鬪巧。上天關斬怪除妖。您若是成功効。分別出善惡。怎容他故意犯天條。〔大聖云〕上聖。齊天大聖倚仗他法力高強。神通廣大。鬼兵外道。魍魎山精。久占花果山水簾洞。食蟻生靈。不合有犯天條之罪。正當擒拿也。〔郭牙直云〕上聖到來日。擺列神兵遮日色。密排猛將鎖天關。篩鑼擂鼓。憑着上聖手中三尖兩刃刀。跨下獨角異獸。細犬衝圍破陣。金彈打散妖兵。量他到的那裡也。〔正末唱〕

〔上小樓〕你與我齊排陣角。忙施軍校。吶喊搖旗。擂鼓篩鑼。膽氣聲高。憑着這斬將刀。勢力豪。擒賊斬盜。小可似入波中斬蛟名號。〔天丁云〕上聖。量他那邪魔。神通淺短。法力低微。有何難哉。衆多神將。可怎生統神兵。勦捕妖魔。上聖試說一遍者。〔正末唱〕

〔么篇〕統天兵六甲神。仗天仙法力高。你與我各顯神通。鬪智施能。魄散魂消。〔郭牙直云〕上聖。俺到來日。殺的他上天無路。入地無門。將此妖魔。一鼓而平定也。〔正末唱〕殺的他無路逃。命喪天。心驚膽跳。我着他便去無門。死生顛倒。〔郭牙直云〕上聖。憑着俺天兵浩大。神將威嚴。觀那山精鬼魅。外道邪魔。如那紅爐鎔片雪。利劍斬枯枝。上聖仗天威之勇。盡皆掃蕩妖魔也。〔正末唱〕

〔十二月〕我將這齊天力勦。殺的那妖魔潛消。那裡問石精水怪。魍魎山魃。我觀他似喧簾燕雀。端的是似鼠如貓。〔大聖云〕兩陣之間。下了天羅地網。必然擒拏了齊天大聖也。〔正末唱〕

〔堯民歌〕呀。擺列下天羅地網。怎生逃。俺這裡布陣排兵。索堅牢。猙神惡鬼。逞籠豪闊。劍長鎗列。週遭量也麼度。愁雲暗碧霄。端的是滾滾征雲罩。〔天丁云〕俺大小神將。統領天兵。跟着上聖。與齊天大聖鬪勝。走一遭去。〔郭牙直云〕到來日戰鼓連天。喊聲

振地。猛烈神摧山攪海。連珠礮有似轟雷。上聖。俺衆神將統領大勢天兵。擒拏齊天大聖。走一遭去也。〔正末唱〕

〔尾聲〕我將那潑妖魔捉在陣前。齊天聖歸入地曹。我着他伏降了聖帝依仙道。齊獻着太上眞仙萬年表。〔同奴厮兒下〕〔抱刀鬼云〕則今日跟着上聖。與齊天大聖鬪勝。走一遭去。頗索潑魔神。惱犯二郎君。若還擒捉住。斬首不留存。〔下〕〔大聖云〕吾神奉上帝法旨。俺梅山七聖。統領天兵。擒拏妖魔。走一遭去。雄赳赳排兵布陣。看吾神去邪歸正。齊天聖莫說能強。怎敵俺梅山七聖。〔下〕〔一聖云〕吾神統領天兵。擒拏妖魔。走一遭去。瑤池變化幾千般。英雄赳赳鎮千山。行者若不歸仙道。管教他束手歸伏透膽寒。〔下〕〔三聖云〕吾神統領天兵。擒拏妖魔。走一遭去。除是逃災插翅飛。偷丹盜酒怎支持。以此天兵行戰討。豈知今日有災危。大犯天條難恕免。合是邪魔死限催。七聖排兵施勇烈。擒捉毛團得勝回。〔下〕〔四聖云〕統領神兵。擒拏齊天大聖。走一遭去。排陣勢密砌魚鱗。旗招展鼓凱鑼鳴。花果山妖精鬼魅。一箇箇翦草除根。〔下〕〔五聖云〕則今日跟上聖擒拏妖魔。走一遭去。試看交兵這一場。妖魔鬪勝顯高強。拏住邪魔親殺壞。山精魍魎盡歸降。〔下〕〔六聖云〕則今日跟上聖擒拏妖魔。走一遭去。惡嗽嗽施逞躁暴。急颭颭刀鎗旗號。若拏住外道邪魔。一箇箇都歸正道。〔下〕〔七聖云〕則今日跟着上聖。擒拏齊天

大聖走一遭去。惡鬼孽神密密排。神威千丈顯英才。擒拏妖魔歸正道。繩纏索綁獻將來。〔下〕
〔郭牙直云〕衆位神祇去了也。吾神領本部下神兵。擒拏齊天大聖。走一遭去。大小神兵。聽吾神旨。到來日統領神兵下碧霄。揚威耀武顯英豪。猙獰鬼力轟雷震。勇猛神員駕霧高。地網張開三四面。天羅布下一週遭。騰騰殺氣遮紅日。靄靄征塵罩錦袍。綵帶雲龍旗幟展。金盔風舞絳纓飄。神兵有似爬山獸。甲馬過如出水蛟。震地鑼鳴驚世界。喧天鼓凱捲江濤。勦捕妖魔寧宇宙。班師得勝獻功勞。〔下〕〔天丁云〕統領神兵。擒拏妖魔。走一遭去。偷卻靈丹盜玉漿。天條犯罪豈非常。魔神終有歸降日。引惹天兵大戰場。〔下〕

第三折

〔外扮通天大聖上〕〔云〕三十三天別一天。則我是玉皇殿下小神仙。爲吾扳折蒼龍角。罰在深山數百年。吾神乃通天大聖是也。二兄弟齊天大聖。三兄弟乃是耍耍三郎。俺弟兄三人。久占此花果山千百餘年。爲吾神通廣大。變化多般。三界神祇。不敢與吾鬪勝。我喜來霧斂雲收。怒後興風作浪。扳折太嶽高峯頂。攪亂東洋大海波。我輕輪鐵棒。攀藤攬葛鬼神驚。怒逞雄威。走石飛沙天地暗。閑觀花果坐石崖。悶引猿哥遊翠嶺。正在洞中閑坐。看有甚麼神聖到來。〔淨扮耍耍三郎上〕〔云〕顯神通則我搗搜。扒高竿上得滑熟。繫上條茜紅搭膊。山頂上打會勦陡。小聖乃

耍耍三郎孫行者是也。正在山頂上放風箏。不想斷了線。刮的往別十八里去了。心中悶倦。望通天大聖走一遭去。可早來到也。無人報復。我自家過去。〔見科〕云哥。老三來了也。〔通天大聖云〕兄弟。我心中悶倦。正等你閑遊戲耍哩。〔三郎云〕我心裏也是這等說。有甚麼好喫的。擎來。俺喫耍子。〔通天大聖云〕兄弟也。你看俺這裡高山峻嶺。闊澗陡崖。都是俺的境界。兄弟。俺正好遊賞。看有甚麼人來。〔淨猿精石精上〕〔猿精云〕神通短淺。全不濟。每日洞中打盹睡。若有天兵來擎我。高山頂上豎直立。俺二人猿精石精便是。奉俺齊天大聖的言語。請二位上聖。走一遭去。可早來到也。無人報復。自家過去。〔見科〕〔猿精云〕上聖。俺二人奉上聖法旨。特來請二位上聖。去花果園水簾洞赴會哩。〔通天大聖云〕三兄弟。既然二兄弟請俺赴會。俺弟兄二人。駕一陣清風。直到水簾洞赴會。走一遭去。今朝開宴翠峯頭。山桃山果勝珍饈。敬請吾神親赴會。洞內開懷飲數甌。〔同下〕〔淨扮老獼猴上〕云攀藤攬葛串林梢。閑來摘果又偷桃。見箇蓮蓬生樹上。仔細端詳着眼瞧。則因嘴饞心裏愛。舒手攀枝勾不着。就把通臂忙施展。登時下手與一搖。不想蓮蓬裏面生毒物。飛將出來將我誆一交。撲頭撲面胡蜂落。螫的區區沒處逃。叮了鼻子咬了嘴。跌了脊梁閃了腰。至今沒處討膏藥。渾身疼痛還不消。被他頭上螫一下。嘴腫的腦袋似椰瓢。小聖乃花果山水簾洞獼猴大神是也。自太極初分。化生萬物。各有異樣。可不知怎麼又生下我這樣尖嘴縮

腮。毛手毛腳。這等穢東西來。真乃是蠢魯之物。醜姤之形。偷桃摘棗。攬葛攀藤。上竿作戲。能將雙臂通神。揪扯搗揉。盡皆虛詐不實。扯人衣服第一。自從着那該次的胡蜂螫了一下之後。就怕我不敢出門。每日則趨在洞裏。這一向伴着獼猴蝦蟆脩行坐禪耍子。盤着脚在荷葉上坐着。合掌當胸。各顯神通。嘴又骨朵。腦袋又疼。〔雜當云答打科〕〔二云〕怎麼又疼。〔獼猴云〕還是那胡蜂叮的。今在此山中爲其洞主。只因齊天大聖那箇傻兒。不知那裡偷將幾丸藥來。又是幾瓶打刺孫。他說是甚麼仙酒仙丹。我那裡信他。他又在我這洞裏狐假虎威。倚仗是仙家之物。要在此洞排筵慶會。委我就買辦。打緊的這兩日東西又貴。止尋了些野味兒。頭一道是川炒獼頭龍。第二道是油爆叫蟻蚌。第三道是拖麵煎蝎虎兒。第四道是醬燻獼蝦蟆。餘者小菜兒。都不打緊。我扒在河裏。撈了一兜紅蟲兒。也有鮒陡蟲。加上胡椒醋兒。做幾碗鮮湯。蝎子蜈蚣。權爲案酒。活燒菜花。蛇兒是攔門的打散。我與你條開卓器。大聖這早晚。敢待來也。〔齊天大聖上〕〔二云〕吾神乃齊天大聖是也。今日在於水簾洞中。安排筵會。請通天大聖。耍耍三郎。俺弟兄三人。賞仙酒金丹。我着猿精請去了。可怎生這早晚不見來。〔通天大聖同耍耍三郎猿精石精上〕〔通天大聖云〕吾神乃通天大聖是也。兄弟。俺離了本山。可早來到此水簾洞也。猿精報復去。道有俺二人同來赴會也。〔猿精報復科〕〔二云〕報的上聖得知。二位上聖來了也。〔齊天大聖云〕道有請。〔猿精云〕有請。

〔見科〕〔齊天大聖云〕早知哥哥來到。只合遠接。接待不着。勿令見罪也。〔通天大聖云〕兄弟也。你請我弟兄每來爲何。〔齊天大聖云〕哥哥不知。您兄弟搖身一變。化作一箇看藥爐的仙童。扳倒煉丹爐。先偷老君藥丹。後至天廚御酒局。盜了仙酒。此物食之者延年益壽。長生不老。今日在此洞中排宴。特請二位尊神來共賞也。〔耍耍二郎云〕我昨日晚夕。做了一箇夢。夢見喫仙酒靈丹。不想今日二哥有請。我正是應夢大吉也。〔通天大聖云〕住住住。兄弟。你原來偷了老君的仙酒仙丹。敢不中麼。此物非同小可。食之者延年益壽。長生不老。不合盜將來。則怕上聖知道。可怎了也。〔齊天大聖云〕哥哥。你說的差了也。憑着我神通廣大。變化多般。便有天兵來。我也與他決戰千合。量他到的那裡也。〔耍耍二郎云〕二哥。你說的是。你則放心喫酒。若有天兵來。幫扶着你。一箇來拏一箇。兩箇來拏一雙。則有我着。〔通天大聖云〕兄弟。你不聽我的言語。則怕上帝得知。遣天兵來擒拏俺兄弟三人。可怎了也。〔齊天大聖云〕哥哥。你且放心。我自有箇主意。下次小的每將酒來。我與哥哥洪飲數盃也。〔猿精云〕理會的。兄弟每看酒來。〔獼猴云〕正是添換一道道慢慢的來。衆位大聖。猜謎吃酒。行令耍子。怕甚麼那。〔猿精報科〕云云。可不早說。報的上聖得知。今有二郎。領着天兵。來擒拏上聖哩。〔通天大聖云〕兄弟也。因你盜了仙酒仙丹。有犯天條之罪。上帝着二郎尊神。引領天兵。拏俺弟兄三人。俺須索與他拒敵。統領大小猿精。與二郎神鬪勝。走

一遭去。兄弟。你慢來。我先去也。猿哥擺陣列旗旛。鳴鑼擊鼓震天關。齊天大聖親爲帥。吾神變化幾千般。駕霧騰雲親鬪勝。摧林拔樹已崩山。手中鐵棒輕舉。我着那百萬天兵透膽寒。(下)(齊天大聖云)頗奈二郎神無禮。我和你往日無冤。近日無讐。因何領兵擒拏吾神。更待干罷。吾神就點大小鬼兵。與二郎鬪勝。走一遭去。則爲仙酒靈丹惱上蒼。金戈鐵甲列刀鎗。聽言說罷心生怒。休誇神聖二郎強。忙驅鬼怪持兵刃。急喚妖精擺戰場。憑着我入地昇天能變化。我着他認的齊天大聖王。(下)(耍耍二郎云)兩箇哥哥去了也。罷罷罷。事到今日。一不做。二不休。便點手下妖精鬼魅。拏着叉爬掃帚。和二郎鬪勝。走一遭去。我和他比並高低。准備着厮殺相持。天兵來將我追趕。我且趨在觔陡房裏。(下)(彌猴云)我倒笑了。這一起妖精。有酒膽。沒飯膽。我正耍行令耍子。吃幾甌子。不想有這場事。既有他。便有我。我若怕他。我老子就是夜魔子變的。我如今點就本洞精怪。拏着這條性命。我和他交戰。走一遭去。則爲俺齊天聖無廉無恥。盜仙丹做了小李。兵馬司不敢來拏。巡捕的不知頭尾。排筵會正耍耍子。誰承望有這場是非。二郎神與俺交鋒。惱得我怒從心起。抖擻開萬縷金毛。領妖兵就尋對壘。無戰馬騎着山羊。少兵器拏着碓嘴。把旗竿權做長鎗。砍樹枝就當劍戟。半頭磚拏着幾箇。着緊處就是砲石。一隻手搥着通條。一隻手拏着棒槌。若撞見二郎真君。扯住他一隻大腿。細腰狗牽將過來。活醃在臘肉缸裏。到正月慢慢的噴他。

賀新年權爲節禮。〔下〕〔外扮巨靈神上〕〔云〕勝闊身長數丈高。金睛赤髮怒衝霄。肩擔月樣開山斧。太華山峯用手搖。吾神乃巨靈神是也。身長數丈。變化多般。神通廣大。法力高強。今奉上帝勅命。因爲齊天大聖。偷盜了仙酒靈丹。有犯天條。差清源妙道真君。領梅山七聖。擒拏此業畜去。又着吾統領本部下神兵。與齊天大聖鬪勝。吾神不敢久停久住。統領神兵。擒拏此妖魔。走一遭去。齊天聖心懷奸詐。嘖忿忿決無干罷。撥妖魔命在須臾。身死在開山斧下。〔下〕〔齊天大聖通天大聖要耍三郎驢馬兒引猿精石精同上〕〔齊天大聖云〕吾神乃齊天大聖是也。則爲吾盜了仙酒金丹。上帝得知。差遣二郎真君。與吾神鬪勝。量他到的那裡。大小鬼兵。與我擺開陣勢者。〔通天大聖云〕大小猿兵。擺開陣勢者。遠遠的雲端起處。莫不是天兵來了也。〔正末同郭牙直七聖抱刀鬼奴厮兒天丁驢馬兒狗兒上〕〔正末云〕吾神二郎真君是也。統領本部下神兵。擒拏齊天大聖。走一遭去。〔郭牙直云〕上聖。看了俺這天兵。人人勇烈。箇箇威風。好是威嚴也。〔正末云〕看了本部下神將。是好威嚴也呵。〔郭牙直云〕上聖。俺這裡戈甲鮮明。鎗刀燦爛。好是威嚴也。〔正末唱〕

〔越調鬪鶴鶉〕擺列着戈甲千層。我則見征塵萬里。慘霧朦朧。愁雲閉塞。日淡雲籠。天昏地黑。則聽的鑼又鳴。鼓又催。劍戟生寒。鎗刀似水。〔郭牙直云〕端的是征

雲生四野。殺氣罩長空。霧鎖雲霄也。〔正末唱〕

〔紫花兒序〕寒風捲旌旗飄蕩。紅日映鎧甲新鮮。彩霞生袍錦光輝。〔抱刀鬼云〕上聖。你看這天神威勇。鬼兵浩大。量那邪魔。到的那裡也。〔正末唱〕你看這神兵簇擁。左右週圍。赳赳雄威。一片兵山十數里。施逞些三五陵豪氣。更和這惡鬼猙獰。踴躍威儀。

〔郭牙直云〕你看俺天兵陣勢。這等相持。是好齊整也。〔正末云〕量這邪魔。有何難哉。兀的來者何神。〔齊天大聖云〕吾神乃齊天大聖是也。你來者何神。〔正末云〕吾神乃二郎真君是也。爲你盜了金丹仙酒。吾奉上仙法旨。統領神兵。擒拿你來也。〔齊天大聖云〕吾神神通廣大。變化多般。量你到的那裡也。〔正末云〕這潑邪魔好生的無禮也。操鼓來。〔做亂戰科〕〔唱〕

〔鬼三臺〕我見他驅兵隊。施威勢。要相持對壘。我尋戰討。覓頭敵。非吾神怕你。〔通天大聖云〕兀那二郎神。吾乃通天大聖是也。你怎敢與吾神鬪勝。你見我這手中鐵棒麼。我着這這百萬天兵。粉骨碎身。〔耍耍三郎云〕兀那二郎。你須知俺弟兄三箇。插指頭不咬人的。〔正末唱〕三尖刀燦燦烈焰疾。鎗尖上火光疾。漸飛更那堪戰馬彎犇。你飛不出鎗刀劍戟。〔郭牙直云〕大小天兵。休着走了齊天大聖也。〔巨靈神領神兵躍馬兒上〕〔云〕二郎神。吾神奉太上神旨。同領神兵。與你助陣。休教走了這三箇邪魔也。〔耍耍三郎云〕可怎麼。又走將他來了。

〔做混戰科〕〔正末云〕這妖魔合當敗也。〔唱〕

〔調笑令〕將兵器怒持逞雄威。〔耍耍三郎云〕不干我事。是俺二哥做的勾當。〔正末唱〕你正是船到江心補漏遲。〔齊天大聖云〕吾神與天地同生。日月並長。量你到的那裡也。〔正末唱〕我見他遮截架解難迴避。列猙獰神鬼週圍。你看這鎗刀劍戟列整齊。統神兵耀武揚威。〔巨靈神云〕發妖魔怎敢與吾神對敵也。〔正末唱〕

〔禿厮兒〕四壁下狂風競起。垓心裏撻鼓奪旗。我見他紅光蕩蕩火塊疾。明燦燦透天地。可便爲魁。〔巨靈神云〕大小鬼兵。各顯神通。飛砂走石。擒拏住邪魔也。〔正末唱〕

〔聖藥王〕我將這戰馬催。更那堪刀去的急。刀尖上足律律的火光飛。顯耀些神力能。沒揣的起怪石。見天昏地慘。日無光輝。我教你獨自一箇落便宜。〔通天

大聖云〕天兵勢大。神力威嚴。俺神通淺短。獨力難加。敵不住神兵。可怎了也。〔齊天大聖云〕看了二郎真君法力威猛。吾神近不的他。走走走。〔巨靈神同衆神拏住齊天大聖。耍耍三郎科〕〔正末云〕衆天神拏住邪魔了也。〔郭牙直云〕上聖拏住妖魔也。〔正末云〕與吾神執縛定。見上仙去來。〔唱〕

〔尾聲〕殺的那敗殘的神鬼無邊際。我則見昏昏鄧鄧征雲罩日。今日箇齊天大

聖拱手見天仙。同赴玉闕金光洞天裏。〔同下〕

第四折

〔驅邪院主引鬼力上〕〔驅邪院主云〕太極初分天地中。驅神使將顯神通。金闕書名朝上帝。掌判驅邪鎮北宮。貧道北極驅邪院主是也。乃元始化身太極之體。開皇初劫下世。紫雲元年歲建甲午三月甲寅庚午時。符太陽之精。授胎金闕化身。父乃淨樂國王。母乃善勝夫人。腹孕一十四月。則太上八十二化。產母左脅降生。當生之時。瑞雲覆國。異香芬然。地土皆變成金玉瑞應之祥。生而神靈。長而勇猛。年至於七歲。經典一覽。悉皆默會。仰觀俯察。棄國辭朝。至於武當山內。脩行辦道。四十九年。至歲次庚子九月九日。有天花祥雲氤氳而下。五龍捧聖。白日飛昇。朝參金闕瓊臺。受印護國祐民。威鎮北方。統攝玄武之位。以斷天下邪魔。時有六天魔王。引諸鬼衆傷害生靈。毒氣上衝。玉帝勅命。差貧道披髮跣足。金甲玄袍。阜籙玄旗。引本部下六丁六甲五雷神兵。降臨凡世。與六魔王戰於洞陰之野。時魔王以坎離二氣。化蒼龜巨蛇。變現方成。貧道攝於足下。乃龜蛇二將是也。我分判人鬼。鎮諸魔衆。入於酆都。人民治安。風調雨順。貧道回奏玉帝。玉帝見貧道有功。勅封貧道九天採訪遊奕使。北極鎮天真武玉虛師相玄天元聖仁威上帝。正授北極驅邪院都教主。因爲齊天大聖。盜了仙酒金丹。上帝已知。着清源妙道真君灌口二郎。領本部下神

兵。同梅山七聖。擒拿齊天大聖。又着巨靈神助陣。此妖魔弟兄三人。大勢山精。前來拒敵。被天兵都盡皆拿住。鬼力遠遠的望者。等二郎來時。報復吾神知道。〔正末同巨靈神梅山七聖郭牙直抱刀鬼奴厮兒天丁鬼力拿齊天大聖通天大聖耍耍三郎同狗兒上〕〔正末云〕吾神乃二郎是也。奉上仙法旨。統領天兵。擒拿住齊天大聖等衆妖魔。俺回上仙話去來。〔巨靈神云〕尊神統領十萬天兵。一戰成功。俺拿住衆妖魔也。見上仙去來。〔正末云〕尊神行動些。〔唱〕

〔雙調新水令〕戰魔神得勝盡歸降。我這裡望瑤宮九重天上。妖神尋退隱。神聖戰功忙。志氣軒昂。朝仙界拜金像。〔巨靈神云〕吾神想二郎真君神通廣大。變化多端。

護國忠良。於民有益。保祐蒼生。多有功勳。上帝加封神位。下民建立祠堂。萬民享祭也。〔正末云〕說話中間。可早來到也。鬼力報復去。道有二郎真君。同巨靈神來了也。〔鬼力云〕理會的。報的上聖得知。有二郎真君同巨靈神來了也。〔驅邪院主云〕道有請。〔鬼力云〕有請。〔衆同見科〕〔正末云〕上仙。小聖同衆神將與齊天大聖交戰。擒拿住得勝班師也。〔驅邪院主云〕想齊天大聖盜了金丹御酒。罪犯天條。今已擒拿住。與我拿過來。〔衆做拿齊天大聖等跪科〕〔驅邪院主云〕兀那妖魔。您怎生盜了金丹。偷了仙酒。有犯天條。怎生被天兵擒住。合受酆都之罪也。〔齊天大聖云〕上聖可憐見。小聖誤犯天條。望上聖寬恕小聖這一遭者。〔正末唱〕

〔沽美酒〕犯天條奏玉皇。因丹結

因丹結三字疑是竊靈丹之誤

盜金漿。則爲他罪若丘山惱上蒼。

施逞些兇頑的氣像。列神兵。顯高強。

〔太平令〕我奉玉勅驅邪捉將。仗神威妖魅潛藏。臨地窟一衝一撞。入寒波興

風作浪。弟兄每顯揚。志昂性剛。逆天心金丹佳釀。〔驅邪院主云〕您衆天神。怎生與齊

天大聖鬪勝來。你慢慢的說一遍者。〔驅邪院主云〕你說一遍。吾神試聽者。〔正末唱〕

〔川撥棹〕我則見閉寒光。動天關雷震響。擺列着神鬼高強。戈戟刀鎗。一箇箇

威風猛壯。看今番惡戰場。

〔七弟兄〕我則見這廂。那廂。鬪爭強。三尖刀緊劈銅脖項。鋸鋸劍光彩似冰霜。

火尖鎗更刺咽喉上。

〔梅花酒〕呀。他每都使智量。俺神聖威光。鬼力昂昂。戈戟旌幢。斬邪魔。擒敗鬼。

入地窟。上天堂。看了俺這一場。神着箭痛悲傷。馬着鎗怎生當。〔驅邪院主云〕齊

天大聖。這天神勇猛。大敗虧輸。量他到的那裡。你再說一遍。〔正末唱〕

〔收江南〕呀。殺的他忘魂喪魄怎還鄉。倒戈卸甲盡來降。只因仙闕盜金漿。他

都宴享。難同地久與天長。〔驅邪院主云〕天丁神將。擎下齊天大聖衆多妖魔。你聽者。二郎神

顯耀威靈。奉勅旨統領天兵。犯天條齊天大聖。偷仙酒罪犯非輕。盜靈丹合當斬首。罰陰司不得超昇。尊上帝好生之德。再休題妄想貪嗔。從今後改惡向善。朝上帝禮拜三清。衆神將各歸洞府。還本位齊赴天庭。

題目

花果園賞仙酒金丹

正名

二郎神鎖齊天大聖

齊天大聖穿關

頭折

元始天尊

如意蓮花冠 鶴髦 牌子
玳瑁 三髯髯 執圭

仙童

秦巾 邊欄
道袍 緋兒

齊天大聖

三山帽 錦襖 爽兒臉
如意裙

項帕 直纏 襖膊 藍絹褲 腿綳護膝 爽扇 布

乾天大仙

如意冠 鶴髦 牌子
玳瑁 三髯髯 執圭

鬼力

鬼頭 錦
襖 項帕

法墨冠 襖膊 天丁神

鐵幘頭 膝欄曳撒 袍
鐵幘頭 膝欄曳撒 袍
三髯髯 旗 項帕 直

正末二郎神

三山帽 四花圓
領帶 如意

郭牙直

鐵幘頭 膝欄曳撒 袍
直纏 襖膊 帶 帶劍 紅髯

抱刀鬼

鬼頭 錦襖 項帕 法墨
直纏 襖膊 執刀

奴厮兒 髮

頭陀 茶褐直身 狗衣
緋兒 彈弓

第二折

齊天大聖

同 猿精

鐵頭 錦襖 項帕
法墨冠 直纏 襖膊

石精

鬼頭 錦襖 項帕
法墨冠 直纏 襖膊

正末二郎神

奴厮兒抱刀鬼

鬼力

狗郭牙直

同 天丁神

前 梅山大聖

二聖 三聖 四聖 五

聖 六聖 七聖

撒髮陀頭抹額
直纏 襖膊

膝欄曳撒 袍 項帕
帶 帶劍 三髯髯

第三折

通天大聖

三山帽 爽兒臉 錦襖 如意裙 項帕 直纏 襖 耍耍三郎 爽兒頭 錦

項帕 直纏

襖 腿細護膝 布襖 八答鞋 藍絹褲 鐲環 爽扇 猿精 石精 同 老獼猿 爽兒頭 錦襖 如意裙 腿細

護膝 布襖 八答鞋

藍絹褲 鐲環 爽扇 齊天大聖 通天大聖 耍耍三郎 猿精 石精 又上 同 巨靈

神 束髮冠 紅髮簪角 陀頭抹額 紅膝襖 曳撒

紅火袍 項帕 直纏 襖 齊天大聖 通天大聖 耍耍三郎 猿

精 石精 又上 同

正末二郎神 郭牙直 七聖 抱刀鬼 奴厮兒 天丁 狗 同 巨靈

神 又上 同

第四折

驅邪院主

撒髮陀頭 鶴氅 牌子 玳瑁 鬼力 同 正末二郎神 巨靈神 七聖 郭牙

直 抱刀鬼 奴厮兒 天丁 鬼力 拏齊天大聖 通天大聖 耍耍三郎 狗 同

萬曆四十三年二月十七日校內本清常記

灌口二郎斬健蛟

闕名

頭折

〔冲末外扮驅邪院主領鬼力上〕〔院主云〕造化陰陽天地中。神通廣大顯威風。金闕庭中朝玉帝。掌判驅邪鎮北宮。吾神乃驅邪院主是也。掌領天丁神將。常臨金闕庭中。今有下方一道青氣。上接九霄。撥開雲頭觀看。望見嘉州太守趙煜。平生秉性忠直。心無邪佞。治民有法。判斷無私。今奉玉帝勅令。差天丁接引。正直爲神。白日飛昇。鬼力。喚將天丁來者。〔鬼力云〕理會的。天丁安在。〔天丁上〕〔云〕寶殿巍巍映上蒼。羣真齊列赴天堂。常臨紫府天樞院。金闕庭中奉玉皇。小聖乃天丁神是也。正在天樞院聽令。有鬼力來報。上聖呼喚。不知有何神旨。須索見上聖。走一遭去。可早來到也。報復去。道有天丁來了也。〔鬼力云〕理會的。報的上聖得知。有天丁來了也。〔院主云〕着他過來。〔鬼力云〕理會的。過去。〔天丁見科〕〔云〕上聖呼喚天丁。有何神旨。〔院主云〕天丁。喚你來別無甚事。今有下方嘉州太守趙煜。平生秉性忠直。心無邪佞。治民有法。判斷無私。今奉玉帝勅令。天丁。你領本部下神兵。直至人間。接引太守趙煜。白日飛昇。同上天庭。勿得延遲。速臨塵世。〔天丁云〕得令。奉上帝神旨。駕起祥雲。直至人間。接引趙煜昇天。走一遭去。小聖親蒙上帝差。

忙傳神旨下天來。嘉州太守登雲路。同共飛昇上九垓。〔下〕〔院主云〕天丁去了也。等趙煜飛昇之時。吾神接引他同朝玉帝。共謁三清也。速令天丁降下方。嘉州青氣映穹蒼。飛昇白日冲霄漢。同赴天宮朝玉皇。〔下〕〔正末扮太守領祇從上〕〔云〕小官姓趙名煜。官拜嘉州太守。小官平昔秉性忠良。正直無私。治民有法。一郡黎民。各安其業也呵。〔唱〕

〔仙呂點絳脣〕則爲我性格忠良。位居卿相。無偏枉。端的是節操堅剛。我教這一郡民希望。

〔混江龍〕更那堪心懷寬量。我則待減差徭。薄稅斂。得安康。你看這田蠶廣盛。禾稼豐穰。見如今一郡黎民歌稔歲。嘉州士庶樂風光。眞乃是民歡暢。我端的平生勇烈。志氣軒昂。〔云〕祇從人衙門首看者。若有甚麼人來。報復我知道。〔祇從云〕理會的。

〔淨老人同淨社長甲首上〕〔老人云〕段段田苗接遠村。太公莊上賣糊粥。雖然嫌辣不喫蒜。一箇擎着一把葱。老漢是這嘉州老人是也。俺這裡新除將一箇趙太守來。好生清廉正直。秉性忠良。與人水米無交。不期如今冷源河內。有一健蛟。興風作浪。損害人民。我報與大人去。祇從哥哥報復一聲。道有老人見相公。有事來稟。〔祇從云〕理會的。報的相公知道。有一老人。來見相公。見在門首。〔正末云〕着他過來。〔祇從云〕理會的。過去。〔老人見科〕〔云〕相公。禍事了也。〔正末云〕

老人禍從何來。〔老人云〕告的相公得知。今有冷源河內。有一健蛟。興風作浪。吐霧噴雲。致傷禾稼。損害人民。遺禍一方。深爲大患。怎生是好也。〔正末云〕這妖魔好是無禮也。〔老人云〕這妖魔我也說他無禮。損人壞舟。無法可治也。〔正末唱〕

〔油葫蘆〕那厮他損害生靈一地方。不是我心性莽。猛然間心中忿氣夯胸膛。則爲那無端業畜心狂蕩。他在那冷源河內興風浪。〔老人云〕相公。這健蛟在於水中。嚼這凡人。怎生近他也。〔正末唱〕怎縱橫在水中。隨寒波水勢長。者其他浪滔滔捲起千波浪。憑着我忠義不尋常。〔老人云〕那業畜好生利害。咬人傷物。則怕難近他麼。〔正末唱〕

〔天下樂〕我若不入水登波不算強。則我這心也波腸。端的我有異方。你看我剿除了業畜民讚揚。非是我心性乖。你可休無主張。則俺這男兒當自強。〔老人云〕看了這健蛟。成了氣候也。在於水中。興風作浪。損壞船隻。傷人性命。俺里老人等。怎生近他。則怕他使後蹄踢着人。似此怎了也。〔正末云〕老人不妨事。我自有神機妙策。剿除這邪神去也。

〔唱〕

〔醉扶歸〕我若是排金鼓。驅兵將。鳴畫角。列旗槍。你若是擂鼓篩鑼將威勢長。憑着我膽氣精神壯。非是我虛言自獎。我替這窮百姓每除災障。〔老人云〕老漢

則知道他是箇妖魔邪神。俺這凡人。便怎生近的他。十分利害也。〔正末云〕老人。你但放心。你看我鋪謀運智。擒拏這邪魔妖怪也。〔天丁領鬼力執幢旛寶蓋鳴清樂上〕〔天丁云〕小聖按落雲頭。可早來到也。趙太守。吾神奉上帝勅令。因爲你廉能清正。秉性忠直。上帝着吾神下降。同你白日飛昇。吾神特來接引你也。〔正末云〕量小官有何德能。感蒙上帝勅令。着小官白日飛昇。又勞天神接引也。〔唱〕

〔金盞兒〕我這裡望穹蒼。見神光。你看他神威豪氣三千丈。他道是親蒙着上帝氣昂昂。〔天丁云〕爲你平生忠厚。秉性剛直。上帝不負你之大德。以此今日冲昇天上也。〔正末唱〕則爲我忠直皆守志。德性秉溫良。今日箇青霄登正道。待教我白日上天堂。〔天丁云〕上聖不可久留塵世。便索見上帝。走一遭去。〔正末云〕我則今日遠離凡世。同見上帝。走一遭去也。〔唱〕

〔尾聲〕我這裡迅步出樊籠。平地昇天上。我趁着這瑞氣祥雲便往。特上天庭離下方。我則見散遙空袖拂天香。我這裡自斟量。皆因是先世留芳。則我這骨格清奇自暗想。〔天丁云〕上聖駕起祥雲。同上天庭去來。〔正末唱〕我如今親自便往。你看那清風飄蕩。我與你駕祥光。飛上五雲鄉。〔同下〕〔老人云〕誰想今日。天上降下一位

神祇來。與俺太守大人。同共飛昇去了。老漢聚集本州里老人等。則今日就立起廟宇。在此灌江。俺百姓一年四季。祭賽尊神。早知道太守昇仙。我跟將他去也罷來。着我兩眼淚交流。丟下老漢怎干休。恰纔本待跟將去。我則怕掉將下來跌破頭。〔同下〕

第二折

〔外扮健蛟神領鬼力上〕〔云〕髮豎衝冠號健蛟。翻江攪海作波濤。喜來浪息舟平穩。怒後屍橫水面飄。吾神乃健蛟神是也。在此嘉州冷源二河內。千百餘年。通靈顯聖。一郡黎民。與吾陞堂立廟。一年四季。祭祀吾神。若是虔心至意。祭祀的吾神歡喜呵。風調雨順。五穀收成。浪穩舟平。風恬雲淨。若祭祀的吾神煩惱呵。風雹亂下。損壞船隻。五穀難收。人民遭害。掀房揭瓦。士庶不安。吾神春夏爲害。秋冬藏之。嘉州人民。焚香頂禮。血食一方之地。吾神今日無甚事。統領本部下鬼兵。去冷源河內散心遊戲。走一遭去。則我這黃金甲襯絳紅袍。與風作浪。起波濤。凡夫若不將吾信。我着他水底身亡命不饒。〔下〕〔正末扮二郎領奴廝兒抱刀鬼鬼力狗兒上〕〔正末云〕吾神乃嘉州太守趙煜是也。因爲吾神稟性忠直。心無邪佞。以此白日昇天。正直爲神。灌江人民。奏知聖人。與吾神立廟陞堂。封吾神爲灌口二郎真君之位。受一郡黎民香火享祭。想起我做太守之時。老人來報。嘉州冷源河內。有一健蛟。興風作浪。損壞船隻。所傷人民太重。血食一方。百姓受害。吾神

今已爲神。欲要領本部下神兵。擒拿健蛟。未蒙上帝勅令。不敢擅便。似此業畜。好無禮也呵。〔唱〕

〔中呂粉蝶兒〕這業畜。罪犯天條。害民情意。多貪暴。損生靈。波浪風濤。我將那箇潑妖魔。生擒住。我教他受一會凌虐。怎肯就饒。你看我顯神威。施逞惡躁。

〔醉春風〕我若是奉玉帝把吾差。仗神通將妖孽掃。你看我除邪斷怪。有神通。將妖氛來剿。憑着我膽氣英昂。神威勇健。志存忠孝。〔云〕一陣香風過處。必有神

聖至此也。鬼力門首覷者。若有神祇至呵。報復香神知道。〔鬼力云〕理會的。〔天丁上云〕小聖乃天丁神是也。奉玉帝勅令。因爲二郎賢聖。已得天神之位。膽氣英雄。神威力勇。除妖滅怪。變化多端。今有冷源河內。健蛟作亂。損害人民。差灌口二郎。統領本部神兵。擒拿健蛟去。吾神須索報知二郎。走一遭去。按落雲頭。可早來到也。鬼力報復去。道有天丁奉上帝勅令至此也。〔鬼力云〕理會的。〔報科〕〔云〕報的上聖得知。有天丁奉上帝勅令到此也。〔正末云〕道有請。〔鬼力云〕理會的。有請。〔天丁見科〕〔云〕二郎尊神。聽玉帝動令。〔正末做跪科〕〔天丁云〕今有嘉州冷源河內。有一健蛟。興風作浪。損害人民。作孽極多。奉玉帝動令。着你統本部神兵。速離本位。疾下天庭。剿滅邪怪。不可延遲也。〔正末做拜科〕〔云〕這妖魔邪神。合當該敗也。〔唱〕

〔紅繡鞋〕量那箇潑妖魔。不合神道。他則待損生靈。亂下風雲。是他便作孽極。

多損禾苗。致令的天公怒。怎容的半分毫。你看我便遇邪魔。尋差錯。〔天丁云〕尊神。你不必久停久住。領本部下神將。便索長行。小聖駕起祥雲。回上帝話。走一遭去。統神兵莫得消停。見尊神細說叮嚀。顯神威擒拏妖怪。駕祥雲回奏天庭。〔下〕〔正末云〕天丁去了也。鬼力喚過郭牙直來者。〔鬼力云〕理會的。郭牙直安在。〔外扮郭牙直上〕〔云〕正直中和所事平。穹蒼昭鑑甚分明。凡夫若肯行公道。自然名姓列天庭。小聖乃郭牙直是也。在二郎神麾下爲將。鬼力來報。上聖呼喚。不知有甚事。須索走一遭去。可早來到也。報復去。道有郭牙直來了也。〔鬼力云〕理會的。〔報科〕〔云〕報的上聖得知。有郭牙直來了也。〔正末云〕着他過來。〔鬼力云〕理會的。過去。〔郭牙直做見科〕〔云〕上聖呼喚小聖有何事。〔正末云〕今喚你來不爲別。你聽者。〔唱〕

〔普天樂〕則爲那健蛟神。他則待施兇暴。我如今親蒙聖勅。直下雲霄。〔郭牙直云〕小聖親率神兵。擒拏健蛟。務要剿除了妖患也。〔正末唱〕你與我率士卒。驅兵校。仗着這鬼使猙獰神通妙。你與我便助神威。喊殺聲高。韻悠悠。二番畫角。更那堪鑼鳴鼓操。骨刺刺雲摩旗搖。〔郭牙直云〕量他到的那裡。〔正末云〕郭牙直且一壁有者。鬼力喚將眉山七聖來者。〔鬼力云〕理會的。眉山七聖安在。〔外扮眉山七聖上〕〔云〕二聖三聖四聖五聖六聖七聖同上。〔大聖云〕撒髮披袍敢自當。眉山七聖逞高強。邪魔外道聞吾怕。鬼怪山精無處藏。小

聖乃眉山大聖是也。俺七位神祇。神通廣大。法力高強。今投降在二郎尊神部下爲將。鬼力來報。上聖呼喚。不知有何事。見上聖走一遭去。可早來到也。鬼力報復去。道有眉山七聖來了也。〔鬼力云〕理會的。〔做報科〕〔云〕報的上聖得知。有眉山七聖來了也。〔正末云〕着他過來。〔鬼力云〕理會的。過去。〔七聖做見科〕〔大聖云〕上聖呼喚眉山七聖。有何神旨。〔正末唱〕

〔滿庭芳〕哎。你箇神兵暗約。你是那眉山七聖。顯耀英豪。則你那神通廣大。知玄妙。更那堪武藝絕高。〔二聖云〕上聖喚俺七聖來。那廂使用。〔正末唱〕你共那潑妖魔。無知健蛟。你和他共相持。定論低高。〔三聖云〕是那妖魔。何足道哉。〔正末唱〕不由我微微笑。你覷他猶如芥草。似這般彌天罪。怎生饒。〔三聖云〕上聖。這妖魔千百餘年。作孽太重。俺七聖欲要擒拏。未蒙上帝勅旨。不敢自專也。〔正末云〕您衆神將聽者。今因此業畜。在嘉州冷源河內作亂。損害生靈太重。奉上帝勅令。着吾神統本部下神兵。擒拏健蛟。您衆神將各領神兵。跟隨吾神。剿除邪魔。共破邪魅。有何不可。〔四聖云〕憑上聖神威力勇。衆神將跟隨。覷蛟神有如兒戲也。〔正末唱〕

〔快活三〕仗神威施躁暴。憑忠義逞龐豪。一箇箇通天徹地志冲霄。怎肯道伏低弱。〔五聖云〕憑上聖神通廣大。法力高強。變化多般。量那邪魔。到的那裡也。〔正末唱〕

〔鮑老兒〕憑着我法力高強智勇饒。武藝神通妙。則我這握霧擎雲德行高。誰敢道相違拗。你看我神機妙算。氣冲牛斗。胸捲江濤。將那廝刀劈箭射。繩纏索綁。命在今朝。〔六聖云〕衆多神將。大小神兵。跟隨上聖。到於嘉州。務要擒拿了此業畜。與民間除害。上聖支撥俺這衆神將者。〔正末云〕則要恁衆神將盡心竭力。顯耀神通。跟隨吾神。擒拿健蛟神去來。〔七聖云〕得令。俺眉山七聖。各顯神通。人人斷怪除邪。箇箇擒妖捉祟。此一去必然破了健蛟也。〔正末唱〕

〔尾聲〕響璫璫。又篩撲。撲。又敲。收那箇潑邪魔。押上鄧都道。我直着萬姓居安。快活到老。〔下〕〔郭牙直云〕上聖去了也。吾神統本部下神兵。與健蛟鬪勝。走一遭去。駕祥雲跟隨上聖。統神兵速離本位。擒拿住健蛟邪神。着他入鄧都不能出世。〔下〕〔大聖云〕俺眉山七聖。同駕起祥雲。擒拿健蛟。走一遭去。惡鬼強神。列戰場。神通變化顯高強。拿住健蛟親殺壞。邪魔外道盡歸降。〔同下〕

第三折

〔二淨健神健鬼同上〕〔健神云〕中和直正我爲魁。曾賣取燈去換灰。休道空中無神道。霹靂雷聲打出尿。俺二神乃健蛟神麾下。二將健神健鬼的便是。俺二神神通慢帳。法力低微。我這上聖。

千靈萬聖。求風下雨。求雨下雪。每日跟着上聖。則是抹些油嘴喫耍。〔健鬼云〕哥。你還不知道。我打聽了一莊新事。如今上帝差二郎神統領天兵前來。要和健蛟神鬪勝。若有些好歹。你我兩箇怎麼了。我和你請上聖出來。和他商議。怎生做箇準備。俺試提防他也。〔健神云〕兄弟。你說的是。請上聖出來。與他說知。好做準備。差水卒請上聖去了。這早晚敢待來也。〔健蛟神上〕〔云〕吾神乃健蛟是也。今有水卒來報。頗奈二郎無理。我和他往日無冤。近日無讐。他統領本部下神兵。來要與我神鬪勝。量他何足道哉。〔健神見科〕〔云〕上聖來了也。恰纔我弟兄兩箇。正在這裡商議這莊事。量那二郎神。有何罕哉。上聖但放心。則有俺兩箇着。管情與你弄壞了。俺如今多領些水卒。和他鬪勝去。若是贏了。往前趕着。則管裡殺。若是輸了。瞧箇空兒。預備就跑之。怕他做甚麼。〔健鬼云〕哥。你說的是。三十六計。走爲上計。跑了的還。是便宜。如今法度。不是好惹的。留着性命。且喫羊頭燒酒耍子罷。〔健蛟神云〕您二人跟隨着吾神。統領本部下水卒。與二郎鬪勝。走一遭去。大小鬼兵。聽吾神旨。征旗擺列。劍戟齊排。水卒鬪勝敢當先。山精交兵能戰討。到來日統領神兵似虎狼。水卒奮勇氣昂昂。惡鬼猙獰施智勇。鬪勝交兵戰一場。〔下〕〔健神云〕上聖去了也。我和你兩箇。也要做箇計較。〔健鬼云〕哥。也可知哩。我也是這等說。槍刀上無眼。脖子上一下。就喫不的飯了。〔健神云〕兄弟。你也說的是。一刀砍了頭。可也倒好。身子安樂便罷。要那頭做甚麼。

〔健鬼云〕哥。你還不曉的哩。這沒頭的官司難打。〔健神云〕你但放心。則有我着。不是我做事兒搭。〔健鬼云〕拏住我惹人笑話。〔健神云〕我央及下土地做證見。〔健鬼云〕我去晏公老子家告他。〔同下〕〔健蛟神驪馬兒領健神健鬼同上〕〔健蛟神云〕吾神乃健蛟神是也。統領大小水卒。與二郎鬪勝。走一遭去。大小鬼兵。擺開陣勢者。〔健神云〕上聖。你看那遠遠的天兵來了。我這一會兒。倒有些怕上來了。〔健鬼云〕你好不長進。虧你還要做人哩。羞死人。不要害怕他。把膽子放下來。則有我着。〔健蛟神云〕兀那雲端起處。天兵來的至近也。〔正末變化青臉紅髯領郭牙直奴斯兒七聖抱刀鬼驪馬兒鬼力同上〕〔正末云〕吾神乃二郎是也。奉上帝勅令。着吾神統本部下神兵。擒拏健蛟。走一遭去。大小神兵。擺布的嚴整者。〔衆云〕得令。〔郭牙直云〕上聖。量那潑妖魔。到的那裡也。〔正末唱〕

〔越調鬪鶴鶉〕你看這霧靄雲籠。天愁地黑。更和這冷霧寒風。通南徹北。豪氣猙獰。威風氣勢。更和這殺氣生。我看他性命催。擺列着劍戟槍刀。有他這能神惡鬼。〔大聖云〕你看那神兵過處。天昏地暗。日色無光。端的是威風也。〔正末唱〕

〔紫花兒序〕昏鄧鄧一天殺氣。虛飄飄萬里寒風。冷颼颼四壁嚴威。更有這神兵古怪。叱咤容儀。豪氣風雷。他每都插箭彎弓。尋對壘。俺今日親臨凡世。試看

我略展神通。別辨箇高低。〔云〕大小神兵。擺開陣勢者。〔郭牙直云〕得令。大小神兵。擺布的嚴整者。〔健蛟神云〕來者是那一位神將。〔正末云〕吾神乃灌口二郎是也。你是何神也。〔健蛟神云〕吾乃健蛟神是也。我與你往日無冤。近日無讐。你統神兵。與吾交戰。可是爲何也。〔正末云〕吾神奉上帝勅令。特來擒拏你這妖魔來。〔健蛟神云〕量你到的那裡也。〔正末云〕這邪魔好是無禮也。〔唱〕

〔金蕉葉〕我見他嗔忿忿施呈武藝。惡狠狠相持對壘。氣昂昂輪槍動戟。他那裡雄赳赳高聲叫起。〔抱刀鬼云〕大小神兵。鳴鑼擊鼓。吶喊搖旗。擺布的嚴整者。休教走了這妖魔者。〔健蛟神云〕兀那二郎神。你敢與吾神鬪勝麼。〔正末云〕這邪魔好生無禮也。神兵操鼓來。〔二聖云〕大小神兵。鑼鳴鼓響。吶喊搖旗。務要擒拏了這妖魔也。〔做戰科〕〔正末唱〕

〔調笑令〕鼓聲又振急。更有這戰鑼催。試看我顯化通神那氣勢。我則見神兵鬼力魚鱗砌。仗英雄耀武揚威。一箇箇輪槍舞劍奮虎威。更那堪吶喊聲齊。〔四聖云〕大小神兵。下了天羅地網。休着走了健蛟也。〔健蛟神云〕二郎神聖好生勇猛難敵也。

〔正末唱〕

〔禿厮兒〕三尖刀連頭便劈。鳳翎箭左右神射。我則見長槍闊劍雨點疾。他那

裡怎支持。可也難敵。〔健鬼云〕這一郎神通廣大。舉起刀來。讀的我那碎屁兒直流。〔正末唱〕

〔聖藥王〕俺這裡神力威顯。正直槍刀劍戟似風疾。更和這戰馬奔神獸疾。殺的他忘魂喪魄走如飛。那裡也八面虎狼威。〔健蛟神云〕吾神近不的他。逃命走走走。

〔正末云〕衆神將與我拏住妖魔者。〔郭牙直同衆拏住健蛟神健神健鬼科〕〔五聖云〕上聖都拏住了也。〔鬼力做擲健神健鬼科〕〔健神云〕哎約。哎約。上聖輕着些兒。閃了我手也。〔正末云〕

衆神將將這妖魔拏的見上聖去來。〔抱刀鬼云〕得令。〔做將鐵鎖鎖住健蛟神同健神健鬼科〕

〔健神云〕我死也。都是你貽累我也。〔正末唱〕

〔尾聲〕將這些潑妖魔。擒向驅邪內。都做了鄆都餓鬼。平定了百姓永無憂。共享昇平萬萬里。〔同下〕

第四折

〔驅邪院主領鬼力上〕〔云〕只因健蛟興風浪。特遣天神把害除。吾神乃驅邪院主是也。因爲嘉州冷源河內。有一邪魔。名號健蛟。千百餘年。在此興風作浪。損害人民。今奉上帝勅令。因嘉州太守趙燼。正直爲神。着他統領神兵。擒拏健蛟。去剿除禍害。鬼力看者。等二郎神來時。報復我知道。〔鬼力云〕理會的。〔正末領郭牙直七聖抱刀鬼鬼力鎖健蛟神健神健鬼上〕〔正末云〕吾神二

郎是也。奉上帝勅令。擒拏了健蛟等邪魔妖怪。見上聖走一遭去。〔抱刀鬼云〕兀那業畜行動些。

〔正末唱〕

〔雙調新水令〕今日箇統神兵生擒住潑無徒。你看這衆天官吏卒擁護。東西排劍戟。前後列軍卒。端的是豪氣冲虛。你看這驚天地。喊聲助。〔云〕可早來到也。神兵將這妖魔執縛定者。〔郭牙直云〕尊神執縛住了也。〔正末云〕鬼力報復去。道有二郎神擒拏的健蛟來了也。〔鬼力云〕理會的。報的上聖得知。有二郎神擒拏的健蛟來了也。〔院主云〕着他過來。〔鬼力云〕理會的。過去。〔正末見科〕〔云〕上聖。小聖擒拏住健蛟。特來獻功也。〔院主云〕二郎。你今日剿除妖怪。擒捉邪神。索是驅馳。生受勞苦也。〔正末云〕小聖奉上帝勅令。擒此妖魔。何勞之有也。〔唱〕

〔駐馬聽〕我今日統領神卒。我須是奉勅承宣排隊伍。和俺這天神相遇。他正是害生靈。自作下殺身術。〔院主云〕論此妖魔。損壞生靈。作孽太重。好生無禮也。〔正末唱〕則爲他壞田禾。不義忒狂圖。今日箇無端致令天公怒。我將那妖神親自取。則爲他罪彌天。堪押入酆都獄。〔院主云〕二郎神。你奉上帝勅令。統領本部神兵。擒拏邪魔。今日得勝回還。那妖魔在那裡也。〔正末云〕見在驅邪院門首。〔院主云〕鬼力着七聖擎過健蛟來。

者〔鬼力云〕理會的。奉上聖言語。着七聖擊過健蛟去。〔大聖云〕得令。衆神將。遣業畜擊將過去。〔鬼力云〕得令。〔做擊健蛟神同健神健鬼見跪科〕〔院主云〕兀那妖魔。您怎生在於冷源二河。興風作浪。損害生靈。今日擊住。你有何話說。〔健蛟云〕上聖。是我的不是了。且饒免俺這一遭。再也不敢了。〔健神云〕也是俺失錯了來。望上聖可憐見。饒了俺這一遭。捉幾箇田雞。與上聖陪話。〔院主云〕二郎神。你統領天兵。怎生與健蛟鬪勝來。你慢慢的說一遍者。〔正末唱〕

〔川撥棹〕他則待逞機謀。害生靈。民受苦。他在那水內潛伏。領着些水獸山卒。口噴出千條焰吐。仗精靈。逞氣拒。〔五聖云〕上聖。若不是二郎神聖變化多般。怎生擊的住健蛟也。〔院主云〕這邪魔損害生靈。興風作浪。你統神兵。怎生與他鬪勝拒敵來。你再說一遍者。〔正末唱〕

〔七弟兄〕俺這裡叫呼論武。試看我逞彪軀。黑洞洞四起生殺霧。可搭撲用手。搯住。征服。明晃晃刀起難遮護。

〔梅花酒〕呀。登時間怒怎除。〔院主云〕憑着二郎神一部神兵。英雄披掛。變化多般。量這邪魔。到的那裡。〔正末唱〕馬跨着龍駒。箭插金壺。袍錦模糊。鏐鏐的如驟雨。支楞楞發金鏃。不由我膽氣虯。三尖刀不伏輸。猛可裡撞胸脯。〔院主云〕這妖魔作孽極多。合當

身喪也。〔正末唱〕

〔收江南〕呀。可又早滴溜撲跌下戰鞍去。則他那冷源河內水消枯。剪除了殘害得安居。是今生願足。則願的皇圖萬載永匡扶。〔院主云〕二郎神。你聽者。因爲邪魔健蛟。在於冷源河內。興風作浪。損害生民。上帝致怒。差你領本部下神兵。同眉山七聖。擒拏住妖魔。明正其罪。將此三箇邪神。斬於驅邪院前。二郎。加你爲清源妙道二郎真君。以下神將。都着授封神位。您聽者。統領天兵。斬健蛟。二郎神聖顯英豪。跨騎趁日白龍馬。手搯三尖兩刃刀。嘉州黎庶遭塗炭。冷源河內起波濤。天兵怒戰邪魔怕。山精野怪盡難逃。健蛟斬首除殘害。民安國泰勝湯堯。風調雨順皆歡樂。四海昇平賀聖朝。

題目 眉山七聖擒妖怪

正名 灌口二郎斬健蛟

斬健蛟穿關

頭折

驅邪院主

撒髮陀頭 鶴髦 牌子 叮 鬼力 鬼頭 錦襖 項帕 法 天丁 鐵幘頭 膝

項帕 直纏 搭膊 帶 三髯髯 背勅 旗

正末太守趙煜

一字巾 補 祇從 攢頂 圓領 老人 茶褐直

身 繼兒 社長 雙簷氍帽 青布直 甲首 氍帽 青 天丁 鬼力 又上 同前 執 幢旛寶蓋

第二折

健蛟神

蛟陀頭抹額 錦襖 項帕 如意裙 直纏 搭 鬼力 同 正末二郎 三山帽 四花

圓領 帶 奴厮兒 黃髮陀頭 茶褐直 抱刀 鬼 鬼頭 錦襖 項帕 法墨 鬼力 同 狗兒

狗 天丁 同 郭牙直 鐵幘頭 膝欄曳撒 袍 項帕 直 眉山 大聖 撒髮陀頭抹額 膝欄曳撒

衣 帶 項帕 直纏 搭膊 二聖 同 三聖 同 四聖 同 五聖 同 六聖 同 七聖 同

第三折

健神

水卒頭
法墨鞋

錦襖
直纏

項帕
裕膊

健鬼

同前

健蛟神

同前

健蛟神

同前

健神

同前

健鬼

同上
躍馬兒

正末二郎

穿同前
紅髯

郭牙直

奴厮兒

七聖

抱刀鬼

鬼力

同前
躍馬兒

第四折

驅邪院主

鬼力同前

正末二郎

郭牙直

七聖

抱刀鬼

鬼力

鎖健蛟神

健神

健鬼

同前

萬曆四十三年七月五之日校抄內本清常道人

寶光殿天真祝萬壽

闕名

頭折

〔沖末外扮東華仙領仙童上〕〔云〕仙苑清幽景物奇。迢迢弱水泛玻璃。鸞鶴對對松陰下。花落閑庭燕子泥。貧道乃東華紫府少陽帝君是也。掌領瑤池會上一應羣仙脩煉之事。貧道身居紫府。久住仙鄉。宴蟠桃跨鳳乘鸞。會真仙香焚寶鼎。閑來翫閬苑十洲。悶後看青松綠水。採靈芝飛過蓬壺。拾瑞草閑臨砌畔。漫漫碧海圍三島。杳杳洪濤遶十洲。紫府居三島之中。是貧道考論羣仙之所。總統三界之司。遷轉真人之府。爲貧道居先天太極而生。上帝加封爲東華紫府少陽帝君。年年有上仙法旨。聚會衆神仙。在此清碧道院中。講論道法。就看衆羣仙功行如何。今日着仙童相請去了。不見到來。仙童門首看者。衆羣仙來到時。便來報復我知道。〔仙童云〕理會的。〔外扮白玉蟾同王重陽上〕〔白玉蟾云〕養就金丹腹內術。長生不老在寰區。蟠桃宴罷無餘事。一着殘棋一卷書。貧道乃紫霄上相白玉蟾真人是也。這位是重陽王祖師。貧道煉形在武夷山中。成道在神霄玉府。採黃芽九轉丹成。烹白雪三花聚頂。閑騎白鹿。崑崙山外遨遊。每跨黃鶴。十二峯頭散澹。逍遙自在。樂道安然。瓦爐中柏子香燒。石鼎內茶烹美味。誦黃庭窗下清幽。誦道德雲

堂瀟灑。今日朝元以畢。正在後山中與衆羣仙着棋。上仙在清碧道院中會俺衆仙。講論道德。俺須索走一遭去。〔王重陽云〕上仙。你看俺這仙苑中。端的是白雲隨處有。松柏四時青。猿鶴來往。虎鹿成行。壽同天地應難老。道與南山共久長。俺說話中間。可早來到也。仙童報復去。道有俺二位真人來了也。〔仙童云〕理會的。報的上仙得知。有二位真人來了也。〔東華仙云〕道有請。〔仙童云〕理會的。有請。〔做見科〕〔王重陽云〕上仙稽首。喚俺二真人來。有何法旨。〔東華仙云〕真人且少待。還有幾位真人未曾來哩。等來全了時。自有法旨。這早晚敢待來也。〔外扮瓊真大仙紫霄大仙同上〕〔瓊真大仙云〕松添翠色欺霜雪。竹長新梢耐歲寒。庭院晝閑經呪罷。時觀花影轉闌干。貧道乃上界瓊真大仙是也。這位是紫霄大仙。俺都是瑤池會上衆羣仙是也。俺久居天界。長在蓬壺。參究玄機。深知內典。駕雲車飽翫湖山。跨玄鶴飛臨闌苑。赴天齋穩駕清風。宴蟠桃同歡共飲。居於崑崙之圃。闔苑之臺。東海之中。三山鼎峙。弱水千重。洪波萬丈。非玄妙洞真之士。焉能到也。今日宴罷瑤池。有上仙在清碧道院中聚俺真仙。不知有何法旨。須索走一遭去。上仙俺去來。〔紫霄大仙云〕上仙。想俺這蓬萊真境之中。豈同凡間之處。你看那松柏欺霜。蒼筠傲雪。桃開千歲。虎鹿周遭。今日上仙此一會。必有箇緣故。可早來到也。仙童報復去。道有俺二位真人來了也。〔仙童云〕理會的。報的上仙得知。有二位大仙來了也。〔東華仙云〕道有請。〔仙

童云〕理會的。有請〔做見科〕〔紫霄大仙云〕上仙稽首。俺二真人來了也。有何法旨。〔東華仙云〕真人且少待。還有幾位真人未來哩。等來全時。我自有箇主意。還早晚敢待來也。〔外扮鍾離同呂洞賓上〕〔鍾離云〕天界風飄桂子香。神仙景物最非常。玉沙碧草連溪綠。萬種清標接上蒼。貧道覆姓鍾離。名權字雲房。道號正陽子。這位神仙姓呂。名岩字洞賓。道號純陽子。貧道自從在羊角山中。得遇祖師。省悟以來。端的是以寂靜爲心。虛無爲體。採不老葉爲衣。自號天下都散漢。今已登仙成道。位列仙班。職居紫府。度羣仙久降凡間。顯神通長遊塵世。今日無甚事。正在道堂中。與呂洞賓講論金丹大道。有上仙來請。不知有甚事。須索走一遭去。純陽子。俺去來。〔呂洞賓云〕上仙。你不知。我想俺這三島中真人仙衆。都是物外之人。今有此一聚。俺必有法旨。可早來到也。仙童報復去。有二位神仙來了也。〔仙童云〕理會的。報的上仙得知。有二位神仙來了也。〔東華仙云〕道有請。〔仙童云〕理會的。有請。〔做見科〕〔呂洞賓云〕上仙稽首。俺師徒二人來了也。有何商議之事也。〔東華仙云〕二位神仙且少待。還有幾位神仙未來哩。等來全時。俺慢慢的商議。這早晚敢待來也。〔淨扮脫空祖師上〕〔云〕我是脫空師祖。一生則好搖鼓。但凡閑了沒事。挑着筐兒運土。貧道脫空祖師是也。論我爲人。多看經呪。廣有神通。善能斷鬼。又會發風。但若閑了。就去撞鐘。不管臘月。者莫寒冬。跳在水裏。就弄冰凌。投到出來。凍斷懶筋。今日無甚麼事。早

正在後山中尋幾塊鵝卵石泡茶喫。聽的衆真人在清碧道院裏。不知有甚事。我走他一遭去可跑到了也。仙童報復去。說有我老祖師來了也。〔仙童云〕理會的。報的上仙得知。有脫空祖師來了也。〔東華仙云〕着他過來。〔仙童云〕理會的。過去。〔做見科〕〔脫空祖師云〕衆老師父休怪。你們慢悵。悵。趙校改張一本作悵。怎麼閑坐着。跟着我去山後。尋兩箇田鷄。白煮了吃酒耍。好麼。〔東華仙云〕你看這廝。衆真仙都來了也。止有虛玄真人未曾來哩。等他來時。我自箇主意。這早晚敢待來也。〔正末扮虛玄真人上〕〔云〕貧道神霄玉府虛玄真人是也。執掌雲霄之上。一應真仙之事。今日正在道堂中看誦黃庭道德經文。有上仙在清碧道院中聚俺衆羣仙。不知有甚事。須索走一遭去。想俺這爲仙者。非同容易也呵。〔唱〕

〔仙呂點絳脣〕每日家飽翫蓬壺。乘雲駕霧。清虛府散澹無拘。做一箇閑人物。〔混江龍〕看了些銜花麋鹿。翫青山一帶錦模糊。每日家逍遙自在。無事閑居。靜裏洞天春未晚。箇中玄奧有還無。會仙朋一霎同歡聚。蟠桃爛熳。媚景堪圖。〔云〕可早來到了也。仙童報復去。道有貧道來了也。〔仙童云〕理會的。報的上仙得知。有虛玄真人來了也。〔東華仙云〕道有請。〔仙童云〕理會的。有請。〔做見科〕〔正末云〕上仙稽首。貧道來了也。有何法旨。〔東華仙云〕虛玄真人。俺衆真仙在此等候。你怎生方纔來到也。〔正末云〕上仙你

不知聽貧道慢慢的說一遍。〔東華仙云〕虛玄真人。你試說一遍。俺衆仙試聽者。〔正末唱〕

〔油葫蘆〕我恰纔自把瑤琴窗下撫。誦南華興未足。對着這清風滿座透襟裾。樂清幽正到忘機處。喜孜孜一片心中趣。〔東華仙云〕今日俺衆仙這一會。非同容易也。〔正末唱〕今日箇開玳筵。酒慢舉。趁着這遙天月朗宜時務。拚了箇沉醉倒金壺。〔東華仙云〕你看俺這一般兒衆仙。端的是好齊整也。〔正末唱〕

〔天下樂〕一箇箇胸捲江淮英俊處。端的是無也波虛。對着這神聖語。則要俺顯奇才盡心飲興足。〔東華仙云〕等您衆仙講論罷道法呵。俺慢慢的飲酒者。〔正末唱〕則要俺講會經。論道術。方顯的宴天庭。會仙侶。〔東華仙云〕住住住。虛玄真人。你不知。今日此一聚您衆仙。有上仙法旨。年年在此清碧道院講論道法。看您衆真仙誰人手段高強也。〔正末云〕若論這道法呵。貧道雖然不知。也頗知其妙也。〔東華仙云〕虛玄真人。若論這金丹內典。你對着俺衆真人。試說一遍。〔正末云〕上仙。聽我說一遍者。〔唱〕

〔那吒令〕若論着脩煉呵。先收伏龍虎。若論着交姤呵。要牢封鼎爐。若論着養性呵。返童顏面目。〔東華仙云〕你這一論。正合着金丹之奧妙也。〔正末唱〕採黃芽熬歲月。烹白雪捱朝暮。一任教過隙白駒。〔脫空祖師云〕你去也。你曉的些甚麼。我若講起這金丹

大道來。你趁早兒走開一邊去。還是便宜。〔正末唱〕

〔鵲踏枝〕你聽我話從初。果無虛。你是箇朽木之材。在人前強做支吾。有甚麼真實的肺腑。不由人氣夯胸脯。〔脫空祖師云〕怎麼我在下倒不如你。我講一遍道法你聽。

我做道人最清素。但是經典都學透。一生不好吃淡飯。搗蒜爛煮肥狗肉。若論道法我都通。每日拏着蝦蟆鬪。有人背後趕將來。望着水裏則一溜。這等道法。你怎麼來的。〔正末怒科〕〔云〕真乃馬牛而襟裾。糞土之牆。何足道哉。〔唱〕

〔寄生草〕我聽不的歪論道。有甚麼真正術。你是箇無徒小輩。成何數。向人前一迷無停住。久以後終須必墮阿鼻獄。〔脫空祖師云〕你不濟便罷了。怎麼倒使性兒。〔正末唱〕非是我胸中閑講是和非。不由我心頭按不住紛紛怒。〔東華仙云〕虛玄真人。您恰纔此一致怒。足見你那凡心不退。豈是神仙之所爲也。如今你便下天庭往人間脫化去。若到那塵世之中。那其間我自箇主意。〔正末云〕是是是。貧道一時間差了也。我便往下方去也。〔唱〕

〔尾聲〕我又索到凡間。離了這天堂路。也是我時間慢誤。犯却天條怎擺布。不由人短嘆長吁。我又索下雲衢。又不敢者也之乎。再不見歌舞蟠桃宴玉府。〔東

華仙云「你便往下方去也。」〔正末唱〕畢罷了雲堂伴侶。安排下紅塵景物。幾時得駕清風。獨步上蓬壺。〔下〕〔東華仙云〕虛玄真人去了也。此人雖然成道。奈因他欠少凡塵之債。他這一到下方。見了那人我是非。恐怕他迷卻正道。正陽子。你同呂洞賓休辭生受。下方引度虛玄真人。走一遭去。休着他迷了正道也。〔鍾離云〕上仙。貧道願往。純陽子。俺兩箇便往下方。引度虛玄真人。走一遭去。則因他一念差遲。降凡間恐怕着迷。若見了復回閬苑。宴蟠桃。同上天梯。〔同洞賓下〕〔東華仙云〕他二位真人去了也。您衆仙跟我見上仙回話去來。今日箇聚會真人。講道教各顯根源。引度他復還正果。那其間同上瑤天。〔衆下〕

楔子

〔孫公遠領家童上〕〔云〕家道豐饒。廣種田。桑麻遍野。映林園。金銀廣聚。人稱羨。積善存仁。福自然。老夫姓孫。雙名公遠。祖居是遺長沙府湘潭縣人也。老夫平生好善。廣積陰功。敬天地。孝父母。治家有法。隣里謙和。人皆長者稱之。我幼年間攻習文典。善曉詩書。學成滿腹文章。因見父母年高。無人侍養。以此上不肯求仕。願爲商賈。家財頗盛。仰之不足。俯之有餘。田畝百畝。華畜成羣。我爲人仗義疎財。恤孤念寡。濟困扶危。鄉里多懷之。嫡親的三口兒家屬。夫人趙氏。我跟前止生一子。是孫彥弘。年長二十歲也。不知怎生。則要脩行辦道。不肯婚娶。時常要辭我出家去。今日我請

老夫人出來。與他商議。這早晚敢待來也。〔夫人上〕〔云〕白髮如銀兩鬢霜。老來萬事費心腸。雖然家道微豐富。一炷爐香謝上蒼。老身姓趙。乃孫員外的夫人是也。祖居是道長沙府湘潭縣。在城人氏。老身之祖。累輩爲官。幼而知禮。善曉三綱。居家侍奉公姑。教子立身行道。因俺老員外。方便於人。陰陽廣有。和睦六親。敬奉隣里。一郡之內。皆聞其名。我眼前所生一子。是孫彥弘孩兒。年長二十歲。不肯娶妻。則是樂道。堅心要出家去。今日俺老員外在前堂上。着人來請。不知爲何。須索走一遭去。可早來到也。家童報復去。道有老身來了也。〔家童云〕理會的。報的員外得知。有老夫人來了也。〔孫公遠云〕道有請。〔家童云〕理會的。有請。〔做見科〕〔夫人云〕老員外。你請我來。有何商議之事也。〔孫公遠云〕老夫人。你來了也。請坐。我無事也不請你來。想俺孩兒孫彥弘。不知怎生。一心則要出家學道去。幾番家要辭了俺去。似這等。俺怎生做箇商議也。〔夫人云〕老員外。你不說呵。老身也是這般道來。爭奈他這心中堅意要去。俺便苦苦留下他。他久後也少的出家去。則不如俺明明的着他去呵。可見的稱了他那心。我說的也不是。〔孫公遠云〕夫人。你可也說的是。俺這裡且閑共話一會。他不來辭俺便罷。若來辭我呵。我自有箇主意。〔正末上〕〔云〕小生姓孫。雙名彥弘。祖居是道湘潭縣在城人也。一雙父母在堂。我年長二十歲也。小生平生志慕清虛。自號碧雲野叟。數次要辭了父母出家去。父親堅意不肯。今日我再往前廳上。

辭俺父親母親去。倘若又不允呵。我今夜晚間。必然私奔而去。可早來到了也。家童報復去。道有小生來了也。〔家童云〕理會的。報的員外得知。有孫彥弘來了也。〔孫公遠云〕着他過來。〔家童云〕理會的。過去。〔做見科〕〔正末云〕父親母親。您孩兒來了也。〔孫公遠云〕孫彥弘。你纔在那裡來。〔正末云〕父親。你孩兒一徑的來辭父母。入山中脩行去也。〔孫公遠云〕孩兒。你是箇富豪人家的孩兒。你怎生出的家。受的那等寂寞也。〔正末云〕父親。今番若不著我去。我必然要尋箇自盡也。〔孫公遠云〕住住住。孩兒也。我便着你去。你長這二十歲。城門也不會出。你可往那裡去。但有箇人來引度你呵。我並不當攔。便着你出去家去。〔正末云〕既是這等呵。謝了父親。俺且閑共話。看有甚麼人來。〔鍾離上〕〔云〕遙觀仙氣無多遠。則在湘潭本縣中。貧道漢鍾離是也。奉上仙法旨。着我同呂洞賓直到凡間。引度虛玄真人。復歸天界。我着呂洞賓在山中等我。我觀仙氣。原來他託化在道湘潭縣孫公遠家中爲子。可早來到也。家童報復去。道有箇雲遊的仙長。特來化一齋。〔家童云〕理會的。報的員外得知。有一雲遊仙長。在於門首。特來化一齋。〔正末云〕慚愧也。道有請。〔家童云〕理會的。有請。〔做見科〕〔鍾離云〕稽首。貧道是箇雲遊的仙長。特來化一頓齋食也。〔正末云〕好道貌也。敢問師父從那裡來。〔鍾離云〕我從天台山來。〔正末云〕此去天台多遠道路。〔鍾離云〕你問我。我說與你。道不多遠。只在目前。大則包含世界。小則一粒之圓。

混混沌沌。玄之又玄。居杳冥虛無之內。在先天太極之前。用意求之不見。專心聽之無聲。水中虎嘯。火內生蓮。更聽末後詩曰。星河耿耿湛晴空。頃刻冰輪出海中。一任廣寒風露冷。此時清興與誰同。〔正末云〕好言語。徒弟省也。父親。我就跟師父出家去也。〔鍾離云〕你既肯跟我出家去。我着你穩居紫府瑤池界。獨跨蒼鸞遠近遊。頭頂神光超三界。手攜寶劍翫十洲。就跟我出家去來。〔正末云〕我願隨師父出家去也。〔孫公遠云〕孩兒也。你可久後休番悔也。〔正末云〕父親。我並不番悔。則今日辭了父母。便跟隨師父去也。〔唱〕

〔賞花時〕今日我跳出凡間上九垓。袖拂天風心快哉。乘彩鳳。到金塔。〔孫公遠云〕孩兒。我可不會着你出家去。你久後思念我呵。遲了也。〔正末云〕父親。你但放心。〔唱〕也是我心中布擺。〔云〕師父俺去來。〔唱〕恰便似南柯夢。恰回來。〔同鍾離下〕〔孫公遠云〕我恰纔說罷。不想走將箇先生來。我若不着他去。顯的我這言而無信。既然他跟的那先生去了也。他若受不過那苦呵。必然還家裏來也。夫人。俺且回後堂中去來。俺孩兒則要脩行。學真仙隱姓埋名。受不過山中寂寞。那其間則索回程。〔同下〕

第二折

〔外扮山神上〕〔云〕久住深山爲正神。降妖斷怪有威靈。閑來賞翫無窮景。閑後逍遙任意行。吾

神乃武當山山神是也。在此山看守千百餘年。並無纖毫過犯。俺這山中。有一道人。道號是虛玄真人。在此修行。十分苦志用心。今已成其大道。早晚有昇真之日。吾神奉真人法旨。着我在山中。看守着一座琉璃寶塔。此塔亦年深日久。真人曾言。待他昇真之後。將此塔獻與上帝。以爲增福延壽之物。吾神不敢相離左右。後山看守寶塔。走一遭去。看寶塔意正心誠。奉真人法旨非輕。若待他昇真之日。那其間便見分明。〔下〕〔鍾離同呂洞賓領道童上〕〔鍾離云〕爲因修道真人福。故使神仙引度來。貧道鍾離大仙是也。奉東華真人法旨。着貧道同呂洞賓。來至武當山。引度虛玄真人。此人今已成道。爭奈貧道未曾與此人談論。不知功行深淺。今日先着心猿意馬。化其本形。魔障此人。他若果然有真仙之分。他降了道心猿意馬。若無法力。貧道再做箇商議。〔呂洞賓云〕師父說的是。此人功成行滿也。再着這心猿意馬。魔障此人。俺可與他昇真共朝上帝去。師父意下如何。〔鍾離云〕你說的是。道童喚將心猿意馬來者。〔道童云〕理會的心猿意馬安在。〔心猿同意馬上〕〔心猿云〕歡喜精神漸漸增。愁煩懊惱不須停。積意根源從吾用。造惡因由任我行。小聖心猿是也。這位是意馬。掌管凡人一身之事。造惡由己。修善從吾。一萬端隨喜隨由。幾千遍或上或下。正在後山遊翫。上仙呼喚。須索走一遭去。〔意馬云〕心猿。上仙這一喚俺。必有事故。俺當作急見上仙去。可早來到也。道童報復去。道有心猿意馬來了也。〔道童云〕理會的。

報的師父得知。有心猿意馬來了也。〔鍾離云〕着他過來。〔道童云〕理會的過去。〔做見科〕〔心猿云〕上仙呼喚俺來。那廂使用。〔鍾離云〕心猿意馬。喚你來不爲別。因爲武當山有一道人。道號虛玄真人。此人十分有道行。早晚功成行滿也。我差你去他菴中。再魔障他一遭。看他果有道法。您來報俺師徒二人知道。我隨後就請他昇仙。和他同朝玉帝。這件事不宜遲滯。就可魔障此人去。〔心猿云〕上仙放心。我若到那裡。見了此人。便知詳細也。〔洞賓云〕心猿。他是九分得道的神仙。你可休十分無禮。小心在意者。〔心猿云〕上仙放心。意馬。我和你領着上仙法旨。魔障虛玄真人去來。〔意馬云〕說的是。俺去來。虛玄子道行真誠。魔障他討箇分明。他果然昇真有日。同衆神齊拜天庭。〔同下〕〔鍾離云〕洞賓。他兩箇這一去。見了此人。俺便知詳細也。〔洞賓云〕師父。等他兩箇回來。俺就去接引他去。〔鍾離云〕言者當也。俺且後山中去來。忙使去意馬心猿。到菴中魔障天仙。果然若功成行滿。放心跨蒼鸞親駕雲軒。〔衆下〕〔正末領道童上〕〔云〕貧道虛玄真人是也。在這武當山修行辦道。將塵世繁華。盡皆絕矣。今日無事。在這菴中閑坐一坐。我想俺這出家兒的人。好是自在也呵。〔唱〕

〔中呂粉蝶兒〕每日家樂意忘機。任從咱滿山遊戲。笑吟吟拂袖而歸。我在這綠窗前看經典。端的是除絕名利。聽松風陣陣香微。看山頭翠雲高霽。

〔醉春風〕常則是伴仙客靜談玄。引仙童施會禮。誦了那黃庭數卷。坐晨昏參透這理。有一日同到天庭。侍立在金堦之下。纔是我一身伶俐。〔云〕道童裝下香。是我念經的時候也。〔心猿同意馬上〕〔心猿云〕親奉上仙令。急急到山中。小聖心猿是也。奉上仙法旨。來到這武當山菴中。魔障虛玄真人去。意馬。俺行動些。〔意馬云〕心猿。這虛玄真人。好生道法精嚴。俺可要仔細些。〔心猿云〕你放心。我自有箇主意。俺過去來。〔正末云〕道童。菴門首看有甚麼人來了也。〔道童云〕那裏得箇人來。師父坐的眼花了。〔心猿意馬見科〕〔心猿云〕虛玄真人。俺本是山中正神。因你好道參玄。特來探望你來也。〔正末云〕好是奇怪也。〔唱〕

〔迎仙客〕他每都意裡慌不誠實。無事故怎生怎生可便到這裡。〔心猿云〕你休慌。俺不是歹人。俺來看你修道來。〔正末唱〕你看我道精嚴。曉大體。我這裡悶度朝夕。靜悄悄無閑氣。〔意馬云〕你沒道理也。俺非是外道邪魔。俺到你這山中。你不來接待我。更待干罷。

理當見罪也。〔正末云〕這兩箇非是正神。他故來魔障我。着他見箇警頭也。〔唱〕

〔紅繡鞋〕他故來仙人鬪氣。俺清閑無是無非。你着我接待時。又不曾會前期。他將我加其罪。平白的要便宜。〔云〕罷罷罷。出家人休和他爭鬪甚麼。〔唱〕則不如閉菴門爭甚的。〔心猿云〕兀那道人。我說與你。俺是心猿意馬之神。聞知你道行清高。故來魔障你。

有塵俗之心。我着你速見報應。你既然深曉道法。你說一遍。俺試聽者。〔正末唱〕

〔上小樓〕每日家清晨早起。焚香在天地。則願的五穀豐盈。千邦朝貢。萬國來儀。這的是我道行。再有甚其他妙意。您休要我跟前賣強誇會。〔意馬云〕和他說甚麼。你既然有道行。我和你鬪勝幾合。你若贏的我。我便跟隨你出家。你若鬪不過我。我便在你這菴中住。你便往別山中去。〔正末云〕我是出家人。和你鬪甚麼勝。〔唱〕

〔么篇〕你休要顯聖強誇己威。要和我鬪勝爭強。別無他事。故把人欺。〔心猿云〕你若不與我兩箇鬪勝。你離了此山。我兩箇來這裡住。〔正末唱〕我着他見法力。纔知其異。〔云〕護法安在。疾。〔唱〕也是您惹閑愁。自招其罪。〔護法神冲上〕〔心猿云〕意馬。兀的不是上聖來了也。〔意馬云〕心猿不中。俺回上仙話去來。〔同心猿下〕〔護法神趕下〕〔正末云〕小鬼頭去了也。量你有何法力。敢來魔障貧道也。〔唱〕

〔十二月〕他又早荒荒的去急。說的他不敢那移。剛見了天庭護法。又不敢故把人欺。小量我無些道德。在這裡說是談非。〔鍾離同呂洞賓上〕〔云〕虛玄真人。你認的俺兩箇麼。〔正末云〕兀的不是上仙來了也。〔唱〕

〔堯民歌〕呀。我則見祥雲片片顯光輝。師父每離了天庭至山溪。〔洞賓云〕俺師

徒二人接引你朝見玉帝去哩。〔正末唱〕親朝玉帝理合宜。誰想今日上雲梯。堪題仙
家景物奇。每日家無事齁齁睡。〔鍾離云〕虛玄真人你不知。因爲你道行精嚴。貧道同洞賓
奉上仙法旨。逕來引度你昇仙。你不可遲滯。就同俺去見上仙去來。〔正末云〕上仙。貧道曾言。但
有昇真之日。無物可朝上帝。後山有瑠璃寶塔一座。以爲祝賀之物。未知上仙心上如何。〔呂洞
賓云〕好好好。你擡的寶塔去。表你有誠敬之心。〔正末云〕上仙。等我喚將山神來。貧道着他
看守此山。道童。你喚將山神來者。〔道童云〕理會的山神安在。〔山神慌上云〕頗奈邪魔無道
理。故將寶塔使人偷。吾神乃山神是也。奉上仙法旨。着我看守着瑠璃寶塔。不期吾神不在。被心
猿意馬。偷將去了。不敢隱諱。須索報知上仙。走一遭去。〔做見科〕〔云〕上仙呼喚山神。那廂使
用。〔正末云〕山神。今日二位上仙。請貧道昇真。我無物可奉上帝。有這多年瑠璃寶塔。我着你看
守着。你可差本山衆神。擡的寶塔。先見上帝去。貧道隨後便去也。〔山神云〕上仙。吾神正要來說
此事。瑠璃寶塔在後山。吾神一時不在。被心猿意馬擡將去了也。〔正末慌科〕〔云〕這妖魔敢這
等無禮也。〔鍾離笑科〕〔云〕真人不知。這心猿意馬。是我使他來魔障你來。不曾着他盜你這寶
塔。這妖魔敢道等無禮也。〔正末云〕上仙不妨。貧道同上仙見玉帝去。山神傳我法旨。說與華
光賢聖。着他降此二神。將寶塔獻將出來。萬事罷論。若不獻將出來。決不輕饒也。〔山神云〕小聖

理會的〔正末唱〕

〔耍孩兒〕你着那華光神聖休遲滯。連忙的尋到那裡。問妖魔何處顯神通。將情由訴的真實。〔呂洞賓云〕若有了寶塔。休傷他性命。〔正末唱〕他若是從公舉出實情事。便着他說了從前是與非。便與我明其罪。休傷他性命。將寶塔奪回。〔鍾離云〕真人着山神尋寶塔去。俺見上仙去來。〔正末云〕俺同見去來。〔唱〕

〔尾聲〕列金塔朝上仙。脩行心纔見實。昇真之日非筵會。我如今位列仙班。恁時節美。〔同下〕〔山神云〕上仙昇真去了也。不敢久停久住。傳與華光。尋心猿意馬。走一遭去。這妖魔本性愚頑。盜寶塔故惹愁煩。若遇着華光賢聖。將此物一一交還。〔下〕

第三折

〔心猿意馬上〕〔云〕時間將俺神通顯。寶塔移在後山中。小聖心猿是也。這位是意馬。俺二聖奉上仙法旨。前去武當山會仙觀中。魔障虛玄真人。到那裡不期虛玄真人神通廣大。法力高強。俺見了他。要與他鬪勝。自然心中懼怕。不能魔障他。那虛玄真人施逞神通。驅將天神來。將俺趕退了。雖然如此。俺可將他一座翡翠瑠璃寶塔。移在後山來了。此塔上金珠寶貝。無知其數。況兼多有奇珍。但有人推轉。仙音嘹唳。祥煙籠罩。誠恐有天神來尋此塔。可怎了。我如今聚我手下六賊

來。與他商議。這早晚敢待來也。〔外扮眼賊同耳賊鼻賊舌賊身賊意賊上〕〔眼賊云〕舉目遙觀
萬里長。時間眉下顯高強。任他縱有神仙力。見俺之時也索慌。小聖眼賊是也。這五箇是耳賊鼻
賊舌賊身賊意賊。俺平生劣倨。本性高強。但凡得悟神仙。見俺身心荒亂。俺在後山遊翫山境。今
有心猿意馬二位呼喚。不知有甚事。俺須索走一遭去。可早來到也。不必報復。俺自過去來。〔做
見科〕〔眼賊云〕二位尊神。俺六賊來了也。有何事分付。〔心猿云〕您六賊來了。無事也不喚
您來。爲因虛玄真人。在武當山會仙觀中修行辦道。奉鍾離洞賓二位上仙法旨。着俺兩箇。前去
魔障他。俺兩箇到此觀中。見了那虛玄真人。要與他鬪勝。那虛玄真人神通廣大。俺自然怕他。他
逞手策。驅將天神來。將俺趕退了。被俺兩箇。可把他一座翡翠琉璃寶塔。移在後山中。我則怕後
頭有天神趕將來。可怎了。我今日聚將您來。與您商議。果然天神趕將來。可怎麼與他鬪勝。您須
索做箇計較。〔眼賊云〕上聖。這箇怕怎麼。則憑着俺六賊。就有天神趕將來。不怕他。俺和他鬪勝。
〔心猿云〕你說的是。俺在此慢慢的商議。看有甚麼人來。〔正末扮華光領千里眼順風耳鬼力
上〕〔正末云〕吾神乃華光賢聖是也。因山神傳着上仙法旨。爲心猿意馬。盜了琉璃寶塔。差吾
神降此二魔。復奪寶塔去。我想來。量這妖魔。到的那裡也呵。〔唱〕

〔越調鬪鶴鴉〕不怕他多有神通。能使護法。我和他要見明白。問其真假。他不

合縱意隨心。將仙人調發。心下惱。撞見他。捨死忘生。當先出馬。

〔紫花兒序〕不怕他時間鬪勝。無了無休。趕到天涯。我這裡睜眼觀看。見一簇鬼力交加。如麻。必定是邪神在那答。我和他當場答話。他若是肯訴實情。我可也自有良法。〔心猿云〕意馬。你看那裡。不有天神來了。你和他答話去。〔意馬云〕來者何人。〔正

末云〕兀那妖魔。你休攔住我。您是何處神靈。〔意馬云〕我是心猿意馬二神。領着衆精怪。在這山中。奉上仙法旨。着俺魔障虛玄真人。你是何方神聖。〔正末云〕您聽我說與你。〔唱〕

〔金蕉葉〕你不合叮嚀問咱。則我是天庭護法。因爲您偷其寶塔。因此上心中怒發。〔心猿云〕你來寶塔便有俺。也不曾動。你和我鬪勝幾合。若是勝的我。你便將的寶塔去。你若勝

不的我。我一世也不與你寶塔去。〔正末云〕鬼力操鼓來。我和你鬪幾合。〔衆做鬪勝科〕〔正末唱〕

〔調笑令〕鑿鑿的鼓發亂交加。呀。不降你箇妖魔不信咱。若依着我呵。都皆罷。不依着定然擒拏。一來一往眼亂花。登時間無語嗟呀。〔意馬云〕你回去罷。你鬪不

過俺也。〔正末唱〕

〔鬼三台〕我欲待高聲罵。他那裡無怯怕。我不是欺真滅假。則爲你魔障俺仙家。差吾神出馬。休言禍福無半霎。爲神自有天鑒察。〔心猿云〕俺奉上仙法旨。您敢來

降俺也。〔正末云〕噤聲。〔唱〕則着您魔障仙人。你不合私去盜塔。〔意馬云〕好大風也。〔正末唱〕

〔禿厮兒〕頭直上狂風亂刮。眼跟前滾滾飛砂。他又早荒荒亂亂力不加。從實的訴根芽。可便無差。

〔聖藥王〕一箇箇言不答。情不佳。恨當初做來的事兒差。您若是獻的來。不索拏。我和你同朝玉帝享榮華。不强似終日受波踏。〔心猿云〕不中。俺闖不過他。意馬。俺

望後山中走走走。〔正末云〕走的那裡去。鬼力與我拏住者。〔鬼力做拏科〕〔云〕拏住了也。

〔正末云〕兀那妖魔。寶塔在於何處也。〔心猿云〕上聖休要發怒。六賊與我擡出寶塔來者。〔六賊擡寶塔見科〕〔眼賊云〕上聖。俺擡出寶塔來了也。〔正末云〕既然有了寶塔。您且跟我回去。千里眼說與山神。到來日擡着寶塔。獻與玉帝。與下方聖人祝延聖壽也。〔心猿云〕上聖。俺到來日同山神擡着寶塔。朝見玉帝。就與下方聖人祝延上壽去也。〔正末唱〕

〔尾聲〕這妖魔膽量其實大。不肯去尋真棄假。他則待拱手願伏降。全不想爲神的奉天法。〔同下〕

第四折

〔外扮彌羅洞主上〕〔云〕玉闕金關鎖未開。還將根種向池栽。有朝水面金蓮現。身向清虛福自來。貧道彌羅洞主是也。身居清淨。久爲道宗。誦黃庭暮禮金容。煉丹砂黃河九轉。閑來無事跨鸞鶴。直上青霄。悶後閑行。翫此山巔峯峻嶺。貧道在此彌羅洞修行辦道。有心猿意馬。領着眼耳鼻舌身意六賊。不知爲何。在此洞中潛藏。日久攪混貧道。十分無禮。不料被華光賢聖擒拏的去了。頗奈此妖魔無禮。不知那裡偷將一座瑠璃寶塔來。見在貧道洞中。自從華光賢聖將此妖魔擒拏的去了。貧道好耳根清靜。今日無甚事。且回洞中去來。則爲這六妖魔觸犯真人。盜寶塔差遣天神。被華光聊施法力。擒妖怪回奏天聞。〔下〕〔外扮長生大帝領仙童上〕〔云〕杳杳祥光近九天。壽星高照斗牛邊。欣逢盛世人民喜。永固山河萬萬年。貧道南極長生大帝是也。久居紫府。長在丹霄。翫蓬壺弱水迢迢。看三島瑤山隱隱。金蓮開滿池中。瑞草平鋪交砌。松花落地罩白雲。丹桂風飄香噴鼻。年年俺三界神祇。都在此寶光殿上。祝延聖壽。可是爲何。因聖人崇敬三寶。感動上蒼。致令的桑麻遍野而生。禾黍連天而長。盡田野五穀成熟。遍郊園瓜菜茂盛。皆因聖主仁慈所感。幸遇着虛玄真人。復登天界之辰。今日都在寶光殿上慶賀。安排下仙桃仙酒。則等衆神聖來時。一同慶賀。這早晚敢待來也。〔東華仙同白玉蟾王重陽上〕〔東華仙云〕碧天瑞氣沖霄漢。喜遇長生天地齊。貧道東華仙是也。這二位是白玉蟾王重陽。前者爲因貧道聚園苑中真仙。

都到清碧道院中講論道法。不期有虛玄真人。一念差失。貧道將他罰往下方。託化爲人。恐怕他迷卻正道。又着漢鍾離呂洞賓。前去下方。引度他去。今虛玄真人到的下方。不迷真性。堅心出家。在於武當山中修道。功行非淺。白日飛昇。今日喜遇下方聖壽之辰。俺衆仙並南極長生大帝。在寶光殿上。望下方祝延聖壽。二位真人。俺去來。〔白玉蟾云〕上仙。俺想下方聖人。德過堯舜之賢。仁比禹湯之聖。感應的禎祥累現。海晏河清。四夷向化。皆是聖主仁慈所致也。俺衆真仙理當相慶也。〔重陽云〕上仙說的是。你看那下方瑞氣遮霄漢。金光映碧天。金壺斟壽酒。寶鼎爇奇香。俺衆羣仙理當祝讚去。可早來到也。仙童報復去。道有三位真仙來了也。〔仙童云〕理會的。報的上仙得知。有三位真仙來了也。〔長生大帝云〕道有請。〔仙童云〕理會的。有請。〔做見科〕

〔東華仙云〕上仙稽首。俺三位真仙來了也。〔長生大帝云〕三位真仙且少待。還有幾位真人未曾來哩。等來全了時。一同慶賀。這早晚敢待來也。〔紫霄大仙瓊真大仙同上〕〔紫霄大仙云〕香風細細侵天界。和氣濛濛布上方。貧道紫霄大仙是也。這位是瓊真大仙。前者自從將虛玄真人降落凡間。後來又着鍾離洞賓二位真仙。下方引度。他不迷本來真性。一言大悟。棄離塵世。直至武當山中。修行成道。白日飛昇。俺衆真人。直到寶光殿上。祝延聖壽。上仙。俺去來。〔瓊真大仙云〕上仙。你看俺這闕苑神霄。非比凡間之景。你看那瓊樓相對。碧樹成行。鸞飛鳳舞。天花亂墜。在塔

前芝草叢生鋪玉砌。說話中間。可早來到也。仙童報復去。道有俺二位真人來了也。〔仙童云〕理會的。報的上仙得知。有二位大仙來了也。〔長生大帝云〕道有請。〔仙童云〕理會的。有請。〔做見科〕〔瓊真大仙云〕上仙稽首。俺二真人來了也。有何法旨。〔長生大帝云〕你二位真人且少待。還有幾位真人未來哩。等來全時。慢慢的慶賀。這早晚敢待來也。〔福祿壽三星引虎鹿猿鶴上〕〔福星云〕降福增祥住九霄。瑞煙隱隱駕玄鶴。只因聖主仁慈大。祝讚長生天地高。貧道乃上界福祿壽三星是也。執掌人間增福增祿增壽之事。俺這三位星辰。不離了南極宮中。長現在蟠桃會上。降禎祥輔佐皇圖。施手策騰雲駕霧。看三千弱水。翫十二瑤臺。手中寶籙祝長生。太華山高口內真言讚洪福。深如東海。爲因下方聖壽之辰。啓建齋醮。崇奉三清。辦誠心朗誦金經。設齋供般般齊整。俺這三界神祇。無可爲獻。年年直到寶光殿上。望下方祝延聖壽。權表俺誠敬之心。二位仙長。俺去來。〔祿星云〕上仙。俺離了本位。下天闕不遠也。〔壽星云〕二位上仙不知。貧道有長生寶籙一卷。權爲祝讚之禮。可早來到也。仙童報復去。道有俺福祿壽三星來了也。〔仙童云〕理會的。報的上仙得知。有福祿壽三星來了也。〔長生大帝云〕道有請。〔仙童云〕理會的。有請。〔做見科〕〔壽星云〕上仙稽首。俺福祿壽三星來了也。〔長生大帝云〕三位上仙且少待。還有幾位仙人未來哩。等來全了時。一同祝讚。這早晚敢待來也。〔鍾離同呂洞賓上〕〔鍾離云〕指引

真人行正道。齊臨天界宴蟠桃。貧道漢鍾離是也。這位是呂洞賓。前者爲因虛玄真人罰往下方。恐怕他迷卻正道。着貧道同洞賓親身點化他去。此人仙風道骨。並無毫釐差失。我略顯些手策。他時間省悟。今已白日飛昇。喜遇下方聖人壽誕之辰。俺衆真人都到寶光殿上。望下方祝延聖壽。洞賓。俺去來。〔呂洞賓云〕師父。可早來到也。仙童報復去。道有俺二仙來了也。〔仙童云〕理會的。報的上仙得知。有二位仙人來了也。〔長生大帝云〕道有請。〔仙童云〕理會的。有請。〔做見科〕

〔呂洞賓云〕上仙稽首。俺二仙來了也。有何法旨。〔長生大帝云〕二位真人且少待。止有虛玄真人未曾來哩。等他來時。俺慢慢的慶賀。這早晚敢待來也。〔淨脫空祖師上〕〔云〕昨日山裏閑走耍。拾了兩塊大石頭。貧道脫空祖師是也。前日我在清碧道院裏講論道法。着我講了一篇大道。就把虛玄真人。誑的往下方一道煙去了。今日衆多神仙。都在寶光殿上。不知怎麼。我走一遭去。可早來到也。仙童報復去。道有你家老師父來了也。〔仙童云〕理會的。報的上仙得知。有脫空祖師來了也。〔長生大帝云〕着他過來。〔仙童云〕理會的。着過去。〔做見科〕

〔脫空祖師云〕衆老師父。我在下來了。你們閑坐着哩。那裡耍一遭去。〔長生大帝云〕您衆真人都來了也。且少待。仙童望者。有虛玄真人來時。便來報復我知道。〔仙童云〕理會的。〔正末領幢幡寶蓋龍車鳳輦上〕〔云〕貧道虛玄真人是也。自從降落凡間。不迷本性。虧了正陽真人。引我到武當山中修

行成道。白日飛昇。今日欣逢下方聖人壽誕。衆真人都在寶光殿上。祝延聖壽。須索走一遭去。遙望下方。好一派旺氣也呵。〔唱〕

〔雙調新水令〕紫雲飄飄映遙天。兆禎祥壽星出現。蟠桃千歲好。瑞草遍堦前。樂韻聲喧。堪祝賀。拜金殿。〔云〕可早來到也。仙童報復去。道有貧道來了也。〔仙童云〕理會的。報的上仙得知。有虛玄真人來了也。〔長生大帝云〕道有請。〔仙童云〕理會的。有請。〔做見科〕〔正末云〕上仙稽首。貧道來了也。〔長生大帝云〕虛玄真人。你來了也。你當日在那塵世之中。怎生出家修煉。你說一遍。俺試聽者。〔正末云〕上仙聽貧道試說一遍者。〔唱〕

〔鴈兒落〕我當日箇親身下碧天。到塵世心思遍。見了些紅塵人事多。青鏡容顏變。〔長生大帝云〕你可在那裡遇着鍾離洞賓來。〔正末唱〕

〔得勝令〕呀。我和他相會玳筵前。將妙訣口中傳。多不到十餘字。不離了樽前一句言。〔長生大帝云〕你可怎生就得悟也。〔正末唱〕想起那從前。早是我隨機變。今日得周全。是三生福分堅。〔長生大帝云〕虛玄真人。今日是下方聖人壽誕之辰。你看那祥光籠殿宇。瑞霧罩丹墀。寶光殿上。陳設齋殿。金甌中滿斟壽酒。笙歌嘹唳管絃聲。翠袖成行鴛鴦對。俺衆真人理當慶賀也。〔正末云〕是好齊整也。〔唱〕

〔落梅風〕你看那金爐內香篆煙。祝遐齡萬神朝見。賀豐年與民同樂。喧讚當今奉神崇善。〔長生大帝云〕虛玄真人。你今日已成道也。你有何祝壽之物也。〔正末云〕上仙。有有疾。〔山神同心猿意馬六賊擡寶塔上〕〔云〕小聖乃山神是也。奉虛玄真人法旨。押心猿意馬同六賊。擡着寶塔。今日往寶光殿走一遭去。可早來到也。不必報復。自己過去。〔見科〕〔云〕上聖。小聖同心猿意馬。擡將寶塔來了也。〔長生大帝云〕好座寶塔也。此塔在那裡來。〔正末云〕上仙。此塔乃是武當山中會仙觀中瑤瑤寶塔。特移將來。與聖人祝壽也。〔長生大帝云〕虛玄真人。雖然此塔堪可祝壽。不知有何奇異也。〔正末云〕上仙。此塔但若推動呵。仙音嘹亮。五色祥雲必現。正好祝延聖壽也。〔長生大帝云〕既然這等。您衆仙推動。俺試看者。〔衆做推塔科〕〔古門道動樂器放煙火科〕〔長生大帝云〕看了此塔。有如此奇異。端的少有也。〔正末云〕今日喜遇聖壽之辰。又有如此神異之物。是好慶賀也。〔唱〕

〔沉醉東風〕聽一派仙音韻演。更那堪萬事俱全。千金難去尋。堪把禎祥現。擺列着三界神仙。祝賀長生萬萬年。永保護天長地遠。〔長生大帝云〕您衆仙都擺在兩邊。再有何祝壽之物。〔壽星云〕您衆天仙跪者。我有一卷長生寶錄。堪可祝延聖壽也。〔衆跪科〕〔壽星捧讀寶錄科〕〔云〕伏以天開景運。律屆應鍾。正豐稔太平之世。遇仁皇聖壽之辰。羣仙畢

至萬聖來臨。祥鸞蟠舞在虛空。彩鳳飛鳴離三島。金爐燕祝壽奇香。玉巵泛仙家美醞。恭惟聖人
仁慈廣大。恩澤均施。欣逢聖誕之辰。喜遇興隆大運。八方賀大有之年。四海仰承平時世。壽同天
地。壽比南山。西王母捧蟠桃。南極老樹壽酒。笙歌聲沸綺筵開。絃管齊鳴陞寶殿。壽誕欣逢泰運
開。壽星朗朗照瑤堦。壽香齊爇金爐內。壽福從天降下來。〔衆拜科〕〔正末云〕是好祝壽的致語
也。〔唱〕

〔沽美酒〕慶長生。會洞天。擺奇珍。列佳筵。更和那鳳輦雲車在兩邊。勝蓬萊閬苑。笑吟吟酒頻勸。

〔太平令〕因聖主心中慈善。賀長生洪福齊天。四夷伏都來朝見。任航海梯山來獻呀。對着這殿前靜鞭。臣宰每意虔。萬萬載河清海晏。〔長生大帝云〕衆羣仙祝
壽已畢。您聽者。方今一統天朝。普天下雨順風調。四海安黎民樂業。五穀成道泰歌謠。因聖上仁
慈厚德。宴天庭同獻蟠桃。虛玄仙降臨凡世。顯道法搜捕邪妖。獻寶塔前來祝壽。動仙音響透青
霄。衆真人誠心謹辦。安排着美酒香醪。祝遐齡天長地久。比南山松柏堅牢。隨聖主德過虞舜。荷
吾皇仁勝唐堯。

題目

武當山神聖共飛昇

正名

寶光殿天真祝萬壽

孤本元明雜劇

寶光殿

古

涵芬樓藏版

寶光殿穿關

頭折

東華仙

如意蓮花冠 鶴髦 牌子

仙童

秦巾 邊欄 道袍 緋兒

白玉蟾

鬚髮陀頭 皂補納 老葉 執袋 緋兒 三

足王重陽

全真冠 邊欄道袍 不老葉 裙扇 瓊真大仙 如意冠 鶴髦 牌子 紫霄大仙 前

瓊真

鍾離 雙髻陀頭 紅雲錦道袍 錦襖 不老葉 法墨冠 喬兒 樓扇 呂洞賓 九陽巾

雲鶴道袍

錦襖 不老葉 法墨冠 喬兒 網裙 緋兒 脫空祖師 道冠 邊欄 正末

玄虛真人

全真冠 邊欄道袍 執袋 緋兒 三髯髯 樓扇

楔子

孫公遠

一字巾 茶褐直身 家童 項帕 青衣 夫人 場頭手帕 眉額 襖 正末孫彥

弘

一字巾 圓領 鍾離 前

第二折

山神 鳳翅盔 膝欄曳撒 袍 項帕 鍾離呂洞賓 同道童 同頭折 心猿 爽兒頭 錦

法墨冠 直纏 襖膊 腿綳護膝 意馬 馬頭 錦襖 項帕 法墨冠 直纏 布機 八答鞋 正末 虛玄

真人 道童 同頭 心猿 意馬 又上 同 護法神 鳳翅盔 膝欄曳撒 袍 項帕 直纏

鍾離洞賓 又上 同 山神 又上 同

第三折

心猿 意馬 同 眼賊 銀錠 錦襖 項帕 耳賊 同 鼻賊 同 舌賊 同 身賊 同 意賊

同 正末 華光 多簷帽 四花圓領 帶 千里眼 鬼頭 錦襖 項帕 順風耳 同 鬼

力 同 前

第四折

彌羅洞主 全真冠 邊欄道袍 不老葉 長生大帝 如意蓮花冠 鶴氅 牌子 仙童 同

東華仙 白玉蟾 王重陽 同 紫霄大仙 瓊真大仙 同 福星 如意冠 鶴氅 牌子

祿星

同前
福星

壽星

如意蓮花冠
白髮

鶴髦
執圭

牌子

玳瑁
捧寶錄

虎

虎衣

鹿

鹿衣

猿

猿衣

鶴

鶴衣

鍾離呂

洞賓

同前

脫空祖師

同前

正末虛玄真人

同二折

寶蓋龍車風輦

山神

心猿

意馬

六賊

六賊

同前

擡

塔寶

乙卯七月初三日校內本清常記

祝聖壽金母獻蟠桃

闕名

頭折

〔冲末外扮太上老君引仙童上〕〔太上老君云〕道炁洪濃體混元。未分天地見其先。開壇闡教爲師祖。遊遍塵寰幾萬年。貧道太上老君是也。自開闢以來。闡弘大道。歷世降爲帝者師。至殷太甲十七年。自太清境分神化氣下降。託孕於玄妙玉女。計八十一年。於武丁九年庚辰二月十五日降生。祥光照室。衆惡不侵。生而皓首。故號曰老子。今因當今聖人在內庭齋戒焚香。有西池金母。於聖節之日下降。貧道今差九天遊奕使者。至瑤池同金母下降於承華殿祝壽去。然後再差中山衛叔卿。直至人世。察探一遭。有何不可。則爲那談道德當今孝武。遣天神親傳仙母。獻蟠桃。穩駕天風。祝聖壽綿延萬古。〔同下〕〔外扮金母引玉女同淨金童上〕〔金母云〕位列崑崙近九天。洪濤弱水已三千。瓊車羽蓋霓裳錦。玉宇朱樓五彩鮮。梓童乃九靈大妙龜山金母元君是也。西華之至妙。洞陰之極尊。所居崑崙之圃。閬風之苑。玉樓十二。玄臺九層。左帶瑤池。右環翠水。其山之下。弱水九重。洪濤萬丈。左侍羽童。右侍仙女。今因大漢武帝。好長生之道。登嵩山之岳。築尋真之臺。齋戒精切。梓童使玉女王子登輿說知。齋戒百日。至於聖節之日。下降於承華殿。進獻

蟠桃七顆。回於仙境。今在瑤池境上閑坐。金童洞門首謁者。若有天仙至。報復梓童知道。〔淨金童云〕金母。前有許多仙子不使。東邊也使金童。西邊也使金童。你也好與我一紙從良的文書。那。〔金母云〕你看這厮。快看着去。〔淨金童云〕鬧怎麼。我看去。〔正末扮遊奕使上〕〔云〕小聖乃九天遊奕使是也。奉太上祖師勅令。着〔小聖〕去蓬萊境上。與西池金母說知。與當今聖主祝延慶壽去。〔小聖〕不敢久停。須索報知。走一遭去。〔唱〕

〔仙呂點絳脣〕我恰纔特下天庭。親奉着祖師法令。相邀訂。誰道半霎兒消停。直至那蓬萊境。

〔混江龍〕趁着這曉風雲淨。片時萬里水雲程。香風馥郁。瑞氣濛濛。恰離了玉府九霄碧漢遠。早來到西池三島會蓬瀛。我這裡登寶砌。臨臺徑。我這裡躬身叉手。舉步徐行。〔云〕可早來到也。金童報復去。道有九天遊奕使。奉太上祖師法旨。來見金母。

〔淨金童云〕哎。約。你把老君來說我。我老子見做着總甲哩。我報復去。上告金母知道。有九天遊奕使。奉太上法旨來見。〔金母云〕教他過來。〔淨金童云〕理會的。過去。〔正末云〕好仙景也呵。
〔唱〕

〔油葫蘆〕我則見寶殿瓊樓錦砌成。步瑤臺十二層。〔做見科〕〔金母云〕遊奕使。太上

有何法旨。〔正末唱〕見金母粉容微露笑相迎。〔金母云〕你因何到此。〔正末云〕小聖奉太上法旨。爲當今聖主萬壽之日。着金母下降人間。進獻蟠桃祝壽去。〔金母云〕比及太上說呵。梓童已知了也。〔正末唱〕小聖我親奉着太上尊君命。至西池將金母相邀請。〔金母云〕梓童至期下降人間。〔正末唱〕駕雲軒瑞氣飄。趁鸞鶴羽背輕。〔金母云〕當今好長生之道。齋戒精嚴。義當慶賀也。〔正末唱〕賀當今聖德皆仁政。因此上禾黍盡收成。

〔天下樂〕見如今一統乾坤樂太平。論着官清合着天意行。感應的四時和。風雨調。邊塞寧。〔金母云〕聖主德過文景。天有所感也。〔正末唱〕保護的宇宙安。揩抹的日月明。則願的永綿綿福壽增。〔金母云〕梓童既奉太上法旨。至期下降。進獻蟠桃祝壽去也。

〔淨金童云〕金母奉太上法旨下降。四箇仙女也去。若到人間。必索往臨清過。觀音嘴兒上。有一家人家。坐東朝西。黑油板闥裏頭。千萬道我金童上復一聲。〔外云〕那是誰家。〔淨金童云〕是我丈母家。〔金母云〕遊奕使。你試看我這西池之景。玉樓十二。玄臺九層。左瑤池。右翠水。可是如何。〔正末云〕看了這閬苑瑤池。是好景致也。〔唱〕

〔村里迓古〕看了這玉樓金殿。燦然光瑩。青山聳翠堆瓊錦。樓臺相映。觀了這瑤堦澁道。雕欄玉砌。更和這蒼苔石徑。我則見翡翠簾。鶯鶯瓦。孔雀屏。呀。端的

是不枉了蓬萊勝景。〔云〕遙觀洞府山疊翠。笑指白雲展畫屏。〔唱〕

〔元和令〕錦重疊山色青。飄飄瑞雲淨。我則見堆雲疊嶂錦裝成。勢崢嶸幾萬層。你看這松擎雲蓋倒垂藤。聽猿鶴不住聲。〔金母云〕俺仙家景物奇絕。更有瑤池

玉液。紫府瓊漿。山羊脯。胡麻飯。仙桃仙杏。黃精茯苓。芳華百果。紫芝靈瑞。是好受用快活也。〔正

末唱〕

〔上馬嬌〕山羊脯甚美羹。胡麻飯氣味清。飲仙酒啖茯苓。有蟠桃異果堪歡慶。樂意正濃。食仙棗共蔓菁。〔金母云〕見今萬乘帝主。治過堯舜。因此天心喜悅。四海和平。永享

太平之福也。〔正末唱〕

〔遊四門〕神仙共祝樂昇平。普四海盡豐登。見如今官清法度施仁政。黎庶盡歡忻。興保萬載錦乾坤。〔金母云〕梓童引四箇仙子。乘麟跨鹿。齊下瑤池。命王子登彈八琅之

璈。董雙成吹雲和之笙。石公子擊昆亭之玉。許飛瓊鼓震靈之簧。婉靈華拊吳陵之石。范成君拍

洞庭之磬。段安香作九天之鈞。安法興歌玄靈之曲。與聖皇慶賀長春之壽也。〔正末唱〕

〔勝葫蘆〕更和這合和仙童王子登。共玉女董雙成。樂奏玄靈安法興。觀了這許飛瓊仙子。共金童玉女。一齊的下蓬瀛。〔淨金童云〕遊奕使。金母已知也。你回奏去。就

上復太上祖師父一聲。說金童到至日。也跑他一遭。〔金母云〕遊奕使。你回奏太上。梓童到至日。親身下降。進獻蟠桃去也。〔正末云〕小聖拜辭了金母。便索回奏天庭去也。〔唱〕

〔尾聲〕辭金母下雲軒。離閭苑朝仙聖。誰敢道差遲了半星。我又索駕霧騰雲。臨玉京。片時間電掃雲騰過滄溟。體健身輕。〔金母云〕你回奏天庭。梓童至日。乘紫雲之輦。駕九色斑鸞。下降祝賀去也。〔正末唱〕我傳着這金母親言專意行。離了這玄臺露冷。玉樓風靜。恁時節獻蟠桃親至九重城。〔下〕〔金母云〕遊奕使去了也。既奉太上法旨。今已蟠桃成熟。先令衛叔卿下方打探一遭。然後梓童引四仙子下降祝壽。走一遭去。蟠桃共祝齊天壽。永賀昇平萬萬年。〔下〕〔淨金童云〕金母去了也。到至日下降祝壽。我也少不的跑一遭。塵世中有東方朔李少君。都與我日前是酒肉弟兄。我到那裡。他每少不的斂些齋糧。布施與我。無甚事。山下人家套狗去來。〔下〕

第二折

〔殿頭官引祗從上〕〔殿頭官云〕出入金門顯貴豪。堅心保祚立勤勞。爲臣盡節行直正。永享中華輔聖朝。小官殿頭官是也。自因官裡齋戒精切。四月戊辰。金母令瓊城玉女王子登臨殿。言曰。聞君欲傾四海之祿。以求長生。七月七日。仙母必降臨。言訖而去。帝問東方朔定日期。神應宮裏

齊戒百日。焚香宮中。至夜。白雲起於西南。則見雲霞九色。簫鼓振空。霓旌羽幢。千乘萬騎。光耀金闕。仙母乘紫雲之輦。穿黃錦之服。戴太真晨纓之冠。躡方瓊鳳紋之履。賜其蟠桃而去。今萬壽之辰將近。令李少君東方朔二人。仙壇內預先鋪陳齋戒去了。左右說與他二人。若完備了。便來回話。〔下〕〔淨扮道士引道童上〕〔云〕我做道士忒聰明。除妖斷怪委實能。書符呪水不濟事。聽的謝將搶三牲。小道是這仙壇內的道士。善能書符呪水。斷怪除妖。昨日金母請我赴蟠桃會。我顯神通。坐在鶴背上。到半空中。腦樁子跌下來。虧了當坊土地。把我托住。救了我的性命。許了買條狗腿謝他。今奉大人的言語。遣李少君東方朔在此建立仙壇。脩齋設醮。我收拾的壇內潔淨。二位大人敢待來也。〔李少君東方朔上〕〔少君云〕智隱經綸立漢朝。劍呼星斗徹雲霄。胸藏六甲驅邪穢。袖褪風雷膽氣高。貧道姓李名少君。字靈翼。此位大人。乃是東方朔。官拜大中大夫。貧道初入太山採藥。脩絕穀金丹之術。遇安期生。因疾困叩頭乞活。安期生以神藥散一服。卽愈。貧道言上祠竈皆可致物。丹砂可化爲黃金。或可以爲飲食器。則益壽。而蓬萊仙乃可見也。於是上尊禮之。今遇萬壽之辰。奉命差貧道二人。建立仙壇。祝延聖壽也。〔東方朔云〕仙師。我等奉命。必要誠意廓潔。以成孝敬之心。可早來到也。報復去。道有我等來了也。〔道童報科〕〔云〕理會的。今有二位仙師來了也。〔淨道士接科〕〔云〕早知二位大人來到。只合遠接。接待不着。實乃我脚梢皮。

之萬幸也。〔少君云〕貧道奉命。在此仙壇脩齋。設立壇場。勿得輕慢。〔淨道士云〕小道知之。〔東方朔云〕兀那小道。門首觀者。看有甚麼人來。〔淨道士云〕倒好笑好氣也。但來的則使我。我看去。〔正末扮衛叔卿上〕〔云〕貧道中山衛叔卿。奉太上勅旨。金母差遣。因當今聖主。在內庭脩持齋戒。命貧道下方察理一遭。貧道化做一凡仙。降於塵寰。行乞於市。世俗之人。豈識真仙也呵。

〔唱〕

〔南呂一枝花〕恰離了蓬萊閬苑鄉。早來到錦繡繁華地。遙望瑞雲籠玉闕。紫霧罩丹墀。民樂雍熙。四海昇平世。千邦拱北極。內臣每整綱常盡節存忠。外臣每調鼎鼐安邦定國。

〔梁州〕我則見市塵中。鬧垓垓人稠物穰。更和這畫樓間。韻悠悠絃管聲齊。這的是萬民歡托。賴着當今帝。我恰別紫府。纔離瑤池。身登鶴背。體掛羊皮。我假妝些乞化形跡。詐風魔醜陋的容儀。我我我。飲的是樂長生玉液瓊漿。俺俺俺。食的是熬歲月蟠桃興美。是是是。玩的是傲霜雪松竹寒梅。論仙家道理。就中間有幾箇人知味。參玄妙。訪仙契。則我這草履麻絛不老衣。倒大來無是無非。〔云〕正行之間。見此設立仙壇。必是祝延聖壽。我試過去看者。〔淨道士云〕那裡來一箇乞化的。

兀那先生。奉命脩齋設醮。你走將來。腌腌臢臢的。快出去。〔正末云〕你報復去。道有一箇乞化的先生。特來化一齋。〔淨道士云〕乞兒不可並行。我辛苦了一日。水米還不曾沾牙哩。你來化一齋也罷。我報復去。〔見科〕〔云〕告的仙師得知。有一乞化的先生。來化一齋。〔少君云〕既是乞化的先生。叫他過來。〔淨道士云〕叫你過去哩。你看他風風魔魔的。你少喫一鍾兒。〔正末見科〕〔云〕稽首。貧道特來化一齋。〔少君云〕你看這先生。你那裡喫的這般東倒西歪。則好在長街市上乞化也。〔正末唱〕

〔賀新郎〕我恰纔宴蟠桃。不覺醉如泥。〔東方朔云〕你來這裡。有甚麼勾當。〔正末唱〕我持着太上親言。故來塵世。〔東方朔云〕你那裡有何景致。〔正末唱〕俺那裡勢崢嶸。一帶山疊翠。更有這白茫茫三千弱水。〔淨道士云〕你既來化齋。你則老實說。誰聽你謎言謎語。〔正末唱〕我若是吐實情。便是我泄漏了玄機。〔淨道士云〕你有甚麼相識道友。〔正末唱〕俺那裡山猿爲伴侶。麋鹿作相識。〔少君云〕你在那箇庵觀住坐。便無呵。也有箇道院。〔正末唱〕俺在那白雲深處爲活計。看了些鶴從松頂叫。猿向月邊啼。〔東方朔云〕兀那先生。你此一來。有甚麼勾當。〔正末云〕我見你這裡脩建壇場做好事。特來化一齋。〔東方朔云〕俺爲主上萬壽之辰。預先在此設立仙壇。嚴潔齋醮。你這先生。半醉半醒。風風魔魔

的身上未必潔淨。你出去罷。〔正末唱〕

〔罵玉郎〕你休笑我形骸穢污無拘繫。我也曾騎白鹿。赴瑤池。〔淨道士云〕今日俺齋戒潔淨仙壇。與皇上祝壽。你來這裡做甚麼。〔正末唱〕我特來長生共祝千千歲。〔淨道士云〕俺這裡念罷經。便有三牲謝將。你這般嘴臉。則好乞化些殘豆腐爛麵筋喫。有甚好也。〔正末唱〕我食的是不老丹。飲的是延壽盃。受用的是長生味。

〔感皇恩〕呀。更和那火棗交梨。閑來時數着殘碁。我端的傲年光。捱歲月。養容儀。〔東方朔云〕俺在此祝賀。俺爲臣者。堅心竭力報本也。〔正末唱〕你忠心報本。變理鹽梅。見如今庶民安。風雨調。穀成實。〔淨道士云〕我小道將仙家玄機妙理。脩煉九轉金丹也。頗頗兒曉的。雖然嘴臉不壓衆。就裏也慢張。〔正末唱〕

〔採茶歌〕你道你覓玄機。講皇極。這的是仙凡間隔豈輕微。一炷清香延壽考。九重春色樂雍熙。〔淨道士云〕你這風先生出去。惹的動念我。〔正末云〕貧道既然察知萬壽之日。索回太上并金母話去來。〔唱〕

〔尾聲〕我趁着這一襟爽氣朝仙位。拂兩袖天風回聖勅。賀皇朝。讚聖威。獻蟠桃。降塵世。保護的四海無敵。齊賀着萬萬載。永綿綿千萬紀。〔下〕〔少君云〕那先生

去了也。仙壇收拾完備。須索回大人話去來。〔東方朔云〕仙師說的是。俺回大人話。走一遭去。〔少君云〕聖主求真遍九域。故於海上覓蓬萊。江山鞏固年豐盛。永賀中華叩玉塔。〔同下〕〔淨道士云〕仙師同大人去了也。小道無甚事。擎兩頭紫皮大蒜。喫涼酒去也。〔下〕

第三折

〔金母領金童上〕〔金母云〕梓童金母是也。自遣衛叔卿。到於人間。察探當今聖人。果然齋戒。修設仙壇。比及我下降。再差玉女王子登。邀請上八洞神仙。與南極星同去下方。祝延聖壽去。金童傳與王子登。若請了時。教梓童知道。特請南極增福壽。共獻蟠桃億萬年。〔同下〕〔鍾離領七仙童上擺住〕〔鍾離云〕弱水迢迢萬里通。碧山如黛杳無窮。閑來蓬島蟠桃會。悶看雲籠天外峯。貧道覆姓鍾離。名權字雲房。道號正陽子。祖居京兆咸陽人也。貧道生的容貌雄威。髯過於腹。目有神光。曾爲漢朝大將軍。識破名利。誤入終南山。遇東華帝君指教。後隱於晉州羊角山。密傳道妙。貧道束髮爲雙髻。採蘆葉爲衣。號爲太極真人是也。自從度脫了呂純陽之後。各引度人。乃是上八洞神仙。今日無甚事。仙童洞門首觀者。若有天仙至。報復我知道。〔仙童云〕理會的。〔玉女王子登上〕〔云〕仙闕宮中奉金母。瑤池仙子爲伴侶。彩霞飄飄瑞雲生。傳言法號爲玉女。我乃玉女王子登是也。奉金母法旨。特請上八洞神仙。直至下方。祝延聖壽去。按落雲頭。可早來

到洞門首也。仙童報復去。道有傳言玉女至此也。〔仙童報科〕〔云〕理會的。報的上仙得知。有傳言玉女在於門首。〔鍾離云〕着他過來。〔玉女見科〕〔鍾離云〕玉女。你此一來有何事。〔玉女云〕奉金母法旨。見今聖主萬壽之辰。特請您上八洞神仙。進獻蟠桃去也。〔鍾離云〕貧道已知道也。玉女。你先回去。我隨後便至也。〔玉女云〕上仙。是必早些兒來。玉女不敢久停久住。回金母話。那走一遭去。〔下〕〔鍾離云〕玉女去了也。貧道同衆仙進獻蟠桃。祝延聖壽。走一遭去。親奉金母聖勅。差速離紫府下瑤塔。羣仙拱賀蟠桃會。八洞神仙祝壽來。〔同下〕〔正末扮南極星引仙童上〕〔云〕貧道乃南極老人星是也。列居井宿。位至南天。主人間壽域。共樂雍熙。似我這壽星。煞是光明顯耀也呵。〔唱〕

〔越調鬬鶴鶉〕我如今位至南天。星分壽考。井宿光輝。離宮顯耀。鬢髮如銀。肌膚嫩嬌。我將這容貌惜。元氣調。保養精神。長生不老。

〔紫花兒序〕福星照福如東海。壽星臨壽比南山。祿星明祿比天高。俺三星分朗。與人間賜福災消。量度保助着一統乾坤旺氣高。正應着太平之兆。見如今海晏河清。雨順風調。〔云〕仙童洞門首看着。看有仙人來。報我知道。〔仙童云〕理會的。〔玉女王子登上〕〔云〕妾乃瓊城玉女。王子登是也。奉金母法旨。差我去邀請南極三老人星。與同金母

下人間。進獻蟠桃。祝延聖壽。可早來到也。仙童報復上仙去。道有西池金母。差玉女王子登。在洞門首。〔仙童云〕報的上仙得知。有西池金母。差玉女王子登。在洞門首。〔正末云〕教他過來。〔仙童云〕教你過去。〔玉女見正末科〕〔云〕稽首。妾乃玉女王子登。奉金母法旨。因人間聖主萬壽之辰。金母敬奉太上勅令。着金母進獻蟠桃。特請老星君同下人間祝壽。走一遭去。〔正末唱〕

〔小桃紅〕你道是西池金母獻蟠桃。更和這南極光輝耀。〔玉女云〕奉太上法旨來請。〔正末唱〕這的是太上親言豈違拗。〔玉女云〕上仙主人間壽考長生之道。延年益壽。正當下方添壽去。〔正末唱〕雖然我壽年高。〔玉女云〕妾此一來邀請上仙下方祝賀去。〔正末唱〕祝吾白壽。比如嵩岳。祥光縹緲。天開黃道。永賀着一統聖明朝。〔玉女云〕說當今仁主好長生之道。築尋真之臺。登嵩岳之山。齋戒精切。欲傾四海之祿。以求長生。金母遣妾請星君祝壽。走一遭去。〔正末唱〕

〔調笑令〕賀當今壽高。永堅牢。呀。端的是祝讚長生天地老。衆羣仙共賞同歡樂。聽仙音一派簫韶。遙望見春城禁闕。旺氣高。看金童對舞黃鶴。〔玉女云〕當今聖朝宮闕嵯峨。龍樓高聳。金釘朱戶。碧瓦琉璃。以應天宮之造也。〔正末唱〕

〔禿厮兒〕金鑾殿祥雲繚繞。白玉樓瑞靄飄飄。宮闕九重。紅圍翠繞。鳴玉珮。擁

金貂也不堪描。〔玉女云〕金母同俺玉女王子登董雙成衆仙女。特請南極。進獻蟠桃瑞草靈芝。共下人間祝賀去也。〔正末唱〕

〔聖藥王〕神仙每獻玉盃。呈瑞草。感應的東華西母下丹霄。白鹿車。金鳳翹。天真霞珮錦宮袍。齊祝讚君德勝唐堯。〔云〕王子登。你回金母知道。萬壽之日。貧道同往下方祝賀去。〔唱〕

〔尾聲〕我又索乘鸞跨鳳排星曜。皆仰賀仁君聖朝。俺須是十洲三島大羅仙。齊獻上萬歲千秋太平表。〔下〕〔玉女云〕大仙同洞中去了。我不敢久停久住。回金母話。走一遭去。親奉西池金母言。故教仙子到南天。蟠桃共祝長生壽。永保山河萬萬年。〔下〕

第四折

〔殿頭官同李少君東方朔上〕〔殿頭官云〕小官殿頭官是也。今因聖主萬壽之辰。有西池金母遣玉女傳言。於此進獻蟠桃祝壽。小官同李少君東方朔。在此承華殿焚香伺候。兀那白雲。起於西南。漸近宮闕。敢是仙母至此也。〔金母同南極引八仙子登許飛瓊董雙成捧仙桃仙酒上〕〔金母云〕梓童金母元君是也。今遇萬壽之辰。同南極進獻蟠桃祝壽。走一遭去。可早來到也。南極大仙。你看這玉闕光輝。金裝翠飾。不弱蓬萊之境也。〔正末云〕端的是好蓋造也呵。〔唱〕

〔雙調新水令〕透穹蒼一炷熬龍涎。瑞雲籠曉光如練。只因萬壽期。特下九重天。則願的聖壽綿延。蟠桃頌九千遍。
〔殿頭官云〕李少君。你看那雲霞九色。簫鼓振空。天馬霓旌。羽幢千乘。光耀宮闕。金母乘紫雲之輦。着黃錦之服。天姿殊采。靈色絕世。
〔衆接見拜科〕
〔殿頭官云〕金母元君。因何而至。
〔金母云〕梓童因帝好長生之道。奉太上親言。同南極進獻蟠桃百果紫靈仙酒。玉女便可獻上。以延聖壽也。
〔正末唱〕

〔鴈兒落〕光燦燦祥雲罩碧天。明晃晃瑞靄籠金殿。鬱葱葱春城佳氣高。錦重重樓閣霞光現。
〔金母云〕因聖主法正施仁。有堯舜之德。修齋設醮。好求仙道。當以慶賀也。
〔正末唱〕

末唱

〔得勝令〕笑吟吟讚祝玉堦前。喜孜孜慶賀畫樓邊。碧澄澄紫府瓊漿注。紅馥馥瑤池異果鮮。擺列着天仙共賞蟠桃宴。出落衆英賢。則願的遐齡億萬年。
〔殿頭官云〕當今主上洪福齊天。孝敬仁厚。齋戒精切。感得西金母南極衆仙降臨。頌獻蟠桃異果。

堪可祝壽也。
〔正末云〕看了這宮闕宏麗。又遇天仙降臨。正當祝賀也。
〔衆仙祝壽了〕
〔正末唱〕

〔殿前歡〕五雲軒嵯峨高聳萬堆煙。韻悠悠一派仙音院。急管繁絃。憶蟠桃正九千。賜福壽長生卷。會佳節春風面。紅妝鬢鬢。翠袖蹁躚。
〔殿頭官云〕臣等代君請

問長生之道。望賜開陳〔金母云〕夫養性之道。修身之要。汝固知矣。但在勤行之功。不可怠也。幸勿問於梓童。兀那彩霞之中。太上祖師至也。〔太上老君上〕〔云〕貧道乃太上老君是也。爲因當今聖皇築尋眞之臺。齋戒精嚴。有此功行。吾見西池金母。同南極老人。并三界眞仙。進獻蟠桃異果。紫芝仙酒等物。祝延聖壽。祈願江山鞏固。社稷興隆。萬乘恩慈。社稷興。歌謠道泰。盡安寧。江山永固。邊塵靜。禾黍豐登。大地成。國用賢臣。皆肱股。家存孝子。盡忠貞。普天率土。歸王命。一統乾坤樂太平。〔正末唱〕

〔沽美酒〕慶長生太上傳。祝萬壽賀延年。見如今四序和平。民意歡。設珍羞玳筵。文武列衆官員。〔金母云〕見如今聖皇有德。臣民感戴。太平一統。正當風雲慶會也。〔正末唱〕

〔太平令〕普四海均無征戰。罷干戈永息狼烟。明聖主仁慈德善。攝伏的萬邦朝獻呀。一齊的志堅。向前讚言。賀萬載皇圖稱羨。〔老君云〕三界眞仙。并文武官員。您聽者。君德盛。禹舜湯堯。太平年進獻蟠桃。慶長生千年永固。增福壽萬載稱高。衆羣仙都來祝壽。金鑾殿樂奏簫韶。願聖主齊天洪福。祝延齡萬國來朝。

題目 慶長生南極登金殿

正名

祝聖壽金母獻蟠桃

獻蟠桃穿關

頭折

太上老君

如意蓮花冠
玳瑁白髮

鶴髦
白髯

牌子
執圭

仙童

秦巾
道袍

邊欄
繡兒

金母

金冠
布襪

仙衣
鞋

玳瑁
執圭

玉

女王子登

花箍
補子襖兒

膝欄
鞋

金童

雙髻鬚髮陀頭
邊欄道袍

繡兒

正末遊奕使

鐵幘頭
衣曳撒

袍

項帕 直纏 搭膊
帶 三髯髯 背勅 旗

第二折

殿頭官

兔兒角幘頭
子圓領

補
三髯髯

祇從

項帕
圓領

道士

道冠
道衣

李少君

雷巾
繡兒

三髯髯

東方朔

一字巾
領帶

補子圓
三髯髯

正末衛叔卿

散巾
執袋

邊欄道袍

繡兒

樓扇

第三折

金母金童

同鍾離

雙髻陀頭

紅雲鶴道袍

錦襖

不老葉

法墨冠

喬兒

網

鐵拐李

鬚髮陀頭

皂補

呂洞賓

九陽巾 茶褐雲鶴道袍 錦襖 不老葉 法墨冠 喬兒 網 鐵拐李 鬚髮陀頭 皂補 裙 繡兒 執袋 腿綁護膝 八答鞋 雙劍 三髯髯 裙扇 納 錦襖 不老

葉 法墨冠 喬兒 網裙 雜彩縑 張果老 方巾 邊欄道袍 不老葉 執 張四郎 巾
執袋 行纏 八答鞋 猛髯 鐵拐 雙鬚 陀頭 雲鶴道 藍彩和 韶巾 綠欄 韓湘子 雙髻
雲鶴道袍 不老葉 曹國舅 袍 不老葉 執袋 如意冠 鶴髯 牌子 玎 仙童 同
繖兒 執袋 花籃 玉女王子登 同 正末南極星 瑞 白髮 白髯 執圭
玉女王子登又上 同 前

第四折

殿頭官 李少君 東方朔 同 金母 正末南極星 八仙 玉女王子登 同 許飛瓊 花
襖兒 裙兒 董雙成 花箍 襖兒 裙兒 太上老君 同
香串 布襪 鞋 香串 布襪 鞋

乙卯正月十一日抄內并校清常

降丹墀三聖慶長生

闕名

第一折

〔冲末扮天官領金甲神鬼力攏仗上〕〔云〕九氣巍巍萬象輝。三千世界布恩威。幾回駕馭朝天去。福賜人間造化機。吾神乃上元九炁賜福天官曜靈元陽大帝紫微帝君是也。居紫微宮中部三十六曹。考校大千世界之內。錄十方國土之中。福被萬靈。主衆生善惡之債。恩覃三界。致諸天升降之司。除無妄之禍。解宿世之殃。脫生死之厄。救拔苦幽。有此大願。今大明聖母發心啓建廟宇。勅額曰延福宮。此功德非凡。況聖母持敬天地。憫恤蒸民。且當雍熙之世。幸逢孟冬十月十四日。乃萬壽聖誕之辰。意欲慶賀。未曾與地水二官商議。金甲神等。地水二官來時。報復吾神知道。〔金甲神云〕理會的。〔地官領鬼力上〕〔云〕日月光輝照萬邦。山川毓秀秉陰陽。九幽拔苦消災障。普濟羣生佑下方。吾神乃中元七炁赦罪地官洞陽清虛大帝青靈帝君是也。居於北都宮中部四十二曹。主管三界十方九地。掌握五岳八極。吐納陰陽。考衆生錄籍禍福之名。法源浩大。能離九幽拔苦之罪。有此大願。茲因聖母發其虔心。於京都啓建廟宇。勅額曰延福宮。今不免至廟中走一遭去。報復去。道有地官來了也。〔金甲神報云〕地官上聖來了也。〔天官云〕道有請。〔做

見科。〔地官云〕尊神。小聖來了也。〔天官云〕尊神請坐。金甲神。若水官來時。報復我知道。〔金甲神云〕理會的。〔水官領鬼力上〕〔云〕顯耀威靈鎮九淵。普除無妄重災愆。拔幽解厄消凡障。濟利無窮在世間。吾神乃下元五氣解厄水官金靈洞陰大帝。賜谷帝君是也。居於青華宮中部。四十二曹。掌管江河淮濟之事。水災大會。劫數之期。上解天災。度業滿之靈。下濟幽局。分人鬼之道。存亡皆泰。利濟無窮。有此大願。茲因聖母發其虔心。在於京師啓建廟宇。勅額曰延福宮。今不免往廟中走一遭去。報復去。道有水官來了也。〔金甲神云〕有水官上聖來了也。〔天官云〕道有請。〔做見科〕〔水官云〕尊神。小聖來了也。〔天官云〕尊神請坐。二位尊神。今有此廟。感荷聖母不惜資財。發心啓建此廟。功德無量。況聖母仁慈大德。持敬天地。憫恤下民。且其雍熙之世。幸逢孟冬十月十四日。乃聖母華誕。當以慶賀。二位尊神。可是如何。〔地官云〕可矣可矣。〔天官云〕既然如此。如今令飛符神王。贊持檄文。召請西池王母。八位神仙。來俺延福宮取齊。至日入朝慶賀。〔水官云〕則依着尊神。〔天官云〕恁的呵。金甲神。喚將飛符神王來者。〔金甲神云〕理會的。飛符神王安在。上聖有召。〔正末扮飛符神上〕〔云〕吾神乃飛符神王是也。在於三官部下聽令。上聖有召。須索走一遭去。想爲神者。非同小可也呵。〔唱〕

〔仙呂點絳脣〕四斗三星。五行七政。分排定。方隅神明。都朝現高真境。

〔混江龍〕我可便謹遵勅命。通天徹地顯威靈。騰雲駕霧。上下飛昇。我可便聽令承宣傳檄召。疾如雷電便施行。見如今敢乾坤靜。山川毓秀。宇宙清寧。〔云〕可早來到也。報復去。道飛符神王來了也。〔金甲神云〕有飛符神王來了也。〔天官云〕着他過來。〔做見科〕〔正末云〕召小聖那裡使用。〔天官云〕不爲別。茲因聖母重日月。敬天地。憫蒼生。勸合天地。道合神明。誠爲古之聖德也。〔正末唱〕

〔油葫蘆〕則爲那聖母仁慈有至明。敬天神。忒志誠。〔天官云〕已見下方臣民歡暢。正是太平之世。〔正末唱〕見下方臣民歡暢賀昇平。〔天官云〕況今當今帝主仁孝。任用賢才。親賢遠佞。況邊關已靜。士馬康寧。〔正末唱〕更那堪當今帝主施恭敬。行其孝禮修仁政。〔天官云〕仁君遵上帝好生之德。免黎庶暴虐之刑。〔正末唱〕遵上帝德好生。恤黎民無暴刑。〔天官云〕今聖母整三綱。正五常。修明禮樂。乃聰明智慧。特達古今。〔正末唱〕更那堪聰明特達三綱正。明禮樂。振家聲。〔天官云〕仁君者孝行孜孜。每懷鞠養之恩。仁恕謙讓。嘗思奉親之敬。雖古之賢哲。未及此也。〔正末唱〕

〔天下樂〕更那堪仁孝孜孜盡己情。神力嘉亨。保佑的帝業興。〔天官云〕聖母大德。保金枝挺秀。護玉葉聯芳。〔正末唱〕保佑的金枝玉葉並生成。〔天官云〕扶助的風調雨順。禾

稼多收。〔正末唱〕徧入荒禾稼增。普四海百穀生。四時調樂歲登。〔天官云〕兀那飛符神。今者聖母千秋聖節。你將着檄符。直至瑤池。召請王母。併八位神仙。來與聖母上壽。着王母衆仙。都到延福宮聚集。至日早赴朝中。則要你疾去早來。〔正末云〕小聖持着符檄。便往瑤池去也。

〔唱〕

〔後庭花〕我今日持符檄傳召請。我可便往瑤池仙界境。〔天官云〕可令王母仙桃來獻。〔正末唱〕命王母將蟠桃獻。使八仙將品物呈。好教他降宮庭。一齊的延生嘉慶。〔天官云〕着八仙各獻仙物。〔正末唱〕贈丹砂。壽算永。傳金書。寶籙擎。鈞天樂。奏九成。翠鸞飛。彩鳳鳴。玉爐中。香霧輕。金盃內。酒泛清。玳筵開。列畫屏。賀聖母。福壽增。〔天官云〕今聖母有太任之德。虔誠感應。神獻嘉祥。〔正末唱〕

〔柳葉兒〕保護着仁慈至聖。因此上感動神靈。千邦贊禮尊朝命。皆欽敬。賀皇明。萬萬年永享遐齡。〔天官云〕飛符神王。見了王母說知。你早些回來報。〔正末云〕則今日便

往瑤池。走一遭去。〔唱〕

〔賺煞〕則今日赴瑤池。直至那眞仙境。上霄漢。三天玉京。一心要須教先奏請。爲聖母大德非輕。衆神靈齊下天庭。保佑的社稷安然日月明。則願的朱顏不

更神清氣正。萬年歡樂永長生。〔下〕〔天官云〕二位尊神。飛符神王到瑤池。召請王母八仙去了。今差本境城隍。遠接上真。不可延慢。爲聖母德配先皇。敬神明感動穹蒼。着上真一齊慶賀。共祝贊福壽無疆。〔同下〕

第二折

〔王母領許飛瓊。董雙成。金童玉女上。〕〔云〕七寶瑤臺百尺高。祥雲繚繞綵霞飄。乘鸞跨鳳朝元去。春色滿天醉碧桃。梓童乃西池王母是也。居於紫府。長在瑤池。建七寶百尺瑤臺。百花三千世界。乘鸞車問道參玄。駕綵鳳蓬萊闔苑。真仙來赴蟠桃宴。洞口仙童下九天。小童今朝玉帝已面約八洞神仙宴會。若八仙來時。報復我知道。〔金童云〕理會的。〔鍾離洞賓上。〕〔云〕髮短髯長本自然。半爲羅漢半爲仙。胸中自有吾夫子。到底三家總一天。貧道覆姓鍾離。名權字雪房。道號正陽子。此位乃呂洞賓。俺師徒二人。常在瑤池飲宴。今日王母呼喚。須索走一遭。早來到也。報復去。道有鍾離洞賓來了也。〔金童報科。〕〔王母云〕着他過來。〔做見科。〕〔鍾離云〕仙母。鍾離洞賓來了也。〔王母云〕二仙少坐。金童看着衆神仙來。報復我知道。〔鐵拐李同韓湘子上。〕〔云〕亂髮鬍鬚名鐵拐。吞霞服氣養丹砂。顯化神通能造酒。遂巡善放牡丹花。貧道鐵拐李岳是也。這一位神仙。乃是韓湘子。今王母有召。須索走一遭。早來到也。報復去。道有鐵拐李韓湘子來了也。〔金童

報科」〔王母云〕着他過來。〔做見科〕〔鐵拐李云〕仙母。俺二仙來了也。〔王母云〕二仙少待。金童再看者。〔曹國舅同張果老上〕〔云〕高官不戀帝王宣。散濟逍遙樂自然。這一箇趙州橋上遺踪在。皓首蒼顏幾百年。貧道曹國舅是也。這一位是張果老。今日王母呼喚。須索走一遭去。可早來到也。報復去。道我二仙來了也。〔金童報科〕〔王母云〕着他過來。〔做見科〕〔曹國舅云〕仙母。俺二仙來了也。〔王母云〕二仙少待。還有二位神仙未來。金童看者。〔藍采和同張四郎上〕〔云〕眉巾偏帶皂欄袍。輕敲玉板徹雲霄。這一箇笛吹一曲朝天去。引卻鸞鳳舞翠毛。貧道藍采和。這一箇是張四郎。今日王母呼喚。須索走一遭去。早來到也。報復去。道有藍采和張四郎來了也。〔金童報科〕〔王母云〕着他過來。〔做見科〕〔藍采和云〕仙母。俺二仙來了也。〔王母云〕衆位神仙請坐。金童玉女。將酒來。與羣仙暢飲幾盃。〔做遞酒科〕〔王母云〕慢慢的飲酒。金童。有一件事。快報我知道。〔金童云〕理會的。〔正末上〕〔云〕吾神乃飛符神王是也。奉三官上聖法旨。差我持着符檄。前往瑤池。召請王母併八仙。走一遭去。行說話間。早望見瑤池也。〔唱〕

〔正宮端正好〕奉神旨赴蓬萊。離廟宇臨天際。遙望見蕊珠宮闔苑瑤池。則爲那仁君聖德合天意。因此上感動神祇會。

〔滾繡毬〕我步彩雲上翠微。舉頭觀十萬里。見翠森森蒼松老檜。光瑩瑩碧瓦

琉璃。有黃鶴來往飛。蒼鸞上下馳。映紅霞一輪瑞日。砌瑤池。百尺天梯。見天丁侍衛齊。金童玉女隨。寶爐中篆烟香細。列仙仗一部威儀。旌旗日煖。龍蛇動。宮殿風微。燕雀低。別是箇璿璣。〔云〕可早來到也。報復去。道有飛符神王。持三官大帝檄符來見。〔金童報科〕〔王母云〕着他過來。〔做見科〕〔王母云〕飛符神。你來有何事。〔正末云〕小聖奉三官大帝之命。持着檄符。來請上真。〔王母云〕將來我看。〔正末唱〕

〔倫秀才〕見王母曲躬躬施禮。將符命急忙忙獻起。〔王母云〕誰差你來。〔正末唱〕則俺那水府三官三大帝。〔王母云〕你是何神。〔正末唱〕我受着飛符神王職。又不比小神祇。〔王母云〕你來有甚麼話說。〔正末唱〕聽小聖說知就裏。〔云〕俺三官大帝。不爲別。則爲下方聖母。通達古今。審察賢愚。太任之德。大儒之才。幸遇太平之世。又逢孟冬十月十四日。乃千秋聖誕。俺上聖差小聖。特來謹請衆仙。在於京師延福宮聚集。次日早入朝慶賀。〔王母云〕你試說人間帝王。怎生有大德。你說一徧。我聽者。〔正末云〕小聖慢慢的說一徧者。〔唱〕

〔滾繡毬〕則爲那聖明君。行道德。勝三皇。過五帝。統萬方。太平時世。逢聖母華誕之期。〔王母云〕你此一來爲甚麼。〔正末唱〕請仙母下玉梯。到那裡。〔王母云〕再有那幾位仙衆。〔正末唱〕共八仙祝延萬歲。〔王母云〕此一去將何所獻。〔正末唱〕各將着品物希

奇〔王母云〕我今將着蟠桃去獻。可是如何。〔正末唱〕將着那蟠桃數顆相呈獻。〔鍾離云〕我將丹砂。可是如何。〔正末唱〕你將着一粒丹砂眉壽齊。您同赴丹墀。〔王母云〕兀那飛符神王。聞知下方啓建廟宇。怎生蓋造款置。你試說一徧者。〔正末云〕若論新蓋延福宮。是好景致。非同小可也。〔唱〕

〔呆骨朵〕延福宮蓋造多佳致。有壁畫鳳翥鸞飛。亮榻飛樓。雕闌玉砌。〔王母云〕聖母將何以供獻。〔正末唱〕陳祭祀。伸儀獻。修醮事。排坐位。〔王母云〕恁的呵。當以護佑。〔正末唱〕保佑的千千年社稷安。則願的萬萬載天地齊。〔王母云〕聖母之德。當以天神鑒臨。表其虔誠。上天鑒其仁慈恩厚。萬國聞知。實乃大慈大德也。〔正末唱〕

〔脫布衫〕慈恩德萬國咸知。普天下同樂雍熙。發虔心上天鑒己。聖明君孝能竭力。〔王母云〕嘗聞有德者天報之以福。譬如北辰。萬方瞻仰。〔正末唱〕

〔小梁州〕萬象森羅供北極。普天下率土皈依。大明國祚勝磐石。龍虎風雲會。一統錦華夷。〔王母云〕似此聖明君神鬼嚴祭祀。雖古之聖哲。不是過也。〔正末唱〕

〔么〕明其神鬼發齋祭。因此上神聖皆知。達四維。通天地。唐堯可比。日月燦光輝。〔王母云〕兀那飛符神。你先行。梓童同八仙。然後赴延福宮聚會去。〔正末云〕小聖先回去也。

〔唱〕

〔尾聲〕爲聖母慈恩毓德同天地。感動神靈造化機。福祿無邊享榮貴。則去那玉帝跟前告一道勅。〔下〕〔王母云〕飛符神去了也。您八仙一同到於人間。與聖母上壽。走一遭去。大行慈恩表至誠。三官神聖顯威靈。彩鸞鶴馭離仙界。祝賀遐齡福壽增。〔同下〕

第三折

〔壽星領仙童龜鶴上〕〔云〕太極之初普化通。循環道理運無窮。乾坤定位分天地。萬里扶搖九萬重。吾乃南極壽星是也。掌人間造化樞機。管壽籙人間保命。今大明聖母。慈恩毓德。憫恤小民。恭遇千秋聖誕。與其福祿二星。同往下方謁壽。吾在此神霄之境。等待二星。這早晚敢待來也。〔祿星領仙童上〕〔云〕天地三才萬物臻。乾坤始立有吾神。每承上帝滋天祿。普潤人門濡澤恩。吾神乃祿星是也。掌九天祿秩之事。主人間潤澤之貴。今大明聖母。有太姬之德。大布陰功。又遇千秋聖誕。俺福祿壽三星。下方上壽。先在此神霄之境相會。可早來到也。仙童報復去。道祿星來了也。〔報科〕〔壽星云〕道有請。〔做見科〕〔祿星云〕上仙。吾神來了也。〔壽星云〕則少福星未來。等來時階同行。這早晚敢待來也。〔正末扮福星領仙童上〕〔云〕吾神乃福星是也。今爲下方聖母千秋誕節。俺福祿壽三星上壽。走一遭去。〔唱〕

〔中呂粉蝶兒〕仙仗齊排。駕祥雲九重天外。恰離了紫府瑤臺。到塵寰臨凡界。爲聖母陰功廣大。今日箇壽域天開。慶長生萬年康泰。

〔醉春風〕眉壽似南山。福如東大海。六鰲海上駕山來。布金光彩。則願的帝業遐昌。皇圖永固。山河無礙。〔云〕早來到也。報復去。道福星來了也。〔報科〕〔壽星云〕道有請。

〔做見科〕〔福星云〕上仙。吾神來了也。〔壽星云〕兀那遠遠的雲頭起處。不知是何方聖者來了也。〔王母駕鸞車引八仙同許飛瓊董雙成上〕〔云〕梓童乃西池王母是也。今同八仙。至於下方。與聖母上壽。走一遭去。〔正末云〕上仙。你看那一簇仙仗。俺向前動問去者。〔唱〕

〔紅繡鞋〕見一簇雕輪翠蓋。原來是衆神仙齊下蓬萊。〔王母云〕你是何方聖者。

〔正末唱〕見王母動問說明白。許飛瓊相扶從。董雙成笑盈腮。〔云〕敢問仙母。衆位神仙何往。〔王母云〕俺到下方。與聖母上壽去也。〔正末云〕恁的呵。〔唱〕俺便同共賀千秋。臨御堦。〔壽福星與衆相見科〕〔云〕稽首。既然與聖母上壽。俺一同去來。〔正末云〕仙母。遠遠的雲頭起處。不知是那位神仙來也。〔北斗七星同左輔右弼上〕〔第一星君云〕大道幽微列上真。陰陽造化整乾坤。貪巨祿文廉武破。北辰居位七元君。吾神乃北斗七元星君是也。一貪狼。二巨門。三祿存。四文曲。五廉貞。六武曲。七破軍。八外輔。九內弼。乃北斗九皇尊帝星君。俺北辰垂象。衆星拱之。

爲造化之樞機。作人神之主宰。宣威三界。統御萬靈。察人間善惡之期。有消災度厄之力。五行七政同科錄。萬劫千年註壽昌。茲因國朝聖母千秋聖誕之辰。衆神聖都去慶賀。俺離了方位。駕起祥雲。慢慢行將去。〔正末云〕仙母。你看那祥雲繚繞。瑞氣瀾漫。不知是那一位尊神。〔王母云〕不知是何方聖者。〔正末唱〕

〔滿庭芳〕我則見祥雲靄靄。金冠鶴氅。玉佩朱鞵。元來是七元斗府臨凡界。又有那輔弼良材。祿福壽寧康萬載。註長生富貴栽培。回首雲霄外。到楓宸左側。〔云〕星君何往。〔七星云〕俺往下方。與聖母上壽去也。〔正末唱〕你可便同共赴金塔。〔衆相

見科〕〔云〕稽首。〔正末云〕兀那雲頭起處。又是那箇神祇來了。〔淨扮小星上〕〔云〕我做星官世不明。不如人間一盞燈。月輪出來不見我。吾乃油嘴小昏星。吾乃油嘴小星便是。我週流四方。走徧三界。又無功效。好吃葷腥。都叫我油嘴。到老不成。如今北斗七星都往下方。撇我在家里。我如今趕將去。〔做見科〕〔云〕衆位星君都在這裡。好歹要跟將你去。我也到那裡得些祭物吃。〔七星云〕不要你去。〔淨云〕你真箇不要我去。罷罷罷。氣出一箇曲兒來了。〔淨唱〕

〔上小樓〕去不去有何事幹。衆星官不索辭憚。你休那裡說短論長。嘴嘴舌舌。萬難千難。我若去到那裡教您輕慢。〔淨拿出乾魚頭科〕〔云〕我纔去光祿寺

走了一遭〔唱〕偷了這箇乾魚頭殼我擺飯〔王母云〕列位神仙不可久停。階下方同到延福宮。見三元大帝去來。〔衆同下〕〔三官領金甲神上〕〔云〕善惡分明兩字排。神靈鑒察在心懷。修成功行三千事。賜福洵洵降下來。吾神乃天官紫微大帝是也。自令飛符神王召請王母八仙去了。今日必然至也。俺三官在廟等候。京都城隍安在。〔金甲神云〕京都城隍安在。〔城隍領鬼力上〕〔云〕不孝漫燒千束紙。虧心枉熬萬爐香。神靈本是正直做。不受人間枉法贓。吾神乃京都城隍是也。掌管一境之事。受其香火享祭。今聖母施捨金銀。啓建延福宮。今三元大帝在宮中有召。須索走一遭去。早來到也。報復去。道京都城隍來見。〔金甲神報科〕〔天官云〕着他過來。〔做見科〕〔城隍云〕上聖。喚吾神那裡使用。〔天官云〕兀那城隍。如今天仙天神都來此宮中。你與我遠接。若見了便來報知。〔城隍云〕理會的。我出的這宮門。在虛空等候。這早晚敢待來也。〔王母引許飛瓊董雙成八仙北斗九皇壽祿二星并正末扮福星上〕〔王母云〕衆仙。兀的不到了也。你看那紅光紫霧。金釘朱戶。比俺那紫府何別。〔城隍見科〕〔云〕雲頭起處。敢是天仙上聖麼。〔正末云〕你是何神。〔城隍云〕吾神乃京都城隍。奉三元大帝令。小聖一徑的接待上真來。〔正末云〕上仙來到也。〔唱〕

〔上小樓〕靄紅光朱門大開。見三元威儀尊大。則見那畫燭銀臺。香裊金猊。侍

衛齊排。有金鐘。間玉磬。仙音一派。今日箇荷聖母坤儀厚載。〔云〕衆上仙已到。城隍報復去。〔報科〕〔天官云〕道有請。〔衆仙相見科〕〔王母云〕上聖。俺仙衆都來了也。〔天官云〕仙母。您衆仙將何以獻。〔王母云〕梓童將蟠桃七顆。〔正末唱〕

〔么〕有蟠桃嬌嫩色。〔鍾離云〕貧道獻丹砂一粒。〔正末唱〕獻丹砂一粒該。〔洞賓云〕貧道有翠竹蒼松。老檜靈芝。〔正末唱〕翠竹蒼松。老檜靈芝。鶴鹿齊來。則願的壽綿綿。福種種。如天之大。比父母德資超邁。〔天官云〕衆位真仙。到來日都到朝中慶壽。走一遭去。

〔衆云〕理會的。〔正末唱〕

〔尾聲〕駕鶴馭浮瑞靄。到朝中步御塔。則願的四時聖體常輕快。保護慈容萬萬載。〔下〕〔天官云〕衆位真仙。嚕一同去來。新啓建延福之宮。賢聖母廣積陰功。衆真仙都來慶壽。

保千秋萬載興隆。〔同下〕

第四折

〔殿頭官上〕〔云〕鼎鼐調和作柱石。撫安黎庶保華夷。一心惟有忠心爾。留取芳名青史題。小官當朝殿頭官是也。方今聖人在位。守成大治。四夷向化。萬國來庭。衣冠人物。無有不至。幸逢孟冬十月十四日。乃聖母千秋聖誕。百司文武。已上表章。忽見瑞雲變。紫霧紛紜。異香盈滿宮殿。料

想必有天神仙衆來現。今令小官在此丹墀。已設香案。迎接上真。凡的祥雲擁定紫極。敢有上真來也。〔正末同祿壽二星三官大帝北斗七星左輔右弼王母八仙許飛瓊董雙成各持獻物上〕

〔天官云〕衆位真仙。駕着祥雲。鸞車鳳輦。瞻一齊的與聖母上壽去來。〔正末云〕上真擺開仙仗者。〔唱〕

〔雙調新水令〕跨蒼鸞。乘彩鳳。駕雲軒。靄紅光滿盈宮殿。仁君能盡孝。聖母太任賢。因此上感動蒼天。衆仙侶盡來現。〔天官云〕你聽那笙歌聒耳。鼓樂喧闐。也不弱天宮也。〔正末云〕好樂聲也呵。〔唱〕

〔駐馬聽〕則聽的樂奏鈞天。鼙鼓雲璈奏管絃。陳設設宴。人人歡暢盡欣然。則願的金枝玉葉並芳聯。乾坤社稷皇天眷。都則爲積慶衍。神明仙衆雲空顯。〔天

官云〕您衆神仙有何祝獻的禮物。〔王母云〕梓童獻蟠桃七顆。〔鍾離云〕貧道獻丹砂一粒。

〔洞賓云〕貧道奉五色靈芝。〔拐李云〕貧道獻不老蒼松。〔湘子云〕貧道獻仙花數朵。〔張四郎

云〕貧道獻長青翠竹。〔曹國舅云〕貧道獻堅剛檜柏。〔彩和云〕貧道有萬年靈龜。〔張果老云〕

貧道有千年仙鶴。〔七星云〕俺贈壽萬歲。〔壽星云〕吾贈長生寶籙。〔祿星云〕願聖體康寧。〔正

末云〕吾神贈福如山岳。〔天官云〕吾神願國泰民安。〔地官云〕吾神願皇圖永固。〔水官云〕吾

神願雨順風調。〔齊獻科〕天官云：聖母巍巍太任賢，仁恩德厚在昭然。神明仙衆離凡世，永固皇圖萬萬年。〔正末唱〕

〔水仙子〕蟠桃七顆獻堦前，一粒金丹氣質全。有青松檜柏靈芝獻，奉長生寶籙宣。更增福壽算綿綿，祝聖母身康健，面生光不改顏，祝遐齡億萬斯年。〔天官云〕你看那香焚寶鼎，紫霧漾漾，玉樓金殿，貝闕珠宮，便如天宮之景也。〔正末唱〕

〔折桂令〕寶爐中香裊龍涎，日月光輝，瑞靄祥烟。穆穆皇風，巍巍慈德，蕩蕩山川。治內壺施呈大賢，有賞罰無向無偏。今日箇玉帝傳宣，神聖天仙，齊祝贊聖母千秋福壽齊天。〔殿頭官云〕兀的半空中雲端上，都是神仙降臨，此俺聖母大德大行所致也。〔做拜科〕天官云：兀那大臣，你聽者。大明朝一統華夷，乾坤大穩勝磐石，爲聖母虔心至意，建廟宇陳設神儀，幸遇着千秋聖誕，感天仙齊降瑤池，北斗星九皇尊帝，增壽算萬載無危，三台星一齊皆至，福祿壽永樂雍熙。西王母蟠桃來獻，八仙每各獻珍奇，表聖母大賢大行，讚聖母至聖至德。今日箇三官聚會，因此上奏上帝皆知，千千年扶持社稷，萬萬載保佑洪基。若不是延福宮三官感應，怎能殼普四海萬國咸知。

題目 延福宮八仙同聚會

正名

降丹墀三聖慶長生

于小穀本錄校清常道人記

衆神聖慶賀元宵節

闕名

第一折

〔外扮玉虛師相引執旗捧劍二神將上〕〔玉虛云〕煉藥修真上太清。玉虛宮殿紫霄中。閉觀水火陰陽理。現出嬰兒性最靈。貧道乃玉虛師相玄天上帝。這二位神將。乃吾部下執旗捧劍是也。貧道降臨之時。瑞雪覆國。異香芬然。生而神靈。舉措隱顯。年及七歲。經書一覽。悉皆默會。潛心念道。志契大虛。願輔上帝。普福兆民。尋幽覓靜。內養元真。遂感玉清聖祖紫氣元君。傳授無極上道。遂於太和之山。紫霄之品。卜居修煉。遂感天花亂墜。仙樂來迎。金書玉誥。賜勅加封玄天上帝。玉虛師相之職。掌管北方壬癸之位。今有下方紫氣冲霄。貧道撥開雲頭觀看。乃是當今聖人在位。仁慈孝道。德過堯舜。功過文武。八方寧靜。四海宴然。米麥盈倉。禾黍多收。今遇元宵節令。天官賜福之辰。建立鰲山。點放花燈。與民同樂。貧道今奉九元始天尊勅令。着貧道聚集天上天下三界神祇。同降下方。與萬乘帝王。增添福壽。祝賀元宵。觀看鰲山賞花燈去。貧道不免邀請衆神。同去走一遭去。九天遊奕使安在。〔外扮九天遊奕使上〕〔云〕侍奉玄帝已有年。承差捧勅我當先。有時鸞鶴鳴霄漢。知是吾皇下九天。小聖乃九天遊奕使是也。神通妙用。隱顯無窮。奉上帝好生

之德。宣玄天賜福眞言。形如掣電。勢若奔雷。因小聖正直無私。選玄天部下。正在雷部下聽令。今有上帝呼喚。須索走一遭去。〔做見科〕〔玉虛師相云〕呀。九天遊奕使來了也。〔九天遊奕使云〕呼喚小聖。那裡使用。〔玉虛師相云〕喚你來不爲別。奉九天元始天尊勅令。着貧道聚集天上天下三界神祇。降臨下方。祝賀聖主。玩賞元宵。增添福壽。你與我乘雲駕霧。請將文昌帝君來者。〔九天遊奕使云〕得令。文昌帝君。上帝有請。〔外扮文昌帝君上〕〔云〕正直無私有至靈。於家爲國保黎民。祈晴禱雨皆顯應。掌管經書文卷中。吾神乃輔元開化文昌司祿宏仁帝君是也。掌管天曹文籍。科甲儒流。吾乃定奪。正在後殿點檢學子文簿。有九天遊奕使奉玄天上帝勅令。來請吾神。不知有甚事。須索走一遭去。可早來到也。〔做見科〕〔玉虛師相云〕呀。文昌帝君來了也。暫息雲軒。少停鶴駕。九天遊奕使。你與請將三官大帝來者。〔九天遊奕使云〕得令。三官大帝。玄天上帝有請。〔正末扮天官同地官水官上〕〔正末云〕吾神乃上元一品九炁天官是也。這一位乃中元二品七炁地官。這一位乃下元三品五炁水官。俺三位神尊與人民賜福消災。增添壽算。今有九天遊奕使奉玄天上帝勅令來請。不知有甚事。須索走一遭去。〔地官云〕看了當今聖人在位。天下太平。干戈永息。四海無征。百姓謳歌。是好豐稔年歲也。〔正末云〕端的好太平豐稔年也呵。〔唱〕

〔仙呂點絳脣〕四海安康。太平景象。民無恙。見如今寧靜了邊疆。處處皆歡暢。
〔水官云〕看了當今聖主。德行仁慈。孝敬聖母。以致禎祥出現。田禾多收。良臣輔佐。天下太平。上古之時。遠不及矣。〔正末唱〕

〔混江龍〕託賴着皇恩浩蕩。招賢納士用忠良。聖天子德過文武。行邁陶唐。地產靈芝。麟鳳舞。天垂甘露。現禎祥。端的是田苗禾黍皆興旺。祈願的皇圖永固。聖壽綿長。〔云〕說話中間。可早來到也。〔做見科〕〔玉虛師相云〕呀。三官大帝來了也。〔正末云〕

吾神等來了也。不知尊神有甚事。〔玉虛師相云〕請您衆位神聖來。不爲別。吾奉九元始天尊勅令。因爲下方聖人在位。仁慈孝道。德過堯舜。功過文武。八方寧靜。四海宴然。今遇元宵節令。着某聚集天上天下三界神祇。同降下方。與萬乘帝主。增添福壽。去賀元宵去。因此請衆位神聖來說知也。〔文昌云〕尊神元來爲此。看了當今帝主。寬仁厚德。理當衆神下降人世祝賀去也。〔地官云〕奉元始天尊勅令。正當衆神下降人世去也。〔正末唱〕

〔油葫蘆〕奉着那元始天尊法令彰。衆神聖往下方。〔文昌云〕小聖同衆位尊神。同降下方。賞玩元宵去也。〔正末唱〕九天司錄。享文昌。都要去下方。俱把元宵賞。〔玉虛師相云〕三界神祇。都要去下方賞玩元宵。增添福壽也。〔正末唱〕三界神祇都臨降。〔地官云〕俺

恰才正在玉帝跟前。忽聽尊神來請。不敢有違。就到殿前也。〔正末唱〕恰來到聖帝前。纔離了玉帝傍。則將這寒溫敘了相謙讓。論吾師道德最難量。〔水官云〕俺衆神俱下塵寰。各逞軒昂。與當今聖主祝延聖壽。慶賀元宵。勿得謙辭也。〔正末唱〕

〔天下樂〕都則待慶賀元宵在帝鄉。軒也波昂。人共仰。衆神祇下方祝聖皇。聖明君有道。普天下人贊揚。則俺這神聖每無偏黨。〔玉虛師相云〕俺衆神聖都則爲聖人有德。尊道崇儒。孝敬聖母。統治朝綱。四海清寧。千邦納土。因此上俺衆神俱下塵寰。與聖上增添福壽也。〔正末唱〕

〔那吒令〕齊賀着聖皇。正朝廷紀綱。齊賀着聖皇。把蠻夷盡降。齊賀着聖皇。清寧了萬邦。儒釋道三教興。孝聖母多謙讓。愿千秋萬載榮昌。〔文昌云〕俺衆神祇各離丹霄。齊下去賞元宵。與聖母祝壽去來。〔正末唱〕

〔鵲踏枝〕一齊的擁旌幢。下天堂。百姓每敬竭虔誠。焚着名香。滿京師人民都俱仰。一心待禱告空蒼。〔地官云〕俺三官領了上帝勅旨。就下天庭。一齊到於金鑾寶殿。翫賞鰲山。去祝延聖母千千歲。保助皇朝萬載昌也。〔正末唱〕

〔寄生草〕祝聖母千年壽。賀元宵萬載昌。離了那虛皇兜率天宮上。見了那花

燈萬盞毫光放。鰲山綵結高千丈。衆神多聖到金鑾。看他每謳歌鼓腹皆歡暢。

〔水官云〕俺衆神且辭了尊神去來。〔正末唱〕

〔尾聲〕離了梓潼君。別了虛師相。一齊的直臨下方。〔文昌云〕俺衆神穩駕祥雲。直至塵世。賞元宵去也。〔正末唱〕駕起祥雲萬里翔。慶元宵節令非常。正相當祝賀君王。

〔玉虛師相云〕下方聖王。點放花燈。千般百樣。不弱俺仙境也。〔正末唱〕端的是奇妙花燈有

萬莊。風清月朗。乾坤浩蕩。祝賀着當今聖主永遐昌。〔三官下〕〔玉虛師相云〕三官去

了也。九天遊奕使。你令直日功曹。邀請五顯靈官大帝。五岳神聖。到至日同降下方。賞玩鰲山。祝

賀聖壽去來。〔九天遊奕使云〕得令。〔玉虛師相云〕只因聖主邁陶唐。孝敬仁慈感上蒼。率領

三天衆神聖。一齊稱賀保家邦。〔同下〕

第二折

〔外扮五顯廣濟王廣祐王廣惠王廣澤王廣成王引淨判官鬼力上〕〔廣濟王云〕相貌威嚴秉性良。仙家道理妙難詳。升天入地神通大。正直無私享廟堂。吾神乃五顯廣濟王。這四位乃廣祐王廣惠王廣澤王廣成王。俺五位神聖聚則成一。散則成五。形神俱妙。與道合真。映日月無影。入金石無形。出有入無。隱顯莫測。護國安民。功歸社稷。累代勅封。春秋祭祀。方今塵世中聖人在位。

德厚寬仁。納士招賢。風調雨順。天下太平。八方寧靜。乾坤清氣。海宇無塵。每遇元宵節令。龍樓之中。禁苑之內。建千丈鰲山。點萬盞花燈。俺五神欲要下方降臨塵世。觀看鰲山。掃蕩災祥。衆位神祇。意下如何。〔廣祜王云〕元宵之節。乃天官賜福之辰。俺神聖來報吾神知道。〔鬼力云〕小鬼有句話告稟上聖。若是去塵寰中看鰲山。千萬挾帶小鬼。神道不濟事。就扯着上聖的裙子帶兒。也要走一遭去。〔判官云〕偏我小子不是人。跟着上聖多年。又掌管許多文簿。但有事少不的我。你若跟的上聖。看了上聖平昔愛我小子。我則扯着上聖的脚。也要跟了去。〔廣澤王云〕兀那厮。不要胡說無禮數。門首看者。〔鬼力云〕得令。〔正末扮直日功曹上〕〔云〕小聖乃直日功曹是也。奉玄天上帝勅令。着小聖請五顯上聖。降臨下方。慶賞元宵。祝賀聖人萬壽。小聖須索走一遭去。

〔唱〕

〔正宮端正好〕走金階。行朱戶。住蒼天浩浩空虛。每日家承宣奉勅隨他部。不離了金鑾處。

〔滾綉毬〕昨日箇聽玄天上帝呼。有事務。遣令吾。領尊言怎生違悞。駕天風只在須臾。整拴的袍甲齊。風吹的緩帶舞。近三光慣沾雨露。急荒忙索踐雲途。你看那祥光縹緲高低遠。瑞靄氤氳前後浮。早來到玉府仙居。〔云〕可早來到殿門首。

〔鬼力云〕直日功曹。你在那裡來。三不知走到這裡。你且立一立。我稟上聖去。〔判官云〕你有許多說話。怎的你我輕犯了。去稟一聲罷。〔鬼力云〕判官。你在直日功曹跟前做人兒。我且不和。你料嘴。我替你稟去。喏。稟的上聖得知。有直日功曹。在殿門首。有事來奏。〔廣濟王云〕着他過來。〔鬼力云〕得令。我好漢也走過去。清清楚楚的稟了。着他過去哩。〔正末做見科〕〔唱〕

〔倘秀才〕我可便見尊神慌忙拜伏。〔廣祐王云〕直日功曹。你來有何事奏也。〔正末唱〕把前因從頭細數。〔廣祐王云〕此一來爲何事。〔正末唱〕專請尊神下帝都。〔廣惠王云〕請俺降臨凡世。有何事因也。〔正末唱〕看鰲山賞元夜。賀聖主祝皇圖。您可便勿阻。〔廣惠王云〕當今聖主孝敬聖母。德厚寬仁。俺衆神便當下降稱賀去也。〔判官云〕五位尊神不肯失信。端的去賞元宵。判官也同走一遭去。〔正末唱〕

〔賽鴻秋〕聖明君行孝神靈護。〔廣濟王云〕見今天下太平。江山一統。穩勝磐石也。〔正末唱〕聖明君有道磐石固。〔廣惠王云〕天下蒼生。皆仰聖朝也。〔正末唱〕聖明君德厚黎民慕。〔廣成王云〕皆因聖主有道。臣宰扶持也。〔正末唱〕聖明君仁政臣僚助。〔廣濟王云〕見今千邦納進。萬國來朝。文賢武勝。端的好太平時也。〔正末唱〕千邦盡歸降。四海咸豐富。文賢武勝皆和穆。〔廣祐王云〕直日功曹。此一來端的爲何也。〔正末云〕小聖奉玄天上帝勅令。來

請五位尊神。見今元宵節到了。天官賜福之辰。請天上天下三界神祇俱下塵寰。慶賞元宵。與當今聖上。祝延萬壽去也。〔廣澤王云〕直日功曹。俺五神已知了也。不知元宵節日萬壽。聖主怎生點放花燈賞玩鰲山。你試說一遍。俺五神聽者。〔正末云〕上聖聽小聖慢慢說一遍者。〔判官云〕直日功曹。你說鰲山上的景致。判官也是箇好事的。我也聽一聽兒。〔正末唱〕

〔脫布衫〕說元宵佳節時俗。喜鰲山高接雲衢。蓋的來花攢錦簇。有千般像生人物。〔廣成王云〕再有甚麼景致也。〔正末唱〕

〔小梁州〕端的是綠遶紅圍珠翠鋪。綉帶流蘇。花燈萬盞巧妝塗。真無數。一片錦模糊。〔廣惠王云〕有此元宵節令。當今聖主。在於龍樓鳳閣之中。爐蒸沉煙。香焚寶鼎。仙音嘹唳。不弱閬苑仙鄉也。〔正末唱〕

〔么篇〕龍樓鳳閣堪瞻顧。有沉香滿熱金爐。動樂聲多豐富。看了那紅光紫霧。賽閬苑。勝蓬壺。〔判官云〕我判官聽了這一會。偏你記的。也有一半是說嘴。雖然說慌。可也倒好聽。〔廣濟王云〕直日功曹。俺五神知道了也。便聚集了衆位神祇。齊下塵寰。慶賀元宵節令。賞玩花燈。你自回去也。〔判官云〕好歹判官跟了去。到那裡吃幾鍾黃粟酒也罷。〔廣祐王云〕休胡說。

〔正末唱〕

〔尾聲〕辭別神聖忙回去。元夜佳辰不可辜。再把叮嚀語話囑。齊赴瑤壇會玉虛。同降人間增壽福。祝賀着萬萬載當今聖明主。〔下〕〔廣祐王云〕直日功曹去了也。俺五神駕起祥雲。直到下方。與聖朝祝延萬壽。慶賞元宵。走一遭去。乘鸞跨鶴下天庭。慶賞元宵佳節辰。增福消災添祿壽。五神同賀聖明君。〔下〕

第三折

〔文昌帝君引吉祥如意上〕〔云〕位註仙曹作上卿。神通妙用總成功。丹砂九轉朝天去。得道逍遙步太清。吾神乃文昌帝君是也。有玉虛師相。奉九天元始天尊勅令。聚集俺天上天下三界神祇。降臨下方。與聖主祝賀令節。賞玩花燈。增添福壽去。已令直日功曹。請五顯神聖去了。吾神不免會合衆神。同降下方。祝賀聖主。慶賀元宵。增添福壽。走一遭去。會合清虛衆位神。乘雲駕霧下天庭。當今聖主存仁孝。萬載千秋享太平。〔正末扮九天採訪使引淨仙童上〕〔云〕小聖乃九天採訪使是也。今奉着玄天上帝勅令。先去塵世之中。禁苑之內。察探了一遭。索去回上聖話去。

〔唱〕

〔越調鬪鶴鴉〕兜率天宮。祥雲縹緲。道在虛空。冥冥杳杳。承奉神祇。尊崇三寶。秉正直無差錯。天上人間。方便爲好。〔淨仙童云〕跟着上聖走了這一日。飢又飢。渴又渴。不

知上聖引我又往那裡去。好共夕說的一聲。也是方便處。〔正末云〕兀那仙童。便這神仙。朝遊滄海。暮宿崑崙。神通妙用。你那裡知道也。〔唱〕

〔紫花兒序〕我纔離九重的天上。端的是遊遍天涯。我可便管領天曹。有凌雲志氣。四海遊遨。週遭穿着這綵綉團花錦戰袍。綉帶飄。不憚驅馳。萬里迢遙。〔仙童云〕上聖看了這元宵。是好節令景致。乞望上聖說一遍。仙童試聽也。着我跟着你走了一遭。

〔正末唱〕

〔小桃紅〕人間佳節近元宵。百姓每皆歡樂。〔仙童云〕皇宮內苑之中。好景致也。〔正末唱〕萬丈鰲山最奇妙。樂陶陶。千般巧樣花燈照。太平年景好。忠臣每行孝。都道是國泰賽唐堯。〔外扮中岳東岳南岳西岳北岳五神引淨鬼力上〕〔中岳云〕洞天福地領中央。勢壓蓬瀛接上蒼。報國安民施福力。神威耿耿貌堂堂。吾神乃中岳嵩山之神。四位乃東岳南岳西岳北岳之神也。位鎮五方。專主於世界地澤川谷溝渠山林樹木之屬。今遇下方聖人在位。八方寧靜。四海宴然。五穀豐登。萬民樂業。俺五神同駕祥雲。遨遊八極。共賞太平。有何不可也。〔東岳云〕尊神說的是。不必久停。便索去也。〔南岳云〕兀的不是九天採訪使。〔做見科〕〔西岳云〕九天採訪使。你那裡去。〔正末唱〕

〔金蕉葉〕見五朵祥雲亂飄。簇擁着天神五岳。俱賀着當今聖朝。祝皇家磐石固保。〔北岳云〕九天採訪使。你那裡去。〔正末云〕小聖奉着玄天上帝勅令。聚集天上天下三界神祇。降臨下方。察探了一遭。來請五岳尊神。同駕祥雲。慶賀元宵。共看鰲山去也。〔中岳云〕既有玄帝勅令。俺五神當得慶賀也。〔淨鬼力云〕且是說的好耍。倒轉巧。這裡正要去。他又請。千萬不要丟了我也。〔東岳云〕既奉勅旨。俺衆神便聚集了。一同降臨下方去。不知聖主爲何蓋鰲山也。

〔正末唱〕

〔調笑令〕衆神聖聚着下雲霄。呀。則爲那東海龍神獻巨鰲。教他那衆神祇箇箇都來到。〔南岳云〕俺衆神聖降臨下方。慶賀了元宵。祝延聖主福壽齊天也。〔正末唱〕一齊的慶賀元宵。教三界聖神祝賀了。願吾皇洪福天高。〔西岳云〕兀那採訪使。那皇宮之中。禁闕之內。鰲山之上。怎生點放花燈。樂奏簫韶。你說。俺五岳神聖試聽者。〔淨鬼力云〕如鰲山之上。冷靜。小鬼同仙童俺兩箇丑弟子孩兒也。上法調一會。與衆神聖耍子兒。〔正末唱〕

〔禿厮兒〕說鰲山上接九霄。點花燈萬盞高燒。更有那仙音一派聲韻巧。有龍笛紫鸞簫。更和那檀槽。〔北岳云〕兀那九天採訪使。鰲山上綵雲縹緲。銀燭高燒。千般故事排筵宴。朝中文武同樂太平。共賞元宵。好是豐收年歲也。〔正末唱〕

〔聖藥王〕鰲山上霞彩飄。花燈都擺列着諸般故事巧裝描。排御宴設美餚。朝中文武會英豪。恰便似天上樂逍遙。〔中岳云〕兀那九天採訪使。你先回去。俺五位神聖聚會三界神祇。同駕祥雲。慶賀鰲山。祝延聖壽去也。〔正末唱〕

〔尾聲〕辭別了五位尊神道。到來日龍樓鳳閣。願聖主永無疆。賀當今壽不老。〔下〕〔中岳云〕九天採訪使去了也。俺明日與同天上下三界神聖。親臨下方。到於龍樓之中。鳳閣之內。慶賀鰲山。祝延聖主。增添福壽。走一遭去也。聖人有道。過唐堯。三界神祇下碧霄。慶賀鰲山添聖壽。應祈洪福與天高。〔下〕

第四折

〔玉虛師相引執旗捧劍二神將上〕〔玉虛師相云〕位列玄天鎮北方。靜觀物理煉金丹。玉龍聽講心恭敬。法水靈符掃不祥。貧道乃玉虛師相。玄天上帝是也。因奉九天元始勅令。聚集天上下三界神祇。降臨下方。與聖主祝賀令節。賞玩花燈。增添福壽。貧道遠差九天採訪使。遍周天界。去請衆神。雲頭起處。不知是那一位神聖待來也。〔外扮文昌帝君上〕〔云〕曾在天曹掌管文。科名甲第願先通。時逢國泰民安樂。賜福消災理不平。小聖乃文昌帝君是也。今有玄天上帝。奉着元始天尊勅令。着俺衆神。同降下方。賞翫鰲山。增添福壽去。按落雲頭。早來到也。〔做見科〕〔玉

虛師相云「呀呀呀。文昌帝君來了也。」文昌云「小聖不敢有違。來了也。」玉虛師相云「尊神暫息雲軒。少待片時。等衆神來到。一齊同去下方。慶賀元宵。增添福壽。」文昌云「上聖說的是。」外扮五顯廣濟王廣祐王廣惠王廣澤王廣成王上「廣濟王云」五通天聖我爲尊。隱顯無窮侍上清。身着紅袍居廟宇。心存正直輔皇明。吾神乃五顯靈官是也。這四位乃是廣祐王廣惠王廣澤王廣成王。今有玄天上帝。奉元始天尊勅令。着俺衆神下降塵寰。慶賀元宵。增添福壽。走一遭去。可早來到也。」做見科「玉虛師相云」呀呀呀。五顯尊神來了也。」廣濟王云「衆神聖位上久等。勿令見罪也。」外扮中岳東岳南岳西岳北岳上「中岳云」五峯高聳接穹蒼。位列東西鎮四方。龍吟虎嘯生靈籟。萬怪千妖盡伏藏。吾神乃中岳嵩山之神。這四位乃東岳南岳西岳北岳是也。今宵奉九天元始勅令。聚集天上天下三界神祇。同往下方。去賀元宵。增添福壽。走一遭去。可早來到也。」做見科「玉虛師相云」呀呀呀。五岳大聖來了也。」南岳云「俺五神來遲。着衆神聖久等。勿令見罪也。」玉虛師相云「尊神暫住靈軒鶴駕。少待片時。等三官神聖。同往下方。一齊慶賀也。」正末天官地官水官引淨判官鬼力上「正末云」吾神乃上元一品天官也。他這二位。乃地官水官。今有玄天上帝。奉着九天元始勅令。聚集俺三界神祇。同往下方。去賀元宵。增添福壽。走一遭去也。」唱

〔雙調新水令〕上元佳節景堪題。衆神靈降臨凡世。方纔辭帝闕。又早到皇畿。一箇箇凜凜威儀。領侍從。擁旗幟。〔云〕可早來到也。〔做見科〕〔玉虛師相云〕呀呀呀。三官大帝來了也。兀那衆神聖。齊降下方。慶賀去來。〔做行科〕〔玉虛師相云〕可早來到也呵。看了這

皇宮內院。畫梁珠簾。與俺那天宮無異也。〔正末唱〕

〔駐馬聽〕寶殿光輝。鳳閣龍樓祥瑞垂。金廷壯麗。瑤階玉砌瑞雲迷。簷楹高下。整琉璃。簾櫳遠近懸珠翠。有丹青難下筆。索強如兜率天宮內。〔玉虛師相云〕你衆神聖近前來。到這禁闕之中。各顯神通。增添福壽者。〔正末唱〕

〔喬牌兒〕衆神明一齊下拜禮。一箇箇顯威勢。虹霓千丈冲霄氣。降人間。皆慶喜。〔中岳神云〕俺衆神聖來到下方。看了當今聖人仁慈孝道。惜軍愛民。招賢納士。遇此太平。俺衆神聖當的慶賀良辰。增添福壽也。〔正末唱〕

〔落梅風〕聖主行正道。臣僚秉正直。順天心。允合天意。招賢納士。七政齊。惜軍民。廣施仁義。〔文昌云〕衆神聖來到這皇宮禁闕。看了這千丈鰲山。萬盞花燈。珠圍翠繞。端的似俺天宮也。〔正末唱〕

〔甜水令〕我則見綵繞鰲山。銀臺畫燭。諸般奇異。千丈接天齊。萬盞花燈。左右

前後珍珠翡翠。端的是綠繞紅圍。〔廣濟王云〕俺衆神來到這禁闕之中。是好鰲山也。你看

那巧樣花燈。仙音嘹亮。受用非凡。酒泛瓊瑤。香焚寶鼎。彷彿瑤池仙景也。〔正末唱〕

〔折桂令〕喜鰲山勢結巍巍。巧樣花燈。綉帶風吹。樂藝施逞。耳邊廂。迓鼓如雷。動仙音聲清韻美。擺列着絲竹金石。酒泛瓊盃。香裊金猊。看了這富貴奢華。索強似閬苑瑤池。〔中岳云〕俺衆神看了當今聖主。德過堯舜。仁慈孝道。萬國來朝。八方寧靜。當的

慶賀元宵。增添福壽也。〔地官云〕俺衆神又遇此良辰。共祝昇平。增添和氣。人神歡樂。共樂萬載。當今聖主。永享無窮福也。〔正末唱〕

〔沽美酒〕看鰲山綉堆。太平年景物奇。萬姓謳歌齊賀喜。值堯年舜日。萬萬載樂雍熙。

〔太平令〕齊享着昇平之日。錦江山一統華夷。興禮樂增添和氣。却正是風雲聚會。託賴着萬歲聖威。正綱常道理。齊賀着唐堯時世。〔玉虛師相云〕你衆神慶賀元宵。增添福壽已畢。請歸廟宇。貧道還有祝贊衆神聽者。今日箇衆神聖來下天庭。慶元宵祝賀昇平。時遇着豐年稔歲。蓋鰲山點放花燈。奉九天元始勅令。聚集俺三界神靈。聖明君仁慈孝道。致令的四海咸明。普天下黎民樂業。遍乾坤五穀收成。今日箇衆神聚會。愿吾皇萬歲康寧。

題目

玉虛師奉勅下天庭

正名

衆神聖慶賀元宵節

萬曆丙辰孟夏二之日校錄于本清常

請衆神仙并五大聖。至日必然都來賞翫牡丹。無甚事。貧道且回後洞中去也。則爲煖日融和景物新。牡丹開處。寓芳春。羣仙翫賞。斟佳醴。拚却酩酊入醉魂。〔下〕〔淨扮神廚仙童上〕〔云〕我是神廚仙童。住在蓬萊洞中。不曉修真煉性。則會燒火烹烹。一碗湯使胡椒四兩。又切上五把大葱。神仙每恰纔喫罷。登時間辣的發昏。小道我是這蓬萊山白雲仙長手下一箇神廚仙童的便是。若論修真養性。煉藥燒丹。諸般不會。則會烹煎餅餌。整治湯水。端的是好手段。不是淡了。便是鹹了。昨日上仙分付我安排酒餚。要請八洞神仙并五大聖。來此閬苑賞翫牡丹。酒餚都要擺的停當。上仙這早晚敢待來也。〔白雲仙引青衣童子上〕〔云〕牡丹似錦燦朝霞。魏紫姚黃足可誇。擺列佳餚同翫賞。果然富貴出仙家。貧道白雲仙長是也。今日是三月十五日。牡丹盛開。燦若雲錦。貧道前日令青衣童子去請八洞神仙并五大聖來。賞翫牡丹。宴樂芳春。今日都來赴會。我已會分付神廚仙童。安排酒餚。未知完備也不曾。凡那神廚仙童。我分付你安排的酒餚。完備了不曾。〔淨仙童云〕奉上仙法旨。我從去年五月裏煮下肉。六月裏燻下火。八月裏擺下菜。十二月裏整治下湯水。則等着衆位上仙來哩。〔白雲仙云〕青衣童子門首覷者。若衆仙來時。報復我知道。〔青衣云〕理會的。〔淨扮移山大聖上〕〔云〕我是上界移山神。天生氣力有萬斤。一座高山輕舉動。兩把燈草壓我魂。小聖神通廣大。變化多般。俺弟兄五人。曾偷喫了老君的金丹。都煉的銅筋鐵

骨。火眼金睛。就皈依了道教。與老君看守丹爐。我大哥是齊天大聖。二哥是通天大聖。三哥是攪海大聖。四哥是翻江大聖。我是第五箇兄弟。乃是移山大聖是也。我並不會搗箠擗阮。打鼓吹笛。念不的諸般院本。唱不的各樣雜劇。若論要打劬陡。我一箇劬陡。足打十萬八千餘里。爲甚麼如此。自小裡是劬陡脚色出身。前者有白雲仙長。令人來請俺弟兄五人同入洞神仙。今日去赴牡丹會。兀那雲頭起處。敢是俺四箇家兄來了也。〔外扮齊天大聖同通天大聖攪海大聖翻江大聖上。〕〔齊天云〕五聖之中我爲尊。變化多般顯威靈。自從小聖皈正道。三清殿上拜老君。小聖乃齊天大聖是也。這三箇一箇是二兄弟通天大聖。一箇是三兄弟攪海大聖。一箇是四兄弟翻江大聖。還有一箇小兄弟是移山大聖。俺兄弟五箇。端的是神通廣大。變化多般。自從皈依道教。與老君看守丹爐。今有白雲仙長。差金童來請。時遇三春之景。萬花開放。閬苑瑤池。牡丹盛開。燦如雲錦。請俺五聖并八洞神仙。今日赴牡丹會去。可早來到也。按落雲頭。兀的不是小兄弟移山大聖先在此處也。〔做見科。〕〔齊天云〕兄弟。你先來了也。〔移山云〕四位老哥。您兄弟在此等候多時也。〔齊天云〕既然來了。咱一同見仙長去來。仙童報復去。道有俺五聖在於門首。〔童子云〕理會的。〔報科。〕〔云〕報的上仙得知。有五大聖來了也。〔白雲云〕道有請。〔童子云〕理會的。有請。〔做見科。〕〔齊天云〕上仙。我等五箇。有何德能。動勞上仙置酒張筵也。〔白雲云〕大聖請坐。等衆仙

來時。慢慢的賞翫。仙童門首看者。若八仙來時。報我知道。〔童子云〕理會的。〔鍾離同鐵拐李徐神翁韓湘子張果老曹國舅淨盡彩和上〕〔鍾離云〕只爲相持走路差。大山深處遇東華。自從傳得長生訣。每跨蒼鸞赴紫霞。貧道覆姓鍾離名權字雲房。道號正陽子。祖居京兆咸陽人也。貧道生的容貌雄威。髯過於腹。目有神光。曾爲漢朝大將軍。識破名利。悞入終南山。遇東華帝君指教。後隱於晉州羊角山。密傳道妙。貧道束髮爲雙髻。採蘆葉爲衣。號爲太極真人是也。自從度脫了呂純陽之後。各引度了八人。乃爲上八洞神仙。前日有白雲仙長。令金童來請。說道閬苑牡丹盛開。就在瑤池安排筵宴。請俺八仙同五大聖去賞牡丹。宴賞芳春。可早來到也。按落雲頭。止有洞賓還不曾來哩。暗在此略等一會。兀那雲頭起處。必然是洞賓來也。〔正末扮洞賓上〕〔云〕貧道姓呂名岩字洞賓。道號純陽子。自於邯鄲道路。得遇鍾離祖師。授以長生之術。得道成仙。今有白雲仙長。請俺衆仙赴牡丹會。賞翫芳春。按落雲頭。可早來到也。稽首。〔見科〕〔鍾離云〕純陽子。你來了也。想俺這爲仙的。要修真養性。煉藥燒丹。講論妙訣。明透玄門。悟道成真。非同容易也。〔正末云〕師父。看了俺這爲仙的。端的是身超物外。名注丹書。非同小可也。〔唱〕

〔仙呂點絳脣〕自從俺身入玄門。講明方寸。登仙品。與聖合真。一任那日月相搬運。〔彩和云〕仙師。我想這五行逆順。怎麼修煉息氣養孤拐來。你說一遍者。〔正末唱〕

〔混江龍〕要知那五行順逆。則這煉形養氣要殷勤。〔淨彩和云〕我又想這塵寰之人。可也有貧富不等。富也人趨貧也笑。不知那一箇快活阿刺難。〔正末唱〕俺可也休貪己富。莫壓他貧。你看那海變桑田。田變海。世塵爲幻。幻爲塵。〔淨彩和云〕貧道要不遇着二位祖師。講的這西廂記悟徹。今日豈能得道也。〔正末唱〕俺可都常把金丹論。因此上仙成於頃刻。道悟在逡巡。〔鍾離云〕可早來到也。仙童報復去。道有俺八仙來了也。〔仙童云〕理會的。報的上仙得知。有八仙來了也。〔白雲仙云〕道有請。〔仙童云〕理會的。有請。〔見科〕〔鍾離云〕稽首。上仙。俺八仙來了也。有五位大聖。都在於此也。〔白雲仙云〕衆仙請坐。時遇三春之景。百花開放。牡丹爲魁。貧道在此園苑蓬萊。故設此會。特請衆仙慶賞也。仙童擡上果卓來。將酒來。〔淨神廚仙童云〕理會的。酒果都有了也。師父請遞酒。〔白雲仙云〕將酒來。正陽子滿飲一盃。〔鍾離云〕仙長。量俺衆羣仙有何德能。有勞仙長大設仙餚。賞翫牡丹。宴樂春光美景。俺衆羣仙難以克當也。〔正末唱〕

〔油葫蘆〕多感尊仙請衆眞。不一時酒倒的頻。〔白雲仙云〕衆位仙長。可以開懷暢飲幾盃。有何不可。〔正末唱〕俺可便開懷暢飲共歡欣。我則見玉盃中激灩斟佳醞。〔白雲仙云〕仙童爐中焚上香者。〔正末唱〕更和那寶鑪中麝麝沉烟噴。我暗暗的口內

言微微的心下付。我則見那來回賓主相謙遜。端的是誠意待於人。〔白雲仙云〕

衆位仙長。慢慢的飲幾杯。有何不可。〔正末唱〕

〔天下樂〕你教我自在逍遙飲數巡。幸際遇良也波辰。開懷的同笑哂。〔白雲仙

云〕大仙若論俺玄中奧妙。言之不盡也。〔正末唱〕俺將那玄門奧妙相議論。閒來誦道

德經。悶來講百字文。則俺這煉還丹須是本。〔白雲仙云〕仙童擡上奇花來者。〔仙童云〕

理會的。〔做獻牡丹科〕〔白雲仙云〕衆位神仙。這牡丹端的是嬌紅嫩綠。國色天香。檀心錦萼。玉

膚金藥。則除是天上有的。端的是世間希也。〔齊天云〕看了這三春之景。萬花開放。惟有這牡丹。果

然是萬古之王也。〔淨移山云〕是好牡丹也。你則看紅牡丹黃牡丹。更有一箇白牡丹。還有一箇

蘇東坡哩。〔鍾離云〕甚麼蘇東坡。〔淨移山云〕你恰好不知。當日箇蘇東坡。引着白牡丹來。〔正

末云〕端的是好牡丹也。〔唱〕

〔那吒令〕若論着顏色呵。是天宮異本。若論着枝幹呵。出仙家根本。若論着藥

瓣呵。乃瑤池正本。〔白雲仙云〕端的是嬌容嫩露。瑞色寒烟也。〔正末唱〕委實是逞艷嬌。端

的是多丰韻。更壓着異寶奇珍。〔白雲仙云〕此是人間唐朝玄宗聖人。在於沉香亭。賞楊家

一捻紅。今日衆位神仙。對此景物繁華。正好賞翫快樂也。〔正末唱〕

〔鵲踏枝〕當日箇唐玄宗聖明君。沉香亭意通神。曾慶賞一捻嬌紅。皆因是玉甲留痕。更勝似施丹傅粉。果然是萬花中惟此特尊。〔白雲仙云〕此花過如雲錦。勝似朝霞。春光豔冶。對酒迎樽。非比其餘也。〔齊天太聖云〕俺衆神仙雖在天宮。看了此花。果然希少也。〔淨移山大聖云〕好花。則是冠帽上不好插。則好戴三朵。四朵也戴不得的。〔鍾離云〕看了此仙花。端的是異種奇珍。紅白淡淡。枝葉青青。可觀可詠。真乃是羣花之祖也。百花爛熳瑤池景。羣花惟有牡丹尊。〔正末唱〕

〔寄生草〕嬌滴滴如霞彩。紅馥馥似錦雲。我則見紅芳朵朵天生俊。檀心藹藹天生潤。綠枝裊裊天生嫩。〔白雲仙云〕衆位仙長。想俺瑤池園苑。雖有百樣名花。都不及牡丹爲魁。你看那姚黃魏紫千般態。壓盡羣花牡丹嬌也。〔正末唱〕雖然是姚黃魏紫有聲名。怎如這天香國色堪稱論。〔鍾離云〕仙長。看了此一會。真乃是瑤池仙品。園苑奇珍。羣仙暢飲。賞翫名花。俺神仙每端的是好受用也。〔白雲仙云〕正陽子。你乃衆仙之班首。貧道非爲設其酒餚。皆因會合仙侶。略敘片情者。〔鍾離云〕仙長。此是俺瑤池玉液。紫府瓊漿。又遇豐稔之年。更值奇花開放。衆神仙正好賞翫歡飲也。〔正末唱〕

〔金盞兒〕神仙每樂閑身。莫因循。多承尊意相垂訓。雖然俺逢時歡樂。一箇箇

傲鯨吞。拚了箇酩酊歸洞府。爛醉下天門。俺不曾筵間聽皓齒。席上寵紅裙。〔白雲仙云〕純陽真人看了俺仙家受用。端的比人世不同也。〔正末云〕看了俺這仙家。是好受用也。〔唱〕

〔後庭花〕非是俺呂純陽心性蠢。多感你箇白雲仙情意謹。安排着美酒般般味。〔白雲仙云〕蔬食薄味。不堪管待也。〔正末唱〕擺列着佳餚件件新。〔鍾離云〕感蒙仙長。設此仙餚。異品奇珍。般般美味。件件時鮮。俺衆羣仙都要盡醉方歸也。〔正末唱〕一任教醉醺醺。趁着這芳春佳興。今日箇感厚恩。謝尊師。相愛憫。〔鍾離云〕仙長。俺衆羣仙酒穀了也。天色將晚。你看那紅輪西墜。玉兔東升。衆羣仙離了閨苑。回俺那仙境去來。〔白雲仙云〕衆位仙長。再飲幾盃。怕做甚麼。〔正末唱〕

〔柳葉兒〕呀。休等的落紅成陣。看滄溟綠水粼粼。則他這秋霜易可侵人鬢。啗須是乘丹鳳。一箇箇駕蒼麟。不一時遨遊遍萬里乾坤。〔白雲仙云〕仙童。再將酒來。〔鍾離云〕仙長。俺酒穀了也。純陽子。俺辭別了仙長。俺回去來。〔淨移山大聖云〕這一日沒一箇人與我遞一鍾酒。我喫罷罷罷。我自家釀兩碗喫了。家去罷。〔齊天大聖云〕仙長。索是深擾。衆位仙神。多承攜帶也。〔正末云〕大聖。索是恕罪也。〔唱〕

〔尾聲〕今日箇在蓬島飲瓊漿。講道德相垂訓。多謝你箇老仙長心誠意惻。猶自謙辭效獻芹。俺都吃的醉醺醺。樂意忘魂。我則見亂紛紛。一箇箇駕彩騰雲。到來日去謁通明拜紫宸。各辦箇虔心敬謹。〔彩和云〕俺若回去的遲了呵。盤問俺。不拿住犯夜。〔正末唱〕一任教那羣真盤問。俺須索說在蓬萊遊翫賞芳春。〔七仙同下〕齊天大聖云。八仙去了也。今日赴會已畢。駕起祥雲。各歸仙境去也。今日箇衆聖誠心赴會來。八仙歡宴盡開懷。同駕祥雲歸洞府。頑祥普現在金臺。〔同下〕〔白雲仙云〕八仙并五大聖都去了也。貧道無甚事。我回那後洞中去來。八仙大聖賞春光。暢飲開懷泛玉觴。拚却百年渾似醉。也須三萬六千場。〔同下〕

第二折

〔外扮摩揭同龍毒引水卒同夜叉上〕〔摩揭云〕喜時駕霧遊三島。怒後騰雲下九霄。興雲布雨滋禾稼。五湖四海捲波濤。小聖乃東海鰲廣龍王之子。名曰摩揭。兄弟是龍毒。俺這東海中。連着三島。接着扶桑。有千般怪獸。水滾滾湧萬里雲濤。現萬種毒虺。白茫茫起千尋雪浪。海藏貯無邊之異寶。龍宮收無限之奇珍。若言四海奢華景。惟有東洋最富饒。俺弟兄二人。奉父王法旨。引領着水卒。巡遊海內。兀那夜叉。你看着。但有大小事體。可報復我弟兄二人知道。〔水卒云〕理會的。

〔正末同鍾離鐵拐李張果老徐神翁韓湘子曹國舅藍彩和上〕〔鍾離云〕貧道鍾離是也。俺八仙因去閬苑。翫賞牡丹。宴樂芳春。盡醉方歸。純陽子俺同俺那仙境去來。〔正末云〕師父俺來到這東洋海岸邊。師父你看是一片海洋也。〔鍾離云〕洞賓先賢有云。天地之大。無過於海。是以觀於海者難爲水也。游於聖人之門難爲言也。〔正末云〕此言信有之也。〔唱〕

〔正宮端正好〕你看那白茫茫起波濤。黑漫漫興雲浪。端的是接天涯浩大洋。隔蓬萊弱水三千丈。要過呵。則除是駕紫霧從天降。〔鍾離云〕純陽子過了大海。便是俺西池境界也。〔正末唱〕

〔滾繡毬〕這裡面是瀛洲仙子居。乃瑤池金母鄉。高聳聳直侵着九霄之上。〔鍾離云〕純陽子這海水不比長江之水。這裏面有奇珍異寶。晚射霞光。這水穿山透石。不斷長流。不知熬盡世間多少凡人也。〔正末唱〕看了這海呵。便休題千里長江。纔曉呵。錦模糊燦日色。到晚來明滴溜現月光。則被這兩般兒搬運了些世途消長。山和水消磨盡。今古興亡。似這海呵。端的是東西渺渺千源會。南北悠悠萬里長。眞箇是遠接着扶桑。〔鍾離云〕衆羣仙俺來是騰雲而來。如今回去也。可怎生過此大海也。〔正末云〕師父。此是俺仙家的異術。有何難哉。〔彩和云〕師父俺來時節騰雲而來。俺如今回去也。乘着酒興。各顯神

通過此大海也。〔鍾離云〕藍彩和。你也說的是。俺來時節騰雲而來。俺如今回去。也都不許駕雲而過。噲乘着這酒興。都要各顯神通。過此大海。有何不可也。〔正末云〕謹依師父法旨。〔鍾離云〕雖然如此。俺如今各試其術者。〔唱〕

〔倘秀才〕俺來時節齊駕着祥雲同往。今日箇回去也。各顯些神通氣象。到此處施展那仙術并異方。你看那波滾滾水茫茫。我這裡自想。〔曹國舅云〕貧道踏此笊籬。浮海而過也。〔正末唱〕

〔滾繡球〕曹國舅將笊籬作錦舟。〔湘子云〕貧道用此花籃浮海而過。〔正末唱〕韓湘子把花籃作畫舫。〔鐵拐云〕貧道躡此鐵拐過海。〔正末唱〕見李岳將鐵拐在海中輕漾。〔鍾離云〕貧道踏此芭蕉扇。渡此大海也。〔正末唱〕俺師父芭蕉扇豈比尋常。〔徐神翁云〕貧道將鐵笛撇在海中。履此過海。〔正末唱〕徐神翁撇鐵笛在碧波。〔張果老云〕貧道撇藥葫蘆。履之渡海。〔正末唱〕張果老漾葫蘆渡海洋。〔云〕貧道踏此寶劍。浮海而過。〔唱〕貧道踏寶劍豈爲虛誑。〔淨彩和云〕貧道躡此玉板過海。〔正末唱〕藍彩和脚踏着八扇雲陽。則俺這八仙過海神通大。方顯這衆聖歸山道法強。端的是萬古名揚。〔摩揭云〕水卒你看。俺這海中。這會兒如何神光萬道。瑞氣千條。必然有甚麼異寶出現。兀的巡海夜叉。與我分

開水面。看是甚麼寶物。可來回話。〔夜叉云〕理會的。〔做看科〕〔云〕告的上聖得知。今有八仙各顯神通過海。是藍彩和神仙。腳踏着玉板。放萬道毫光。照耀着這龍宮海藏裏。〔摩揭云〕兄弟。噲這龍宮內。雖有奇珍異寶。似這玉板。委實不曾見也。〔龍毒云〕哥哥。既然俺這龍宮海藏。無有這等寶物。可差水卒和巡海夜叉。奪將玉板來。留在龍宮之內。永爲鎮海之寶。哥哥意下如何。〔摩揭云〕兄弟言者當也。水卒和巡海夜叉。與我搶將那玉板來者。〔水卒云〕理會的。兀那先生少走。留下玉板者。〔夜叉云〕不要這等大呼小叫的。他若聽見。使些神通。就駕雲走了。我如今和你悄悄的浮在那玉板底下。兩隻手拿住玉板。揪下水來。把那藍彩和跌在水裏。如此不省氣力。〔水卒云〕你也說的是。〔夜叉做扯板科〕〔云〕我便搶了板。你便拿住藍彩和。〔藍彩和云〕呀。誰拿了我板去了。兀的不跌下水去也。你每救我一救。〔水卒扯藍彩和下水科〕〔摩揭云〕將板來我看。是一莊好寶物也。把這先生且收在一壁者。〔鍾離云〕洞賓。噲都過海來了。你看那彩和。被水獸拖下水去了也。〔正末云〕誰這般道來。〔鍾離云〕見今不見了藍彩和也。〔做遠海叫科〕〔衆叫科〕〔正末云〕師父。可將一丸金丹。放在水面上。看藍彩和在於何處。〔鍾離云〕你也說的是。我將這金丹拋在水中。我試看者。〔做拋金丹看科〕〔云〕哦哦哦。洞賓。原來是龍王二子。差巡海夜叉和水卒。搶了玉板。把藍彩和扯下海去了。可着誰人救他也。〔正末云〕師父。我情愿救

彩和去。〔鍾離云〕洞賓頗奈這兩箇小業畜無禮。將藍彩和扯下水去了。又搶了玉板。更待干休。俺如今攬海翻江。務要着他獻出藍彩和來。〔正末唱〕

〔呆骨朵〕不由我惡眼恨怒氣冲天下。原來這小摩揭惹禍招殃。他將我這玉板強奪。又將我這八仙來亂搶。則我這火性急怎按納。惡雄勢難遮擋。我將這東洋海就煉乾。顯神通多半晌。〔云〕師父可將那火葫蘆放下在海中。使了法。持了呪。教一箇變十箇。十箇變百箇。百箇變千箇。千箇變萬箇。登時間燒乾了海水。看他走的那裡去。兀那東海龍王。快快放出俺仙長來。我和你佛眼相看。你若道一箇不字。我教你目下見災也。〔水卒報科〕〔云〕二位上聖。不好了也。那幾箇仙長要放火丹哩。他顯出神通廣大。一箇變十箇。十箇變百箇。百箇變千箇。千箇變萬箇。要把那海水燒乾了。看嚙往那裡趨去。他要那先生哩。嚙送還他去罷。則留下那玉板在海藏裏。嚙唱鎖南枝兒耍罷。〔摩揭云〕你也說的是。則留下那玉板。把那先生與我送出去罷。〔水卒夜叉做送藍彩和出海科〕〔水卒云〕你上岸去了罷。〔彩和云〕早是我神通廣大。險些被水卒拖下我海去了。〔正末云〕藍彩和你那玉板在那裡。〔彩和云〕我的那玉板。恰纔被那巡海夜叉和水卒搶的去了。〔正末云〕搶的去了。則這般干罷了那。〔彩和云〕教他搶了去罷。明日着三十箇錢兒。去勾欄衙衙再做一串兒罷。〔正末云〕這玉板是俺仙家的玉

寶如何教他搶的去了。貧道務要搶將來。顯的俺道法高強也。〔鍾離云〕洞賓。你且休要暴躁。他既然送出藍彩和來了也。你如今去問他索取玉板去。他若獻出玉板來。萬事罷論。若不獻出玉板來時。俺慢慢的擒拏這兩箇小業畜也。〔正末唱〕

〔倘秀才〕非是這呂洞賓心麓性莽。可怪這小業畜謀多智廣。我和他就海岸相持戰一場。則我這神仙劍有光芒。我看你便怎當。〔云〕兀那披鱗的蚺螭。帶甲的泥鳅。快送出俺那雲陽玉板來。免你一死。倘若不送出來。我教你這小業畜。橫屍於海也。〔水卒云〕二位上聖。有一箇仙長。是呂洞賓。仗着一口神劍。踏着水面。罵你兩箇小業種。歪弟子孩兒。若不送出雲陽玉板來。他教你目下見災殃哩。〔摩揭云〕頗奈這先生無禮也。他欺吾太甚。怎敢罵我。兀那夜叉。與我便點水卒。我同兄弟與他鬪勝。有何不可。〔水卒云〕正是如此。怕他怎麼。和他略耍三合兒去來。〔做見科〕〔摩揭云〕兀那呂洞賓。我和你往日無冤。近日無仇。你如何躍着水面。毀罵俺弟兄二人。〔正末云〕這小業畜。豈知俺仙家的神通廣大。我這劍撇向空中。一口變十口。十口變百口。百口變千口。千口變萬口。量你這些水卒。到的那裡也。〔摩揭云〕量你何足道哉。我和你略戰九千合。〔做調陣子科〕〔正末唱〕

〔脫布衫〕則我這飛劍起空內鏘鏘。顯神通道法高強。總然你有水卒夜叉。我

跟前怎生輕放。

〔小梁州〕他那裡施展雄威顯氣剛。我這裡也不索慌忙。你看這龍泉變化滿空蒼。我教你難遮擋。教的他如虎趕羣羊。〔摩揭云〕這先生端的是神通廣大也。〔摩揭做中劍死科〕〔下〕〔正末唱〕不一時水卒海怪魂飄蕩。〔龍毒云〕嗨。這神仙是神通廣大。他飛劍斬了我哥哥。〔正末唱〕我則見小龍毒左臂着傷。〔水卒云〕上聖不好了也。被飛劍斬傷了上聖也。〔龍毒云〕嗨。飛劍又傷了我一臂也。如何敢與他鬪勝。我領着這敗殘水卒逃命。走走。〔下〕〔正末唱〕我見他逃命走。他把我難親傍。原來這摩揭身喪。我如今得勝見雲房。〔鍾離云〕洞賓。你斬了他摩揭。又傷了他龍毒。這刀兵敢惹起來也。〔正末云〕師父。你放心也。

〔唱〕

〔尾聲〕一任他海邊隊隊驅神將。我和他岸上朝朝列戰場。者麼他布陣排兵數里長。俺則是八箇神仙自抵當。我則要復討了雲陽。回故鄉。俺去紫府瑤池再遊賞。〔同下〕

楔子

〔淨扮龜丞相鰲大夫上〕〔龜丞相云〕小人做事忒風流。每日則在水上遊。看見有人來尋我。慌

忙一齊縮了頭。自家是這東海龍王手下龜丞相的便是。這箇乃是鰲大夫。俺二人跟着這龍王。掌管着這東海。端的是富貴奢華。無有閑事打攪。悶來時去揚子江金山寺下討燒餅吃。悶來時去那沙灘上晒蓋。今日無甚事。俺二人在此聽候。則怕老龍王出來。〔東海龍王引水卒上〕〔云〕堯時洪水接天齊。大禹疏通各有歸。萬派朝宗無定息。職居東海鎮華夷。小聖乃東海龍王是也。我身居東海。有萬派之朝宗。職處龍宮。管千尋之巨浪。作衆源之總會。爲四海之班頭。喜行雨露爲霖。怒後飛砂走石。任他萬傾洪波。都入東洋大海。今日無甚事。兀那龜丞相鰲大夫。誰領水卒巡海去了。〔龜丞相云〕告的上聖得知。有二小龍王摩揭龍毒。引水卒巡海去了。〔東海龍王云〕既然他兩箇去了。可着水卒看着。若來時報復我知道。〔水卒云〕理會的。〔龍毒引水卒上〕〔云〕只因八扇雲陽板。惹起刀兵不定交。小聖乃龍毒是也。因爲奪了藍彩和玉板。俺哥哥摩揭和我領着水卒。與他鬪勝。不想那八箇神仙神通廣大。變化多般。一口寶劍。撒在空中。使了法力。念了真言。一口變十口。十口變百口。百口變千口。千口變萬口。誰想一飛劍。將哥哥摩揭斬了。又一飛劍。斬了我左臂。折了我水卒大半。大收虧輸。如今不敢隱諱。須索報與俺父親知道。可早來到也。水卒報復去。道有龍毒來了也。〔東海龍王云〕着他過來。〔水卒云〕理會的。着過去。〔做見科〕〔龍毒云〕父親禍事也。〔東海龍王云〕禍從何來。〔龍毒云〕不瞞父親說。我與哥哥摩揭。領着水

卒夜叉巡海。誰想有上八洞神仙。各賭神通過海。有藍彩和腳踏八扇玉板。他那玉板。放祥光萬道。瑞氣千條。有哥哥見了。說俺這海藏內。雖有百般異寶。可不會見這一串玉板。就差巡海夜叉和水卒。奪了玉板。把藍彩和來吊在海裏。不想呂洞賓躍着水面。仗劍大罵。索取彩和。哥哥將彩和送上岸去了。呂洞賓不捨那玉板。要和俺鬪勝。哥哥和我領着水卒夜叉。與他鬪勝。誰想他神通廣大。變化多般。掀起飛劍。把哥哥將斬了。又一劍傷了我左臂。折了水卒大半。他如今還在海岸上。要與父親鬪勝哩。〔東海龍王云〕頗奈這八箇先生無禮。劍斬我摩揭。又傷我龍毒了。更待干罷。我如今敲響鐵鼓。聚集四海龍王。統領十萬神兵。務要拿那了這八箇先生。與我兒子報仇。方稱我平生願足。水卒就與我敲響鐵鼓者。〔水卒云〕理會的。〔南海龍王同西海龍王北海龍王上〕〔南海龍王云〕威風赳赳氣昂昂。各顯神通鎮四方。恭承玉帝三清命。久居大海作龍王。小聖乃南海敖閩龍王是也。這二位一箇是西海敖欽龍王。這一箇北海敖順龍王。俺等正在各宮閑坐。猛聽的東海鐵鼓聲鳴。不知有甚事。須索走一遭去。可早來到也。水卒報復去。道有三海龍王在於門首。〔水卒云〕理會的。報的上聖得知。有三海龍王來了也。〔東海龍王云〕着他過來。〔水卒云〕理會的。着過去。〔見科〕〔南海龍王云〕恰纔擊響鐵鼓。聚俺三海龍王。有何事商議也。〔東海龍王云〕您三位龍王不知。今有上八洞神仙。各賭神通過海。藍彩和脚

踏玉板。光照龍宮。有我小孩兒摩揭。和二子龍毒。同去巡海。看見此板。着水卒奪了那玉板。不想呂洞賓在海面上仗劍毀罵。摩揭與龍毒聞知。引領水卒。與他鬪勝。不想被呂洞賓飛劍斬了摩揭。又將龍毒左臂傷了。水卒折其大半。如今那八箇先生。還在海岸上鬪戰。有此大仇。如今故意聚您三海龍王。來此商議也。〔南海龍王云〕既然如此。今日統領水兵。與他相持鬪勝。務要擒了那八箇先生。報了二子之仇。有何不可也。〔東海龍王云〕南海龍王。你今可領二十萬夜叉水兵。與八仙鬪勝。小心在意。成功而回。〔南海龍王云〕得令。就領二十萬水兵。去拿八仙。走一遭去。我這裡密排戈甲出東洋。劍戟橫空遮太陽。一任八仙神力大。試看今番這一場。〔下〕〔東海龍王云〕西海龍王。你可統二十萬水兵。去擒拿八仙。走一遭。則要你小心在意。得勝而回。〔西海龍王云〕得令。某就領二十萬水兵。擒拿八仙。走一遭去。到那裡遮天映日。列旌旗。統領神兵居正西。略施擺霧拿雲手。不捉純陽誓不回。〔下〕〔東海龍王云〕北海龍王。你統領二十萬水卒。擒拿八仙。走一遭去。則要你敢勇當先。成功而回。〔北海龍王云〕得令。某今統二十萬水兵。擒拿八仙。走一遭去。統領神兵出海波。魚鱗鴈翅列干戈。岸邊一陣相持處。得勝回來唱凱歌。〔下〕〔東海龍王云〕三海龍王去了也。龜丞相熬大夫。你與我點就四十萬兵。直至海岸。擒拿八仙。走一遭去。大小神兵。聽吾將令。鐵鼓聲鳴聚大兵。鎮威四海顯神通。征雲霧從天降。殺煞騰騰就地生。

百萬水卒施勇猛。千員神將逞威風。八仙總有千般法。活拏無形踪影呂洞賓。〔下〕〔四海龍王驪馬兒同龜丞相驚大夫水卒上〕〔東海龍王云〕某等四海龍王是也。今日點就水卒。與八仙鬪勝。走一遭去。水卒。你水面觀者。若那潑先生來時。報復我知道。〔八仙同上〕〔鍾離云〕洞賓。嚙昨日大殺他一陣。斬了他摩揭。又傷了他龍毒。此仇必然來報也。〔正末云〕衆位仙長。憑着俺各位的神通。量他到的那裡。俺去海面上索取玉板去來。可早來到也。兀那東海龍王。你聽者。你及早獻出玉板來。萬事罷論。若不獻出來。俺衆仙各施神通。移山填海。水盡枯乾。教你無處潛藏。遭萬劫塗炭之災。有煉海逼身之苦。你及早獻出玉板來者。〔水卒云〕報的上聖得知。有八箇先生。在海面上毀罵上聖。索取玉板哩。〔東海龍王云〕頗奈這先生無禮。怎敢將我毀罵。兀那水卒。你與我開放龍宮。分開水面。擺開陣勢者。〔鍾離云〕洞賓。你看水面開處。龍王引將水卒來了也。〔正末云〕兀那業畜。你是何人。〔東海龍王云〕某乃東海龍王是也。你如何殺了我摩揭。又傷了我龍毒。俺四海龍王。統領一百萬水兵。故來擒拿你這八箇潑先生來。〔正末云〕衆位仙長。俺各使神通。休教走了四海龍王也。〔鐵拐云〕大小神兵。擺開陣勢者。〔正末唱〕

〔賞花時〕又不比二馬相交在陣中。也不用闊劍長鎗列萬重。則我這法力勇顯威風。小覷俺這神仙得這勇猛。〔東海龍王云〕我能變化。有神通。〔正末唱〕賣弄你能

變化有神通。〔云〕兀那四海龍王。你聽者。你若獻出玉板來。萬事罷論。若不獻出來。你見我這手
中的飛劍麼。〔唱〕

〔么篇〕我着你目下登時血染紅。與你四海龍王決戰攻。我這裡仗寶劍。駕天
風。〔東海龍王云〕這先生又使將飛劍來了。不中。我與你走走。〔同衆下〕〔正末云〕這厮走了也。
〔唱〕與俺那雲陽可使建功。〔云〕你待走的那裡去也。〔唱〕你看我直趕到水晶宮。〔同
衆下〕

第三折

〔水官引鬼力上〕〔云〕混元一炁顯吾形。淮濟江河四海通。變化魚龍常護祐。洞陰執掌水晶宮。
吾神乃下元三品五炁水官是也。掌管洞陰大地風澤之炁。晨浩之精。含靈洞陰之府。統主九江
之帝。四瀆神君十二羣真三江四海。吾神盡皆執掌。正在洞陰宮中考較萬類蠢動化生之德。今
日無甚事。在此洞中閑坐。鬼力洞門首覷者。若有事報吾神知道。〔鬼力云〕理會的。〔東海龍王
引水卒上〕〔云〕小聖東海龍王是也。昨日與八仙鬪勝。報摩揭之仇。被呂洞賓法寶神劍。變化
多般。將俺四海龍王。一百萬神卒。傷其大半。小聖法力低微。不能迎敵。我今親至水府。借起神兵。
與八仙相持廝殺。務要擒拏了這八箇潑先生。方稱小聖之願也。可早來到也。報復去。道有東海

龍王在於門首。〔鬼力云〕理會的。報的上聖得知。有東海龍王。在於門首。〔水官云〕着他過來。〔鬼力云〕理會的。過去。〔見科〕〔水官云〕龍王。此一來有何事至此也。〔東海龍王云〕上告仙官。近有八洞神仙。因赴蓬萊。帶酒而歸仙境。到於海邊。不肯駕雲而去。各賭神通過海。有藍彩和脚踏八扇玉板。其板神光萬道。瑞氣千條。光射龍宮。不期小聖二子。長曰摩揭。次曰龍毒。領着水卒夜叉。見其異寶。着令水卒。奪了玉板。有八仙踏着海面毀罵。摩揭與龍毒聞知。遂令水卒與八仙相持。被呂洞賓飛劍。斬了摩揭。又將龍毒傷其左臂。小聖昨日聚集了四海龍王。引百萬水卒。與八仙鬪勝。被他飛劍。將俺水卒殺其大半。小聖法力低微。不能取勝。因此來告上聖。與小聖作主。以報殺子之仇者。〔水官云〕俺水府三官。與你龍王助陣。你意下如何。〔東海龍王云〕如此呵。多蒙上聖恩力也。〔水官云〕吾盡知了也。你且一壁有者。鬼力請將天官地官二位尊神來者。〔鬼力云〕理會的。二位尊神有請。〔天官上〕〔云〕上元一品紫微神。延生福壽處玄真。十方國土分善惡。森羅萬象吾爲尊。吾神乃上元一品九炁天官紫微大帝是也。吾神處玄都元陽七寶紫微上宮。掌管諸天神衆。列聖高真。森羅萬象。今日正在紫微宮中。考較人間善惡之事。凡能爲善者。天必降之福。使壽齡綿遠。後代榮昌。身逢大有之年。永享昇平之世。造惡者天必降之禍。受貧寒困苦之憂。值瘟疫災速之報。古聖云。天若不降嚴霜。松柏不如蒿草。神靈若不報應。積善不如造

惡。自古忠臣孝子。但能盡忠報國。顯親揚名者。史書中備載其詳。廊廟內恭陳其祀。端的是千年永稱其姓。萬古不朽其名。今日正在紫微宮中閑坐。有下元水官。令鬼力來請。不知有甚事。須索走一遭去。可早來到也。鬼力報復去。道有上元天官來了也。〔鬼力報云〕報的上聖得知。有天官來了也。〔水官云〕道有請。〔鬼力云〕理會的。有請。〔見科〕〔天官云〕下元水官。你請我來。有何事商議也。〔水官云〕吾兄請坐。等地官來時。一同商議。鬼力門首覷者。若來時。報復我知道。〔鬼力云〕理會的。〔地官上〕〔云〕北斗宮內現精靈。三界十方赦罪名。八極四維皆掌握。恩沾萬物得超昇。吾神乃中元二氣赦罪地官是也。小聖我吐納陰陽。覈男女善惡之籍。掌育天地。考衆生禍福之名。法源浩大。能離九幽。浩劫垂光。能消萬罪。小聖我法力無邊。通天達地。指山山崩。指水水絕。指祟祟滅。因爲法力高強。蒙陞三官大帝。今日正在本宮閑坐。有下元水官。令鬼力來請。須索走一遭去。可早來到也。鬼力報復去。道有中元地官在於門首。〔鬼力云〕理會的。報的上聖得知。有地官來了也。〔水官云〕道有請。〔鬼力云〕理會的。有請。〔見科〕〔地官云〕天官兄長。也在於此。水官。你請我來。有何事商議也。〔水官云〕二位尊兄不知。有東海龍王來告。有八洞神仙。因赴蓬萊。帶酒以回。到於海邊。各賭神通過海。有藍彩和腳踏雲陽板八扇。其板神光萬道。瑞氣千條。光射龍宮。有東海龍王二子。長曰摩揭。次曰龍毒。領水卒夜叉。奪了玉板。有八仙毀罵。摩揭與龍

毒聞知。領水卒與八仙爭鬪。被呂洞賓飛劍斬了摩揭。又傷其龍毒左臂。又有四海龍王與八仙鬪勝。被呂洞賓飛劍。傷其大半。今龍王告俺仙官與他助陣。擒拿那這八仙。二位尊神。意下如何。
〔天官見龍王科〕〔天官云〕兀那龍王。吾神領大勢天兵。與你助陣。擒拿八仙。你意下如何也。
〔東海龍王云〕如此呵。謝了三位仙官。〔拜科〕〔天官云〕大小神兵。聽吾神旨。齊排神將。密排神卒。跟着吾神。與八仙鬪勝。走一遭去。百萬神兵下碧空。各依方位列西東。雄威鬼怪。如虎。猛烈神駒。似龍。鞭起雷霆。施電雨。掣開閃電。起狂風。任他五聖能逃。活拿仙人呂洞賓。〔同下〕
〔地官云〕天官去了也。吾神領就神兵。與八仙鬪勝。走一遭去。大小鬼兵。聽吾神旨。統領神兵親駕雲。八仙鬪勝在空中。略施神術。羣仙敗。先捉純陽呂洞賓。〔水官云〕今領大小神兵。并本部下水獸。擒拿八仙。走一遭去。大率神兵駕雲軒。相持賭鬪。各當先。活拿八仙親殺壞。堪與龍王報子冤。〔下〕〔鍾離引仙童上〕〔云〕只因八扇雲陽板。傷害生靈百萬餘。貧道鍾離是也。因前者白雲大仙。請俺八仙同五大聖。前來閩苑。賞翫牡丹。以回。因過東海。各顯神通。不期有東海龍王二子。差巡海夜叉。將藍彩和玉板奪將去了。有呂岩問他。索討玉板。他又領着水卒。與俺鬪勝。不想被呂岩飛劍。斬了摩揭。又傷了龍毒左臂。有東海龍王不捨。會合三海龍王。與俺鬪勝。又被俺八仙大殺了他一陣。數日光景。殺傷他無萬數的水卒。他堅執不肯還玉板。更待干罷。我差藍彩和。

來索取玉板。第二來就打聽箇消息去了。仙童望者。若來時。報復我知道。〔仙童云〕理會的。〔淨藍彩和上云〕爲賂神通過大海。惹起刀兵不定交。貧道藍彩和是也。因俺八仙鬪勝。數日光景。不得回於仙境。今日聞知。有龍王敖廣。去水府三官求借救兵。明日與俺鬪勝。這水府三官。他神通比俺廣大。我須索報與師父鍾離去來。可早來到也。仙童報復去。道有藍彩和來了也。〔仙童云〕理會的。報的上仙得知。有藍彩和來也。〔鍾離云〕着他過來。〔仙童云〕理會的。過去。〔見科〕〔鍾離云〕藍彩和。你打聽的事情如何。〔藍彩和云〕上告仙師。禍事了也。〔鍾離云〕禍從何來。〔藍彩和云〕今有龍王。在於水府三官處求救。借起神兵。明日要來與俺鬪勝。這天地水府三官。神通比俺又大。則怕俺敵不住他麼。〔鍾離云〕頗奈龍王無禮也。你問水府三官借兵去了。貧道可去問我祖師太上老君。跟前借將兵來。與他鬪勝。量他到的那裡也。〔藍彩和云〕師父也說的是。不可遲慢。只今就問祖師處借兵去來。〔鍾離云〕則今日問祖師借兵。走一遭去。則爲他助兵鬪勝。要相持。我直至三清叩玉基。拜告老君求救應。看來水府怎迎敵。〔老君引仙童上云〕太初未判道爲尊。無始之先有至真。天地本來元一炁。剖開混沌定乾坤。吾乃姓李名耳字伯陽。諡號曰老聃。昔太極初分。陰陽始判。化生萬物。吾號至真大帝。居太清之境。乃元氣之祖。天地之宗。於至寂至虛之內。太初太始之先。開天闢地。不可量也。化身遍遊塵沙世界。天上天下。道氣之內。

皆吾之化。吾生無形之先。起於太初之前。行乎太素之元。立於太渺之端。自開闢已前。垂億萬之法。無不濟度。自三皇而下。歷代帝王。咸宗奉焉。化身降世。殷湯十七年。吾母孕懷八十一歲。至武丁九年庚辰。生於李樹之下。在母左脅而生。指李樹爲姓。生而皓首。至秦昭王九年。西昇崑崙。洪揚大範。著道德五千言。昇於三十三天之上。位列三清。乃羣真之祖。九九之年在母胎。出塵髻髮盡俱白。修身度世通玄化。位處三清統九垓。吾在仙境之中。點檢濟世之簿。仙童洞門首覲者。若有神仙至。報復我知道。〔仙童云〕理會的。〔鍾離上云〕脚踏一朵祥雲起。直至三清境上來。貧道鍾離是也。今有四海龍王。問水府三官借兵去了。貧道直至玉清真境。問我祖師太上老君借兵。走一遭去。可早來到也。仙童報復去。道有小道鍾離權。特來拜見。〔仙童云〕理會的。報的上仙得知。有鍾離在於門首。〔老君云〕着他過來。〔仙童云〕理會的。着過去。〔見科〕〔老君云〕鍾離。貧道不曾喚你。因何至此也。〔鍾離云〕上告祖師大慈憫。小道等八人。因爲前者白雲大仙。請我等去遊閬苑。赴牡丹會。以同。因過東海。各顯神通。有東海龍王二子。長曰摩揭。次曰龍毒。引着水卒夜叉。將藍彩和八扇玉板。奪將去了。小道等問他取討不與。他領着水卒夜叉。與我等鬪勝。被呂岩飛劍斬了摩揭。又傷了龍毒左臂。東海龍王赦廣不捨。會合四海龍王。與小道等八人鬪勝。被我等大殺了一陣。他如今問天地水府三官處。借了救兵。明日要與我等鬪勝。小道想來。這三官。

十分神通廣大。我等恐怕不能取勝。折了俺道門的志氣。特告祖師憐憫。救度小道八人。以顯道法高強也。〔老君云〕正陽子。你既爲神仙。豈不聞夫道者乃萬法之本。您八仙與龍王。不當鬪勝。非您兩家不和。乃天地之數也。這三官指天天崩。指地地裂。您八仙急難取勝。我與您一道牒文。但說您赴會羣仙。着他助您八仙鬪勝。我隨後便差通天大聖齊天大聖翻江大聖攪海大聖移山大聖。并瑤池一會羣仙。都助俺仙家。與水府三官四海龍王鬪勝。你意下如何。〔鍾離云〕若祖師法旨慈悲。助俺道家。必然得勝也。辭別了祖師。便索長行。領法旨不敢消停。令大聖率領神兵。與三官迎敵鬪勝。直趕到海藏龍宮。〔下〕〔老君云〕鍾離去了也。仙童與我喚將齊天大聖來者。〔仙童云〕理會的。齊天大聖安在。〔齊天大聖上〕云占斷飛霞萬里峯。任吾來往自縱橫。爬山過嶺施英勇。攪海翻江顯神通。騰雲駕霧生狂雨。走石飛砂起怪風。閑攀峻嶺千年樹。悶戲巔峯萬丈松。自從偷吃金丹後。煉就銅筋鐵骨形。金睛火眼邪魔怕。曾向西天去取經。吾乃齊天大聖是也。自從賞罷牡丹之後。復歸洞府。吾神正在洞中閑坐。忽有上仙呼喚。不知有何法旨。須索走一遭去。可早來到也。仙童報復去。道有齊天大聖來了也。〔仙童云〕理會的。報的上仙得知。有齊天大聖來了也。〔老君云〕着他過來。〔仙童云〕理會的。過去。〔見科〕〔齊天大聖云〕祖師呼喚小聖。有何法旨也。〔老君云〕且一壁有者。仙童與我喚將通天大聖來者。〔仙童云〕通天大聖安在。

〔通天大聖上〕云：神通廣大顯威靈。駕霧騰雲上碧空。走石飛砂多變化。怒後扳翻太岳峯。吾神乃通天大聖是也。某神通廣大。法力高強。能驅外道邪魔。掃蕩精靈鬼魅。威鎮乾坤。肅清寰宇。玉帝見小聖有功。加爲通天大聖。今有老君呼喚。不知有甚事。須索走一遭去。可早來到也。仙童報復去。道有通天大聖來了也。〔仙童云〕理會的。報的上仙得知。有通天大聖來了也。〔老君云〕着他過來。〔仙童云〕理會的。過去。〔見科〕〔通天大聖云〕祖師呼喚小聖。有何法旨。〔老君云〕且一壁有者。仙童與我喚將翻江大聖來者。〔仙童云〕理會的。翻江大聖安在。〔翻江大聖上〕云：天地初分有我身。神通變化最多能。任他各洞英雄怪。見影須教誑了魂。小聖乃翻江大聖是也。論我神通廣大。變化多般。今有祖師呼喚。須索走一遭去。可早來到也。仙童報復去。道有翻江大聖來了也。〔仙童云〕理會的。報的上仙得知。有翻江大聖來了也。〔老君云〕着他過來。〔仙童云〕理會的。過去。〔見科〕〔翻江大聖云〕上聖呼喚小聖。有何法旨。〔老君云〕且一壁有者。仙童與我喚將攪海大聖來者。〔仙童云〕理會的。攪海大聖安在。〔攪海大聖上〕云：通天徹地怒真容。法力高強我獨尊。變化多般施勇躍。翻江攪海鎮乾坤。吾神乃攪海大聖是也。今有老君呼喚。不知有甚事。須索走一遭去。可早來到也。仙童報復去。道有攪海大聖來了也。〔仙童云〕理會的。報的上仙得知。有攪海大聖來了也。〔老君云〕着他過來。〔仙童云〕理會的。請過去。〔見科〕〔攪海大

聖云。上聖呼喚小聖。有何法旨也。〔老君云〕且一壁廂有者。仙童與我喚將移山大聖來者。〔仙童云〕理會的。移山大聖安在。〔淨扮移山大聖上〕云。五聖叢中是一尊。天生嘴臉不弱人。常時則搶三牲喫。則我便是油嘴人。小聖移山大聖是也。正在玉清之境。尋酸棗兒吃耍子。有上仙呼喚。不知有甚事。須索走一遭去。仙童報復去。有移山大聖來了也。〔仙童云〕理會的。報的上聖得知。有移山大聖來了也。〔老君云〕着他過來。〔仙童云〕理會的。過去。〔見科〕〔移山大聖云〕上仙呼喚小聖。有何法旨也。〔老君云〕你衆神祇都來了也。〔齊天大聖云〕祖師呼喚俺五聖。有何法旨也。〔老君云〕喚您五聖來不爲別。因爲白雲大仙。請八仙赴會以回。各施神通過海。有東海龍王長子摩揭。次子龍毒。奪了藍彩和雲陽玉板。被呂岩飛劍。斬了摩揭。傷了龍毒。他如今借水府三官。同領神兵。與八仙鬪勝。齊天大聖。你領本部下神兵。直至海岸。與他鬪勝。小心在意者。〔齊天大聖云〕得令。奉祖師法旨。着與四海龍王鬪勝。走一遭去。頗奈龍王惹禍殃。八仙鬪勝在東洋。五聖助兵親出陣。興雲作霧惡風狂。跨騎錦毛金獅。手持鐵棒迸寒光。頭戴金箍生殺氣。千般變化顯吾強。血水染成東大海。滿江水獸盡潛藏。搭救彩和奪玉板。試看我混海揚波戰一場。〔下〕〔老君云〕通天大聖。你領本部下神兵。與四海龍王鬪勝。小心在意者。〔通天大聖云〕得令。奉祖師法旨。與龍王鬪勝。走一遭去。我着那猊哥擺陣列旗旛。鳴鑼擂鼓振天關。走石吹沙飛

狂雨。推林拔樹已崩山。齊天大聖親爲帥。吾神變化幾千般。手輪鐵棒輕輕舉。我着那百萬天兵透膽寒。〔下〕〔老君云〕翻江大聖。你領本部下神兵。直至海邊。與龍王交戰。小心在意者。〔翻江大聖云〕得令。奉上仙法旨。與龍王鬪勝。走一遭去。赴赴雄威殺氣高。相持對壘顯英豪。任他東海龍王勇。試看今翻這一遭。〔老君云〕攪海大聖。你領本部下神兵。與龍王鬪勝。走一遭去。〔攪海大聖云〕得令。奉上仙法旨。領本部下神兵鬪勝。走一遭去。百萬神兵勇似彪。騰雲駕霧統戈矛。陣前顯耀英雄力。不捉龍王誓不休。〔下〕〔老君云〕移山大聖。你領本部下天兵。去與他鬪勝。小心在意。〔移山大聖云〕得令。領本部下神兵。與龍王鬪勝。走一遭去。到來日恰纔箇老君傳令。差我與龍王鬪勝。他若是擒住了我。必定與摩揭對命。〔下〕〔老君云〕五聖去了也。吾想天地水府三官。神通廣大。無神可敵。吾在玄空之中。用法力。威攝龍王。那三官必然回兵。吾再傳法令。牒至西天。着世尊解和。方免鬪勝之患。東海龍王惹禍殃。八仙鬪勝顯高強。今差五聖驅神鬼。可與仙家助戰場。吾在玄穹施法力。與他解鬪罷刀鎗。兩家依然居本位。普降禎祥靜四方。〔下〕〔鍾離同七仙五大聖上〕〔鍾離云〕貧道乃鍾離是也。因爲四海龍王。借水府三官。與俺八仙鬪勝。貧道去我祖師跟前。借五位大聖。與俺助陣。迎敵三官。純陽子。憑着五位大聖。神通變化。俺這一遭。必然索取了玉板也。〔齊天云〕上仙。憑着俺神通廣大。變化多般。量那龍王。到的那裡也。

〔正末云〕師父放心。憑着俺八仙并五大聖神通廣大。變化多般。量他到的那裡也。〔唱〕

〔越調鬪鶴鶉〕俺委實的道法絕高。神通不小。雖然是幾位神仙。索過如千員將校。者莫要對壘迎敵。相持戰討。一任你上九霄。俺可便法力遙。他倚仗着海怪奇多。欺負俺仙家力少。〔通天大聖云〕憑着俺弟兄五箇法力高強。量那龍王。何足道哉也。

〔正末唱〕

〔紫花兒序〕者莫道千尋雪浪。一任他四海風濤。更和那萬頃雲濤。看了俺仙家手段。果然是奇標難學。我這裡仗寶劍騰身在海岸上攪。他少不的片時來到。你看俺施展雄威。又不比二馬相交。〔齊天大聖云〕衆位神仙。遠遠的雲頭起處。敢是

天兵來了也。〔三官同四海龍王龜丞相鰲大夫夜叉水卒上〕〔天官云〕吾神乃上元一品九炁

天官紫微大帝是也。頗奈八仙無禮。斬了東海龍王長子摩揭。次子龍毒。又將四海龍王連殺四陣。不能取勝。吾領大勢天兵。與八仙鬪勝。走一遭去。遠遠的雲頭起處。敢是八仙麼。〔東海龍王云〕衆神兵擺開陣勢。休教走了這八箇潑先生也。〔鍾離云〕洞賓。你看那雲頭起處。龍王引衆神兵來了也。〔正末云〕雲頭落處。是何神祇。〔東海龍王云〕某乃東海龍王是也。你如何殺了我摩揭。又傷了俺龍毒。我奏知玉帝。命俺四海龍王并三官大帝。統領一百萬神兵。故來擒拏你八

簡來〔齊天大聖云〕兀那龍王。俺奉老君法旨。差俺五聖。并大小神仙。與你三官鬪勝也。〔正末唱〕

〔小桃紅〕我則見黑瀾漫浪滾海生潮。亂攘攘神兵鬧。原來是四海龍王把仇報。〔天官云〕大小神兵。各顯神通變化。與我亂下風雹。〔正末唱〕他那裡便下風雹。〔天官云〕大小天兵。與我擺布的嚴整者。〔正末唱〕他顯威靈不住高聲叫。〔天官云〕憑着俺神兵浩大法力高強。量你到的那裡也。〔正末唱〕他將我一齊的圍遶。更怕我臨敵哀哀告。〔天官云〕我神務要和你見箇輸贏勝敗也。〔正末唱〕我和你決戰九千遭。〔東海龍王云〕龜丞相。煞大夫。你可調上那水卒神兵來者。〔龜丞相云〕理會的上聖放心。自有我兩箇着。蓋子上禁他三百飛劍。水卒神兵。都擺布停當了也。〔正末唱〕

〔金蕉葉〕不由吾心中怒惱。我看了他如同芥草。〔天官云〕你怎敢將吾神小覷低微。俺這裡千員神將。百萬天兵。量你到的那裡也。〔正末唱〕你那裡擺布的威嚴道好。我着你半雲兒飛星亂逃。〔鍾離云〕兀那龍王。你引領着許多的水卒。有何用處。〔東海龍王云〕我要拏你八箇潑先生哩。〔正末云〕你看我這手中的飛劍麼。我將那龜丞相煞大夫都斬了頭。〔龜丞相云〕老叔。不干我兩箇事。先縮了頭罷。則怕他使飛劍來。〔正末云〕我丟起這一口寶劍。一口

變十口。十口變百口。百口變千口。千口變萬口。量你這些神兵水卒。到的那裡也。〔天官云〕你敢在吾跟前誇此大言。你敢與吾神鬪勝麼。〔做調陣子科〕〔正末唱〕

〔調笑令〕你那裡看着。將寶劍漾在青霄。〔天官云〕這八仙有這等手段。大小神兵。與我刀劍出鞘。務要擒拿了八仙也。〔正末唱〕呀。則俺這八洞神仙有奧妙。衆龍王發怒施燥暴。他統神兵四面相抄。俺笑哧哧坦然不動脚。一任他亂紛紛劍戟鎗刀。〔東海龍王云〕衆龍王敢勇當先。休教走了這八箇先生也。〔正末唱〕

〔禿廝兒〕他奮勇烈風行電掃。〔天官云〕俺這神聖每。一箇箇擐甲披袍。量你那飛劍。怎生降的吾神也。〔正末唱〕逞英雄擐甲披袍。則我這飛星寶劍將天地攪。〔天官云〕吾神通廣大。量你些小神通。到的那裡也。〔正末唱〕量你這些小鯁蛟。有甚麼難熬。〔龜丞相云〕上聖。這八箇仙長。十分利害。你看他那飛劍。以一變萬口。嚙這水卒神兵。折了太半也。逃命走了罷。〔東海龍王云〕這等是贏不的他。〔正末唱〕

〔聖藥王〕我則見他密密的走。暗暗的逃。撇旌旗都向海中漂。這壁廂舉目觀。那壁廂偷眼瞧。俺衆神仙追逐斬鯨鰲。這業畜怎生饒。〔天官云〕四海龍王。這八仙神通廣大。不能取勝。跟着吾神。見吾佛去來。近不的他。走走走。〔同四海龍王衆敗下〕〔鍾離

〔云〕洞賓收了寶劍罷。那龍王大敗虧輸。逃命走了也。〔正末云〕既然得了勝也。咱且回去來。

〔唱〕

〔尾聲〕則俺這神仙法令驅山嶽。你拏了俺雲陽至寶。量你這數十萬水軍卒。則消我一陣神風。把您來盡都掃。〔衆仙同下〕〔齊天大聖云〕四海龍王大敗了也。若不是仗着老君的法力。焉敢拒敵天兵。吾神駕起祥雲。直至大清仙境。回老君的話。走一遭去。只因龍王惹是非。強奪玉板苦相持。仙家得勝收飛劍。駕雲回奏老君知。〔五聖同衆下〕

第四折

〔外扮釋迦佛引阿難迦舍上〕〔云〕苦行脩持四十年。擅將山內現龍天。慈悲方便真爲本。度脫衆生結有緣。貧僧釋迦文佛是也。自成正覺。陞金剛寶座。天地師之。是以三界十方。天下盡皆皈依俺佛教。貧僧昨日定中。忽見東海龍王。與八洞神仙鬪勝相持。所傷無限生靈。兩家又借水府三官和五聖各相關敵。致傷衆生之命。貧僧深憐哀憫。我今以威德自在之力。將他兩處真仙神將。盡皆攝致靈山會上。與他兩家解勸商和。以免衆生之難。若來時。貧僧自有箇主意。這早晚敢待來也。〔四海龍王上〕〔東海龍王云〕小聖乃四海龍王是也。因與八仙鬪勝。被他連殺數陣。不能取勝。百萬神兵。折其大半。昨日借將水府三官來報仇。不期八仙。又借將齊天大聖來與俺相

持。被他將水府三官。都皆戰敗。今有我佛以威神之力。攝俺四海龍王。來此靈山會上。不知有何法旨。不敢有違。須索走一遭去。可早來到也。阿難報復去。道有四海龍王。特來參見。〔阿難云〕理會的。報的我佛得知。有四海龍王來了也。〔佛云〕着他過來。〔阿難云〕理會的。着過去。〔見科〕

〔佛云〕龍王。你等來了也。且在法座一邊。等八仙來時。我自箇主意。〔鍾離同七聖上〕〔鍾離云〕貧道鍾離是也。有四海龍王。借了四府三官。與俺鬪勝。貧道問俺祖師。借五位大聖。與俺助陣。昨日在於海岸。將四海龍王并水府三官。大殺了一陣。今日俺衆羣仙。正在閼苑商議。索取玉板一事。今有我佛呼喚。不知有甚事。純陽子。俺駕祥雲。直至西天。參拜世尊去來。〔正末云〕師父。看了至西天的景。比東土大端不同也呵。〔唱〕

〔雙調新水令〕今日俺駕祥雲。冉冉到西天。參拜發慈悲的釋迦佛面。這的是法會靈山裏。和這祇樹給孤園。遊遍了國土三千。也則是行善事。要方便。〔云〕師父。可早來靈山也。〔鍾離云〕可早來到靈山也。不必報復。我自過去。〔見科〕〔佛云〕八仙。你都來了也。〔鍾離云〕世尊。俺來了也。〔佛云〕八仙。你知道上帝有好生之德麼。〔正末云〕世尊。俺爲仙的。豈不知上帝有好生之德也。〔唱〕

〔沉醉東風〕佛祖有全生大典。太上有感應之篇。這好生是上帝心。慈悲乃如

來願端的是衆生靈無黨無偏。〔做見四海龍王科〕〔唱〕我這裡扭頸回頭猛看見。原來是四海龍王在面前。〔東海龍王云〕這八箇先生。今日可也在這裡。此仇更待干罷也。〔佛云〕龍王。貧僧因見你等仇殺。多傷生靈。故意攝您來此處。我當勸解。消釋了仇恨。回心向善。以免衆生之苦也。〔鍾離云〕世尊。這龍王無禮。他兩箇孩兒。奪了藍彩和玉板。又與俺鬪勝。因此上仇殺不能了當也。〔正末云〕兀那龍王。你好無禮也。你倚仗着神兵廣大。故意欺俺仙家。將俺仙家玉板。搶入龍宮海藏。至今不還。對着世尊面前。有何理說。〔唱〕

〔甜水令〕你原來眼內無珠。口中不語。心中埋怨。則爲一串玉板結成冤。你會合了那四海龍王。三官水府。和塔交戰。你逞英雄欺負我這神仙。〔佛云〕您八仙向前來。非貧僧多管閑事。止恐多殺生靈。以傷天地和炁。我今故拘你兩處神兵到此。貧僧主張。兀那龍王。你那摩揭。不合擅自搶了玉板。您八仙不合斬了他愛子性命。貧僧勸解。這八扇玉板。可除了兩扇與龍王。一來做海藏之寶。二來做當償命之資。龍王可將那六扇板來。與藍彩和以踏歌之詞。你兩家各罷其兵。再不許相持廝殺了也。〔藍彩和云〕世尊說的是。去了兩扇板。我這手裏可也輕些兒。〔正末唱〕

〔殿前歡〕我這裡便聽其言。則被這如來勸解得安然。從今後兩下絕征戰。我

和你都枉惹災愆。爲無緣。結有緣。則要他常行善。因此上名注在清虛殿。一來是佛慈廣大。二來是俺道法無邊。〔東海龍王云〕既然我佛慈悲。將玉板留下兩扇。久鎮龍宮。將這六扇。還與藍彩和我佛意下如何。〔鍾離云〕既然世尊發大慈悲勸解。我等恭依佛旨。各回於本宮。不與他相持廝殺了也。〔佛云〕你兩家既商和了也。阿難。分付與雲廚使者。上緊安排酒餚。貧僧與他慶賀。喚過十六天魔舞者唱者。與他兩處仙侶神兵。試看俺佛家受用快活也。〔樂聲響住〕〔佛云〕東海龍王你行蓋。與八仙遞酒也。〔東海龍王云〕理會的。〔遞酒科〕〔正末唱〕

〔掛玉鉤〕我則見一派仙音列管絃。滿捧香醪勸。這的是海會靈山佛地面。端的是彌勒院。他那裡滿滿的斟。我這裡乾乾的咽。我則見喜氣盈腮。笑語聲喧。〔佛云〕您可以護持世界。救度衆生。純陽子。再不許你鬪勝也。您衆神聖和八仙。聽貧僧斷。爲八仙赴會飲瓊漿。顯神通過海渡東洋。藍彩和腳邊踏玉板。出千條瑞氣放毫光。小龍子愚頑奪至寶。與八仙鬪勝一身亡。老龍王借兵相戰鬪。把神兵百萬盡皆傷。我睜慧眼猛然觀觀。發慈悲召至講經堂。用良言兩家相解勸。聽法語各自罷刀鎗。靈山會神聖歸天界。祝吾皇聖壽萬年長。

題目 賞牡丹羣仙遊閬苑

正名 爭玉板八仙過滄海

孤本元明雜劇

八仙過海

五

涵芬樓藏版

摩揭太子巾 膝欄曳撒 比 龍毒四大巾 膝欄曳撒 比 水卒水卒頭 錦襖 法墨

夜叉夜叉頭 錦襖 法墨 正末 七仙 同

楔子

龜丞相鱗頭 綠欄 偏帶 東海龍王弁冠 青髮 上衫袍 火裙 方心曲

水卒龍毒 同 南海龍王枕頭冠 紅髮 上衫袍 火裙 執圭 西海龍王捲雲冠 白髮

方心曲領 錦綬 牌子 帶 執圭 北海龍王乳冠 黑髮 上衫袍 火裙 方心曲 四海龍王龜丞相

鰲大夫水卒 正末 八仙 同

第三折

水官乳冠 黑髮 上衫袍 火裙 方心曲 領 鬼力 鬼頭 錦襖 項帕 東海龍王

水卒同 天官捲雲冠 上衫袍 火裙 方心曲 領 地官 弁冠 上衫袍 火裙 方心

執圭三髯髻 鍾離仙童 同 藍彩和同 老君白束髮蓮花冠 鶴氅 牌 仙童 鍾離 齊天

大聖。通天大聖。翻江大聖。同前攪海大聖。移山大聖。鍾離七仙。五大聖。同前三官。

四海龍王。龜丞相。鰲大夫。夜叉水卒。同前

第四折

釋迦佛。旋螺陀頭 僧衣 袈裟 數珠阿難迦舍。僧陀頭 僧衣四海龍王。鍾離七仙。同前

四十三年乙卯五月廿三日校內本清常道人

慶豐年五鬼鬧鍾馗

闕名

楔子

〔冲末扮知縣領張千上〕〔云〕稅斂科差民悅服。五穀田蠶遍地圖。君王有德人民樂。積善之家災害無。小官姓李名璧字廷玉。本貫河南府人也。幼習儒業。廣看詩書。螢窗辛苦受驅馳。一舉成名傳天下。謝聖恩可憐。加小官在此終南縣爲理。我這終南山甘河鎮有一人。乃是鍾馗。此人滿腹詩書。前者中過鄉貢進士。爲因楊國忠當權。兩次不能中殿試。今有上司文書來到。但有舉人着上京赴選。此事不敢隱諱。小官令本都社長請鍾秀才去了。張千望着。這早晚敢待來也。〔淨扮社長上〕〔云〕我做社長忒清幹。一方之地人稱讚。但若閑了無處去。則在家裏嚙冷飯。老漢是這終南山甘河鎮的社長。如今上司文書前來。催促中過鄉貢舉進士。都着上京赴選。這裡有一人。乃是鍾馗。此人一生梗直。因兩次不中。今歲要不去。有知縣大人言語。着他上京。我恰纔請了此人。他便來也。我先見大人去。可早來到也。張千報復去。道有劉社長來也。〔張千云〕理會的。報的大人得知。有社長來了也。〔知縣云〕着他過來。〔張千云〕過去。〔社長見科〕〔云〕大人。老漢來了也。〔知縣云〕劉社長。你請的鍾秀才如何。〔社長云〕他聽的大人呼喚。後面便至也。〔知縣

云〕張千望着。若來時。報復我知道。〔正末上〕云〕小生終南山甘河鎮人氏。姓鍾名廌字君實。幼習儒業。苦志攻書。平生正直。不信邪鬼。前歲中了科甲。後因楊國忠掌卷子。兩次不中。今有知縣大人。苦逼着小生求官去。非吾中心之事。今日又着社長來請。須索走一遭去。可早來到也。張千報復去。道有小生來了也。〔張千云〕報的大人得知。有鍾秀才來了也。〔知縣云〕道有請。〔張千云〕有請。〔正末見科〕云〕大人。小生來了也。〔知縣云〕先生。你學成滿腹詩書。兩次不能中用。今歲上朝。必然及第。有上司文書來催。先生可收拾行程罷。〔正末云〕大人。小生見選法不明。今春待不去。相公之命。不敢不去。〔社長云〕你無正經。我若似你念的些百家姓呵。我也跑一遭去。你快收拾琴劍書箱去罷。〔正末云〕大人。小生謹依大人尊命。辭別了大人。回家中收拾行程去也。〔唱〕

〔賞花時〕憑着我膽量忠直誰可及。今日要一舉成名天下知。〔知縣云〕你今日去必然爲官也。〔正末云〕小生此一去。未知如何也。〔唱〕離鄉故。受驅馳。但得那一官半職。穩情取揚名天下步雲梯。〔下〕〔社長云〕他去了也。今日這一遭去。不知如何也。〔知縣云〕他今日此一去。必然爲官也。俺收拾酒餚。到十里長亭。與此人餞行。走一遭去。今日與本縣商量。論此人文藝高強。穩情取攀蟾折桂。那其間天下名揚。〔同下〕

頭折

〔五道將軍引鬼力上〕〔云〕巍巍猛力鎮空蒼。勇烈威風惟我強。吾神乃五道將軍是也。爲吾神通廣大。變化多般。閑來山前驅虎豹。悶後曠野顯威靈。在此爲神直正。平生節操堅剛。方今聖人在位。八方無事。四海安然。時逢歲稔之年。理當千邦慶賀。正旦之節。萬國來朝。端的是勝舜日堯年也。吾手下有一判一鬼。是金睛判。睡魔鬼。這兩箇早晚支應吾神。端的能哉。早間着鬼力呼喚去了。吾神遊山去。他兩箇這早晚敢待來也。〔二淨判官睡魔鬼上〕〔判官云〕我做判官實聰明。幾箇弟兄是魔精。但若閑了無甚事。海子河裏打冰凌。自家是這五道將軍手下金睛判官是也。這箇是我姪兒睡魔鬼。我們兩箇有兩箇弟兄。是大耗小耗之鬼。他手下有五方之鬼。俺五道上聖若不在。他常時來看我。他兩箇正在後面打鵲兒耍子。有上聖呼喚俺。睡魔鬼。嚙行動些。〔睡魔鬼云〕我說今日則怕上聖那裡耍去。不知怎麼大開着廟門。可早來到也。俺自過去。〔做見科〕〔云〕上聖。俺來了。有何事也。〔五道云〕你兩箇看守廟宇。我遊山去也。你兩箇小心在意者。今日箇離廟遊山。着鬼判看守塵凡。逢正旦年年吉慶。賀新春人馬平安。〔下〕〔判官云〕看了今日上聖不在。則怕我們弟兄來看我。閑笑一會耍子。且睡一覺。〔睡魔鬼云〕你也說的是。俺這裡睡一覺。看有甚麼人來。〔睡科〕〔正末上〕〔云〕小生鍾馗是也。今日離了終南山甘河鎮。上朝進

取功名去。時值初春。看了路上景致。好是悽慘人也。〔唱〕

〔仙呂點絳脣〕看了這雲霽天晴。晚風無定。逢冬景。萬里霜輕。一派添孤另。

〔混江龍〕新春時令。看冬殘一去又新正。喜遇着豐年稔歲。五穀收成。萬里月光團更皎。一天瑞氣亂雲生。則他這路途岐遇着人初靜。迷踪失路。我可也怎盼途程。〔云〕來到這半路途中。尋不着宿處。可怎生迷踪失路。天晚了也。兀的不是一箇神堂廟宇。

我索要去。看一看。〔做看廟科〕〔云〕原來是五道將軍廟。可怎生這等冷靜也。〔唱〕

〔油葫蘆〕我見鼠走空。桑寒氣生。香爐中灰燼冷。你看那泥神半倒亂凋零。〔帶云〕我與你撮土焚香者。〔唱〕我這裡急慌忙。便把尊神敬。則願的年年米麥多餘剩。〔帶云〕我在這廟中歇息。到天明了時。慢慢的去。〔唱〕我將角帶那衣袂整。則他這譙樓更鼓應難聽。又無甚喝號與提鈴。〔云〕願神明金鞭指路者。〔唱〕

〔天下樂〕我這裡禱告神祇顯聖靈。好着我耽也波驚。恰便似睡未醒。不由我心中恍惚意未寧。〔帶云〕我在這供卓傍邊歇息者。〔唱〕和衣兒磚上眠。怎熬的到五更。我這裡便安排虛夢境。〔睡科〕〔大耗小耗領青黃赤白黑五方鬼上〕〔大耗云〕我是鬼王。大耗。平生會打胡哨。撞見天上神祇。望着河裏便跳。自家大耗鬼王是也。這箇是我兄弟小耗鬼。

這五箇是青黃赤白黑五方鬼。我衆弟兄好生神通廣大。若還閑了。便打筋鬥。我們衆弟兄。專管耗散人家的財物。因此叫大耗小耗。今日無事。喜遇豐年。天道晚了。我望一望五道將軍去。來到這廟中。一箇秀才。在此睡着了。如今着鬼力且偷了他這唐巾者。〔鬼力偷唐巾科〕〔云〕我們偷了他這唐巾者。〔正末省科〕〔云〕一覺好睡也。〔唱〕

〔金盞兒〕我恰纔夢迷中。猛然驚。颼颼風透羅衫冷。〔帶云〕這早晚夜深時候。可怎生不見了我這唐巾。罷罷。天明了尋。〔唱〕怎看那高山月小一天星。我欲安然圖一覺。急早趕途程。非是咱心不慌。往日得性公平。〔云〕好困人也呵。〔睡魔鬼云〕疾。再睡去。〔正末又睡科〕〔大耗云〕那箇去偷將他穿的衣服來。〔青鬼云〕我偷去。〔做偷襖衫科〕〔正末驚醒科〕〔唱〕

〔寄生草〕我這裡慌那體。不由我喫驚。則見那月光穿透窗前影。寒沙滿目人寂靜。我這裡起身便把門挨定。〔青鬼慌科〕〔云〕不好了。怎麼他醒了。〔正末云〕你看這些鬼怪。〔唱〕他那裡施逞法力顯高強。我與你向前問一箇誰名姓。〔做拔劍攔住衆鬼科〕〔青鬼云〕老官兒。你不要惱。還你唐巾和偏帶罷。〔大耗云〕這箇人十分利害。天明將來了。我們去廟後頭趕他去來。我們衆鬼十分慌。今日這裡弄輕狂。跑到後面趕他去。變做蛤蟆戲

清汪。〔衆鬼下〕〔正末云〕你看這廟中許多的鬼怪。他見我秉性忠直。不敢近我。都回去了。我戴上唐巾。繫上偏帶。兀的天明了也。我索趕途程去也。〔唱〕

〔尾聲〕你看那林外曉鴉啼。瑞靄迷山逕。峯嶺畔猿啼數聲。月落潮來紅蓼汀。望天涯慌奔前程。我這裡出門庭。離了神靈。有一日浪暖桃花金榜登。我將這三台掌領。顯咱名姓。我又索便盼程途迤邐望前行。〔下〕

第二折

〔殿頭官領張千上〕〔云〕冉冉祥光罩碧霄。曉星墜落慶雲高。扶桑捧出紅光現。萬國衣冠賀聖朝。小官乃殿頭官是也。方今大唐聖人在位。黎民樂業。五穀豐登。萬邦來朝貢。齊賀太平年。今日早朝。奉命差小官在試院中。與大學士楊國忠尙書張伯循。着他二人爲考試官。大開舉場。選天下能文的秀士。都來應舉。端的是聖主過堯舜。金榜傳宣顯姓名。請他二位大人去了。敢待來也。〔張伯循上〕〔云〕文章勝似一囊錦。節操堅剛有正聲。每朝思想忠君意。逐日常懷報國心。小官學士張伯循是也。能通書義。廣覽詩經。今日早朝。奉聖人的命。今年新春之日。差殿頭官大人。與小官在府中。大開選場。選有文學的秀才應舉。說着話來到也。張千報復去。道有小官來了也。〔張千云〕理會的。有學士大人來了也。〔殿頭官云〕道有請。〔張千云〕有請。〔張伯循見科〕〔云〕

大人小官來了也。〔殿頭官云〕學士來了也。且少待。等楊國忠來時商量。這早晚敢待來也。〔淨楊國忠上〕〔云〕小官做事忒聰明。但用茶飯我爲尊。平生則好喫香菜。冷了茱萸喫葱。小官推官楊國忠是也。論我做官。所事都好。並無文才。強嘴到好。聽的考試。望家就跑。今日奉命。時遇新春。大開舉場。着衆大人在試院中。考有文學的秀才。都來應舉。須索走一遭去。不索報復。我自過去。衆大人每。小官來了也。有甚麼話。說了罷。〔殿頭官云〕且一壁有者。等衆大人每來。另有計議。〔二淨上〕〔常風云〕我做秀才實高強。逐朝賴學壘磚牆。九年不識一箇字。開春就是狀元郎。自家常風的便是。這箇是我姪兒發優。論我文學。其實不高。聽的考試。轉了驢腰。我說發優。今日試院中攪了卷子。不知怎麼說。我們去相府裏去。必然耍子。我兩箇跑一遭去。也是好處。〔二淨見科〕〔常風云〕衆老大兒每。俺兩箇來。有甚麼事。〔殿頭官云〕你且一壁有者。衆秀才每。還少誰未曾來哩。〔張千云〕止少終南山一箇秀才鍾馗不曾來哩。〔張伯循云〕大人。這箇鍾馗。文才冠世。廣覽詩書。端的有經綸濟世之才。補完天地之手也。〔殿頭官云〕既然這等看了此人。端實能哉也。張千門首望着。若來時。報復我知道。〔正末上〕〔云〕小生鍾馗是也。離了本鄉。上朝進取功名去。昨日在半途。中一箇廟宇裏宿歇。見幾箇鬼怪。被我趕的去了。今日必索到相府中去。想俺這爲秀才的。非同容易也呵。〔唱〕

〔中呂粉蝶兒〕每日家經典溫習。指望待受皇恩身登鰲背。脫白襴廕子封妻。顯榮華居官爵。不枉了人生一世。詩句頻題。我盼一箇禹門及第。〔云〕憑着小生滿腹文章。必受皇家富貴也。〔唱〕

〔醉春風〕博一箇金榜把名揚。圖一箇恩榮無賽比。我則待天長地久輔皇朝。端的是美美相府風清。鴛鴦瓦。更和這篆煙風細。〔云〕來到了也。張千報復去。道有新春舉子。特來應舉。〔張千云〕理會的。有新春舉子。特來應舉。〔張伯循云〕道有請。〔張千云〕有請。〔正末見科〕〔云〕衆位相公。小生特來應舉也。〔常風云〕我說你來怎麼。這狀元已定是我做了。你一邊去。〔正末云〕你看這廝。好是無禮也。〔唱〕

〔迎仙客〕我這言就裏說真實。非是我大人前大人前。可便誇大嘴。〔張伯循云〕鍾馗。你有何治國安民之法。〔正末唱〕者麼是理居民安社稷。我將那經典溫習。盼一箇崢嶸日。〔張伯循云〕住住住。你衆人不必爭競。我如今出箇題目。或詩或詞。做一首來。我便知您的學問也。〔常風云〕你則管出將題來。我作詩與你看。〔正末云〕大人。你則管出題來。非是小生賣口。我自有箇主意。〔張伯循云〕兀那鍾馗。你見廳前這棵臘梅花麼。或詩詞作一首來。〔正末云〕這箇有何當緊。將紙墨筆硯來。〔張千云〕兀的不是。〔正末寫科〕〔唱〕

〔石榴花〕我這裡染霜毫親試目前題。抵多少獨自可使對丹墀。趁着這廳前香徹未殘梅。尋思了一會。不索猜疑。〔云〕詩就了也。〔張伯循云〕端的好寫染也。將來我試看者。是一首詩。詩曰。玉蕊冰花占早春。調羹鼎內味偏淳。蒼蒼志節臨丹檻。耿耿孤高氣味新。自有一般清意味。不將顏色媚他人。古來高志留青眼。不似桃花園內根。好高才也。〔正末唱〕他道我詩才堪折蟾宮桂。走龍蛇字體堪宜。論文學博得皇家貴。因此上情願棄寒微。〔常風云〕你休說嘴。我這一首詩出來。就誆死了你。我念與你們聽。一樹梅花真箇香。我們秀才有一文章。他若結了一丈樹。一准都是條兒糖。〔楊國忠云〕好高才。雖是那秀才的文章好。這狀元一准是你的了。〔正末云〕兀的不氣殺我也。〔唱〕

〔鬪鶴鴉〕你看他則管裡歪談。不由我心頭怒起。你正是小輩兒曹。你曾看甚麼看甚麼聖籍。〔楊國忠云〕怎麼他倒不如你作的詩。老大兒。這箇秀才成不的。要他做甚麼。趕將出去罷。〔正末唱〕他那裡騙口張舌。說箇甚的。又不敢言就裏。止望待金榜標名。便是我前程的這萬里。〔張伯循云〕楊國忠。這今春頭名。誰人可做。〔二淨遞砌末與國忠科〕

〔楊國忠云〕老大兒。你差了。這常風發優好文章。這箇鍾馗。怎麼來的。〔正末唱〕

〔十二月〕我這裡低頭嘆息。空將那經典溫習。則落箇羞歸鄉里。不由我雨淚

雙垂道着我低情下意。又不曾看了真實。〔張伯循云〕你不要多言。且回去。明日再定奪。

〔正末云〕大人小生的文章。倒不如他兀的不氣殺我也。〔唱〕

〔堯民歌〕呀。好着我心中怨氣吐虹蜺。你正是坐而不覺立而饑。何年得志趁風雷。禹門一躍拜丹墀。誰也波知。今朝空自回。我可便奪得身榮貴。〔張伯循云〕您衆舉子且回去。我明日奏知聖人。自有主意。〔正末云〕既然這等罷罷罷。我且回店中去來。

〔唱〕

〔尾聲〕當初笑吟吟離故鄉。今日箇悶懨懨回店裏。則不如山間林下心無愧。博一箇萬古清名著後人喜。〔下〕〔張伯循云〕大人今春聖人寬恩。大開舉場。考試天下秀才。今日小官在此。有文學的秀才。中了這幾箇。小官不敢定奪頭名。俺且回聖人的話。走一遭去。小官至府第之中。考秀才書策詩經。今日箇舉子登榜。到來朝天下傳名。〔下〕〔楊國忠云〕大人回奏去了。我今日來到這府中。別人都不曾偏手。那兩箇秀才常風發傻。文章不濟。與了我這兩箇大銀子。都有了他兩箇的名字了。我拿着這銀子到家裏。買肉炸喫耍子。走一遭去。我並無冠世文才。考秀才我也前來。大腦袋常風發傻。買爛肉大家都嚷。〔下〕〔常風云〕衆大人每都去了。我說發傻。俺兩箇文章不濟事。那箇楊國忠要了俺兩箇大銀子。到明日張掛黃榜。俺兩箇必

定做官也。俺且回去來。俺兩箇計量千般。無才學肚腹不寬。我平生一世腦袋。拜神天則要爲官。
〔同下〕

第三折

〔殿頭官領張千上〕〔云〕自從貢院爲考試。恩臨金榜姓名標。小官殿頭官是也。爲因今春放選場。奉命着小官同衆大人在試院中考有文學的秀才。止考中一人。姓鍾名馱。此人文章廣覽。詩句驚人。有談天論地秀氣。此人中第一名進士。小官奏知聖人。封他爲天下頭名狀元。賜與他靴笏欄袍。等衆大人來全。與他加官賜賞。張千門首望着衆大人每來時。報某知道。〔張千云〕理會的。〔張伯循上〕〔云〕秀才中舉登甲第。方顯書生有大才。小官張伯循是也。自從試院中大開舉場。天下秀才都不中。止有一人是鍾馱。此人文章高強。他回到店中。不知怎生一氣而亡。今日衆大人在相府中着人來請。須索走一遭去。張千報復去。道有小官來了也。〔張千云〕理會的。有張大人來了也。〔殿頭官云〕道有請。〔張千云〕有請。〔見科〕〔云〕大人。小官來了也。〔殿頭官云〕大人來了也。自試院中秀才每不中。止有一人是鍾馱。此人文章冠世。謝聖恩可憐。封他爲天下頭名狀元。又賜與他靴笏欄袍。如今請他來受此物。望闕謝恩哩。〔張伯循云〕大人不知。有秀才鍾馱。不知怎生回到店中。一氣而亡了。〔殿頭官云〕噯。可惜了也。却正是文高壽短。如今賜與他的。

物件歸於何處。可也容易。將此勅賜之物。大人領張千。將着此物到店肆中。用火焚化。着他地府中用度。顯的國家重用賢臣也。〔張伯循云〕大人說的是。張千。將着靴笏欄袍。店肆中焚燒去來。〔張千拿砌末科〕〔張伯循云〕大人。俺焚燒這靴笏欄袍。走一遭去也。唐聖主勅賜恩榮。有鍾馗一氣亡魂。焚燒了欄袍靴笏。方顯的國重賢臣。〔同張千下〕〔殿頭官云〕他每焚燒靴笏欄袍去了也。我這心中不樂。覺一陣昏沉上來。且盹睡一覺者。〔睡科〕〔大耗小耗同五方鬼上〕〔大耗云〕不懼神明不怕天。平生勇烈壽千年。自從三皇分五帝。逐日山前變百般。自家大耗鬼是也。這箇是小耗鬼。這五箇是青黃赤白黑五方鬼。俺平生妖孽。變化千般。俺無有神堂住坐。今知殿頭官大人在相府中。俺今到那裡。假傳着玉帝勅令。着他與俺蓋神堂廟宇。可不好。可早來到也。俺都過去來。〔做見科〕〔小耗云〕兀的他不睡着了也。大人。俺衆神祇奉玉帝動令。着你與俺蓋一座廟宇居住哩。〔殿頭官云〕您是何方聖者。甚處靈神。因何至此。〔大耗云〕你問我們怎麼。快與我每蓋廟去。你若不肯。就了當了你。〔殿頭官云〕可怎生是好。你且一壁少待。可怎生不見一箇手下的人來。〔正末扮判官上〕〔云〕小聖終南進士鍾馗是也。因我平生正直。膽力剛強。來到京師。應舉不用。一氣死歸冥路。上帝不負吾之德。加爲判官之職。管領天下邪魔鬼怪。不期大人賜與靴笏欄袍。小聖如今以夢中致謝大人。走一遭去。〔唱〕

〔正宮端正好〕則他臘梅殘。春風蕩。賀昇平盛世時光。你看那豐年稔歲同歡暢。更和那瑞靄從天降。

〔滾繡毬〕我平生性最剛。把妖邪見影藏。甫能的去登金榜。不能穀榮顯恩光。雖不曾官居八府中。也落箇英雄立廟堂。則聽的閑人來往。氣丕丕走到廳傍。我則見柳含春意風搖擺。更和那花壓欄杆未吐香。別是箇風光。〔云〕來到這廳前。甚麼人在此喧嘩。我試看者。〔大耗云〕老大兒。你若與我立箇廟宇。塑了我們這些形像。便着你無事了。若不與我立廟呵。就着你了不的。〔殿頭官云〕你這箇人。都是那裡的。且少待。等我手下人來時。慢慢的商量。〔正末云〕好是奇怪也。〔唱〕

〔倘秀才〕我這裡便無語。聽沉半晌。猛聽的喧聒鬧嚷。我與你破步撩衣登畫堂。〔走科〕〔唱〕我心下自度量。我與你觀當。〔見衆鬼科〕〔云〕嘿。兀那小鬼頭。怎敢來戲弄大人。〔大耗云〕好也。一箇判官走將來了。你管我們怎麼。我來問老大兒討酒喫來。干你甚麼事。〔正末云〕這些鬼怪。好是無禮也。〔唱〕

〔叨叨令〕他口聲聲將我相欺謗。氣撲撲言語皆虛誑。絮叨叨則管裡無攔當。濕浸浸汗滴在羅衫上。〔做拽衣服科〕〔唱〕我與你打他也波哥。打他也波哥。不由

我惡狠狠氣吐三千丈。〔殿頭官云〕好好好。一箇判官來了。你便與我降了這些鬼怪呵。我自

有箇主意。〔大耗云〕怎麼。你要打我們。雙拳不敵四手。您則一箇人。我們七八箇人。打不過你。我不信。〔正末云〕這鬼怪好是無禮也。〔唱〕

〔脫布衫〕兀的不惱損我這柔腸。不由我氣夯破胸膛。又不篩羅擂鼓。何須的領兵驅將。〔衆打擺科〕〔大耗云〕好也。你動手。衆弟兄一齊上手。打他要子。〔正末唱〕

〔小梁州〕我着你目下登時一命亡。我可也不索商量。這箇是大人居住府廳堂。不是我心龐壯。他那裡手脚亂張狂。〔大耗云〕這箇老官兒。好雙溜手兒。我們成不了。衆弟兄跪下降了。他罷。〔衆跪科〕〔大耗云〕老大叔。你是那箇。說與我們。我們都與你做姪兒。也不辱沒了你。〔正末唱〕

〔么篇〕我奉着玉帝勅令從天降。管着您山精魍魎。你既然肯護持心投向。我和你同歸洞去。便着你箇箇壽綿長。〔大耗云〕罷罷罷。我們都降了。你衆鬼王先去。出山後頭等你。我先去也。我們衆鬼十分喜。走到廳前要油嘴。不匡撞着判官來。放心都去河裏浮會水。〔衆鬼下〕〔殿頭官云〕嗨。兀的不誑殺我也。兀那判官。你是何方神聖。說與我。我奏知聖人。與你立廟陞堂也。〔正末云〕大人。小聖是終南山不第秀才鍾馗。奉上帝勅令。着我管領天下邪魔。

鬼怪。今親來拜謝大人恩命來。〔殿頭官云〕原來如此。你回去。我來日奏知聖人。與你立廟陞堂。普天下人民。都來供養你。〔正末云〕謝了大人。小聖回去也。〔唱〕

〔尾聲〕吾皇有德山河壯。萬載乾坤日月光。慶新正降吉祥。太平年讚今上。則願的萬歲君王。將俺這庶民掌。〔下〕〔殿頭官做醒科〕〔云〕一覺好睡也。噯。恰纔一夢中。夢見許多鬼怪。不知怎麼。都來着小官與他立廟。偶然一箇判官走將來。趕着衆鬼。我問其緣故。自稱是終南山不第秀才鍾馗。將衆鬼都降伏了。我如今奏知了聖人。着普天下人民。盡都畫他形像。與他立廟陞堂。我索見聖人。走一遭去。一夢中猛見邪精。端的是容貌猙獰。終南山鍾馗直正。便與他立廟加封。〔下〕

第四折

〔外扮天福神地福神領鬼力上〕〔天福神云〕時值新年景物華。千邦慶賀萬方誇。年年喜遇皇都宴。錦繡乾坤總一家。吾神乃天福神是也。這位是地福神。俺生居天界。長在三清。每回朝聖。見虛皇啓籙參真臨寶殿。掌管天界賜福之因。今時逢正旦之節。又遇太平之年。爲因終南山進士鍾馗。平生正直。命歸天界。奉玉帝勅令。着他在俺年神位下。爲職掌都判官之職。在此三陽閣下慶賀地福神君。看了這鍾馗。委實少有也。〔地福神云〕尊神。今聖人治世。海晏河清。萬民樂業。雨

順風調。年年俺諸位之神。在此三陽閣下慶賀。今上帝命又勅封鍾馗爲都領天下判官。今等衆神祇來慶賀。鬼力望着。等衆神祇來時。報復我知道。〔鬼力云〕得令。〔春福神壽神祿神上〕〔春福神云〕景物融和萬象生。陽同一氣遇新正。新年慶賀排筵宴。喜遇豐年五福臻。吾神乃行年五福春福神是也。這兩位是壽神祿神。俺生居紫府。長在雲霄。騰騰萬物一時生。耿耿三陽隨令長。肅清四海總昇平。宇宙混元皆盛世。今有上帝之命。終南山進士正直無私。加封爲天下執掌判官。今居俺年神位下。時遇正日。俺在此三陽閣下慶賀太平之年。二位尊神。俺行動些。〔壽神云〕尊神。吾居壽府。掌管羣英。願吾皇聖壽綿綿。祝萬歲皇圖永固。俺年年慶讚。喜遇豐登。須索往三陽閣下去來。〔祿神云〕尊神。看了華夷一統。錦繡山河。君王聖德賽唐堯。臣宰賢能過伊呂。今逢正旦之節。理當慶賀。可早來到也。鬼力報復去。道有俺三位神祇來了也。〔鬼力云〕得令。報知上聖。今有春福神壽神祿神來了也。〔天福神云〕道有請。〔鬼力云〕得令。有請。〔三神見科〕〔壽神云〕二位上聖。俺三神來了也。〔五道神金睛判官睡魔鬼上〕〔五道神云〕管領五道年神位。喜遇三陽慶賀春。小聖乃五道將軍是也。這兩箇是我手下判官鬼力。小聖那一日遊山去了。有秀士鍾馗。在吾神廟中睡。這兩箇不知道理。將他觸犯。今此人正直爲神也。在此三陽閣下慶賀。你兩箇跟我見上聖去來。〔判官云〕上聖。你那一日不在了。我兩箇不會怎的他。都是這箇

夾腦風來。〔睡魔鬼云〕你也不要說。他今日爲了都判官也。隨上聖整治罷。〔五道神云〕可早來到也。鬼力報復去。道有五道神來見。〔鬼力云〕得令。有五道神來了也。〔天福神云〕道有請。〔鬼力云〕得令。有請。〔五道神同二淨見科〕〔云〕上聖。吾乃五道之神。今日來赴三陽宴來。〔天福神云〕你一壁少待。等六神來時。請三陽真君去。這早晚敢待來也。〔淨扮土地竈井廚門戶六神上〕〔土地云〕住居宅舍保安康。積善之家降吉祥。年逢稔歲三陽晏。萬物咸臻壽祿長。小聖乃各坊住居土地之神。這五位神祇。是井廚竈門神戶尉之神。今逢太平之年。聖人治世。五福來臨。三陽開泰。今有進士鍾馗。奉上帝命。加封爲天下都領判官。捉絕魍魎鬼怪。年年在此三陽閣下慶賀。司命竈君。俺見上聖去來。〔竈神云〕住居土地。吾神職掌火部司命之神。凡遇每月二十四日。小聖奏與天曹。知道人家善惡緣因。今逢正旦。禮當慶賀。俺行動些。〔門神云〕俺門神戶尉。職掌左右門庭。年年喜遇正旦。歲歲慶賀新正。今日太平之年。俺見三陽真君去來。〔戶神云〕可早來到也。鬼力報復去。道俺六神來了也。〔鬼力云〕得令。有六神來了也。〔天福神云〕道有請。〔鬼力云〕得令。有請。〔六神見科〕〔土地云〕上聖。俺家宅六神來了也。〔天福神云〕你六神來了。今日三陽閣下排宴。三陽真君敢待來也。〔外扮三陽真君領三箇綿羊太子上〕〔上陽真君云〕一氣鴻鈞宇宙昇。春風萬物動非輕。上中下領三陽節。管押乾坤大地清。吾神乃上陽真君是也。這二

位是中陽下陽真君。今逢聖人治世。八方皆垂拱。宇宙盡清寧。忻逢正旦節。天下賀昇平。爲俺三陽真君。年年在此三陽閣下慶賀。五福神聖并衆神祇。都來吾閣下排宴。喜遇太平豐稔之年。俺行動些。見衆神祇去來。〔中陽真君云〕俺這三陽神聖。萬物靈通新春喜。爆竹聲催殘臘去。萬神慶賀。俺這三陽閣下排宴。須索走一遭去。〔下陽真君云〕可早來到也。俺過去見衆神祇去來。鬼力報復去。道有俺三陽真君來了也。〔鬼力云〕得令。有三陽真君來了也。〔天福神云〕道有請。〔鬼力云〕有請。〔見科〕〔上陽真君云〕衆位神祇。俺三陽真君來了也。〔天福神云〕三陽真君來了也。且少待。今日上帝之命。加封鍾馗爲天下都判官領袖。在俺年神位下職掌。等他來時。排三陽宴。這早晚敢待來也。〔正末領大耗小耗青黃赤白黑五鬼上〕〔云〕小聖乃鍾馗是也。因爲不第。蒙上帝賜欄袍靴笏。以夢中去謝。收伏了大耗小耗之鬼。今謝聖恩。加封爲天下都判官領袖。與小聖立廟陞堂。時值正旦之節。一切神祇。都在三陽閣下排筵慶賀。須索走一遭去。〔大耗云〕上聖。我們夢中討些祭物。不知上聖走將來。別的來也不怕他。〔正末云〕兀那鬼怪。你則行災生禍。豈知俺爲神直正。降福消災也呵。〔唱〕

〔雙調新水令〕在生時直正顯英豪。到今日死爲神道。胸藏萬卷書。法令按蕭曹。見如今雨順風調。都則爲明聖主有仁道。〔云〕可早來到也。鬼力報復去。道有吾神來

了也。〔鬼力云〕得令。有上聖來了也。〔天福神云〕道有請。〔鬼力云〕有請。〔正末同衆鬼見科〕
〔云〕尊神。小聖乃終南山不第秀士鍾馗。今蒙上命加封。特來朝見五福三陽來也。〔天福神云〕
鍾馗。爲你在生之時。不肯信邪。平生正直。今聖朝與你加封立廟。當日你在五道廟中。怎生不怕
鬼怪。你說一遍。俺試聽者。〔正末云〕衆位尊神三陽眞君。今日已登天界。聽小聖說一遍者。〔唱〕
〔鴈兒落〕我當日在生時性燥暴。凡行事依公道。指望待步蟾宮折桂枝。誰想
在貢院中遭剝落。〔地福神云〕你在生時。怎生不懼一切神鬼。〔正末云〕衆神祇不知小聖的心
也。〔唱〕

〔得勝令〕我又不曾犯法共違條。行事不虛竊。爲甚麼全不把神靈怕。有忠心
輔聖朝。〔上陽眞君云〕你今日管押天下妖精。加你爲都判官領袖。則要你行事的當年正旦。掃
除鬼怪者。〔正末唱〕更誰敢輕薄。有這些鬼力從吾調。若錯了分毫。我將他來定不
饒。〔中陽眞君云〕鍾馗。你正直賢能。掃除妖祟。大耗小耗歸伏你。今日旣爲神聖了。你有何神通廣
大。施逞與衆神祇看者。〔正末云〕尊神在此。小聖有何神通。敢在此三陽閣下施展。鬼力向前。您
顯神通者。〔衆鬼調百戲科了〕〔唱〕

〔落梅風〕非是我神通大。法力高。衆神祇聽咱言道。我有一莊驅邪斷怪的無

價寶助國家萬年榮耀。〔天福神云〕你有何手策施展。俺看者。〔正末云〕得令。五鬼過來。您朝

上跪者尊神。這五箇鬼見一箇頭上。有三箇神爆仗。頭一箇爆仗響處。保聖壽無疆。第二箇爆仗響處。萬民無難。第三箇爆仗響處。保五穀收成也。〔青鬼云〕好便好。則是難爲五鬼也。〔五鬼跪科〕〔天福神云〕好好好。此言皆有准。你這大耗小耗。你怎不言語。〔大耗云〕我不敢惹他了。隨他怎的罷。〔正末云〕吾神自有處治。豈有虛言。今三陽眞君在此。非同小可也。〔唱〕

〔川撥棹〕鬼力每用心着。將黎民災禍消。霎時間亂下風雹。爆仗聲高。〔青鬼云〕我死也。這爆仗一聲響定了。不的。〔正末唱〕用心兒筵前放了。我着你一齊的都說倒。〔放

爆仗科〕〔五鬼說倒科〕〔地福神云〕好好好。誰匡你有如此手策。三陽眞君。你不現此祥瑞慶賀三陽到幾時。〔上陽眞君云〕有有有。今聖人治世。時值正旦之辰。聖德巍巍。臣心耿耿。四海共樂雍熙。八方同霑盛世。喜三陽氣轉鴻鈞。樂新年四時爲首。當競三陽之節也。三陽都與我爭節氣。〔樂器攢掇科〕〔三陽鬧科〕〔綿羊太子解開云〕吾神獻松竹梅三株。以爲貢奉。〔下陽眞君云〕二位神祇有了也。吾神所獻榆槐梨三株。乃一年之春花。是四時之氣也。〔天福神云〕好好好。您三陽眞君現一年之祥瑞。委實少有也。〔正末云〕衆神祇看了這年年豐稔。歲歲昇平。端的亘古及今。未曾得見也。〔三陽云〕鍾馗。你說一遍。俺試聽者。〔正末唱〕

〔七弟兄〕一齊的跪着。拜告助皇朝。見三陽令節般般妙。端的是一人有福衆歌謠。〔天福神云〕擺上酒果者。〔鬼力云〕酒果有了也。〔正末唱〕大開筵當把皇恩報。

〔梅花酒〕呀。韻悠悠的樂動着。〔地福神云〕將酒來。吾神與天神行一盃者。〔把盞科〕〔云〕滿飲一盃。〔天福神飲科〕〔地福神云〕再將酒來。這盃酒衆位神祇休怪。鍾馗滿飲此盃。〔正末云〕還從別位神祇來。〔唱〕金盞內香醪。見上聖擎着。說的我身搖。〔天福神云〕則爲你正直無私。聖人與你立廟陞堂。該飲此盃。〔正末唱〕則爲我心正直。又不曾見功勞。受用這好蓋造。〔天福神云〕今日三陽開泰。萬民樂業。五穀豐登。皆因是當今聖人孝敬。仁慈太重。感的蒼天如此也。〔正末唱〕因聖主賽唐堯。感萬國盡來朝。

〔喜江南〕呀。俺可便拚今朝。沉醉樂醕醕。保華夷萬載永堅牢。見如今仁文義武好官僚。保助着聖朝。願當今聖主壽年高。〔天福神云〕您衆神祇聽者。大唐朝宇宙清寧。無土馬絕滅煙塵。普天下風調雨順。遍四海五穀豐登。豐稔歲穀生雙穗。軍士喜無事相爭。聖有德賢臣輔佐。臣孝敬報國於忠。時遇着正旦節屆。慶豐年天下昇平。擺列着珍饈美味。開玳宴。御酒重斟。千邦獻千般異寶。萬國進萬物奇珍。中福神驅兵領袖。三陽開威鎮天庭。鍾馗爲神聖都統。掌領着萬隊妖兵。今日箇加官賜賞。一齊的望闕謝恩。

題目

賀新正喜賞三陽宴

正名

慶豐年五鬼鬧鍾馗

鬧鍾馗穿關

楔子

知縣一字巾 補子圓領 張千攢頂 圓領 社長方巾 青布直身 正末鍾馗唐巾 衫偏帶

三髯

頭折

五道將軍鳳翅盔 膝襴曳撒 袍 項帕 判官詔巾 綠欄 睡魔鬼鬼頭 錦襖 項

纏搭膊 正末鍾馗同 大耗 小耗同前睡 青黃赤白黑五方鬼五色鬼頭 錦襖 項帕

第二折

殿頭官兔兒角幘頭 補子 張千同前 張伯循同前 楊國忠紗帽 補子 常風發傻

儒巾欄 正末鍾馗同

第三折

殿頭官張千張伯循大耗小耗五方鬼俱同正末鍾馗韶巾紅襖偏帶紅髮紅髯笠子笏
竹節

第四折

天福神地福神展角幞頭紅襖鬼力同前睡魔鬼春福神壽祿神同前天福神五道將

軍判官睡魔鬼同土地方巾邊欄直身竈神弁冠上衫袍方心曲領火裙

三髯執圭井神枕頭冠上衫袍方心曲領火裙錦綬牌執圭廚神同竈神門神戶神鳳翅盔

膝欄曳撒袍項帕金靠上陽真君如意蓮花冠鶴氅牌子中陽真君如意冠

直纏搭膊帶三髯髯斧下陽真君同前中綿羊太子狐帽膝欄曳撒比甲三羊衣

正末鍾馗大耗小耗五方鬼同前

乙卯七月廿七日校內本清常道人

紫微宮慶賀長春節

闕名

第一折

〔冲末扮赤脚大仙引仙童上〕〔云〕紫微久奠立三才。已判輕清道化開。大抵人能修至理。管教平步上蓬萊。小聖乃玉清府赤脚大仙是也。自從混沌之始。修成大道。位列上仙。名登紫府。居無何之天。掌通奏之事。但凡人世有忠孝行善修德之人。盡於小聖舉奏上帝。增加福惠。凡有不忠不孝之人。減算除年。此乃天道。報應感通。今爲下方聖人治世。孝過虞舜。德并羲軒。崇敬三寶。廣修善事。治黎民樂大有之年。撫夷狄享太平之福。好生惡殺。雖五帝三王。亦無所過。有三官大帝。恭將皇上敬天恤民。寬恩仁孝之心。舉奏與上帝。上帝勅令小聖。分委四季神聖。於四海之中。着令風調雨順。五穀成熟。地產麒麟。天生鳳鳥。如今乃十月將終。欲教雪月梅三白現瑞。降福呈祥。以介皇上感通之誠。小聖不敢違悞。須喚冬季玄冥神。并滕六來分付。兀那仙童。與我喚將玄冥神滕六來者。〔仙童做喚科〕〔外扮玄冥神同滕六上〕〔玄冥云〕位專冬季號玄冥。地閉天開不降昇。人世若能知歲改。推遷一氣復回生。小聖乃玄冥神是也。這一位是滕六神。俺主司冬季。位列北天。曠嚴凝之冷氣。變凜冽之寒威。今有赤脚大仙呼喚。不知有甚事。須索走一遭去。可早來到

也。報伏去。道有玄冥和滕六來了也。〔仙童做報科〕〔見科〕〔玄冥云〕上聖稽首。呼喚小聖來有何事分付。〔赤脚仙云〕我喚您來不爲別。今奉上帝之命。爲因下方聖君治世。仁孝賢明。崇敬三寶。廣修善果。分委四季之神。於四海之中。降祥風瑞氣。雨暘時若。五穀豐登。如今乃十月將終。欲教三白呈祥。百瑞駢集。小聖特喚你來商議。呈祥現瑞去。此係上帝之命。不可違悞也。〔玄冥云〕上聖。這主司冬季。正當小聖之權。這三白應瑞。不該小聖所掌。乃滕六所司之事。〔赤脚大仙云〕滕六。此是你職分掌管之司。你當呈獻祥瑞去。〔滕六云〕若論三白呈祥呵。降祥瑞雪。乃是小聖所管。所有海月。非小聖所管。上聖可請紫微夫人來商議。有何不可。〔赤脚大仙云〕你也說的是。兀那仙童。與我請將紫微夫人來者。〔仙童做請科〕〔外扮紫微夫人上〕〔云〕重濁沉爲地。輕清上屬天。人能修至道。身乃作真仙。梓童乃玉清府紫微夫人是也。修真於異劫之先。成道於混元之始。身登紫府。位列丹臺。掌管玉帝殿下一切出納勅令之事。今有赤脚大仙來請。不知有甚事。須索走一遭去。可早來到也。仙童報伏去。道有紫微夫人來了也。〔仙童做報科〕〔見科〕〔紫微夫人云〕大仙。今日請喚梓童來有何事。〔赤脚大仙云〕無事也不請夫人來。今奉上帝之命。爲因下方聖君治世。敬天撫民。上感天帝。着令四季之中。雨暘時若。如今十月將終。欲令三白呈祥。百瑞駢集。小聖方纔喚將玄冥和滕六來商議。他二神正掌管節候。未知三白祥瑞。

何神所管。特請夫人來商議。〔紫微夫人云〕元來是下方聖人。以仁孝治天下。此乃正當呈祥獻瑞。遣三白呈祥。乃是雪月梅。正是如今冬季之祥。降祥瑞雪。乃滕六所管。遣梅月乃廣寒仙子和梅花仙子所司。可喚他來分委。有何不可。〔赤脚大仙云〕正是如此。仙童與我喚將廣寒仙子和梅花仙子來者。〔仙童做喚科〕〔正旦扮廣寒仙子外旦扮梅花仙子上〕〔正旦云〕小聖廣寒仙子是也。這一位是梅花仙子。小聖稟太陰之精氣。受陽日之餘光。居廣寒之府。位清虛之殿。號曰嫦娥。俺曾奉玉帝之命。但遇冬季。雪月梅爲人間三白之瑞。但凡下方聖人治世。必令俺呈祥獻瑞。方纔在月宮游賞。有赤脚大仙和紫微夫人呼喚。不知有何事。〔梅花仙云〕此乃冬季之時。想必令俺呈祥獻瑞去也。〔正旦云〕若論俺梅月。實爲人間之佳瑞也呵。〔唱〕

〔仙呂點絳脣〕則我這皓魄光浮。更和那玉梅香度。則把這蟾光布。委的是表裏冰壺。梅月雙清素。

〔混江龍〕一輪玄玉。全按着地天動靜返陽烏。月華耿耿。梅影疎疎。皓彩一輪攢七寶。寒香萬點出清癯。明皎潔光昇海嶠。影婆娑夢到西湖。月光射金波素彩。梅花映玉骨冰膚。懸金鏡碾開雲表。發瓊枝占斷花衢。東坡仙幾爲月明來。隴頭人曾寄春光去。冰蟾可詠。玉藥堪圖。〔云〕俺說話中間。可早來到也。〔梅花仙云〕暗

向前去。兀那仙童。你報伏去。道有廣寒仙子和梅花仙子來了也。〔仙童做報科〕〔見科〕〔紫微夫人云〕您二位來了也。〔正旦云〕上仙喚俺二人來。有何法旨也呵。〔唱〕

〔油葫蘆〕我這裡叉手躬身忙拜復。有何事呼喚吾。〔赤腳大仙云〕你二人身上的事。你猜者。〔正旦唱〕莫不是犯天條有罪。謫清虛。莫不是定盈虧。朔望失躔度。莫不是變陰陽。節候違時序。〔赤腳仙云〕不是這等。你再猜者。〔正旦唱〕小聖可使才智淺。情性愚。我這裡便參詳半晌空思慮。望上聖仔細說何如。〔赤腳大仙云〕喚你二位仙子來。不爲別。今奉上帝之命。爲因下方聖人治世。崇敬三宝。以仁孝至德而治天下。上帝感其德。着令四海之內。風調雨順。如今十月將終。欲令你三白呈祥獻瑞去。方纔喚將玄冥和滕六來。他皆知道了。有紫微夫人。舉你二人呈獻祥瑞去那。〔紫微夫人云〕此乃上帝之命。不可違悞也。〔正旦云〕原來是如此。正當小聖等所行也呵。〔唱〕

〔天下樂〕原來是帝主仁明天降福。呈獻這祥也波符。調風雨。皆因是聖明君。治安過上古。孝誠過漢唐。威儀邁舜禹。普天下樂昇平。朝帝都。〔玄冥云〕上仙。若雪月梅三白之瑞。實上天之嘉貺也呵。〔滕六云〕小聖降其瑞雪。滋禾潤稼。此乃天上之瑞。國家之至寶也。〔梅花仙子云〕小聖當與雪月競秀。應其佳兆。〔赤腳大仙云〕論這三白之祥瑞。端的

是非同小可。您試說一遍。俺聽者。〔正旦云〕上聖試聽小聖說一遍者。〔唱〕

〔那吒令〕若論這瑞雪呵。降冰花玉粟。若論這皓月呵。映冰蟾玉兔。若論這素梅呵。逞冰肌玉骨。雪景將皓月凝。月色把梅花助。端的是不染塵俗。〔紫微夫人云〕您二人須索用心。呈此祥瑞。不得怠慢也呵。〔滕六云〕我等職所當爲。豈敢怠慢也呵。〔赤脚大仙云〕此乃上帝之命。非同小可也。〔正旦云〕上聖。我等奉命而行也。〔唱〕

〔鵲踏枝〕我便可遍清虛。滿寰區。雪釀彤雲。月映天衢。這瑞雪呵。滋田潤土。遍乾坤禾稼成熟。〔梅花仙云〕俺三人今日既奉上帝。須索降瑞呈祥。走一遭去來。〔紫微夫人云〕此乃下方聖人仁德所致也。〔赤脚大仙云〕出於上帝勅命。非同小可也。〔正旦云〕俺既奉上帝命。豈比尋常也呵。〔唱〕

〔寄生草〕俺三人承天命。蒙帝語。雪花落處鋪瓊玉。月華明處含白玉。梅花開處籠寒玉。俺今日清虛殿裏沐恩回。明日往大明天下呈祥去。〔滕六云〕既然領命。不必久停。俺只今拜辭了上仙。一同的呈祥去來。〔正旦唱〕

〔賺煞〕則爲這聖主邁羲軒。臣宰過房杜。普天下皆賴仰一人洪福。因此上瑞應三白潤五穀。〔紫微夫人云〕此一去須要用心也。〔正旦唱〕既承當。豈避馳驅。〔滕六云〕

俺三人拜辭了上仙者。〔正旦唱〕俺一齊的向天都拜舞山呼。〔云〕此一去〔唱〕我教那普天下黎民皆富足。見如今夷狄納土。皇圖鞏固。委的是聖明天子百靈扶。〔滕六與二仙同下〕〔赤脚大仙云〕他三人去了也。此一去。必然呈祥瑞。以應豐年之兆。噲無甚事。一同的回上帝話。走一遭去來。只爲吾皇德至仁。故令祥瑞應時臻。共祈聖壽千千載。永保皇圖萬萬春。〔同下〕

第二折

〔淨扮歪刺仙女上〕〔云〕我做仙女。齡達。年紀纔有二八。外名喚爲白六。道號喚做歪刺。自家是這西池金母殿前歪刺仙女。因爲我從小兒有些風傻。奉金母法旨。罰我在此打掃殿庭。永爲散油仙女。今日打掃的這殿宇乾淨。這早晚金母敢待來也。〔外扮金母引瓊絳絳節上〕〔云〕蓬萊宮闕耀清輝。紫霧紛紛瑣翠微。莫道洞天無樂處。此心常共白雲飛。梓童西池金母是也。自從無始之先。得天地混元之氣。化身金闕。注名丹府。掌管天上天下一切得道仙衆。俺這閬苑之中。有四時不謝花。八節長春景。如今乃小春之後。喜的惠風和暢。瑞氣冥濛。此必佳祥之兆。梓童且向長春殿上。閱閱仙籍去。兀那仙女。〔淨做見科〕〔做軀老打喏科〕〔云〕喏喏喏。〔金母云〕你怎的。〔淨云〕沒我耍子兒。〔金母云〕你打掃的這殿宇乾淨了麼。〔淨云〕都乾淨了。〔金母云〕

既然乾淨了時。且外邊看着。但有夫人來時。報伏我知道。〔紫微夫人同青玄夫人上〕「云」太極高山第一峯。飛昇於此任從容。有時閑向三天去。直上瑤臺第幾重。梓童乃紫微夫人是也。這一位是青玄夫人。俺今日無甚事。向西池長春殿。訪西池金母。談論道話。走一遭去來。〔青玄夫人云〕夫人。噲說話中間。可早來到了也。〔紫微夫人云〕兀那仙女。報伏去。道紫微夫人同青玄夫人。在於門首。〔淨云〕我知道了。等我報伏去。〔淨見金母科〕「云」報得仙母得知。有紫鷄夫人和青猿夫人在於門首。〔金母云〕甚末紫鷄和青猿。〔淨云〕是紫鷄和青猿。我不說謊。〔金母云〕噯。敢是紫微夫人和青玄夫人。〔淨云〕是我這兩日有些耳聾。〔金母云〕道有請。〔淨做請科〕「二夫人見科」〔金母云〕二位夫人來了。請坐。〔紫微夫人云〕今日無甚事。特與仙母講論些話來。〔金母云〕請坐。仙女門首看者。有夫人來。報伏我知道。〔正旦扮瑤池仙子上〕「云」小聖乃瑤池仙子是也。身居蓬島。位列丹臺。職掌閬苑之中一切花果。如今十月將終。有瑤池內蟠桃成實。此桃九千年方得一熟。更有閬苑中青蓮瓊花白梅紅桂。百卉並芳。羣花綻坼。更勝三春豔麗。此乃萬年希遇吉祥之兆。小聖職位所司。不敢延遲。須向西池報與金母走一遭去。看了我這仙家景致。端的是清幽佳勝也呵。〔唱〕

〔越調鬪鶴鶉〕則俺這閬苑瑤池瀛洲蓬島。端的是瑞氣氤氳。祥光繚繞。更有

那異寶奇珍。靈芝瑞草。俺這裡天最寬。人不老。足履三山。眼觀八表。

〔紫花兒序〕則俺這湘裙蕩漾。玉珮玎玲。繡帶飄飄。高盤鳳髻。款整鸞翹。逍遙。敬把西池金母朝。只爲太平佳兆。開綻羣花。成結蟠桃。〔云〕說話中間。可早來到也。

兀那女童。你報伏去。道有瑤池仙子來朝見仙母。〔淨云〕知道了。你回去了罷。〔正旦云〕我有啓奏的事。來見仙母。〔淨云〕見了我一般。仙母不得閑。你曉的官府裏散度牒末。〔正旦云〕可

怎末說。〔淨云〕道是不與錢的不放。〔正旦云〕你則報伏一聲。〔淨云〕等着我報伏去。〔做報科〕

〔見科〕〔金母云〕瑤池仙子。此一來有何事。〔正旦云〕小聖有啓知事。特來相見仙母也。〔紫微

夫人云〕瑤池仙子。此一來必有奇異之事。你試說者。〔正旦云〕仙母試聽。小聖說者。〔唱〕

〔小桃紅〕仲冬節序始相交。勝景多奇妙。瑤池內瑞彩祥雲盡籠罩。總堪描。則這蟠桃結果皆榮耀。更有他這交梨火棗。牡丹芍藥。爭豔盡開苞。〔金母云〕原來是閭苑中蟠桃成熟了。更有百花競麗。此乃嚴冬時候。有此佳兆。此必下方聖人治世孝誠所感。兀的瑤池仙子。你須用心看守。上帝知此。必來賞翫也。〔正旦云〕小聖知道了也。〔唱〕

〔金蕉葉〕看了這閭苑中祥光縹緲。罩定瑤池玉島。端的是天晴日曉。更堪那風清月皎。〔青玄夫人云〕此乃下方聖人孝感。以致上天有此佳兆也。〔金母云〕此乃吉祥之兆。

仙子你當啓奏上帝去。有設宴慶賀。有何不可。(正旦唱)

〔調笑令〕瑤池中景好。端的是最奢豪。更有那和氣祥風迷殿閣。單應着有德聖皇昇平兆。四時中風雨和調。因此上青蓮碧藕出玉沼。委的是景物豐饒。(金母云)上帝若知有此佳兆。必設筵會慶賀也。(正旦唱)

〔禿厮兒〕幸遇此奇花異草。正相宜設饌烹魚。羣仙慶會同宴樂。逢月夕。值花朝。歡樂陶陶。

〔聖藥王〕瑞靄飄。香霧遶。這正是海山銀闕宴蟠桃。幸喜的節序好。景物標。更勝似詩成珠玉在揮毫。端的是勝景總堪褒。(金母云)我已知道了。你當用心看守。若論如此佳景。宜當慶賀。你無甚事。且回你那瑤池中去也。(正旦云)仙母稽首。小聖今日啓奏過仙母了也。(唱)

〔尾聲〕只因這瑤池中勝景多奇妙。百卉千葩豔嬌。堪可以獻佳祥。與吾皇祝壽考。(下)(金母云)二位夫人。如今十月將終。瑤池中有此佳祥出現。必有緣故。咱無甚事。同回洞天去來。仲冬佳節。景堪褒。百卉千葩豔嬌。可向西池開宴飲。羣仙慶會賞蟠桃。(同下)

第三折

〔淨扮歪刺仙女上〕〔云〕我做仙女也臭。好吃蒜伴牛肉。諸般道法不會。終日則做白六。自家歪刺仙女是也。昨日有瑤池仙子來報金母。道瑤池中蟠桃結熟了。金母欲要設宴慶賞。惟恐金母出來。我打掃的這殿宇乾淨。這早晚敢待來也。〔金母引仙童仙女同紫微夫人上〕〔云〕靜裏乾坤大。壺中日月長。梓童金母是也。這一位是紫微夫人。昨日有瑤池仙子來報。道閭苑中蟠桃已熟了。又兼百花競麗。更勝三春之景。此乃萬古希遇之兆。禮當慶賞也呵。〔紫微夫人云〕仙母。若論此事。正宜慶賞也。〔金母云〕兀那歪刺仙女。便與我喚將許飛瓊董雙成來。〔淨做喚科〕〔外扮許飛瓊同董雙成上〕〔云〕雲鎖丹臺戶不扃。夜深時聽步虛聲。閑來料得無餘事。時復乘雲上太清。自家許飛瓊是也。這一位是董雙成。方纔在仙苑中閑遊。有金母呼喚。不知有甚事。須索走一遭去。兀那仙女。報伏去。道有許飛瓊和董雙成來了也。〔淨報科〕〔見科〕〔云〕仙母。俺一人來了也。〔金母云〕我喚你來不爲別。昨有瑤池仙子來報。閭苑中蟠桃成熟了。我欲要設筵慶賞。你二人莫得遲滯。便與我邀請。走一遭去。〔許飛瓊云〕俺二人謹領法旨。〔金母云〕兀那仙女。門首看者。但有夫人來時。報我知道。〔淨云〕理會的。〔正旦扮傳言玉女上〕〔云〕梓童乃玉帝殿前傳言玉女是也。今奉上帝之命。爲因下方聖人治世。崇敬三寶。治安黎庶。前者有三官大帝。將聖上仁孝恩德之心。舉奏於上帝。已令四季神員。着令風雨調和。四時順序。臻降祥符。以延國

祚如今乃仲冬時序。昨有瑤池仙子。啓奏閬苑中蟠桃成熟了。又兼百花並麗。衆卉齊芳。上帝知有此瑞。十分大喜。遂令梓童敬向西池。傳與金母。明日乃下方聖人萬壽聖節之辰。着令蓬島衆仙。各捧蟠桃異物。於紫微宮祝延萬年聖壽。梓童不敢延遲。須索報與金母。走一遭去。看了這西池仙景。端的是另是天上一重天也。〔唱〕

〔中呂粉蝶兒〕看了這閬苑西池。景幽閑另般佳致。靄空濛香霧霏霏。彩鸞飛。仙鶴舞。玄猿聲喚。瑞彩光輝。這的是蓬萊中洞天福地。

〔醉春風〕我便是咫尺離三天。逡巡隔弱水。端的是海山銀闕景奢豪。常好是美美。繡幕珠簾。雕梁畫棟。金堦玉砌。〔云〕說話中間。可早來到了也。兀那仙女。報伏去。道

有玉帝殿前傳言玉女。在於門首。〔淨做報科〕〔見科〕〔金母云〕玉女請坐。此一來有何事。〔紫微夫人云〕玉女想必有事。無事也不來。〔正旦云〕梓童傳奉玉帝勅命。特詣仙府也呵。〔唱〕

〔迎仙客〕我可便奉天言離玉陛。承帝命到仙扉。我向這上仙行仔細須奏啓。則爲這聖明君多大德。委的是端拱無爲。因此上天地重恩惠。〔金母云〕玉女原來是傳奉着上帝勅令到此。不知有何事也。〔正旦云〕仙母。梓童非敢私來。試聽梓童說一遍者。

〔唱〕

〔石榴花〕則爲這聖明天子掌華夷。四海樂雍熙。撫安的八方黎庶盡安逸。家邦盡禮。海外來儀。因此便上天昭感。臻祥瑞。遇蟠桃結果成實。羣花綻坼多佳麗。幸喜的聖節值佳期。

〔鬪鶴鵒〕上帝命金母開筵。羣仙會集。都要您祝壽延年。供奇進美。則要您設饌排肴。向紫微。祝萬壽天地齊。但祝願帝道千年。皇圖萬紀。〔金母云〕原來是上帝

着令俺衆仙女。與下方聖主祝壽延年。梓童方才欲令許飛瓊報伏各仙女慶賀蟠桃。原來上帝亦頒此恩。端的是非同小可也。〔紫微夫人云〕此乃上帝勅命。如今便索請報衆仙女。明日向紫微宮慶賀也呵。〔正旦云〕此乃出於上帝勅命。不得遲滯也。〔唱〕

〔快活三〕到來日向紫微。排珍饌設筵席。開懷暢飲樂歡喜。慶賞蟠桃會。

〔朝天子〕高擎着玉盃。滿斟着綠蟻。聽一派笙歌沸。沉檀香裊紫金猊。舞態嬌歌聲媚。曉霧濛濛。香風細細。有鸞簫。聞玉笛。仰天恩大德。感皇明聖威。因此上祝聖壽同天地。〔金母云〕梓童已知道了。只今便請報衆仙女。明日同赴太極紫微宮。與皇上祝

延萬年之壽也。〔正旦云〕仙母既領上帝之命。梓童當回奏玉帝話去來也呵。〔唱〕

〔耍孩兒〕到來日開筵慶賀休遲滯。同慶賞堯年舜日。祝延萬壽等南極。聽山

呼萬歲聲齊。祥風麗日開黃道。曉霧晴雲遶鳳池。歡聲溢。祝皇朝攸久。聖道遐彌。

〔尾聲〕則爲這皇明德至仁。因此上羣仙同賀喜。家齊國治皆完備。永掌山河十萬里。〔下〕〔金母云〕傳言玉女去了。只今便請瑤池衆仙女。明日早赴紫微宮。慶賀萬年之壽。噲無事。回仙苑中去來也。聖壽千千紀。皇圖萬萬春。朝廷多有道。四海盡歸仁。〔同下〕

第四折

〔外扮九天使者引四直功曹上〕〔云〕捷疾飛行不暫停。職司傳遞位天庭。隨聲應感垂昭報。時復傳宣下玉京。吾神乃天雷部下九天使者是也。這四位乃四直功曹。昨奉上帝之命。爲因下方聖人寬恩仁孝。以感上天。有閬苑中蟠桃成熟。今日乃是皇上萬壽聖節。上帝令金母同瑤池衆仙子。都來此太極紫微宮。祝延聖壽。上帝令吾神等在此布慶雲瑞靄。散和氣祥風。侍衛衆仙。設宴慶賞。吾神等已布散祥符了。在此伺候衆仙女。這早晚敢待來也。〔金母同許飛瓊董雙成并仙女執金幡玉節捧碧藕蟠桃上〕〔云〕梓童西池金母是也。爲因閬苑中蟠桃成熟。喜逢下方聖人萬壽聖節佳辰。奉上帝勅令。着梓童瑤池衆仙女。在此太極紫微宮設筵宴。各捧長生壽物。遙祝萬壽。梓童來此排設筵宴。這早晚衆仙女敢待來也。〔紫微夫人同青玄夫人引仙女各捧

日精月華上」〔云〕祥雲迷寶殿。瑞氣竊空蒼。梓童紫微夫人是也。這位是青玄夫人。昨奉上帝勅命。今日來此紫微宮。與下方皇上祝延聖壽。梓童同青玄夫人各捧日精月華。以介祝壽之物。仙女兀那紫微宮中金母先來了也。俺索向前去參見去來。〔見科〕〔金母云〕二仙女來了也。等衆仙女來了時。一同祝壽。〔外旦扮淇園仙子同青女素娥各捧祝壽之物上〕〔云〕一入淇園積有年。凌霜傲雪自依然。長房執杖爲龍後。身向瑤池作大仙。自家淇園仙子是也。這二位是青女素娥。今日是下方聖人萬壽聖節。奉上帝之命。着令金母同領俺瑤池衆仙女向紫微宮祝延聖壽。我等不敢延遲。各捧此祝壽之物。親向紫微宮祝壽去。說話中間。可早來了也。嚕一同參拜仙母去來。〔見科〕〔金母云〕你三人來了也。等衆仙女來全了時。嚕同祝賀。〔正旦扮廣寒仙子玉花仙子梅花仙子各捧蟾蜍瑞雪梅花上〕〔云〕小聖廣寒仙子是也。這二位是玉花仙子梅花仙子。因爲下方聖人以仁孝治天下。感動上天。上帝已令四季之中。各令風調雨順。五穀豐登。以應佳兆。近有瑤池中蟠桃成熟了。更兼羣花復開。更勝三春之麗。此乃千載希有吉祥之兆。奉上帝勅令。今日乃是皇上萬壽聖節之辰。令俺衆仙女各捧祝壽之物。於此紫微宮祝賀萬壽。小聖等不敢延遲。敬去祝壽去來。您看這祥雲瑞氣。曉日和風。端的是太平佳兆也呵。〔唱〕

〔雙調新水令〕則他這慶雲和氣滿空蒼。正應着聖明君太平有象。這的是紫

微宮祝聖壽。玉清府獻禎祥。但則願國祚延長。萬載永興旺。

〔駐馬聽〕瑞彩飄揚。日映金門燦曉光。祥風浩蕩。烟生寶鼎裊沉香。你看這雕欄前後列旌幢。玉階左右排仙仗。君聖臣良。因此上昊天昭感垂佳貺。〔云〕俺一

齊參見金母去來。〔見科〕〔云〕仙母。俺都來全了也。〔金母云〕衆仙女既來全了時。俺設筵開宴。

與皇上祝壽者。〔紫微夫人云〕俺一齊的奉着壽酒。列着仙肴。慶賀萬壽。有何不可。〔正旦唱〕

〔沉醉東風〕我則見許飛瓊高擎着壽章。董雙成滿捧霞觴。素娥慢慢歌。青女低低唱。梅花仙疑撒雲陽。俺可使更與皇明祝壽昌。但則願永遠長生宴享。〔金

母云〕俺衆仙子既奉上帝勅命。與皇上祝延聖壽。各盡懇誠。喚將十仙女來捧着十長生壽物。

舞着唱着祝賀者。〔紫微夫人云〕仙母。正是如此。〔十仙女各捧十長生壽物上〕〔紫微夫人云〕

你十仙女舞着唱着祝賀者。〔十仙女舞唱科〕〔正旦唱〕

〔沽美酒〕俺一齊的歌着異腔。一齊的舞着霓裳。抵多少醉後開筵出豔妝。這的是蟠桃會慶賞。衆羣仙盡歡暢。

〔太平令〕鬧穰穰歡聲嘹唳。聲嚶嚶歌韻悠揚。皆保祝當今皇上。永相承吉人天相。四方讚揚。稽顙。萬萬載山河保障。〔紫微夫人云〕慶賀已畢。衆位各回本位去也。

〔下〕

題目

瑤池母聚集衆仙姬

正名

紫微宮慶賀長春節

于小穀本錄校丁巳仲夏二十三日清常

賀萬壽五龍朝聖

闕名

楔子

〔沖末扮捲簾大將軍領鬼力上〕〔云〕奉勅傳宣志氣雄。身居紫府住蒼穹。大帝殿前惟吾長。威靈直正做天神。吾神乃水官大帝殿前捲簾大將軍是也。爲吾平生直正。勇猛神威。喜來閬苑會羣仙。悶後閑遊三島境。端的是清虛徹碧漢。紫氣罩丹霄。層層八寶嵌金樓。巍巍太華白玉閣。爲吾神能掌天曹。傳勅號令。大帝加吾神爲捲簾大將軍之職。今有下方聖人萬壽之節將近。有三界神祇。年年在南天門寶德關。望下方祝讚聖壽。今奉水官大帝勅令。別揀了一所宮殿。朝下方祝讚。今着吾神差遣一員神將。傳與水府聖衆。并四海龍王。各要一莊稀奇寶物。祝延聖壽。今差使者。先請福祿壽三位星官去了。鬼力望者。三位星官來時。報復吾神知道。〔鬼力云〕理會的。〔外扮福祿壽三星上〕〔福星云〕專管人間善惡因。只宜作福永長生。吾皇聖壽齊天福。祝讚遐齡萬萬春。貧道乃上界注福星君是也。這是祿壽二星君。俺專管人間善惡因緣之事。長生不老之年。每遊三界察虛實。長隨仙子觀蓬島。俺輪流下界。延昌貴人福壽綿綿。今因下方聖人德過堯舜。仁邁禹湯。孝同文景。上天有感。俺年年在南天門寶德關慶賀聖壽。今有水官大帝部下捲

簾大將軍請俺。不知爲何。二位星君。俺行動些。〔祿星云〕星君。這九霄之上。神仙三界。萬靈眞宰。恭遇聖人萬壽。俺披袍秉笏。至日祝讚。皆是衆神誠敬有感也。〔壽星云〕二位星君說的是。時值美景。又遇佳辰。俺三界神靈。咸臻降福。紫氣交加。此乃仁主之德也。今日請俺。不知爲何。可早來到也。鬼力報復去。道有俺三位星君來了也。〔鬼力云〕理會的。報的大將軍得知。有三位星君來了也。〔大將軍云〕道有請。〔鬼力云〕理會的。有請。〔三星見科〕〔福星云〕捲簾大將軍。俺三位星官來了。請俺不知爲何也。〔大將軍云〕三位星君。奉俺水官大帝勅令。今遇聖人萬壽之節。年年。在南天門下祝壽。今次俺大帝勅令水部下神祇。於海上別選一所宮殿。望京拜獻。以表敬奉之誠。先與三位星官說知。即便差能行之神。勅令東海龍王知道。未知尊意如何。〔壽星云〕好好好。如在海上望京拜謝。委實臨近。俺說與別的神祇。至日都來海上祝壽。着那一員神將傳宣去也。〔大將軍云〕未曾差遣。等三位來商議定。方差遣也。〔祿星云〕別的神將也不會幹事。有飛天神王。能行疾走。神通廣大。他可以傳宣去也。〔大將軍云〕星官所舉者當也。鬼力與我請飛天神王來者。〔鬼力云〕理會的。飛天神王。上聖有請。〔正末扮飛天神王上〕〔云〕小聖乃上界水官大帝位下飛天神王是也。爲小聖疾走能行。性如急電。但是傳宣奉勅。都差小聖。今日正在九霄雲軒聽令。有捲簾大將軍來請。須索走一遭去。可早來到也。鬼力報復去。道有小聖來了也。〔鬼力云〕

理會的。報的大將軍得知。有飛天神王來了也。〔大將軍云〕道有請。〔鬼力云〕理會的。有請。〔正末做見科〕〔云〕衆位尊神。喚小聖那裡使用。〔大將軍云〕飛天神王。請你來不爲別。今因下方聖人萬壽之節。有大帝勅令。將宣勅傳與水府聖衆。并四海龍王。各要一件稀奇罕物祝壽。恰纔三位星官所舉你去。只今將着宣勅。先與東海龍王者。〔正末云〕原來爲此事。小聖謹領法旨也。〔福星云〕飛天神王。此事不可怠慢。上帝所言。海上揀一所清幽宮殿。俺衆神祇至日祝延聖壽。你只今便行。〔正末云〕小聖得令。則今日將着宣勅。先見東海龍王。走一遭去也。〔唱〕

〔賞花時〕則爲這聖主仁慈天下揚。請的那三界神祇親自往。〔大將軍云〕你先見了東海龍王。開讀宣勅。着他揀一所好宮殿。先着巡海夜叉。報俺知道也。〔正末云〕小聖謹領神旨也。〔唱〕今日箇會四海衆龍王。寶物在金盤中放光。〔云〕衆尊神恕罪。小聖傳勅去也。〔福星云〕俺專等你回報也。〔正末云〕上聖放心也。〔唱〕都着他在海口拜吾皇。〔下〕〔大將軍云〕飛天神王去了也。三位星君。且請回本位。等他別選了海邊宮殿。便着使者再去請也。〔福星云〕捲簾大將軍。俺知道也。二位星官。俺回去來。至日會衆神祇。祝延聖壽也。〔壽星云〕說的是。俺同天界。至日同共祝延聖壽去來。每年在寶德天關。衆神祇祝壽臨凡。選海島龍宮去處。那其間衆聖回還。〔同下〕〔大將軍云〕三位星官去了也。飛天神王。先傳與東海龍王。然後聚水部

聖衆。望下方祝延聖壽。吾神回大帝話。走一遭去。今差遣疾走天神。到東海開詔分明。選揀下稀奇寶物。望帝闕共賀龍庭。〔同下〕

頭折

〔外扮東海龍王領巡海夜叉上〕〔云〕雪浪滔滔不見邊。雲騰霧鎖鎖山川。吾居東海深淵殿。水勢波翻接上天。吾神乃東海銀勝龍王是也。管領潮源進落之期。得道逍遙之境。我這東海。山高有盡。海闊無邊。層層浪滾銀波。攘攘風濤勢湧。東連山嶽。西接城都。南據落嶺滄溟。北鎮平湖遠塞。端的起天柱地。惟吾掌管壓閭浮世上人。今因下方聖人有德。年年三界神祇。在南天門寶德關拜賀。俺水部神衆要去。不得水官大帝勅令。不敢擅離水府。今聚吾手下衆水部神祇商議。着一員神將。去啓知上帝。俺至日四海五龍。各將異寶祝獻。表俺受國家香火之恩。着水卒請衆水神去了。夜叉望者。若來時。報復吾神知道。〔夜叉云〕理會的。〔外扮巡海大聖巨風大聖上〕〔巡海大聖云〕水滾波翻浪萬條。層層如雪起風濤。管伏四海邪魔祟。大地乾坤宇宙牢。小聖乃東海龍王手下巡海大聖是也。這位神祇。乃是巨風大聖。俺生居水府。長在深淵。潮隨大浪起雲衝。每遇朝元謁上境。今因四海平波。萬方寧靜。皆是聖人所感。今有上聖聚俺。不知爲何。巨風大聖。俺行動些。〔巨風大聖云〕巡海大聖。俺這海中生萬物。潭內長仙花。滾滾滄波綠。滔滔勢力雄。今

上聖聚俺。必然有事分付。可早來到也。巡海夜叉報復去。道有俺二聖來了也。〔夜叉云〕理會的。報的龍神得知。有巡海巨風二聖來了也。〔東海龍王云〕着他過來。〔夜叉云〕理會的。過去。〔二聖見科〕〔巡海大聖云〕上聖呼喚俺二聖。有何神旨也。〔東海龍王云〕您二聖且少待。等水部神來全時。有事商議。這早晚敢待來也。〔淨扮赤旦公鼈長者上〕〔赤旦公云〕杳杳洪波徹上穹。紛紛一派望東傾。吾居水府多年久。上帝加封赤旦公。小聖乃東海龍王手下赤旦公是也。這位是鼈長者。俺管領着海內魚鼈蝦蟹百樣生靈。每朝巡海顯威靈。數次乘風隨浪去。小聖今日正在水晶宮前點開水獸。有上聖聚俺。不知爲何。鼈長者。俺行動些。〔鼈長者云〕赤旦公。你不知。俺東海龍王。昨日浮遊三界回來。必然見下方聖人。有德感動天庭。今日聚俺。須索走一遭去。可早來到也。巡海夜叉報復去。道有俺二聖來了也。〔夜叉云〕理會的。報的龍神得知。有赤旦公鼈長者來了也。〔東海龍王云〕着他過來。〔夜叉云〕理會的。過去。〔二聖見科〕〔赤旦公云〕上聖今日聚俺水府神祇。不知爲何也。〔東海龍王云〕您二聖且少待。等水部神來全時。與您商議。這早晚敢待來也。〔淨扮蛤蟆大夫上〕〔云〕我是蛤蟆大夫。一生性子糊突。但若巡海耍子。好喫麵筋豆腐。自家東海龍王手下蛤蟆大夫是也。論我在下的神通。委實能哉。一生光彩。有人拏我變做螃蟹。恰纔正在後面和鮎魚頭打清蛙兒耍子。有上聖聚俺。我在下走一遭去。可早來了。我姪兒

報復去道有你蛤蟆老爹來了。〔夜叉云〕理會的。報的龍神得知。有蛤蟆大夫來了。〔東海龍王云〕着他過來。〔夜叉云〕理會的。過去。〔蛤蟆大夫見科〕〔云〕上聖。今日聚俺衆水神。那裡耍子去。〔東海龍王云〕您都來全了也。〔巡海大聖云〕都來全了。上聖今有何事商議也。〔東海龍王云〕您衆神祇都不知。今下方聖人德過三皇。聖如五帝。幸值良時。乃萬壽聖節之辰。三界神祇。年年在南天門寶德關祝壽。吾欲會合四海龍王。獻奉稀奇寶物祝壽。今不得上帝勅令。不敢擅離水府。此事怎生商議。〔巨風大聖云〕上聖原來爲此事。俺水府神衆。都有此心。不得上聖之言。未敢便行。既上聖今日與俺商議。俺同去拜獻去來。〔赤日公云〕且住。則一件。俺上帝若無宣勅來。俺同到上帝前啓知。表俺孝敬之心也。〔蛤蟆大夫云〕你們都胡說。俺又不那裡耍去。收拾些稀罕的大海螺可不好。〔東海龍王云〕那裡用他。你且靠後。俺慢慢的商議。巡海夜叉望者。若有一切事務。報吾神知道。〔夜叉云〕理會的。〔正末扮飛天神王上〕〔云〕小聖乃飛天神王是也。今有捲簾大將軍神旨。爲因下方聖人萬壽之節。三界神祇。年年在南天門寶德關祝壽。今着小聖持着宣勅。先與東海龍王知道。今年在海邊揀一所宮殿。尋一件世間少有稀奇之寶。着四海龍王。供獻聖人。離了天庭。可早來到東海也。看了這海藏龍宮。是好去處也呵。〔唱〕

〔仙呂點絳脣〕恰離了錦繡天庭。早來到碧波清境。尋神聖。就着他疾辦行程。

都要那寶物皆齊整。

〔混江龍〕遵着俺天神勅命。都則爲吾皇壽誕保長生。若到的龍宮海藏。盡着他依命親行。聚的那水府奇珍共異寶。到來日祝延聖壽笑歡聲。若是那海中王半點兒違尊令。我和他同朝玉帝。分訴實情。〔云〕可早來到也。夜叉報復去。道有飛天神王來了也。〔夜叉云〕理會的。報的龍神得知。有飛天神王來了也。〔東海龍王云〕道有請。〔夜叉云〕理會的。有請。〔正末做見科〕〔云〕龍王。吾是飛天神王。奉上帝勅令。逕來到此。龍神。你接了宣勅者。〔東海龍王云〕夜叉擡香案來。尊神請下上帝宣勅者。〔夜叉做擡香案科〕〔云〕理會的。〔正末做放下宣勅科〕〔云〕您衆神祇拜罷。開讀宣勅者。〔衆神做拜科〕〔東海龍王云〕赤旦公。你向前開讀宣勅。〔赤旦公云〕小聖理會的。〔做讀宣勅科〕〔云〕下元三品解厄水官洞陰大帝勅令。傳與東海龍王。轉付南北西隅三海龍王。及江河淮濟四瀆之神知道。爲因下方聖人萬壽之節。俺水府神祇。多蒙享祭之恩。可揀海邊宮殿去處。水府神衆。尋世間罕無之寶。祝延聖壽。至日不可有悞。故茲勅令。〔東海龍王云〕原來爲聖人祝壽之事。尊神不知。吾神今日聚俺部下神祇。正商議此事。無有勅令。不敢擅離水府。既有勅令。正合俺孝敬之心也。〔正末云〕東海龍王。你們今日相聚。正爲此事。方表您誠敬之心也。〔唱〕

〔油葫蘆〕您這裡大小神祇表志誠。當時間疾便行。都則爲聖明洪福萬年增。赤緊的下方四海人民盛。威伏的偏邦外國來尊敬。〔東海龍王云〕上聖吾等便差部下神祇。務要尋一件稀奇之寶也。〔正末唱〕將部下神將。差不敢停。但得那稀奇寶物。般般盛顯的俺神聖有威靈。〔鼈長者云〕恰纔勅書內。着俺傳說與四瀆之神。并三海龍王。尋一件稀奇世間無的寶物。此事須索會同他衆神祇知道也。〔東海龍王云〕你說的是。尊神。俺這海中。止是些珊瑚碼碯。琥珀琉璃。別無甚稀罕之物也。〔正末云〕東海龍王。你道的差了也。你這海中的寶物。小聖盡知也。〔巡海大聖云〕尊神既知那一件好。俺不敢欺昧也。〔正末云〕你聽我說與您那寶物也。〔唱〕

〔天下樂〕則您這滄海明珠盤內盛。顯的那些光也波明。相間着碼碯瓶。〔蛤蟆大夫云〕你們休愁。我也有幾件寶物。端的是人間少有。天下絕倫。〔正末唱〕你與我一莊莊仔細分割的明。顯的俺神聖賢。更那堪幹事能。休辜負玳筵前無限景。〔東海龍王云〕尊神既知這幾件寶物。下方聖人皆有。不爲罕哉。〔正末云〕蛤蟆大夫。你有何寶物也。〔蛤蟆大夫云〕你們不要嚷。依着我收拾海蜃五百塊。螃蟹五百隻。大鯉魚一百雙。鯉腸十五桶。土鐵四十罈。這等的寶物。進貢如何。〔鼈長者云〕你靠後。這喫食之類。怎生去的。〔正末云〕這厮胡

說。聖人日用珍羞百味。量你這些海味。到的那裡也。〔唱〕

〔那吒令〕您若是有寶呵。當用之可行。您若是無寶呵。將龍王便請。您若是敬意呵。當答報聖明。〔龍長者云〕你將這等物件去。怎生壓的別樣寶物也。〔正末唱〕您是必顯聖威。休藏幸。勿得消停。〔東海龍王云〕尊神。俺這海中別無一件稀奇寶物。怎了也。〔正末

云〕您聽者。〔唱〕

〔鵲踏枝〕您這裡水澄清。異香馨。趁着這月影疎林。一齊的舉棹忙行。但尋得一莊兒可呈。敢纔壓的衆神祇膽戰心驚。〔赤旦公云〕尊神不必輾轉計議。請明日同俺

上聖。直到南海。聚三海龍王四瀆之神。就問他海邊臨近。有何宮殿。同望天朝拜賀。尊神聖意如何。〔正末云〕你說的是也。既您這裡無呵。須要與南海龍王知道也。〔唱〕

〔寄生草〕他若藏下稀奇物。也合着神去請。則爲這仁皇壽誕看看近。上天號令般般正。似這等稀奇祥瑞莊莊應。〔東海龍王云〕若有了寶物。俺衆位神祇。都要祝壽去。〔正末唱〕少不的開讀一通好文章。一箇箇表白吾等名和姓。〔東海龍王云〕尊神明日同去。直到南海。先着他請下衆龍王。俺共同商議。尊神且到海藏內看一看去。巡海夜叉。你領尊神先行。吾神隨後便來也。〔夜叉云〕理會的。〔正末云〕東海龍王。小聖看你海藏龍宮。巡海夜

叉俺去來〔唱〕

〔尾聲〕俺去那滄海內會龍王。我則索親去將他請。又則怕天上神祇待等。則願的今番事有成。不負了勞意勞形。至天庭回的分明。到來日祝賀吾皇福壽增。〔蛤蟆大夫云〕你先行。我便來陪侍。你聽仙樂耍子耍子。〔正末唱〕縱然有仙音樂聲。我如今心忙也願聽。〔云〕便有仙音仙樂。都不打緊也。〔唱〕但得那奇珍異寶獻朝廷。〔同夜叉下〕

〔東海龍王云〕飛天神王看海藏去了。蛤蟆大夫。你如今先往南海報知。着他聚下水府之神。說吾神同上帝使者便來也。〔蛤蟆大夫云〕你又沒正經了。你們明日去便罷了。怎麼又着我也走一遭。我老蛤去不成。〔巡海大聖云〕你這厮不要胡說。只今便去。〔東海龍王云〕到明日則吾神一箇同飛天神王望南海會衆神王去。你每可緊守海藏者。吾今日聚下神祇。正商量天使來疾。會四海龍王獻寶。願吾皇望壽天齊。〔下〕〔巡海大聖云〕上聖回海藏去了。着俺休離水府。直等有了寶物。同去拜賀。巨風大聖。俺回去來。〔巨風大聖云〕您衆神祇慢來。俺兩箇先回去也。居水府浪靜風濤。鎮海口山景難描。到至日龍神拜賀。保華夷萬載堅牢。〔同巡海大聖下〕

〔赤旦公云〕他每都去了。蛤蟆大夫。上聖着你只今便赴南海先報知去。〔蛤蟆大夫云〕我說老赤。干你甚事。我這裡正沒好氣哩。你家去罷。〔赤旦公云〕你看這厮。鼈長者。俺去來。鼈長者云。

俺且回海藏去來。因聖人德行仁慈。千千載玉葉金枝。會部下神祇祝讚。方顯俺神聖無私。〔同赤旦公下〕〔蛤蟆大夫云〕他每都去了也。平白地先着我偌遠的走一遭。望南海龍王那裡報知去也罷。左右無勾當。我要一遭去。上聖真箇忒夾腦。使我在下老蛤跑。若還今日到海南。整齊饗他一頓飽。〔下〕

第二折

〔外扮南海龍王領卒子上〕〔云〕位住南方大海宮。波濤勢湧壓巔峯。雲頭浪捲千尋內。顯耀神通變化能。吾神乃南海赤鬚龍王是也。吾自居天嶽。長在靈波。山高穩壓灘頭。樹影橫撲宇宙。杳杳三清通連海。幽幽直徹洞庭湖。爲吾神每隨上帝多有功勳。加吾爲南海龍王。所管汪洋之境。水谷滔滔。常擎水怪魚精。惟有癩頭鼉精。擎不住他。昨日有東海龍王。着蛤蟆大夫來報。着吾聚下水部神祇。請下衆龍王。并四瀆之神。有上帝着天使來。有事分付。水卒望者。若來時。報吾神知道。〔水卒云〕理會的。〔外扮攪海大聖翻江大聖上〕〔攪海大聖云〕神通變化顯高強。久居南海鎮汪洋。無邊波浪天連水。水接天心萬里長。吾神乃南海龍王手下攪海大聖是也。這位是翻江大聖。俺二神管領水部精靈。掌握蒼波巨浪。紛紛上下徹青霄。滾滾長堤藏海獸。幾番戰鬥顯神威。數遍興風攪大海。今日巡海已回。有上聖聚俺。不知爲何。翻江大聖。俺行動些。〔翻江大聖云〕

攬海大聖。俺自隨淵浪離潮水。每件真人上島峯。山高石亂難尋道。水急波翻勢以雄。今日上聖聚俺。須索走一遭去。可早來到也。水卒報復去。道有俺二聖來了也。〔水卒云〕理會的。報的龍神得知。有二聖來了也。〔南海龍王云〕着他過來。〔水卒云〕理會的。過去。〔二聖見科〕〔攬海大聖云〕上聖。今日聚俺。有何神旨也。〔南海龍王云〕你兩箇大聖且一壁有者。等水部神來全時。與您商議。這早晚敢待來也。〔淨扮水部判官上〕〔云〕我做判官實無比。但若閑了。就浮水。昨日巡海拏田雞。却被馬蜂叮了腿。自家南海龍王手下水部判官是也。論我在下這一管筆。日記萬件。偏能說嘴。但若無事。就去挑水。今日正在後面。與蝦蟆頭兩箇問事耍子。有上聖聚俺。須索走一遭去。可早來到也。小姪兒報復去。道有你老叔來了也。〔水卒云〕理會的。報的龍神得知。有水部判官來了也。〔南海龍王云〕着他過來。〔水卒云〕理會的。過去。〔水判官見科〕〔云〕上聖。我水部官來了。有甚麼話。說了罷。〔南海龍王云〕你且一壁有者。等蛤蟆大夫來。俺一同商議。這早晚敢待來也。〔蛤蟆大夫上〕〔云〕離了東海岱近遠。昨日走的肚裏疼。自家蛤蟆大夫是也。有俺上聖的法旨。着我昨日來報知他。着他請下衆龍王并四瀆神祇。有上帝勅令。不知說甚麼話。我昨日走將來。他留住我在這裡。等着俺上聖來。纔在後面拏蜻蜓兒耍子。悶起來了。我和南海龍王說一聲家去罷。可早來到也。水卒報復去。老蛤來了也。〔水卒云〕理會的。報的龍神得知。有蛤蟆大

夫來了也。〔南海龍王云〕着他過來。〔水卒云〕理會的過去。〔蛤蟆大夫見科〕〔云〕上聖我老蛤來了。丟了我在後面。餓的我頭疼了。我家去罷。〔南海龍王云〕你且在這裡等者。有巡海夜叉。請兩處龍王去了。這早晚敢待來也。〔外扮北海龍王西海龍王上〕〔北海龍王云〕身占清溪住大淵。滔滔水勢浪無邊。四方惟有蒼波海。上接瑤臺下徹泉。吾神乃北海顯勝黑水龍王是也。這位是西海銀脊龍王。吾生居北地。長在壬方。黑峯山鎮壓乾坤。北海水無邊無岸。層層浪捲若玻璃。穰穰銀光映日月。饒你九江威勢大。難比昆沙北海雄。今因南海龍王。昨日着巡海夜叉來請。都到他炎魔海藏。不知有何事。尊神。俺行動些。〔西海龍王云〕尊神。我這西海比四維不同。位號庚辛多水獸。名爲西海鎮乾坤。管教大地黎民怕。水滾波翻見者驚。今日有南海龍王請俺。必然有事。須索走一遭去。可早來到也。水卒報復去。道有俺二位龍王來了也。〔水卒云〕理會的。報的龍神得知。有二位龍王來了也。〔南海龍王云〕道有請。〔水卒云〕理會的。有請。〔二神做見科〕〔西海龍王云〕尊神。今日請俺。有何事也。〔南海龍王云〕二位尊神。吾神無事。也不敢相請。有東海龍神。差這蛤蟆大夫來說。着吾請衆龍王并四瀆之神等候。有上帝差使者來。不知有何事也。〔北海龍王云〕既然這等呵。俺須索等待。這早晚東海龍神與天使。敢待來也。〔東海龍王同正末上〕〔正末云〕小聖乃飛天神王是也。這位是東海龍神。小聖奉上帝勅令。傳與四海龍王并

四瀆之神。打點一件稀奇寶物。海藏內無甚罕見之物。東海龍王言說。着吾親到南海。聚衆龍王商議此事。東海龍王看了這南洋大海。也不弱也。〔東海龍王云〕尊神四海之內。水勢非凡。豈有輕波小浪。這南海更不善似俺東洋也。〔正末云〕看了這山高徹霄漢。浪起過層樓。委實少有也。呵。〔唱〕

〔中呂粉蝶兒〕看了這山勢巍巍。更那堪水波滾沸。浪滔滔不辨東西。接長空侵海角。端的是難分天地。〔東海龍王云〕尊神若見了南海龍王。他就有稀奇之物也。〔正末唱〕他那裡有甚稀奇。止不過獻明珠更多寶貝。〔東海龍王云〕尊神不用寶物。以此俺不敢供獻也。〔正末唱〕

〔醉春風〕盼不到南海水晶宮。則我這心中無限急。又則怕天靈久等衆龍王。要獻這禮。禮這其間祝壽筵開。仙音擺列。則等俺神祇相會。〔云〕可早來到也。水卒報復去。道有吾神同東海龍王來了也。〔水卒云〕理會的。報的龍神得知。有天使同東海龍王來了也。〔南海龍王云〕道有請。〔水卒云〕理會的。有請。〔正末同東海龍王做見科〕〔正末云〕南海龍王有勞久等也。〔南海龍王云〕尊神昨日有蛤蟆大夫來報。着吾神請下衆龍王并四瀆之神。俺四海龍王來全了。止有四瀆便至也。不知尊神爲何事至此也。〔東海龍王云〕尊神此一來爲

一件孝敬吉祥之事。可也正合着俺心也。〔蛤蟆大夫云〕昨日上聖在俺東海。就使將我在下來了。若不是要緊的事。我老蛤也不來。〔正末云〕你且靠後。您衆龍王。吾神非奉私來。有上帝之命。爲因聖人萬壽之節。着您衆寶中揀選一件稀奇之物。海邊打掃一所宮殿。上帝都來祝壽。您聽者。〔唱〕

〔迎仙客〕都則爲聖明君仁德多。致令的衆神祇敬心齊。則要您有好物敬。當可使皆讚禮。〔南海龍王云〕此事俺龍王商議久矣也。〔正末唱〕則要您志誠心有正直。顯的俺神聖光輝。祝賀俺當今帝。〔北海龍王云〕尊神。此事正合俺四海龍神之心。望下方祝讚。吾皇有德所感。見如今天下太平。周時成康。漢朝文景。莫能比也。則一件。上聖說要一件稀奇之物。可也少有也。〔水部判官云〕我在下有一塊青鵝鵠石頭。逕過一尺厚。高七尺長。這箇好麼。〔正末云〕此物少有也。你取來俺看。〔水部判官云〕有便有。我前日喫醉了沒處放他。着我用鐵鎚打碎了。做石榴子兒盛着口袋裏頭。你要。我取將來。〔南海龍王云〕尊神休聽這廝說謊。那裡有這等大的鵝鵠。你靠後。俺四海龍宮海藏。止是此等之寶也。〔正末唱〕

〔紅繡鞋〕便休題碼碯珊瑚奇異。更和那明珠琥珀堪宜。〔南海龍王云〕這等的寶物都不好。將甚麼祝壽去。〔正末唱〕方信道聖明洪福與天齊。你是必疾忙去。不可慢

延遲。他那裡眼睜睜等待你。〔東海龍王云〕尊神。俺等四瀆神來時。共同商議。這早晚敢待來也。〔外扮江瀆神河瀆神上〕〔江瀆神云〕會扶社稷定綱常。浪滾波翻水勢茫。只因正直爲神道。管領閭浮鎮九江。吾神乃江瀆神是也。這位是河瀆之神。吾生前乃春秋之時楚國大夫屈原是也。只因襄王不聽吾諫。苦害良民。吾神五月五日。投汨羅江中。一靈真身。昇於天界。加吾神爲江瀆之神。唐宋至於今朝。累受聖朝祭祀。加吾神廣源順濟王。今有南海龍王請俺尊神。俺行動些。〔河瀆神云〕尊神。吾爲河瀆之神。生前乃漢朝護軍都尉陳平是也。因爲輔佐高皇六出奇計。封吾戶牖侯。今昇天界爲國家正神。唐宋加吾爲靈源弘濟王。今有南海龍王請俺。必然有事。可早來到也。水卒報復去。道有俺二位神祇來了。〔水卒云〕理會的。報的龍神得知。有江瀆河瀆二神來了也。〔南海龍王云〕道有請。〔水卒云〕理會的。有請。〔二神見科〕〔江瀆神云〕呀呀呀。尊神同四海龍王都在此。俺來遲也。〔正末云〕二位神祇。是那一位尊神。執掌甚處。〔江瀆神云〕吾神是江瀆之神。這位是河瀆之神。〔正末云〕生前何職。〔河瀆神云〕尊神。俺曾爲立國擎天相。今掌江河二瀆神。〔正末云〕二位神祇不枉了也。〔唱〕

〔醉高歌〕生前多有威儀。歸後昇堂正直。〔江瀆神云〕尊神爲何至此也。〔正末唱〕都則爲吾皇有感合天意。俺爲這聖節時間到矣。〔南海龍王云〕二位尊神且少待。還有

淮瀆濟瀆二位不會來哩。這早晚敢待來也。〔外扮淮瀆神濟瀆神上〕〔淮瀆神云〕鐵面淮河壓大江。惟吾所掌最高強。忠肝義膽爲臣子。今歸水府作忠良。吾神乃淮瀆之神是也。這位是濟瀆之神。吾生前乃唐朝裴悅是也。爲吾立國之忠。保安社稷。屏去奸邪。今昇天界。上帝不負吾德。着吾執掌水部淮瀆之神。累授國家香火。自唐宋加封吾爲長源侯濟王。今有南海龍王。請俺四瀆之神。不知爲何尊神。俺行動些。〔濟瀆神云〕尊神。想吾神生於春秋之世。乃大將伍員是也。只爲平公失政。吾投吳國。以報父兄之讐。爲因夫差不聽良言。吾歸姑蘇。亡於胥門。今上天不負吾德。加爲濟瀆之神。自唐宋以來。加封吾爲清源通濟王。今有南海龍王請俺。必然有事商議。可早來到也。水卒報復去。道有俺二神來了也。〔水卒云〕理會的。報的龍神得知。有淮瀆濟瀆二神來了也。〔南海龍王云〕道有請。〔水卒云〕理會的。有請。〔二神見科〕〔淮瀆神云〕呀呀呀。尊神在此。衆龍王都聚在南海。俺二神來遲也。〔正末云〕二位尊神。位居何所。執掌何方。願聞一言。〔淮瀆神云〕吾神乃淮瀆之神。這位是濟瀆之神。俺生爲忠孝子。死作廟堂神。〔濟瀆神云〕尊神。俺四瀆執掌四維。管壓九江八河五湖四海。端的是長隨淵浪分高下。每伴真人謁上穹。前朝曾作英雄將。今日當爲水底公。〔正末云〕二位尊神。乃國家忠臣良將也。〔唱〕

〔十二月〕您可也爲神有理。作宰無虧。有甚麼稀奇好物。請將來祝讚皇基。不

枉了於家爲國。當受那享祭之食。〔南海龍王云〕尊神。今俺四海龍王。并四瀆之神。都來全了。〔江瀆神云〕俺說了這一日話。不知尊神爲何來。〔正末云〕您四瀆不知。爲因當今聖主萬壽之節。有上帝命。傳一道宣勅。與您衆神收拾一件世間少有稀奇祝壽之物。又要海邊清雅宮殿。內聚衆神祇。這四海皆無。等您這四瀆之神來商議。〔江瀆神云〕原來如此。河瀆神兀的不歡喜殺俺也。〔正末云〕尊神爲何發此言也。〔河瀆神云〕尊神不知。俺有三件寶物。在於海邊一所宮殿之內。堪可供獻也。〔正末云〕你四瀆之神。既有此稀奇之物。實是誠心敬意也。〔唱〕

〔堯民歌〕呀。聽說罷。心間倏倖。甚憂疑。他道是這件好物不容易。尋思半晌。豈能知。請問眞實。急忙回。回俺那神祇。若逢那一日。纔好排筵會。〔東海龍王云〕請四瀆尊神所言何物也。〔江瀆神云〕有三件寶物。在於東洋海島。金脊勝龍宮中。紫霞須彌洞中。有一座八寶裝渾金聖壽牌。可約高七尺。闊三尺有餘。上書着聖壽萬歲四字。傍邊兩面小牌。約高三尺。闊一尺。一面書萬民樂業。一面書天下太平。又有一對尺五金瓶。上插金靈芝二朵。又有金爐一箇。香烟不斷。此乃世間無價之寶也。未知此物供獻的麼。〔正末云〕好好好。既有此物呵。您四海龍王。可選一所去處祝獻。小聖直到東方。問金脊龍索取此物去也。〔唱〕

〔耍孩兒〕太平年正遇着昇平世。祝聖壽年年宴集。龍牌前供獻好金爐。高燒

着銀燭輝輝。揀一所清幽寶殿堪祝壽。尋一箇花錦的金鑾飲玉杯。〔河濱神云〕
俺若祝罷壽。大家盡醉方歸。〔正末唱〕醉了時重還醉。祝讚罷萬年永固排筵會。侍立
在丹墀。〔南海龍王云〕尊神俺這南海離大國不遠。一所去處。周圍青松檜柏。一座堂號曰靈德堂。
那裡堪可祝壽也。〔正末云〕好好好。又有此堂。小聖問金脊龍索取了牌。着水卒擡到靈德堂來。
衆神拜賀也。〔江濱神云〕尊神則一件。這面聖壽萬歲金牌。不得五龍也。擡不動也。尊神看了。至
日着五龍來擡到這靈德堂來如何。〔正末云〕這等沉重呵。您四海龍王。連金脊龍王。共是五龍
捧聖也。〔東海龍王云〕尊神俺知道也。則問了金脊龍取討了呵。俺四位龍王來擡也。〔正末云〕
您休得有悞也。〔唱〕

〔一煞〕請您這龍王疾快來。俺那裡衆神祇等待你。忙將此事叮嚀計。您若是一
時有悞難分解。那其間四海龍王無所歸。〔濟濱神云〕尊神放心。這件事俺務要停當
也。〔正末唱〕聽說罷心中喜。龍牌金現寶鼎香飛。〔水部判官云〕尊神你放心。我和蛤蜊
大夫。跟了尊神。去到那裡。把那兩面小牌。先擡將來如何。〔河濱神云〕你兩箇跟了去。俺四濱神
便來接上聖來也。〔正末云〕小聖今日離了南海。同他二神。直到東洋大海島中。取萬壽龍牌去
也。若有了。便着水判官來報您知道。〔蛤蜊大夫云〕尊神既要去了。不要閑說了。俺走了罷。〔正末

云〕俺去來。衆龍王恕罪。四瀆神您快來也。〔唱〕

〔尾聲〕看今番祝壽功。離龍宮海藏裏。都則爲興文重武當今帝。一齊的萬歲山呼。恁時節美。〔同一淨下〕〔南海龍王云〕飛天神王。與二聖去了也。四瀆尊神。您接應去。不可遲慢也。〔江瀆神云〕南海龍王。你說的是。您到至日。休得有誤。河淮濟瀆三位神祇。俺直到東洋海島接去來。〔淮瀆神云〕尊神恕罪。俺則今日。直至東洋海島。接飛天神王去來。聖壽節黎庶咸臻。普天下海晏河清。四瀆神蒙恩受爵。都來賀萬歲明君。〔四瀆神下〕〔南海龍王云〕四瀆尊神去了也。東海尊神。若索的聖壽龍牌。俺五龍須索擡去也。〔東海龍王云〕尊神說的是。二位龍王。休回去。等吾神回東海。再打點拜獻之物去也。〔北海龍王云〕尊神請回去。休誤了祝壽之日也。〔東海龍王云〕吾神再着人打聽萬壽聖節。幾時文武拜賀。俺就一同祝壽。吾神回去也。俺四海水勢過天。當今帝德行無邊。靈德堂五龍捧聖。齊祝讚聖壽萬年。〔下〕〔南海龍王云〕東海龍王回去了也。二位尊神。且休回去。請到海藏內。飲數杯去來。〔北海龍王云〕尊神不敢動勞。既然請俺同共飲罷酒回海中。至日來靈德堂拜賀。〔西海龍王云〕既尊神請俺飲酒。同共去來。〔南海龍王云〕水部衆神祇都休散了。別處去。俺同到水晶宮飲酒去來。聖明主一統華夷。四海安永。罷征旗。獻金牌。望闕拜賀。願當今聖壽天齊。〔同下〕

楔子

〔淨扮癩頭大聖領鬼力上〕云：身居水泊住深淵。一生發傻歪。閑着海邊前後走。都喚在下癩頭龜。自家癩頭大聖是也。我平生夾腦。一刻歪纏。不要寶貝。則揀銅錢。穿上一串。殼使一年。我今在這東海洋洞裏住坐。有百十餘年了。我手下又有幾箇兄弟。都是海裏的頭目。頗奈南海龍王無禮。常是着巡海夜叉。拏我們。誑的些小癩頭龜。沒一箇。今日無甚事。聚衆兄弟。每來商議。這早晚敢待來也。〔淨扮鮎魚精龜精蟹精同上〕〔鮎魚精云〕一生口大諸樣吞。海裏惟我顯威靈。浮水來到張家灣。嚙了一箇大燒餅。自家癩頭大聖手下鮎魚精是也。這幾箇是我姪兒龜精蟹精。有蝦精不在了。我們這幾箇。委實能哉。全憑發傻。有人拏住。一准做鮮。今日有癩頭大聖聚俺。都行動些。〔龜精云〕你箇傻厮。口闊身滑。便走的快。我們急切裡。怎麼走的動。〔蟹精云〕你和他說甚麼。他這鮎魚。一生古怪。但若有事。就推不來。薑辣滿攢。在下肯嚙。不要聽他。俺慢慢的走。〔蟹精云〕我姪兒看我在下走動。不費一些力。可早來到也。我姪兒報復去。道有你們大叔來了。〔鬼力云〕理會的。報的大聖得知。鮎魚等精來了也。〔癩頭大聖云〕着他過來。〔鬼力云〕理會的。過去。〔衆精做見科〕〔鮎魚精云〕大聖。你怎麼則在洞裏坐。那裡閑走一走去。〔癩頭大聖云〕你們都來了。不知道我越靜。坐一坐。我着蝦精打聽事去了。這早晚敢待來也。

〔淨扮蝦精上〕〔云〕自家是箇蝦。好闊癩蝦蟆。海裏前後浮。則尋大西瓜。自家癩頭大聖手下蝦精是也。每日跟着他趁打哄耍子。今日着我打聽事去。浮到南海裏。打聽了一莊勾當。見大聖去。可早來到也。我姪兒報復去。道有你老叔來了。〔鬼力云〕理會的。報的大聖得知。有蝦精來了也。〔癩頭大聖云〕着他過來。〔鬼力云〕理會的。過去。〔蝦精見科〕〔云〕大聖。我在下來了。〔癩頭大聖云〕你打聽了些甚麼事。你說。〔蝦精云〕我昨日浮到南海裏。有衆龍王商量。要與聖人祝壽。說這海島內金脊勝龍宮中。紫霞須彌洞內。有三面聖壽龍牌。又有許多寶物。他們便來取也。〔癩頭大聖云〕着了。你們知道這須彌洞的路麼。〔鮎魚精云〕大聖我知道。這牌安的長遠了。金脊龍也不管。有兩箇水部下神道看着哩。他兩箇則好喫酒。〔癩頭大聖云〕我們如今將着些酒。推去看他每。去灌的他兩箇醉了。衆人下手。擡着聖壽牌便走。等他衆龍王尋不着。悞了慶賀聖壽。必然上帝見他們罪也。兀的不報了俺冤讐。俺同去來。南海龍真箇無禮。常擎俺不許入水。到明日偷了龍牌。都回來洞裏調鬼。〔同下〕〔外扮金脊龍王領巡海夜叉上〕〔云〕洪波滾滾浪千條。水惡風翻猛勢豪。久居大海滄波內。千古昇堂立廟高。吾神乃東洋海島金脊龍王是也。吾之聖祖。久住混明。占石州仙苑雲鄉。住海島蓬壺深處。山高風勢大。浪急水波洶。這四海內。惟吾神爲長。我這海中。前年湧出三面龍牌。一面約高七尺。逕過三尺。八寶廂嵌。書着聖壽萬歲四字。二

面約高三尺。逕過一尺。書着萬民樂業天下太平八字。吾又鑄了一箇金獸爐。其爐香煙不斷。又有一對金瓶。插靈芝二株。吾神收着。等下方聖人萬壽之節。吾會合了四海龍王供獻去。不得上帝勅令。不敢擅離水府。今日有巡海夜叉來報。有天使便至也。須索遠迎接待去。這牌我着蝦蟆長史都水先鋒他兩箇看着。在紫霞須彌洞裏。今日叫他來。再分付小心看守。這早晚敢待來也。
〔淨扮蝦蟆長史都水先鋒上〕〔蝦蟆長史云〕我們二將委實強。看着龍牌緊護防。今日新房門前過。買了六塊大麻糖。自家金脊龍王手下蝦蟆長史是也。這箇是我姪兒都水先鋒。有我們上聖。着我兩箇看着龍牌子。東移西轉。不敢走。可怎麼了。
〔都水先鋒云〕我說老蝦蟆。我在下又好一鍾酒。無處買。喫渴的我昏了。等上聖不在。我們那裡走一走。可早來到也。巡海夜叉報復去。道有我們兩箇來了。
〔夜叉云〕理會的。報的龍神得知。有蝦蟆長史都水先鋒來了也。
〔金脊龍王云〕着他過來。
〔夜叉云〕理會的。過去。
〔二淨做見科〕〔蝦蟆長史云〕上聖喚俺來有何事。
〔金脊龍王云〕吾神喚你兩箇不爲別。今日有天使來也。我去遠接。你兩箇看着牌。小心在意者。
〔都水先鋒云〕上聖你則管去。牌子鎖在洞裏。我兩箇看着。這洞門誰敢來。
〔金脊龍王云〕既然這等。吾神接天使去也。分付與看守金牌。不許您飲酒開懷。若路上接着天使。那其間便索回來。
〔同下〕〔蝦蟆長史云〕上聖去了也。我恰纔把那金牌爐瓶。又揩抹了一會。鎖了洞門也。俺在這

裡坐一坐着。〔都水先鋒云〕你看。兀那水邊一夥水獸。擎着些東西來了。一陣酒香。〔蝦蟆長史云〕真箇一陣酒香。看有甚麼人來。〔獺頭大聖同鮎魚精龜精蟹精蝦精擡酒上〕〔獺頭大聖云〕今日擡着許多酒。直到須彌洞口來。自家獺頭大聖是也。這箇是我手下衆弟兄。如今擡着酒。望那兩箇夾腦風去。您行動些。〔蝦精云〕可早來到也。我們過去來。〔衆做見科〕〔蝦蟆長史云〕您這幾箇油嘴。來我這裡做甚麼。〔獺頭大聖云〕兩箇老叔。在下老獺頭。是箇好人。知道上聖不在了。擎些酒請你每一請如何。〔都水先鋒云〕難得你們的心也。我們喫酒耍子一會。〔衆精做斟酒二淨喫科〕〔蝦蟆長史醉科〕〔云〕倒好酒。怎生頭暈了。成不的。我睡一覺。〔做醉倒科〕〔都水先鋒云〕阿呀。阿呀。他喫了幾鍾就醉了。我也有些身虛了。〔做醉倒科〕〔獺頭大聖云〕着了。他兩箇都醉了。我也有計較。我們後面打開洞門。擡那金牌去來。〔鮎魚精云〕上聖。他兩箇醒來。成不的了。我們去了罷。〔獺頭大聖云〕你也說的是。則怕他兩箇醒了。我們洞後擡寶物去來。今日衆人纔得手。擡着金牌一齊走。若這一箇走的慢。放心也。二十嘴巴也不賞酒。〔同下〕〔正末同蛤蟆大夫水部判官金脊龍王巡海夜叉上〕〔正末云〕吾神乃飛天神王是也。這箇是東海內蛤蟆大夫水部判官。那日在南海聚衆龍王商議。言說有東洋海島。金脊龍王洞中。有三面龍牌。并爐瓶一對。賀聖人萬壽之節。吾神與他二將去取。不想半路裡迎着金脊龍王。來

接吾神。俺到了不曾。〔金脊龍王云〕尊神兀的前面便是紫霞須彌洞也。尊神請行。〔蛤蟆大夫云〕上聖到你那裡。我兩箇肚裏餓了。就尋些甚麼我兩箇喫耍。〔金脊龍王云〕可早來到也。巡海夜叉。過去報他兩箇。說吾神來了也。〔夜叉云〕理會的。〔做見科〕〔夜叉推二淨醒科〕〔云〕你兩箇起來。上聖來了。〔二淨做起身科〕〔蝦蟆長史云〕俺兩箇傻廝。怎麼睡着了。〔都水先鋒云〕不知怎麼我也就睡着了。我們接上聖去來。〔做接科〕〔金脊龍王云〕你兩箇在那裡喫酒來。〔蝦蟆長史云〕這箇上聖沒勾當。你去了誰曾喫甚麼酒來。〔正末云〕尊神。且不要和他每閑說。開了洞門。吾神看那金牌爐瓶去。〔金脊龍王云〕您兩箇快開了洞門。請上聖看。〔都水先鋒云〕俺兩箇去來。〔二淨做開洞門見慌科〕〔都水先鋒云〕罷了罷了。上聖也。不知甚麼人開了洞門。偷了兩面小金牌并金爐瓶去了。誑殺俺也。〔金脊龍王云〕你快說。今日有甚麼人來這裡來。〔都水先鋒云〕不要說了。上聖去後。走的幾箇水獸來。我則認的一箇老獺頭龍。則怕是他麼。〔金脊龍王云〕這海邊精怪。神通大者。一准是他了。尊神。這事怎了也。〔正末云〕金脊龍王神。既有下落了。吾神領天兵拏他去。兀那蝦蟆長史。都水先鋒。你兩箇先去引戰他出洞來。吾神拏他。〔蝦蟆長史云〕上聖放心。我兩箇引他出洞來。一准就跑將回來。上聖。你和他自家戰。〔正末云〕你兩箇詐敗了。望海口上來。兀那蛤蟆大夫。水部判官。你二人回去報知四海龍王。着四瀆神接。

應吾神來。〔水部判官云〕尊神。你則管和他鬪勝。俺回去報知四瀆神并四海龍王知道去也。
〔金脊龍王云〕尊神。俺這海島中有一萬神兵。不知穀也不穀。〔正末云〕既有神兵。俺同去點就。
拏癩頭龍精去來。〔金脊龍王云〕尊神說他好生神通廣大。也須索用心些。〔正末云〕尊神放心也。〔唱〕

〔賞花時〕憑着我疾走如飛。敢去當。頗奈這海島精靈忒要强。〔金脊龍王云〕俺至日都要賀聖人萬壽之節也。〔正末云〕到至日俺都到靈德堂上來也。〔唱〕俺都要祝萬壽永康。
〔蛤蟆大夫云〕俺回去着五龍擡萬壽龍牌。到至日來供獻。先着四瀆神來接應也。〔正末云〕到至日將萬壽龍牌。〔唱〕着五龍親身可便自往。那其間朝帝闕。一齊的拜吾皇。〔同金脊龍王下〕〔蝦蟆長史云〕二位上聖去了也。你兩箇慢來。我們奉飛天神王法旨。先引戰龍精。俺去來。〔都水先鋒云〕說的是。則今日先去洞門口引戰那癩頭龍精并衆水怪。走一遭去。統領着手下妖魔。都着他擂鼓篩鑼。若他每出洞來戰。穩情取箇箇擒縛。〔同下〕〔蛤蟆大夫云〕他每都去了。不想來到這裡。着精怪偷了金牌。俺回去報知衆龍王。着四瀆來接應俺去來。〔水部判官云〕既有尊神法旨。俺回去來。癩頭龍真箇無禮。偷了牌必然後悔。但明日有人拏住。都着他河裏浮水。〔同下〕

第三折

〔淨扮癩頭大聖領鬼力上〕云：偷了許多金寶物。趕在洞裏好風流。自家癩頭大聖是也。這裡也無人。前日我領手下幾箇精怪。直走到海島裏。拏着些好酒。把那兩箇油嘴灌醉了。我們擡那箇大龍牌。不知怎麼擡不動。我怕他醒來怎麼了。着我們則擡了兩面小龍牌。和那一對瓶爐來了。每日看着耍子兒。我着蝦精前去打聽。則怕有人知道。今日無甚事。在這洞裏閑坐。等我手下衆妖精來。我和他們慶賀耍子。這早晚敢待來也。〔淨鮎魚精同龜精鼈精蟹精上〕〔鮎魚精云〕張開大嘴到好耍。不問甚麼肚裏吞。自家鮎魚精是也。這幾箇夾腦。都是我的孫男孫女。我每前日跟着癩頭大聖。走到海島裏。拏着酒灌醉了兩箇精怪。把他兩面金牌偷將來了。又有一對金瓶。裏頭插着靈芝。一箇香爐。今日我們衆人都與上聖慶賀去。你們走動些。〔龜精云〕我說你們都不曉的。前日那兩箇狗骨頭都醉了。你們便偷將來了。假似他們知道了。怎麼整治。〔鮎魚精云〕你不要管他。我們且去洞裏見大聖去。看他怎麼說。來到了。兀那油嘴。報復去。道有我們來了。〔鬼力云〕理會的。報的大聖得知。有衆精怪來了也。〔癩頭大聖云〕着他過來。〔鬼力云〕理會的。過去。〔做見科〕〔癩頭大聖云〕你們都在那裡來。〔鮎魚精云〕去也。你倒好自在性兒。偷了別人的東西也。虧了我們撮補你也。請我們一請。怕怎麼。〔癩頭大聖云〕你不要嚷。且和你說一會。

閑話。我着蝦精前去打聽去了。這早晚敢待來也。〔淨蝦精上〕〔云〕早是頭上許多刺。一直就浮到南京。自家癩頭大聖手下蝦精是也。前日跟着我們大聖。偷了海島裏龍王的許多物件。不想金脊龍王知道了。有一箇飛天神王。領着許多神兵來。我們大聖不知道。他着我前去打聽去。我得了這箇消息。就跑回來了。去洞裏說與他們去。可早來到也。鬼力報復去。說有你家公公來了。〔鬼力云〕理會的。報的大聖得知。有蝦精來了也。〔癩頭大聖云〕着他過來。〔鬼力云〕理會的。過去。〔做見科〕〔癩頭大聖云〕蝦精。你打聽的事情如何。〔蝦精云〕你還說哩。如今有箇飛天神王。領着許多天兵來。問你討這東西。說道你若不與他。把你們都要做了鮮哩。我則不敢惹他。〔鮎魚精云〕不好了。我變做泥鳅。泥裏割了罷。〔癩頭大聖云〕原來是這等。別人來我倒怕他。量這飛天神王。有甚麼神通。怕他怎麼。你們衆精怪跟着我。和他着一合去來。〔蝦精云〕中也不中。則怕乾丟了命。不是好耍處。〔鮎魚精云〕你每都去罷。我替你看洞。可不好。〔癩頭大聖云〕你們不要嚷。都跟我和他鬪勝去來。占水洞。惟我爲頭。領手下精怪閑遊。若撞見飛天神王。丟了命。還變泥鳅。〔同下〕〔淨蝦蟆長史都水先鋒上〕〔蝦蟆長史云〕頗奈癩頭真油嘴。偷了爐牌在洞中。自家蝦蟆長史。這箇是都水先鋒。前日有我們金脊龍王洞中。有一面聖壽金牌。兩面小牌兒。又鑄了一對金花瓶。一箇香爐。着我兩箇看着。不想有箇癩頭大聖。擎着些酒。把我兩箇灌的

爛醉了。領着些精怪。把瓶爐和兩面小龍牌偷了。越在洞裏去了。有飛天神王。着我兩箇先去引他出洞來。都水先鋒。我姪兒走動些。〔都水先鋒云〕你箇夾腦弟子孩兒。都是你來平白地喫他那酒。怎麼可着他偷了我們許多東西。〔蝦蟆長史云〕你箇傻油嘴。可不道將酒勸人。終無惡意。他既然買酒請我們。怎麼不喫。不想這弟子孩兒。人面獸心。做這等勾當。好了。你看他們出洞來了也。〔淨癩頭大聖領鮎魚精龜精鼈精蟹精蝦精鬼力上〕〔癩頭大聖云〕跟我迎敵天兵去。丟了性命不回來。自家癩頭大聖是也。這些都是我手下衆精怪。離了洞裏。迎敵飛天神王去。料着他近不過。我們和他着一合。怕怎麼。〔蝦精云〕我兒也不好了。兩箇狗骨頭來了。你們靠前些。〔做見科〕〔癩頭大聖云〕你兩箇那裡去。〔蝦蟆長史云〕好也。你倒問我。不要閑說。快擎將瓶爐龍牌出來。綻口兒說箇不字。把你這些精怪都煮了。做下飯喫。〔癩頭大聖云〕你看這箇油嘴。來來。我和你戰一合。鬼力操鼓來。〔做戰科〕〔蝦蟆長史云〕不好了。他人手衆。乾丟了性命。都水先鋒。跟着我走了罷。走走走。〔同下〕〔癩頭大聖云〕他原來不濟。都走了。你走的那裡去。衆精怪跟我趕將去來。〔同衆下〕〔正末躍馬兒領鬼力上〕〔云〕吾神飛天神王是也。因爲洞中癩頭精偷了祝壽金牌。并許多物件。金脊龍王好生致怒。我着蝦蟆長史并都水先鋒前去。引那精怪出洞來。我自有擒拏他的手策。鬼力與我擺布的嚴整者。〔唱〕

〔越調鬪鶴鶉〕你看那冷霧颼颼。陰雲雪雪。擺布的神兵都依戰法。我將那大膽的精靈聞風兒便怕。他偷了祝壽牌。難便罷。都則爲聖德仁慈。做堯刑舜法。〔紫花兒序〕見如今一天殺氣。萬里征雲。英勇堪誇。量這些潑妖魔大膽。你看我尋遍天涯。若遇着咱家。者莫是駕霧騰雲準備下。題起來半星兒不怕。則見那隱隱紅塵。蕩蕩黃沙。〔蝦蟆長史都水先鋒慌上〕〔蝦蟆長史云〕兀的不是飛天神王。上聖

那精怪趕將來了。你和他纏去。我趕了罷。〔正末云〕不妨事。兀的不來的近了也。〔癩頭大聖領衆精上〕〔云〕兩箇精怪真夾腦。丟了兵器走如飛。自家癩頭大聖是也。這些都是我手下的衆精怪。出來迎敵飛天神王。撞着那兩箇油嘴。着我則一陣殺的他迸星也似跑了。他走的那裡去。務要趕上他。拏住了做下飯。你們走動些。〔鮎魚精云〕你看。前頭不是天兵來了。我走了罷。〔做見科〕〔正末云〕兀那精怪。你往那裡去。趁早兒獻出寶物來。綻口道箇不字。着你目前見血。〔癩頭大聖云〕你便是那飛天神王。量你有甚神通。怕你怎麼。來來來。我和你着一合。〔正末唱〕

〔調笑令〕不由我怒發。你不合要征伐呀。我着你魂夢今番不到家。〔云〕量你這些精怪。到的那裡。操鼓來。我與你鬪勝者。〔做戰科〕〔唱〕料應來你手段皆虛詐。氣忿忿咬

碎鋼牙。〔癩頭大聖云〕他倒好一雙溜手兒。衆精怪不要怕他。再和他耍一會。〔正末唱〕我跟前賣弄能戰法。就今番此處活拏。〔江濱河濱淮濱濟濱冲上〕〔江濱神云〕飛天神王。俺衆神接應你來了。休着走了衆精怪。與我圍住者。〔正末云〕四濱神來了。俺圍住者。〔癩頭大聖云〕罷了。怎麼了。又有許多神兵來了也。左右是死的數。衆精怪一齊上手。撞出去罷。〔正末唱〕

〔禿厮兒〕征塵起狂風亂刮。休猜做驟雨催花。你看他時間又早筋力乏。〔癩頭大聖云〕我成不的走了罷。〔正末唱〕者莫你駕雲霞飛過天涯。〔做拏住癩頭大聖科〕〔癩

頭大聖云〕老大叔。不干我事。都是我手下的衆精怪。偷了你們的東西來。〔衆精跪下科〕〔鮎魚精云〕上聖休聽他說。都是他來。拏了他去做了鮎。殺你下酒兒了。〔正末云〕你偷了的寶物安在。〔癩頭大聖云〕有有有。你放了我。我都送與你。我就情願降在你手下罷。〔正末唱〕

〔聖藥王〕今日箇天折罰。苦痛殺。再不要興風作浪起爭差。我見他手倦擡。忙跪下。〔癩頭大聖云〕罷罷罷。我再也不敢了。情願都與你做箇姪兒罷。〔正末唱〕誰着你憑將寶物暗中拏。則落的低首自嗟呀。〔癩頭大聖云〕衆上聖。你們都回去罷。我們明日都送將來。俺也有些寶物托獻哩。〔江濱神云〕既然這等呵。兀那衆精怪。你明日絕早擡將瓶爐龍牌。都望南海靈德堂來。〔正末云〕兀那衆精怪。你若再敢無禮呵。送入酆都。永爲惡鬼。至日早來。上聖。

俺回去來。說與四海龍王。至日同金脊龍王。擡聖壽牌來。四瀆同衆神。俺回南海去來。〔唱〕

〔尾聲〕則今朝便把雲軒駕。祝聖壽安排宴罷。讚吾皇聖德賽唐堯。見如今宇宙內蒼生快樂殺。〔同下〕〔癩頭大聖云〕他每都去了。罷罷罷。我也不敢惹他了。您衆精跟着我。到明日擡着那些東西。都到南海靈德堂托獻去來。〔鮎魚精云〕好也。你原來真箇夾腦。你若不送去了。我們則不敢惹他。你趁早兒送去了。還便宜好些。俺且去洞中擡爐瓶去來。〔癩頭大聖云〕你說的是。都跟着我擡瓶爐去來。今日我們造物低。思想起來最孤恓。他若恰纔焦燥了。丟了撒婁變田雞。〔同下〕

第四折

〔外扮水官領鬼卒上〕〔云〕福佑蒼生雨露多。職居湖海管江河。滔滔雪浪蒼天覆。賞善除兇萬物和。吾神乃下元三品解厄水官洞陰大帝是也。執掌江河湖海萬靈之事。水災大會劫數之期。吾神位居坎地。領滔滔雪浪之雄。掌管鱗甲。看滾滾天生萬類。好生與天地齊眉。仁愛共乾坤並長。爲因下方當今聖上壽誕之辰。年年三界神祇。在南天門下祝讚。吾神着捲簾大將軍宣勅使。飛天神王報知四海水部神衆。可揀世間無有之寶。於海邊宮殿。拜賀聖人。有南海龍王打掃靈德堂。可以聚水部神祇。有四瀆神所舉金脊龍王位下有三面金牌。并金瓶壽爐。可以貢獻。又被

水中精怪偷去小金牌并壽爐。飛天神王顯神通。降伏水怪。今日都來此靈德堂供獻寶物也。鬼力望者。水部神祇來時。報吾神知道。〔鬼力云〕理會的。〔福祿壽三星同上〕〔福星云〕今因紫府神仙誕。共祝吾皇聖壽昌。吾神乃上界福星是也。這二位是祿星壽星。今有下方萬歲。明君治世。千邦納土。萬國皆降。風調雨順。民業安康。時逢萬壽聖節。有捲簾大將軍。傳水官勅令。着俺衆神祇。都在海邊靈德堂下。祝延聖壽。二位尊神行動些。〔祿星云〕尊神。想聖人在位。天下咸寧。上帝降勅。傳宣索取稀奇寶物。祝讚聖壽綿綿。皇圖永固。俺見水官上帝去來。〔壽星云〕二位尊神。吾神無可進獻。壽錄一統。表俺三星慶賀。可早來到也。鬼力報復去。道有俺三星來了也。〔鬼力云〕理會的。報的水官大帝得知。有福祿壽三星來了也。〔水官云〕道有請。〔鬼力云〕理會的。有請。〔三星見科〕〔福星云〕上聖。俺福祿壽三星來了也。〔水官云〕三位尊神來了。且少待。等水部下神祇來全時。一同祝壽。這早晚敢待來也。〔四瀆神領鬼力擡珊瑚樹四枝上〕〔江瀆神云〕萬年垂統民安樂。雨順風調社稷寧。吾神乃江瀆之神是也。這三位是河瀆神淮瀆神濟瀆神。爲因下方聖人萬壽聖節。有上帝命飛天神王。在南海取聖壽龍牌。又被水中怪物偷去。飛天神王降了水怪。俺同去接應成功。今日都在靈德堂下拜賀。俺獻珊瑚四株。三位尊神行動些。〔河瀆神云〕尊神。上帝有命。着五方龍王擡萬壽龍牌來慶賀壽誕。俺這四株珊瑚。一株約高三尺有餘。

此樹世間少有也。〔淮瀆神云〕尊神。這些寶物。惟表俺誠敬忠心。祝壽之意也。俺見上帝去來。〔濟瀆神云〕可早來到也。鬼力報復去。道有四瀆神來了也。〔鬼力云〕理會的。報的水官大帝得知。有四瀆神來了也。〔水官云〕道有請。〔鬼力云〕理會的。有請。〔四瀆神做見科〕〔淮瀆神云〕上聖。俺四瀆神來了也。無物可獻。有珊瑚四株。微表虔心也。〔水官云〕好好好。擺在一壁。這水部下其餘神衆。各有供獻寶物。敢待來也。〔攪海大聖翻江大聖同水部判官擡玻璃瓶一對。插牡丹花上〕〔攪海大聖云〕紅光瑞靄侵霄漢。萬聖千真祝壽來。吾神乃南海龍王手下攪海大聖是也。這二位是翻江大聖水部判官。有上帝命。爲因聖人萬壽之節。着俺各獻寶物。於靈德堂下慶賀。有五龍後面擡聖壽牌來也。俺尋了一對玻璃瓶。插金牡丹花。表俺誠敬之心。俺行動些。〔翻江大聖云〕尊神。飛天神王聚俺四瀆。所舉金脊龍王位下這聖壽龍牌。世間少有也。不是四瀆所舉。俺將何物供獻也。〔水部判官云〕你兩箇還說哩。我那一日。跟着飛天神王。來到海邊須彌洞裏。那兩箇看金牌的狗骨頭。都睡着了。被老癩將牌偷了去。若不是手腳疾。跑將來。連我也不的。〔攪海大聖云〕您不要胡說。可早來了也。鬼力報復去。道有俺水部神祇來了也。〔鬼力云〕理會的。報的水官大帝得知。有水部神祇來了也。〔水官云〕着他過來。〔鬼力云〕理會的。過去。〔三神見科〕〔攪海大聖云〕上聖。俺乃南海龍王手下攪海大聖翻江大聖水部判官獻玻璃

瓶一對。插金牡丹花在此。〔水官云〕好好好。擺在一壁有者。別的神祇。敢待來也。〔巡海大聖巨風大聖同亦旦公鼈長者蛤蠣大夫領巡海夜叉捧金盤八寶上〕〔巡海大聖云〕自離東洋龍宮內。直臨南海獻禱祥。吾神乃東海龍王手下巡海大聖是也。這四位是巨風大聖赤旦公鼈長者蛤蠣大夫。爲因下方聖人萬壽之節。有上帝勅令。着四海龍王各獻寶物。在南海靈德堂下。祝延聖壽。俺五位神金盤各獻摩尼珠犀角碼瑙磲瑛琥珀琉璃八寶等物。俺行動些。見上帝去來。〔巨風大聖云〕尊神。俺這盤中這些寶物。有何當緊。後面五位龍神。擡着那聖壽龍牌便至也。〔蛤蠣大夫云〕你們正不知道。爲這龍牌。我跟的飛天神王。到海島須彌洞中。不想被一箇獼頭。龜精偷了。上聖拏住他。每慌了。就拜降了。若不是我的手段高。怎麼拏的住他。〔赤旦公云〕你不必說。俺知道也。可早來到南海靈德堂也。鬼力報復去。道有東海水神。特來獻寶。〔鬼力云〕理會的。報的水官大帝得知。有東海水神來了也。〔水官云〕着他過來。〔鬼力云〕理會的。過去。〔衆做見科〕〔鼈長者云〕上聖。俺乃東海龍王手下衆多水神。進獻八寶數盤。特來慶賀。〔水官云〕您排在一邊。飛天神王。怎生不見到來也。〔江濱神云〕上聖。飛天神王降伏了水怪。着五龍擡聖壽龍牌便至也。〔水官云〕既他便至呵。一壁安排下祝壽的酒餞。鬼力望者。若來時。報吾神知道。〔鬼力云〕理會的。〔正末飛天神王上〕〔云〕小聖乃水官大帝位下飛天神王是也。自從傳詔與

四海龍王要一件稀奇寶物。金脊龍王收着聖壽金牌三面。不料被水怪偷去小牌。并爐瓶等物。吾神領天兵一陣。生擒了水怪。都皆歸降。蝦蟆長史都水先鋒。擡着那爐瓶。有五龍擡聖壽牌。行的慢。吾神先往靈德堂見上聖。走一遭去。看了下方聖壽之節。也非同小可也呵。〔唱〕

〔雙調新水令〕今日箇駕雲軒飛下九重天。你看這慶長生殿前排宴。羣星列的齊。福祿更圓全。則願的聖壽無邊。慶會罷。永康健。〔云〕可早來到這南海靈德堂也。

鬼力報復去。道有吾神來了也。〔鬼力云〕理會的。報的水官大帝得知。有飛天神王來了也。〔水官云〕道有請。〔鬼力云〕理會的。有請。〔正末做見科〕〔云〕上聖。小聖來了也。四瀆神。您先來了也。〔江瀆神云〕尊神。俺見你降了水怪。已歸正道。俺四神先來了也。〔水官云〕飛天神王。自從領了吾神宣詔。傳與四海龍王。打點稀奇寶物。并海邊宮殿。看了這靈德堂四圍山景。是一箇好去處也。你到海島紫霞須彌洞中。不見了那小金牌爐瓶之物。被水怪偷去。你怎生擒拏他來。吾神不會見。你略說一遍。俺試聽者。〔正末云〕上聖。當日小聖傳宣於四海龍王。他將寶物失了兩件。更待干罷。吾領天兵。與他鬪勝。聽小聖說一遍者。〔唱〕

〔鴈兒落〕氣的我急嚷嚷。心似煎。我和他不答話。來回戰。鬪不到十數合。他敗走疾如箭。〔水官云〕俺四海之神。誠心太重。報答吾皇。量那水怪到的那裡也。〔正末唱〕

〔得勝令〕呀。則俺這威鎮遍山川。這一片誠敬志心堅。俺若是祝罷吾皇壽。保護的華夷萬萬年。〔水官云〕有這衆水怪已降了也。龍神怎生不見來。〔正末唱〕他便走到跟前。親捧着牌三面。端的是延年。俺如今寬排祝壽筵。〔水官云〕且一壁有者。待擡將牌來。俺衆神一齊慶賀。〔蛤蟆大夫云〕上聖。不必我在下多言。那些水裏的怪物。急切裡扒不動了。〔正末云〕你不得知。他每便至也。〔水官云〕鬼力望者。若來時。報復俺知道。〔鬼力云〕理會的。〔蝦蟆長史都水先鋒上〕〔蝦蟆長史云〕領着幾箇眞油嘴。路上俄延不肯扒。自家海島金脊龍王手下蝦蟆長史是也。這箇是都水先鋒。我們看着金牌。那一日被幾箇油嘴。灌醉了我兩箇。將牌偷了去。虧了上聖奪將來。他每害慌。都降了。擡着那小牌爐瓶。走不動了。〔都水先鋒云〕你箇夾腦。則顧了你走。許多重。我也掣不動。俺等着他。兀的不來了也。〔獼頭大聖同衆精擡小金牌香爐花瓶插靈芝上〕〔獼頭大聖云〕自家獼頭大聖是也。那一日早則口強。上聖饒了。俺今日擡着這金牌爐瓶。往靈德堂去。你們走動些。〔鮎魚精云〕好輕東西兒也。百忙裡走不動。〔蝦蟆長史云〕你們來了也。俺不須報復。擡過去來。〔衆做擡金牌爐瓶見科〕〔蝦蟆長史云〕上聖。我領將這些油嘴。先擡小牌爐瓶來了。〔水官云〕我們怎生來的遲。那箇是獼頭精。〔獼頭大聖云〕上聖。小的便是。再也不敢發風了。〔水官云〕好好好。既爲水卒。收在部下。還有聖壽牌不見。

來哩。〔正末云〕這五龍之力。還擡不動。後面便至也。〔水官云〕若來時。報復我知道。〔鬼力云〕理會的。〔五龍擡金牌上〕〔金脊龍王云〕俺五龍擡着這金牌。不索報復。過去來。〔擡金牌安下科〕〔東海龍王云〕上聖。俺五龍捧將聖壽萬歲龍牌來了。這三莊寶物。世間委實少有也。〔水官云〕好好好。您將聖壽牌居中。兩邊安小牌。前面設下爐瓶。衆神祇將進獻寶物。擺在前面者。〔河濱神云〕理會的。衆神將寶物擺近前來。〔衆做擺住寶物寶爐瓶科〕〔赤旦公云〕尊神。四瀆神請近前來。您是何寶物也。〔淮瀆神云〕俺獻珊瑚四株。〔擡海大聖云〕俺獻玻璃瓶牡丹。〔巨風大聖云〕俺獻金盤八寶。〔癩頭大聖云〕上聖。俺奉大金色鯉魚一筐。這箇如何。〔水官云〕您靠後。飛天神王。這些寶物雖然少有。皆不及萬壽龍牌三面。明書着萬民樂業。天下太平。聖壽萬歲。堪可祝讚也。〔正末云〕上聖。看了這金牌。委實少有也。〔唱〕

〔落梅風〕這牌是天生就不可言。祝朝廷萬康健。〔南海龍王云〕尊神。這龍牌上紫氣飛揚。祥雲籠罩。委實難比其他之寶。虧俺五龍擡將來也。〔正末唱〕端的是祥雲瑞氣出自然。請您這衆神祇向前來祝獻。〔水官云〕巨風大聖。你與我金爐內焚上香者。衆神祇兩邊擺開。三位星官。有何祝壽之物也。〔福星云〕上聖。您水部神祇各獻寶物。五龍捧聖。俺福祿壽三星。有一通祝壽之文。你焚上香者。〔正末云〕小聖上香也。〔正末做焚香拜科〕〔唱〕

〔甜水令〕我則見裊裊明香。輝輝銀燭。虔誠無限。福祿壽侍立在這御堦前。〔壽星云〕俺祝壽罷。更加萬萬載無窮之福祿也。〔正末唱〕保護的萬載無窮。四方寧靜。千邦朝見。願吾皇洪福齊天。〔再做上香科〕〔壽星云〕俺三星有壽星年長。你讀祝壽文。〔壽星云〕衆神祇跪者。聽吾神讀祝壽文。伏以欣逢雍熙之世。喜遇聖誕之辰。壽同天地。南極咸臻。四夷來朝。八方寧靜。武勝文強。民安物阜。當今仁德勝唐堯。臣宰賢良過伊呂。千千載鼓吹笙歌。萬萬年乾坤清泰。永承宗廟。社稷咸寧。過文王奉太妊之誠。養漢帝孝光烈之敬。定弘遠之規模。賀昇平之氣象。五福順時。萬年嘉慶。開玳瑁之筵。祝遐齡之壽。天神共賀。祝讚明君。南極輝輝映壽筵。景星朗朗照遙天。臣民共賀當今壽。祝讚吾皇萬萬年。〔衆做拜科〕〔水官云〕這一場祝壽。多虧了五龍進獻這三面金牌。并許多寶物也。〔東海龍王云〕上聖。非干俺事。虧了飛天神王。四海傳宣。復奪寶物。降伏水怪。受無限辛苦。纔能穀今日在這靈德堂上祝壽也。〔正末云〕小聖打甚麼不緊。衆神祇多多用心也。〔唱〕

〔折桂令〕我端實耽驚怕。水路俄延。今日得供獻成功萬事俱全。〔福星云〕上聖在此。俺衆神祇年年都聚會在此。祝賀萬壽之節也。〔正末唱〕擺列着衆位神祇。高呼萬歲。永靜狼煙。〔金脊龍王云〕上聖看了這三面金牌。古今絕絕下原有也論古今從來矣趙校刪

罕見。比奇珍異寶新鮮。〔水官云〕您衆位神祇禮拜者。〔衆做拜科〕〔正末唱〕一齊的拜在塔前。感謝天顏。願年年享祭無窮。樂醕醢香裊華筵。

〔水仙子〕衆神祇揚塵舞蹈玉塔前一齊的萬歲山呼祝壽筵。願吾皇聖體多康健。壽遐齡似松柏堅。增福壽似海如山。感洪恩黎民樂。讚當今比堯舜賢。億萬歲洪福齊天。〔水官云〕衆神拜罷也。將壽酒來。俺在這壽牌前奉飲一杯者。〔鬼力云〕理會的。〔做擎酒科〕〔水官云〕吾神先飲一杯長生之酒。衆神祇都飲一杯。再將壽酒來。飛天神王。你

近前來。吾手內飲三杯者。〔正末云〕不敢不敢。上聖。吾神有何德能。敢勞上聖也。〔做接酒科〕

〔唱〕

〔沽美酒〕保皇圖萬萬年。願聖主壽綿綿。一統華夷世世傳。俺列在金鑾殿前。壽酒向御杯傳。〔水官云〕今年祝延聖壽。多虧飛天神王降勅傳宣。會五龍捧聖龍牌慶賀。保萬

載長生之祿也。〔正末唱〕

〔太平令〕感五龍將壽牌來獻。今日箇同共朝元。〔癩頭大聖云〕上聖也是俺一時的不是了。今日饒了俺罷。〔正末唱〕不爭你一時錯見。倒惹俺神兵征戰。〔福星云〕等都飲罷長生壽酒。祝延慶賀以畢。俺各回天界去也。〔正末唱〕呀。俺今日有緣。此間列長生壽筵。

則願的萬萬載河清海晏。〔水官云〕您五龍獻了聖壽金牌。衆神祇各進寶物也。三星獻長生壽籙。永祝萬年。到來年今日。都至九霄瑤瑤之宮。八寶層樓殿下。望下方祝賀聖壽。您聽者。大一統錦繡乾坤。嘉靖年海晏河清。喜遇着明君治世。四海安萬國咸寧。民安業千邦納土。遍州城米麥豐登。皆仰賀當今聖德。感天庭五福來臻。行孝敬仁慈廣大。布洪恩四海來賓。感天地五龍捧聖。四瀆神同賀生辰。水神進稀奇寶物。三星獻壽籙奇文。將異香來朝祝讚。壽同與南極之尊。年年賀遐齡永固。歲歲讚萬乘明君。玳瑁筵飛觥走爵。金殿內瑞氣氤氳。衆神聖各歸方位。守四維復住天庭。朝帝闕山呼萬歲。一齊的拜謝皇恩。

題目 慶長生四瀆來賓

正名 賀萬壽五龍朝聖

五龍朝聖穿關

楔子

捲簾大將軍

鳳翅盔
直纏

膝欄曳撒
帶劍

袍
三髯髯
項帕

鬼力

鬼頭

錦襖

項

福星

祿星

如意冠

鶴髻

牌子

玳瑁

壽星

如意蓮花冠

鶴髻

牌子

執圭

正末飛天神王

鐵幘頭

蟒衣曳

撒袍

項帕

項帕

三髯髯

執圭

壽星

如意蓮花冠

鶴髻

牌子

執圭

正末飛天神王

鐵幘頭

蟒衣曳

撒袍

項帕

項帕

直纏

搭膊

帶

三髯髯

背勅

旗

頭折

東海龍王

弁冠

上衫袍

方心曲領

火裙

錦綬牌

巡海夜叉

夜叉頭

錦襖

項帕

項帕

項帕

項帕

飛翅

巡海大聖

披廈冠

鬚髮陀頭抹額

膝欄曳撒

袍

巨風大聖

同前巡

赤旦公

赤旦公

赤旦公

赤旦公

赤旦公

赤旦公

紗帽

圓

鼈長者

黑漆幘頭

綠欄

項

蛤蟆大夫

展角幘頭

綠欄

正末飛天神

正末飛天神

正末飛天神

正末飛天神

正末飛天神

王同前

第二折

南海龍王 枕頭冠 上衫袍 方心曲領 火裙 錦綬牌 水卒 水卒頭 錦襖 項帕 攪

海大聖 翻江大聖 同前巡 水部判官 詔巾 綠欄 項 蛤蠣大夫 同北海龍王

乳冠 上衫袍 方心曲領 火裙 錦綬牌子 西海龍王 捲雲冠 上衫袍 方心曲領

帶 白髮 東海龍王 正末飛天神王 同江濱神河濱神淮濱神濟濱神 枕頭

上衫袍 方心曲領 火裙 錦綬牌子 帶 黑髮 三髯髯 執圭

楔子

癩頭大聖 癩頭頭 膝欄貼裏 鬼力 同鮎魚精 魚頭 錦襖 項帕 龜精 龜頭 錦

法墨 直纏 龜殼 蟹精 蟹頭 錦襖 項帕 法墨 蟹精 卒頭 錦襖 項帕 蝦精 蝦頭 錦

項帕 法墨 金脊龍王 枕頭冠 上衫袍 方心曲領 火裙 錦綬牌 巡海夜叉 同

蝦蟆長史 蝦蟆頭 補都水先鋒 水卒頭 膝欄貼裏 癩頭大聖 鮎魚精 龜精 蟹精

蝦精 又上 同前 正末飛天神王 蛤蠣大夫 水部判官 金脊龍王 巡海夜叉 同前

第三折

癩頭大聖。鬼力。鮎魚精。龜精。鼈精。蟹精。蝦精。同前蝦蟆長史。都水先鋒。癩頭大聖。鮎魚精。龜精。鼈精。蟹精。蝦精。鬼力。同前正末飛天神王。鬼力。蝦蟆長史。都水先鋒。同前癩頭大聖。衆精又上。四瀆神又上。同前

第四折

水官。枕頭冠 上衫袍 方心曲領 火裙 錦綬 執圭鬼力。福祿壽三星。同前四瀆神。鬼力。牌子 搭膊 玳瑁 帶 三髯髯攪海大聖。翻江大聖。水部判官。同前 擡玻璃 瓶一對牡丹花巡海大聖。巨風大聖。赤日公。鼈長者。蛤蠣大夫。巡海夜叉。同前 金盤八寶正末飛天神王。同前蝦蟆長史。都水先鋒。同前癩頭大聖。衆精。同前 擡小金牌 香爐花瓶靈芝五龍。同前 擡金牌

內本錄校清常記

衆天仙慶賀長生會

闕名

頭折

〔沖末扮殿頭官領張千上〕〔云〕寶殿金門映曉霞。融融麗日照東華。鳳城喜賞昇平世。萬年永固帝王家。小官乃殿頭官是也。方今之世。四海晏然。八方寧靜。黎民樂業。萬姓歌謠。五穀豐登。田蠶萬倍。風雨和調。民安國泰。方今聖人在位。德過堯舜。行邁禹湯。崇文重武。豁達大度。文欺伊呂之才。武勝韓彭之勇。鄉村鼓腹。享太平之年。黎庶謳歌。樂雍熙之世。當今聖主節近萬壽之辰。文武公卿。祝延聖壽。外國偏邦。稱臣拜表。則願的千千年社稷康寧。萬萬載江山鞏固。小官已令各該有司。預備朝儀。并文武百官。至期恭行慶賀。小官無甚事。且回私宅中去也。當今一統錦華夷。文臣武將拜丹墀。四海稱臣皆納土。萬年聖壽與天齊。〔下〕〔東華仙領金童上〕〔東華仙云〕閑騎鶴背上青天。閑講黃庭理道玄。蟠桃仙品三千載。結果成熟億萬年。貧道乃東華木公是也。居瑤池之境。閬苑仙鄉。閑賞十洲。閑觀三島。三界真仙。皆吾掌領。方今塵世太平之年。風雨宜時。田蠶萬倍。節近皇上萬壽之辰。奉西池金母法旨。可請天上天下得道真仙。祝延慶壽。速令金童仙女。前去請命衆仙。祝延赴會。金童喚將董雙成許飛瓊來者。〔金童云〕理會的。二位仙子安在。〔董

雙成上〔云〕尋真誤入蓬萊島。香風不動松花老。採芝何處未歸來。白雲滿地無人掃。吾乃董雙成仙子是也。正在仙苑中賞翫。上仙呼喚。不知有甚事。須索走一遭去。我在此等候許飛瓊。這早晚敢待來也。〔正旦扮許飛瓊上〕〔云〕吾乃瑤池境上金母案下許飛瓊是也。正與董雙成賞翫仙境。有金童來報。說東華帝君呼喚。不知有甚事。須索走一遭去。〔董雙成見科〕〔云〕許飛瓊。想俺身居紫府。長在仙鄉。饑餐千載蟠桃。渴飲玉液金漿。端的是長生不老。益壽延年。倒大來好幽哉也。〔正旦云〕雙成。想俺這仙家。居瑤池仙境。觀闔苑蓬瀛。是好仙境也呵。〔唱〕

〔仙呂點絳脣〕你看這玉闕光輝。瑞雲飄墜。沉煙細。仙境芳菲。滿目瓊瑤砌。

〔混江龍〕真乃是仙凡比異。我則見樓臺高聳。彩霞飛。看了這雲窗月戶。翠繞紅圍。更和這十二玉樓光燭燦。九重春色宴瑤池。端的是四景皆明媚。一壁廂鸞飛鳳舞。虎嘯猿啼。〔云〕可早來到也。金童報復去。道有許飛瓊董雙成來了也。〔金童云〕理

會的。〔做見科〕〔云〕報的上仙得知。有許飛瓊董雙成來了也。〔東華仙云〕着他過來。〔金童云〕理會的。過去。〔董雙成云〕飛瓊。俺見上仙去來。〔做見科〕〔正旦云〕上仙呼喚俺二仙。有何事。〔東華仙云〕喚您二仙來。別無甚事。今有西池金母。與貧道親言。爲因當今聖主仁孝。今遇聖壽之辰。喚您二仙來。着您請香山九老。并福祿壽三星八洞羣仙。至日與聖人祝延萬壽。您二仙則

今日請衆仙。走一遭去。〔正旦云〕理會的。
〔唱〕

〔油葫蘆〕見如今仁孝當今掌帝基。量寬洪安社稷。〔東華仙云〕當今聖人孝敬仁慈。比舜帝漢文。有何差別也。
〔正旦唱〕比着那漢文虞舜侍親闈。〔東華仙云〕見今聖主。豁達大度。納諫如流。免差徭。薄稅斂。田蠶百倍。五穀收成。天下人民。皆享太平之世也。
〔正旦唱〕見如今輕徭薄稅民存濟。更那堪田蠶開闢禾豐遂。舜能致瞽叟歡。漢文寬薄主姬。這的是吾皇有道施仁惠。因此上天下總歸依。〔東華仙云〕恭遇聖壽之期。萬方朝賀。八表來儀。您同九天仙女。各獻長生之物。理當祝慶也。
〔正旦唱〕

〔天下樂〕更和這仙女騰空下北極。〔東華仙云〕您二仙即今先請香山九老。并福祿壽三星。休要怠慢也。
〔正旦唱〕俺怎敢道延遲去路疾。我又索步青霄滿襟風力微。任遨遊海角邊。縱蛟綃仙袂衣。少不的至南天仙洞裏。〔董雙成云〕仙子。嗒既蒙法旨。豈敢違命。俺先請九老。次謁三星。然後相邀八洞羣仙。有何不可也。
〔正旦唱〕

〔那吒令〕若論着這九老星修真道德。更和他這福祿壽超凡出世。請着這八洞仙傳宣奉勅。〔東華仙云〕金母獻桃。南極祝壽也。
〔正旦唱〕九千年桃正熟。祝壽永長生會。願當今洪福天齊。〔東華仙云〕見今內外臣僚。不弱如呂望安邦之智。伊尹輔國之能也。

〔正旦唱〕

〔鵲踏枝〕見如今宰臣每理鹽梅。仿學那伊呂才能。吐哺心機。託賴着明聖主寬仁大德。端的是應天心福祿同隨。〔東華仙云〕喜遇聖人萬壽之日。將蟠桃仙酒。火棗交

梨。長生寶籙。會同衆仙祝賀。走一遭去。〔正旦云〕既然奉上仙法旨。便索請衆天仙去也。〔唱〕

〔寄生草〕既奉着東華令。教俺這西母知。獻上這蟠桃異果千千歲。更和那交梨火棗長生貴。金波玉醴皆沉醉。則願的皇圖千載永遐昌。大明朝一統歌堯日。〔董雙成云〕飛瓊。俺奉仙旨。須索請香山九老。并三星八洞真仙。走一遭去。〔正旦唱〕

〔金盞兒〕我教那曹國舅離西池。張果老共南極。張四郎自把輪竿執。呂洞賓匣中寶劍掣光輝。一箇盛仙花瓶內出。一箇鐵拐在手中攜。撒雲陽藍彩和。挽鬢髻漢鍾離。〔東華仙云〕許飛瓊。您二位仙子。便索走一遭去。〔正旦云〕辭了上仙。便索請衆羣

仙。走一遭去。〔東華仙云〕若請了衆仙。就回金母話去。〔正旦云〕理會的。〔唱〕

〔尾聲〕我與你別却洞中仙。回首無拘繫。誰敢道差遲半米。遙望白雲無盡期。趁天風拂袖如飛。步雲梯虎鹿猿隨。困倚蒼松枕怪石。俺那裡三千弱水。更和這蓬萊景致。我可便跨玄鶴頃刻到西池。〔下〕〔董雙成云〕不敢久停久住。則今日親奉

法旨請衆仙。走一遭去也。親奉東華法令差。祥雲穩駕離瑤臺。當今萬壽過堯舜。特請神仙赴會來。〔下〕〔東華仙云〕兩箇仙子去了也。若請的三星并八洞。九老羣仙知道。至日與聖主祝延上壽。走一遭去。聖明主豁達聰睿。文共武賢臣輔弼。會三天得道真仙。賀當今祝延萬歲。〔下〕

第二折

〔淨扮蓼花先生上〕〔云〕不喫齋食不念經。肥羊牛肉不嫌腥。神仙隊裏全沒我。賣嘴虛頭說謊精。貧道乃下八洞神仙蓼花先生是也。我也不修真養性。則是喫酒賭錢。做賊說謊。因此上爲大羅活神仙。我如今待要祝延上壽去。我有箇師弟。不見他來。我在這蓼兒凹等候着。這早晚敢待來也。〔淨扮虛頭居士上〕〔云〕辦道修行絕不知。羊頭蘸蒜且充饑。成仙了道都無我。則我是光邊油嘴脚梢皮。貧道乃虛頭居士是也。我幼年學道。自小做賊。先學劉窟剗牆。次後飛簷走壁。則學打家截道。人都說我是真賊。今有師兄蓼花有請。須索走一遭去。師兄。小道來遲勿罪。〔蓼花云〕我在此等候多時。俺祝延慶壽。走一遭去。來到這香山也。遠遠的不知是那幾箇神仙來了也。〔香山九老同上〕〔白居易云〕養性修真不記秋。烏飛兔走幾時休。逍遙散澹無拘繫。九老清談任意遊。貧道姓白名居易字樂天。隱於香山。生於大唐會昌九年。遇真仙傳金丹妙理。受長生之訣。自號香山居士。此一位仙長是胡杲。此一位是吉敏。此一位是李真。此一位是鄭據。此一位

是盧真。此一位是張輝。此一位是李元爽。此一位僧人乃是如滿。俺九人爲友。年甲不同。各有百歲。方今圣人治世。德過堯舜。節近聖誕之辰。俺九老仙人。欲要祝延慶壽。聽知的有上仙令玉女邀請。若來時。我自有箇主意。俺九老仙人。信步閑行者。〔蓼花云〕上仙稽首。〔白居易云〕你二位姓甚名誰。〔蓼花云〕小道乃蓼花先生。這一箇乃虛頭居士。俺二人聞知上仙要祝延慶壽去。俺二仙在此等候多時也。〔白居易云〕既然如此。你跟俺祝延慶壽。走一遭去。你則看那香風過處。必有神仙至此也。你二人看着。若上仙來時。報復我知道。〔蓼花云〕理會的。〔正旦同董雙成上〕
〔云〕俺二仙子乃許飛瓊董雙成是也。今奉上仙法旨。請香山九老。走一遭去。〔董雙成云〕仙子。你看那彩雲深處。瑞氣之中。必有上仙在此也。〔正旦云〕俺二仙請九老去也。〔董雙成云〕飛瓊仙子。想俺這仙家。端的是幽哉也。〔正旦云〕看了這仙家景致。好快樂也呵。〔唱〕

〔正宮端正好〕喜孜孜住瑤池。樂陶陶遊仙苑。虛飄飄弱水三千。高聳聳縹緲蓬萊殿。翠巍巍山色如藍靛。

〔滾繡毬〕俺那裡景物鮮。色正妍。笑吟吟玉樓開宴。錦重重花月神仙。一壁廂仙樂喧。更那堪講道玄。醉了呵。臥白雲瑞煙一片。看悠悠鶴舞蹁跹。巍巍萬丈蓬萊島。隱隱祥光徹太玄。景物堪言。〔云〕可早來到也。報復去。道有瑤池二仙子。奉東華帝

君法旨到此也。〔蓼花云〕你兩箇是瑤池仙子標致。小道報復去。告的老仙知道。洞門首有兩箇
仙子。奉東華帝君法旨。在於門首。〔白居易云〕道有請。〔蓼花云〕理會的。二位仙子有請。〔正旦
同董變成做見科〕〔胡杲云〕二位仙子。有何事到此。〔正旦云〕俺二仙。今奉東華帝君法旨。因
爲當今聖人萬壽之辰。特請您九位仙長。至日祝延聖壽。勿違法旨也。〔白居易云〕貧道等九仙
已知了也。至日會天仙一同祝延聖壽。怎敢有違法旨也。〔正旦唱〕

〔偷秀才〕我親奉東華差遣。纔離了蓬萊閬苑。〔李真云〕二位仙子。此香山離瑤池索
是迢遙也。〔正旦唱〕又不是夕貶潮陽路八千。〔李真云〕將何禮物。與當今仁主祝壽去也。
〔正旦唱〕俺那裡蟠桃結九千年。非是我自闡。〔鄭據云〕二位仙子不知。說當今聖主仁
慈道德。孝敬寬宏。雖古之二帝三王。不能及也。〔正旦唱〕

〔呆骨朵〕說當今聖主承天眷。任忠良文武英賢。更那堪孝敬仁慈。宰臣每名
高位顯。〔吉敏云〕當今聖主學崇道統。德感天人也。〔正旦唱〕現南極青霄上。降西母黃金
殿。〔李元爽云〕俺九仙將何禮物。祝壽去也。〔正旦唱〕則要你獻丹砂九轉功。祝嵩呼萬
萬年。〔盧頭云〕九位仙長。至日祝延聖壽去。我和蓼花先生。去山後尋些田雞。再買些螃蟹。喫三鍾
耍子。〔張輝云〕俺香山九老。感蒙東華西母誠意邀請。俺到聖壽之日。祝賀長生。豈敢遲慢也。

〔正旦唱〕

〔脫布衫〕親奉着東華主法旨尊言。西金母勅令親傳。〔白居易云〕再請那幾位天仙。〔正旦唱〕福祿壽三星皓老。〔張輝云〕再有那幾位羣仙。〔正旦唱〕八洞仙共同朝現。

〔僧如滿云〕再有何處羣仙。仙子你說一遍者。〔正旦唱〕

〔小梁州〕更和那玉闕仙姬下九天。俺可使共結塵緣。蟠桃此日獻奇鮮。鸞鶴現。乘五彩駕雲軒。神龜白鹿離仙苑。祝長生松柏齊肩。見如今聖主恩。這的是民稱善。俺將這金波齊勸。共祝壽到人間。〔盧眞云〕二位仙子。若見東華帝主。回言道俺

衆位羣仙。到至日同共祝壽。走一遭去。〔正旦唱〕

〔醉太平〕離香山洞前。臨南極峯顛。往來週遍步芝田。非是我緣薄也。那分淺。近蒼崖一朶靈芝現。遠石岩飛出白雲片。落松花滿地近山川。更怕我步瑤臺路遠。〔白居易云〕二位仙子。您回於仙境去。俺這九老。到至日親赴龍庭。祝賀聖壽。走一遭去。〔夢

花云〕二位仙子先行。就拜上東華西母。到至日我和盧頭居士。也走一遭。〔董雙成云〕飛瓊仙子。俺二仙回南極洞中走一遭去。〔正旦云〕俺回去來。〔唱〕

〔尾聲〕我辭別了九老忙回轉。遙指白雲山際邊。俺那裡春景融和柳吐煙。夏

景榴花紅綿鮮。秋色沉沉黃菊天。冬景堪宜梅綻圓。那其間祝壽遐齡萬年遠。
〔同輩雙成下〕〔白居易云〕既然上仙邀請。至日祝壽。走一遭去。衆仙不避路迢遙。穩駕祥雲上
九霄。吾皇萬壽同天地。九老真人賀聖朝。〔同下〕〔蓼花云〕九位仙長回洞中去了也。俺兩箇無
甚事。擎着幾頭紫皮蒜。山下人家套狗喫去來。俺二人生的實是傷。每日到處則胡走。你便下山
去偷雞。我便人家去套狗。〔下〕

第三折

〔淨扮仙童上〕〔云〕我做道童手段高。經文道法不曾學。騎着仙鶴騰空起。吊將下來跌折腰。
貧道俗姓卜喚做卜知道。在此山做着箇道童。何謂道童。道乃乾坤之道。童乃童子出家。我先拜
骷髏先生爲師。後拜老沒影先生學道。我又拜脫空始祖學了些打家截道。偷東摸西。我如今洗
了心。伏侍着上八洞神仙。他都去茶食齋粥買油果兒喫去了。打掃的洞門乾淨。上仙敢待來也。
〔鍾離同張四郎上〕〔鍾離云〕生我之門死我戶。幾箇惺惺幾箇悟。夜來鐵漢細尋思。長生不死
由人做。貧道覆姓鍾離。名權字雲房。道號是正陽子。祖居咸陽京兆人也。貧道生的容貌奇偉。幼
年習通文武。髯過於腹。目有神光。我先爲大漢將軍之職。自終南山遇着東華帝君受教。次後登
仙。此一位仙人乃張四郎。今奉上仙法旨。方今聖人在位。喜遇萬壽聖節。命俺上八洞神仙。祝延

慶壽。仙童請衆位神仙來者。〔淨仙童云〕理會的。衆位神仙。上仙有請。〔呂洞賓同曹國舅上〕
〔洞賓云〕朝遊北海暮蒼梧。袖褪青蛇膽氣麤。三醉岳陽人不識。朗吟飛過洞庭湖。貧道姓呂名
岩字洞賓。道號純陽子。曾爲大唐進士。在中條山王化店。遇着鍾離師父。點化一枕黃粱夢。得其
省悟。後來證果登仙。今日上仙有請。須索走一遭去。可早來到也。仙童報復去。道有呂岩曹國舅
來了也。〔淨仙童云〕理會的。報的上仙得知。有呂洞賓曹國舅來了也。〔鍾離云〕道有請。〔淨仙
童云〕理會的。有請。〔二仙做見科〕〔洞賓云〕上仙稽首。俺二仙來了也。〔鍾離云〕仙童看者。還
有四位神仙未來哩。〔淨仙童云〕理會的。〔鐵拐李同張果老上〕〔鐵拐云〕一脚剛躡一脚輕。髯
鬆短髮數星辰。世人休笑蒼蒼拐。攪的黃河徹底清。貧道乃鐵拐李岳是也。此一位神仙。乃是張
果老。仙童來報上仙有請。俺二仙須索走一遭去。可早來到也。仙童報復去。道有鐵拐李張果老
來了也。〔淨仙童云〕理會的。報的上仙得知。有鐵拐李張果老來了也。〔鍾離云〕道有請。〔淨仙
童云〕理會的。有請。〔二仙做見科〕〔鐵拐云〕上仙稽首。貧道來遲勿罪。〔鍾離云〕則少韓湘子
藍彩和哩。仙童望者。若來時。報復我知道。〔淨仙童云〕理會的。〔韓湘子同藍彩和上〕〔韓湘子
云〕休把眞鉛身外尋。等閑虛度過光陰。若知奇奧金丹訣。參透玄關一點心。貧道姓韓名令字
湘子。自幼出家。成仙了道。能造逡巡美酒。善開頃刻奇花。正與藍彩和着棋。仙童來報。上仙有請。

須索走一遭去。可早來到也。報復去。道有韓湘子藍彩和來了也。〔淨仙童云〕理會的。報的上仙得知。有韓湘子藍彩和來了也。〔鍾離云〕道有請。〔淨仙童云〕理會的。有請。〔二仙見科〕〔湘子云〕上仙稽首。俺二仙來了也。〔鍾離云〕請衆位尊仙。別無甚事。今有上仙法旨。方今聖人在位。喜遇萬壽聖節。命俺上八洞神仙。祝延慶壽。走一遭去。〔洞賓云〕既然奉上仙法旨。不敢有違。同共祝延慶壽去來。〔鍾離云〕仙童喚的青松翠竹寒梅三箇仙子來者。〔淨仙童云〕理會的。松竹梅三位仙子。上仙呼喚。〔松竹二旦同上〕〔松旦云〕三友堅牢傲古今。自然霜雪不相侵。翠竹寒梅爲伴侶。榮枯難比歲寒心。俺二仙乃青松翠竹是也。仙童來報。上仙呼喚。不知有甚事。須索走一遭去。在此等候梅花仙子。這早晚敢待來也。〔正旦扮梅花仙子上〕〔云〕妾身乃梅花仙子是也。上仙呼喚。不知有甚事。俺三人須索走一遭去。〔唱〕

〔中呂粉蝶兒〕我這裡信步逍遙。片時間恰纔來到。趁天風繡袂飄飄。駕雲軒乘丹鳳。青鸞引導。你看這瑞靄飄飄。望仙壇彩雲籠罩。〔松旦云〕仙子來了也。你看那金門迎曉日。瑞靄罩龍樓。是好仙景也。〔正旦唱〕

〔醉春風〕躋壽域赴蓬萊。過蒼崖觀翠島。你看這猿啼松頂老龍吟。端的是少。少。古木橫橋。洞門微掩。野禽高噪。〔云〕可早來到洞門首也。〔竹旦云〕仙童報復去。道有松

竹梅三箇仙女來了也。〔淨仙童云〕你則在這裡。我報復去。你可休走了。報的上仙得知。松竹梅三箇仙女。在於洞門首。〔鍾離云〕着他過來。〔淨仙童云〕仙子。着你過去哩。〔衆做見科〕〔正旦云〕上仙喚俺三箇仙女。有何法旨。〔鍾離云〕喚您三箇來。別無甚事。方今聖主在位。喜遇萬壽聖節。奉上仙法旨。着俺八洞神仙。前去祝延慶壽。三位仙子。俺共同走一遭去。〔正旦唱〕

〔迎仙客〕猛然間觀了相貌。凝眸處覷了分毫。〔鍾離云〕想俺這爲神仙者。端的是長生不老。益壽延年。〔正旦唱〕你看那面如童朗。然修煉的好。端的是煞崢嶸觀相貌。出家兒散澹逍遙。更那堪不染紅塵道。〔鍾離云〕仙子。你看俺這仙家的景致。端的是好清高也。〔正旦云〕端的是好仙境也呵。〔唱〕

〔紅繡鞋〕看了這仙境內端實奇妙。更和這錦芳叢翠竹夭桃。〔洞賓云〕俺這裡神龜異獸。虎鹿猿鶴。不離於左右也。〔正旦唱〕我則見虎鹿神龜共猿鶴。閑來時琴三弄。悶時節飲香醪。端的是永長生延壽考。〔張四郎云〕您三箇仙子聽者。因爲方今聖人萬壽之日。着您各獻松竹梅。至日上壽。走一遭去。〔正旦云〕既然奉上仙法旨。須索走一遭去。〔唱〕

〔喜春來〕則我這梅花仙子非驕傲。〔松旦云〕仙子。我將着青松。與當今聖主上壽去如何。〔正旦唱〕更和這松檜堅心豈憚勞。〔竹旦云〕上仙。我這翠竹也要祝延聖壽。走一遭去。〔正

旦唱。哎。你箇瀟瀟翠竹不輕搖。都待要延壽考。一齊的臨帝闕。拜皇朝。〔鐵拐云〕你三位仙子。并衆位羣仙。都要祝賀。走一遭去。〔淨仙童云〕上仙在此。我不言語。氣出我屁來。他三箇走將來。大模大樣的。我倒不如你。你這梅花。有甚麼好處。在我跟前。嘴兒舌兒的。你說。〔正旦云〕這箇仙童好無禮也。〔唱〕

〔石榴花〕我則見他紛紛豪氣捲江濤。是他便忿忿的氣冲霄。〔淨仙童云〕你這梅花。有甚麼好處。〔正旦唱〕俺端的欺霜傲雪志清高。看岩前鬪巧。不比蓬蒿。端的是動詩人舉意。施才調。暗香浮性格多嬌。一枝泄露春先報。我可也自在總英豪。〔淨仙童云〕梅花也罷。你這松可有甚麼好處。〔松旦云〕我這松益壽延年。長生不老也。〔正旦唱〕

〔鬪鶴鵲〕這松也益壽延年。敢則是長生不老。他生的勢若蒼龍。臂如臂如虎爪。〔淨仙童云〕梅花仙子勝脫氣。于你甚麼事。〔正旦唱〕不是我好鬪偏爭所事高。俺端的性不聾。〔淨仙童云〕可于你甚麼事。〔正旦唱〕俺須是松竹寒梅。休猜做閑花野草。〔張果老云〕你這箇仙童。休得無禮。有上仙在此也。〔淨仙童云〕上仙。你說話不如放屁。我不要做人。這梅花和松也罷。你這翠竹。有甚麼好處。也欺負我。〔竹旦云〕我這翠竹。敲金擊玉。冬夏常

清。比那野草開花不同也。〔正旦唱〕

〔十二月〕這松他從來性巧。更和那翠竹孤高。端的是敵金挺節。更那堪勢接青霄。他也曾欺霜傲雪。施呈些鳳尾鸞梢。〔曹國舅云〕你三位仙子。將松竹梅花。正當祝延聖壽也。〔正旦唱〕

〔堯民歌〕呀。這的是歲寒三友獻皇朝。更和那九老頻斟祝香醪。八仙隊裏獻蟠桃。三老延年壽彌高。量也波度。當今做舜堯。則願的萬載行仁孝。〔藍彩和云〕你三位仙子。且回洞府去。到至日同衆位羣仙祝賀。走一遭去。〔正旦云〕辭別了上仙。回洞府去來。〔竹旦云〕三位仙子。俺回去來。〔正旦唱〕

〔尾聲〕相隨着千載松與梅花作故交。我和這千條翠竹同時到。遙望着鳳闕龍樓壽年考。〔同下〕〔鍾離云〕松竹梅三位仙子去了也。俺八位真仙。到至日祝壽。走一遭去。羣仙邀會下天庭。蟠桃此日祝遐齡。三星九老同朝會。共賀長生拱大明。〔同下〕〔淨仙童云〕上仙回洞中去了。那三箇仙子也去了。無甚事。山後頭偷茄子喫去來。住。各人自掃門前雪。莫管他家屋上霜。呸。錯走到戲文裏去了。〔下〕

第四折

〔福星領金童上〕〔福星云〕福祿三星號上真。三台華蓋獨爲尊。跨鶴騎鹿朝金闕。拂袖飄飄駕彩雲。貧道乃上界增福星君是也。自昔混沌初分。判三才而膺位。理二氣之相生。掌善惡之因。注增福之事。不爲享祭而降福。豈因勢力而降禍。皇天無私。惟德是輔。方今聖主萬壽之辰。上帝勅令。着俺三老星官。祝延慶壽。金童與我請祿壽二位星君來者。〔金童云〕理會的上仙有請。〔祿星云〕每跨蒼鸞謁上真。世間無我一般人。金闕書名朝帝主。永保山河萬載春。貧道乃注祿星君是也。往三十六洞天七十二福地。掌人間榮祿貴賤之事。今有上仙有請。須索走一遭去。可早來到也。報復去。道有祿星來了也。〔金童云〕理會的。〔報科〕〔云〕報的上仙得知。有祿星來了也。〔福星云〕道有請。〔金童云〕有請。〔做見科〕〔祿星云〕貧道來遲。上仙勿罪也。〔福星云〕不敢不敢。仙童等壽星來時。報復我知道。〔金童云〕理會的。〔壽星上〕〔云〕宏開壽域化諸天。象帝之先。玄又玄。達道了然登紫府。賜君福壽永綿綿。貧道乃南極長生大帝老人星是也。想南極之精。東華之英。壽域宏開。億萬斯齡。自太極初分。大羅天上。爲三清之境。三十六天。乃有九氣九霄三境。閑騎白鹿遊三島。笑跨黃鶴阮九州。今有福祿二星有請。須索走一遭去。可早來到也。報復去。道有壽星來了也。〔金童云〕理會的。〔報科〕〔云〕報的上仙得知。有壽星來了也。〔福星云〕道有請。〔金童云〕有請。〔做見科〕〔壽星云〕貧道來遲。二位星君恕罪也。〔福星云〕不敢不敢。貧道請二

位星君。別無甚事。今奉上仙法旨。方今聖人在位。仁過堯舜。德邁禹湯。時遇萬壽聖節。着俺三位星官。祝延上壽。二位尊星。令荷花仙子凌波仙子。將着靈芝瑞草。跟着俺同去祝延慶壽。有何不可。〔壽星云〕謹依仙命。金童便與我喚將荷花仙女凌波仙女來者。〔金童云〕理會的。荷花仙女凌波仙女安在。〔正旦扮荷花仙子同凌波仙子上〕〔凌波云〕正直忠心朝帝闕。成仙了道赴蓬瀛。妾乃凌波仙女是也。這一位乃是荷花仙子。正在洞天遊翫仙景。今有福祿壽三星。令金童來喚。不知有何法旨。須索走一遭去。〔正旦云〕仙子休避驅馳。須索走一遭去。〔唱〕

〔越調鬪鶴鶯〕離了這九重瑤天。直至俺三星洞府。一箇箇仙媚芳姿。更那堪雲鬟半吐。翠袖仙裳。鮫綃繡服。金鳳翹。雲鬢梳。你看這仙袂飄飄。雲鞋步促。

〔紫花兒序〕我則見祥雲瑞靄。紫霧朦朧。錦繡模糊。則俺這仙家景致。造化盈虛。不比其餘。我和那檜柏青松爲伴侶。更和那猿鶴虎鹿。看了這豔冶天桃。翠色芙蕖。〔凌波云〕可早來到也。金童報復去。道有荷花仙女同凌波仙子來了也。〔金童云〕理會的。

〔報科〕〔云〕報的上仙得知。有荷花仙女同凌波仙女來了也。〔福星云〕着他過來。〔金童云〕理會的。過去。〔正旦同凌波仙子做見科〕〔正旦云〕上仙。今日呼喚俺仙子來。有何法旨。〔福星云〕喚您仙子來不爲別。今因聖朝天子。萬壽聖節將近。如今俺衆仙并東華金母。共您衆仙子。到至

日各獻上壽之物。務要稀奇之禮也。〔正旦唱〕

〔小桃紅〕你道是東華仙主現變輿。教俺這仙子蒙恩露。福壽綿綿廣霑布。〔凌波云〕既蒙上仙遣差。偕同衆位天仙。便去祝延聖壽也。〔正旦唱〕您一箇箇莫躊躇。三星共祝增福祿。齊仰賀當今聖主。則願的皇圖永固。普天下豐稔樂康衢。〔凌波云〕上仙法旨。至日會同一齊祝壽去也。〔壽星云〕您二位仙子在此。到至日同西池金母東華帝君八洞真仙。俺三老星官。共您衆位仙子。各獻長生之物。福者增福。祿者增祿。壽者增壽。只願的當今聖上福如東海之水。壽若南山之松也。〔正旦唱〕

〔調笑令〕見三星共語說從初。齊祝讚萬載千秋明聖主。〔凌波云〕瑤池會上。西池金母獻蟠桃。到至日少不的各顯神通妙術也。〔正旦唱〕更那堪西池金母蟠桃熟。熱原作注東華仙闡教虛無。有他這八仙洞中顯聖術。笑吟吟壽祝嵩呼。〔凌波云〕到來日使神通祥雲籠罩。祝天顏喜氣多生。方顯衆羣仙之禮也。〔正旦唱〕

〔禿厮兒〕漢鍾離丹砂共祝。呂洞賓飛劍神術。張四郎輪竿手執不釣魚。曹國舅將笊籬共金符。端的無虛。〔凌波云〕俺衆羣仙共祝長春之壽。齊臨帝王之前。一齊慶賀也。〔正旦唱〕

〔聖藥王〕張果老跨蹇驢。李岳將鐵拐扶。韓湘子鮮花勝出在須臾。更有這藍彩和檀板舒。青天歌唱。動徹清虛。一齊的朝聖主。赴皇都。〔福星云〕您衆位仙子。到聖壽之辰。同去祝賀。你如今且歸洞天去。〔凌波云〕仙子拜辭了上仙。回俺那洞天去也。〔正旦云〕俺如今辭別了上仙。便索回去也。〔唱〕

〔尾聲〕俺齊歸洞府瑤天去。穩駕着祥雲半縷。同祝賀永長生。共享昇平萬萬古。〔正旦同凌波仙子下〕〔福星云〕仙子去了也。無甚事。且回俺那洞中去也。仁孝主大德寬明。賀年豐四海清寧。祝南極萬年永壽。慶長生福祿三星。〔下〕〔祿星云〕福星去了也。到至日祝延聖壽。走一遭去。聖主仁慈感上蒼。千邦拱手盡來降。羣仙祝壽朝金闕。萬載皇圖聖壽昌。〔下〕〔壽星云〕二位星官去了也。俺且回洞府去來。聖明主豁達寬厚。樂豐年一合宇宙。衆天仙同赴丹墀。齊祝讚萬年聖壽。〔下〕

第五折

〔殿頭官領張千上〕〔云〕成康周帝德爲尊。文景仁慈二漢君。方今聖主過堯舜。永固山河萬萬春。小官殿頭官是也。恭遇萬壽聖節。天開黃道。聚賢鼓響。景陽鐘鳴。三省六曹九卿四相。百司官員。文武羣臣。披袍秉笏。擺列班行。四海稱臣。八方納表。舞蹈揚塵。山呼萬歲。你看那戈戈蹬棒。班

劍鑾輿。繖蓋飄飄。龍車寶輦。武士金瓜。錦衣花帽。龍蟠金鼎。鳳遶朱幃。天樂均齊。仙音嘹亮。你看那瑞靄迎金殿。祥雲罩鳳樓。紫霧紅光。天花飄墜。覺一陣香風拂面。你看那雲端頂上。敢是神仙至此也。〔白居易同衆老上〕〔白居易云〕離却香山赴帝京。吾皇殿閣勝蓬瀛。當今有德羣仙降。祝壽延年億萬齡。貧道乃香山九老是也。今奉上仙法旨。直至帝京。與當今皇上祝延聖壽。貧道在此等候。還有幾位上仙。這早晚敢待來也。〔東華仙同福祿壽三星八洞神仙同上〕〔東華仙云〕羣仙拱手下雲端。只爲吾皇德厚寬。齊臨祝賀遐齡壽。聖世昇平萬姓歡。吾乃東華帝君是也。方今皇上萬壽聖節。俺這三界真仙。祝延聖壽。衆羣仙接應西池金母。祥雲起處。敢待來也。〔正旦扮金母領金童捧仙桃玉女執羽扇凌波仙子執靈芝松旦執松竹旦執竹蕈雙成執梅花擺列同上〕〔正旦云〕吾乃西池金母是也。居崑崙之圃。閼風之苑。玉樓十二。玄臺九層。左帶瑤池。右環翠水。今遇萬壽之辰。同大小羣真。祝延聖壽。走一遭去也呵。〔唱〕

〔雙調新水令〕我則見列仙音一派奏笙簧。擺雲車鳳儀鸞仗。扇開金孔雀。侍女錦霓裳。羽蓋雲幢。遙望見東華帝五雲降。〔云〕雲端頂上。莫不是東華帝君。〔東華仙云〕貧道同三星與衆位羣仙。在此等候多時也。〔正旦唱〕

〔駐馬聽〕我則見寶蓋飄揚。一朵紅雲捧玉皇。遙望見瓊樓金晃。龍翔鳳舞靄

穹蒼。羣仙朝聖五雲鄉。青鸞導引無遮障。〔福星云〕俺衆天仙等待多時也。侍女歌一篇清天之曲者。〔正旦唱〕奏雲韶仙樂響。拂天風兩袖如輕颺。〔東華仙云〕俺衆天仙與當

今祝賀。雲頭落處。可早來到也。〔壽星云〕金母。你看這瓊樓玉宇。寶殿金門。雕欄玉砌。柿蒂雲窗。不弱如天宮之景也。〔正旦云〕是好景致也呵。〔唱〕

〔鴈兒落〕翠巍巍的祥雲遶畫梁。錦重重雕料泥金戩。曲彎彎瑤臺十二層。高聳聳殿閣三千丈。〔東華仙云〕你看這椒壁宮牆。瓊樓玉閣。堪比天宮之處也。〔正旦唱〕

〔得勝令〕光燦燦椒壁翠雕牆。明晃晃寶殿隱祥光。分朗朗玉闕金釘戶。齊臻臻雕成柿蒂窗。我這裡端詳。端的是勝似蓬萊上。我這裡斟也波量。端的是比天宮兜率強。〔殿頭官云〕你看那雲端頂上。羣仙朝聖。香風霽靄。瑞氣飄飄。可不知是何方聖者。

甚處天仙。臨於此處也。〔福星云〕吾乃福祿壽三星是也。同東華帝君。西池金母。八洞真仙。衆位仙女。香山九老。各執長生之物。爲因當今聖主仁孝寬厚。德邁禹湯。今遇萬壽之辰。俺特來慶賀也。〔東華仙云〕俺衆神仙在此碧雲之上。遙望金門祝讚者。〔福星等衆云〕謹領法旨。〔東華仙云〕聽貧道祝讚。一粒金丹九轉成。徑朝金殿祝遐齡。願祈聖壽三千紀。萬載皇圖享太平。〔福星云〕一顆蟠桃帶露鮮。來朝鳳闕下雲軒。永延聖壽同天地。穩坐蟠龍萬萬年。〔祿星云〕一枝

碧藕祝長生。遙望京都賀大明。頓首誠惶齊讚禮。乾坤一統萬年興。〔壽星云〕長生寶籙手中持。謹請金鑾獻紫微。聖主延年三萬歲。風調雨順掌皇基。〔鍾離云〕謹持機扇獻皇明。願祝長春萬紀增。五穀豐登民樂業。八方四海賀昇平。〔洞賓云〕一錠龍香墨。整齊延年益壽保華夷。民安國泰邦巍蕩。一統山河壯帝基。〔白居易云〕一株芝草色清奇。謹祝長生日月齊。大小羣真同讚禮。高呼萬歲進金盃。〔正旦唱〕

〔川撥棹〕我則見透空蒼。熱金猊寶篆香。你看這瑞靄祥光。花落芬芳。更和這靄靄雲生氣爽。見天仙降下方。〔東華仙云〕俺衆羣仙都向前者。〔正旦唱〕

〔七弟兄〕近着這御傍。聖上讚吾皇。祝嵩呼萬載千年旺。賀當今聖壽永無疆。祝長生一派仙音亮。〔壽星云〕俺祝讚皇上壽若遐齡。福如汪洋之水也。〔正旦唱〕

〔梅花酒〕呀。不是我自誇獎。福似汪洋。祿享年康。壽若遐昌。有寒梅共翠竹。九老共女仙妝。則願的祝壽長。香山老不尋常。上入洞降禎祥。

〔收江南〕呀。更和這蟠桃千載獻君王。瑤池玉液飲瓊漿。長生寶籙捧瑤觴。一齊的拜向。賀吾皇聖壽與天長。〔東華仙云〕您衆位天仙在此。目今祝延萬壽之辰。當今皇上真乃是豁達大度。納諫如流。仁慈寬厚。因此上感動俺這羣仙。都來與皇上祝延聖壽。您聽者。

聖主仁慈過舜堯。四夷拱手盡來朝。稱臣拜表歸王化。忠良文武衆臣僚。天花墜落飄金縷。千載遐齡慶壽高。桂柏寒梅并翠竹。靈芝仙洞共仙桃。八仙齊列朝金闕。三星同赴下青霄。東華紫府乘白鹿。西池金母跨黃鶴。羣仙祝壽金鑾殿。萬歲高呼賀聖朝。

題目

西金母桃結九千春

正名

衆天仙慶賀長生會

長生會穿關

頭折

殿頭官

兔兒角幘頭

補子

張千

攢頂

圓領

東華仙

如意蓮花冠

鶴髦

牌子

金

童

秦巾

邊欄

董雙成

正旦

許飛瓊

花箍

補子

圓領

裙

鞋

第二折

蓼花先生

道冠

邊欄

白居易

一字巾

茶褐直身

杖

胡杲

吉敏

李

眞鄭據

秦巾

邊欄

道袍

盧眞

張輝

全眞冠

邊欄

道袍

樓扇

李元爽

散巾

邊

三髯

不老葉

僧如滿

僧衣

數珠

正旦

許飛瓊

董雙成

同

第三折

仙童

雙髻髻髮

陀頭

鍾離

雙髻髻髮

陀頭

紅雲鶴道袍

錦襖

不老葉

法墨冠

喬兒

樓扇

張四郎

秦巾

雲鶴道袍

不老

呂洞賓

九陽巾

茶褐雲鶴道袍

錦襖

不老葉

法

墨冠

喬兒

樓扇

布襪 八答鞋 雙
 劍 三髭髯 裙扇 曹國舅 雙髻髻陀頭 雲鶴道袍 不老 鐵拐李 鬚髮陀頭 皂補
 葉 法墨鞋 喬兒 網裙 雜彩縑 執 張果老 方巾 邊欄道袍 不老葉 執 韓湘
 袋 行纏 布襪 八答鞋 猛髯 鐵拐 張果老 袋 縑兒 白髮 白髯 驢扇 執 韓湘
 子 雙髻陀頭 雲鶴道袍 不 藍彩和 詔巾 綠欄 板 松旦 竹旦 花箍 襖兒 裙兒 正
 老葉 縑兒 執袋 花籃 藍彩和 詔巾 綠欄 板 松旦 竹旦 花箍 襖兒 裙兒 正
 旦梅花仙子 柳葉冠 膝欄襖兒 膝
 欄裙 香串 布襪 鞋

第四折

福星祿星 如意冠 鶴髻 牌子 壽星 如意蓮花冠 鶴髻 牌子 正旦荷花仙子 柳
 冠 補子襖兒 裙兒 凌波仙女 花箍 補子襖兒 裙
 香串 布襪 鞋 凌波仙女 兒 香串 布襪 鞋

第五折

殿頭官 張千 白居易 九老 東華仙 福祿壽 八仙 同 正旦金母 金冠 仙衣 玳
 執 金童 同前 玉女 花箍 襖兒 裙兒 香 凌波仙女 松旦 竹旦 董雙成 同前
 圭 捧仙桃 串 布襪 鞋 執羽扇 凌波仙女 松旦 竹旦 董雙成 同前
 松竹 梅花


內本校錄清常記

孤本元明雜劇

長生會

三

涵芬樓藏版



賀昇平羣仙祝壽

闕名

頭折

〔冲末扮南極大仙領仙童上〕〔云〕園苑迢迢弱水東。碧天如黛杳無窮。自從混沌分茅土。縹緲瀾漫天地中。貧道乃上界南極大仙是也。貧道秉太極之真形。託虛無而爲體。替天行法。與道合真。久居在十二層鬱羅蕭臺。長遊在八極苑閭風院內。妙無上等億劫。無窮道化羣迷。祖宗天地化一萬方。自金闕玄元太上老君堅化以來。陰陽始判。太極初分。貧道自居蓬島以來。化愚成道。秉性一誠。煉丹砂九轉而成。採黃芽鼎烹白雪。玉爐香燼。碧天明月正悠然。金鼎茶殘。翠沼蓮開。香噴鼻。今日早間。赴天齋之時。奉上帝法旨。爲因下方聖人孝敬虔誠。國母尊崇善事。晝夜諷誦經文。好生慈善。感動天庭。今逢國母聖誕之辰。着貧道在此仙苑中。聚羣仙來商議。怎生與國母上壽。我着青衣童子。請衆位羣仙去了。不見到來。貧道在此等候着。這早晚敢待來也。〔外扮鍾離上〕〔云〕霜落冬來秋去遲。寫天鴻鴈正南飛。蒼梧已老凋金井。紅葉零零景漸微。貧道覆姓鍾離名權字雲房。道號正陽子。乃京兆咸陽人也。爲貧道容貌雄偉。學通文武。身長八尺七寸。髯過於腹。目有神光。曾爲大漢名將。因爲行軍失利。迷其道路。誤入終南山中。偶遇東華祖師。授以

玄虛至道。貧道時間省悟。隱於羊角山中。發其誓願。不與其他人相接。束髮爲其雙髻。採蘆葉以爲衣。自稱天下都散漢。自從成道以來。上帝賜號太極左宮真人。遊於人間。示現無時。亦有世人。往往遇之而不識也。貧道人常有頌曰。生我之門長我戶。幾箇惺惺幾箇悟。夜來鐵漢細尋思。長生不老由人做。今日赴天齋以回。正在雲臺中閑坐。有上仙呼喚。不知爲何。須索走一遭去。可早來到了。仙童報復去。道有貧道來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔見科〕〔鍾離云〕上仙。貧道來了也。有何法旨。〔南極仙云〕正陽子。你來了也。你且少待。還有衆羣仙未來哩。等都來全時。我有箇主意。這早晚敢待來也。〔外扮鐵拐李同韓湘子上〕〔鐵拐李云〕離脫塵寰凡世胎。參玄了卻性明白。頂門關捩無人會。自有長生道教來。貧道乃上八洞神仙鐵拐李是也。這位神仙是韓湘子。俺都是上界神仙。閑來在蓬島遊觀。閑後在瑤池宴賞。你看那蒼松如蛟臥溪邊。翠竹似蛟山丹鳳。俺這爲仙者。體天地之根。秉虛無之性。你看那麋鹿啣花。不離了瑤草堤邊。鶴舞松陰。長遶在虛皇壇畔。丹砂九轉以成功。滿目黃芽爲作用。今日正在仙苑中與羣仙着棋。有上仙呼喚。不知爲何。須索走一遭去。上仙。俺去來。〔韓湘子云〕仙長你不知。想俺這爲仙者。使寒暑不侵其體。養日月不老之顏。丹砂一粒。蛇吞龍變。做蒼蛟。偶遇真仙。凡士爲昇真仙客。今日上仙此一聚俺。必有上仙法旨。說話中間。來到了也。仙童報復去。

道有俺二仙來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔見科〕〔韓湘子云〕上仙俺二仙來了也。有何法旨。〔南極星云〕你二位上仙且少待。還有幾箇神仙未曾來哩。等都來全了時。我自有箇主意。這早晚敢待來也。〔張四郎同張果老上〕〔張果老云〕久習丹書好用功。每將仙訣在胸中。有朝行滿登仙界。池內金蓮朵朵紅。貧道乃上界八洞神仙張果老是也。這位神仙是張四郎。俺都是瑤池蓬島八位神仙。俺爲仙者。要參徹真如仙境。了達一竅玄門。居疑道之德。譬如北辰。居其所而衆星拱之。有不可盡妙理玄談。難數那宮花妙訣。識明心性。動達玄微。親蒙祖師垂訓。明其至道。十洲三島無人到。惟許神仙任往還。時人不識長生理。只與俗人一例看。今日赴天齋。正在後山中與衆羣仙手談。有仙童來請。上仙呼喚。不知爲何。須索走一遭去。上仙俺去來。〔張四郎云〕上仙我想俺這仙苑中。弱水迢迢。重山隱隱。玉露結霜寒有色。碧泉作凍冷無聲。俺說着話。可早來到也。仙童報復去。道有俺二仙來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔見科〕〔張四郎云〕上仙俺二仙來了。有何法旨。〔南極仙云〕你二位上仙且少待。還有幾位神仙未來哩。等都來全了時。我自有箇法旨。這早晚敢待來也。〔外扮藍彩和同曹國舅上〕〔藍彩和云〕家住蓬萊是故鄉。神仙境界豈非常。悶來跨鳳遊仙苑。喜後乘鸞拜玉皇。貧道上界西池閬苑中。上八洞神仙藍彩和是

也。這位神仙是曹國舅。俺這爲仙者。使寒暑不侵其體。養日月不老其顏。琴彈古調。動壺內之清風。棋着機關。傲天邊之日月。絕除情慾。每辨修真。名利是非。宜不恨。松風皓月。可爲隣。可怪那十洲三島。路邊寂寂。六道四生。途中冗冗。今日正在閨苑中。與羣仙共話。上仙喚俺。不知爲何。須索走一遭去。上仙。俺去來。〔曹國舅云〕上仙。你不見俺這仙苑中。端的是水晶砌就黃金殿。白玉裝成翡翠樓。一粒粟中藏世界。半升鐘內隱山川。今日上仙此一聚俺。必有箇法旨。來到了。仙童報復去。道有俺二仙來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔見科〕〔藍彩和云〕上仙。俺二仙來了也。有何法旨。〔南極仙云〕您衆神仙都來了也。且少待。止有呂洞賓未來哩。等來全時。我自箇主意。這早晚敢待來也。〔正末扮呂洞賓上〕〔云〕貧道姓呂名岩。字洞賓。道號純陽子。大唐進士出身。因在中條山王化店得遇祖師。一枕黃粱夢。時間省悟。今已登其仙界。今日上仙呼喚。不知有何事。須索走一遭去。〔唱〕

〔仙呂點絳脣〕恰離了錦繡天臺。早來到羣仙境界。脫了那紅塵外。俺可也放浪形骸。俺這裡四季無妨礙。

〔混江龍〕我則怕羣仙等待。急慌忙那步下瑤堦。轉過這青松嶺畔。來到這翠竹仙齋。你看這瑞氣騰騰香霧遠。更和這祥雲片片一時來。〔云〕看了今日這等祥

雲縹緲。紫氣騰空。比閑日又不同也。〔唱〕有丹青巧筆難描界。端的是洞天福地。閬苑蓬萊。〔云〕可早來到也。仙童報復去。道有貧道來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔見科〕〔正末云〕衆位羣仙。稽首。呂岩來了也。〔南極仙云〕洞賓來了也。您衆羣仙近前來。聽貧道法旨。聚您來不爲別。則因下方聖人孝感天地。德化居民。玉帝大喜。使青衣童子來報。即今國母萬壽聖節之辰。着俺衆羣仙。都在紫宸殿朝下方祝延聖母之壽。今日會您羣仙來。分付各帶稀奇仙物。至期不可有悞也。〔正末云〕上仙。俺羣仙每年年祝聖母之壽。都有仙物。今年可要比每年更加十倍纔可也。〔南極仙云〕洞賓。依你的心。將何仙物祝壽。你說一遍。俺試聽者。〔正末云〕依我的心。衆羣仙聽貧道說一遍者。〔唱〕

〔油葫蘆〕俺將那火棗交梨旋旋摘。又不用錢鈔買。俺這裡一年花果四時開。領着這白猿獻果眞堪愛。更和這黃鶴送酒應難賽。〔鍾離云〕洞賓。你可要用心。若玉帝知道。也見的你虔心有感也。〔正末唱〕師父着我用心。若悞了甘罪責。則願的萬年永固乾坤大。保護的洪福一齊來。〔南極仙云〕洞賓。你不知聖母仁慈好善。常誦經文。施恩布德。普救萬邦。俺羣仙理當慶賀也。〔正末唱〕

〔天下樂〕如今這四海昇平萬事諧。清也波哉。我可便曾監解。如今這聖人有

德民放懷。誦經文玉帝知。救生靈神聖載。〔云〕上仙不知。如今萬民安樂。天下太平。〔唱〕
一箇箇沐恩波寬似海。〔鍾離云〕洞賓你不知。今歲下方十分豐稔。征旗不動。酒旗高懸。穀侵天皆生雙穗。麥滿地盡秀二岐。這等大有之年。可是爲何。皆是聖母德厚。主上仁慈。致令豐登之世。俺衆羣仙不可遲滯。都要您盡心竭力。祝賀萬壽。方表俺誠敬之心也。〔正末云〕師父說的是也。〔唱〕

〔那吒令〕若論這豐稔呵。民安國泰。大收呵。莊農每樂哉。太平呵。將慶長生宴擺。皆因是聖主寬洪福大。致令的神聖同來。〔云〕上仙。貧道想來。則我這上八洞神仙。可也仙物少。再請下八洞神仙。一同祝壽。不知上仙意下如何。〔南極仙云〕洞賓。你說的那下八洞神仙。有何仙物。有甚神通。果然奇異。俺請他來一同祝壽也。〔正末云〕上他。聽我說。這下八洞神仙的好處。上仙聽者。〔唱〕

〔鵲踏枝〕一箇箇顯奇才有能哉。者莫是各賭神通。件件明白。祝壽呵盡施逞氣槩。他每這其間將仙物一定安排。〔南極仙云〕這下八洞神仙。可是那八箇神仙。說一遍者。〔正末唱〕

〔寄生草〕有王喬共陳臧子。徐神翁能布擺。更有那劉伶酒造胭脂色。陳搏法

令能驅怪。畢卓端的神通大。任風子道行有誰同。海蟾公心性無人賽。
〔南極仙云〕這下八洞神仙。既有這等神通道德。堪可與聖母祝壽。爭奈無有仙長去約會下。至日不致有悞也。
〔正末云〕上仙。貧道愿往也。不知上仙意下如何。
〔南極仙云〕洞賓。你要約會下八洞神仙去。既要去不宜遲滯。煩洞賓會同衆羣仙。至期祝壽。不可有悞也。
〔正末云〕呂岩得令。衆羣仙。貧道約會下八洞神仙去也。
〔鍾離云〕洞賓疾去早來者。
〔正末云〕師父你放心也。
〔唱〕

〔尾聲〕我若到大山中羣仙界。我將這祝壽的緣由說開。我教他敬意誠心齊到來。上放着玉帝親差。莫疑猜。都到天堦。看滿殿祥雲瑞氣霽。
〔南極仙云〕洞賓。你可早早回來。休着俺等你也。
〔正末唱〕駕黃鶴就來。怎敢着上仙每等待。
〔云〕至日祝壽呵。
〔唱〕俺將那天長地久壽筵排。
〔下〕
〔南極仙云〕洞賓去了也。這一去必然請將下八洞神仙來也。等來了一同祝壽。
〔鍾離云〕上仙。洞賓這一去。必定羣仙每來。若來時。俺慢慢的祝壽也。
〔南極仙云〕鍾離說的是。衆羣仙休散。跟着貧道。後山中着基去來。
呂洞賓約會羣仙。齊祝壽。擺列華筵。福堪保皇圖永固。壽堪同松柏齊堅。
〔同下〕

第二折

〔山神引鬼力上〕
〔云〕駕霧騰雲手段高。騰鸞跨鳳上丹霄。陸堂入廟爲神聖。護法除邪斬怪妖。

小神乃雀山山神是也。執掌此山中一應飛走萬類之事。俺這爲神者。要通靈顯聖。斷怪除妖。護佑下界蒼生。保助三天正法。扶持聖道以無窮。輔助皇圖於永久。在此山中。血食一方之地。此山中四時多美景。八節最堪觀。青濛濛桂柏揉藍。香馥馥花開遍地。春來將近聽黃鸝。夏景纔交觀翡翠。秋天時候。長空塞鴈正呀呀。冬月將臨。澗畔梅花如碎玉。山中景物多端。四季遊人賞翫。喜遇着下方聖人仁孝並全。況兼國母崇奉善教。看誦經文。今遇孟冬國母聖誕之辰。我敬要領本山中衆神鬼前去祝延聖壽。爭奈無有上帝法旨。我今日在此廟中閑坐。看有甚麼人來。(淨扮柳樹精上)(云)我是仙人柳樹精。但若饑了喫冰凌。一頓咽了八塊半。至今還害肚裏疼。自家是柳樹精是也。在這雀山居住。我一了不是這裡人。我是岳州岳陽郡岳陽樓下一棵老柳。在那裡千百餘年。遇着呂洞賓師父。將我度脫了做徒弟。論我爲仙。多有神通。真箇快變。走到土裏。就是曲蟾。撞見蝎子。說的立戰。今日無甚事。去望一望山神去。來到了。不要報復。我自家過去。(見科)(山神云)柳樹精。你來何故。(柳樹精云)山神。你怎麼獨自一箇悶悶的坐着。(山神云)柳樹精。你不知。爲因下方聖人。好生仁慈。國母崇善。感應的天下太平。穀生雙穗。麥秀二岐。今遇聖母壽誕之辰將近。吾神敬要祝延聖壽去。爭奈無有上天之命。擅不敢去。則爲這等所以。上在此閑坐。(柳樹精云)是也。你不說。我爭些兒忘記了。我那洞裏。也有幾箇精怪。都要去哩。你放心。我

如今尋我師父去。和我師父呂洞賓說知。看他怎麼整理。你怎麼說。〔山神云〕你說的是。你如今便與上仙說去。但若說知了。我自有箇主意。即今便去。〔柳樹精云〕也罷。你則在這裡。我走一遭去。我今日尋我師父。撞見他說箇緣故。他若還十分喜歡。我便去街上賣醋。〔山神云〕柳樹精去了也。你可也說的是。但若上仙依允了呵。然後我自有箇主意。無甚事。我且回後山中去來。因聖母多行仁惠。感動的桑麻萬倍。宴天庭廣聚神祇。齊祝讚千秋萬歲。〔同下〕〔外扮海蟾領仙童上〕〔云〕獨跨青鸞上九霄。閑觀山色任逍遙。孤身一鉢千家飯。萬里雲遊性自高。貧道姓劉名操。字宗成。道號海蟾子。祖居燕國人也。年一十六歲。上以登甲第。累累陞遷。至左丞相之職。深通周易之書。性好長生道教。一日在家中閑坐。忽有一道人逕來相訪。貧道問其姓名。默而不答。貧道問曰。可取雞蛋數枚。便知其意也。貧道依其言。遂將雞蛋數枚。并金錢一箇。遞與道人。他將雞蛋重重疊起。貧道曰。無乃危乎。道人曰。公身命俱危。更何問此。我復問曰。如何是不危處。道人將雞蛋拂於地。長笑而去。貧道時間省悟。棄卻家緣。入山修道。今日登真成其正道。喜遇下方聖人。仁孝兼行。化育萬方。天下太平。今因國母聖誕之辰將近。我如今聚衆羣仙來商議一會。看他衆仙。怎生做箇計議。我着仙童相請去了。不見到來。我在此少待一會。這早晚敢待來也。〔任風子同陳成子上〕〔任風子云〕跨鳳遙飛上九天。逍遙散澹任安然。閑來一着仙基罷。傲殺人間歲

月年貧道任風子是也。這位是陳臧子。貧道未成道時。在於塵世之中。爲一操刀屠戶。蒙祖師馬丹陽。將我三度點化。以成正道。俺這爲仙者。斷除三嘖。六情以滅。纏縛意馬。牢鎖心猿。窮通有漏。究竟無爲。爭奈世人迷惑眞道。恣縱貪癡。三業齊生。六情並起。決破箇中無內有。始知身內有中。無。昔時曾長大。今日復嬰孩。今日朝上帝以回。正在後山中與羣仙講道。有上仙聚俺衆仙。不知有甚事。須索走一遭去。仙長。俺去來。〔陳臧子云〕仙長。你不知。想俺這仙家之樂。非比其他。閑觀白鹿鬪啣花。每看玄鶴松下舞。悟其眞性。識透長生。上仙此一聚俺。必有法旨來到了。仙童報復去。道有俺二仙來了也。〔仙童云〕理會的。〔報科〕〔海蟾云〕道有請。〔仙童云〕理會的。有請。〔見科〕〔陳臧子云〕上仙聚俺衆仙。有何法旨。〔海蟾云〕你二仙且少待。等別的幾位仙長來時。我自有箇主意。這早晚敢待來也。〔外扮王喬同畢卓上〕〔王喬云〕洞裏春光景物添。壺中仙景任安閑。自從一得長生路。萬慮無憂體自然。貧道王喬是也。道號爛柯仙。這位仙長是畢卓。貧道未遇登仙之時。累舉進士。不能及第。遂棄卻入山打柴。隱於山林。或因一日偶遇二仙長着碁。一盤殘碁未了。不覺斧柯爛矣。貧道時間省悟。已證仙班。自從登眞以來。逍遙散澹。出入隨時。道心還若波中月。法性應如火內蓮。今日有上仙呼喚。不知有甚事。須索走一遭去。仙長。俺去來。〔畢卓云〕仙長來到了也。俺見上仙去來。仙童報復去。道有俺二仙來了也。〔仙童云〕理會的。〔報科〕

〔海蟾云〕道有請。〔仙童云〕理會的。有請。〔見科〕〔畢卓云〕上仙。俺二仙來了也。有何法旨。〔海蟾云〕你二位上仙且少待。還有幾箇仙長未曾來哩。等都來全了時。我自 lawful 旨。這早晚敢待來也。〔陳搏同劉伶徐神翁上〕〔陳搏云〕昔年隱跡住山林。養性修真事不侵。一自迴光歸故里。蓬萊境上聽仙音。貧道姓陳名搏字圖南。道號扶搖子。這二位是劉伶徐神翁。俺都是下八洞神仙。俺這爲仙者。閑來講道德經文。悶後翫青山綠水。瑤琴一操。塵襟洗靜。樂天真。數着殘棋。窗下月明邀道友。貧道先在武當山修行。後居華山頂上。今日無甚事。正與衆神仙講道。上仙聚俺。不知爲何。須索走一遭去。二位上仙。俺去來。〔劉伶云〕來到了也。仙童報復去。道有俺三位神仙來了也。〔仙童云〕理會的。〔報科〕〔海蟾云〕道有請。〔仙童云〕理會的。有請。〔見科〕〔徐神翁云〕上仙。俺三箇神仙來了也。有何法旨。〔海蟾云〕您衆仙都來了也。您近前來。我無事可也不聚您衆神仙來。爲因下方聖人十分仁孝。國母慈善。尊崇聖事。感動天庭。你看那五穀盈倉。黎民樂業。今以聖誕之辰將近。俺如今怎生做箇商議也。〔任風子云〕上仙。此事貧道也在心多時。爭奈無有上仙法旨。便不敢祝壽去也。〔海蟾云〕住住住。俺衆仙各有所獻。則怕上仙不知。俺且慢慢的商議一會。看有甚麼人來。〔正末上〕〔云〕貧道呂洞賓是也。我在南極仙跟前舉保下八洞神仙。與聖母祝壽。奉上仙法旨。就着貧道來約會衆仙。不敢久停久住。須索往翠嶺山中約會衆仙。走一

遭去〔唱〕

〔中呂粉蝶兒〕我則見山色青青。隱山光翠雲掩映。聽潺潺山水澄澄。見山頭擎山月。照的這高山如鏡。山鳥齊鳴。遍山中竹聲相應。

〔醉春風〕我將這山勢寫在圖間。更和這山峯畫作吊屏。我這裡忙行山步過山坡。遍山中一段的景。景。上下山高。週圍山水。遠迷山徑。〔云〕可早來到這庵門首也。你看這仙景之中。端的好清幽也。〔唱〕

〔迎仙客〕猛聽的翠竹敲響。珊珊的葉兒鳴。我這裡側立着。用心的用心的。可便仔細聽。〔海蟾云〕你看波。一道清氣。正冲着俺這庵門。必有神仙到此也。〔劉伶云〕真箇一道青氣。〔正末唱〕他道是看天邊氣象清。敢有那仙聖親行說的來。莊莊應。〔云〕仙童

報復去。道有上八洞神仙呂洞賓。在於庵門首。〔仙童云〕理會的。〔報科〕〔海蟾云〕道有請。〔仙童云〕理會的。有請。〔見科〕〔海蟾云〕呀呀呀。早知上仙來到。只合遠接。接待不着。勿令見罪也。〔正末云〕不敢不敢。您衆羣仙都在此也。〔海蟾云〕敢問上仙爲何至於此山。〔正末云〕您羣仙不知。聽我說與您也。〔唱〕

〔紅繡鞋〕親領了上天之命。因此上信步閑行。到此山中說叮嚀。〔云〕好好好。您

八洞神仙。恰好都到此處也。〔劉伶云〕俺羣仙每有件事。在此商議。不知上仙到此也。〔正末唱〕在這裡商量事。則要您訴真情。〔云〕您商量的事。我也知道。〔唱〕莫不是赴蓬萊。翫聖境。〔海蟾云〕上仙。俺羣仙不爲他事。因爲下方聖母壽誕之期將近。有心要祝延聖壽。爭奈上仙不會會俺衆羣仙。不敢赴哩。所以都聚在此處。計議不定也。〔正末云〕您羣仙不知。貧道敬爲此事來。我在上仙座前。舉您下八洞神仙。至期都在紫宸殿。祝延聖壽。您可休悞了也。〔海蟾云〕謝了師父。可是何日祝壽。說與俺羣仙。好做準備也。〔正末云〕您聽者。我說與您祝壽之期也。〔唱〕

〔上小樓〕我將這期程訴明。您可要盡心行正。則將那仙物安排。豈敢怠慢。不敢消停。〔徐神翁云〕上仙。俺羣仙都有祝壽之物。望上仙寬大。等俺祝罷壽。慢慢的謝上仙也。〔正末唱〕您若是至殿前焚了香。都皆立定。一箇箇拜金鑾大明仁聖。〔陳搏云〕上仙。俺羣仙商議停當了。正逢上仙到此約會。一同祝壽。俺也有緣也。〔正末唱〕

〔么篇〕您既然心發的齊。意舉的誠。則願您仙物稀奇。堪稱堪獻。供奉天庭。〔劉伶云〕上仙。貧道造下長春之酒也。〔正末云〕好好好。正好祝壽。〔唱〕造下了長春酒。舊有名。超凡入聖。〔云〕若是供獻了這長春酒呵。〔唱〕則願的太平年。萬民歡慶。〔海蟾云〕上仙閑飲一盃。有何不可。〔正末云〕您不知。俺衆羣仙都曾沐浴齋戒。不敢飲酒。直到祝壽之辰。纔敢飲

酒也。〔海蟾云〕慢慢的共話。看有甚麼人來。〔淨柳樹精上〕〔云〕山神差我察聽事。見了師父便得知。自家柳樹精的便是。奉山神的神旨。着我打聽下方聖母壽誕之期。要祝壽去。我許了他尋洞賓師父去。若見了師父。便知詳細。我恰纔見一道青氣。沖於翠嶺山上。定有我師父的神通。我如今到翠嶺山。若有我師父。我便問幾時祝壽。若無我師父。我就問下八洞神仙。他若祝壽去。我也走一遭。可早來到了。仙童報復去。道有我柳樹精在於門首。〔仙童云〕理會的。〔報科〕〔正末云〕着他過來。〔仙童云〕理會的。着過去哩。〔見科〕〔柳樹精云〕呀呀呀。果然師父在此。師父稽首。〔正末云〕柳也。你來爲何。〔柳樹精云〕師父。貧道奉山神的神旨。爲因下方聖母壽誕之期。臨近。山神待率領衆精。祝延聖母之壽。況不知在何處取齊。供獻仙物。貧道許了他尋覓師父。問箇端的。猛見一道仙氣。衝於此廡。貧道敬來望師父。問何日祝壽。好回山神的話也。〔正末云〕聖母洪福齊天。感應的山神都來祝壽。柳也。您那山神好有福也。〔唱〕

〔十二月〕預備的齊齊整整。更誰敢慢慢騰騰。都在那羣仙隊裏。一齊的祝賀遐齡。您領着山精樹精。一箇箇心意虔誠。〔柳樹精云〕師父不棄。與徒弟同到崔山。會山神一面。說與他箇詳細。也顯的徒弟幹事有箇下落也。〔正末唱〕

〔堯民歌〕呀。你着我時間獨自離蓬瀛。我又索馭鳳驂鸞至山程。你那裡將何

仙物獻龍庭。〔柳樹精云〕師父見了山神。便有仙物也。〔正末唱〕見了山神便分明。曾評這場事不輕。則要俺將聖母恭心敬。〔海蟾云〕上仙。俺衆羣仙至日。都到紫宸殿祝賀聖母之壽去。貧道不敢久留。師父會山神去。貧道與衆羣仙。至日不敢有悞也。〔正末云〕你聽者。到至日都要用心。供獻仙物。柳樹精。跟我會山神去來。〔唱〕

〔尾聲〕見山神言就裡。我將緣由訴的明。就着他把仙物安排定。〔柳樹精云〕師父爲何這等慌悚也。〔正末唱〕我則怕大小羣仙。他在那殿前等。〔同下〕〔海蟾云〕上仙去了也。早是俺準備的祝壽之物停當了。不想洞賓仙來會俺羣仙。與聖母祝壽。仙長每。俺可要仔細用心。有南極仙的法旨。不同小可也。〔劉伶云〕上仙放心。到至日都有供獻之物。堪可祝萬年之壽。〔海蟾云〕既是這等。俺也不必遲滯。衆羣仙。同我往紫宸殿祝壽去來。南極仙法令無差。祝聖壽永遠奢華。趁着這太平時序。普天下映日桑麻。〔同下〕

第三折

〔淨扮虎精同鹿精猿精鶴精上〕〔虎精云〕我做虎精忒雕鑽。每日山裏則丟磚。若還打着別人頭。順水直流到西川。自家是這雀山中虎精是也。這三箇是我姪兒鹿精猿精鶴精。我這四箇。好生多有神通。善能變化。走到澗裏。便喫蛤蟆。看見鮎魚。張的大口。把我跌倒。咬了一下。想將起來。

心裏害怕。昨日有我們山神老官兒。着人聚俺衆精。不知怎麼。我說他這一聚。我們敢要學調鬼耍子。〔鹿精云〕你悄悄的。知道些甚麼。昨日他先和我說了。他說我有三擔山裏果兒。你們替我賣一賣。我要買豆腐喫哩。〔猿精云〕你箇說謊的油嘴。山神不來了。你說甚麼。〔山神領鬼力上〕〔云〕雀山景物十分好。況值秋光落葉飛。小聖山神是也。我早間與柳樹精商議了。要到天庭。與下方聖母祝延聖壽去。他去告知上仙去了。未知如何。我昨日着鬼力聚下衆精怪。都在洞中。我索走一遭去。來到了。我過去。〔見科〕〔虎精云〕老官兒。我們等你這一會了。你在那裡來。你敢去東安門外買牛肉包兒喫去來。是也不是。〔山神云〕你看這廝。且靠後。我着柳樹精動問上仙去了。等他來時。我自箇主意。這早晚敢待來也。〔正末領柳樹精上〕〔云〕柳樹精。到了也不會。〔柳樹精云〕師父轉過這山坡兒。便是山神的住處也。〔正末云〕看了這雀山端的是好景致也。呵。〔唱〕

〔正宮端正好〕冷颼颼香風蕩。仙家景日月偏長。並無俗客閑來往。出來的仙氣有三千丈。〔柳樹精云〕徒弟。當日若不是師父引度呵。這其間怎了也。〔正末云〕你若不是我呵。〔唱〕

〔滾繡毬〕這其間乘綠柳納晚涼。夏蟬鳴在你那樹梢之上。我在那岳楊樓度

你三場投至的成道時將你這秀氣長。受了些許多魔障。〔柳樹精云〕師父。爲徒弟費了好些心也。〔唱〕我爲你費盡心腸。你今日枝梢榮旺無人折。不强如每日隨風上下狂。枉了你苦着池塘。〔柳樹精云〕師父。來到他洞門首也。我報復去。〔見山神科〕〔云〕山神。你還在這裡坐哩。呂洞賓師父來了也。〔山神做接見科〕〔云〕呀呀呀。師父來了也。有失接待也。〔正末做見衆精科〕〔云〕這些精怪。都是那裡的。〔山神云〕師父。是吾神本山的精怪。都有半仙之分也。〔正末云〕山神。你不知他的福力不小也。〔山神云〕上仙。吾神不知。師父說一遍。吾神試聽者。〔正末唱〕

〔倘秀才〕他每都一箇箇精神鬪長。在此山由他來往。與你箇有神旨的山神作伴當。〔云〕他若是有善心呵。〔唱〕我着他長生爲神聖。每日上天堂。受一爐好香。〔山神云〕師父。吾神與柳樹精曾言。這聖母壽誕之辰。俺爲神者。無以報答香火之恩。與同衆精各有仙物祝壽。吾神好做準備也。〔正末云〕山神你聽。我說與你。你則牢記者。〔唱〕

〔呆骨朵〕則要你準備下仙物皆停當。也須要作急商量。都在那寶殿之前。一齊的上香。〔山神云〕師父便許了吾神同去祝壽。不知別的上仙。可是如何也。〔正末唱〕既然你心誠敬。誰將你閑攔當。〔鶴精云〕俺精怪都現本形。正是祝壽之物。堪可走一遭。〔正末唱〕則

要你現本形鶴隊舞。俺可便放開懷笑一場。〔云〕山神。您這山中。今年收成如何。〔山神

云〕上仙問收成的事。吾神不敢言。猿精。你說今年本山收成與上仙聽。〔猿精云〕上仙你不知。聽我有幾句言語。好收不好收。你便知道。〔正末云〕你說。我試聽者。〔猿精云〕本山有數畝良田。盡都是瓜果林園。好收不好收。茄子比烏盆還大。瓜果長接着青天。青迂迂穀生雙穗。一年種整。噴十年。我挑着五箇西瓜閑賣。〔柳樹精云〕賣了多少錢。〔猿精云〕則賣了三箇錢。昨日和山神閑走。見兩箇人。正在那裡收綿。着我悄悄的偷了他一塊。〔柳樹精云〕你要做甚麼。〔猿精云〕我偷與山神娘子。做箇綿襖兒閑穿。我說儿的做甚。今年好收成。每日醉醺醺。祝罷聖母壽。天下享太平。〔正末云〕山神。今年端的好收成也呵。〔唱〕

〔脫布衫〕皆賴仁德。吾皇享洪福。地久天長。好收成。軍民大喜。盡豐登。委實歡暢。〔山神云〕敢問上仙。祝壽之日。吾神將甚麼去也。〔正末唱〕

〔小梁州〕則要您正意誠心。上好香。纔顯忠良。衆精各自顯高強。出真像。同共到空蒼。〔山神云〕師父住一日去。怕做甚麼。〔正末唱〕

〔么篇〕臨期誰敢閑遊蕩。〔山神云〕師父用一盃酒去。可如何。〔正末唱〕又何須高捧霞觴。擺列着祝壽筵。更有那仙音曉。羣仙拱壽。則願的聖母萬年康。〔山神云〕上仙

回去。吾神領手下精靈。至日到紫宸殿祝壽去也。〔正末云〕貧道回去也。山神你聽者。〔唱〕

〔尾聲〕這場好事休輕放。看萬里遙天數道光。異香生罩畫堂。聽仙音滿殿香。齊賀着萬歲山呼俺可要盡心兒賞。〔下〕〔山神云〕上仙去了也。吾神不敢遲滯。往紫宸殿祝聖母之壽。走一遭去。因聖母善事多般。感神聖親離雲端。方顯是羣仙祝壽。一箇箇奉喜承歡。〔同鬼力下〕〔猿精云〕山神去了也。柳樹精。跟我祝壽去來。〔柳樹精云〕你到那裡。可要仔細。難比我們這裡。〔猿精云〕你放心。我有分曉。誰不知雀山猿精。祝壽處施展神通。若使我擡着卓面。偷拖爐果有一能。〔衆同下〕

第四折

〔扮天使上〕〔云〕玉帝傳宣下紫霄。親將勅命離天曹。則因聖母多慈惠。祝讚遐齡太華高。吾神是玉帝殿前傳宣天使。爲因下方聖人寬仁厚德。有禹湯之德。堯舜之明。豁達大度。納諫如流。以此天下太平。四夷朝貢。端的是南蠻北狄盡來朝。東虜西戎皆拱手。治的那征旗不動。酒旗搖。道秦歌謠民快樂。麒麟現瑞草齊生。甘露降醴泉地湧。你看那遮天日禾黍連連。遍郊園瓜成果就。穀生雙穗。農夫擊壤歡欣。麥秀雙歧。士庶康寧樂業。今爲下方聖母多崇善事。讚祝吾皇。看誦經文。感動上天。時遇國母萬壽之辰。着南極長生大仙。在紫宸殿上。與衆羣仙望下方祝延聖壽。着

吾神將着這長生符命。直到紫宸殿上祝壽。走一遭去。駕祥雲飛過瑤池。傳勅令不敢那移。直到那紫宸寶殿。共祝讚聖壽天齊。〔下〕〔南極仙領仙童上〕〔三〕瑞烟籠罩黃金闕。紫氣遮藏白玉樓。貧道南極長生大仙是也。今日是下方聖人國母壽誕之辰。你看那紫氣騰騰。祥雲冉冉。時遇佳景。你看那山茶未開。梅半長。初寒天氣正當時。今日在此紫宸殿。安排下祝壽的筵會。又有上帝勅命。因爲國母心慈好善。看誦經文。感動天地。致令的穀生雙穗。麥秀兩岐。皆是聖人之德。國母之福。齋筵已預備的停當了也。貧道有一篇祝壽的致語。權爲供獻。則等衆神仙來。與國母祝壽。這早晚敢待來也。〔鍾離拿金瓶插金蓮花。鐵拐李拿煙葫蘆。湘子拿花籃。鐵笛。國舅拿箬離金牌同上〕〔鍾離云〕爲因國母心慈善。感動天庭祝壽來。貧道漢鍾離是也。這三位神仙。是鐵拐李。韓湘子。曹國舅。今爲下方聖人國母聖誕之辰。俺奉玉帝勅命。則因國母敬奉三寶。看誦經文。俺三界神仙。各有祝壽仙物。都到紫宸殿上。望下方祝延聖壽。貧道無甚物件。有這一箇金瓶蓮花。權爲供獻。他三位神仙。各有所獻。俺見上仙去來。仙童報復去。道有俺四箇神仙來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔做見科〕〔鍾離云〕上仙。俺四箇神仙來了也。〔南極仙云〕四位仙長您來了也。您有何祝壽的仙物也。〔鍾離云〕上仙。貧道有一金瓶蓮花。權爲供獻。〔鐵拐李云〕上仙。貧道有這箇瑞煙葫蘆。以爲供獻。〔湘子云〕上仙。

貧道有這一籃牡丹仙花。以爲供獻。〔國舅云〕上仙。貧道有道符籙金牌以爲供獻。〔南極仙云〕好好好。您四位仙長。且擺在西邊等衆羣仙都來了時。一同祝壽。這早晚衆羣仙敢待來也。〔張果老拿漁鼓簡子藍彩和拿板四郎拿輪竿金魚同上〕〔果老云〕壽香縹緲侵霄漢。感動天庭會衆仙。貧道張果老是也。這二位仙長。是藍彩和張四郎。今日喜遇下方國母萬壽之辰。俺三界神仙都在紫宸殿上。望下方祝延聖壽。羣仙皆有仙物去獻。貧道將着手中漁鼓簡子。權爲供獻。二位仙長。俺去來。可早來到也。仙童報復去。道有俺三位仙長來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔做見科〕〔果老云〕上仙。俺三位神仙來了也。〔南極仙云〕您三位神仙來了也。您有何祝壽之物也。〔果老云〕上仙。貧道有手中漁鼓簡子。權爲供獻。〔彩和云〕上仙。貧道有這雲陽仙板。以爲供獻。〔四郎云〕上仙。貧道有這輪竿金色鯉魚。以爲供獻也。〔南極仙云〕好好好。三位仙長。且擺在一邊。還有幾箇神仙未曾來哩。等都來時。一同望下方祝讚。這早晚敢待來也。〔海蟾拿蟾金錢任風子拿壽籙陳搏領啣花鹿戚子領獻果猿同上〕〔海蟾云〕太平景象多祥瑞。喜遇良辰聖誕時。貧道海蟾子是也。這三位是任風子陳圖南陳戚子。今日喜遇下方聖人治世。五穀豐登。四夷向化。你看那田蠶百倍成收。瓜果堆山積岸。野蠶結繭。佳禾滿目而生。麟鳳來儀。國泰民安永久。前者奉上仙法旨。爲因下方國母。崇奉善事。

看誦經呪。感動天庭。以此俺衆仙都到上界紫宸殿上。望下方祝延聖壽。貧道將着金蟾并一串金錢。以爲供獻。來到了也。仙童報復去。道有四箇神仙來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔見科〕〔海蟾云〕上仙。貧道同三箇神仙來了也。〔南極仙云〕你三箇神仙。有何祝壽之物也。〔海蟾云〕上仙。貧道金錢一串。金蟾一箇。以爲供獻。〔任風子云〕上仙。貧道將着壽籙一統。特來供獻。〔陳搏云〕上仙。貧道有啣花鹿。權爲拜賀。〔陳威子云〕上仙。貧道有獻果的仙猿。以爲供獻來。〔南極仙云〕好好好。您都擺在兩邊。等都來全時。一齊望下方祝壽。這早晚衆神仙敢待來也。〔王喬領玄鶴畢。卓執酒盞。劉伶拿酒壺。徐神翁捧表裏同上〕〔王喬云〕遙瞻天闕無多遠。紫霧紅光映下方。貧道王喬是也。這三位神仙是畢卓。劉伶。徐神翁。前者俺衆神仙。正在洞中商議。要與下方國母祝延聖壽。恰好洞賓來到。着俺預備祝壽之物。今日是國母聖誕之辰。衆神仙都在紫宸殿上。望下方祝壽。俺須索走一遭去。貧道無甚麼。有玄鶴一隻。權表供獻之誠。來到了也。仙童報復去。道有俺四箇神仙來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔做見科〕〔王喬云〕上仙。俺四箇神仙來了也。〔南極仙云〕您四箇神仙來了也。有何祝壽之物也。〔王喬云〕上仙。貧道有一隻玄鶴。權表供獻之心。〔畢卓云〕上仙。貧道與劉伶。擎着壽酒鍾。以爲上壽也。〔劉伶云〕上仙。貧道供獻長

壽之酒也。〔徐神翁云〕上仙。貧道有表裏之物。聊表供獻之誠。〔南極仙云〕既然這等。您且少待。還有幾位神仙未曾來哩。這早晚敢待來也。〔山神領鬼力拿壽香一段。同虎精鹿精猿精鶴精抬靈芝草。卓雙頭穀並頭麥上。〕〔住。〕〔山神云〕壽香焚向金爐內。洪福齊天。宇宙長。吾神雀山山神是也。因爲下方聖母多行善事。廣看經文。感應的禎祥駢集。海晏河清。五穀收成。萬民安樂。今日是國母萬壽聖誕之辰。吾神將着一段壽香。領着這虎鹿猿鶴四箇精怪。擡着靈芝瑞草。直至紫宸寶殿上供獻祝壽去。來到了。仙童報復去。道有吾神同虎鹿猿鶴四箇精怪來了也。〔仙童云〕理會的。〔報科。〕〔南極仙云〕着他過來。〔仙童云〕理會的。着你過去哩。〔做見科。〕〔山神云〕上仙。吾神來了也。〔南極仙云〕山神。你來了。有何祝壽之物也。〔山神云〕上仙。吾神有壽香一段。權表孝敬之誠也。〔南極仙云〕你這四箇精怪。有何供獻之物也。〔虎精云〕老官兒。我四箇有靈芝瑞草。雙頭穀。並頭麥。與下方國母祝壽好麼。〔南極仙云〕好好好。衆羣仙都擺在兩邊。止有一兩位神仙未來哩。這早晚敢待來也。〔柳樹精上。〕〔云〕頭上一把亂柳樹。曬的乾了做柴燒。自家柳樹精是也。今因下方國母萬壽聖誕之辰。有我們師父還不會來哩。我沒甚麼供獻。到那裡閑耍會也罷。來到了。仙童報復去。說有你家老叔來了。〔仙童云〕理會的。〔報科。〕〔南極仙云〕着他過來。〔仙童云〕理會的。着你過去哩。〔做見科。〕〔柳樹精云〕上仙。我來了。你們怎麼說。

〔南極仙云〕你看這廝。靠後。衆羣仙都來了也。止有呂純陽不會來哩。等來全了時。我自有箇主意。這早晚敢待來也。〔正末上〕貧道呂洞賓是也。約會了下八洞神仙。今日在紫宸殿中。與聖母祝壽。貧道須索走一遭去。看了今日的受用。端實少有也呵。〔唱〕

〔雙調新水令〕異香滿殿慶雲飄。大開筵衆仙歡笑。銀臺絳蠟明。翠鼎篆烟着。歡會在今朝。〔云〕今日祝罷壽呵。〔唱〕萬萬載太平兆。〔云〕可早來到也。仙童報復去。道有

貧道來了也。〔仙童云〕理會的。〔報科〕〔南極仙云〕道有請。〔仙童云〕理會的。有請。〔正末見科〕〔云〕上仙。貧道來了也。〔南極仙云〕洞賓來了也。你看今日殿前。這等擺布。受用如何。〔正末云〕虧上仙多多用心也。〔唱〕

〔鴈兒落〕你看這珍羞列擺着。翫好般般妙。密排着仙物美。不由我心歡樂。〔鍾離云〕俺衆羣仙都有了祝壽之物。則等你來祝壽也。〔正末唱〕

〔得勝令〕呀。您尋這仙物用心苗。你徒弟有件小功勞。我看他筵上添和氣。就把這笙歌謹奏着。樂天上逍遙。當把這皇恩報。滿捧着香醪。則願的年年增壽考。〔南極仙云〕鍾離。你着羣仙獻各樣仙物。祝萬萬年太平之壽也。〔鍾離云〕理會的。衆羣仙獻仙物者。〔衆羣仙捧仙物祝壽科〕〔正末云〕劉伶。將您造的長春酒來獻一盃。〔劉伶云〕上仙。酒有

了也。〔正末把盞科〕〔云〕將酒來。我奉獻一盃。〔做獻酒科〕〔唱〕

〔折桂令〕大天朝士庶歌謠。萬國千邦。貢獻來朝。禾黍增添。皆因是聖主清高。〔南極仙云〕獻了這盃長壽之酒。保聖母福如東海。壽比南山也。〔正末唱〕壽堪比南山最高。福如同東海滔滔。仙物堪嘲。仙景堪描。普天下豐足收成。讚吾皇德勝唐堯。〔云〕上仙。貧道有一莊仙物。正可祝壽。〔南極仙云〕洞賓有何仙物祝壽。可以供獻。〔正末云〕貧道有松竹梅花。可以祝壽。〔南極仙云〕這松竹梅花。有何好處。你說一遍。俺羣仙試聽。〔正末云〕上仙聽貧道說一遍者。〔唱〕

〔沉醉東風〕增壽竹低垂鳳毛。添壽松半偃龍腰。喜梅梢月自來。愛花底風常到。梅和花兩件兒清標。竹傲冰霜老節高。松也把佳盟共保。〔南極仙云〕既然這松竹梅花。有這等好處。你請來。你請來。正好祝壽也。〔正末云〕松竹梅花。速當祝壽。疾。〔四箇仙女桃松竹梅花齊上〕〔唱〕

〔出隊子〕禎祥佳集。醴泉生。甘露滴。河清海晏萬邦知。國泰民安天下喜。錦繡江山萬萬里。〔做見科〕〔正末云〕上仙。松竹梅花來了也。〔南極仙云〕你四箇仙女。祝聖母之壽者。〔四仙女齊唱〕

〔出隊子〕今日箇大排筵會。好收成。民盡喜。託賴着吾皇仁德。上天知。聖母仁慈福祿隨。俺這裡齊賀昇平萬萬紀。〔南極仙云〕好好好。您祝罷壽也。擺在一壁。衆羣仙都跪者。〔衆跪科〕〔南極仙做念致語科〕〔云〕伏以孟春佳節。律應夾鍾。肇春萌復始之期。遇聖母遐齡之兆。羣仙頓首。萬壽遙瞻。賴仁慈化育羣黎。崇善事感通天地。禎祥佳集。宇宙康寧。萬邦稽首。同荷雨露之恩。士庶歡騰。共祝如天之壽。桑麻映日。皆因仁孝之誠。禾黍盈倉。仰賀慈恩之惠。人天共賀。海宇齊同。謹辦丹誠。恭爲獻頌。南極垂光耀九天。壽星高拱在華筵。臣民同獻長生福。敬祝千秋萬萬年。〔正末云〕拜拜拜。〔衆做拜科〕〔唱〕

〔沽美酒〕衆羣仙齊拜倒。視聖母壽堅牢。松竹梅花無限好。則願的年年宴樂。普天下罷鎗刀。

〔太平令〕盡心把皇恩補報。喜孜孜樂奏簫韶。看不盡仙花奇妙。生長就長生之道呀。今日箇早朝。更和那午朝。晚朝。〔云〕今日祝罷壽也。〔唱〕萬萬載揚塵舞蹈。

〔天使上〕〔云〕衆羣仙都望天闕跪者。聽玉帝勅令。〔衆做跪科〕〔天使斷出〕大天朝海量寬洪。萬萬載錦繡疆封。普天下歌謠道泰。遍四野五穀豐登。新收成穀生雙穗。慶豐年禾黍齊生。潤田苗風調雨順。助家邦萬國來賓。常遇着聖母華誕。衆羣仙齊列蓬瀛。擺列着交梨火棗。更堪那異

獸成羣。讚聖母增延萬歲。讚聖母五福咸臻。因聖母心慈向善。因聖母諷誦真經。感天地羣仙聚會。讚人間萬歲明君。今日箇祝壽已罷。享榮華天下太平。

題目

豐稔年聖主寬恩

正名

賀昇平羣仙祝壽

羣仙祝壽穿關

頭折

南極仙

如意蓮花冠
玳瑁白髮

鶴髦

牌子

仙童

秦巾

邊欄

鍾離

雙髻陀頭

紅雲鶴道袍

法墨氈

喬兒

喬兒

網裙

雜彩縑

執袋

鐵拐李

陀頭

皂補納

錦襖

不老葉

法墨氈

喬兒

行纏

八答鞋

鐵拐

韓湘子

雙髻陀頭

雲鶴道袍

不

張四郎

秦巾

雲鶴道袍

不

張果老

方巾

邊欄

不老

葉

白髮

白髯

縑兒

藍彩和

留巾

綠欄

曹國舅

雙髻陀頭

雲鶴道袍

不

正末

葉

執袋

縑兒

呂洞賓

九陽巾

茶褐雲道袍

錦襖

不老葉

法墨氈

喬兒

網裙

八答鞋

雙劍

三髯髯

縑兒

裙扇

第二折

山神

鳳翅盔

膝欄曳撒袍

項帕

鬼力

鬼頭

錦襖

項帕

柳樹精

樹枝陀頭

偏

綠

帶

直纏

帶杖

海蟾

髻髮陀頭

補納道袍

不老

仙童

前任風子

散巾

補納道袍

不老

陳戚

陳戚

猛髯

葉

執袋

子散巾

道袍

不老葉

王喬

散巾

補納道袍

不老

畢卓

紗帽

圓

陳搏

散巾

邊

執袋

縑兒

三髯髯

裙

香串

布

松旦

花箍

香串

補子襖兒

鞋

膝襦裙

竹旦

花箍

襖兒

裙兒

竹

梅旦

花箍

兒

裙兒

香串

天使叉上

同

前

布襖

鞋

梅

廣成子祝賀齊天壽

闕名

頭折

〔沖末殿頭官領祇候上〕〔云〕禁鼓聲殘報早朝。御溝流水泛輕濤。金爐香惹霏花霧。寒露霏霏透錦袍。小官乃殿頭官是也。自從軒轅聖人在位。酌古準今。立綱陳紀。治車舟以濟不通。造弓矢分其營衛。德化天下。仁治萬邦。聖人之德。其仁如天。其治如神。望之如日。就之如雲。以此上化育天下。諸侯各遵其治。破蚩尤於涿鹿。剿羣寇以安寧。都於濠梁之地。自從太古以來。無有如今之盛世。你看那瓊樓金殿。碧瓦雕簷。休誇天上廣寒宮。勝似西天極樂國。四序安康。萬民歡樂。東平齊魯之塵。南靜荆蠻之寇。梯山航海盡來朝。辮髮戎狄皆拱手。早朝奉聖人的命。雖然天下太平。怕有山間林下。懷才抱德。隱跡高人。舉到朝中。量才任用。小官在此樞密院中。請衆大人來商議。令人門首覷者。衆大人來時。報復我知道。〔祇候云〕理會的。〔風后同力牧上〕〔風后云〕善辯風雲曉六韜。行兵對壘建功勞。腹中廣有千條計。一片忠心輔聖朝。某風后是也。這一位是力牧。即今軒轅聖人在位。我未遇時。曾在九江府翠峯山隱跡埋名。不求榮顯。樂道耕鋤。因聖人夜作一夢。夢見一陣大風吹砂走石。後有一人隨風而走。其疾如飛。灑然驚覺。可是南柯一夢。聖人細推

其詳。以此上將我取至朝中。拜爲軍師。自從登壇受任以來。賞必當來。罰必當罪。旌旗號令。一旦皆新。到後來南征北討。東蕩西除。剿滅各處羣寇。皆是我之功也。方今之世。天下太平。四海均安。八方寧靜。華山閑戰馬。曠野有耕牛。農夫擊壤而歌。士庶歡聲聒耳。今日無甚事。正在私宅中看兵書戰策。有大人在樞密院中。聚俺衆官。不知爲何。須索走一遭去。大人。俺一同的去來。〔力牧云〕大人。俺見大人去來。令人報復去。道有風后力牧來了也。〔祇候云〕理會的。報的大人得知。有風后力牧來了也。〔殿頭官云〕有請。〔祇候云〕理會的。有請。〔做見科〕〔殿頭官云〕二位大人少待。看有那一位大人來。〔外扮公孫玄同伏輝上〕〔公孫玄云〕文武雙全將相才。胸襟磊落捲江淮。筆尖掃出安邦智。極品居官拜玉階。小官覆姓公孫。名玄字興祖。本貫襄城人也。此位大人姓伏名輝。俺幼習先賢儒典。後攻諸子羣書。曉徹陰陽大體。參通八卦玄機。多懷妙策。立家邦。每仗經綸安社稷。五車書記聖賢心。一舉首登龍虎榜。自從輔佐聖人以來。多有幹國之功。施展胸中之智。調和鼎鼐理陰陽。掌握王條安社稷。累蒙遷用。謝聖恩可憐。加小官爲崇信君之職。兼掌軍國重事。每論安邦之策。今日早朝已畢。正在私宅中看書。有大人在樞密院聚俺衆官。不知有何事。須索走一遭去。大人。俺去來。〔伏輝云〕大人。想方今之世。吾皇有德。臣宰賢良。天下黎民。虔誠讚禮。能干戈。雨順風調。無士馬昇平之世。今有殿頭官大人聚俺衆官員。不知有甚事商議。俺

見大人去來。可早來到也。令人報復去。道有公孫玄伏輝來了也。〔祇候云〕理會的。報的大人得知。有公孫玄伏輝來了也。〔殿頭官云〕道有請。〔祇候云〕理會的。有請。〔見科〕〔伏輝云〕大人。俺二人來了也。有甚事商議。〔殿頭官云〕二位大人少待。看有那一位大人來。〔常壁上云〕刀馬精強敢戰敵。南征北討慣相持。龍韜虎略安邊郡。膂力偏高顯武威。某大將常壁是也。我文通三略之書。武解六韜之法。槍橫巨蟒。馬跨狻猊。望塵知地理。嗅土決輸贏。常存立國安邦志。累建南征北討功。方今軒轅聖人治世。四時豐稔。八節昇平。仁慈化及遐方。聖德遠被蠻貊。一年收十倍之糧。一人有十人之用。感應的麒麟出現。丹鳳來庭。爲我多有弓馬之勞。加某爲五軍都點檢。今日下教場已回。有大人在樞密院中聚集衆官。不知有甚事。須索走一遭去。可早來到也。令人報復去。道有常壁來了也。〔祇候云〕理會的。報的大人得知。有常壁來了也。〔殿頭官云〕道有請。〔祇候云〕理會的。有請。〔做見科〕〔常壁云〕大人。小將來了也。〔殿頭官云〕您衆位大人都來全了也。無事可也不請您來。早朝奉聖人的命。但有那山間林下。隱跡埋名的賢人。通經曉藝者。着您舉入朝中。量才任用。您衆大人可是如何也。〔風后云〕大人。既是這等。小官不才。微言出僭。我聞知崆峒山煙霞洞中。有一仙長。號曰廣成先生。此先生懷揣日月。袖褪乾坤。有神鬼不測之機。安邦教兵之法。若得此人來。堪可重用也。〔公孫玄云〕大人。小官聞知廣成子。曉先天之大理。識

道教之玄機。煉金液之神丹。合上古之真妙。神鬼欽伏。有治國安邦之妙。經天緯地奇能。諸遁甲兵書。通九天祕法。堪可舉薦入朝。永安社稷。萬年清晏也。〔常壁云〕大人言者當也。我也久聞此人。是箇得悟的神仙。若着人請去。必然來也。〔殿頭官云〕好好好。既然有此高人。如何不請去。別人去也不濟事。常壁。你就將着玄纁丹詔。宣命此人去。若取至朝中。必然重用也。〔常壁云〕大人可不道上命遣差。蓋不由己。小官願往。〔殿頭官云〕常壁。你既然要去。不宜遲滯。將着玄纁丹詔。便索登程去也。〔常壁云〕大人。小官回家中收拾鞍馬。便索長行也。親傳着大人將令。豈避那遙山掩映。取賢人不敢延遲。到朝中必然重用。〔下〕〔殿頭官云〕常壁去了也。這一去必然取到朝中。您衆大人跟我回聖人話去來。則爲那崆峒山隱跡英賢。差常壁親去傳宣。到朝中量才擢用。那其間便見根源。〔下〕〔風后云〕如今大人差官召取廣成先生去了。這一去必然回朝。他若來呵。端的揩磨日月。整頓江山。無甚事。且回私宅中去來。奉天命取召賢才。駕安車遠遠而來。任忠良齊家治國。望天顏拜舞金塔。〔同下〕〔淨扮無影道人領道童上〕〔云〕出家修道我爲頭。常在洞裏摸泥猷。昨日晚夕學打坐。老鼠咬了我腳指頭。貧道是這崆峒山煙霞洞廣成師父座下大徒弟。無影道人是也。若論我手段高強。書符呪水。有人請我。則情油嘴。不禮神道。我就調鬼。躡着蜈蚣。叮了大腿。我跟着我們師父。在後洞裏不知做甚麼哩。我打掃這洞前乾淨了。道童我姪兒。

你則在這裡看着。我打箇盹睡耍子。〔道童云〕我知道。〔外扮九靈大仙上〕〔云〕久離塵世隱崆峒。樂道修真禮太空。靜裏坐圓參妙道。金丹煉就滿爐紅。貧道乃九靈大仙是也。久居在此崆峒山。煙霞洞廣成先生座下學道。遠離紅塵。頓斷利鎖名韁。久隱林泉。鎖住心猿意馬。朗誦黃庭三萬字。靜談道德五千言。林間煮酒燒紅葉。石上題詩掃綠苔。四時觀不謝之花。八節賞長春之景。逍遙散澹無閑事。靜裏清談講道玄。今日無甚事。去洞前道堂中閑攀話。走一遭去。玄真大仙敢待來也。〔玄真大仙上〕〔云〕散澹逍遙遠世塵。遊山玩水臥松根。參玄講道多清行。異日丹成謁上真。貧道乃玄真大仙是也。俺這出家人。清閑自在。逍遙散澹。丹爐深閉。茶竈雲封。俺師父道行清高。有降龍伏虎之奇術。禱雨祈風之妙訣。待師父功成行滿之時。必有衝舉之日。說話中間。可早來到也。兀的不是九靈大仙在此。〔見科〕〔云〕九靈大仙。貧道來了也。俺見師父去來。道童報復去。道有九靈大仙玄真大仙來了也。〔道童云〕理會的。〔見淨科〕〔九靈仙云〕無影道人。師父往那裡去了。〔淨云〕師父在洞裏做工課哩。倒坐着那無挨倚。靠着一片不拔一毛皮。口念的是無天師祖大虛經。南無八謨多。南無三謨多。則願那一切債主離吾身。一切債主離吾體。吾奉太上老君急急如律令。足律光雲揣撒開牙不亞刺赤起過走。師父在洞裏念這般本分的經哩。你問他怎麼。〔九靈仙云〕休得胡說。師父這早晚敢待來也。〔淨云〕我關你要哩。師父害夾腦風哩。

他便來也。〔正末扮廣成子上〕云：貧道廣成子是也。祖居西瞿國。人氏幼而敏悟。性好山林。棄俗出家。在此崆峒山煙霞洞居住。貧道善曉禽言獸語。每日則是遊山翫水。好是幽哉快活也呵。

〔唱〕

〔仙呂點絳脣〕看了這山野寂寥。崎嶇古道。人來少。每日家散澹逍遙。我可也參透了他這玄中妙。

〔混江龍〕不離了林間長嘯。步煙霞藜杖酒壺挑。看了些桃溪竹塢。野叟山樵。一縷晚霞歸去也。數聲雞唱聽鐘敲。樂清閑。自把韶光傲。我可也不親利祿。不嗜貪饕。〔云〕無甚事。我去洞中道堂裏走一遭。來到也。道童報復去。道有貧道來了也。〔道童云〕理會的。報的仙長得知。有師父來了也。〔九靈仙云〕道有請。〔道童云〕有請。〔見科〕〔玄真仙云〕您徒弟想來。師父有神鬼不測之機。安邦教兵之法。真乃英賢之輩。古今絕倫也。〔九靈仙云〕據着師父懷揣日月。袖裡乾坤。道德雙全。世之罕矣。聞知方今聖人招納賢良。師父若肯出仕於朝。必然名標青史也。〔正末云〕你道的差了也。我是箇樂道山人。豈有干祿之心也。〔唱〕

〔油葫蘆〕你看我鼎鼎調和輔聖朝。受天恩居重爵。怕不待高牙大纛顯奢豪。赤緊的五雲迷却長安道。誰待去三簷傘下將人傲。〔九靈仙云〕師父可不道懷其寶。

而迷其邦。可謂仁乎。據師父懷經天緯地之才。出有入無之道。甘分遁跡韜光。古今少有也。〔正末唱〕常則是對明窗詩一篇。會仙朋棋數著。誰待看天街滾滾紅塵鬧。爭如我陋巷樂簞瓢。〔九靈仙云〕師父這一片樂道之心。端的有金石之堅。古人之德也。〔淨云〕師父辦這修行。則是要長生不老。這長生不老訣。道本無言。怎生說。性命都來兩字間。千經萬典論不徹。五千言三萬字。詞與詩。歌與賦。萬般教人只要悟。分明有的却如無。枉費逢人千萬句。恐愚癡不省悟。天堂地獄由人做。眼前生死亂如麻。師父你不知留心在何處。俺這徒弟每依着師父這箇嘴臉。明日瓢也沒箇辯的。〔正末唱〕

〔天下樂〕我則待夢醒南柯月影高。〔玄真仙云〕據師父一任翫水遊山。逍遙自在。因臥蒲團。悶眠松下。不肯求進。專心慕道。古往今來。多少英豪高士。未能及也。〔正末唱〕端的是難學。我將這緣分繳。但遇着無窮美景心快樂。〔九靈仙云〕師父這等說呵。俺這出家人。是好清高也。〔淨云〕師父這大道玄妙之理。上士悟之。陞爲天官。中士悟之。南宮列仙。下士得之。在世長年學道者。要尋師訪友。問道打座。惜氣養身。不負三光不負人。不欺神道不欺貧。有人問我修行道。只種心田養此身。〔正末唱〕我則待駕清風天下遊。跨蒼鸞上碧霄。也是我半生的活計了。〔九靈仙云〕師父。俺慢慢的共談清話。看有甚麼人來。〔常壁持詔上〕〔云〕親持丹詔來山野。訪

間煙霞隱姓人。某乃常壁是也。奉大人的命。將着玄纁丹詔。來這崆峒山煙霞洞。取廣成先生。入朝爲官去。離了朝中。不覺來到也。這不是煙霞洞。門首立着箇道童。我問他一聲。〔見科〕〔道童云〕你是那裡來的。〔常壁云〕道童。你這裡面有廣成先生麼。〔道童云〕你問他怎的。〔常壁云〕你報復去。道有天朝使命來了也。〔道童云〕理會的。〔做報科〕報的師父得知。今有天朝使命至此也。〔正末云〕道有請。〔道童云〕理會的。有請。〔做見科〕〔正末云〕呀呀呀。早知大人來到。有失迎接也。〔常壁云〕廣成先生裝香來。望闕跪者。〔正末跪科〕〔常壁讀詔科〕〔云〕詔曰。國運興隆。賴賢臣之輔弼。乾坤清泰。實良相以全忠。求賢之心。罔有少怠。近聞崆峒山煙霞洞廣成先生。抱濟世之才。懷安邦之智。特降佳徵。速當赴闕。以副予求賢之心。必固台鼎之封。用衍家邦之慶。故茲詔示。想宜知悉。廣成先生謝了恩者。〔正末拜科〕〔唱〕

〔那吒令〕我這裡聽說罷。急慌忙拜倒。半晌家寸心中暗約。待着我離了這翠雲鄉錦巢。〔常壁云〕師父。我奉聖人的命。將着玄纁丹詔。取師父入朝爲官。不避驅馳。便離了此山。同赴朝中見聖人。走一遭去。〔正末唱〕去您那塵世中。誤了我朝聞道。好着我心痒難撓。〔九靈仙云〕師父。既知聖君在位。天使請命。可展濟世之才。經綸之策。輔佐江山。永爲社稷之臣也。〔正末云〕使命大人。貧道風疾舉發。去不的。〔常壁云〕聖人聞知師父懷揣日月。袖襖乾坤。

有包含天地之才。擎雲握霧之手。知進退之安危。曉成敗之謀略。先生若肯下山。入朝爲官。俺聖人必然尊師父爲羣臣的領袖。宰輔的班頭。施展你那擎天的手策。定亂的機謀。與皇家展土開疆。不強似在此深山曠野。隱跡埋名也。〔玄真仙云〕師父差矣。使命大人奉國君之命。降詔遠徵。可赴朝廷。展經綸之手策。施治國之機謀。師父堅心慕道。苦志修真。不肯輔佐仁君。共樂雍熙之世。你若違了命呵。也沉埋了擎天的手段。虛度了光陰也。〔九靈仙云〕師父。聖人宣命入朝。可以輔佐朝綱。不可有違宣命也。〔正末唱〕

〔鵲踏枝〕不是我弄虛囂。我從來性孤高。你着我秉笏垂紳。待漏隨朝。〔常璧云〕先生。此係聖人的命。取你爲官。你若不去。便是違宣抗勅也。〔正末唱〕枉把這好工夫慢却。休則管絮絮叨叨。〔淨云〕師父。你又夾腦風了。大人來取你做官。你倒不肯去。每日則躲在這洞裏。念念聒聒的。喫的是淡飯黃齏。熬的肚裏吱吱叫。你不去。老大人。在下小道替他去罷。〔玄真仙云〕師父不肯臨朝赴闕。輔佐調和。每日則是講道談玄。靜坐茅堂。閑撫瑤琴。朗宣道語。不肯展擎雲之手。揩磨日月。淨洗乾坤。端的是不求黃閣標名姓。只戀林泉扮道真。〔正末云〕你那裡知道也。〔唱〕

〔寄生草〕我待要功勞簿上除名姓。輪迴場將緣分繳。守着這雲堂一曲瑤琴。

操。一任着高山流水知音少。怕聽那前遮後擁公人鬧。〔常壁云〕廣成先生。你看俺這爲官的。乘肥馬。衣輕裘。佳人捧臂。壯士擎鞭。這等奢華受用。你這出家人。止不過熬薑受淡。煑松啖柏。有何好處也。〔正末唱〕一任你五更朝外馬嘶寒。爭如我茅齋睡徹鷄聲報。〔常壁

云〕老先生不可推辭。便受了玄纁丹詔。隨某入朝見聖人去來。〔九靈仙云〕朝使大人。俺師父雖有經綸濟世之才。安邦定國之策。不肯求進。一心則是修真辦道。與天地同久。豈念功名富貴也。〔正末云〕大人。貧道不敢受這玄纁丹詔。我是箇山林下一野叟。斷然去不的。〔常壁云〕住住住。老仙長。聖人的命取你爲官。你堅意不肯下山去。不戀功名。不求富貴。則要養性修真。你可主意如何也。〔玄真仙云〕師父不受玄纁丹詔。專心奉道。閑訪漁樵。遊山翫水。不求圖像麒麟閣。只避紅塵遠是非。師父的主意。您徒弟不知。師父說一遍。俺衆徒弟試聽者。〔正末唱〕

〔金盞兒〕你聽我說根苗。試量度。則我這忠心一一分明道。我則待遊山翫水訪漁樵。你待着我身居黃閣貴。名姓史書標。則不如潛身歸洞府。獨步上青霄。

〔常壁云〕先生依着我。棄了深山。臨於禁闕。施展手策。與皇家定亂除危。顯揚後世。青史名標。可不強如在此山中熬薑受淡也。〔正末云〕大人勿罪勿罪。貧道斷然去不的。誤了我修行辦道。我回山中去也。〔九靈仙云〕師父。既然朝使宣召。可棄道歸王。扶持聖主。真乃道德雙全也。〔正末

唱

〔尾聲〕我則省的誦黃庭。參玄妙。非是我把前程頓却。〔玄真仙云〕師父。朝使大人奉命徵聘。師父脫白衣。掛紫袍。輔佐朝綱。師父堅意不肯臨朝。一心回草堂講道談玄。不以功名爲念。師父主意。可是如何也。〔正末唱〕你着我脫白衣。掛紫袍。不由人慊慊焦焦。你教我做臣僚。束帶於朝。怎比我九轉丹成壽算高。〔常璧云〕師父。你今不肯去。某這一回到朝中。見了聖人。必然再差人來。請命師父也。〔正末唱〕者莫你奉皇宣見朝。領玄纁丹詔。我則待掩柴門睡穩。月輪高。〔下〕〔淨云〕老大兒。我師父有些暗風。他去不的。我倒走一遭去罷。〔九靈仙云〕大人喫了齋去。〔常璧云〕先生感承厚意。我不必用齋食了。我奉聖人的命。將着玄纁丹詔。來請師父。入朝爲官。他堅意不肯下山。既然他不肯去。不敢久停久住。便索回聖人話。走一遭去。持丹詔直到崆峒。取賢人要赴朝中。見宰輔。言他就裏。那其間再降恩榮。〔下〕〔九靈仙云〕朝使大人去了也。玄真大仙。俺回後洞中看師父去來。俺師父不受皇宣。悟玄機參透機關。嘆浮生識破名利。總不如樂道清閑。〔下〕〔玄真仙云〕誰想師父堅意不肯臨朝。俺同入雲堂法座之下。聽師父講道德真言。走一遭去。俺師父不受玄纁。道袍寬袖褪乾坤。有一日功行滿乘鸞跨鳳。駕天風平步青雲。〔淨云〕好麼。大人來取他爲官。他不肯去。罷罷罷。我不管他。我一會兒肚裏饑。

了。我去後山裏尋些喫的去。我師父夾腦無敵。不做官則要裝癡。我如今走到山後。煮老鼠川炒田雞。〔下〕

第二折

〔殿頭官領祇候上〕〔云〕自從常璧持丹詔。徵聘賢人不見回。小官乃殿頭官是也。前者有風后大人。舉薦崆峒山廣成子先生。說此人懷才抱德。小官奏知聖人。差大將軍常璧。持着玄纁丹詔。徵聘此人去了。不見回還。令人門首覷者。常璧來時。報復我知道。〔常璧上〕〔云〕加鞭縱馬登途路。迤邐前行到帝都。某乃常璧是也。奉着大人的言語。將着玄纁丹詔。直到崆峒山煙霞洞內。取廣成先生去。不期此人堅意不肯下山。不受玄纁丹詔。此人如此清高。不敢久停久住。連夜回來見大人。再做箇理會。說大人在樞密院中。我須索走一遭去。可早來到也。令人報復去。道有常璧來了也。〔祇候云〕理會的。報的大人得知。有常璧來了也。〔殿頭官云〕道有請。〔祇候云〕理會的。有請。〔見科〕〔殿頭官云〕常璧。你來了也。你取的那先生安在。〔常璧云〕大人聽小官說一遍。我不分星夜。直到崆峒山煙霞洞裏。見了那廣成先生。開讀了詔命。不期此人堅意不肯下山。則要修行辦道。不受玄纁丹詔。不知主何意也。〔殿頭官怒科〕〔云〕道先生怎敢這等無禮。可不道率土之濱。莫非王臣。他怎敢抗拒聖人之命。常璧。你如今星夜再去取他一遭去。他若下山來呵。亦

無話說。若不下山來呵。你便道四海九州。皆是聖人之處。你住的這箇山洞。也是皇家所管。看他說些甚麼。他若離了那洞呵。也是箇無用的人。不必再取他。不離了那洞呵。我自有箇主意。常壁。你便索登程去也。〔常壁云〕既是這等。小官知道了也。不敢久停久住。便索再去走一遭去也。乘駿馬不敢俄延。奉詔命徵聘英賢。見先生問箇端的。管教他閉口無言。〔下〕〔殿頭官云〕常壁去了也。此先生必然隨他入朝。小官無甚事。回聖人話。走一遭去。因聖主海量寬洪。普天下皆盡仁風。求賢士不辭勞倦。持丹詔取至朝中。〔下〕〔威山鼠精引鬼力上〕〔云〕眼放金光射碧天。身輕體健壽綿綿。登山過嶺如平地。抖擻神威力量全。小聖乃威山松鼠之精是也。乘虛宿之氣而生。仗甲子宮辰爲體。牙排幾隊銀鈎。眼放神光照耀。神通廣大。千尋老樹穩安居。變化多般。萬丈懸崖求伴侶。身能駕霧。足可追風。盜靈丹煉藥爐邊。飲仙酒瑤池會上。蟠桃已熟。須臾帶葉將來。瑞草花芳。頃刻連枝擎到。小聖遊於人間。來到這崆峒山。見一道仙氣。直冲九霄之上。不期煙霞洞內。有一真人。是廣成先生。此人好生道行高強。善曉禽獸之語。此人將來。必然有昇舉之期。我有一兄弟。是大倉山松鼠之精。我如今等他來時。與他計議了。去煙霞洞中。試探那先生去。這早晚我兄弟敢待來也。〔大倉山鼠精領鬼力上〕〔云〕每嘆松梢飲露華。腹中隱隱放丹砂。有朝得到蓬萊洞。身駕清風步彩霞。小聖乃大倉山松鼠之精是也。常居在陡峻崖前。不離了崎嶇老樹。搖

身一跳。三千弱水不能攔。乘興閑遊。十二瑤臺隨吾戲。慣凌閬苑仙桃。常飲仙家美酒。心中無事。翫松頭明月輝輝。腹內消愁。看滿地白雲冉冉。無邊法力在胸中。千種神威能變化。跟隨着我兄長。離了本位。下來到這崆峒山煙霞洞左側居住。今日有我兄長呼喚。不知爲何。須索走一遭去。來到也。鬼力報復去。道有小聖來了也。〔鬼力云〕理會的。報的上聖得知。有大倉山大聖來了也。〔威山鼠云〕道有請。〔鬼力云〕理會的。有請。〔大倉鼠見科〕〔云〕哥哥。您兄弟來了也。那廂使用。〔威山鼠云〕兄弟。你來了也。你近前來。我與你說。我觀這煙霞洞中。有一真人。是廣成先生。此人道行絕高。說他善曉禽獸之語。我心中欲要去洞中試探他去。可怎生做箇計議也。〔大倉鼠云〕哥哥。此事最不打緊。此人是箇有德神仙。俺如今化爲肥瘦二鼠。在他那道堂深處。遞相問答。他若果然知道呵。久後自有箇緣故。哥哥。你意下如何也。〔威山鼠云〕兄弟。你說的是。俺兩箇便去來。有神仙法力高強。在山中遁跡韜光。若知俺心頭閑話。那其間再做商量。〔下〕〔淨扮道童上〕〔云〕小道是這煙霞洞廣成師父徒弟。今日打掃的道堂乾淨。師父敢待來也。〔九靈仙同玄真仙上〕〔九靈仙云〕朗誦真言參妙道。閑臨松下撫琴絃。貧道九靈大仙是也。這一位是玄真大仙。自從俺師父修行以來。不覺許久。前者幸遇天朝使命。徵聘俺師父入朝。輔佐江山。俺師父堅意不去。今日誦罷黃庭道德真經。來到這道堂中。道童門首覲者。師父來時。報復我知道。〔道童

云〕理會的。〔淨無影道人上〕云〕小道修行怕喫齋。羊肉包兒一例嘍。磬槌搗蒜喫羊肚。大碗燒酒不用醺。自家無影道人是也。前日正在這裡閑坐。不想有天朝使命。來取我們師父去做官。他可不知怎麼發傻。每日則趨在這洞裏。鋪眉苦眼的。看他怎麼是了。我今日無甚事。我去道堂裏走一遭去。說話中間。可早來到也。道童不必報復。我自過去。〔淨做見科〕云〕稽首。貧道來了也。〔九靈仙云〕無影道人。你往那裡去來。〔淨云〕我去採藥去來。好遠路。我過了三道河。四座嶺。六座崖。一箇洞。〔外呈答云〕了。〔淨云〕我過三道河。是無柰河。難柰河。怎柰河。四座嶺。過了箇左捩嶺。右捩嶺。義兒嶺。話兒嶺。又過了六座崖。過了箇今番崖。明番崖。常川崖。怎地崖。則管理崖。大家崖。又過了一座洞。過了必嶺。峯上的干厮峯。下的靠後道。直至無底鄉。空虛觀。脫博洞裏。走了一遭纔來。〔外呈打住〕〔淨云〕我關你耍哩。師父便來也。〔九靈仙云〕休得無禮。這厮胡說。這早晚師父敢待來也。〔正末上〕云〕貧道廣成子是也。前者正在道堂中講論至道。忽有天朝使命大人。將着玄纁丹詔。取我去朝中爲官。貧道頗明大道。豈肯中道而廢。我斷然不下山去。今日無甚事。去道堂中閑坐一會。有何不可。想俺這出家兒人。好是快樂也呵。〔唱〕

〔南呂〕一枝花〕風飄花萼香。雨洗遙山瑩。雲堂人寂靜。道院他這箇草蒙茸。好景無窮。靜中把詩篇詠。熱明香拜上穹。每日家誦黃庭窗下消閑。誰待要看歌

舞筵前愛寵。

〔梁州〕我則待煉丹砂延年得這益壽。怕聽那鬧塵寰暮鼓晨鐘。被流鶯驚醒。池塘夢。每日家棋彈數着。酒飲三鍾。幽窗上月。林外生風。看韶華過隙無踪。任烏旋月轉西東。我我我常則是杖頭挑嶺外煙霞。是是是常則是布袍惹花間。得這落紅。來來來我則待要臥白雲一榻青松。仙家受用。瓦爐中柏子雲煙重。又無甚可陪奉。止不過是紙帳梅花夢。寢中萬慮皆空。〔云〕可早來到也。道童報復去。道有貧道來了也。〔道童云〕理會的。報的上仙得知。有師父來了也。〔九靈仙云〕道有請。〔見科〕〔九靈仙云〕師父來了也。請坐。〔正末云〕您衆徒弟在此。有何事幹也。〔九靈仙云〕俺衆徒弟在此。一徑的等師父講談道法。師父在何處遊翫來。〔正末云〕你問我爲何這等來遲。你聽我說與你者。〔唱〕

〔隔尾〕我又不曾尋眞悞入蓬萊洞。〔玄真仙云〕師父。莫非遊於太空。升於紫霄。翫盡周天之聖境。賞遍十二之瑤臺。尋眞訪道。講論玄上之玄也。〔正末唱〕則爲我飽翫瑤臺十二重。睡徹幽窗夜來夢。被天邊塞鴻。恨風聲太猛。驚散心上縈纏萬千種。〔九靈仙云〕師父。前者有聖人丹詔。徵聘師父。爲何堅意不肯爲官去也。〔淨云〕我剛纔忘了。你又題起來。着

他做官。倒不肯去。每日家裏七十三八十四。不知說些甚麼。〔正末云〕你那裡知道。豈不聞用之則光被天下。捨之則隱於山林。方今聖主仁慈。天下大治。豈不容我一箇閑人。在於此處養道也。〔玄真仙云〕師父若到朝中。必然身登祿位。職列三台。憑文安社稷。仗武定乾坤。以神機掃蕩四海之清寧也。〔正末唱〕

〔牧羊關〕你待着我登八府居二位。受三台列土封。〔九靈仙云〕師父。這文武兼備。道德雙全。當與皇家宰治天下。忠義兼備。萬古流芳也。〔正末唱〕又無甚文武兼通。我則待向林泉下埋藏。山間的這遁隱。〔淨云〕你到的朝中。但能般總甲做。也強似在這裡閑驢閑馬的。〔正末唱〕我又無甚濟世安邦策。〔玄真仙云〕師父當展神術妙法。可以立國安邦。顯耀英豪也。〔正末唱〕怎敢去施展這箇性豪雄。我不愛衣紫腰金貴。我甘分做溪邊的一釣翁。〔九靈仙云〕師父。俺慢慢的清談。看有甚麼人來。〔二鼠精上〕〔作聲科〕〔正末云〕您休大驚小怪的。我聽他說甚麼。〔二鼠叫科〕〔下〕〔正末云〕好好好。此二鼠有如此高見之明。〔淨云〕你看他古怪。兩箇老鼠。在空房裏厮打。他也說上些言語。我不信你。〔九靈仙云〕師父。恰纔此二鼠不知其聲爲何。望師父說一遍。俺試聽者。〔淨云〕這箇師兄。嚙師父一了弄虛頭扯謊。兩箇老鼠。在空房裏厮打。他也知道。師父敢是貓養的。〔正末云〕您那裡知道。恰纔是肥瘦二鼠。肥鼠

問瘦鼠曰。君何瘦乎。瘦鼠答曰。吾居荒涼之地。淺草之中。所以瘦也。肥鼠曰。君可跟我遊於廣廚之中。食其美味。有何不可。瘦鼠曰。廣廚之中。恐有毒貓。如之奈何。肥鼠曰。則憑嚼眼緊脚疾。方可食其美味。瘦鼠曰。休休休。寧可清貧而守。不可濁富而受殃。人若依此鼠之言。豈不保全天性乎。
〔玄真仙云〕師父。此二鼠知此進退之機。亦乃天性使然。師父善知禽獸之語。亘古至今。未能及也。
〔淨云〕你也胡說。尋將貓來。着他一口咬了去罷。
〔正末唱〕

〔罵玉郎〕常言道。天宮萬物隨吾用。我恰纔聽沉罷。聽沉罷。嘆匆匆。嗔人若循乎天理。休枉縱。便做到列鼎食。重裋宿。皆因是生前種。
〔九靈仙云〕似這等說呵。您徒弟方知進退之道也。
〔正末唱〕

〔感皇恩〕呀。更怕我有眼如盲。我從來性格玲瓏。自幼時習經書。習經書。看古典。有誰同。講的是先天道德。端的是禮義難同。
〔淨云〕放着官不肯做。終日家在這裡絮絮聒聒的。我不聽你。
〔正末唱〕你道我言差錯。話支吾。恰便似耳邊風。
〔九靈仙云〕師

父平昔修真。有搬離運坎之功。長生不老之道。久後必登仙界。朝禮三清大帝也。
〔正末唱〕

〔採茶歌〕你道我上天宮。上天宮。過巫峯。抵多少彩雲天遠小樓東。有一日萬道金光從地起。少不的翻身踏破太虛空。
〔云〕道童門首看者。兀的不又有人來尋我也。

〔道童云〕理會的。〔常壁上云〕驅馳不避山高險。來到煙霞石洞中。某乃常壁是也。奉大人的命令。着我又來取那先生。他若不去呵。着他離了這洞。不許在此修行。來到也。道童報復去。有天朝使命來了也。〔道童云〕理會的。報的師父得知。有天使來了也。〔正末云〕道有請。〔道童云〕理會的。有請。〔見科〕〔正末云〕大人。你又來做甚麼。〔常壁云〕廣成先生。大人的命。着你星夜臨朝。聖人自有加官賜賞。便索隨詔而行也。〔淨云〕老大兒好着了。這遭他不肯去。你一口咬了他去罷。〔正末云〕大人。貧道是山間林下。一箇耕鋤野叟。有何奇異處。斷然去不的也。〔常壁云〕廣成先生。某奉聖人的命。兩次取你入朝爲官。你怎麼又不肯去。大人的言語。可不道四海九州。莫非王土。你住的這箇山洞。也是聖人的地方。你既然不肯入朝。便離了此洞。不許在此修行。〔玄真仙云〕師父。你聽的朝使大人說麼。普天下都是聖人的境界。師父坐的去處。即是皇家的地方。師父敢不遵命麼。有勞朝使大人兩次三番。這一番回奏呵。則怕聖人見怪。可怎了也。〔正末唱〕

〔哭皇天〕多謝你相知重。倒將人添怕恐。我須是無拘雲外客。倒着我氣沖沖。更怕我心頭心頭可也未懂。〔常壁云〕且休說這山洞。則你坐的這塊石頭。也是聖人的。你便離了此山。不可違宣抗勅也。〔正末拏起拄杖挑鉢盂科〕〔云〕你道我坐的這箇去處。皆屬聖人所

管。你看我這鉢盂。他上不在天。下不在地。中不在人。可在那裡所管。〔唱〕我如今下不累地。上不連天。畢竟在那窩兒。那窩兒裏便可聽從。問的他無言可對。使不的前遮後擁。

〔烏夜啼〕抵多少杜鵑聲喚醒遊仙夢。你聽波說的他意癡癡。意懶懶。心慵。〔常璧云〕先生不必巧言。便當依命赴朝也。〔正末唱〕尙兀自不識人情重。你常好是有耳如聾。妙理難通。〔正末放下鉢盂科〕〔唱〕有一日騰雲飛上廣寒宮。騰雲飛上廣寒宮。任從他萬里香風送。不索明離山洞。有一日天邊鶴舞。我趁着那萬縷清風。〔常璧云〕廣成先生。某奉聖人的命。將着玄纁丹詔。連宣你兩次。你堅意不肯入朝。某這一回到朝中。見了聖人。必然大怒。你那其間可休後悔也。〔正末云〕貧道是箇出家兒人。豈有凡間之念。被人如此相擾。我回洞中去。再也不出來也。〔唱〕

〔尾聲〕則被這紅塵滾滾人稠弄。誤了我十數年前用下的功。坐破蒲團再不動。任門前亂風。對山頭落紅。則被你纏殺我蓬萊他這箇悟真種。〔下〕〔淨云〕老大兒。我師父他不去。我跟你去罷。〔常璧云〕這先生他如此高強。我不敢久停久住。回聖人話。走一遭去。這先生立志堅剛。論道法端的非常。見大人言其仔細。好歹要取赴廟堂。〔下〕〔九靈仙

云〕朝使大人去了也。俺師父堅意的不肯臨朝。玄真仙長。俺回洞中去來。聖人差兩次大臣。持丹詔親到柴門。懸脩行不朝金闕。隱山林樂道甘貧。〔同下〕〔淨云〕好也。着師父氣的我大響屁放了七八十箇。小屁兒放了一千二百九十六箇半。那半箇恰待要出來。我打了箇喝。又吸將回去了。罷罷罷。道童。啗兩箇不必跟着師父。如今把師父這避瘟丹偷些。我去午門外說真方賣假藥去也。〔道童云〕你便說真方賣假藥。我去驛馬市剪柳。出桶子撞亮。但得手。我與你平分耍子。〔淨云〕正是這等說。若兵馬司拏住你。你認罪。不干我事。師父真箇忒無禮。不肯做官則說嘴。我們如今入洞去。脫了衣裳淨會水。〔下〕

第三折

〔中嶽神領鬼力上〕〔云〕位掌中央統四方。陰靈顯聖助吾皇。善惡兩邊分禍福。爲神忠正理陰陽。吾神乃中嶽嵩山天崇聖王是也。主掌三界地土山川大澤園林樹木之類。威鎮大地羣生。吾神平生正直。護國祐民。秉陰陽太極成形。主四海興災降福。除邪斷怪。統御神兵。騰雲駕霧上天庭。跨鳳乘鸞臨玉闕。爲因這崆峒山煙霞洞有一真人。是廣成仙人。此人道行深高。戒律無比。俺五嶽神祇。時時在法座下聽講。可是爲何。怕有那山林鬼怪。外道邪魔。擾亂法壇。以此俺五嶽神常常護衛。今日吾神在此山中。請四瀆神祇。與他商議一會。鬼力望者。這早晚衆神敢待來也。

〔東嶽同西嶽上〕〔東嶽云〕執掌東方立廟堂。驅邪惡黨降禎祥。爲人積善神天祐。自有綿綿福壽昌。吾神乃東嶽天齊仁聖王是也。這位是西嶽金天順聖王。吾神位居甲乙之宮。管領巽方之地。主掌人世居民貴賤高下之分。祿料長短之事。十八地獄六案簿籍。七十二司生死之期。手下有百萬天兵。無邊神聖。閑來遊戲。泰山頂上現真形。悶後逍遙。直到蓬萊觀弱水。位鎮泰安州地界。立廟兗州府城池。時時顯聖。受萬民香火之誠。累累通靈。感三界神祇朝貢。爲因這崆峒山煙霞洞有一隱跡高人。是廣成真人。在此脩行辦道。俺五嶽神祇。常在座下聽講。今日有中嶽之神。聚俺四方神聖。須索走一遭去。尊神。俺去來。〔西嶽云〕尊神。吾神自開闢以來。位正仙班。職居神聖。管領天下金銀銅鐵鉛錫之類。兼領羽毛飛鳥之事。爲吾神本性堅剛。忠直勇烈。五嶽之中。加吾神爲金天大利順聖王。今日中嶽神聖此一聚。俺須索走一遭去。可早來到也。鬼力報復去。道有俺二神來了也。〔鬼力云〕理會的。報的上聖得知。東西二嶽尊神來了也。〔中嶽云〕道有請。〔鬼力云〕有請。〔做見科〕〔東嶽云〕尊神。俺二神來了也。有何法旨。〔中嶽云〕您二位神祇少待。等衆神祇來時。一同商議也。〔南嶽同北嶽上〕〔南嶽云〕縷縷祥光降九霄。爲神正直輔清朝。陞堂立廟分茅土。萬載威靈日月高。吾神乃南嶽司天昭聖王是也。這位是北嶽安天玄聖王。吾神位居恆山定州曲陽縣界星辰分野之地。兼掌鱗甲水族魚龍之事。但行處除妖斷怪。不離玉闕。

天宮輔佑蒼生。顯靈助聖。駕雲軒朝拜天庭。垂瑞靄直臨霄漢。爲神直正存慈善。福祿從來自有。因今日朝玉帝已回。有中嶽尊神聚俺衆神祇。不知何事。俺須索走一遭去。尊神。俺去來。〔北嶽云〕尊神。吾神職居北地。主管坎宮。管領世界江河淮濟。兼掌虎狼走獸之類。蛇蝎昆蟲等屬。吾身閑臨水府。判吉凶禍福之因。常在陽間驅毒獸兵妖之事。今日中嶽尊神此一聚俺。必有法旨。可早來到也。鬼力報復去。道有二神來了也。〔鬼力云〕理會的。報的上聖得知。有南北二嶽尊神來了也。〔中嶽云〕道有請。〔鬼力云〕理會的。有請。〔見科〕〔北嶽云〕尊神。俺二神來了也。有何法旨。〔中嶽云〕二位尊神少待。等衆神祇來時。俺一同計議。鬼力望者。四瀆神來時。報復我知道。〔鬼力云〕理會的。〔外扮江瀆神同河瀆淮瀆濟瀆神上〕〔江瀆云〕雪浪銀濤萬頃秋。潺潺一派向東流。何人到此心無懼。惟有陰功可解憂。吾神乃江瀆神是也。這三位是河瀆淮瀆濟瀆之神。俺四神執掌天下水府之事。時間忿怒。起波濤神鬼皆驚。忽生噴怪。泛雪浪千尋之勢。剿除兇徒惡黨。保護奉善賢人。水晶宮遊翫逍遙。東大海施呈手段。今日朝玉帝已回。按落雲頭。在此崆峒山地界。有中嶽上聖。聚俺四方神祇。不知爲何。須索走一遭去。三位尊神。俺去來。〔河瀆云〕尊神。俺說着話。可早來到也。鬼力報復去。道有俺四瀆神來了也。〔鬼力云〕理會的。報的上聖得知。有江河淮濟神來了也。〔中嶽云〕道有請。〔鬼力云〕理會的。有請。〔做見科〕〔河瀆云〕上聖呼喚俺四

濟神。有何法旨。〔中嶽云〕您衆神祇來了也。您近前來。吾神想來。這崆峒山煙霞洞中廣成子真人。道行絕高。雖然俺常在法座下聽講。我尤恐怕邪魔外道。前去攪擾。俺如今怎生做箇商議也。〔東嶽云〕尊神。此事有何難處。俺衆神祇不要回本位下去。則在道堂左側。聽其號令。但有法旨。俺就施行。尊神意下如何。〔中嶽云〕尊神言者極當。俺衆神祇領着鬼力。直至那洞前打探一遭。有何不可。俺去來。直至那崆峒山前。施法力不敢俄延。若有那無端鬼怪。擒拏住送赴黃泉。〔同下〕〔殿頭官領祇候上〕〔云〕朝回公廨無別事。用盡求賢一片心。小官乃殿頭官是也。前者差常壁去崆峒山。取那廣成子先生去。他不肯臨朝。我又差常壁取他去了。倘若不來。務要趕離了那洞中。看他怎生做箇支對。我在這府中閑坐。令人門首覷者。衆將來時。報復我知道。〔祇候云〕理會的。〔外扮張雄上〕〔云〕習演黃公三略法。曾讀呂望六韜文。出馬迎敵常取勝。英雄敢戰大將軍。某乃大將張雄是也。俺端的是多懷妙策。廣看兵書。十八般武藝皆通。三略法機謀廣大。閑時捉虎。怒後擒蛟。南征北討建功勞。東蕩西除施妙策。謝聖恩可憐。加某爲御林營都統軍之職。今日教場中已回。正在私宅中看兵書戰策。有大人呼喚。不知有甚事。須索走一遭去。可早來到也。令人報復去。道有張雄來了也。〔祇候云〕理會的。報的大人得知。有張雄來了也。〔殿頭官云〕道有請。〔祇候云〕理會的。有請。〔見科〕〔張雄云〕大人呼喚張雄。那廂使用。〔殿頭官云〕你且一

壁有者。看有那一位將軍來。〔李豹上〕〔云〕武略精熟敢戰爭。胸懷妙策播聲名。馬到旗開常取勝。平定華夷輔大明。某姓李名豹字世英。乃溪水縣人也。自幼精習戰策。廣覽遁甲之書。善曉布陣之法。有安邦立國奇能。輔佐綱常之道。隨軍多有汗馬之勞。見今軒轅聖人在位。千邦拱手。萬國來賓。河清海晏。豐年風雨調和。盛世景星燦燦。明霄漢。慶雲靄靄。現瑤天。俺忠臣良將。盡皆柱石之臣。萬姓歌謠。真乃昇平之歲。今日正在私宅中閑坐。有大人呼喚。不知有甚事。須索走一遭去。可早來到也。令人報復去。道有李豹來了也。〔祇候云〕理會的。報的大人得知。有李豹來了也。〔殿頭官云〕道有請。〔祇候云〕理會的。有請。〔見科〕〔李豹云〕大人呼喚小官。有何事商議。〔殿頭官云〕且一壁有者。看有那一位將軍來。報復我知道。〔祇候云〕理會的。〔淨扮解能上〕〔云〕我是大將解能。爲人端的聰明。但若肚裏飢了。大塊則喫冰凌。自家大將解能是也。幼年習文。中年講武。論文呵。顛倒念趙錢孫李。論武呵。一箭射破冬瓜。曉天文。知地理。辨風雲。觀氣色。臨軍不戰心中怕。上陣常川肚裏疼。真箇是英雄好漢。力量過人。一隻手提十八箇尿胞。一隻手輪九十二把燈草。能喫炒麵。快搶乾糧。大人見這等武藝。着我在這樞密院裏做着箇都將。今日有大人在府裏。不知怎麼。我走一遭去。可早來到也。令人報復去。道有你解叔來了也。〔祇候云〕理會的。報的大人得知。有解將軍來了也。〔殿頭官云〕道有請。〔祇候云〕理會的。有請。〔做見科〕〔解能云〕

老大兒。我在下來了。你們怎麼閑着。拏錢兒買些條兒糖來。你們喫。好麼。〔殿頭官云〕你看這廝。靠後。常壁去了許久。不見回還。令人門首覷者。常壁來時。報復我知道。〔常壁上〕〔云〕兩次親身求賢士。枉用工夫晝夜忙。某乃常壁是也。奉着大人的言語。着我去崆峒山。取那廣成先生去。我到那裡。他堅意不肯來。我問他道。你坐的這箇山洞。也是聖人所管之處。他聽的說。將拄杖挑起鉢盂來。說道。他上不在天。下不在地。中不在人。畢竟在那裡。問的我無言可答。我回來了。見大人。回話去。可早來到也。令人報復去。道有常壁來了也。〔祇候云〕理會的。報的大人得知。常壁來了也。〔殿頭官云〕道有請。〔祇候云〕理會的。有請。〔見科〕〔殿頭官云〕常壁。你來了也。你取的那先生安在。〔常壁云〕大人。小官到那裡。我再三請命他那先生。他堅意不肯下山。我便道。你如今坐的這箇山洞。也是聖人所管之處。他隨將拄杖。挑起鉢盂來。說道。他上不在天。下不在地。中不在人。畢竟在那裡。小官無言可答。以此回來了也。〔殿頭官云〕這先生如此之能。我知道他這箇意也。他道我求賢之心。不肯在意。我如今奏知聖人。親自問道。走一遭去。〔李豹云〕大人。可用多少人馬。〔殿頭官云〕則用數十騎輕弓短箭。足以殺了也。〔李豹云〕大人。不爭你去。如今目下聖人萬壽之辰將近。年年祝延聖壽。俺可在那裡等候大人回還也。〔殿頭官云〕張雄李豹。你二將便去打掃紫宸殿上。啓建齋壇。祝延聖壽。我回來時。自有箇主意。常壁解能。你兩箇跟着我見聖人。

去來。見聖人奏說緣由。並不敢頃刻遲留。親身到崆峒山內。取賢士送赴皇州。〔同常壁解能下〕
〔張雄云〕奉大人的言語。打掃紫宸殿。走一遭去。備齋供不敢延遲。紫宸殿香爇金猊。會衆官同
來稱賀。齊祝讚福壽天齊。〔下〕〔李豹云〕衆位大人去了也。小官無甚事。且回私宅中。走一遭去。
今朝相別出帝鄉。迢遙豈避受風霜。親訪仙翁談妙理。專待回朝祝聖皇。〔下〕〔淨無影道人領
道童上〕〔云〕金童共仙友。都向瑤池走。一隻好肥雞。兩瓶山頭酒。貧道無影道人是也。跟着我
廣成子師父。每日則是趁哄耍子。大人來取他兩遭做官。他到了不肯去。則縮着頭在洞裏。不知
他可戀着些甚麼。我知道了。一准他捨不的這山裏好桃兒。今日他一發不出洞來了。我在這裡
坐一坐。看有甚麼人來。〔九靈大仙同玄真大仙上〕〔九靈仙云〕絕離塵世居山野。了達玄機樂
自然。貧道乃九靈大仙是也。這一位是玄真大仙。有俺師父廣成子先生。蒙聖人兩次皇宣。堅意
不肯臨朝。師父怕人擾亂。數日不出洞來。我早晨間相請師父閑行。我先往道堂中伺候師父去。
可早來到也。不必報復。俺自過去。〔二仙見科〕〔云〕無影道人。師父往那裡去了。〔淨云〕呵呵呵。
你兩箇來的正好。我袖子裏有一隻爛污的狗腿。兩塊大蒜。嚙往燒酒店裏喫三鍾去來。〔九靈
仙云〕休得胡說。師父這早晚敢待來也。〔正末上〕〔云〕貧道廣成子是也。自從我拜辭朝命。不
肯下山。一向則在後洞中脩真養性。我料朝中必然來請我。我若不去。則道沽名釣譽。非是出家

人之所爲。今日出洞來。道堂中閑走一遭去。好一派野景也呵。〔唱〕

〔中呂粉蝶兒〕早是這暮景淒迷。耐風霜老松添翠。月華寒瘦嶺損啼。草鋪堦山如畫景多清媚。靜裏閑題。則不如樂簞瓢一生活計。

〔醉春風〕每日家山外看白雲。溪邊觀綠水。茶烹石鼎味偏長。端的是美。美。一卷殘經。一樽綠螳。一簾曉日。〔云〕可早來到也。道童報復去。道有貧道來了也。〔道童云〕理

會的師父來了也。〔九靈仙云〕道有請。〔道童云〕理會的。有請。〔做見科〕〔九靈仙云〕師父請坐。〔正末云〕您請貧道來。有何事也。〔九靈仙云〕師父。您徒弟一逕的請將師父來。前去道堂中講道。散心閑坐。師父因何纔到俺這道堂中也。〔正末云〕你問我因何來遲。你聽我說與你者。〔唱〕

〔迎仙客〕你聽我言肺腑說從實。我恰纔獨對着短蓬窗。短蓬窗纔睡起。〔九靈仙云〕師父一片樂道之心。滿腹脩真之志。端實罕比也。〔正末唱〕我則待誦黃庭參道德。因此上半晌來遲。我甚麼分別意。〔玄真仙云〕師父兩次宣召不肯臨朝。師父若肯輔佐明君。穩安萬里江山。平定八方邊境。師父必然重榻而臥。列鼎而食。請君之祿。萬姓安康。博取千古流芳也。〔正末云〕你不知。聽我說與你。〔唱〕

〔紅繡鞋〕我不戀那身榮富貴。則不如樂醕醑詩酒忘機。誰待要五更朝外馬頻嘶。甘分在林泉下。索強似受驅馳。則不如樂天然養性理。〔淨云〕師父爲人一身全憑這精氣神。此三者最當要緊。乃爲之性命也。這身是氣之宅。心是神之舍。意行則神行。神行則氣散。意住則神住。神住則氣聚。人神好清而心憂之。人心好靜而慾牽之。若能遺之而心自靜。正其心而神自清矣。學道便教徹骨貧。囊中只有三五文。有人問我脩行法。遙指天邊月一輪。〔玄真仙云〕師父。若論脩道清高。每煉金丹。取華山頂上之風。用扶桑海底之浪。此金丹之龍虎也。師父名播皇都。聲傳大國。若不赴朝。再有宣詔至此。可怎了也。〔正末云〕量我有何德能。他怎肯又來也。〔九靈仙云〕已知師父有安邦之策。立國之謀。他必然又來徵聘也。〔正末唱〕

〔普天樂〕我又無那立身術。安邦智。止不過山林村叟。怎用的肥馬輕衣。〔淨云〕去也。你正是那切刀劈柴精大的薄福頭。大人持着玄繡丹詔。宣你入朝爲官。你道不肯去。我不是騙你老子那驢嘴。那玄繡丹詔上。但有我的一箇字兒。我這其間山後掉一箇大驢駒。驢一陣清風。這其間到哈密里。你不去。我替你走一遭去罷。〔正末唱〕我心中樂事多。自有箇安身計。〔九靈仙云〕師父堅心辨道。必有乘鸞跨鳳之時也。〔正末唱〕有一日一縷白雲從天墜。散天花滿目紛飛。那時節名留紫府。身居閬苑。獨步瑤池。〔云〕我在此少坐片時。看有甚麼

人來。〔殿頭官領常壁解能擺頭搭上〕〔殿頭官云〕城中車馬過如簇。爭似溪山氣槩多。小官乃殿頭官是也。這兩箇是常壁解能。因爲這崆峒山煙霞洞中。有一仙長。乃是廣成子先生。我差常壁請命兩次。他堅意不肯下山。奉聖人的命。着小官親來問其治生延年之道。看他果係如何。令人把那頭搭都擺在山脚下。俺求訪賢士。不可如此。常壁。那箇是煙霞洞。〔解能云〕我說你精是箇夾腦。一箇坐淨的道人。偌老遠把我領將來。走的我也暈了。我們家去了罷。〔常壁云〕你休這等說。大人這裡便是。兀那道童報復去。說道大人自家來了也。〔道童云〕理會的。報的師父得知。洞外有許多的大人每來了也。〔正末云〕呀呀呀。我說大人必然來也。道有請。〔道童云〕理會的。有請。〔見科〕〔正末云〕大人來了也。貧道有失迎接也。〔殿頭官云〕廣成先生。小官差人取你。則爲你不肯下山。小官親來問道也。〔正末云〕感蒙宰輔大人降臨此山也。〔唱〕

〔上小樓〕多謝你便登山渡水。到俺這荒山之內。受了些鞍馬劬勞。程途寂寞。旅店孤恹。〔殿頭官云〕先生。小官此一來。則爲求賢而至也。〔正末唱〕我無甚治國謀。平蠻策。經綸天地。便着我坐都堂穩登八位。〔云〕大人請坐。山野之人。有失遠接。動勞車馬。遠至此也。〔殿頭官云〕廣成先生。小官奏知聖人。兩次取你。你因何不肯爲官去。你莫不違宣抗勅麼。〔玄真仙云〕大人。俺師父乃九分得道的神仙。非敢兩次違宣抗勅。今日又蒙大人賁降。

親到草廬之中。車馬驅馳也。〔正末云〕貧道怎敢違宣抗勅。大人不嫌絮煩。聽貧道說一遍者。

〔唱〕

〔么篇〕爭柰我本性愚。更那堪無見識。誰敢道抗勅違宣。受祿居官。故意相欺。

〔九靈仙云〕大人。俺師父怎敢有違宣召。只因慕道之心。未能棄捨也。〔殿頭官云〕雖然這等。終非理

論。廣成先生。你怎生不肯爲官去也。〔正末唱〕我可又無大功。怎受的皇家爵位。因此上

我意遲遲急難進退。〔殿頭官云〕廣成先生。小官非私來。有聖人的命在此。徑來此山中問道

來。敢問先生所謂大道者何也。〔正末云〕大人不問。貧道亦不敢說。大道無形無名。〔殿頭官云〕既然大道不可得而行。不可

慮。其大無外。其小無內。不可得而知也。不可得而行也。〔殿頭官云〕既然大道不可得而行。不可

得而知。古今達士。始初學道。次以有道。後以成道。出於塵世。入於蓬島。升於洞天。是皆成道德之

士。先生獨言道不可得而行。道不可得而知。此理可是如何也。〔正末云〕大人。道也者。固無隱也。

蓋舉世奉道之士。止有好道之名。始聞大道而無信心。雖有信心而無苦志。朝爲而夕改。坐聞而

立忘。始乎憂勤。終則懈怠。是以大道難知難行也。〔殿頭官云〕好言語也。〔正末唱〕

〔滿庭芳〕講不徹從前道理。因此上難名難聽。難改難移。無形無影。無踪無跡。

包含着天地玄機。〔殿頭官云〕先生。你從幾歲上出家。學的這等精嚴也。〔正末唱〕我從那

混沌前。先分出兩儀。未分時。安定玄機。若論着仙家味。韶光晦跡。任白髮鬢邊催。〔解能云〕你箇先生精歪說。曉的些甚麼。我講些道法你聽。若論脩行我慣。道經每日閑看。白養狗腿一隻。還饒辣蒜八瓣。胡椒喫上一升。芥末拌着乾飯。蓋上三床綿被。管你流一身冷汗。這等道法。你怎麼來的。〔淨云〕你這廝說的不當。胡言亂語歪上。我看了你這箇嘴臉。一似箇獼猴的模樣。休要胡說。靠後。〔殿頭官云〕你看這廝。靠後。先生。小官再有一問。所謂法有三乘。而仙分五等者。何也。〔正末云〕此事不打緊。三乘者。上乘中乘下乘。仙有五等者。天地神人鬼。故曰仙分五等。〔殿頭官云〕三乘之法。合於五等之仙。以何作用而致然乎。〔正末云〕人脩小乘。則曰地仙。漸入中乘。則曰人仙。悟其大乘。則曰神仙。雖曰五等。更有高妙。不可盡言也。〔殿頭官云〕仙長有如此之能。非常之所比也。〔正末云〕天地之性。人爲貴。人能弘道。非道弘人。豈爲虛謬也。〔唱〕

〔十二月〕若論我參通至微。端的是不錯毫釐。一任這寒來暑往。更和那夏盡冬回。使四序難侵大體。端的是萬物皆知。〔殿頭官云〕仙長。你有如此之能。久後必有升舉之期也。〔正末唱〕

〔堯民歌〕呀。你道我有一朝平步上天梯。那時節。一縷金光耀天墀。心猿意馬不狂馳。穩駕玄鶴任東西。纔也波知。平生我所爲。直到那蓬萊地。〔殿頭官云〕仙

長有如此手段。目今聖人萬壽聖節。小官敢勞仙長。若肯入朝。祝延聖壽。闡揚道教。有何不可也。
〔正末云〕大人。你不說呵。貧道也知道了。方今皇上仁孝格天。聖明昭鑒。重道崇儒。修文偃武。制禮作樂。乃有德之主也。我願往京師。祝延聖壽。走一遭去。
〔殿頭官云〕仙長。俺那裡祝延聖壽。都是凡間之物。無過是奇花異果。你可將些甚麼與聖人祝壽也。
〔正末云〕大人。貧道將五嶽四瀆。都着他現形祝壽。各有所獻。大人意下如何。
〔殿頭官云〕仙長。此言有准麼。
〔玄真仙云〕大人。你纔聽的俺師父說麼。等到皇上萬壽之辰。遣五嶽四瀆之神。各將壽物祝賀。非有虛言也。
〔正末云〕大人。我是箇出家兒人。豈有虛謬也。
〔九靈仙云〕大人。俺師父顯揚道法。同五嶽四瀆。各有所獻之物。共去祝延聖壽也。
〔正末唱〕

〔耍孩兒〕我則道您法座皆完備。安排的十分整齊。金鐘玉磬樂聲喧。一莊莊辦的真實。我着那乾坤五嶽離天闕。都着他穩駕祥雲見紫微。一箇箇呈祥瑞。讚吾皇萬壽。賀洪福天齊。
〔云〕大人。貧道不敢久留。比及大人到京師呵。貧道先到了也。我回後洞中去也。
〔殿頭官云〕仙長不可有誤。若到京師。便往紫宸殿上來。小官專望也。
〔正末云〕貧道理會的。
〔唱〕

〔尾聲〕仗平生脩煉的功。便休着差半刻。駕祥雲直到那京師地。保護着仁孝。

吾皇萬萬紀。〔同玄真仙下〕〔淨云〕俺師父去了也。老大兒。你坐一坐。我泡一鍾螃蟹茶請你。〔殿頭官云〕不想這箇仙長。有這等道行清高。小官便回上京師去。一壁廂啓建齋壇。祝延聖壽。他若到京師。我自有箇主意。常壁解能。你兩箇跟我回去來。則今日回帝輦。漸漸的紅輪西轉。到京師。準備齋筵。讚聖壽天長地遠。〔同常壁解能下〕〔九靈仙云〕大人去了也。俺隨後收拾道服法器。跟隨師父入朝。祝延聖壽去也。俺師父道行非常。朝三清禮拜虛皇。趁天風親朝鳳闕。齊祝讚萬壽無疆。〔下〕〔淨云〕他們都去了也。我也去罷。俺師父修行辦道。不想有使命。又差宣詔。到朝中一定他做高官。我替他背交床跟馬喝道。〔下〕

第四折

〔李信甫領道童上〕〔云〕鋪設齋壇件件全。寶爐竊竊蒸沉煙。安排法器皆全備。祝賀吾皇萬萬年。貧道是這京師玉清觀主。圍一道人李信甫是也。貧道廣看經文。深知道法。書符咒水。慣會學遺祟除妖行正法。今遇聖人萬壽聖節之辰。在紫宸殿上。鋪設齋筵。祝延聖壽。年年欽選天下名山洞府有道高人。啓建法壇。令貧道掌法壇事。一應道教法事之類。都皆完備了。你看那瑞煙杏杏侵霄漢。紫霧騰騰映碧天。皆因聖主仁慈感應。禎祥累現。道場已停當了。今日是第三日。這早晚衆官敢待來也。〔淨蔡宗伯上〕〔云〕小官蔡宗伯是也。今日有聖人萬壽之辰。衆官都去上壽。

去了。止有我學兒來遲。說話中間。可早來到也。不必報復。我自己過去。〔做見科〕〔云〕「老先兒。我在下區區學兒來了也。」〔李信甫云〕「且一壁有者。」〔吳全節同張伯雨薛玄卿方玉壺辛淵微上〕
〔吳全節云〕「寶劍輕揮神鬼驚。口中法水遣邪精。踏罡步斗通三界。保養丹砂體自清。貧道姓吳名全節。道號閑閑宗師。這四位是貞居外史張伯雨。上清內史薛玄卿。不芒道人方玉壺。水月道人宰元微。俺都是天下名山之處。修煉有道真人。俺端的是住山林養性修真。於泉下攻心保守。有降妖伏虎神通。起死回生手段。琴彈太古之音。詩誦先天妙典。騷驚跨鳳爲仙客。隱姓埋名度歲華。今逢聖人萬壽聖節之辰。俺衆道士無以報答。年年都到京師。起建法壇。祝延聖壽。今日在紫宸殿上。啓建齋壇。是第三日也。衆道友。俺去來。則怕大人來拈香。可早來到也。道童報復去。道俺衆道人來了也。」〔道童云〕「理會的。報的師父得知。有衆道人來了也。」〔李信甫云〕「道有請。」〔道童云〕「理會的。有請。」〔做見科〕〔云〕「衆位道友來了也。怎生不見別的道士勸法器。」〔衆道士打法器上〕〔住〕〔李信甫云〕「好好好。您衆道友都預備的停當着。今日第三日也。則怕大人每來拈香。道童門首覷者。若來時。報復我知道。」〔殿頭官同張雄李豹領祗候上〕〔殿頭官云〕「聖人有德天心順。福壽綿延萬載昌。小官乃殿頭官是也。這兩箇是我府中大將張雄李豹。前者我親自到崆峒山煙霞洞中。廣成子跟前問道去。那先生果然懷才抱德。問一達十。深知玄妙。我就請他

來京師。祝延聖壽。他言稱道。五岳四瀆。現形祝壽。比及我回來時。他先到京師。在朝天館安下。如今玉清觀做好事。今日是第三日也。奉聖人的命。着小官看他怎生祝延聖壽。可早來到也。道童報復去。道小官來了也。〔道童云〕理會的。報的師父得知。有大人來了也。〔李信甫云〕道有請。〔道童云〕理會的。有請。〔做見科〕〔云〕衆道人。小官來了也。一壁廂諷念金經。祝延聖壽也。〔李信甫云〕大人。衆道人在此等候多時。則等大人來拈香哩。〔蔡宗伯云〕您衆道人每。且各人喫了頭腦。方纔念經。〔殿頭官云〕您衆道人且少待。還有衆大人未來哩。等衆大人來時。俺一同祝壽。令人門首看者。衆大人來時。報復我知道。〔風后力牧上〕〔風后云〕畫燭煢煌齊拜賀。香煙縹緲慶長生。小官風后是也。這位是力牧。自從前者在大人前舉薦廣成子。連請兩次。不肯下山。後來大人親去。方纔奉詔而來。今在京師朝天館住下。今者恭遇聖人萬壽聖節之辰。俺衆官都至玉清觀祝延長生之會。有廣成子先生。要施展手策與大人看。俺須索走一遭去。大人。俺去來。可早來到也。令人報復去。道有風后力牧來了也。〔祇候云〕理會的。報的大人得知。有風后力牧來了也。〔殿頭官云〕道有請。〔祇候云〕理會的。有請。〔做見科〕〔云〕大人。俺二人來了也。〔殿頭官云〕二位大人少待。看有那一位大人來。〔公孫玄同伏輝上〕〔公孫玄云〕太平時節家家樂。豐稔年光處處安。小官乃公孫玄是也。這位大人是伏輝。今遇聖人萬壽聖節之辰。大人在玉清觀紫宸殿

上鋪設壇場。祝延聖壽。你看那綵旛飄瑞氣。寶篆噴清香。畫燭列兩行神仙。蘭麝島千條瑞氣。說話中間。可早來到也。大人。俺過去見大人去來。〔伏輝云〕大人。您看那天邊和氣迎祥瑞。寶殿笙歌接太虛。一人有慶。萬國咸寧。俺正好慶賀。俺見大人去來。可早來到也。令人報復去。道有俺二人來了也。〔祇候云〕理會的。報的大人得知。有公孫玄伏輝來了也。〔殿頭官云〕道有請。〔祇候云〕理會的。有請。〔見科〕〔伏輝云〕大人。俺二人來了也。〔殿頭官云〕二位大人少待。看有那位大人來。〔常璧上〕〔云〕道人手策真無比。三次傳宣請命來。某乃常璧是也。自崆峒山取廣成子去。連請三次。大人親去問道。方肯下山。在公館中住下。今日要來這玉清觀紫宸殿上施展手策。驅遣神祇。祝延聖壽。我須索走一遭去。可早來到也。令人報復去。道有常璧來了也。〔祇候云〕理會的。報的大人得知。有常璧來了也。〔殿頭官云〕道有請。〔祇候云〕理會的。有請。〔見科〕〔云〕大人。小官來了也。〔殿頭官云〕且一壁有者。看有那一位大人來。〔淨解能上〕〔云〕老解心裏十分悶。紫宸殿上走一遭。自家解能是也。前日好沒生的。着我跟了大人。直到崆峒山煙霞洞裏。請一箇廣成子先生去。走到那裡。大人和他兩箇。知他說些甚麼。把他當一件事。請到這裡。我走一遭去。來到了也。令人報復去。道有你老叔來了也。〔祇候云〕理會的。報的大人得知。有解能來了也。〔殿頭官云〕道有請。〔祇候云〕有請。〔做見科〕〔云〕老官兒。我老解來了。先拏些饅頭湯飯來我

喫〔殿頭官云〕您衆大人都來了也。止有廣成先生未來哩。令人門首看者。廣成子來時。報復我知道。〔祇候云〕理會的。〔正末同九靈大仙玄真大仙無影道人捧法盞令牌上〕〔正末云〕貧道廣成子是也。自從大人將我取到京師。要與聖人祝壽。我將五嶽四瀆。許多神聖。都驅在法座下。聽吾使令。今日在紫宸殿上。施展道法。我索走一遭去。看了這皇都帝輦。是好富貴也。〔九靈仙云〕師父。你看那龍樓鳳閣。皇都帝輦。祥光籠寶殿。紫霧罩金門。笙歌嘹亮。真乃太平之世也。

〔正末唱〕

〔雙調新水令〕畫樓無處不笙簧。韻悠悠管絃嘹亮。祥雲籠禁闕。瑞靄罩穹蒼。洞府仙鄉。堪寫在畫圖上。〔云〕來到也。道童報復去。道有貧道來了也。〔道童云〕理會的。報的大人得知。有廣成子來了也。〔殿頭官云〕道有請。〔道童云〕理會的。有請。〔見科〕〔正末云〕大人貧道來了也。〔殿頭官云〕廣成先生。你來了也。今日衆大人都在此處。你當日在山中。怎生修道來。學的這等精通道法。你說一遍。小官試聽者。〔正末云〕大人不嫌絮煩。聽貧道說一遍者。

〔唱〕

〔鴈兒落〕我當日那隱山林歲月長。養道在簞瓢巷。〔伏輝云〕廣成先生。你在那崆峒山煙霞洞。怎生修行辦道。你說一遍。俺試聽者。〔正末唱〕坐溪邊蓑笠隨。挑明月隨藜杖。〔殿

頭官云：「廣成先生似你這等道行清高，端實少有也。」〔淨云〕他清高，若不是我師父娘害羊兒風發了，他還不肯來哩。〔正末唱〕

〔得勝令〕你道我清趣最高強，今日箇身赴五雲鄉。聽了些嶺外哀猿叫，不比您人間世事忙。〔殿頭官云〕先生，你今日可施展些手段，俺看你果是如何也。〔正末唱〕我這裡參詳，不離了公廳上，也不索度量，抵多少功名紙半張。〔殿頭官云〕廣成子，今日是聖人萬壽聖節，一逕的請你來，你當日在山中，曾說驅遣神將，祝延聖壽，今日壇場已完備了，衆位神將可在那裡也。〔正末云〕大人，此事不打緊，我焚上這香，將令牌來。〔九靈仙云〕師父，令牌在此。〔正末做擊令牌科〕〔云〕恭炷真香，謹請中嶽四瀆之神，閭苑仙子，天丁力士，速赴壇庭，勿違勅令。疾。〔正末擊令牌科〕〔直符上〕〔云〕出入雲霄走似飛，宣傳法令下天梯，常臨座側聽驅遣，報應逡巡似影疾。小聖乃上界直符使者是也，直掌神霄之上符命號令之事，我坐觀十萬里，日赴九千壇，正在本位下聽令，今奉有廣成子法旨，令吾召命諸神，不敢怠慢，五嶽四瀆之神安在。疾。〔外擡帳幔上〕〔住〕〔殿頭官云〕廣成先生是好道法也。〔正末云〕疾。洞中中嶽四瀆之神，并衆仙子，即當出洞，各仙子動着仙樂，舞着仙舞，與皇上祝壽者。〔中嶽同四瀆神各捧獻壽物外動樂聲科〕〔上〕〔殿頭官云〕老先生果有如此神通，皆因吾皇聖德有感，以此天神降臨。

祝賀也。〔正末云〕若非皇上仁孝格天。豈有如此禎祥也。〔唱〕

〔落梅風〕我則見祥雲內噴異香。〔伏輝云〕先生。你看那祥雲靄靄。紫霧騰騰。仙音嘹亮。皆因是聖主洪福齊天。感應的天神下降也。〔正末唱〕擺列着許多神將。祝遐齡急慌忙。到下方。讚當今萬年興旺。〔云〕大人。這的不是五嶽四瀆衆神祇祝壽來了也。〔殿頭官云〕廣成先生。今日天神下降祝壽。端的是天人有感也。〔常壁云〕大人。你看那仙家音樂嘹亮。舞態踴躍。非人世所有也。〔正末云〕大人。衆神將都將着異寶奇珍。祝賀萬壽也。〔唱〕

〔水仙子〕吾皇有道感穹蒼。嶽瀆靈神降下方。長生寶篆恭呈上。捧奇珍。獻瑞祥。〔殿頭官云〕當今聖人。遠過三皇之道也。〔正末唱〕賀當今德勝三皇。保護的江山壯。威伏的四海康。撫皇圖日月遐昌。〔中嶽云〕仙師。吾神謹宣長生表文一通。上祝吾皇聖壽萬萬年之算也。〔正末云〕衆神聖望闕跪者。中嶽神君。你試宣讀表文者。〔殿頭官云〕上聖既有祝壽表文。望金闕宣讀一遍者。〔衆跪科〕〔中嶽云〕伏以上天眷命。帝道遐昌。恭遇皇上萬壽聖誕之辰。四海咸寧。八方靜謐。奉國母孝敬虔誠。治天下仁明慈愛。忻逢聖節。喜遇良辰。蟠桃齊獻。玳筵開。壽酒滿斟。白玉盞。金殿上樂奏簫韶。鳳闕內臣民瞻仰。翔鸞舞鳳在虛空。鶴駕龍車朝御陛。恭惟聖主天性大孝。德意仁慈。千千年天下康寧。萬萬載乾坤豐稔。壽同天地之綿長。福比山

河之永久。克紹先王之治。允合上帝之心。風調雨順。物阜民熙。特降丹書。用陳祝賀。衆眞班列。咸讚長生。金殿祥光。燦九天。瑤池今日。降神仙。皇基永固。千千歲。聖壽無疆。萬萬年。〔衆呼噪科〕

〔云〕山呼。〔衆云〕萬歲。〔云〕山呼。〔衆云〕萬歲。〔云〕再山呼。〔衆云〕萬萬歲。〔玄眞仙云〕師父。你看那皇都帝輦。祥光籠寶殿。紫霧罩金門。萬戶千祥。笙歌嘹亮。眞乃太平之盛世也。〔正末唱〕

〔沽美酒〕彩霞飄漸漸長。施手段顯高強。你看那異寶奇珍在兩廂。齊擎着壽觴。擺佳釵。盡歡暢。〔伏輝云〕見如今八方寧靜。四海晏然。時遇當今聖人聖誕之辰。祝賀遐齡之壽也。〔正末唱〕

〔太平令〕幸遇着昇平之象。樂醕醕高捧霞觴。簫韶奏仙音嘹亮。祝當今仁慈主上呀。立在這兩廂。讚揚賀萬壽永昌。保社稷家邦永旺。〔殿頭官云〕你衆將望闕跪者。聽聖人的命。大明朝海晏河清。四海外進貢來庭。因聖主仁慈至孝。奉聖母孝義虔誠。喜遇着長生節令。因此上感動天神。廣成仙脩眞得悟。駕雲車白日飛昇。煙霞洞羣仙聚會。衆仙子舞態輕盈。衆天神各持異寶。祝永壽萬載千春。治朝綱文臣賢俊。鎮邊疆武將英雄。聖明主聽言納諫。感吾皇重道崇文。萬壽節皇天賜福。一齊的望闕謝恩。

題目 奉皇宣遣使訪高眞

正名

廣成子祝賀齊天壽

廣成子穿關

頭折

殿頭官

兔兒角幘頭
圓領帶

三髭髯
補子

祇從

項帕

圓領

風后

散巾

三髭髯

裙扇

力牧

公孫

邊

玄伏輝

一字巾
領帶

三髭髯
補子

常壁

三叉冠

抹額

膝襴

曳撒

袍

三髭髯

無影道人

道冠

邊

邊

繖道童

雙髻鬚髮陀頭
邊襴道袍

繖兒

九靈大仙

全真冠

繖兒

邊襴道袍

執袋

玄真大仙

散巾

邊

邊

邊

邊

執袋

繖兒

正末廣成子

秦巾

白髮陀頭

邊襴道袍

常壁

又上

同前

持詔

持詔

持詔

持詔

持詔

第二折

殿頭官

祇候

常壁

同威山鼠精

披廈冠

紅髮抹額

鼠嘴

錦襖

項帕

如意裙

如意裙

如意裙

如意裙

如意裙

鬼力

鬼頭

錦襖

項帕

大倉山鼠精

鼠嘴

頭

錦襖

項帕

如意裙

如意裙

如意裙

如意裙

如意裙

鬼力

法墨冠

直纏

裙膊

大倉山鼠精

鼠嘴

頭

錦襖

項帕

如意裙

如意裙

如意裙

如意裙

如意裙

壁又上

同前

第三折

中嶽神

弁冠 上衫袍 方心曲領 火裙 錦 鬼力 前同東嶽西嶽南嶽北嶽 弁冠 上衫袍

方心曲領

火裙 錦 綬牌子 帶 三髭髯 執圭 江濱神 河濱神 淮濱神 濟濱神 枕頭冠 上衫袍 方心

襟膊

帶 黑髮 三 殿頭官 祇候 前同張雄 李豹 鳳翅盔 膝欄曳撒 袍 項帕 解

能

皮參帽 膝欄曳撒 掩心甲 常壁 無影道人 道童 九靈大仙 玄真大仙 前同正

末廣成子 殿頭官 常壁 解能 又上 前同

第四折

李信甫

雷巾 道衣 綬 道童 前同蔡宗伯 紗帽 補子 吳全節 全真冠 邊欄道袍

張伯雨

散巾 邊欄道袍 執袋 薛玄卿 全真冠 邊欄道袍 方玉壺 散巾 邊欄

三髭髯

宰淵徵 全真冠 邊欄道袍 衆道士 道冠 道衣 殿頭官 張雄 李豹 祇

從風后 力牧 前同

公孫玄 伏輝 常壁 解能 前同正末廣成子 秦巾 白髮陀頭 鶴璧 笏

九靈大仙、玄真大仙、無影道人

同前
法蓋令牌

直符

鐵幙頭
襪膊


膝欄
曳撒
三髭髯

項帕
背勅
旗

中岳、四瀆神

同前
持壽物

校抄內本清常道人乙卯季春七之日



感天地羣仙朝聖

闕名

頭折

〔沖末扮長生大帝領金童上〕〔長生大帝云〕鳳舞鸞飛彩霧清。增添福祿號長生。雍熙民樂皇天祐。大有年華享太平。貧道乃長生大帝是也。執掌人間修善行孝之事。增其福祿。永享延年。保助長生。添其壽數。善者專要仁慈寬厚。積行累功。亦不傷殘生靈。大行方便之路。時時在於左右。孝者侍養雙親。昏定晨省。冬溫夏清。以報生身之恩。方知母之甘苦。此等之人。荷蒙天祐。福壽綿綿。今因治世仁君。大行慈孝。感得上帝降垂天恩。風調雨順。禾稼成熟。穀生雙穗。麥秀二岐。人民甚是歡樂。恭遇聖皇壽誕。貧道欲令張紫陽同羣仙。往下方與聖皇祝延聖壽去。金童與我喚將衆羣仙來者。〔金童云〕理會的。衆位羣仙。大帝呼喚。〔廣成子亦松子同上〕〔廣成子云〕上清仙客鬢如絲。自剪青霞作道衣。幾見桑田滄海變。不愁窗外日光飛。貧道乃廣成子是也。此一位乃是赤松子。貧道居崆峒之山。石室之中。修其大道。有軒轅聖人。親臨貧道所居之處。問其至道。貧道答曰。至道之精。杳杳冥冥。至道之極。昏昏默默。無視無聽。抱神以靜。形將自正。必靜必清。毋勞爾形。毋搖爾精。可保長生。得吾道者。上拜三清。失吾道者。未得超昇。與日月齊光。與天地同常。我

獨存焉。俺二仙正在三島閑遊。有長生大帝呼喚。不知有甚事也。〔赤松子云〕廣成子。自古爲仙之人。生而有幸。得遇大道相傳。方得成仙了道。飛昇三界。永住蓬萊。非同容易。長生大帝呼喚。必然有事。須索走一遭去。可早來到也。報復去。道有廣成子赤松子來了也。〔金童云〕理會的。〔報科〕〔云〕報的大帝得知。有廣成子赤松子來了也。〔長生大帝云〕着他過來。〔金童云〕理會的。過去。〔做見科〕〔廣成子云〕大帝稽首。呼喚俺二仙。有何法旨。〔長生大帝云〕一壁有者。〔白玉蟾王重陽同上〕〔白玉蟾云〕西山紫翠鬱芙蓉。曾住逍遙第一峯。漫憶京華舊遊處。蓬萊山畔五雲東。貧道乃白玉蟾是也。此一位乃是王重陽。貧道生於南海。自號爲海瓊子。幼舉童子。常遊方外。得翠虛陳泥丸先生之道。當時士大夫。欲以異科薦之。弗就。自得道之後。蔬腸絕粒。遊於名山。是羅浮霍童武夷龍虎天台金華諸山峯頭。跌足一納。神清氣爽。後於豐海縣飛昇朝真。方得證果。貧道正與衆仙遊於蓬壺。有長生大帝呼喚。不知有甚事也。〔王重陽云〕玉蟾仙長。想貧道四十八上遇純陽子呂翁口傳妙訣。得其大道。後於東魯之地。度了七真。方得證果。朝元。長生大帝呼喚。必然有事。須索走一遭去。可早來到也。報復去。道有白玉蟾王重陽來了也。〔金童云〕理會的。〔報科〕〔云〕報的大帝得知。有白玉蟾王重陽來了也。〔長生大帝云〕着他過來。〔金童云〕理會的。過去。〔做見科〕〔白玉蟾云〕大帝稽首。呼喚俺二仙。有何法旨。〔長生大

帝云。白玉蟾。您二仙且一壁有者。〔劉長生譚長真上〕〔劉長生云〕三十二峯最高。道場古地。使人豪。白雲黃鶴無拘束。閑看嬰兒弄晚潮。貧道乃劉處玄是也。道號長生子。此一位乃是譚長真。貧道生於東華之地。降生之日。有紫氣二道。從太基山橫貫其家。自幼而孤。事母以孝。亦有栖隱之志。至於許山之陽。因得王祖師遺詩於壁。武宮養性真仙地。須作長生不死人。貧道就與丘譚馬三真人。隨師辦道。方得成仙。俺衆仙正在蓬萊閑遊。有長生大帝呼喚。不知有甚事也。〔譚長真云〕劉處玄。想俺七人。若不是重陽祖師點化。焉得成仙了道。長生大帝呼喚。必然有甚事。須索走一遭去。可早來到也。報復去。道有劉長生譚長真來了也。〔金童云〕理會的。〔報科〕〔云〕報的大帝得知。有劉長生譚長真來了也。〔長生大帝云〕着他過來。〔金童云〕理會的。過去。〔做見科〕〔劉長生云〕大帝稽首。呼喚俺二仙。有何法旨。〔長生大帝云〕劉長生。您二仙且一壁有者。〔郝廣寧王玉陽上〕〔郝廣寧云〕貝闕瓊宮日月閑。夜深飛珮下天壇。秋池月冷蕉花老。獨鶴飄來人倚闌。貧道郝大通是也。道號廣寧真人。此一位乃是王玉陽。貧道生世爲宦。侍母甚孝。常夢神人示以周易祕義。由是洞曉陰陽律曆之術。厭紛華而樂淡薄。隱德於卜筮之中。因遇祖師王重陽。傳其真術道教。至於崑崙山煙霞洞中修行辦道。後遇神人。復授以周易之大義。坐於溪橋下而不語。常爲小兒輩戲。河水泛溢。亦不能傷。貧道至於崇慶元年十二月三十日。得其證。

果登於仙界。俺羣仙正在蓬萊閑遊。有長生大帝呼喚。不知有甚事也。〔王玉陽云〕郝大通。俺七人皆受王祖師之傳。箇箇成仙了道。皆是宿世有緣。今日方得證果。長生大帝呼喚。必然有事。須索走一遭去。可早來到也。報復去。道有郝廣寧王玉陽來了也。〔金童云〕理會的。〔報科〕〔云〕報的大帝得知。有郝廣寧王玉陽來了也。〔長生大帝云〕着他過來。〔金童云〕理會的。過去。〔做見科〕〔郝廣寧云〕大帝稽首。呼喚俺二仙。有何法旨。〔長生大帝云〕您羣仙都來了也。止有張紫陽未來哩。金童望者。若來時。報復我知道。〔金童云〕理會的。〔正末扮張紫陽上〕〔云〕貧道張紫陽是也。正在瑤池閑遊。今有長生大帝呼喚。不知有甚事。須索走一遭去也呵。〔唱〕

〔仙呂點絳脣〕則我這道氣凝清。體輕心靜。玄功定。萬物相生。方顯真元聖。〔混江龍〕投至得身登仙徑。赴瓊樓金闕化緣行。授玉清寶號。住三島蓬瀛。則俺那閬苑芙蓉添綵霧。更和那瑤池仙饌保長生。閑來時玉府朝仙聖。幸遇着堯年舜日。更那堪四海昇平。〔云〕可早來到也。金童報復去。道有張紫陽來了也。〔金童云〕理會的。〔報科〕〔云〕報的大帝得知。有張紫陽來了也。〔長生大帝云〕道有請。〔金童云〕理會的。有請。〔做見科〕〔正末云〕大帝稽首。呼喚貧道。有何法旨。〔長生大帝云〕張紫陽。貧道喚您衆仙來。別無甚事。爲因當今仁皇聖壽之辰。貧道令您羣仙來。前往下方祝延聖壽。走一遭去。

〔正末云〕大帝。當今聖人德過堯舜。聖比三皇。仁孝傳於四海。遇此壽誕。當以祝賀。走一遭去也。
〔唱〕

〔油葫蘆〕則因這聖主過堯海晏清。四方將烽燧寧。因逢壽誕賀長生。端的是感天仙下降。皆歡慶。俺如今離天宮親把仁慈敬。〔長生大帝云〕似這等神仙降臨凡世。與聖主祝延萬壽。皆是仁皇有德也。〔正末唱〕遣貧道降世間。共羣仙臨帝京。俺可也同將壽物承仙命。端的是萬姓樂康寧。〔長生大帝云〕張紫陽。你今正當與聖主上壽去也。〔正末唱〕

〔天下樂〕我如今執掌修行福壽庭。享祭着神也波明。保皇朝社稷興。我赴龍樓鳳閣將聖壽增。保華夷萬載安。助皇都社稷寧。普天下樂雍熙民物整。〔長生大帝云〕今年是大有之年。上帝垂恩賜福。人民快樂。禾稼廣收。穀生雙穗。麥秀二岐。更好收成也。〔正末云〕上帝所言。今年如此大收禾稼。皆因仁君孝感。雨露之恩。因此上人民快樂也。
〔唱〕

〔那吒令〕見如今天下安。莊農每種耕。一處處禾稼熟。桑麻可也已成。遍京都黎庶歡。聽家家樂聲。都則爲聖主仁。更那堪遵天命。因此上海晏河清。〔長生大

帝云似這等年豐歲稔。不弱似三皇五帝之時也。〔正末唱〕

〔鵲踏枝〕比三皇事相增。勝五帝廩豐盈。更有那文武賢良。內外羣英。保山河調和的治平。萬萬年九五龍昇。〔長生大帝云〕住住住。張紫陽。你則今日同領衆仙。化作雲遊先生。直至內闕。與聖人祝延聖壽。務要您衆仙。各自進獻仙物。以表上帝之心也。〔正末云〕既有上帝法旨。貧道親領衆仙。直至內闕。與聖皇祝延聖壽。走一遭去。〔唱〕

〔寄生草〕俺如今離天界。駕祥雲赴帝京。改形容變化非凡聖。號雲遊四海修真行。覩龍顏慶賀承天命。與仁皇聖主賀延年。大明朝一統華夷定。〔廣成子云〕既有上帝法旨。赤松子。俺則今日便索離了天宮。直至下方。與聖皇祝延聖壽。走一遭去。因當今禍與天齊。行仁孝神聖皆知。遣羣真祝延聖壽。保皇朝萬載扶持。〔二仙下〕〔白玉蟾云〕王重陽。俺二仙領了上帝法旨。直至下方。與聖皇祝延聖壽。走一遭去來。五色祥雲耀紫宸。當今孝感動天真。羣真祝賀長生壽。特報吾皇雨露恩。〔二仙下〕〔劉長生云〕譚長真。俺二仙領了上帝法旨。親往下方。與聖皇祝延聖壽。走一遭去。大明朝一統乾坤。當今主德厚寬仁。孝感動長生大帝。賀壽誕命遣仙真。〔二仙下〕〔郝廣寧云〕王玉陽。俺二仙則今日離了仙界。直至內闕。與聖皇上壽。走一遭去。駕雲端直下青霄。化雲遊親自臨朝。獻仙物祝延聖壽。保皇都萬載堅牢。〔二仙下〕

〔正末云〕衆仙長去了也。貧道預備上壽禮物。直至下方。與聖皇祝延聖壽。走一遭去也。〔唱〕

〔尾聲〕祝聖主萬年春。願至德千年慶。衆羣仙親臨帝城。一箇箇齊將仙物整。獻仙桃異果虔誠。又不敢顯其名。改變了原形。都作雲遊道士稱。奉長生帝命。遣紫陽相敬。則要俺賀延年益壽永長生。〔下〕〔長生大帝云〕張紫陽同衆仙前往下方。與聖皇祝延聖壽去了也。待衆仙回來時。貧道自有箇主意也。則因這聖明主德厚寬仁。行慈孝。謹侍慈親。感上天洪福垂報。穩扶持錦繡乾坤。〔同下〕

第二折

〔外扮府尹領張千上〕〔云〕金爐香麝迎丹詔。玉階霜清謁紫宸。荷蒙聖主天恩厚。四海黎民仰至仁。小官乃順天府府尹是也。幼習儒業。博覽詩書。一舉登科。累蒙擢用。除授順天府府尹之職。當今聖人寬仁慈孝。愛惜下民。有堯舜禹湯之德。感得上天垂降洪恩。風調雨順。國泰民安。萬民樂業。五穀豐登。大收之年。禾黍連天。桑麻映日。一人帶十人之糧。一年收十年之用。小官領祇候離了府衙。來到這郊外。祭養蒼天。酬謝大收之歲。張千。可怎生不見當該外郎里長老人來。〔張千云〕大人。當該外郎里長老人。安排祭物去了。即時便來也。〔府尹云〕既是這等。若來時。報復我知道。〔張千云〕理會的。〔淨扮外郎同正老人外老人上〕〔外郎云〕我做外郎實俊俏。見的錢

財我便要。我若犯了真罪犯。打的一似貓兒叫。自家是這順天府當該外郎是也。因我十分能幹。大人見我凡百事能。今有府尹大人因爲今年大收。親自出離郊外。祭賽天公。令外郎喚里長老人。安排祭物。恰纔宰了十隻牛。五隻羊。半隻鷄。都安排停當了。見大人去來。〔老人云〕外郎哥。若見了大人時。將這祭物。多花消些錢糧。這裏面就有了哥哥的酒錢也。〔外郎云〕你倒教我這等的賊勾當。我不知做了多少也。兀的不是大人在此。〔做見科〕〔云〕大人。學生與里長老人來了也。〔府尹云〕兀那廝。祭賽的禮物。停當了也不會。〔外郎云〕大人。不是外郎說嘴。都停當了也。〔府尹云〕你去擡將來。小官祭賽了。便要回府中去也。〔外郎云〕理會的。快將祭物擡上來者。〔里長老人做擡祭物擺科〕〔外郎云〕大人。祭物都擺停當了。請臨祭祀。〔府尹云〕將香來。小官試上香者。〔做上香科〕〔云〕伏聞凡爲人者。志誠可以感鬼神。惟德能以動天地。小官恭上此一炷香。願皇圖永固。帝道遐昌。聖壽萬年。中宮千歲。此一炷香。願金枝興旺。玉葉榮昌。臣宰賢良。邊方寧靜。此一炷香。願雨順風調。四時順序。天下太平。萬民樂業。皆仰皇天賜福。后土載恩。小官祭祀已畢也。〔外郎云〕大人祭賽都擺着。我和你打三鍾耍樂耍樂。〔府尹云〕且一壁有者。看有甚麼人來。〔正末同廣成子王重陽扮雲遊道士上〕〔正末云〕衆位羣仙。俺離了天宮。來到這下方。與聖皇祝延聖壽。你看這皇宮禁苑。與俺洞天福地。好是不同也。〔唱〕

〔正宮端正好〕則看這舞丹楓秋光布。聽秋聲秋景寬舒。見如今時逢盛世。恰便似堯年富。恭遇着明聖主臨初度。

〔滾繡毬〕紛紛瑞靄浮。飄飄落葉舞。慶豐年喜逢物阜。俺離天宮親降皇都。駕祥雲左右隨。引羣仙朝帝主。感吾皇大開賢路。用忠良直正匡扶。見如今文強武勝安邦固。萬載磐石社稷居。端的是賽過唐虞。〔王重陽云〕衆羣仙。俺按落雲頭。來到這下方。您見一箇官人。擺列着祭物。不知他祭何神祇。俺試問他一聲。有何不可。〔正末云〕王

重陽。你也說的是也。〔做見科〕〔正末云〕大人稽首。〔府尹云〕那裡這許多的仙長。來到於此也。

〔正末云〕俺是雲遊道者。見大人在此擺列祭物。不知祭何神祇也。〔府尹云〕先生不知。小官乃順天府府尹。因爲聖人大行仁孝。上天有感。百姓大收禾黍。小官在此祭賽。答謝雨露之恩也。

〔正末云〕衆位仙長。看了今年這等大收。真乃是聖人之德也。〔外郎云〕衆位仙長不知。這禾黍廣收。一來是帝主洪福齊天。二來是小外郎一廉如水。分文不用。一毫不取。見了錢鈔。則往袖裏裝起。〔正末唱〕

〔倘秀才〕因治世寬洪聖主。行孝感崇文重武。天降田苗禾黍熟。則您這人民樂獻河圖。感禎祥瑞出。〔府尹云〕小官在此祭賽。不知那裡走將這許多仙長來。我且盤桓一

會。看有甚麼人來。〔淨扮王留同伴哥上〕〔王留云〕穀生雙穗麥二岐。和和和處處人民有衣食。和和和太平豐稔年華盛。和和和閑來淺水捉田鷄。和和和。小人是王留。他便是伴哥。因爲今年五穀收成無比。今有府尹大人。在郊外祭賽天地。俺兩箇走一遭去。〔做見科〕〔王留云〕老大人唱喏哩。〔府尹云〕兀那百姓。您是那廂來的。〔王留云〕俺是東莊裏來的。俺百姓每。因爲今年大收。甚是歡喜。老大人。今年收不收。俺有四句言語。我說與您聽。俺這莊家實希詫。田蠶米麥應無價。今年雨水好不好。結的茄子車輪大。〔府尹云〕你看這廝。〔正末云〕大人。今年這百姓每。委實的快樂也。〔唱〕

〔滾繡球〕正值着蠶麥餘。禾稼熟。看桑田無知其數。見家家場內高築。男守着穀穗場。女擔着米麥斛。笑呷呷。遠村旋戶。讚當今聖主寬舒。你看他衣豐食飽。無閑事。齊念禾詞大叫呼。端的是壯觀皇都。〔伴哥云〕老大人。俺這莊家。好收成。不好收成。你聽者。今年雨水正紛紛。禾稼桑麻一色新。自從今歲收秋罷。一頭大蒜九十斤。〔外郎云〕說弟子孩兒。我說先生今年這等的好收成。您去人家好化布施。不強似你沿街市上。與人家送利市符也。〔府尹云〕住住住。敢問衆位先生。此一來。可往那裡雲遊去也。〔廣成子云〕大人問俺往那廂雲遊去。俺今同至京城內。與聖皇祝壽去也。〔外郎云〕這箇先生。且是會說大話。〔正末云〕

大人。俺是這各處修行的道者。今因聖皇萬壽之辰。一逕的前來祝壽也。〔唱〕

〔呆骨朵〕俺可也任逍遙。四外閑遊去。赴京城內闕皇都。祝讚着聖主延年。與仁君報補。上萬壽臨金殿。獻仙物朝天路。〔府尹云〕您是出家人。有如此進貢之心也。〔正末唱〕俺雖是出家人。須敬主。豈知道俺與吾皇同受福。〔外郎云〕倒好笑。要子。您這貧道人也來與聖人祝壽。那裡顯出你來。我也在這裡乾打哄。〔府尹云〕兀那外郎。既是吾皇聖誕之節。大小官員。皆入內廷朝賀。你便領着里長老人。將着今年收成。雙穗之穀。二岐之麥。進獻與聖人去。〔正末云〕府尹大人。你若是將着這禾稼進獻。聖人見了呵。必然大喜也。〔府尹云〕衆仙長。當今聖人洪福齊天。八方朝貢。太平豐稔之兆也。〔正末唱〕

〔脫布衫〕普天下一統車書。八方寧烽燧全無。民庶歡謳歌鼓腹。樂雍熙盡皆歡聚。〔府尹云〕田野之間。黃童白叟。盡皆鼓腹謳歌。感動上蒼。雨露之恩。託聖主之福。真乃處處歡娛。家家快樂也。〔正末唱〕

〔小梁州〕士庶耕耘用力鋤。恰盼的禾稼收租。感天恩垂降廣收餘。端的是民殷富。處處樂歡娛。〔府尹云〕願江山永固。法正官清。乃堯年舜日也。〔正末唱〕

〔么篇〕仰吾皇萬載江山固。祝延年聖壽安居。您將那禾稼進獻與仁君去。樂

今年嘉趣。顯清政府官儒。〔外郎云〕大人的命。兀那里長老人。您便將那雙穗穀二岐麥。來日跟着大人進獻去。我外郎家裏窮忙。不必去了。〔王留云〕大人無甚事。俺百姓先回家去也。今年得大收。禾黍處處熟。黎民盡快樂。大家喫饅頭。〔同下〕〔正末云〕衆道者。俺進城中去來。

〔唱〕

〔尾聲〕嘆時人不識仙家語。他將我一一看承皆是俗。悞落塵寰與世途。因見黎民眼笑舒。齊把仁君聖主呼。祝讚吾皇保帝都。到來日齊赴丹墀拜仁主。〔衆同下〕〔外郎云〕大人。學生與里長老人打點禾稼。來日進獻也。今年好收成。天下樂昇平。打點嘉禾稼。進獻討官陞。〔同下〕〔府尹云〕今日祭賽已畢。又遇這幾位先生來。欲要祝賀聖壽去。此乃皇上聖德有感。以致如此。小官不敢久停久住。回府中打點進獻的禮物去來。只因聖德過堯舜。感荷蒼天雨露恩。羣臣上表朝丹陛。祝賀吾皇萬壽春。〔衆同下〕

第三折

〔殿頭官領張千上〕〔云〕盛世雍熙樂太平。萬民安業四方寧。當今仁主過堯舜。臣宰賢良社稷興。小官乃殿頭官是也。方今聖人在位。八方寧靜。四海晏然。寰宇一統。天下咸寧。衣冠玉帛。四海會同。銷兵器爲農器。改征旗作酒旗。軍無征戰之勞。民無饑旱之苦。誠爲太平之世也。今因仁皇

聖節。恐有僧道祝延上壽。聖人的命。着小官在此闕下等候。令人門首覷者。若有僧道人等。祝延聖壽來。報復小官知道。〔張千云〕理會的。〔正末同衆仙各捧上壽禮物上〕〔正末云〕您衆羣仙同貧道赴內闕。與聖皇祝延上壽去來。〔廣成子云〕上仙。俺恰離瑤池紫府。早至塵寰地界。你看那千門萬戶。百姓每滿斗焚香。與聖皇祝延聖壽。如此虔誠。答報皇上水土之恩也。〔正末云〕且休說百姓每焚香祝壽。你看那祥雲冉冉。瑞氣輝輝。如此禎祥佳兆。非同小可也。〔唱〕

〔中呂粉蝶兒〕我則見紅日初高。遍乾坤四方皆照。見香煙透徹青霄。遙望見彩霞垂。香霧靄。紅光籠罩。單注着聖主年高。永長生萬年安樂。〔赤松子云〕上仙。一來是聖主仁慈。二來是天神有感。以此衆天仙共祝賀萬壽也。〔正末唱〕

〔醉春風〕第一來聖主更仁慈。第二來羣仙添壽考。因此上神人共悅賀皇朝。望穹蒼禱。禱則願的聖壽無疆。皇圖永固。萬年宗廟。〔云〕可早來到朝門首也。令人報復去。有幾位雲遊道者。特來與聖皇祝延上壽。〔張千云〕理會的。〔報科〕〔云〕報的大人得知。有幾位雲遊的道衆。特來與聖皇祝延上壽。〔殿頭官云〕着他過來。〔張千云〕理會的。過去。〔正末同衆仙做見科〕〔正末云〕大人稽首。〔殿頭官云〕您這衆先生。從何方而來。〔正末云〕俺從蓬萊至此也。〔殿頭官云〕蓬萊非是凡間。乃神仙所居之處。我試問他。敢問衆位先生。因何到此。

〔正末云〕聞知聖人壽誕之辰。俺衆道者。特來祝延上壽。〔殿頭官云〕您這衆仙長。如何得知聖人壽誕。你試說一遍者。〔正末唱〕

〔迎仙客〕我則見皆納表。叩皇朝。普天下萬民萬民可兀的都佑保。〔殿頭官云〕今日天下人民。皆知壽誕也。〔正末唱〕與聖主賀長生。百姓每都快樂。〔殿頭官云〕正是年豐歲稔。國泰民安也。〔正末唱〕一處處道泰歌謠。遇歲稔年豐兆。〔殿頭官云〕您衆位先生。既來與聖主祝延上壽。有何禮物。小官與您轉達天庭也。〔正末云〕俺衆道者。各獻壽禮與大人者。〔做獻科〕〔廣成子云〕大人。俺衆道者進獻金丹寶籙。松竹梅花。靈芝瑞草。千歲蟠桃。與聖主祝延上壽也。〔正末云〕大人聽貧道試說一遍者。〔唱〕

〔石榴花〕你看這梅花松竹共蟠桃。更那堪枝葉不零凋。則他那歲寒心常伴雪霜熬。比凡花更好。久遠堅牢。〔殿頭官云〕這金丹寶籙。可是如何也。〔正末唱〕這金丹寶籙其實妙。授長生益壽年高。服金丹體健長安樂。養容顏再返面皮嬌。〔殿頭官云〕這靈芝甘露。有何奇異也。〔正末唱〕

〔鬪鶴鶉〕看了這甘露靈芝。端的是奇珍異寶。飲甘露內養姿容。翫靈芝瑞草。這幾般兒走遍乾坤無處討。端的是人世少。祝聖主壽與天齊。長生不老。〔殿頭

官云：「原來這幾般兒。有如此奇異。堪與聖人祝延上壽。你衆位先生。且一壁有者。恐有祝壽的官員。將此物一同轉進。令人門首覷者。看有甚麼人來。」張千云：「理會的。」府尹領淨外郎正老人外老人各擎禾稼同上。府尹云：「天開壽域逢今日。共賀吾皇萬載安。小官順天府府尹是也。今歲大收之年。端實是穀生雙穗。麥秀二岐。莊農樂業。黎庶安居。乃豐稔之時。俺本府官員。領着你里長老人。將着這今歲的禾稼。進獻與聖人。走一遭去。可早來到這門首也。令人報復去。道有府尹。將着今歲禾稼。特來進獻。」張千云：「理會的。」報科。云：「報的大人得知。有府尹將着這今歲禾稼。特來進獻。」殿頭官云：「着他過來。」張千云：「理會的。」過去。衆見科。殿頭官云：「兀那府尹。您因何將着這禾稼。進獻與聖人。」府尹云：「大人不知。每歲禾稼。不似今年收成。端的是桑麻映日。禾稼連天。穀生雙穗。麥秀二岐。皆因仁君有道。感動上蒼。以此風調雨順。國泰民安。俺這本府官員。將着這禾稼。特來進獻也。」殿頭官云：「此是皇上大孝仁慈。天垂雨露之恩。致令的禾黍收成。人民快樂也。」正末云：「大人。今歲收成如此豐稔。正是聖意合天道。當垂雨露恩。人民皆快樂。共享太平春。」唱。

〔上小樓〕皆因是明君有道。寬慈仁孝。致令的映日桑麻。禾黍連天。遍野田苗。
〔外郎云〕「老先兒。今年這等收成。你每沿門兒乞化。也多討三五石糧食。你若到小外郎家裏。儘有布

施與你。〔殿頭官云〕列位先生。這的是一人有慶。兆民賴之也。〔正末唱〕這的是天地交。雨順調。禎祥佳兆。見如今這八方寧。萬民安樂。〔殿頭官云〕先生你不知。每歲收秋罷。他這本府官員。虔誠享祭。答報天垂雨露之恩。不似今年田蠶百倍。米麥盈倉。莊農鼓腹。黎庶謳歌。此是聖皇有德。真乃太平時序也。〔外郎云〕老先兒。今年這等收成。大家富貴。俺這官人令史。都不受贓了。見了細絲白銀。依舊還要。〔正末云〕大人。今年如此收成。俺這雲遊的道人。也得豐稔也。〔殿頭官云〕您這出家兒人。一鉢千家飯。孤身萬里遊。比俺這爲官的。甚是不同也。〔正末唱〕

〔十二月〕則您這爲官的志高。每日家不離了這皇朝。喫的是肥羊美酒。穿的是異錦宮袍。廕妻子身榮顯耀。博一箇萬古名標。〔外郎云〕老先兒。您出家兒人。熬盡受淡。忍冷飢餓。趨好避懶。片口張舌。正是一夥油嘴之人也。〔正末唱〕

〔堯民歌〕呀。俺出家兒無憂無慮樂醕醕。到處隨緣任逍遙。不貪名利不奢豪。不羨榮華不矜驕。您可也難學飛身上碧霄。怎知俺那玄中妙。〔殿頭官云〕先生。小官將您這祝壽的禮物。并府尹的禾稼。轉進與聖皇。必有賞賜與您也。〔正末云〕大人。俺出家兒人。豈圖財物也。〔唱〕

〔尾聲〕不用那浮生轉世的財。豈羨您那珍奇并異寶。俺則是爲仁皇聖主長

生到。〔殿頭官云〕衆先生。則您這幾位別還有人。〔正末云〕兀的不又有一箇來了也。〔殿頭官云〕在那裡。〔正末云〕疾。〔唱〕因此上恰離蓬萊下三島。〔同下〕〔殿頭官云〕呀呀呀。談話中間。則見衆位道者。化清風而去。此乃非是凡人。皆因聖主仁慈。大行孝道。感應的天仙齊來祝壽也。〔外郎云〕我在下沒福了。早知他都是神仙。我做甚麼令史。可不強似在衙門裏貪賊。〔府尹云〕望大人將此禾稼。轉進與聖皇。小官無甚事。回私宅中去也。明皇仁孝過堯舜。聖德寬洪邁禹湯。萬年垂統興王道。永坐蟠龍社稷昌。〔衆同下〕〔殿頭官云〕府尹去了也。小官將着這祝壽的禮物。轉進獻天庭。走一遭去。慶豐年五穀皆收。普天下黎庶歌謳。感神仙齊臨內闕。祝聖壽萬載千秋。〔同下〕

第四折

〔長生大帝領金童上〕〔長生大帝云〕閑騎白鹿下瑤池。滿捧長生酒一杯。願增福祿如東海。壽祝南山天地齊。貧道乃長生大帝是也。恭遇仁皇萬壽聖節。貧道命張紫陽領衆羣仙。前往下方祝壽去了。衆羣仙。這早晚敢待來也。〔正末扮張紫陽領衆羣仙上〕〔正末云〕您衆羣仙。同貧道見長生大帝去來。〔唱〕

〔雙調新水令〕駕祥雲同共赴瑤池。入仙鄉早離塵世。〔廣成子云〕俺衆羣仙化清

風而來。那宮官必知俺是神仙也。〔正末唱〕俺化清風歸閬苑。他心內自猜疑。必然是仙聖神祇。祝聖壽感天地。〔王重陽云〕可早來到也。金童報復去。道有張紫陽等來了也。〔金童云〕理會的。〔報科〕〔云〕報的大帝得知。有張紫陽等來了也。〔長生大帝云〕道有請。〔金童云〕理會的。有請。〔衆見科〕〔正末云〕大帝稽首。俺衆羣仙祝延聖壽回來了也。〔長生大帝云〕張紫陽。您衆羣仙怎生與聖皇祝延上壽。你試說一遍者。〔正末唱〕

〔駐馬聽〕俺一箇箇改變了容儀。直至人間朝紫微。雖然是不同凡類。扮雲遊仙長那清奇。〔長生大帝云〕您衆羣仙會到那裡來。〔正末唱〕俺入皇宮內苑叩丹墀。祝仁慈聖主千千歲。俺一箇箇齊拜禮。荷當今聖主合天意。〔長生大帝云〕張紫陽。您衆羣仙將何禮物與聖皇祝壽來。〔正末云〕大帝貧道與衆羣仙各將金丹寶籙。松竹梅花。靈芝瑞草。獻與近御宮官。轉進與聖皇祝延上壽。〔長生大帝云〕張紫陽。這幾般都是祝壽的禮物。這金丹寶籙。靈芝瑞草。世之罕有也。〔正末唱〕

〔鴈兒落〕則俺這金丹塵世希。寶籙難尋覓。靈芝稱異草。甘露眞佳瑞。〔長生大帝云〕松竹梅花。皆是長生之物也。〔正末唱〕

〔得勝令〕呀。則他這松竹共寒梅。不避雪霜欺。難比繁華態。堅如鐵共石。〔長生

大帝云：松竹梅花。更是堅久。這蟠桃三千年開花。三千年結果。凡人得食。壽同天地。正可祝壽也。〔正末唱〕投至得成實。三千載非容易。食了呵。改變做仙肌。壽同天地齊。〔長生大帝云〕張紫陽。您衆羣仙祝罷壽。怎生與那宮官作別來。〔正末云〕大帝不知。俺衆羣仙祝罷壽。化一道清風。騰空而起也。〔唱〕

〔慶宣和〕倏倖得宮官似病癡。穩情他展轉惑疑。他見俺化一道清風離塵世。這其間自知。自知。〔長生大帝云〕您衆羣仙下方祝壽。見天下人民怎生快樂。〔正末云〕大帝。天下人民。好生快樂。〔長生大帝云〕天下人民。如何快樂。〔正末云〕今歲收成。穀生雙穗。麥秀二岐。桑麻映日。禾稼連天。皆因當今聖主仁慈孝道。聖德昭明。以致風調雨順。國泰民安也。〔唱〕

〔沽美酒〕喜今歲禾稼美。一處處盡成實。莊農每鼓腹謳歌皆賀喜。端的是桑麻映日。麥二岐。穀雙穗。

〔太平令〕感聖德田蠶百倍。謝天公雨露相宜。無土馬干戈寧謐。普天下軍民歡會。從今後戰敵永息。定體賀豐年天加祥瑞。〔長生大帝云〕您衆羣仙祝壽已回也。您聽者。荷聖主節遇佳辰。命羣仙降下紅塵。赴龍樓壽祝萬歲。至鳳闕朝覲仁君。因吾皇聖德有感。天垂降雨露之恩。遍乾坤民安國泰。普天下萬姓歡忻。五穀收田蠶百倍。禾稼熟歡樂黎民。感

天仙降臨凡世。祝聖壽永亨長春。千千年皇圖永固。萬萬載錦繡乾坤。

題目

慶豐年萬載遐齡

正名

感天地羣仙朝聖

羣仙朝聖穿關

頭折

長生大帝

如意蓮花冠 玳瑁 三髭髯 鶴髦 牌子

金童

秦巾 雲鶴道袍 老葉 執袋 不

廣成子

秦巾 白髮 邊欄

道袍 執袋 赤松子

全真冠 邊欄道袍 三髭髯 執袋 不

劉長生

秦巾 邊欄道袍 三髭髯 執袋 不

白玉蟾

鬚髮陀頭 皂補納 三足蟾

王重陽

全真冠 邊欄道袍 三髭髯 執袋 不

劉長生

秦巾 邊欄道袍 三髭髯 執袋 不

譚長真

全真冠 邊欄道袍 三髭髯 執袋 不

冠 邊欄道袍 三髭髯 執袋 不

老葉 執袋 正末張紫陽

全真冠 邊欄道袍 三髭髯 執袋 不

王玉陽

全真冠 邊欄道袍 三髭髯 執袋 不

老葉 執袋 正末張紫陽

全真冠 邊欄道袍 三髭髯 執袋 不

錦襖 不老葉 如意裙 喬兒

布襖 八答鞋 三髭髯

第二折

府尹

一字巾 補子圓領 張千 項帕 圓領 外郎 吏巾 圓領 正老人 贊頂 茶褐直身 拄

杖 外老人 方巾 青布直身 正末張紫陽扮雲遊道士 散巾 邊欄道袍 執袋 廣

成子扮雲遊道士 散巾 白髮陀頭 邊欄道袍 執袋 不

王重陽扮雲遊道士 散巾 邊欄道袍 執袋 不

老葉 執袋 正末張紫陽

杖 外老人 方巾 青布直身 正末張紫陽扮雲遊道士 散巾 邊欄道袍 執袋 廣

成子扮雲遊道士 散巾 白髮陀頭 邊欄道袍 執袋 不

王重陽扮雲遊道士 散巾 邊欄道袍 執袋 不

老葉 執袋 正末張紫陽

全真冠 邊欄道袍 三髭髯 執袋 不

成子扮雲遊道士 散巾 白髮陀頭 邊欄道袍 執袋 不

王重陽扮雲遊道士 散巾 邊欄道袍 執袋 不

老葉 執袋 正末張紫陽

全真冠 邊欄道袍 三髭髯 執袋 不

老葉 執袋 正末張紫陽

兒三髭 雙簷氍帽 綿布襖 綿
機扇 王留 布趂 花手巾 繡鞋 伴哥 紗包頭 綿布襖 綿
布趂 花手巾 繡鞋

第三折

殿頭官 兔兒角幘頭 補子 張千 同 正末張紫陽衆仙 同前 各捧
圓領 帶 三髭髯 前 上壽禮物 府尹外郎正

老人外老人 同前 拏禾稼

第四折

長生大帝金童 同 正末張紫陽衆羣仙 同

祝聖壽萬國來朝

闕名

第一折

〔沖末扮西戎回國王引小回回上開〕生長西戎錦繡鄉。異邦華夏口非常。稱臣納貢歸王化。奉獻天朝上表章。某乃西戎國回國王是也。俺這裡東連沙漠。西接金城。南近黃河。北臨山嶽。四季風調雨順。八節異錦奇花。禾稼連天。牛羊遍野。人人善念看經。箇箇持齋把素。身披錦襖貂裘。口食香酥美味。偏邦小國。侍奉天朝。年年納土歸降。歲歲稱臣拜表。方今大漢聖人卽位。一統中華。某今收拾方物。一來賀萬壽聖節。二來行慶賀之禮。俺西戎國別無甚禮物。收拾奇珍異寶。無瑕白玉。近來山中射獵。收得青獅子一隻。乃世間異獸。正可進貢天朝。小回回喚哈麻撒來者。〔小回回云〕列別哈麻撒。老太師喚你哩。〔淨扮哈麻撒上〕云我是西戎小回回。好吃哈哩和蜜食。天生兩箇窩窩眼。一箇鼻子似播槌。我乃回回國老太師手下哈麻撒是也。正在叫佛樓上聽的說老巴八呼喚。須索走一遭去。小回回報伏去。道有哈麻撒來了也。〔小回回云〕你等着。我報伏去。太師哈麻撒來了。〔國王云〕着他過來。〔小回回云〕列別着你過去哩。〔做見科〕〔哈麻撒云〕國王喚哈麻撒。有甚末勾當。〔國王云〕我如今前往天朝進貢去。你收拾奇珍異物。寶貝

金珠。無瑕白玉。并青獅子一隻。都完備了末。〔哈麻撒云〕投到國王說呵。我都打點的停當了也。那青獅子好吃螃蟹。着我多加上些鹽醋兒。吃的飽了。放籠兒哩。上架兒哩。〔國王云〕既然完備了呵。便索投降。拜見天朝。則今日點差手下人等。跟某前去。直至大國京師進貢。走一遭去。西戎夏國辦虔誠。路遠迢迢。緩行。離別境土。登途路。進貢中華。赴帝京。〔下〕〔哈麻撒云〕則今日跟着老太師。去大國京師進貢。走一遭去。疾忙離了叫佛樓。多帶羊肉共酥油。衆人若是不依我。惱了。回回纏破頭。〔下〕〔外扮蕭何引卒子上〕〔云〕立漢興。劉封鄼侯。亡秦滅楚。以歸休。太平豐稔。民安樂。輔佐華夷萬萬秋。小官乃蕭何是也。祖居豐沛人氏。立漢以來。頗有功勳。封秦府庫。約法三章。官拜鄼侯丞相之職。自從楚漢交鋒。推倒霸王。扶立漢主。一統山河。天下太平。國號大漢。高祖登基。漢皇誓曰。非坡下有功者。必不封侯。非姓劉者。不封王。目今聖主萬壽之辰。命文武公卿。祝延慶壽。東虜西戎。南蠻北狄。偏邦小國。都來朝貢。進奉奇珍異寶。禎祥等物。拜表稱臣。共祝聖壽。今在於相府。可請衆官商議。令人請張子房來者。〔卒子云〕理會的。〔外扮張良上〕〔云〕八卦神機接陰陽。扶持社稷展封疆。當時不進圯橋履。怎得神策立高皇。貧道姓張名良字子房。韓國阜城人也。家世相韓。因始皇滅韓。某因求壯士。爲韓報冤。用百餘斤鐵槌。擊始皇於博浪沙中。誤中副車。不得已逃難於下邳。遇黃石公於圯橋。受素書三卷。伐秦皇之不仁。扶明主之有道。滅

楚興劉。山河一統。謝聖恩可憐。加某爲留侯之職。今日令人來報。蕭丞相有請。不知何事商議。須索走一遭去。可早來到。報伏去。道有子房來了也。〔卒子云〕理會的。喏。留侯大人來了也。〔蕭何云〕道有請。〔卒子云〕理會的。有請。〔做見科〕〔張良云〕丞相請貧道來。有何事商議。〔蕭何云〕特請大人有事商量。令人請九江王來者。〔卒子云〕理會的。〔外扮英布上〕〔云〕滅楚交兵百戰場。橫擔丈八火尖鎗。扶持宇宙安邦將。與劉立漢九江王。某乃大將英布是也。輔佐漢主。滅楚與劉。官拜九江王之職。令人來報。蕭丞相有請。不知何事。須索走一遭去。可早來到也。報伏去。道有九江王來了也。〔卒子云〕理會的。喏。九江王來了也。〔蕭何云〕道有請。〔卒子云〕理會的。有請。〔做見科〕〔英布云〕丞相請某來有何事。〔蕭何云〕將軍。請你來有事商量。令人請大梁王來者。〔卒子云〕理會的。〔外扮彭越上〕〔云〕楚漢爭鋒恰定交。威名虎將顯英豪。封侯建節扶廊廟。滅楚與劉立漢朝。某乃大將彭越是也。佐於沛公麾下爲將。自從推倒霸王。高皇治世。一統寰區。四方寧靜。加某爲大梁王之職。今有蕭相國令人來請。不知有何事。須索走一遭去。可早來到也。令人報伏去。道有大梁王來了也。〔卒子云〕理會的。喏。大梁王來了也。〔蕭何云〕道有請。〔卒子云〕理會的。有請。〔做見科〕〔彭越云〕彭越來遲。丞相勿罪也。〔蕭何云〕不敢不敢。令人請韓元帥來者。〔卒子云〕理會的。〔正末扮韓信上〕〔云〕某乃韓信是也。乃淮陰下湘人氏。棄楚歸漢。蕭丞相

三薦登壇。拜某爲征西兵馬大元帥。破楚大將軍。某十面埋伏。將項羽逼至烏江。自刎而亡。天下太平。八方寧靜。謝聖恩。加某爲三齊王之職。今有蕭丞相令人來請。不知有何事商議。須索走一遭去。〔唱〕

〔仙呂點絳脣〕自從棄楚歸劉。盡心忠厚。無虛謬。寶劍橫秋。得志名成就。

〔混江龍〕扶立起漢朝宇宙。亡秦滅楚。已封侯。則我這肘懸金印。馬跨神彪。我向那九里山前排猛將。三秦席捲定神州。自從這捧轂推輪後。〔云〕非韓信說大言。〔唱〕則爲我經綸天地。更那堪武藝滑熟。〔云〕可早來到也。報伏去。道有韓元帥來了也。

〔卒子云〕理會的。喏。韓元帥來了也。〔蕭何云〕道有請。〔卒子云〕理會的。有請。〔做見科〕〔正末云〕丞相。某已來遲。勿罪也。〔蕭何云〕不敢不敢。元帥請衆位將軍來。別無他事。自從楚漢爭鋒。交兵未定。投至得三載亡秦。五年滅楚。推倒霸王。滅項興劉。高祖登基。天下太平。四方歸順。永享昇平之世也。〔正末云〕西楚項羽。鏖兵血戰。十年縱橫宇宙。後來自刎於烏江。好可憐人也。

〔唱〕

〔油葫蘆〕想着他舉鼎拔山空自有。可原來不到頭。想着俺鏖兵血戰不停留。看了他縱橫社稷能爭鬪。到今日烏江自刎空僝僽。〔張良云〕項羽無仁無義。天使敗

亡也。〔正末唱〕負前盟不義心。逞英雄德不修。全不念敵兵苦戰黎民瘦。這的是天意怎干休。

〔天下樂〕俺如今背暗投明將巧計搜。暗度這陳倉。明將那棧道修。今日箇立功勳赫然名未休。宴鴻門枉用功。暗鳴聲生自羞。怎如這斬白蛇志氣酬。〔英布云〕元帥想俺漢家將。人人驍勇箇箇忠良。旗開扶社稷。出馬定江山。困來馬上眠。渴飲刀頭血。枕弓沙印月。掛甲地生鱗。到今日封侯拜將。廢子封妻。非同容易也。〔正末唱〕

〔那吒令〕想着俺武將每相持戰守。更那堪立功勳端的應口。定山河扶帝業。天長地久。斬張全謀略能擒夏悅神機就。皆因是天意相投。〔彭越云〕如今君聖臣賢。河清海晏。官清法正。黎庶歌謠。爲臣者要赤心報國。竭力盡忠。領兵爲將。出馬迎敵。鋒尖擲成劉社稷。鞭梢打就漢乾坤。〔正末唱〕

〔鵲踏枝〕爲將的統戈矛。擁貔貅。都則要竭力全忠。捨命剛求。見如今滅項羽。似風搖畫燭。敗敵兵似水上浮漚。〔張良云〕丞相。俺文武公卿。扶漢以來。建功立業。爲文者調和鼎鼐。變理陰陽。爲武者冲圍破陣。斬將奪旗。蕩羣雄干戈寧靜。託賴着聖明主洪福齊天。喜遇太平之盛世也。〔正末唱〕

〔寄生草〕文官每整黎民居文案。武將每統雄兵敢戰守。文官每理綱常風化無昏晝。武將每定江山掃蕩平賊寇。武和文用忠誠勤苦甘心受。託賴着當今萬乘量寬洪。則願的磐石一統江山秀。〔蕭何云〕自從滅項興劉。天下太平。當今聖主萬壽之辰。俺文武羣臣。祝壽慶賀。見今東虜西戎。南蠻北狄。四夷向化。進貢天朝。共祝萬年聖壽也。〔正末云〕丞相。你文武官員。謹辦虔心。同賀天顏。祝延聖壽也。〔張良云〕丞相便差人前去關津隘口。迎接各國使臣。有何不可。〔蕭何云〕俺衆官暫別。且回私宅中去來。〔正末唱〕

〔賺煞〕喲如今忠義保家邦。祝讚當今壽。寶殿開筵進酒。見如今東虜西戎堅意投。賀吾皇萬載千秋。志無休。致令的四海歌謳。百姓每薄稅輕差得自由。他每都香焚滿斗。齊賀着堯年時候。則願的永綿綿朝獻在龍樓。〔下〕〔英布云〕丞相勿罪。某回府中去也。楚漢爭鋒纔定交。八千兵散衆英豪。烏江自刎歸泉世。四海寧靜立皇朝。〔下〕〔彭越云〕某且與丞相暫別。等各國使臣來到。再做商議。令人將馬來。亡秦滅楚惡相持。文臣武將定華夷。萬壽齊天當慶賀。進奉天朝拱帝基。〔下〕〔張良云〕丞相。外國使臣來到。共祝天顏。小官告回者。令人將馬來。定亂除危韓元帥。安邦立國漢蕭何。山河一統皆歸順。萬民齊賀太平歌。〔下〕〔蕭何云〕衆將去了也。小官無甚事。令人將馬來。且回私宅中。垓下交兵惡戰場。興劉

滅楚定邊疆。時逢萬壽昇平世。文武羣臣祝聖皇。〔下〕

第二折

〔外扮安南國引蠻子上〕〔云〕江南地煖世間稀。山水相連雲霧低。四時不謝花開放。八節風光景物奇。某乃安南國王是也。俺這裡海闊山高。波濤水勢。人人赤脚。箇箇翳頭。能開硬弩。快使標鎗。見如今天朝大國。漢祖開基。一統中華。四方進貢。當今帝主萬壽之辰。俺本國別無甚方物。所有牙象。乃交南異獸。并寶貝金珠。某將領部從人等。乘舟入境。直至京師進奉。走一遭去。安南牙象最爲魁。玩好金珠寶物奇。謹辦誠心歸帝闕。當今聖壽與天齊。〔下〕〔外扮單于王領小番上〕〔云〕北塞沙陀風勢寒。平沙漠漠草斑斑。圍場射獵飛鷹犬。野馬山獐取次看。某乃單于王是也。生居塞北。長在沙陀。能騎劣馬。善拽雕弓。駝馬成羣。牛羊遍野。方今大國漢祖開基。山河一統。四海歸降。時逢萬壽聖節。俺番邦正當慶賀。別無甚物。選揀上等細馬峯駝。可爲進貢禮物。則今日打點完備。將領小番。直至京師朝貢。走一遭去。小番喚將木朶刺來者。〔小番云〕我叫他去。木朶刺。那顏喚你哩。〔淨扮木朶刺上〕〔云〕騰克里喚做青天。哈撻兒喚做地下。打刺酥喚做好酒。紫皮蒜喚做忒刺。某乃單于王手下頭目木朶刺便是。生長塞北。住在沙陀。則索皮襖。沒有紗羅。正在帳房裏咽骨頭。那顏喚我。不知有甚末事。小番報伏去。木朶刺來了也。〔小番云〕我報去。木朶

刺來了也。〔單于云〕着他過來。〔小番云〕木朶刺過去。〔做見科〕〔木朶刺云〕那顏叫木朶刺。有甚末勾當。〔單于云〕我今要往天朝進貢去。我着你選揀的馬匹。有了麼。〔木朶刺云〕那顏分付我的勾當。怎末敢差了。選了一百匹高頭細馬。昨日晚夕。那失刺溫又下了箇馬駒兒。〔單于云〕你且一壁有者。小番喚將奴厮哈來者。〔小番云〕我叫去。奴厮哈在那裡。那顏喚你哩。〔丑扮奴厮哈上〕〔云〕不會讀書不識字。不犯邊廷不惹事。天朝大國漢兒人。出來的都叫我做臊達子。某乃奴厮哈是也。騎不的劣馬。拽不的硬弓。快吃米哈。一頓十斤。正在帳房裏打壁石耍子。單于那顏喚我。不知有甚末事。我走一遭去。報伏去。奴厮哈來了。〔小番云〕你則在這裡。奴厮哈來了。〔單于云〕着他過來。〔小番云〕着你過來。〔做見科〕〔奴厮哈云〕叫我來有甚末勾當。〔單于云〕我分付你選揀的上等峯駝。有了麼。〔奴厮哈云〕那顏分付我的話。誰敢差了。選下一百箇駝。每一箇輿子上等上箇木頭的叉兒。縛上一根長皮條。都放在山坡裏唱螺螄哩。〔單于云〕既然都有了也。不敢遲誤。則今日將領小番。送進貢禮物。直至大國。朝見聖人。走一遭去。漢祖寬恩福壽高。文臣武將衆英豪。番邦納土離沙塞。親將駝馬獻天朝。〔下〕〔木朶刺云〕則今日跟着單于王。便索天朝進貢。走一遭去。便往京師去的疾。則宜上緊不宜遲。駝馬牛羊都進了。回家買箇驢子騎。〔下〕〔奴厮哈云〕則今日趕着駝馬。跟着那顏進貢去來。孝順心敬奉天朝。北方人方顯心

虔刺蝟皮買上兩箇。回來家做箇披肩。〔下〕〔外扮高麗國王領卒子上〕〔云〕山水相連數千重。民豐國富逞英雄。戰馬空嘶絕對壘。名播遼陽鎮海東。某乃高麗國王是也。方今大漢聖人卽位。一統寰區。四方納進。天下太平。近聞聖主萬壽之辰。某欲要收拾方物。進貢天朝。祝延聖壽。以表孝心。今日在府中閑坐。令人看着去。有邊將來時。報我知道。〔卒子云〕理會的。〔淨扮高麗頭目架海青上〕〔云〕從小生在高麗國。非言快語好說嘴。前夜晚夕盹睡着。老鼠拖了一條腿。我乃高麗國邊廷上頭目高高上的便是。昨日跟着邊將大人打圍耍子去。則見海那邊飛過這箇雪白的蟲蟻來。上面有些花花的黑道兒。落在樹上張着口。原來是肚裏餓害渴了。我舀了一盆水來。放在地下。洒了一石穀子。他看見真箇飛將下來了。着我跑向前去。一把拿住。我說是箇白鷹。我們邊將說不是白鷹。是箇海青。我說怎末是海青。他說海青是祥瑞。我想來祥也則是想。瑞是渴睡。他想起那山裏來。他便渴睡了。我說道那裡用他。邊將說獻與國王去。好歹有些賞賜。我把這箇蟲蟻。架在手裏。等着邊將。這早晚敢待來也。〔正末扮邊將上〕〔云〕某乃高麗國邊將是也。收得海東青一連。此乃靈禽異鳥。世之無價。不敢隱諱。獻與國王。走一遭去也呵。〔唱〕

〔中呂粉蝶兒〕自從俺威鎮高麗。皆因是武王朝受封之地。俺如今順天朝進貢歸依。鎮邊關。行忠正。祛除草昧。則俺這地境爲奇。收的這海東青一連爲貴。

〔淨云〕這箇白蟲蟻兒。正好獻與國王去。你看圓圓的兩箇眼兒。尖尖的一箇嘴兒。〔正末唱〕

〔醉春風〕我如今呈獻與國王前。捕靈禽須進禮。若是俺賢王見了。意生歡。端的是喜。喜。則爲我至意誠心。忠肝義膽。我可也並無偏背。〔淨云〕說着話可早來到

也。走了一日左右。則在這裡。〔正末云〕報伏去。道有邊將來見國王。〔卒子云〕理會的。喏。今有邊

將來見國王。〔國王云〕着他過來。〔卒子云〕理會的。着你過來。〔正末云〕令人架着海東青。跟我

過來。〔做見科〕〔云〕小官乃邊將是也。收得海東青一連。乃靈禽異鳥。世之無價。特來獻與國王。

〔國王云〕邊將。你來的正好。我如今收拾方物。要去大國京師。進貢天朝。祝延聖壽。不想你獻此

一連海東青。端的是靈禽異鳥。世之絕寶。正是俺高麗國孝敬心腸。這的是聖明天子。百靈扶助。

〔正末唱〕

〔紅綉鞋〕見如今聖明主。仁慈寬惠。因此上各偏邦進貢收拾。則俺高麗國從來忠孝誠實。今喜遇着當今壽。俺可便列丹墀。則願的永長生福壽齊。〔淨云〕國

王。這箇海東青。是我拿住來。我跟着邊將打圍耍子去。則見他從海那邊飛來。落在樹上。他害渴

了。張着箇口。肚裏又飢。我將了去掇了一盆水。放在地下。洒了一石穀子。他真箇飛將下來。着我

一把就拿住了。怕你不信時。着看去。那穀子就都長出苗兒來了。若種的高了。明年飛將一羣海

東青來。多捉住幾箇。養的熟了。放飛耍子。可不好。〔國王云〕俺本國收得白鹿一隻。可爲進貢之物。令人捧將那白鹿來。與邊將試看者。〔卒子云〕理會的。捧將白鹿來。〔二人捧白鹿上〕〔見科〕
〔國王云〕邊將。我將這白鹿進貢京師。你心下如何。〔正末云〕是好白鹿也。此乃天生珍異。這兩莊兒飛禽走獸。堪爲進貢之物也呵。〔唱〕

〔滿庭芳〕託賴着天朝至德。見如今吾皇萬壽。洪福天齊。則俺這萬邦朝覲臨丹陛。一齊頓首來儀。俺向那金鑾殿上呼萬歲。向那玉堦前舞袖垂衣。齊賀着昇平世。正值着堯年舜日。端的是大明一統錦華夷。〔國王云〕令人便打點上等緞布一千疋。海東青一連。白鹿一隻。明日是吉日良辰。便索長行。〔正末唱〕

〔十二月〕託賴着吾皇聖治。平定了海外邊陲。輔賀着當今宇宙。端的國泰磐石。則俺這高麗國人清秀質。進獻這物色爲魁。〔國王云〕俺這高麗地面。孝順天朝。不比其餘國王也。〔淨云〕委實孝順。〔正末唱〕

〔堯民歌〕呀。進獻這當今物色。要希奇。則俺這海東青世上最難得。料應來白鹿少人知。更那堪路遠迢迢。用心機。仰賀皇威。遙瞻近北極。祝賀着壽永同天地。〔國王云〕令人收拾海青者。邊將多虧你用心。令人將來賞你百兩白金。表裏段疋。酒餚茶飯。其

餘隨從。都着賞賜。管待以畢。加你爲邊關總領大將軍。〔正末云〕謝了國王。〔做拜科〕〔淨云〕我也磕頭謝了。〔正末唱〕

〔耍孩兒〕今日箇封官受賜賞。蒙遷貴。加我總領邊關將職。不離了迎霜傲雪。掛戎衣。練習成武藝神機。每日家披堅執銳扶王業。我則待掛劍懸鞭保帝基。威鎮的無羣昧。則俺這人強馬壯。更和這水遠山圍。〔國王云〕你且回去。緊守邊關。等某進貢回還。再有賜賞也。〔正末唱〕

〔尾聲〕選良辰至漢朝。用精兵緊趁隨。俺如今進呈方物臨朝內。祝賀着聖壽同天萬萬紀。〔下〕〔淨云〕誰想今日國王。賞賜許多東西。我跟邊將回去。到明年多拿幾箇來。顯的有孝心。海青肉世間少有。香噴噴自然爽口。依着我搗下些爛蒜。白爆了正好吃酒。〔下〕〔國王云〕收拾方物完備。到晚日便索長行。看了這幾般物件。堪可進奉上國。以表孝敬之心。異獸靈禽自可誇。高麗誠敬入中華。饒你深山共深處。到頭都屬帝王家。〔下〕〔外扮河西國王率領小河西上〕〔云〕國號河西近水濱。黃河九曲接崑崙。千濤雪浪浸天際。落在平田潤萬民。某乃河西國王是也。俺這裡東連寧夏。西接土番。南近長城。北臨紫塞。松盤澗底。消炎夏萬斛清風。檜棹山頭。傲殘冬一天瑞雪。春花豔豔。看紅白桃李爭妍。秋月輝輝。觀翠碧梧桐競暮。四時景物。八

節風光。異土偏邦。那方下國。目今漢祖高皇。掌握乾坤。山河一統。喜遇萬壽之辰。俺河西國別無行禮之物。止有麒麟一隻。乃世之異獸。并奇珍寶物。某親身前去。進貢天朝。以表孝心。地產麒麟異獸高。誠心不避路途遙。千里驅馳離國境。方物堪宜獻大朝。〔下〕〔外扮女直引小番上〕〔云〕國居東虜號遼陽。一片忠心奉上蒼。悶來山後尋獐鹿。閑時射獵布圍場。某乃遼陽女直是也。生居野地。長在山崗。身無異錦輕羅。不離貂裘鼠帽。時遇漢高聖朝萬壽之辰。俺女直人家。別無希奇物件。止不過馬匹爲先。挑選上等馬數百餘匹爲禮物。直至神京進貢。走一遭去。遠赴京師錦綉鄉。偏邦小國禮非常。親身率領登途路。直至天朝奉聖皇。〔下〕

第三折

〔外扮曹參領卒子上〕〔云〕戶列簪纓姓字香。紫袍玉帶氣昂昂。重裋列鼎食天祿。名鎮華夷播四方。小官乃曹參是也。祖居沛郡人氏。立漢以來。累建其功。官拜上爵列侯之職。自從楚漢爭鋒。高祖聖人。登基立業。天下太平。時遇萬壽之辰。有外國土番前來進貢。小官在元帥府中等候。令人門首覷者。等使臣來時。報伏我知道。〔卒子云〕理會的。〔淨扮土番五人。二人牽白虎。二人牽金錢豹。同上〕〔云〕生長土番不是假。則好步走不騎馬。一日三頓吃狗肉。爭奈沒買買魚鮮。我乃土番大將虎兒不朶是也。如今漢祖聖人生辰之日。我這土番。無甚末孝順的物件。把這兩箇

貓兒。權當禮物。這一箇是白虎。這一箇是金錢豹。三千里路。昨日早起。離了土番。今日晌午前。後可早來到京師也。報伏去。道有土番進貢來的使臣在門首。〔卒子云〕你則在這裡等者。喏。有土番進貢來的使臣在門首。〔曹參云〕着他過來。〔卒子云〕理會的。過去。〔淨云〕好看貓兒。我先過去。〔做見科〕〔曹參云〕你是那裡來的。〔淨云〕我乃土番使臣虎兒不朶。本國無甚末物件。有兩箇貓兒。一箇是白虎。一箇是金錢豹。權當進貢的禮物。〔曹參云〕牽過來。我試看者。〔淨云〕牽將過那兩箇貓兒來。〔做牽虎豹見科〕〔曹參云〕是好異獸也。一隻金錢豹。一隻白虎。乃是驕虞也。這兩莊走獸。是國之祥瑞。且牽在一壁。令人便安排酒飯。管待使臣。可請文武官員觀看。着令人請去。等衆位大人來時。報伏我知道。〔卒子云〕理會的。〔外扮灌嬰鄺商高玘同上〕〔云〕報國行忠孝。名顯播天涯。受爵身榮貴。封侯宰相家。某乃灌嬰是也。幼習戰策。頗看兵書。立漢以來。累建其功。官封穎陰侯之職。此二位將軍。乃鄺商高玘是也。今日土番使臣前來進貢。曹參大人有請。須索走一遭去。報伏去。道有穎陰侯來了也。〔卒子云〕理會的。喏。有穎陰侯來了也。〔曹參云〕道有請。〔卒子云〕理會的。有請。〔做見科〕〔灌嬰云〕大人。俺三人來了也。〔曹參云〕將軍。等衆位大人來者。令人門首覷者。〔卒子云〕理會的。〔外扮周勃同申陽陸賈上〕〔云〕虎將週圍列數層。元戎將令召分明。晃日刀鎗排劍戟。戰馬咆哮敢戰爭。某乃周勃是也。自從楚漢爭鋒。推倒霸王。

封某爲絳侯之職。此二位將軍。乃申陽陸賈。今有曹參大人有請。須索走一遭去。可早來到。報伏去。有絳侯同二位將軍來了也。〔卒子云〕理會的。喏。有絳侯大人等來了也。〔曹參云〕道有請。〔卒子云〕理會的。有請。〔做見科〕〔周勃云〕大人。俺三人來了也。〔曹參云〕將軍穩便。令人門首覲者。〔卒子云〕理會的。〔外扮王陵同張耳陳餘上〕〔云〕領將驅兵敢戰敵。臨軍對壘慣相持。旗開取勝威風大。法令嚴明將令齊。某乃王陵是也。官拜安國侯之職。此二位將軍。乃張耳陳餘。今有曹參大人有請。須索走一遭去。可早來到也。令人報伏去。道有安國侯等來了也。〔卒子云〕理會的。喏。有安國侯等來了也。〔曹參云〕道有請。〔卒子云〕理會的。有請。〔做見科〕〔王陵云〕大人。俺三人來遲勿罪也。〔曹參云〕將軍。還有衆位未來哩。令人門首覲者。〔卒子云〕理會的。〔外扮呂馬童柴武陳豨上〕〔云〕少年爲將統雄兵。對壘相持會慣經。幾番臨陣敵軍怕。平定華夷四海清。某乃呂馬童是也。官拜中水侯之職。這二位將軍。乃柴武陳豨是也。今有曹參大人有請。不知有何事商議。俺同共走一遭去。可早來到也。報伏去。道有中水侯同衆將來了也。〔卒子云〕理會的。喏。有中水侯同衆將來了也。〔曹參云〕道有請。〔卒子云〕理會的。有請。〔做見科〕〔呂馬童云〕大人。俺三人來了也。〔曹參云〕等衆位將軍來者。令人門首覲者。〔卒子云〕理會的。〔外扮樊噲楊喜楊武同上〕〔云〕擐甲披袍大丈夫。英雄敢勇有誰如。聲傳四海威風大。名播京師壯帝都。某

乃樊噲是也。官拜舞陽侯之職。這二位將軍。乃赤泉侯楊喜。吳防侯楊武是也。今有曹參大人有請。不知有何事。須索走一遭去。可早來到也。報伏去。道有舞陽侯來了也。〔卒子云〕理會的。喏。舞陽侯來了也。〔曹參云〕道有請。〔卒子云〕理會的。有請。〔做見科〕〔樊噲云〕大人請俺三人有何事商議。〔曹參云〕等衆位將軍來者。令人門首覷者。〔卒子云〕理會的。〔扮王翳盧綰呂勝同上〕〔云〕頗看兵書曉六韜。刀鎗弓箭幼年學。臨軍敢戰英雄將。出馬迎敵武艺高。某乃王翳是也。官拜杜衍侯之職。此二位將軍。乃盧綰呂勝是也。今有曹參大人有請。不知爲何事。須索走一遭去。可早來到也。報伏去。道有杜衍侯同衆將來了也。〔卒子云〕理會的。喏。有杜衍侯同衆將來了也。〔曹參云〕道有請。〔卒子云〕理會的。有請。〔做見科〕〔王翳云〕大人。俺三人來遲。勿罪也。〔曹參云〕還有衆位將軍未來哩。令人門首覷者。〔卒子云〕理會的。〔外扮陳平同隨何雍齒上〕〔云〕狀貌堂堂七尺軀。英雄膽量有誰如。坐籌幃幄驅兵隊。威名四海播寰區。某乃陳平是也。官封曲逆侯之職。此一位乃大夫隨何。此一位乃什邡侯雍齒是也。今有曹參大人有請。不知爲何。須索走一遭去。報伏去。道有曲逆侯同衆位大人來了也。〔卒子云〕理會的。喏。有曲逆侯同衆位大人來了也。〔曹參云〕道有請。〔卒子云〕理會的。有請。〔做見科〕〔陳平云〕大人。俺三人來遲。勿罪也。〔曹參云〕令人等韓元帥來時。報伏我知道。〔卒子云〕理會的。〔正末扮韓信同英布彭越上〕

〔云〕某乃韓元帥是也。今有曹參大人有請。二位將軍。俺同共走一遭去。〔唱〕

〔越調鬬鶴鶉〕則俺這漢國賢臣。開疆展土。三載亡秦。五年滅楚。想着俺定亂安危。驅兵率伍。則俺這劉沛公。怕甚末楚項羽。當日箇宴設鴻門。怎承望陰陵間阻。〔英布云〕想當日指鴻溝爲界。先到咸陽。劉項相持。設鴻門筵會。若非樊噲之勇。豈能得脫鴻

門之難。自從推倒霸王。天下太平。山河一統也。〔正末唱〕

〔紫花兒序〕託賴着吾皇洪福。端的是海量寬洪。更那堪德勝唐虞。〔彭越云〕想

俺漢家衆將。竭力盡忠。赤心報國。今日箇戶封八縣。列鼎重欄。封妻廕子。託賴聖主洪福也。〔正末唱〕

俺如今封妻廕子。玉帶金魚。見如今一統山河壯帝居。不枉了民安國富。懾伏

的四海歸降。普天下朝觀變輿。〔彭越云〕說話中間。可早來到也。〔正末云〕報伏去。道有韓

元帥三人下馬也。〔卒子云〕理會的。喏。有韓元帥下馬也。〔曹參云〕道有請。〔卒子云〕理會的。有

請。〔衆將做接見科〕〔正末云〕大人請俺來。有何事商議。〔曹參云〕元帥。今有土番進兩隻獸。一

隻白虎驕虞。一隻金錢豹。生的異樣奇絕。此乃世之祥瑞。特請衆位將軍觀看。令人與那土番牽

過那走獸來。〔卒子云〕理會的。兀那土番人。牽過那走獸來。〔淨云〕牽將過那兩箇貓兒來。〔衆

做看科〕〔英布云〕元帥。看了這兩般異獸。世之少有。天下奇絕。〔彭越云〕皆因是聖皇洪福。所

以上天產禎祥出現也。〔正末云〕將軍言者舊也是好祥瑞也呵。〔唱〕

〔鬼三台〕託賴着皇恩布。皆因是天心助。見如今千邦讚祝。金錢豹共騶虞。赴神京帝都。這的是偏邦土番孝意舒。更那堪禎祥瑞集皇上福。看了這異獸奇絕。堪比那先朝上古。〔曹參云〕昔日春秋大周天下。鳳凰來儀。魯國麒麟出現。今日大漢聖人

治世有此騶虞虎豹。文武羣臣。理當慶賀也。〔唱〕

〔調笑令〕賀當今帝主定皇圖。感的這北狄南蠻和塞虜。當日那麒麟鳳儀天呈物。聖明君德化無虛。則俺這千官百司文共武。賀吾皇萬載安居。〔淨云〕我這兩箇猫兒。是我養熟的。不問甚末東西。都不吃。他則好吃肉。〔正末唱〕

〔禿厮兒〕呈孝意遠番獻舉。賀清朝禮樂風俗。避不的風霜曉夜途路苦。臨京驛守規模也波賓伏。

〔聖藥王〕俺可便興有餘。心意足。則這文臣武將定邊隅。則願的聖壽安。外國伏。豈不聞聖明天子百靈扶。則願的萬萬載定寰區。〔曹參云〕着此使臣。在館驛中安下。等各處進貢來全了時。萬壽之辰。文武官員。祝延聖壽。俺衆官員同共臨朝。奏知聖人去來。

〔正末唱〕

〔尾聲〕則俺這文官武職臨班部。一箇箇披袍秉笏。賀萬壽永長生。播清風萬萬古。〔下〕〔淨云〕大人的話。着我且去館驛裏安下。你衆人與我牽着。不要放了手。這兩箇貓兒。他不是好性兒。你衆人聽我交排。我對你說的明白。大腿上咬了一口。必定是流出血來。〔下〕〔曹參云〕令人將馬來。俺衆官員回奏聖人去來。異獸禎祥出土番。遠來進貢入邊關。納土稱臣臨帝闕。則願的聖壽崇高似華山。〔下〕

第四折

〔蕭何引讀制官一員讀禮官一員同上〕〔云〕四方寧靜干戈息。一統乾坤樂太平。拜表稱臣當慶賀。共祝當今讚聖明。小官蕭丞相是也。今日是聖人萬壽聖節。文武羣臣。千邦萬國。齊列丹墀。祝延聖壽。你看那親軍護衛。武士金瓜。錦衣花帽。虎賁郎將列班部。鸞輿擺道遙御馬。梧枝鐙棒。班劍旌幢。戈矛鉞戟。傘扇飄調。是好嚴肅齊整也呵。來到這禁闕。等候文武羣臣。敢待來也。〔回國王引哈麻撒捧珍珠一盤。小回回三人捧無瑕白玉二人牽獅子同上〕〔云〕某乃回回國王是也。離別了本國。來到神京。今日遇萬壽之辰。引着小回回。將奇珍異獸。入金門進貢去來。〔安南國王引卒子四人。二人捧寶山珊瑚樹。一人牽四牙白象同上〕〔云〕某乃安南國王是也。自從離了本國。來到京師。今日祝延聖壽去來。〔單于王引木朶刺奴厮哈二人捧貂鼠小番四

人二人牽駱駝二人牽馬同上〔云〕某乃單于王是也。自從來到京師。今日是萬壽聖節。小番牽着駱馬等物。祝延聖壽去來。〔高麗國王引卒子六人二人托高麗布二盤二人牽白鹿二人架海青紅籠子同上〕〔云〕某乃高麗國王是也。將此白鹿一隻。海青一連。高麗布二疋。與聖皇祝壽。走一遭去。令人快快的行。〔河西國王引小河西四人二人捧靈芝金寶瓶二人牽麒麟同上〕〔云〕某乃河西國王是也。今日祝聖壽朝見聖人。小河西行動些。〔女直總管引小番四人牽馬二匹同上〕〔云〕某乃女直總管是也。小番牽着馬匹。祝延聖壽去來。快快行。〔土番五人二人牽白虎二人牽金錢豹同上〕〔云〕我乃土番是也。今日牽着這兩箇貓兒。金門裏祝壽去來。〔蕭何云〕兀那四夷人等。將頑祥異獸。擺列在丹墀。等文武羣臣來全了時。同見天顏。衆公卿敢待來也。〔正末扮韓元帥同英布彭越張良曹參灌嬰酈商柴武呂馬童周勃王陵樊噲陳平王翳楊喜呂勝楊勝高玘申陽陸賈盧綰張耳陳餘陳豨隨何雍齒同上〕〔云〕今日是聖人萬壽之辰。俺文武百官。與聖上祝延萬壽去來。〔唱〕

〔雙調新水令〕賀吾皇洪福與天高。列千官百司歡樂。你看這千邦皆頓首。萬國盡來朝。喜氣沖霄。我則見列鸞駕御塔道。〔英布云〕俺衆公卿秉笏披袍。離了待漏院。可早來到金門禁闕也。〔彭越云〕元帥。你看那龍池鳳沼。翠繞珠圍。寶檻雕欄。花攢錦簇。是好嚴

整也呵。〔張良云〕元帥。今日文武羣臣。披袍秉笏。衣冠禮樂。登金塔玉闕。臨寶殿丹墀。四夷進奇珍異寶。偏邦獻走獸禎祥。千邦拱手。萬國來朝。共祝萬年聖壽也。〔正末唱〕

〔駐馬聽〕我則見文武臣僚。秉笏當宵臨殿角。真乃是衣冠禮樂。向丹墀拜舞。動簫韶。你看這靈禽異獸。長威豪。更和這禎祥奇瑞。開黃道。一齊的觀望着。我直等的御簾高捲。祥光照。〔蕭何云〕元帥來了也。文武羣臣。排列丹墀。準備行禮。聽集賢鼓響。景陽鐘鳴。文東武西。披袍秉笏。簪纓颯颯。環珮玎珰。玉階前拿起鞭鳴。金案上扇開簾捲。〔正末唱〕

〔沽美酒〕鳳凰鳴雞報曉。擁金門進臣僚。我則見鳳輦龍車擺列着。更和這御林軍雄惡。虎賁將總英豪。

〔太平令〕金殿上開讀宣詔。仙音院聒耳笙簫。丹墀畔戈矛踴躍。御階前戎衣花帽。我這裡望着聖朝。帝堯瑞雲生祥光籠罩。〔讀禮官云〕動樂。〔樂作朝天子科〕〔正末同衆齊排住科〕〔讀制辭官讀禮官二人做捧案卓殿中放下科〕〔樂止科〕〔讀禮官云〕跪。

〔正末同衆做跪科〕〔讀制辭官案卓上拿起制辭來跪科〕〔做讀科〕〔云〕三齊王征西上將軍韓信等。恭惟皇帝陛下萬壽聖節。文武羣臣。祝延慶賀。當今皇上洪福齊天。勝堯舜禹湯之治世。

過成康文景之寬仁。四海來賓。八方朝貢。千邦納進。歸依萬國。稱臣拜表。臣信等誠歡誠忭。敬祝萬萬歲壽。〔讚禮官云〕俯伏。〔正末同衆做俯伏科。〕〔樂作朝天子兩句。〕〔讚禮官云〕入笏。〔正末同衆做將牙笏揣在懷中科。〕〔做叉手科。〕〔正末唱〕

〔喬牌兒〕我將這象牙笏懷內着。〔讚禮官云〕鞠躬。〔正末同衆做鞠躬科。〕〔正末唱〕聽讚禮傳音耗。〔讚禮官云〕三舞蹈。〔正末同衆做三舞蹈科。〕〔正末唱〕袖雙垂三舞揚塵蹈。〔讚禮官云〕跪。〔正末同衆齊跪科。〕〔正末唱〕一齊的叩金堦膝跪着。〔讚禮官云〕山呼。〔正末同衆齊云〕萬歲。〔讚禮官云〕再山呼。〔正末同衆齊云〕萬歲。〔讚禮官云〕出笏。〔正末同衆做秉牙笏科。〕〔讚禮官云〕俯伏。〔正末同衆做俯伏科。〕〔正末唱〕

〔殿前歡〕勝禹舜。賽湯堯。〔讚禮官云〕興。〔正末同衆做平身科。〕〔正末唱〕今日箇普天率土賀天朝。〔讚禮官云〕拜。〔正末同衆做拜科。〕〔正末唱〕俺可使揚塵舞蹈忙呼喚。〔讚禮官云〕興。〔正末同衆做平身科。〕〔正末唱〕更那堪拱手低腰。〔讚禮官云〕拜。〔正末同衆做拜科。〕〔正末唱〕我這裡聽鴻臚鳴讚巧。〔讚禮官云〕興。〔正末同衆做平身科。〕〔正末唱〕依禮制合公道。〔讚禮官云〕拜。〔正末同衆做拜科。〕〔正末唱〕俺今日朝帝闕忙瞻眺。〔讚禮官

云〕興〔正末同衆做平身科〕〔正末唱〕一齊的躬身拜賀。〔讚禮官云〕拜。〔正末同衆做拜科〕〔正末唱〕齊祝讚萬壽彌高。〔讚禮官云〕興。平身。〔正末同衆做平身科〕〔蕭何云〕今日文臣武職。慶賀萬年。祝壽已畢。洪福齊天。樂太平。四方寧靜。永無征。西戎東虜來朝賀。北狄南蠻拱帝京。文官定國山河壯。武將安邦社稷興。吾皇有感禎祥現。偏邦小國盡來庭。率賓納土歸王化。上表稱臣讚聖明。簫韶樂奏千官拜。文武山呼萬歲聲。

題目

獻吉祥千邦進貢

正名

祝聖壽萬國來朝

小穀本

慶千秋金母賀延年

闕名

頭折

〔外扮殿頭官領張千上〕〔云〕四海和平無戰爭。八方寧靜罷刀兵。除邪歸正扶王道。萬里澄清享太平。小官殿頭官是也。見今大漢孝文聖人在位。孝敬聖母。仁慈寬厚。專務以德化民。思念百姓。鰥寡孤獨困窮之人。賑濟於民。老者非帛不暖。非肉不飽。時遣使者存問。年長老人。八十以上。賜米肉。九十以上。賜絹帛。每人布二疋。絮二斤。是以海內富庶。興於禮義。文武賢良。見今聖母千秋已近。某同臣僚。至日須當慶賀。聖主寬仁德盡修。文臣武職有剛柔。太平垂拱千年旺。永賀皇朝萬萬秋。〔下〕〔太乙真人同冲虛真人領仙童上〕〔太乙真人云〕跨鳳乘鸞謁上真。仙家洞府永長春。蟠桃宴罷歸來晚。誰識逍遙物外人。吾乃太乙真人是也。此一位乃冲虛真人。吾自天地肇判。陰陽定位之初。清氣騰而爲陽天。濁氣降而爲陰地。爲陽天者五大相傳。五天定位。上施日月。森羅懸象。爲陰地者五行相乘。五氣凝結。負載江海山林屋宇。故曰天陽地陰。吾乃生於混沌之先。今因人世之中。大漢孝文在位。仁慈寬厚。孝敬聖母。以德化民。有堯舜之道。今遇聖母千秋已近。吾遣直符使者。問於本境城隍。然後會同金母元君。至日祝賀。有何不可。仙童那裡。與吾喚

將直符使者來者。〔仙童云〕理會的。直符使者安在。〔正末扮直符上〕〔云〕小聖乃直符使者是也。正在雷部聽令。有上仙呼喚。不知有甚事。須索走一遭去也。〔唱〕

〔仙呂點絳脣〕我恰纔親離雷霆。受持宣命。難違令。誰敢消停。我則見神鬼相兼併。

〔混江龍〕我須索親身拱聽。你看這淡朦朧瑞靄五雲生。將我這羅袍緊束。脚步忙行。恰離了玉府神霄雷祖帝。早來到瓊宮洞裏聖元君。我與你緊緊的登臺徑。你看我聽沉仔細。審問箇叮嚀。〔云〕可早來到也。仙童報復去。道有直符來了也。〔仙童云〕理會的。報上仙得知。有直符來了也。〔太乙真人云〕着過來。〔仙童云〕理會的。過去。〔正

末見科〕〔太乙真人云〕直符。你來了也。你看俺這瑤臺之境也。〔正末唱〕

〔油葫蘆〕我這裡親步瑤臺十二層。玉玲瓏寶砌明。我則見瓊宮洞府煞崢嶸。你看這雕欄九曲堪宜凭。更和這畫簷升科皆相映。簌香簾垂玉鈎。看雲窗錦砌成。我則見瓊樓高聳青霄近。更和這香靄瑞雲生。

〔天下樂〕我這裡叉手躬身側耳聽。有甚事當也波行。我須索堅意等。你看這羣芳繡草真是清。有瓊花爛熳開。看長春景物興。不枉了是仙家真勝境。〔云〕上

仙呼喚小聖。那廂使用。〔太乙真人云〕直符使者。你近前來。今因人世之間。大漢孝文在位。仁慈寬厚。愛民養士。以德化民。有堯舜之道。更能孝奉聖母。今以千秋將近。你可直至下方。問於本境城隍。然後會同金母元君。至日一同慶賀千秋。增添福壽。走一遭去。〔冲虛真人云〕直符使者。你近前來。因當今聖主好道求賢。愛民養士。孝敬仁慈。所以感動天仙。故遣你問於城隍。與聖母祝延福壽也。〔正末唱〕

〔醉扶歸〕都則爲萬歲主多仁聖。更那堪能寬厚孝心誠。正遇着聖母千秋福壽增。見如今普天下民歡慶。齊賀着當今聖明。保萬載江山定。〔太乙真人云〕直符便索往下方。問於本境城隍。走一遭去。〔正末云〕小聖既奉上仙法旨。不敢延遲。便索見城隍去也。〔唱〕

〔金盞兒〕我又索下天庭。至神京。掌着這一方土地多靈聖。血食香火意虔誠。與吾皇能輔助。保黎庶得安寧。定封疆千萬載。扶社稷永和平。〔太乙真人云〕直符便索往下方。見本境城隍去也。〔正末云〕小聖辭了上仙。不敢久住。便索見城隍走一遭去也。〔唱〕

〔尾聲〕乘五彩瑞雲生。趁萬里天風靜。誰敢道差遲了半星。又不比鵬搏萬里

程轉回頭鶴駕飛騰。過滄溟。靄靄雲昇。我又索十二瑤臺獨自行。你看這風清露冷。星移斗柄。俺可使慶皇朝一統萬年興。〔下〕〔太乙真人云〕直符去了也。若問了城隍之神。至日同金母元君慶賀。走一遭去。到來日駕霧騰雲下九霄。青鸞引路跨黃鶴。羣仙共祝長生壽。親持仙酒獻蟠桃。〔同下〕

第二折

〔外扮城隍領淨判官鬼力上〕〔城隍云〕中和正直列英才。玉帝親臨聖勅差。休道空中無神道。霹靂雷聲那裡來。小聖乃本境城隍是也。在生之日。正直公勤。與人秋毫無犯。水米無交。死歸冥路。上帝不負小聖之德。加爲本境城隍。受一方香火。今日朝玉帝已回。在於廟中閑坐。看有甚麼人來。〔判官云〕我說上聖。你放些靈聖。人來抽籤買卦。若靈應。也得些紙錢三牲。我和小鬼也抹些油嘴。你若無靈聖。紙錢沒得使。三牲沒的喫。又着別的神道笑話。我可怎麼見人。〔鬼力云〕判官。你說的話。纔稱了我的心腸。我跟他六十年。雞翅膀也不會見一塊。〔城隍云〕靠後。鬼力門首看者。若有人來。報復我知道。〔鬼力云〕理會的。〔正末上〕〔云〕小聖乃直符使者。因爲聖母千秋。奉太乙真人法旨。差小聖問當地城隍。然後會金母元君。至日祝壽。小聖不敢久停久住。須索走一遭去也。〔唱〕

〔南呂一枝花〕親蒙聖意差。謹奉真人詔。身纔離玉闕。片霎下青霄。信步遊遨。我則見四野祥雲罩。一天瑞氣飄。霧氤氳滿面清風。香馥郁渾身霧縹。

〔梁州〕都則爲聖明君仁慈道。德順天心。孝敬寬高。修明禮義興學校。更那堪崇文重武。練士英豪。存誠恭儉。用意勤勞。感夷狄四海來朝。愛黎民萬姓歌謠。您您您文官每。正風俗鼎鼐和調。是是是武將每。定邊疆威伏戰討。呀呀呀輔助的。錦江山一統豐饒。天長地老。感應的神霄玉府開黃道。萬萬載永安樂。禾稼田蠶風雨調。德勝似禹舜湯堯。〔云〕可早來到也。鬼力報復去。道有直符使者。奉太乙真人法旨到此也。〔鬼力云〕理會的。報的上聖得知。門首有一直符使者。奉太乙真人法旨到此也。

〔判官云〕上聖又不曾害病。要那太醫做什麼。〔城隍云〕可是那箇太乙。鬼力。道有請。〔鬼力云〕理會的。有請。〔正末見城隍科〕〔云〕尊神勿罪也。〔城隍云〕尊神有何事到此也。〔正末云〕爲因當今帝主仁孝。今遇聖母千秋已近。小聖奉太乙真人法旨。特遣小聖問尊神明白。至日同衆羣仙慶賀去也。〔城隍云〕小聖已知。聖母千秋。須當慶賀也。〔正末唱〕

〔隔尾〕尊神你血食香火居靈廟。咸助皇圖福祿招。保護着一境無虞萬民樂。皆因是神清量高。功成氣豪。少不的玉府登庸將姓名考。〔城隍云〕上仙會同那幾

位神仙。與聖母祝壽。將甚麼禮物。尊神說一遍。小聖試聽者。〔正末云〕尊神試聽。小聖說一遍者。

〔唱〕

〔罵玉郎〕見如今當今聖主多仁孝。皆因是書王府動青霄。感應的真人差遣直符到。你須索言仔細說就裏知箇消耗。〔城隍云〕聖母千秋。居在靈宮寶殿。擺列異品珍羞。感應的天仙降臨也。〔正末唱〕

〔感皇恩〕呀。擺列着異品佳殺。酒泛香醪。感的這上仙臨真人降獻蟠桃。更和這金童玉女。引着這白鹿黃鶴。將着這仙家釀九轉丹紫芝苗。〔城隍云〕太乙真人會同金母。永賀長春之壽也。〔正末唱〕

〔採茶歌〕賀千秋壽年高。慶長生在今朝。真乃是蟠桃宴會永堅牢。則願的壽比南山堆翠錦。福如東海水波濤。〔城隍云〕尊神此一去。回太乙真人話。小聖便差神聖。到於西池。與金母說知。至日引金童玉女。將瑤池珍饈。紫府瓊漿。蟠桃異果。祝賀長春之壽也。〔正末云〕小聖辭了尊神。便回上仙話。走一遭去。〔唱〕

〔尾聲〕我這裡忙離廟宇身歸早。穩駕天風上玉霄。你又索到瑤池近蓬島。奉真人法令檄。會西池將仙母邀。到人間祝壽考。則願的萬載千秋永歡笑。賀延

年壽高。願長生不老。齊祝讚萬國來賓拜天表。〔下〕〔城隍云〕直符去了也。小聖不敢延遲。便着增福神直至西池。見金母元君。至日將領金童玉女。持蟠桃異果。紫府瓊漿。直至人間。與聖母慶賀千秋。走一遭去。特奉真人法令言。只因聖母降瑤天。今差增福臨仙境。共獻蟠桃益壽年。〔同下〕

第三折

〔金母領童變成許飛瓊金童上〕〔金母云〕曉入瑤臺露氣清。天風吹下步虛聲。雲陽不用吹簫侶。獨跨蒼鸞朝玉京。梓童乃九靈太妙龜山金母是也。號太虛九光龜臺金母元君。乃西華之至妙。洞陰之極尊。所居崑崙之圃。閼風之苑。玄臺九層。玉樓十二。其山之下。弱水九重。洪濤萬丈。凡天上天下十方三界。女子之登仙者。皆是梓童所管。今日在於洞府閑坐。金童看者。若有神仙來時。報復梓童得知。〔金童云〕理會的。我在這洞門首。看有甚麼神仙來。〔正末扮增福神領淨鬼力上〕〔云〕小聖乃增福神是也。今遇聖母千秋。奉城隍神旨。教小聖直至西池。見金母說知。至日將領金童玉女。蟠桃仙果。紫府瓊漿。與聖母慶賀千秋。小聖不敢久停久住。見金母走一遭去。〔鬼力云〕上聖。我跟隨你去。有多餘的蟠桃。與我一箇。我與丈人喫。〔正末唱〕

〔中呂粉蝶兒〕我又索親赴西池。駕祥雲曉風輕細。望巔峯峻嶺長堤。彩霞飄

堆瓊錦山光疊翠。仙境堪宜。四時中春光明媚。

〔醉春風〕你看這三島景偏多。十洲佳氣美。更和這三千弱水勢崢嶸。除此呵端的是有幾幾。景色融和。羣芳豔美。綠茵鋪地。〔云〕可早來到這瑤池仙境也。金童報

復去。道有增福之神到此也。〔金童云〕理會的。報的金母得知。有增福神到此也。〔金母云〕着他過來。〔金童云〕理會的。過去。〔正末見科〕〔金母云〕兀那增福神。此一來有何事也。〔正末云〕小聖此一來。有太乙真人法旨。着城隍遣小聖到此也。〔金母云〕有何事。〔正末云〕爲因當今聖人寬仁厚德。孝敬心慈。感動神霄。今遇聖母千秋。教小聖啓知金母。至日領金童玉女。將瑤池珍饈。紫府瓊漿。蟠桃異果。與聖母祝賀千秋。走一遭去。〔金母云〕比及上仙來說。梓童已知道了也。〔董雙成云〕金母。既太乙真人邀會。必當祝壽。走一遭去。〔金母云〕想當今聖主。孝敬寬厚。文王不能及也。梓童至日將千載蟠桃。紫府瓊漿。親自慶賀。走一遭去。〔正末唱〕

〔石榴花〕託賴着聖恩寬厚撫黔黎。更那堪孝敬意誠實。便是那文王孝道不能及。感神霄共知應。合天機。〔許飛瓊云〕俺衆仙子將蟠桃仙酒。同金母太乙真人。與聖母祝賀千秋也。〔正末唱〕那其間羣仙金母臨凡世。慶祝長生壽永天齊。若說着蟠桃異果真佳味。端的是九千載可方食。〔金母云〕梓童將領羣仙。并南極老人。一同祝壽去也。

〔正末唱〕

〔鬪鶴鵲〕則願的益壽延年。敢則是長生萬紀。〔董雙成云〕至日將瑤池珍饈。紫府瓊漿。共真人仙母。南極星君。共祝長春之壽也。〔正末唱〕有他這紫府仙漿。金波金波玉醴。齊祝賀地。久天長壽永期。衆羣仙齊賀喜。看了那玉闕金門。勝似那蓬萊洞裏。〔金母云〕到千秋之日。梓童與南極并衆仙子。同共祝壽去也。〔正末云〕小聖啓知金母。便回去也。〔唱〕

〔十二月〕若論着仙家妙理。齊獻上火棗交梨。更有這西池金母。壽永南極。見如今萬萬載山河社稷。端的是穩勝磐石。〔許飛瓊云〕聖母千秋之日。俺羣仙都至寶殿。祝延千歲也。〔正末唱〕

〔堯民歌〕呀。則您這羣仙。金母下瑤池。更和這百靈咸助現禎祥。千邦納土共扶持。萬國衣冠盡來儀。齊列在丹墀。皆來拱帝畿。賀萬載長春日。〔金母云〕兀那增福神。你回去。到千秋之日。梓童共南極老人太乙真人。金童玉女。將着蟠桃仙酒。同去祝賀千秋也。〔正末云〕小聖辭了金母。便回去也。〔唱〕

〔尾聲〕趁天風鶴駕輕。駕祥雲疾便回。我與你親離了金母瑤池地。仰賀着一

統乾坤萬萬里。〔下〕〔金母云〕增福神去了也。梓童到千秋之日。同太乙真人。南極老人。金童玉女。將着蟠桃仙酒慶賀。走一遭去。爲當今仁德寬高。能孝敬賜福神霄。與聖母祝延萬歲。齊獻上千載蟠桃。〔同下〕

第四折

〔殿頭官領張千上〕〔云〕爲臣輔弼行肱股。忠孝雙全立乾坤。小官乃殿頭官是也。方今大漢孝文。聖人在位。端的是八方寧靜。四海晏然。千邦共仰。萬國來朝。仁過堯舜。德邁禹湯。方今聖母萬壽聖節之辰。小官奉聖人的命。在此安排筵席。理當慶賀。令人門首覷者。衆宰輔來時。報復我知道。〔陳平上〕〔云〕憑三略展土開疆。用智謀立國安邦。食君祿身榮顯貴。扶社稷萬古名揚。小官姓陳名平字孺子。祖居陽武人也。幼習儒業。頗看兵書。深知韜略。曾佐於沛公麾下。自立漢以來。滅楚之後。建立大功。累蒙擢用。官封大職。小官正在私宅閑坐。有令人來請。殿頭官大人呼喚。不知有甚事。須索走一遭去。可早來到也。令人報復去。道有陳平來了也。〔張千云〕理會的。報的大人得知。有陳平來了也。〔殿頭官云〕道有請。〔張千云〕理會的。有請。〔陳平見科〕〔云〕大人。小官來了也。〔殿頭官云〕丞相且少待。看有那一位宰輔來。〔周勃上〕〔云〕四海咸寧樂雍熙。調和鼎鼐理鹽梅。爲臣輔弼行肱股。聖明洪福與天齊。小官乃周勃是也。方今大漢聖人在位。八方無事。

四海宴然。小官正在私宅中閑坐。有殿頭官大人呼喚。不知有甚事。須索走一遭去。可早來到也。令人報復去。道有周勃來了也。〔張千云〕理會的。報的大人得知。有周勃來了也。〔殿頭官云〕道有請。〔張千云〕理會的。有請。〔見科〕〔周勃云〕大人。小官來了也。〔殿頭官云〕今日是聖母千秋。奉命安排筵宴。禮當慶賀也。大人想當今聖主。恭儉仁厚。以德化民。孝敬聖母。真乃能盡其道也。〔殿頭官云〕丞相。似當今聖主德政。雖古之聖人。不能及也。〔周勃云〕大人言的是也。〔殿頭官云〕祇從人。門首看者。若有人來。報復我知道。〔張千云〕理會的。〔金母同正末南極星領董雙成許飛瓊金童捧蟠桃仙酒靈芝檜柏上〕〔金母云〕梓童乃金母是也。因爲聖母千秋。同南極星君。金童玉女。將着蟠桃仙酒。祝賀千秋。走一遭去。〔正末云〕金母。俺同共祝壽去來。〔唱〕

〔雙調新水令〕則俺這衆天仙同共下瑤天。我則見淡朦朧瑞雲出現。則願的天長壽數永。地久福無邊。松柏齊肩。同天壽稱心願。〔金母云〕南極星君。俺來到這皇朝內苑也。你看這瓊樓玉宇。寶殿皇宮。是好蓋造也呵。〔正末云〕看了這金釘玉戶。不弱如蓬萊仙境也。〔唱〕

〔駐馬聽〕我則見瑞靄祥雲。冉冉氤氲籠帝輦。你看這玉樓金殿。巍巍錦繡簇雕簷。瓊臺玉砌巧鑽研。飛龍走獸神情見。難再選。恰便似九霄玉闕堪稱羨。〔陳

平云〕你看那遠遠的祥雲影裏。一簇天仙下降也。〔周勃云〕聖德寬厚。感的神仙下降。與聖母賜福延壽也。〔做見科〕〔殿頭官云〕敢問天仙從何而來。〔金母云〕梓童乃九靈太妙龜山金母是也。這一位乃南極老人星是也。〔殿頭官云〕因何降臨到此。〔正末云〕因爲當今聖主仁孝寬厚。以德化民。今遇聖母千秋。將着這玉液瓊漿。蟠桃仙果。特來祝壽也。〔殿頭官云〕這的是聖人洪福齊天。感的仙母壽星下降也。〔正末唱〕

〔川撥棹〕則俺這衆天仙。奉蟠桃玉殿前。今日箇香熱龍涎。增福延年。萬萬載長春壽遠。與南山福壽堅。〔周勃云〕感謝天仙降臨。將瑤池蟠桃。紫府瓊漿。南極增壽。金母祝賀也。〔正末唱〕

〔七弟兄〕則俺這衆仙赴筵下瑤天。你看這西池金母將蟠桃獻。更和這瑤池仙女列尊前。則我這南極壽永星光現。〔金童云〕願當今聖母。福如東海。壽比南山也。〔正末唱〕

〔梅花酒〕今日箇祝壽延。福量高遷。壽似深淵。湧勝流泉。與天長和地久。如日月永長年。今日箇喜笑喧。排佳宴。味十全。設珍羞。列奇鮮。〔太乙真人同冲虛真人領仙童上〕〔太乙真人云〕金母元君。南極老人。吾等敬來與聖母祝賀千秋也。〔正末唱〕

〔收江南〕呀。又見這太乙仙冲虛子降人間。同來慶賀至心堅。則願的萬年千載福如川。勝蓬萊閬苑。見如今太平一統靜狼煙。〔太乙真人云〕您三位臣宰聽者。吾乃不是邪魔外道。乃太乙真人是也。此一位乃西池金母元君。這一位乃南極老人星。今日將瑤池珍饈。紫府瓊漿。與聖母增福延壽也。則爲這聖主寬仁德政修。心存孝敬意長留。千邦納土歸王化。萬國衣冠拜冕旒。臣宰清閑安社稷。文武忠良基業收。羣仙下降蟠桃獻。祝壽延年萬萬秋。

題目 益萬歲真人增福壽

正名 慶千秋金母賀延年

慶千秋穿關

頭折

殿頭官

兔兒角幘頭
圓領帶

補子
三髭髯

張千

攢頂
項帕

圓領
搭膊

太乙真人

如意蓮花冠
玳瑁

三髭髯
鶴髦

牌子
執圭

冲

虛真人同仙童

秦巾
道袍

邊欄
繼兒

正末直符使者

鐵幘頭
襖膊

蟒衣曳撒
帶

三髭髯
袍

項帕
背勅

旗

第二折

城隍

展角幘頭
偏帶

紅欄
三髭髯

笏

判官

詔巾
項帕

綠欄
偏帶

鬼力

鬼頭
法墨

錦襖
直欄

項帕
搭膊

正末直符使

者同
前

第三折

金母

金冠
布襖

仙衣
鞋

玳瑁
執圭

董雙成

許飛瓊

花箍
香串

襖兒
布襖

裙兒
鞋

金童

秦巾
不老葉

雲鶴道袍
執袋

繼正末增福神

展角幘頭
偏帶

紅欄
三髭髯

笏

鬼力

前

第四折

殿頭官張千

同前

陳平

兔兒角幘頭
圓領帶三髭髯

補子

周勃

兔兒角幘頭
圓領帶三髭髯

補子

金母

董雙成

許

飛瓊金童

同前
仙酒靈芝檜柏

正末南極星

如意蓮花冠
子玳瑁

白髮

白髯

牌

太乙真人


冲虛真

人

仙童

同前

內本校錄清常記



慶冬至共享太平宴

闕名

頭折

〔冲末扮諸葛領卒子上〕〔云〕晦迹韜光爲隱居。結茅成舍自耕鋤。只因主公春秋訪。用盡心中智術謀。貧道覆姓諸葛名亮字孔明。道號臥龍先生。脩真於江夏。養性在南陽。胸藏孫武之策。腹隱呂望之機。平素樂於耕鋤。蒙主公三顧任用。算天下鼎足三分。按陽數九九而定。敗曹操於赤壁之間。扶主公西川獨霸。麾下英雄。赤心輔佐。俺主公自得西川。民殷國富。黎庶謳歌。皆託主公洪福。共享太平之序。今時遇冬至令節。偏邦小國。盡來納貢。百司文武。皆行慶賀。貧道啓過主公。欲行慶賀。主公之命。令貧道會合衆將。排設筵宴。名曰太平宴。一來慶賀冬至令節。第二來宴享有功之人。左右門首覷者。若衆將來時。報復貧道知道。〔卒子云〕理會的。〔黃忠同趙雲上〕〔黃忠云〕刀法精嚴武略通。扶持主公鎮江東。征徇常染敵兵血。會向昇仙立大功。某姓黃名忠字漢昇。此位將軍姓趙名雲字子龍。俺二將輔佐主公。累建奇功。方今天下鼎足三分。運籌仗諸葛孔明。征戰倚衆將驍勇。今日軍師陞帳。須索赴帳下走一遭去。〔趙雲云〕既有軍師呼喚。不知有甚事。須索走一遭去。可早來到也。小校報復去。道有黃忠趙雲二將來了也。〔卒子云〕理會的。喏。

報的軍師得知。有黃忠趙雲來了也。〔諸葛云〕着他過來。〔卒子云〕理會的。着過去。〔二將見科〕
〔趙雲云〕軍師黃忠趙雲二將來了也。〔諸葛云〕黃忠趙雲。您二將來了也。一壁有者。〔馬超同
劉封上〕〔馬超云〕累代簪纓保漢朝。飛揚起處破兇曹。扶持主公登龍位。播得清名萬古標。某
姓馬名超字孟起。此位將軍乃是劉封。某祖居西涼人氏。累代簪纓。閱閱繩武。自幼讀韜略之書。
既長習兵戈武事。臨陣能左右開弓。上馬使飛揚無對。曾與百萬軍中鏖戰。今因奸雄曹賊。謀殺
某父。某投於劉主公麾下。累建奇功。殺曹兵連敗數陣。未報稱殺父之讐。以雪終天之恨。今日軍
師陞帳。聚俺衆將。須索赴帳前聽令。走一遭去。〔劉封云〕馬孟起。今日軍師陞帳。則怕有軍情之
事。俺衆將須索行動些。可早來到也。報復去。道有馬超劉封二將來了也。〔卒子云〕理會的。〔報
科〕〔云〕喏。報的軍師得知。有馬超劉封二將來了也。〔諸葛云〕着他過來。〔卒子云〕理會的。着
過去。〔二將見科〕〔諸葛云〕馬超劉封。您二將來了也。一壁有者。〔簡雍同鞏固上〕〔簡雍云〕虎
將精忠定四方。全憑武略立朝綱。三分天下英雄競。惟有西川傑士強。某姓簡名雍字憲和。此位
將軍乃是鞏固。某幼習韜略。頗曉兵書。輔佐西蜀主公。保助無虞。今日軍師陞帳。俺衆將須索赴
帳下走一遭去。〔鞏固云〕簡雍和。俺西川之地。自從主公建都。恩垂黎庶。永享太平。今日軍師陞
帳。須索見軍師去。可早來到也。小校報復去。道有簡雍鞏固來了也。〔卒子云〕理會的。〔報科〕

〔云〕喏。報的軍師得知。有簡雍鞏固二將來了也。〔諸葛云〕着他過來。〔卒子云〕理會的。着過去。
〔二將見科〕〔諸葛云〕簡雍鞏固。您二將來了也。一壁有者。〔糜竺同糜芳上〕〔糜竺云〕鐵甲龍
鬚臂。征袍罩虎軀。扶持西蜀郡。保助帝王都。某糜竺是也。此位將軍乃是糜芳。俺二將扶持主公。
輔弼西川。多有功勞汗馬。深蒙主公之恩。今日軍師陞帳。須索赴帳下走一遭去。〔糜芳云〕既有
軍師呼喚。不知有甚事。須索走一遭去。可早來到也。小校報復去。道有糜竺糜芳來了也。〔卒子
云〕理會的。〔報科〕〔云〕喏。報的軍師得知。有糜竺糜芳二將來了也。〔諸葛云〕着他過來。〔卒子
云〕理會的。着過去。〔二將見科〕〔糜芳云〕軍師呼喚俺衆將。有何事商議。〔諸葛云〕糜竺糜芳
您二將來了也。一壁有者。待衆將來全時。貧道自有軍令也。〔正末扮姜維上〕〔云〕某姜維是也。
輔佐主公。因某膽略過人。敢勇當先。不辭艱險。皆呼某爲大膽姜維。方今天下。鼎足三分。俺主公
占其人和。今日軍師陞帳。不知有甚事。須索走一遭去。〔唱〕

〔仙呂點絳脣〕俺主公他布德施仁。撫安州郡。謙和遜。他須是漢業宗親。因此
上天下忠臣順。

〔混江龍〕坐籌帷運。仗軍師用計妙如神。雖然是精兵猛將。更那堪天意隨人。
見如今霸業西川豐稔歲。歌謠道泰四時春。皆遵守吾皇命。如今這疆封寧靜。

不能穀一統乾坤。〔云〕可早來到也。小校報復去。道有姜維來了也。〔卒子云〕理會的。〔報科〕

〔云〕喏。報的軍師得知。有姜維來了也。〔諸葛云〕着他過來。〔卒子云〕理會的。着過去。〔正末做見科〕〔諸葛云〕您衆將都來了也。貧道無事也不會您衆將。今主公自得了西蜀。軍民樂業。五穀收成。百姓共享太平之福。今主公治過堯舜。德邁禹湯。寬厚仁慈。恩垂四海。今時遇冬至節令。聚集您衆將。一來與主公慶賀。第二來就當宴享您這有功之人。貧道與您衆將會議已定。然後請主公慶賀。〔正末云〕軍師。似這等年豐歲稔。時遇佳辰。正當開宴慶賀功臣。共享昇平之世也。

〔唱〕

〔油葫蘆〕似這般歲稔年豐節令新。賀皇朝盛世穩。〔馬超云〕軍師。今主公自立西蜀以來。萬民仰望。四海來夷。感應的風調雨順。當以宴樂功臣也。〔正末唱〕恰逢這陽和初動景。纔分見如今樂雍熙。四海來歸順。理合當慶佳辰宴享功臣論。〔諸葛云〕冬至令節。陰極陽生。寒威春信。你看那岸容待臘將舒柳。天意衝寒欲放梅。〔正末唱〕梅綻開送暗香。柳初舒陽轉春。則被這天時人事相催近。端的是寒意漸回人。〔諸葛云〕您衆將不知。此非貧道主意。宴享您功臣。乃是主公之命。故設一宴。乃是太平宴。宴享您這有功之人也。〔正

末唱〕

〔天下樂〕我這裡感謝吾皇宴宰臣。垂也波恩。與萬民。則俺這衆英雄効勞當報本。〔諸葛云〕您衆將不知俺主公思念您衆將。南征北討。東蕩西除。多有勞苦。時遇仲冬節令。天時人事。律呂調陽。故設一宴。慶賞昇平之世也。〔正末唱〕今日箇定太平。扶持的基業穩。不負俺這有功臣。心內忖。〔趙雲云〕軍師且休說俺衆將之勞。則說三將軍三出小沛。借曹兵十萬。戰呂布大敗而歸。那一場功勞。非同小可也。〔諸葛云〕想張飛委實是一員虎將。威伏曹操。累敗孫權。旗開得勝。馬到成功。多有汗馬之勞也。〔正末云〕軍師乃能用武之人。深知俺衆將勞苦。想三將軍張飛。真乃人中傑士也。〔馬超云〕軍師若說三將軍英雄用計如神。世之罕有也。〔正末唱〕

末唱

〔那吒令〕若論着張翼德能驅兵列軍。〔馬超云〕三將軍威武相持。可是如何。〔正末唱〕若論他敢戰敵用機謀若神。曾記的他當曹賊斷橋水滾。〔諸葛云〕想當日張飛。領十八騎烏馬長鎗。在當陽橋上。當住曹操百萬人馬。端的是好威風也。〔正末唱〕十八騎烏馬強。都一般齊臨陣。端的是建立功勳。〔趙雲云〕有三將軍雖勇。二公子也不弱也。〔正末唱〕〔鵲踏枝〕俺主公用賢臣。愛生民。想着他結義桃園。不變趙雲疎親。今日箇享榮華同心的報本。〔諸葛云〕想當日桃園結義之時。有官同做。有馬同騎。似此結義。人間少有也。〔正

末唱〕他每方知道一在三存。〔馬超云〕軍師恰纔趙雲所言二公子雲長鎮守荊州之地。許久與主公不會。今欲慶賀冬至佳節。一陽生處。萬物敷榮。宴賞臣僚。當可請二公子雲長與主公軍師。龍虎風雲。君臣聚會。共樂太平之時。同享履長之宴。有何不可也。〔諸葛云〕馬超。你不題起來。貧道也有此心。主公常念二公子。不能相會。今慶賀冬至。宴享臣僚。當可請二公子雲長與主公一會也。〔正末唱〕

〔寄生草〕主公他思昆仲念故人。二將軍久鎮荆襄郡。間別來兩處絕音信。要相逢實是難親近。〔諸葛云〕二將軍受命於君。威鎮藩邸。勇耀八方。到來日差人直到荊州。請雲長來。一同共賞昇平之世也。〔正末唱〕則除是慶冬開筵請雲長。若不不字是無君命焉。敢來朝覲。〔諸葛云〕一來主公想念。第二來貧道與您衆將都要與二公子相會一面。馬超。你便說與張飛等他巡邊回來。不必見貧道。就着他往荊州去。請二公子來赴宴也。〔馬超云〕軍師馬超得令也。〔諸葛云〕既是這等。您衆將且回去。待二公子到時。您衆將便來赴宴。請主公慶賀冬至令節。〔正末云〕軍師姜維無甚事。該往邊上巡綽事情。走一遭去。〔諸葛云〕姜維。你往邊上打探軍情。小心在意。疾去早來。〔正末唱〕

〔尾聲〕爲鼎足定三分。各顯志侵州郡。劉皇叔施仁布恩。愛惜軍卒養下民。〔馬

超云將軍此一宴會慶冬良辰。皆因是軍師之功。知往鑒今。驅曹蕩吳。非同小可也。〔正末唱〕用軍師妙策如神。但行軍料定亡存。殺的那曹操孫權喪了魂。都則爲節逢着美辰。時遇着冬近。來日箇大開筵宴賀功臣。〔下〕〔馬超云〕軍師馬超等張飛巡邊境回來。就着他星夜往荊州去。相請二公子赴宴。小將無甚事。且回私宅中去也。軍師傳令與張飛。領本部人馬奔馳。赴荊州相請公子。慶冬至同飲尊席。〔同劉封下〕〔諸葛云〕黃忠趙雲。您二將且各守汛地。待冬至令節。君臣慶會。共享太平筵宴。勿得有違。〔黃忠云〕得令。俺衆將無甚事。且歸私宅去來。直至仲冬節令。俺同來赴宴。感主公宴享功臣。開筵宴致酒排樽。節逢着一陽冬至。吹葭管信透初春。〔下〕〔趙雲云〕黃將軍去了也。某領軍師將令。若到冬至令節。慶賀赴宴。俺且回私宅中去來。太平年豐稔時光。會宰臣宴賞賢良。民安樂風調雨順。慶九五萬載遐昌。〔下〕〔諸葛云〕簡雍鞏固。您二將且守汛地。待冬至令節。君臣慶會。共享太平筵宴。勿得有違。〔簡雍云〕得令。鞏固。俺二將無甚事。領了軍師將令。如到冬至令節。慶賀赴宴。俺且回私宅中去來。錦乾坤萬里昇平。賀西川海晏河清。逢冬至開筵慶賞。宴功臣社稷當興。〔同鞏固下〕〔諸葛云〕糜竺糜芳。您二將且守汛地。待冬至令節。君臣慶會。共享太平筵宴。勿得有違也。〔糜竺云〕得令。糜芳。俺無甚事。且回私宅中去來。大設明良會。新冬萬物鮮。開筵宜翫賞。慶賀太平年。〔下〕〔糜芳云〕糜

將軍去了也。某今不敢久停。且回私宅中去來。國泰民安。輔聖君。賢臣秉政。賀昇平。排筵慶賀。一陽節。赴宴歡娛。樂歲登。〔下〕〔諸葛云〕衆將去了也。等張飛往荊州。請將二公子到來。正是冬至令節。貧道與衆將請主公慶賀太平之宴也。貧道保主公位享人和。今日箇鎮西川平定干戈。開筵宴功臣慶賞。賀皇朝百二山河。〔領卒子下〕

第二折

〔劉末引卒子上〕〔云〕創業開基四百年。子孫承繼主中原。方今鼎足三分定。獨占人和霸蜀川。某姓劉名備字玄德。乃大樹樓桑人也。是景帝之玄孫。中山靖王之後。數載失業。流於庶民。與關張二弟。結義於桃園。宰白馬祭天。殺烏牛祭地。不求同日生。則願當日死。一在三在。一亡三亡。感二弟赤心輔佐。大破黃巾。擒伏呂布。有奸雄曹操。又識某機。他舉薦我入朝。見了聖人。殺其宗派。曹操不忿某。他心懷謀害。俺弟兄三人。定栽花柳之計。私出許都。霸業西川。某想來若不是軍師運籌帷幄。衆將汗馬之勞。豈能得西川之地。某自得了西川五十四州。民殷國富。萬姓咸寧。皆是衆將與軍師輔弼。如今時遇冬至令節。有軍師啓知某。他欲行慶賀。某今得了西川。皆是衆將之功。某令軍師排設筵宴。一來慶賀冬至令節。第二來就宴享有功之人。又遣張飛邀請二兄弟去了。若來呵。俺共同宴享。有何不可。想當初結義桃園。宰白馬設誓盟言。慶冬至若無兄弟。有何樂

排宴開筵。〔同下〕〔關末領關平關興周倉執刀卒子上〕〔關末云〕武略精通氣勢強。丹心耿耿顯忠良。匡扶漢室三分定。坐享封侯姓字香。某姓關名羽字雲長。幼習春秋左傳。精通武略。性秉剛柔。忠心正大。與主公張飛結義於桃園。赤心保助。後因曹操舉俺弟兄入朝。有心要圖於麾下。與張飛威鎮天下諸侯。不想俺主公乃漢室宗支。劉之苗裔。此奸雄不忿。反義爲讐。在於清風嶺失散。將某說說入許都。要某輔佐。某已棄印封金。辭曹歸漢。多虧軍師用計。俺衆將之勞。今主公霸業於西川之地。命某鎮守於荊州。與主公許久不會。某但常想念。未敢擅離汛地。疑怪昨夜燈花結蕊。今日有佳音到此。左右轅門首望者。如有一應軍情之事。便來報某知道。〔卒子云〕理會的。〔正末扮張飛同馬超劉德然范羌跣馬兒上〕〔正末云〕某姓張名飛字翼德。乃涿州范陽郡人也。與主公并雲長。自桃園結義之後。軍師用計。衆將成功。扶持主公。霸業於西川。某手下有十八員上將。乃是劉德然范羌張達等。這十八騎烏馬長鎗。每隨臨陣。與某協力成功。今俺主公。因爲冬至令節。欲要宴享功臣。某在邊上巡綽已回。有馬超奉軍師將令。命某往荊州。相請俺二哥。前來西川飲宴。須索走一遭去。〔馬超云〕三將軍。主公與二公子三將軍。分雖異姓。情同骨肉。因此上想念二公子久別。所以軍師着馬超與三將軍同往荊州。相請二公子去也。〔正末云〕馬孟起。你那裡知道俺主公之意也。〔唱〕

〔中呂粉蝶兒〕想着俺數載相交。起初兒對天曾道。則願俺弟兄每永遠堅牢。俺也曾受貧寒。居縣道。那其間綠欄烏帽。〔劉德然云〕三將軍請了二公子。同赴太平宴去也。〔正末唱〕想張飛受過的劬勞。我也曾做微官施威顯耀。〔馬超云〕三將軍。你當

日破黃巾賊百萬。戰將千員。多有功勳也。〔正末唱〕

〔醉春風〕憑着我能戰討。快相持。有機謀。膽氣高。破黃巾百萬建功勞。端的是好好。今日箇位列三公。驅兵領將。顯出俺半生忠孝。〔范羌云〕三將軍。俺來到這荊州也。〔正末云〕可早來到也。令人接了馬者。左右報復去。道有張飛等衆將來了也。〔卒子云〕理會的。喏。報的將軍得知。有三將軍張翼德同衆將到此下馬也。〔關末云〕張飛兄弟。他無事可也不來。道有請。〔卒子云〕理會的。有請。〔正末領衆將見科〕〔云〕哥哥。許久不會。間別無恙也。〔關末云〕三兄弟。你無事可也不來。必有甚軍情之事也。〔正末云〕哥哥。您兄弟此一來。別無甚軍情之事。今因冬至令節。主公命軍師排宴慶賞功臣。軍師的將令。命張飛特來相請哥哥。赴西川飲宴去也。〔關末云〕三兄弟。某則這等要與主公兄弟每相會一面。不能得去。今既有主公之命。軍師將令。某便索往西川赴宴去也。〔正末唱〕

〔紅繡鞋〕則因這時歲稔佳辰初到。俺哥哥宴功臣慶賞功勞。〔關平云〕父親。今西

川已定。節遇冬至。正當慶賀也。〔正末唱〕今日箇撫西川帝業永堅牢。時逢着昇平日。節遇着太平宵。因此上請哥哥同宴樂。〔關末云〕三兄弟某自到荊州。無一日不思念哥哥與兄弟。今日幸得主公之命。請賀冬至令節。又有軍師將令。某有不勝之喜也。〔正末云〕二哥哥。俺主公因哥哥久鎮荊州。許久不會。若無軍令。焉能得會一面也。〔唱〕

〔快活三〕弟兄情想念着。阻隔着路迢遙。每朝思念恨無聊。嗒弟兄每難得同歡樂。〔關末云〕三兄弟俺弟兄三人。兩處分守。也則爲漢室天下也。〔正末唱〕

〔朝天子〕阿哥張飛曾想着。在桃園那朝。〔關末云〕三兄弟可怎生想起俺初結義的事來也。〔正末唱〕俺可也對上天分明道。同心合意輔劉朝。俺哥哥得志也興王道。〔馬超云〕此荊州之地。乃西蜀根本咽喉。最爲衝要。若不是二公子。難以撫鎮也。〔正末唱〕今日霸業西川。當行忠孝。則俺這弟兄情關愛着。俺二哥志高。比張飛氣豪。因此上竭力扶廊廟。〔馬超云〕二公子。俺主公思念之情。不忘結義。況常念荊州之地。實難鎮守。若不是二公子英名義勇。威鎮於此境。這其間被東吳侵奪久已也。〔正末云〕此荊州之地。若不是哥哥的威鎮。這其間已被東吳國侵擾也。〔唱〕

〔上小樓〕俺哥哥能征慣討。端的是深知遠略。〔馬超云〕三將軍。若論二公子之勇。拒

吳兵有如屏息。滅曹操。踴躍重足。能征慣戰。善使軍卒。真乃世之虎將也。〔正末唱〕若論着蓋世英雄。能欺吳地。善敗雄曹。今日箇用六韜。使計較。恩恤軍校。因此上保荊州永無兵到。〔關末云〕三兄弟。既是哥哥。令你來請某。關平你與關興謹守這荊州。周倉你便點五百校刀手。跟着某往西川赴宴。走一遭去來。〔周倉云〕得令。周倉便點五百校刀手。跟隨將軍去也。〔正末云〕哥哥。您兄弟聞知這五百校刀手。委實是英雄好漢也。〔唱〕

〔十二月〕這軍卒能征慣討。他每都仗劍提刀。跟隨定征驍。左右簇捧着。猛將週遭。點整他衣袍戰襖。更和那盔鎧鎗刀。〔馬超云〕三將軍。今請二公子往西川慶賀一陽節令。正是君臣際會之日也。〔正末唱〕

〔堯民歌〕呀。請哥哥赴西川。飲宴會知交。與功臣相見。賀皇朝。慶一陽初動雪。初消。正是煖從節屆。漸生交。擺列着佳餚。今日會將校。俺可便賀一統華夷妙。〔關平云〕住住住。父親此一去。慶賀冬至節令。飲宴已畢。則是早些兒回來。則怕東吳國知道。父親不在。發兵來搦戰。您孩兒須索與他拒敵也。〔正末云〕關平。你則謹守荊州之地。量那東吳國。決然不敢來侵犯這荊州之地。哥哥。俺則今日便索往西川去來。〔唱〕

〔尾聲〕快疾忙點士卒。赴西川筵宴了。弟兄每遇節逢時樂。你與我便同共登。

程。自將那路兒遠。〔同馬超劉德然范羌衆將下〕〔關末云〕關平。你謹守荊州。周倉。你領五百校刀手。跟某赴西川慶賀冬至飲宴去來。守荊州數載功勞。鎮東吳保助劉朝。逢冬至排宴慶賀。弟兄情恩義難消。〔同下〕〔關平云〕關興。父親往西川慶賀冬至飲宴去了也。俺二將謹守着這荊州之地。若有東吳兵犯境。某殺他片甲不歸也。將平生武藝滑熟。臨戰敵統領貔貅。鎮東吳周瑜大將。隨父親保守荊州。〔衆同下〕〔周瑜領甘寧卒子上〕〔周瑜云〕腹隱兵書鎮朔方。胸懷韜略佐吳王。三分天下非爲定。異日興兵立大邦。某姓周名瑜字公瑾。乃廬江舒城人也。幼而能文。長而通武。每讀孫吳之書。長觀姜呂之策。坐籌帷幄之中。決勝千里之外。今輔佐主公。乃江東孫仲謀。不辭艱險。立成勳業。今蒙主公可憐。加某爲大帥。統制諸軍部將。委以大任。今有哨馬來報。道有關雲長離了荊州。往西蜀去了。其中必有緣故。想荊州本是俺江東之地。劉玄德問俺主公暫借屯軍。今各霸其業。荊州久索不還。今關雲長西蜀去了。必令關平守把。某今乘此機會。統大勢雄兵。觀荊州一鼓而下。有何難哉。小校與我喚的手將于覆來者。〔卒子云〕理會的。于覆。元帥呼喚。〔淨扮于覆上〕〔云〕我做將軍心不足。每日家裏則是哭。哥哥叫做俊俏眼。則我便是傻于覆。自家大將于覆是也。我有箇哥是于返。俺哥兒兩箇。他返我覆。就是一對雙生兒。一般相似。他便喚做俊俏眼。我便喚做喜笑臉。除了他的眼。就是我的臉。若還惱起來。我搗他的眼。他打我的

臉。俺兩箇上天平對分毫不差。今佐與公瑾麾下爲將。正在家中學騙馬耍子。元帥呼喚。不知有甚事。須索走一遭去。可早來到也。小校報復去。道有老子來了也。〔卒子云〕理會的。喏。報的元帥得知。有于覆來了也。〔周瑜云〕着他過來。〔卒子云〕着過去。〔淨于覆見科〕〔云〕元帥呼喚在下。有何屈放。〔周瑜云〕于覆。某喚你來不爲別。今關雲長離了荊州。往西蜀去了。不知爲何。荊州原是江東之地。累索不還。某如今乘此機會。領兵截殺關雲長。如若取勝。何愁荊州不歸俺也。〔淨于覆云〕元帥。老關。你莫惹他。張飛又不是箇好性兒的人。引起他來。和你了不的。〔周瑜云〕于覆。撥興三千人馬。與關雲長交戰。小心在意者。〔淨于覆云〕你說這元帥沒正經。惹他做甚麼。閉着咽馬槽不是罷罷罷。我也去了罷。今說周瑜也無賽。我看他生的古怪。觀他似箇夾腦風。原來是箇真腦袋。〔下〕〔周瑜云〕甘寧。此事不可延遲。您衆將則今日跟隨某教場中點軍。截殺關雲長去來。雄赳赳敢建奇功。氣昂昂顯耀威風。遇雲長必分取勝。我着他荊州地獻與江東。〔同下〕

第三折

〔周瑜領淨于覆甘寧卒子躍馬兒上〕〔周瑜云〕某乃周瑜是也。領着大勢人馬。截殺關雲長去。大小三軍。擺開陣勢。塵土起處。敢是關雲長來了也。〔淨于覆云〕元帥。你的對手來了也。老關和

他兄弟張飛。又是馬超。都是些不難當的。不是我惹的禍。你和他纏去。〔同下〕
〔正末同關末衆將驢馬兒上〕
〔正末云〕哥哥。俺行動些。則怕主公與軍師盼望俺也。〔關末云〕三兄弟。想某與主公間別許久。謹守汛地。不能相會。今日主公有命。宜召雲長。共賞冬至令節。與主公相見一面。也非同容易也。〔正末云〕哥哥。此是君義臣賢。似俺三人結義。古今少有也呵。〔唱〕

〔越調鬪鶴鶉〕俺哥哥恩似同胞。親如共乳。則爲俺義氣相投。豈有那纖毫間阻。俺哥哥今日箇霸業西川。分疆定土。不負俺汗馬勞陣面苦。太平年慶賀新冬。排美餚相酬俺宰輔。〔馬超云〕三將軍。想軍師未出茅廬。鼎足三分。曹操占其中原之地。俺主公居於西川。孫權霸住江東。軍師真乃神機妙策也。〔正末唱〕

〔紫花兒序〕曹孟德占天時。中原獨霸。俺主公受人和。平定了西蜀。孫仲謀興地利。威鎮東吳。〔馬超云〕三將軍。雖然三分天下。俺主公曾言。曹操孫叔。實爲漢之奸賊也。俺主公劉之苗裔。漢室宗支。君臨天下。理之當然也。〔正末唱〕想孫權曹操。用盡機謀。窺圖漢室江山。劉帝都。三分了。猶然思慕。恨不的一統乾坤。四海歸伏。〔關末云〕兀那校刀手。與某擺布的嚴整者。慢慢的行將去。〔馬超云〕二公子。三將軍。兀那塵土起處。大勢人馬。打着東吳旗號。則怕是周瑜領兵。與俺拒敵也。〔周瑜云〕漢兵慢來。某周瑜久等多時也。〔關末云〕三兄

弟。可知是周瑜的人馬哩。這厮因何領兵與俺拒敵也。〔正末云〕哥也。您靠後。我與周瑜答話。〔見科〕〔云〕兀那周瑜。你因何領兵至此也。〔周瑜云〕兀那張飛。您弟兄二人都在此。好說話。想荊州原是東吳之地。您主公暫且屯軍。今日三分了天下。俺東吳家累次索取不還。某今聞知關雲長往西蜀去。故某親自率領三軍。特來截殺。如將荊州獻還。某收兵回營。如若不與。某領大勢人馬。必殺你片甲不歸也。〔淨于覆做扯正末科〕〔云〕老三。你是箇直人。俺魯大夫一場事。安排了酒。問老關索取荊州。到了不還。又嚙了一日酒。包了一張卓面去了。俺大夫至今餅錠鋪裏。還少他一錢二分銀子哩。〔正末云〕哥也。周瑜這匹夫。好是無禮也呵。〔唱〕

〔金蕉葉〕他將俺二哥哥張飛間阻。領軍兵相攔住去路。〔關末云〕三兄弟。周瑜這厮。聞知某往西蜀去。他以此領兵截殺。乘機而取荊州。量你箇匹夫。到的那裡也。〔正末唱〕他待要乘此機關大舉。這厮他豈是箇英雄丈夫。〔周瑜云〕關雲長。及早將荊州獻還與某者。〔關末云〕三兄弟。您靠後。某殺這匹夫。〔正末云〕不用哥哥臨陣。張飛殺這匹夫。兀那周瑜。你要荊州呵。與某略戰三合。如贏了。張飛便將荊州獻還與您。如若勝不的張飛呵。某決斬你箇匹夫也。〔周瑜云〕既是這等。于覆出馬。與張飛交戰者。〔淨于覆云〕元帥。我與張飛交戰。可不是老鼠和貓鬪哩。你送我這條性命罷了。〔周瑜云〕于覆。你若不成功呵。某決斬你箇匹夫也。〔淨于覆云〕

元帥我假乖哩。張飛則是箇名頭罷了。我于覆是箇怕人的人。看我與他略戰三合。張飛出馬來。

〔正末云〕這匹夫敢來與某拒敵也。三軍操鼓來。〔戰科〕〔唱〕

〔調笑令〕頗奈這匹夫。這厮他敢敵吾呀。我這裡躍馬橫鎗出陣去。〔淨于覆云〕八十歲老兒做強盜。我則這等也要死哩。〔正末唱〕這厮他未交鋒又早相遮護。我則道怎生般武藝滑熟。若中我鎗尖兒。管教他一命殂。〔淨于覆云〕這事不中了。三十六計走爲上計。也不歸本陣。打着坐下馬。我先家去也。〔做敗科〕〔下〕〔正末唱〕則見他蕩征驍身恐遭誅。〔關末云〕兀那周瑜有何名將出馬。與吾交戰來。〔周瑜云〕我與你決戰三合。〔正末云〕哥也。俺衆將一齊臨陣。殺這匹夫者。〔衆戰科〕〔唱〕

〔禿厮兒〕張翼德如狼似虎。周公瑾定計鋪謀。則見俺雲長觀的來有若無。馬孟起掣鋸鋸。都要斬周瑜。

〔聖藥王〕則我這丈八矛無面目。斟量的真準刺周瑜。〔周瑜閃科〕〔云〕張飛刺將來也。某若不放過鎗去。必被這大眼漢刺中我也。〔正末唱〕則見他閃過去。把鎗放出。說的江東軍將五魂無。〔周瑜云〕我兵勢敗。不敢取勝。衆將跟某殺出陣去逃命。走走走。〔領衆將下〕〔正末唱〕則見他逃性命各奔途。〔關末云〕周瑜敵不住俺。領兵敗走了也。三兄弟。俺往西蜀

赴宴去來。〔正末云〕哥也。周瑜那匹夫不走了呵。〔唱〕

〔尾聲〕我就在兩陣間決把那廝生擒住。索綁繩纏匹夫。我直東吳國盡屬劉。小可的孫權做不的主。〔同衆下〕

第四折

〔劉末同諸葛卒子上〕〔劉末云〕某劉玄德是也。今日是冬至令節。軍師與衆將欲行慶賀之禮。軍師怎麼不見二公子雲長與張飛來到也。〔諸葛云〕主公。今日是一陽令節。貧道啓過主公。遣三將軍張飛同馬超往荊州。請命二公子雲長去了。未見回還。衆將在此。則等二公子與三將軍同馬超來到。就行慶賀之禮。〔劉末云〕軍師排下筵宴。等雲長與張飛馬超來到。方可行盞。〔諸葛云〕貧道理會的。左右一壁廂排下筵宴者。〔卒子云〕理會的。〔諸葛云〕雲長與張飛馬超。這早晚敢待來也。〔正末同關末引周倉馬超校刀手上〕〔正末云〕哥也。離西川不遠也。俺行動些。見主公去來。〔關末云〕三兄弟。若不是周瑜兵阻呵。俺見主公多時也。今日正是冬至令節。則怕軍師等候。須索赴宴去來。〔正末唱〕

〔雙調新水令〕今日箇仲冬天氣一陽生。我可便善調和宰臣德政。陰陽無反覆。造化有均平。託賴着聖主仁明。登龍位得安靜。〔關末云〕可早來到也。左右報復去。

道某同張飛馬超來了也。〔卒子云〕理會的。〔做報科〕〔云〕「喏。報的元帥得知。有二公子同張飛馬超來了也。」〔劉末云〕「道有請。」〔卒子云〕「理會的。有請。」〔正末同關末馬超做見科〕〔正末云〕「主公。張飛奉軍師將令。與馬超前往荊州。請俺二哥回來了也。」〔關末拜科〕〔云〕「關某奉主公之命。撫鎮荊州。常思主公。未敢擅離汛地。今蒙軍師將令。取某臨朝。與主公相會一面。臣有不勝之喜也。」〔劉末云〕「二兄弟。某有心待着您在此。俺弟兄每相會一處。況荊州之地。無人保守。今遇冬至。令節。軍師與衆將欲行慶賀之禮。某想來自得西蜀。民心歸伏。各安其業。某思您衆將之功。汗馬之勞。故命軍師設一筵宴。名曰太平宴。宴享您這有功之臣。俺共樂昇平之世也。」〔正末云〕「主公。今日得了西川。非俺衆將之能也。」〔唱〕

〔喬牌兒〕上託着宗廟靈。下賴着主人聖。〔諸葛云〕「貧道未出茅廬。算九九三分已定也。」〔正末唱〕「俺軍師在茅廬。先把江山定。今日箇取西蜀帝業興。」〔諸葛云〕「住住住。三將軍。貧道觀您三人面上。俱有征戰之氣。可在那裡每遇着敵軍來。」〔關末云〕「軍師。你是強也。某與三兄弟並馬超。行至半途。不想周瑜領兵截殺。要奪取荊州之地。俺與他大戰了一場。」〔劉末云〕「三兄弟。有江東周瑜。因何領兵截殺您也。」〔正末云〕「主公不知。周瑜聞知俺二哥前往西川來。那厮乘此機會。領兵截殺。欲要復取荊州。被俺二哥與馬超張飛。則一陣殺的他喪膽亡魂也。」〔唱〕

〔鴈兒落〕俺這壁交鋒準備着贏。他那壁出戰安排着勝。不是這張飛武藝強。殺的他首將忙逃命。〔諸葛云〕三將軍。周瑜如何勝的你三人也。〔正末唱〕

〔得勝令〕呀。指望待一鼓取州城。因此上奮怒統雄兵。周瑜見勢敗也親臨陣。建功勳相併箇贏。〔云〕周瑜被某一鎗。〔唱〕險送了殘生。縱馬登途逕。將往日聲名。史書中怎讚稱。〔劉末云〕小子周瑜枉用了心機。此一場惹天下英雄恥笑也。〔諸葛云〕主公衆

將在此筵宴擺設停當也。着衆將先行慶賀。然後宴享。〔劉末云〕任軍師主意也。〔諸葛云〕您衆將望主公行禮慶賀者。〔正末云〕理會的。〔正末同衆將做行禮科〕〔正末唱〕

〔落梅風〕一壁廂鈞天樂奏九成。〔諸葛云〕一壁廂動樂。一壁廂行酒。慶賀冬至節令也。

〔正末唱〕遇新冬理合當慶。百司官趨侍祝聖明。保江山萬年昌盛。〔劉末云〕您衆

將慶賀已畢。軍師行盞着衆將依次序而坐者。〔諸葛云〕理會的。將酒來。此一盃酒。主公飲過。然後賜衆將飲。〔做遞酒科〕〔衆將做跪科〕〔劉末云〕您的呵。某先飲過者。〔劉末飲酒科了〕〔云〕將酒來。這一盃酒。軍師飲過。然後着衆將飲。〔諸葛云〕上命所賜。臣下焉敢固辭。貧道飲。〔飲科了〕〔云〕將酒來。此一盃酒。先從二公子雲長來。〔關末云〕主公。關某飲酒也。〔飲科〕〔諸葛云〕將酒來。此一盃酒。可是三將軍飲過者。〔正末接酒科〕〔云〕軍師。今日冬至令節。太平時序。俺君

臣理當慶賀也〔唱〕

〔殿前歡〕俺今日箇賀昇平。託賴着當今天子重羣英。感功臣勞苦忘生命。今日箇宴享非輕。〔劉末云〕軍師着衆將都飲一盃。務要盡醉而歸者。〔諸葛云〕理會的。您衆將都飲一盃。主公的命。務要沉醉而歸也。〔衆將做飲酒科〕〔正末唱〕主公你便掌西蜀錦繡城。將百姓皆安靜。從今後無士馬干戈定。保護的江山永固。社稷長興。〔關末云〕筵宴已畢。某辭別了主公。回荊州去。〔劉末云〕二兄弟。你不必往荊州去也。某留你在此西蜀。俺弟兄每常常相守者。〔諸葛云〕主公如留二公子在此西蜀。荊州必歸於江東也。〔劉末云〕既然如此。二兄弟。你還歸荊州去者。〔關末云〕理會的。〔諸葛云〕筵宴已畢也。主公在此。您衆將近前。聽貧道將令。感明主聖德寬仁。掌西川撫恤黎民。時逢着冬至令節。行慶賀朝會明君。不負您君臣勞苦。排筵宴犒賞羣臣。念雲長當時結義。勝五服骨肉之親。遇張飛馬超宣命。路逢着大勢吳軍。與周瑜交鋒廝殺。談笑間取勝如神。至西蜀君臣相會。賜宴享共飲金樽。慶新令筵宴已畢。臣不勝感戴天恩。則要您衆英雄赤心輔佐。捨性命建立功勳。都着您享榮華封妻廕子。坐都堂列鼎重裯。保護着千千年江山社稷。扶持着萬萬載錦繡乾坤。

題目 感功臣勞苦定西川

正名

慶冬至共享太平宴

太平宴穿關

頭折

諸葛掩雲冠 雲鶴道袍 三髯髯 羽扇 卒子紅碗子盔 青布釘 劍 黃忠鳳翅盔 蟒衣曳撒 袍 項

蒼趙雲 三山帽 蟒衣曳撒 帶 帶劍 項帕 馬超獅磕腦盔 蟒衣曳撒 帶 帶劍 紅髯 飛搥

劉封皮盔 膝欄曳撒 掩心甲 劍 簡雍 多簷帽 膝欄曳撒 帶 帶劍 項帕 鞏固糜竺 糜

芳鳳翅盔 膝欄曳撒 帶 帶劍 項帕 正末姜維 多簷帽 蟒衣曳撒 帶 帶劍 三髯髯

第二折

劉備兔兒角幘頭 補子 卒子 前關末 滲青巾 蟒衣曳撒 紅袍 項帕 關平 三山帽

曳撒帶 帶劍 三髯髯 關興 同前 周倉 四縫笠子盔 錦襖 皂袍 項帕 如意裙

卒子同前 正末 張飛 包巾 蟒衣曳撒 皂袍 項帕 馬超 同前 劉德然 包巾 膝欄曳撒

帶劍 三髯髯 范羌同前 劉瑜 同前 甘寧 同前 卒子 同前 于覆 同前

第三折

周瑜于覆甘寧卒子同前正末關末衆將同前

躍馬兒

躍馬兒

第四折

劉備諸葛卒子同前正末關末周倉馬超校刀手同前

乙卯孟秋六之日校內本清常

黃眉翁賜福上延年

閔名

頭折

〔冲末扮楊景領卒子上〕〔云〕竭力忠心輔宋朝。英名冠世鎮邊遼。臨軍苦戰三千陣。坐享三關旺氣高。某姓楊名景字彥朗。祖居河東人氏。祖公公火山令公楊滾。父親是金刀楊繼業。母親乃佘氏夫人。所生俺弟兄七人。乃是平定光輝昭朗嗣。佐於大宋以來。累有汗馬之勞。今謝聖人可憐。封某爲六使招討太原侯。天下兵馬大元帥之職。某深通呂望之機。善曉黃公之法。有安邦濟世之功。補完天地之手。帳前列二十四將。乃是岳勝焦贊孟良張蓋楊清索欽關津關伯劉朝解用姜廉孟得封廣封海。党千党萬岳弘焦順陳林柴敢郎千郎萬金龍金虎。人人好鬪偏爭。箇箇施威奮勇。聖人的命。令某鎮守於瓦橋等三關。保守邊疆一帶。東京有老母在堂。數載未曾得見。今因老母壽誕將近。某今要往東京。與老母上壽。走一遭去。爭奈未敢擅離汛地。等衆來時。做箇商議。左右轅門首望者。若衆將來時。報復某知道。〔卒子云〕理會的。〔岳勝焦贊張蓋關津上〕〔岳勝云〕鐵甲光輝納襖新。盔纓飄火戰煙塵。馬騎北海鬻犇獸。槍似南山巨蟒吞。某乃岳勝是也。此三位將軍。乃是焦贊張蓋關津。俺是這楊元帥手下二十四指揮。因俺衆將驍勇無敵。慣會

征戰。累與遼兵交鋒。並不曾着箭翎毛相抹。今日元帥陞帳。俺須索赴帳下走一遭去。〔焦贊云〕岳勝想俺衆將。在於三關。累累交鋒。無不取勝。皆是元帥之能。今日元帥陞帳。俺須索見元帥走一遭去。可早來到也。小校報復去。道有岳勝等四將來了也。〔卒子云〕理會的。〔做報科〕〔云〕喏。報的元帥得知。有岳勝等四將來了也。〔楊景云〕着他過來。〔卒子云〕理會的。過來。〔四將做見科〕〔楊景云〕岳勝。您四將來了也。且一壁有者。〔關伯劉朝解用楊清上〕〔關伯云〕對陣全憑武藝強。臨軍跨馬敢當先。殺絕遼寇聞吾怕。久鎮邊關姓字香。某乃關伯是也。此三位將軍。乃是劉朝解用楊清。俺是這楊元帥手下二十四指揮。自佐元帥麾下。累有汗馬之勞。建功於三關之上。今日元帥陞帳。須索見元帥走一遭去。〔劉朝云〕關伯。俺二十四指揮。皆是英傑之士。況兼元帥用兵如神。觀遼寇有何罕哉。可早來到轅門首也。小校報復去。道有關伯劉朝解用楊清來了也。〔卒子云〕理會的。〔報科〕〔云〕喏。報的元帥得知。有關伯等四將來了也。〔楊景云〕着他過來。〔卒子云〕理會的。過去。〔四將做見科〕〔楊景云〕關伯。您四將來了也。且一壁有者。〔孟德封海姜廉岳弘上〕〔孟德云〕甲掛九秋霜花練。袍披十樣錦裝成。弓彎北海初生月。箭插遙天數點星。某乃孟德是也。此三位將軍。乃是封海姜廉岳弘。因俺衆將。久鎮三關。敵殺遼兵。累累建功。今日元帥陞帳。須索走一遭去。〔封海云〕孟德。想俺家將。勦殺遼寇。皆有大功。今蒙雨露之恩。盡爲

指揮之職。說話中間。可早來到也。小校報復去。道有孟德等四將來了也。〔卒子云〕理會的。〔做報科〕〔云〕喏。報的元帥得知。有孟德等四將來了也。〔楊景云〕着他過來。〔卒子云〕理會的。過去。〔四將做見科〕〔楊景云〕孟德。您四將來了也。且一壁有者。〔党萬党千焦順索欽上〕〔党萬云〕運籌決勝用心機。遇戰須憑武略齊。生擒虎將如兒戲。立斬番兵得勝回。某乃党萬是也。此三位將軍。乃是党千焦順索欽。今因楊元帥統領俺衆將。鎮守於邊庭。建立功勳。勿知其數。今日元帥陞帳。必有甚事商議。俺見元帥去來。可早來到也。小校報復去。道有党萬等四將來了也。〔卒子云〕理會的。〔做報科〕〔云〕喏。報的元帥得知。有党萬等四將來了也。〔楊景云〕着他過來。〔卒子云〕理會的。過去。〔四將做見科〕〔楊景云〕党萬。您四將來了也。且一壁有者。〔陳林柴敢郎千郎萬上〕〔陳林云〕久鎮邊方建立功。殺絕遼將受官封。相持敢向軍前戰。方顯雄威報國忠。某乃陳林是也。此三位將軍。乃是柴敢郎千郎萬。想俺衆將。多有功勳。今日元帥陞帳。須索赴帳下走一遭去。〔柴敢云〕陳林。俺衆將坐享三品之職。將何補報朝廷也。今日元帥陞帳。須索走一遭去。可早來到也。小校報復去。道有陳林等四將來了也。〔卒子云〕理會的。〔做報科〕〔云〕喏。報的元帥得知。有陳林等四將來了也。〔楊景云〕着他過來。〔卒子云〕理會的。着過去。〔四將見科〕〔楊景云〕陳林。您四將來了也。且一壁有者。〔正末扮孟良同金龍金虎封廣上〕〔正末云〕

某乃孟良是也。此三位將軍。乃是金龍金虎封廣。自佐於楊元帥麾下爲將。累有大功。殺遼兵不敢侵犯邊界。今日箇元帥陞帳。須索帳下見元帥。走一遭去。〔金龍云〕孟將軍。俺衆將在此三關。多蒙元帥寬恩。將何報答也。〔正末云〕金龍。想俺元帥乃仁義之人。豈望你我報答也呵。〔唱〕

〔仙呂點絳脣〕俺元帥仁義英豪。胸懷廊廟。若論着驅軍校。智略偏高。內有其
中奧。

〔混江龍〕憑着他五陵年少。會英雄帳下列兵刀。俺一箇箇身如猛虎。馬似奔蛟。若論着出陣排兵。能對壘。相持慣戰逞雄驍。整戈甲。其實妙。受了他恩多意廣。則索要竭力相交。〔云〕可早來到也。小校報復去。道有孟良等四將來了也。〔卒子云〕理會的。〔報科〕〔云〕喏。報的元帥得知。有孟良等四將來了也。〔楊景云〕着他過來。〔卒子云〕理會的。過去。〔正末同三將做見科〕〔楊景云〕孟良。您衆將都來了也。某今有一事。與你商議也。〔正末云〕元帥有何事也。〔楊景云〕孟良。怕你不知。某自來到這三關。今經數載。未曾得回。今有佘太君老母壽誕之日。某欲要奏知聖人。要往東京。與老母親上壽。走一遭去。不知您衆將意下如何。〔正末云〕元帥。既是老母壽誕。要上東京參拜老母去。須索先令一人奏知了聖人。然後元帥纔敢離三關。若不如此呵。誰敢擅離汛地也。〔唱〕

〔油葫蘆〕見如今老母居堂壽數高。將軍你便當奉老。〔楊景云〕衆位將軍。想俺爲人子者。當以孝敬父母。爭奈遼兵不時的侵犯邊境。累累交鋒不定也。〔正末唱〕則因這三關鎮守見功勞。〔楊景云〕兄弟。俺如今盡忠不能盡孝也。〔正末唱〕你正是於家爲國行忠孝。却忘了哀哀父母恩難報。〔楊景云〕孟良。某今晝夜思想老母。未能得見。趁着老母壽誕之日。奏知聖人。方得回家也。〔正末唱〕將軍你便晝夜思朝暮想。則因這軍情事緊難得到。〔楊景云〕想俺爲將者。鎮守邊庭。不敢擅離汛地。可怎生得還家看母親去也。〔正末唱〕你須索啓奏聖明朝。〔楊景云〕衆將。某今這一奏知聖人。未知准與不准。倘有些違礙呵。可怎了也。〔正末唱〕

〔天下樂〕你這般意轉尋思怎的好。這裏面量也波度。須索要咱計較。〔楊景云〕某寫一通表文。差人進到汴京。奏知了聖人。若准呵。纔敢歸家探母也。〔正末唱〕若是這有天恩降臨准去了。拜酬罷老母恩。必將這忠孝表。早則不上邊庭起戰討。〔岳勝云〕住住住。元帥此一件事。須要商議的停當。不爭你到東京去。爭奈王樞密與元帥不睦。則怕此人生嫉妬。傷害元帥麼。〔正末云〕岳勝。你也說的是。豈不聞君子防不仁。王樞密是箇奸讒的人。有嫉妬可怎了也。〔正末唱〕

〔那吒令〕請將軍心內思。要做箇計較。請將軍且停住。用英雄去報。王樞密奸
讒心。把將軍算了。〔楊景云〕兄弟。爭奈俺宋朝用王樞密爲相。某如今欲要與母上壽去。則怕
奸讒損害俺忠良也。〔正末唱〕那奸讒嫉妬多。則待要傷忠孝。〔楊景云〕某是箇大量的人。
誰與他一般見識也。〔正末唱〕你雖是善與人交。〔焦贊云〕元帥此一去。與老母上壽。須索要
商的停當也。〔正末唱〕

〔鵲踏枝〕請將軍莫心焦。須索要細評跋。雖然是爲母慇懃。孝力當勞。〔楊景云〕
兄弟。豈不聞孝當竭力。克敬無違也。〔正末唱〕人之本是忠誠孝道。須不是怕謀害倖僥。
〔楊景云〕您衆將可也說的是。如今朝中。見有八大王主人與某爲主。王樞密雖然奸讒。須懼怕
八大王之威。決不敢傷害某也。〔正末云〕元帥。王樞密聽知的八大王的尊名。將他那三魂七魄。
唬的不知往那廂去了也。〔楊景云〕兄弟也。俺宋朝若無八大王。持金簡擊破奸心。仗忠義輔立
主上。俺楊家與同衆將。可倚靠何人也。〔正末唱〕

〔寄生草〕俺大王威儀大。把忠臣盡力保。則他那黃金簡上應難料。奸臣見了
心焦躁。時間打的天靈落。俺元帥孝當竭力報皇朝。因此上逢災遇難將他靠。
〔楊景云〕住住住。孟將軍。此一事全在你身上。你今替某先到東京。見了寇萊公大人。轉央浼他。

奏知聖人。說某思念老母。則到東京走一遭去。復上三關來。此事專等你回來。某方往東京去也。
〔正末云〕既是元帥命孟良往東京去。須索着金龍金虎封廣同去也。〔楊景云〕金龍金虎封廣。你三將同孟良往東京走一遭去。〔金龍云〕孟將軍。元帥將令。俺三將與你同往東京去來。〔正末唱〕

〔尾聲〕整行李赴東京。不索領軍校。又不比行兵戰討。須爲元戎見聖朝。〔楊景云〕四將。您此一去。則爲我母親壽誕之辰。某爲子者。欲報劬勞之禮也。〔正末唱〕因太君壽誕年高。欲上壽顯劬勞。大宛萊公奏准皇朝。保舉元戎離瓦橋。〔楊景云〕將軍若到京師。先見寇準大人。將我的孝意。訴表一遍也。〔正末唱〕把恭勤盡表。見尊親顏貌。將你那數年別。一旦路途遙。〔同三將下〕〔岳勝云〕元帥。孟良金龍金虎封廣往東京去了也。〔楊景云〕既是這等。衆將無甚事。且回本帳中去。等孟良回來時。再做箇商議。〔焦贊云〕既是這等。俺衆將且歸帳下去來。三關將久住邊方。盡忠孝報國非常。楊元帥赤心輔宋。爲萱親啓奏朝綱。〔衆下〕〔楊景云〕衆將各歸帳下去了。某今無甚事。且歸後帳中去來。想老母壽誕年高。差手將啓奏天朝。等命下便索前去。往私宅酬拜劬勞。〔下〕

第二折

〔外扮寇萊公領淨祇候上〕〔寇萊公云〕承恩沐寵列丹墀。職任三公顯姓題。封妻廕子身榮貴。要表胸中社稷機。老夫姓寇名準字平仲。幼習儒業。博覽古今。八歲吟華山之詩。後一舉登科狀元及第。大拜決策成灋淵之功。鎮大名府之地。久守無虞。老夫掌北門之鎖鑰。老夫行事。外奢內儉。寢處一青幃。今經二十年。老夫被奸佞所害。曾貶於雷州。所遇神祠。折竹一枝。插於祠前。對神訴願。準若不負朝廷。此枯竹再生。後果應其言。其竹乃成林。謝聖人可憐。老夫復取入朝。官封萊國公之職。今有楊郡馬。奉聖人的命。鎮守於三關界口。與王樞密不睦。多虧八大王主人可憐。與此人爲主。使王樞密不能所害。三關一帶。若不是楊郡馬鎮守。東京之地。甚被遼兵所侵。老夫隨朝以回。無甚事在此閑坐。祇候人門首望者。看有甚麼人來。〔祇候云〕老官兒。小人知道。等我望者。看有甚麼人來。〔正末同金龍金虎封廣上〕〔正末云〕三位將軍。俺自離了三關。來到東京城中。看了這一路上百姓。委實的豐富也。〔金龍云〕孟將軍。百姓每這等豐富。皆是聖人有感。因此上蠶麥收成也。〔正末云〕金龍。正是這等說也呵。〔唱〕

〔南呂一枝花〕你看那天晴雲氣清。曉日光輝蕩。家家堆米麥。處處儼餘糧。風景非常。盛世人歡暢。雍熙民事忙。感吾皇聖德寬仁。蒙天地洪垂瑞祥。

〔梁州〕嘉禾廣年豐歲稔。稻田多國泰民康。有賢臣宰輔忠良將。他每調和鼎

鼎。變理陰陽。行忠清政。扶立朝綱。致中和萬國來降。定華夷四海封疆。見如今
醴泉湧。味美甘甜。麒麟現。仁獸更廣。鳳凰垂儀。降禎祥。禹湯聖皇。邊廷上重俺
這英雄將。萬萬載皇基旺。天下黔黎祝上蒼。齊賀堯光。〔云〕俺來到這東京城裏也。
則這箇便是寇萊公大人家。〔做見祇候科〕〔云〕哥哥。這箇是寇萊公大人家麼。〔祇候云〕則這
箇便是寇老兒家。你問他有甚麼屁放。〔正末云〕俺是三關楊六郎大人差將來的。見大人有說
的話。你報復一聲去。〔祇候云〕你是好漢楊六兒差來的。等我報復去。〔做報科〕〔云〕報的大人
得知。門首有三關楊郡馬大人差來的四箇好漢。來見大人。有說的話。〔寇萊公云〕既是楊郡馬
差來的。着他過來。〔祇候云〕理會的。過去。〔正末同三將做見科〕〔正末云〕大人請坐。受孟良四
拜者。〔衆將做拜科〕〔寇萊公云〕呀呀呀。將軍免禮。一路上鞍馬勞神。如何又施禮。四位將軍姓
甚名誰。此一來有何事也。〔祇候做施禮科〕〔云〕四位將軍。學生支揖哩。〔正末云〕某乃孟良。此
三位將軍。乃是金龍金虎封廣。俺四將奉元帥的將令。因爲余太君壽誕。令俺四將來見大人。有
事干瀆也。〔唱〕

〔隔尾〕俺可也遠離邊塞。臨京望。親見萊公姓字香。則俺那郡馬相差慣征將。
爲萱親壽康。告大人主張。〔寇萊公云〕再無甚麼事也。〔正末唱〕專爲這上壽的慇懃。

報恩養。〔祇候云〕我說楊郡馬大人的母親壽誕。着來與俺說。莫非着俺大人與他遞手帕。他正是那穀道下割股。孝順在那裡。〔寇萊公云〕孟將軍。楊郡馬命爾來。莫非央我奏聖人知道。與他母親上壽麼。〔正末云〕大人。俺元帥命俺四將來。央俺老大人。怎生啓奏聖人。要親下三關。與他老母上壽。以盡人子之心。不知大人意下如何也。〔唱〕

〔牧羊關〕思老母恩臨大。在三關朝暮想。不能戲綵在高堂。〔寇萊公云〕楊郡馬在三關。有甚麼話說。〔正末唱〕每日家臥雪眠霜。常則臨軍對當。〔寇萊公云〕楊郡馬清名朝裏可也盡知也。〔正末唱〕立忠節標青史。有聲名在朝綱。蒙聖主天恩大。因此上統貔貅在遠方。〔祇候云〕我說孟將軍。則說楊郡馬是好漢。曾把太行山扳倒了。便算他是箇好漢。〔寇萊公云〕孟將軍。原來楊郡馬要下三關。來與他母親上壽。着老夫奏知聖人。盡他孝子之情。猶恐王樞密與他爲害。似這等。楊郡馬真乃忠孝雙全也。〔正末云〕若論着俺元帥。於國爲家。委實是忠孝兩全也。〔唱〕

〔罵玉郎〕於家爲國忠良將。端的是忠與孝兩全雙。家傳豪氣三千丈。若論他鎮遠方。安塞疆。委實的人皆望。

〔感皇恩〕呀。他則是朝暮思量。〔寇萊公云〕楊郡馬可思量此甚麼。〔正末唱〕則爲他年

老的萱堂。不能穀奉晨昏。問寒暖。奉茶湯。他將那大人苦央。則要你轉奏仁皇。暫時離邊上。來汴京入王鄉。〔寇萊公云〕你回去。說與楊郡馬。道老夫明日便奏知聖人。着他下三關。來與他老母上壽也。〔正末唱〕

〔採茶歌〕大人你到朝綱。見君王。親身啓奏表衷腸。此意如同天樣仰。恩情至老不相忘。〔寇萊公云〕孟將軍。你四人不必在此久住。星夜便上三關。說與楊郡馬。道老夫奏知了聖人。着他便下三關來。如有事老夫一面承當也。〔正末云〕既是這等。金龍金虎封廣。俺辭別大人。便上三關。回報元帥去來。〔唱〕

〔尾聲〕把心中正事從頭上。訴與三關楊六郎。直教我便赴京華將母親望。顯忠良志昂。表丹誠在堂。這的是自古英雄衆人獎。〔同下〕〔寇萊公云〕老夫明日奏知聖人。着郡馬親下三關。與他的母親上壽。表他忠孝兩全也。楊郡馬久鎮邊方。他老母見在高堂。央小官入朝啓奏。須教他拜壽誕衣錦還鄉。〔同下〕

楔子

〔楊景同衆將領卒子上〕〔楊景云〕晝夜思量老母親。先差四將到東京。達知寇準行吾孝。進表陳情奏聖明。某乃楊景是也。今因母親壽誕之日。某遣孟良前往東京。央浼寇萊公。奏知聖人。某

欲往東京拜賀母親去。先使孟良去了。不見回還。此事未知若何。小校門首覷者。若來時報復某知道。〔卒子云〕理會的。〔正末同金龍金虎封廣上〕〔正末云〕某乃孟良是也。奉元帥將令。差某往東京回還。須索見大人。走一遭去。可早來到也。小校報復去。道有孟良等回來了也。〔卒子云〕理會的。〔做報科〕〔云〕喏。報的大人得知。有孟良等四將回來了也。〔楊景云〕着他過來。〔卒子云〕理會的。過去。〔正末同三將見科〕〔正末云〕元帥。孟良回了也。〔楊景云〕孟良。其事若何。〔正末云〕孟良依大人的將令。見了寇萊公。說知此事。寇萊公並無疑滯。就奏知了聖人。着大人下三關。與太君老母上壽去也。〔楊景云〕既然寇萊公奏知聖人。着某與母親上壽去。孟良。您衆將謹守三關。某則今日與張蓋陳林柴敢楊清往東京。與老母上壽。走一遭去。想母親罔極深恩。幼年時教養成人。今日箇掌軍權腰金衣紫。赴東京拜賀萱親。〔同下〕〔正末云〕大人去了也。俺衆將緊守三關。勿得疎慢也。〔岳勝云〕孟將軍。今日郡馬大人不在三軍。俺衆將須當謹慎也。〔正末云〕正是這等也。〔唱〕

〔賞花時〕俺則是緊守三關邊塞境。直待的郡馬哥哥回帝京。俺則可無明夜備賊兵。休違了無情的這將令。〔焦贊云〕郡馬大人。爲太君老夫人壽誕。直奏知聖人也。〔正末唱〕今日箇忠與孝。可兀的動朝廷。〔衆同下〕

第三折

〔余太君領八嫂九妹上〕〔太君云〕憶昔當年老令公。忘生捨死盡其忠。今朝身死黃泉下。芳名萬古播清風。老身余太君是也。夫主乃金刀教手楊令公。與老身所生七子二女。其七子者。乃是平定光輝昭朗嗣。七子之內。止有五郎六郎。那五箇孩兒與父盡皆陣亡。如今五郎孩兒。見在五臺山削髮爲僧。六郎孩兒。奉聖人的命。着他鎮守瓦橋等三關。媳婦兒都皆安樂。每日奉侍甘旨。今日是老身生辰之日。聞知楊景孩兒。自來東京。與老身上壽。必然有聖人的命。我今先着都管安排下酒餞。等待六郎孩兒。唐禹那裡。〔淨扮都管上〕〔云〕管家有甚好。所事問我討。少了着我陪。這苦那箇曉。自家都管唐禹的便是。平生所好。則要落鈔。雖不做賊。勝似強盜。正在房裏偷嘴。喫。老夫人呼喚。須索走一遭去。可早來到也。〔都管見科〕〔云〕老夫人呼喚唐禹。那廂使用。〔太君云〕唐禹。喚你來別無甚事。今日是老身生辰之日。聞知六郎孩兒。親上東京。來與老身慶賀壽辰。你如今臥番羊安排筵宴。等待孩兒來也。〔都管背云〕又是一頭買賣來了。老夫人。如今上司官買品物果子牛羊雞鵝魚菜等物。所事都貴了。十分買辦難。〔太君云〕都管。多使些錢物便了也。〔都管云〕正是這等說。排着一萬五千。一伯五十五兩五錢五分五釐五毫銀子便殺了。〔太君云〕都管。怎麼這等零零碎碎的。〔都管云〕老夫人。一了說不零不算帳。我又不落你的。

〔太君云〕任你買辦。疾去安排停當者。〔都管云〕不打緊。都在我身上。筵席安排停當了。則等郡馬大人來也。〔太君云〕都管。你門首覷者。若孩兒來時。報復我知道。〔都管云〕理會的。〔楊景同張蓋陳林柴敢楊清上〕〔楊景云〕孝心爲母離邊界。不辭迢遞到東京。某乃楊景是也。領着四將。離了三關。來到這東京也。衆將跟着某往私宅中去。可早來到也。兀的不是都管。〔都管見科〕〔云〕大人。你來了也。我正等哩。〔楊景云〕都管。你報復去。道有楊景與母親上壽來也。〔都管云〕我報知夫人去。〔做報科〕〔云〕報的夫人得知。今有郡馬大人與老夫人上壽來了也。〔太君云〕孩兒真箇來了也。着他過來。〔都管云〕理會的。過去。〔楊景同四將做見科〕〔楊景云〕今日是母親壽誕之日。您孩兒領四將領親離三關。特來上壽。拜母親幾拜。表楊景孝道之心也。〔衆拜科〕〔太君云〕孩兒老身生日不打緊。你鎮守三關。不可擅離汛地也。〔楊景云〕今日是母親壽誕之日。不敢私下三關。命孟良史淹寇萊公。奏知了聖人。您孩兒纔敢入東京。來拜見母親也。〔太君云〕這等呵可矣。都管安排上筵席來者。〔都管云〕理會的。〔做擺果卓科〕〔云〕筵席都安排的停當了也。〔楊景云〕都管將酒來。我與老母遞一杯。〔都管云〕酒在此。〔楊景做遞酒同四將跪科〕〔云〕母親滿飲此杯。〔太君云〕楊景便理當。您四位將軍。索是辛苦也。〔柴敢云〕太君老母是郡馬大人的母親。便是俺四將的母親一般。理當如此。不須掛意也。〔太君做飲酒科〕〔云〕六

郎孩兒。着四位將軍都飲一杯者。〔楊景云〕理會的。〔都管云〕老夫人。怎麼則着四位將軍飲一杯。想都管費心勞力的。買辦安排都是我。我也喫一杯耍子。〔都管做斟酒飲科〕〔云〕壽酒乾。〔楊景云〕俺慢慢的飲酒。都管。你門首覷者。看有甚麼人來。〔都管云〕郡馬大人。你倒好人兒。支我出去。你娘兒們自在飲酒罷。我則當箇傻子。我門首看着。〔正末扮黃眉翁上〕〔云〕貧道黃眉翁是也。今因下方余太君生辰之日。其子楊景忠孝兩全。離了三關。與他母親祝延上壽。貧道離卻紫府天宮。與余太君增福延壽。走一遭去。但爲臣子。要行忠孝。必有神天加佑也呵。〔唱〕

〔中呂粉蝶兒〕我離了閬苑瑤池。片時間便臨凡世。爲臣子忠孝相宜。盡忠心捨性命。孝當竭力。天理無虧。享榮華子孫榮貴。

〔醉春風〕行孝人青史姓名香。盡忠志向麒麟圖像儀。似這等忠君孝父理之常。那箇不贊美。美。忠貫乾坤。孝傳四海。功垂萬世。〔云〕貧道來到這楊景家門首也。

〔做見科〕〔云〕稽首。〔都管云〕一箇老人家。有甚麼勾當。〔正末云〕貧道是一雲遊仙長。聞知太君生辰貴降之日。特來上壽也。〔都管云〕老仙長。你與俺太君上壽來。可難消也。你有甚麼上壽的禮物。〔正末云〕你報復去。貧道自有上壽的禮物。〔都管云〕我報復去。你可休要走了。〔都管做報科〕〔云〕報的老夫人得知。門首有一雲遊道士。特來與夫人上壽來。〔太君云〕既是一仙

長與老身上壽。道有請。〔都管云〕理會的。有請。〔正末做見科〕〔云〕稽首。〔楊景云〕老仙長姓甚名誰。仙鄉何處。因甚麼到此也。〔正末云〕爲因大人不辭勞苦。親離三關。拜賀萱親。貧道聞知此事。大人忠孝雙全。特與老夫人上壽來也。〔楊景云〕看這仙長頭如霜雪。面若童顏。必有些道行。我試再問他者。老仙長。你有何仙方妙術。保養的這等身輕體健也。〔正末唱〕

〔紅繡鞋〕保養就元陽真氣。我也曾數十年苦行修持。〔楊景云〕仙長願養喬松之貌。比世俗不同也。〔正末唱〕面如童年。少不能及。〔楊景云〕老仙長。你仙鄉何處也。〔正末唱〕我恰離了蓬萊境。獨自一箇下瑤池。特地來賀長生百歲期。〔都管云〕夫人。這仙長不是箇凡人。敢是土地老子一化麼。〔太君云〕兀那老仙長。你姓甚名誰。今年多大年紀也。〔正末云〕貧道乃黃眉翁是也。壽活九千歲有餘。〔都管云〕彭祖則活了八百歲。你到活了九千歲。隨你弄虛頭罷了。那裡查考去。〔太君云〕老仙長。你如何得這壽數來。你試說一遍者。〔正末唱〕〔滿庭芳〕我爲甚麼延年萬紀。須有箇神仙妙訣。怎肯道是泄漏了仙機。〔楊景云〕老仙長。將你那延壽的神術妙策。說與小官聽者。〔正末唱〕便尋常怎肯教人會。待着我細說端的。〔楊景云〕老仙長。你若無那神方妙訣。焉能如此高壽也。〔正末唱〕我則是採月華吞霞煉日。因此上得長生壽與天齊。參不透其中意。玄玄道理。便怎肯度愚癡。

〔都管云〕老仙長。你來與夫人慶賀生辰。有何禮物。祝延上壽也。〔正末做袖中取砌末科〕〔云〕老太君。貧道別無異品。將着這仙酒仙桃。與太君祝延上壽也。〔太君做接科〕〔云〕感蒙老仙長。將此仙物。與老身祝延上壽也。〔正末唱〕

〔上小樓〕表俺這仙家道。雖無異品。〔楊景云〕老仙長。這仙桃仙酒。有何奇異也。〔正末唱〕食了這仙酒仙桃。益壽延年。不老容儀。〔太君云〕老仙長。這仙物世間罕有也。〔正末唱〕仙物奇。塵世稀。其實的甘甜美味。〔都管云〕老仙長。這桃一箇銅錢買七八箇。擎到你手裏。有這許多話說。〔正末唱〕你試看仙桃不同凡類。〔太君云〕六郎孩兒。你將酒來。老身與老仙長遞一杯酒者。〔楊景云〕理會的。〔太君做遞酒科〕〔云〕老仙長滿飲此杯。〔正末云〕老太君先飲。〔唱〕

〔十二月〕老夫人低腰曲脊意慇懃。高捧着這金杯。則您這長生的壽酒。待着我沉醉而歸。並不辭將來便喫。感蒙母子徘徊。〔正末做飲酒科〕〔云〕將酒來。老夫人滿飲一杯壽酒者。〔太君接酒科〕〔云〕有勞仙長降臨於此也。〔正末唱〕

〔堯民歌〕呀。則爲您一家兒有忠有孝有陰騭。因此上感的神仙赴尊席。〔楊景云〕仙長高明遠見。想某忠心報帝主。孝敬悅萱堂。皆因是俺母親嚴教。勝如孟母之能也。〔正末

唱〕做兒的無偏無黨忒忠直。爲母的治家勤儉有操持。〔楊景云〕仙長。想俺祖輩爲將。盡忠報國。竭力於朝。纔得顯耀中華也。〔正末唱〕做兒的承襲輩輩享富貴。皆因是人意合天意。〔楊景云〕老仙長再飲一杯者。〔正末云〕筵宴已畢。貧道回去也。〔唱〕

〔尾聲〕駕祥雲入洞天。趁天風拂袖歸。觀漫漫弱水無尋覓。撚指過三千二百里。〔下〕〔楊景云〕老仙長去了也。筵席已畢。您兒不敢久停久住。拜辭了老母。須索回三關去也。

〔太君云〕六郎孩兒。此一別後。再幾時相見也。〔楊景云〕母親。楊景此一去。再幾時相見也。子母離別痛感傷。邊關無日不思鄉。忠君孝父人臣本。不能全孝奉萱堂。〔同下〕〔太君云〕六郎孩兒去了也。無甚事。回後堂中去來。念孩兒鞍馬驅馳。憶子母南北東西。鎮三關赤心扶宋。播清名萬古留題。〔同淨下〕

第四折

〔岳勝領衆將同卒子上〕〔岳勝云〕幼習兵書戰策通。孫吳韜略廣曾攻。安邦定國扶王業。馬到旗開顯姓名。某乃岳勝是也。今郡馬大人離卻三關。親往東京。與余太君上壽去了。未見回還。大人將令着俺衆將謹守三關。隄防遼兵犯界。今日孟良巡邊去了。還早晚敢待來也。〔正末扮孟良上〕〔云〕某乃孟良是也。巡邊無甚事回還。須索營中走一遭去。〔唱〕

〔雙調新水令〕這些時衆英雄。盔甲不離身。恐遼兵故來侵境。準備着相持決勝負。厮殺建功勳。每日家操演三軍。威遠寇把契丹鎮。〔云〕可早來到也。須索見衆將去來。〔做見科〕〔云〕今日孟良巡綽邊境。無事回還也。〔岳勝云〕今郡馬大人往東京與余太君祝延上壽去了。不見回還。莫非被王樞密所害了麼。〔正末云〕岳將軍。你言者差也。寇萊公奏知聖人。着郡馬大人與太君祝壽。王樞密那厮焉敢謀害也。〔唱〕

〔喬牌兒〕俺須是啓知了明聖君。他怎敢陷忠臣。害英俊。寇萊公焉肯無忠信。

〔焦贊云〕我料郡馬大人怎肯落在他彀中也。〔正末唱〕俺將軍的機謀。我道來難被損。

〔焦贊云〕既是這等。小校門首覷者。郡馬大人來時。報復我知道。〔卒子云〕理會的。〔楊景領四將上〕〔云〕孝感天心降大仙。見母生辰慶壽筵。昨日辭別登途路。今朝星夜到邊關。某乃楊景是也。與母親祝壽已回。須索回三關去。可早來到也。小校報與衆將。道某來了也。〔卒子云〕理會的。〔做報科〕〔云〕喏。報的衆位將軍得知。有郡馬大人來了也。〔岳勝云〕俺衆將接待大人去來。〔衆做接科〕〔岳勝云〕元帥鞍馬上勞神也。〔楊景云〕您衆將守邊關不易也。〔正末云〕元帥與太君老母祝延上壽。因何來遲也。〔楊景云〕孟良你不知。某於母親上壽。安排筵宴。慶賀生辰。偶遇一仙長。乃是黃眉翁。壽活九千歲。將着仙酒仙桃。與母親祝延上壽。必是箇好人也。〔正末云〕

因大人虔誠孝母。感的仙人故來祝壽也。〔唱〕

〔鴈兒落〕則爲那忠於仁聖君。奉母行孝順。感的那神仙祝壽來。這的是天理無私遜。〔楊景云〕爲臣者當盡其忠。爲子者當盡其孝也。〔正末唱〕

〔得勝令〕呀。盡忠呵報國建功勳。盡孝呵當可奉晨昏。今日箇聖主知忠孝。天加福祿臻。則您那兒孫一輩輩無生忿。榮顯家門。方表您忠臣得證本。〔楊景云〕

小校營門首覷者。有大小軍情事。便來報復某知道。〔卒子云〕理會的。〔寇萊公領淨扮祇候躍馬兒上〕〔寇萊公云〕老夫寇萊公是也。今因楊景親離三關。與他母親祝延上壽。老夫將此事奏知了聖人。聖人大喜。就着老夫至三關。與楊景加官賜賞。走一遭去。可早來到也。祇候人接了馬者。〔祇候云〕牢鑒。〔寇萊公云〕小校報與楊景知道。道有天朝使命至此也。〔卒子云〕理會的。報的元帥得知。今有天朝使命至此也。〔楊景云〕衆將跟某出營。接待使命去者。〔衆接科〕〔楊景云〕呀呀呀。小官有何德能。敢勞大人至此也。大人請。〔寇萊公云〕楊景老夫非私來。奉聖人的命。特來與您加官賜賞也。〔楊景云〕大人。量小官有何德能。敢蒙聖人加官賜賞也。〔寇萊公云〕楊郡馬。你不知。昨日老夫奏知聖人。言你不辭勞苦。遠涉三關。與母親祝延上壽。聖人大喜。知你忠孝雙全。久鎮邊關。威攝遼寇。遣差老夫。與您這三關衆將加官賜賞也。〔正末云〕有勞

大人鞍馬上驅馳也〔唱〕

〔沽美酒〕既爲臣當報恩。誰敢道避艱辛。大人你遠涉關山勞夢魂。俺也曾殺場上見陣。捨殘生立功勳。

〔太平令〕爲主將言行忠信。〔寇萊公云〕這三關上。則不楊景一人。多虧你衆將在此用心也。〔正末唱〕俺衆將英雄。不避慙慙。數十載遼兵遠鎮。殺敵兵何辭嶮峻。〔焦贊云〕孟良。若不是郡馬大人運籌帷幄。俺衆將豈能成功也。〔正末唱〕則爲他用兵取勝如神。馬到處平安州郡。〔寇萊公云〕楊景裝香來。您衆將望闕跪者。聽聖人封官賜賞。住三關久鎮邊庭。仗英雄威攝遼兵。惜軍士如同赤子。愛黎民有若親情。懷義膽扶持社稷。盡忠心輔佐朝廷。因老母生辰貴降。遣孟良央浼公卿。老夫將此事奏知明主。離三關堪盡孝情。聖人知心中大喜。命老夫千里途程。楊景加你爲鎮三關元帥。手下將都有陞榮。盡封爲兩京節度。廕妻子改換門庭。又解到金帛十萬。賞部下勞苦軍兵。今日箇封官賜賞。謝皇恩各表丹誠。

題目 楊郡馬赤心行忠孝

正名 黃眉翁賜福上延年

黃眉翁穿關

頭折

楊景

三山帽

玉色蟒衣

玉色袍

項帕

卒子

紅碗子盔

青布釘

岳勝

鳳翅盔

膝襪

項

帶帕

直纏

搭膊

焦贊

箭髮陀頭抹額

膝襪

皂袍

項

張蓋

關津

關伯

劉朝

項

解用楊清孟德封海姜廉岳弘党萬党千焦順柰欽陳林柴敢郎千郎萬

鳳翅

盔

膝襪

項帕

直纏

搭膊

正末

孟良

四縫笠子盔

錦襖

紅袍

項帕

如意裙

火葫蘆

金龍金虎封廣

鳳翅盔

膝襪

項帕

三髯髯

第二折

寇萊公

兔兒角幘頭

補子

祇從

紗包頭

青

正末

孟良

金龍

金虎

封廣

前

楔子

楊景衆將卒子

同

正末

孟良

金龍

金虎

封廣

前

第三折

余太君

場頭手帕 兒 膝襦裙

眉額 布襖

補子袍兒 鞋 拄杖

襖 八娘

花箍 裙兒 布襖

補子襖兒 鞋

都管 氈帽 衣 搭膊

青楊景

張蓋陳林柴敢楊清

同前

正末黃眉翁

散巾 繼兒 白髮 白髯 裙扇

邊欄道袍 執袋

白髮 白髯 裙扇

第四折

岳勝衆將卒子

同前

正末孟良楊景

四將 同前

寇萊公祗從

同前

躍馬兒

萬曆四十三年乙卯季春初九日校內本清常道人